


續修四庫全書

《續修四庫全書》編纂委員會編

續修四庫全書



上海古籍出版社

五〇七・史部・詔令奏議類

李文忠公奏稿八十卷（卷二十六至卷五十三）

〔清〕李鴻章撰

吳汝綸編

.....

—

264/07

李文忠公奏稿

卷之二十六目錄

- 會商滇案摺 光緒元年八月初六日
- 請飭薛煥幫辦滇案片 光緒元年八月初六日
- 恭辦 山陵大差摺 光緒元年八月二十二日
- 繳還 諭旨片 光緒元年八月二十二日
- 絲布仍復舊制片 光緒元年八月二十二日
- 疏濬文瀾各河請獎摺 光緒元年八月二十二日
- 張家口兵米請給全銀摺 光緒元年九月初一日
- 上海機器局報銷摺 光緒元年十月十九日
- 成船用款片 光緒元年十月十九日
- 大差應蠲租糧分別核辦摺 光緒元年十一月初三日
- 賑撫收支實數摺 光緒元年十一月初三日
- 湖白河工程請獎摺 光緒元年十一月初三日
- 津郡新城竣工摺 光緒元年十二月十八日
- 新城工程請獎片 光緒元年十二月十八日
- 近省續辦隄河各工摺 光緒元年十二月十八日
- 營員請給封典片 光緒元年十二月十八日

李文忠公奏稿卷二十六

全集一之二十六

桐城吳汝綸編錄

會商滇案摺 光緒元年八月初六日

奏為遵

旨與英國使臣威妥瑪會商據情籲懇

聖恩將前派出使英國及責問岑毓英等

諭旨酌量明發以釋其疑恭摺仰祈

聖鑒事竊七月二十九日午刻接奉二十八日

寄諭英國馬嘉理一案威妥瑪在津與李鴻章等晤面已有旨

派李鴻章丁日昌將此案與之商議該督等當悉心籌畫妥商定

議以顧大局等因欽此伏查英使威妥瑪自七月初二日由滬到

津與臣三次往復晤談旋遞交辦理滇案洋文節略當經先後詳

細函達總理衙門酌辦在案惟該使所要各條雖欲件件辦到而

於

諭旨發鈔一節爭之尤力該使本有即日回京之說適於二十九

日申刻來臣署辭行當告以業經奉

旨派郭嵩燾等出使英國該使似尚愜意惟以有無發鈔為詞仍

欲進京商議臣等遂將片奉

諭旨一道恭錄給與閱看留伊會商該使謂辦理外國交涉須專

視總理衙門為定準若將應辦事宜先與而論自無不可因訂於

三十日辰刻會議復將前遞節略七條逐層辨論並索看責問岑

毓英等

諭旨臣等又將所奉

寄諭敬謹節錄給與總理衙門隨後寄到照會該使底稿略同

仍告以已有

廷寄通行各省督撫自必中外皆知無疑慮該使總謂不肯發鈔為輕視該國並非真心和好之證據專為發鈔二字辨爭兩時之久且云若不發鈔

諭旨亦同虛文餘事可勿庸議臣等既奉

旨會商未便任其決裂且查同治九年法國天津一案曾有明發諭旨該使必挾此意以固求當允據情代為奏請但可否發鈔仍

非臣下所敢擅擬旋於八月初一二等日函商總理衙門去後威

安瑪忽於三十日申刻坐兵船開往煙臺初五日與該國水師提

督賴德回津專行知會謂該使現有微疾不克會晤旋據前稱已

調梅輝立日內到津該使擬仍赴京意頗快快想因梅輝立向總

理衙門商請發鈔未蒙允准又有不願在津商辦之意臣等竊思

馬嘉理一案已逾半年迄無頭緒該使與其朝廷催辦緊急固在

情理之中且疑中國上下不肯實心和好致有此等巨案臣等

經開導我

朝廷及內外各大臣絕無他意該使總不見信其所要求各件若

有礙

國體者雖絕交亦不可允若有關外交無傷

國體者似權宜尙可允行如

簡派使臣一節總理衙門照會各國雖將大英國盛為而明發

諭旨專以曉諭中國臣民自不必據為印發鈔後該使或有挑

剔必當據理剖辨無庸先與商明抑或變通字樣另擬

諭旨發鈔以前派出使英國大臣郭嵩燾作為正使許鈴身作為

副使似官階亦復相稱至前奉

寄諭責問岑毓英等辦理遲延難向無明發之例而

朝廷既經實意催辦似無妨宣布中外以示大公而服遠人此案

謂本在我值此時勢艱難不得不相機駕馭昨准總理衙門函稱

已告知梅輝立或由臣等設法奏請亦可茲觀威妥瑪意甚決絕

即再堅拒必即赴京爭鬧勢更難於轉圜可否仰懇

天恩將前次

諭旨二道酌量明發俾彼可釋疑而我亦不至失體如蒙

俞允該使無論在津赴京商辦他事當較順手似於大局有裨是

否有當請會同前江蘇巡撫臣丁日昌合詞繕摺由驛五百里具

陳伏乞

皇太后

皇上聖鑒訓示謹

奏

請飭薛煥幫辦滇案片 光緒元年八月初六日

再臣前聞滇邊馬嘉理一案牽涉職官在內英人耳目甚多心計最狡深恐不易辦結曾與臣兄李瀚章緘商以頭品頂戴前任工部侍郎薛煥籍隸四川敘州府與滇接壤現正養病家居該侍郎曩在江蘇藩臬任內值咸豐八年英法議約躬親其事存升蘇撫旋署江督皆兼通商大臣嗣後在總理衙門任事多年洋務最為熟悉於輕重緩急機宜歷練已久控馭有方請其奏調前往商辦昨接李瀚章覆函深以為然謂俟抵滇後再行酌辦頃接總理衙門鈔寄威妥瑪照會滇案詳細情節轉支離關係極為重大事勢尤為緊迫況以後邊界貿易恐難堅拒英既得聞而入法必援例而來須有明練條約章程者相機察度籌議為日正長要在大吏得人隨時設法補救可否請

奏稿二十六 四

旨敕下前侍郎薛煥就近赴滇幫同李瀚章商辦一切當更得力查天津前案經曾國藩丁日昌及臣等數人竭蹶經營幸而蕝事滇案視津案後患更多距京極遠非資助於策策力恐邊事未易就緒臣於同治初元蘇撫任內與薛煥共事年餘深知其人老練可靠今為滇案緊要就地擇人起見是否有當謹附片據實密陳伏乞 聖明采擇謹 奏

恭辦 山陵大差摺 光緒元年八月二十二日

奏為恭報奉辦

山陵大差事宜並 微臣定期起程仰祈

聖鑒事恭照本年九月十八日

皇上恭奉

慈安端裕康慶皇太后

慈禧端佑康頤皇太后躬送

穆宗毅皇帝

孝哲毅皇后梓宮奉移

山陵所有沿途

肅殿地盤及經山道路橋梁尖營基址及此外各項事宜均已飭

知司道分行各該地方官並遴委熟悉業務之員敬謹備辦昨據

奏稿二十六 五

委員隨同嚮導處勘定地盤橋道惟通州地而有因水窪略須改

道之處當飭承辦各官遵照即日興工前准軍機大臣字寄醇親

王奏請變通修道辦法欽奉

諭旨著酌度情形妥籌辦理現當禾稼未盡收穫仍著徧行曉諭

嚴飭地方官不得任意佔田疇藉端苛派等因即經籌度嚴飭

欽遵並出示徧行曉諭又疊次欽奉

上諭無庸另備御道及不准格外苛派擾累仰見我

皇太后

皇上軫念民艱優加體恤至意欽感同深現照道光三十年成案

將

梓宮道修寬三丈外加一丈四尺較之另備

御道丈尺減少而行走亦可展舒已令照式認真修墊務須堅平

乾潔不必積土太厚其各項差事向應借資民力者按照舊章酌酌時宜核實分派儼敢藉端格外苛累分別嚴參重辦並飭藩司孫觀於八月二十一日先行出省認真稽查督催期臻妥速擬俟洋務料理粗畢即於九月初二日起程順道入都趨叩
 闕廷跪聆
 聖訓再行出京查省布置一切敬謹隨扈伏候
 諭旨祇遵至藩司出省後臣省署日行公事已委臬司范梁代印代行其緊要事件仍封送臣行次核辦理合恭摺具陳伏乞
 皇太后
 皇上聖鑒謹
 奏

奏稿二十六

六

繳還 諭旨片 光緒元年八月二十二日
 再臣等於八月初六日曾將英國使臣威妥瑪在津商辦各節並該使擬仍赴京緣由專摺馳
 奏在案初七初八初九等日臣等復與威妥瑪輝立往來接晤仍堅持初議未敢遽有鬆勁該使執意進京婉留不可遂於初九日下午登舟北行臣等甫奉到初八日
 寄諭派員出使已明降諭旨應如何照會該使著妥為辦理等因欽此該使業經起程自不必照會當經函請總理衙門王大臣妥為籌議所有臣等前奉
 諭旨一道應仍繳還軍機處備查謹會同前江蘇巡撫臣丁日昌附片陳明伏乞
 聖鑒謹
 奏

奏稿二十六

七

絲布仍復舊制片 光緒元年八月二十二日

再准戶部咨擬定庫奏催直隸省辦解絲麻布疋等款當經行司
等辦茲據藩司孫觀詳稱絲麻布疋向係蘇浙等省辦解同治三
年部議杭州地方未靖蘇郡甫經收復奏改直省籌辦應用聲明
俟江南等省克復仍照向章由各該省辦解等因原屬一時通融
之舉並非沿以為例迄今十年之久直省已屢次竭力籌辦但本
地並無出產必須遠赴山東等處設法零星勻湊往往遷延時日
近因該處銷路不暢貨益短少價益昂貴而委員往來復增費用
殊不合算況直省本係缺額之區加以災欠頻仍糧賦蠲緩連年
恭辦

陵差司庫支絀實無可籌之款江浙肅清既久蠶織繁茂貨物已
充采辦甚易似值較省請復舊制等情具詳前來臣查此項常年
需用絲麻布疋已於同治十二年九月間奏請歸各該省辦解奉
硃批著照所請欽遵在案今戶部復令直省采辦惟地非出產事
非向章且值經費竭蹶之際無從另籌巨款自應復歸舊制仍由
蘇浙等省絲布豐收地方分飭辦解以免貽誤謹遵前奉
批旨仰懇

天恩俯准敕部仍照同治三年原議辦理理合附片具陳伏乞
聖鑒訓示謹
奏

疏濬文瀾各河請獎摺 光緒元年八月二十二日

奏為勸捐挑濬文安等縣勝芳河道疏通霸保上游各河尾閘現
已工竣並將尤為出力員紳請獎恭摺仰祈
聖鑒事竊臣前將霸州文安境內中亭河籌款派員挑濬俾南減
霸保等處大清河之水上游瀉僧河旁洩牝牛河之水並修築隄
埝以衛田廬各該境已獲隄河之益惟下游文安勝芳村東南一
帶本係淀泊巨浸水勢寬緩盛漲未能直捷歸壩沿淀村莊頻遭
災患因查勝芳之東齊家河頭起經大城縣霸州至靜海縣之楊
芬港有舊河一道本為通津達海要區久已淤成平地當飭原挑
中亭河之委員候選知府史克寬與文安縣知縣丁符九督同紳
董勘籌辦法惟需費甚鉅無款可籌經該員等勸據紳商均願集
資興作以工代賑計舊河長四十里裁濬取直合長五千二百餘

丈定為首尾挑口寬十一丈其餘口寬七丈底寬三丈四尺至三
丈八尺河頭地勢高仰挑深一丈二三尺愈下則愈低逐段減至
五尺又於沿河北岸五丈外築隄一道高八九尺頂寬一丈七八
尺脚寬六丈餘又自齊家河頭上接至崔莊中亭河節節築隄以
免中間空缺並將中亭河隄一律加高培厚又因下口楊芬港東
即係風河恐溜大倒灌復築土埝二千餘丈用資攔護一面安定
工務捐款章程由印委督率款歸紳董收放遂於四月初開辦
至七月初一律告竣其實用捐項銀二萬四千五百七十四兩有
奇文大霸保窮黎皆得備工趁食惟切近淀泊施工極難又值夏
雨時行屏水撈挖彌形艱苦六月二十八日上游龍門舊隄忽被
大溜衝決該員紳等冒險率夫赴築搶堵旋即閉溜使前項工程
不致停廢附近村莊不致成災辦理殊為妥速飭據候補知府徐

李文忠公奏稿 卷二六

木衙前往逐一驗收丈尺悉與原報符合上游各河漲水均歸該
河沿河東注甚形暢利隄埝亦均完固統計隄北文安大城霸州
永清百數十里內田廬皆得保全而隄南諸淀因有新河迅速宣
洩凡葦灘蒲港荷泊稻畦向沒於波濤中者亦多出水小民可資
生業且有此隄若永定河渾水漫至須停頓而後澄清東下精
免東淀淤阻尤於農田水利大局有裨現飭籌議修守章程隨時
實力奉行務期經久不廢除捐資紳商照案歸入賑捐項下核明
策獎外所有尤為出力之官紳四人認真籌勸督率克成要工復
冒險搶堵決口不無微勞足錄候選知府史克寬本係督挑中亭
河出力應獎之員擬請將該員俟得缺後以道員用文安縣知縣
丁符九請以直隸州知州在任即補都司銜王鶴鳴請加游擊銜
同知銜王瑛請加四品銜仰懇

天恩俯准給獎以示鼓勵至此項工程係屬民捐民辦即以賑濟
窮黎應免造報合併聲明理合恭摺具陳伏乞

皇上聖鑒訓示謹
奏

張家口兵米請給全銀摺 光緒元年九月初一日
奏為張家口駐防兵米價腳請照例定數自發給全銀以濟兵食
恭摺仰祈

聖鑒事竊據口北道玉珩詳稱張家口駐防兵丁每歲應需本色
米一萬二千五百餘石遇閏加增一千餘石每米一石例給價銀
一兩運脚銀二錢五分向派保安宣化萬全懷安張家口等五州
縣廳分領采買運交廳倉支放從前價腳均發實銀且米價平減
采買較易歷係按時支放自咸豐四年行用鈔票僅發一半實銀
該州縣無力賠累遂致連年積欠同治四年前督臣劉長佑奏
准每米一石給價實銀七錢核計不敷尚多仍難采買復經前署
察哈爾都統裕瑞等奏准部議將同治五年以前欠米暫放折色
以後仍放本色頻年疊飭該州縣應勉力采辦但時價每石需實

銀一兩六七錢僅發七錢連運脚在內前能及半計每年應賠銀
一萬兩有奇實屬無從籌補該州縣應各有應辦差務加以運送
西路軍營餉械絡繹於道已屬賠墊不支又何能每年再添鉅萬
之累至兵丁賴此養生原領米數本未足用若再拖欠或折給半
價即無以餬口飢困堪虞查同治七年停用鈔票以後凡係實用
之款均已改放十成實銀駐防兵稍緊要熱河密雲山海關等處
米折已有改歸十成之案張家口事同一律未便如前折扣請自
光緒元年春季起每米一石連運脚仍照舊例發實銀一兩二錢
五分並仍由山西豐鎮廳徵收地租銀兩按年照數解交口北
道庫兌收飭領如此辦理雖尚不敷時價而賠累減輕自不致再
有延欠兵丁即免枵腹等情並准察哈爾都統慶春等亦以前情
咨請會奏以恤兵艱等因前來查直隸州縣瘠苦往往因公虧

挪庫款現正通飭清理交代減緩捐攤以杜虧空此項兵米例價已少於時價又復從中折扣不敷采辦州縣無力攤賠非挪動錢糧卽連年積欠流弊滋甚況張家口地方寒苦駐防兵丁惟資額米養生慶春等與該道請將采買兵米價腳仍復舊制發給全銀係爲籌濟兵食核實起見仰懇
天恩敕部議覆施行理合會同察哈爾都統臣慶春署副都統臣奎昌恭摺具陳伏乞

皇太后

皇上聖鑒訓示謹

奏

奏稿二十六

上

上海機器局報銷摺 光緒元年十月十九日

奏爲滬局創設機器歷年動支經費各款撥案開具簡明清單恭摺仰祈

聖鑒事竊自同治初年臣鴻章孤軍入滬進規蘇浙輒以湘淮紀律參用西洋火器利賴頗多念購器甚難得其用而味其體終屬挾持無具因就軍需節省項下籌辦機器選雇員匠仿造前膛兵鎗開花銅礮之屬上海之有製造局自此始其地爲各國官商會萃之場其人皆有炫奇鬪巧之智一名一藝奔湊爭先孰枯孰良見聞較捷取彼之長益我之短自強之基莫大於是六年曾國藩奏辦輪船請撥江海關洋稅一成八年馬新貽丁日昌續請添撥一成而後局用有常款踵事無止境先後承辦道員沈保靖馮燊光知府鄭藻如等類能苦心探索引伸觸類拓取法之門徑守核實之常經臣等事事加意督察固無日不責其成效不惜費亦不任浪費也茲據馮燊光等詳稱頻年用款漸巨積贖亟應清釐計自同治六年五月動支洋稅之日起截至十二年十二月底止共收江海關二成銀二百八十八萬四千四百九十七兩九錢八分九釐四毫其用購器製造建廠薪工等項銀二百二十三萬六千二百二十四兩六錢八分九釐一毫實存料物等項銀六十四萬八千二百七十三兩三錢三毫請歸入下次舊管列報所有開除各款俱係慎重撥節惟事屬初始經緯萬端物料取給外洋則昂一器講求數樣則昂匠價優於常例則昂種種清異悉費權宜固不敢狃於故常亦不敢絲毫浮冒等因具詳請奏前來臣等公同覆核該局製造大端有五而纖悉零喻之事不計焉一曰輪船開造之始精擇程式詳繪表裏成算既定將船殼鍋爐氣機分爲三

門以洋匠三人領工華人數百且學經年累月始得入水配
 用已造成者為惠吉操江測海威靖海安木兵船五號海安丈尺
 加廣實馬力千八百匹巨礮二十兵丁五百在外國為二等在內
 地為巨礮又成鐵殼小輪船三號其造而未成者為海安同式之
 第六號兵船夾板商船小鐵甲兵船目今海上要需無如鐵甲自
 當因勢利導速求進益冀日起而有功以補購致之不足一日鎗
 礮向曾造英法美兵鎗馬鎗數種今則改造後門鎗專主林明敦
 底鎗中鎗鐵管鋼管之式別有所謂馬梯泥土乃得者法明而器
 猶未備向曾造生鐵輕銅田雞礮多尊今則議改烏理治鋼膛鐵
 鎗前門炸彈之式別有所謂克鹿卜回特活得者用宏而力有難
 兼禦侮之道礮甚於鎗縱不能如島族絕大窮凶之制尙當勉圖
 精利取揣自如庶幾船臺不等虛設一日火藥彈子年來購買及
 自製鎗礮何止數千百具要皆不耐土藥不受劣彈若非及時配
 辦並分別前膛後膛大小長短之度臨事何所設施利器直同廢
 物該局又在局西十里之龍華地方分廠治具如法開造約計每
 日出藥千磅出林明敦彈子五千顆就中試用化學兼造白火藥
 及各種礮水均有成就所造礮彈月計不足歲計有餘此物貴多
 貴精未敢稍涉大意蓄艾之方得寸則寸也至如製器建廠一事
 器體互異名色甚繁而統謂之機器造船造鎗造火藥彈子是
 為機器大宗此外鎔銅鍊鐵木挖泥抽水打樁起重印書印圖
 等事亦皆機器為之入手以重價購自外洋迨至隨事遞增或仿
 舊式或出新裁或攷圖說往往由局自造工料亦復浩繁增機器
 必增廠屋以資會歸綜前後營造計之局以內工藝正副各廠及
 庫房畫圖房方言館公務廳共十七座局以外船礮藥彈各廠及

洋樓與圖局共十五座大船塢一區皆係價買民地經營近十年
 而後規模粗具締造之難有如此又如繙譯課士一事西法兼博
 大潛奧之理苦於語言文字不同將欲因端竟委窮流溯源舍繙
 書讀書無善策該局陸續訪購西書數十種厚聘西士選派局員
 相與口述筆譯最要為算學化學氣機火藥礮法等編固屬繁
 製造即如行船防海練軍采煤開礦之類亦皆有裨實用現譯出
 四十餘種刊印二十四種藉是稍窺要領願啟高明又挑選生徒
 數十人住居廣方言館實以膏火中西並課一抉其秘一學其學
 製造本原殆不出此其局務大略聊可舉數者也等考其歲
 入之數至多不過四十萬而一隅兼數局之任一曰倍千人之供
 尙能規畫咸宜成造之件應付數省精緻適用自開局以來凡例
 所本無用所必有率皆稟承 臣等斟酌定議此次總覈放款委係
 實用實銷毫無浮混但名目繁瑣剖晰棼如難以循例造報理合
 援照天津成案彙繕簡明清單恭呈
 御覽仰懇
 天恩逾格准予開銷以清款目而策後效除分咨總理各國事務
 衙門戶部工部查照外所有上海機器局自同治六年五月起截
 至十二年十二月底止動支經費各緣由謹合詞恭摺具陳伏乞
 皇太后
 皇上聖鑒訓示再滬局創設之後初次報銷此摺係 臣鴻章主稿
 合併聲明謹
 奏

成船用款片 光緒元年十月十九日

再查工部奏定各省購買輪船未能逐款造報應由各督撫專摺奏銷報部存查一案原摺內稱安徽籌辦江防由外洋購買輪船二隻既無例案可循應令專摺奏銷並將船身丈尺工料價值需用機器等項開單咨部存案嗣後各省均令遵照辦理等因奉旨依議欽此欽遵行知在案滬局各船雖係自造而大宗料物無非購自外洋製造工作亦係洋匠主持與購買外洋船隻略同所有陸續成船修船行船各種工料及未移交操練局以前支發薪糧等費仍應分晰開報以昭核實而符成案茲據馬燦光等具詳前情除支用總數已列入四柱清單奏報外謹將每船用款臚列一單附片具陳恭摺
御覽
奏稿二十六
六

大差應蠲租糧分別核辦摺 光緒元年十一月初三日

奏為
山陵大差奉蠲沿途州縣糧租遵化州並非經由地面照案應行剔除並將應蠲糧租照例分別核辦恭摺仰祈
聖鑒事 恭照本年九月間
穆宗毅皇帝
孝哲毅皇后梓宮奉移
山陵欽奉

上諭著將沿途經過之大興通州三河薊州地方本年地丁錢糧蠲免十分之五遵化州蠲免十分之七所有由京至遵化州一帶經過地方除隙地不計外凡有平毀麥田者著加恩每畝賞給銀一錢俾農民購買籽種藉資補助又續奉
奏稿二十六
七

上諭大興通州三河薊州遵化五州縣蠲廢本年錢糧著再加恩全行蠲免倘有應徵本年各項旗租併著一體蠲免各等因欽此均經行飭欽遵迅速曉諭認真辦理茲據布政使孫觀詳稱從前奉蠲此項糧租係將經過州縣查報請蠲恭查同治元年九月
文宗顯皇帝
孝德顯皇后梓宮奉移
山陵欽奉

恩旨蠲免遵化等州縣錢糧因遵化州並非經過地面經前督臣奏奉
上諭遵化州地面既未經由與民田無礙即著無庸蠲免以示區別等因欽遵在案此次沿途經過地方係大興通州三河薊州四州縣遵化州僅在薊州借地辦差並不經過該州境界與同治元

年事同一律所有遊化州應徵本年錢糧旗租自應照案剔除無庸蠲免該州亦無平毀麥苗地畝並無庸賞給籽種銀兩以示區別等情具詳前來臣覆核無異相應奏明請

行遵行至定例蠲免錢糧應按御道兩旁地畝丈算山岸河坎窄狹處所以二里為限平原曠野以三里為限道光三十年

西陵大差同治元年東陵大差均經戶部核撥應以二三里界內請蠲此次大興等州縣蠲免錢糧似應遵照例案仍以二三里為限又定例恭遇

巡幸經過地方旗租應隨地請蠲及奉旨准蠲旗租並未指明分數者概以三分為率此次初奉恩旨雖未指及旗租而續有各項旗租一體蠲免之

諭似應於例准隨同民地請蠲三分外再將蠲脫租銀一體全行蠲免又賞給農民籽種銀兩無論民糧旗租地畝除隙地不計外凡種有麥苗平毀者一體給賞以廣

皇仁以上三項臣已咨部核撥辦理所有遊化州並非經由地面照案應行剔除並應蠲糧租照例分別核辦各緣由理合恭摺具

陳伏乞 皇太后 皇上聖鑒訓示謹 奏

賑撫收支實數摺

光緒元年十一月初三日 奏為查明同治十一十二兩年續辦賑撫案內收支米糧棉衣銀錢實數照案開單彙報請免造冊恭摺仰祈

聖鑒事竊照同治十年直屬雨水成災經臣奏准籌撥款項並勸南省及本省官商集捐分別賑濟以工代撫業將十一年七月以前收支各數開單彙報請免造冊是年十二月二十二日奉

旨著照所請該部知道單併發欽此欽遵在案伏查十一年十二兩年夏秋之交大雨時行西北口外山水奔騰匯注以致順屬直屬州縣連遭災患又經奏准截留江北漕米勻提藩司等款一面勸

捐濟用並欽奉 特恩指撥東南各省協款工賑並舉除順天府尹奏撥銀米專歸順屬動用業經府尹臣奏報外其由天津籌賑局列收米糧棉衣

錢糧隨時撥發順屬直屬工賑之需自應接續開報查前次奏報十一年七月以前收支各數案內尚存大米六千四百九十六石

零紅糧九百五十五石零棉衣二萬七千八百八十一件銀十一萬九千七百八十八兩零制錢六萬三千六百串連此次新收共合

大米十一萬七千三百五十五石零小米四萬九千一百零五石零雜糧五萬九千一百二十石零棉衣十四萬三千七百四十五件銀九十六萬八千二百二十二兩零制錢七萬九千一百串除支銷外米糧

棉衣錢文無存尚餘銀八千六百七十六兩零應歸續辦工程項下動用據籌賑局司道將各屬賑務及以工代撫各款收支實數

分晰開單具詳前來臣查直隸從前辦賑皆照定例各給兩箇月三箇月口糧道光三年災案計撥漕米食米七十萬石幣銀一百八十萬兩同治十一十二兩年災區不少惟幣銀支絀連京外官

紳捐助綜計銀米各項不過道光三年十成之五勢難照例給賑且河道隄埝多被衝壞亟須設法修濬用衛農田故必變通章程賑其老弱殘疾而今少壯者精工備趁以期一舉兩得所有該兩年賑撫事宜均照同治十年定章確查戶口核實撫卹災重則口少而糧多災輕則口多而糧少並擇地安設粥廠備收恤流民存融發給路費行糧遣散歸業由臣督飭官紳親自經理不假吏胥之手間頗受實惠至以工代撫亦皆竭誠經營使災黎有餬口之資地方獲善後之益其開如堵築永定河北下汛十七號南四工九號漫口通州潮白河漫口挑挖天津迤東陳家溝至北塘引河霸州中亭河文安勝芳河修濬省城附近隄河及南皮縣城工等項已將辦法情形先後專案陳奏並於節次籌辦工賑摺內聲明彙開清單免造細冊臣復隨時隨事督同司道嚴密稽核凡

工賑各款皆係實用實銷並無絲毫浮冒相應將收支實數彙開清單恭呈

御覽仰懇

天恩俯照奏准成案免造細冊以歸一律理合恭摺具陳伏乞

皇太后

皇上聖鑒訓示謹

奏

謹將同治十一十二年災賑案內籌辦各屬撫卹並以工代撫收支米糧銀錢棉衣數目核實開具清單恭呈

御覽

計開

原存項下

一存大米六千四百九十六石六斗二升六合

又紅糧九百五十五石七斗二升三合

又銀十一萬九千七百八十八兩七錢八分九釐二毫一絲六忽

又制錢六萬三千六百串

又棉衣二萬七千八百八十一件

收數項下

一收截留江北河運粳米九萬五千七百五十二石四斗四升二

又粟米一萬一百九石六斗九升一合六勺

又隨帶備耗粟米一千石

一收天津水利局撥解同治九年徵存鹹水沽灘淀地租大米二

百石

又撥解同治九年十一十二年徵存葛沽營田大米二百四

十六石

一收官商捐賑大米五千四百四十八斗八升

又捐賑小米七千三百三十二石五斗四升五合

又捐賑雜糧八千石

一收采買大米二千六百石

又收采買小米二萬一千六百四十九石八升八合二勺

一收采買紅粗雜糧五萬一百六十五石一斗三合一勺六抄
 一收官商捐賑銀十二萬二千七百七十七兩一錢二分二釐六毫
 一收東南各省協款銀四十萬兩
 一收本省藩庫撥地丁銀十萬兩
 一收山海關撥解加增洋藥釐捐銀六萬五千九百五十八兩九錢七釐
 一收江浙興商借領練餉錢文應繳息制錢七萬四千二百串合銀四萬八百一兩七錢三分七釐七毫
 一收督銷鹽運委員借領練餉錢文應繳息制錢六千五百串合銀三千七百六十二兩五錢一分八釐五毫七絲八忽六微
 一收招商局借領練餉錢文應繳息制錢一萬四千串合銀八千七百三十三兩三錢五分二釐
 一收保定練餉局於江南海關協款項下撥銀七萬九千三百八十兩
 一平糶大米三千一百六十四石小米八千八百五十五石五斗五升四合六勺五抄雜糧一萬三千三百二十二石二斗九升九合二勺共收價銀二萬八千四百五十四兩四釐
 一收官商捐賑制錢一萬五千五百串
 一收官商捐棉衣十一萬五千八百六十四件
 以上原存新收兩項共計
 大米粳米十一萬七百三十五石九斗四升六合二勺
 小米粟米四萬九千一百三十三石四斗四升六合二勺
 雜糧紅糧五萬九千一百二十八石八斗二升六合一勺六抄
 銀九十六萬八千二百二十二兩四錢三分一釐九絲四忽

制錢七萬九千一百串
 棉衣十四萬三千七百四十五件
 支銷十一年分賑撫項下
 一天津縣貧民一萬一千四百二十四戶其大小折成三萬六千六百三十一口半計發冬春撫卹漕米七千八百六十一石四升六合六勺四抄紅糧一千七百三十三石一斗三合一勺六抄運脚棚廠經費銀六百六十二兩五錢二分二釐九毫四絲一忽棉衣六千八百四十三件
 一靜海縣貧民一萬二千九百六十戶其大小折成二萬七千七百三十九口計發冬春撫卹漕米四千三百石大米三千四百九十三石二斗二升九合小米二千二百二十一石九斗二升二合運脚經費銀一百二十三兩五錢三分八釐二毫棉衣五千二百件
 一青縣貧民一萬二千八百五十九戶其大小折成三萬六千三百七十三口半計發冬春撫卹大米五千四百四十四石二斗七升七合紅糧九百五十五石七斗二升三合棉衣四千五百件
 一鹽山縣貧民六千三百九十三戶其大小折成一萬八千八百十三口半計發冬春撫卹折銀二千五百二十兩春撫米折銀一千六百八十兩棉衣三千九百件
 一安州貧民一萬三千三十九戶其大小折成三萬四千八百四十一口半計發冬春撫卹米三千一百二十石春撫漕米二千八十八石運脚經費銀四百十四兩四錢一分六毫棉衣四千三百二十七件
 一雄縣貧民七千一百八十八戶其大小折成二萬一千六百四

十一口計發冬撫漕米二千八百八十石春撫漕米一千九百
 十石運腳經費銀四百九十九兩九錢二分三釐八毫棉衣三千五
 百件
 一 新城縣貧民四千四百七十二戶其大小折成八千二百三口
 半計發冬撫漕米二千一百石春撫漕米一千四百石運腳經費
 銀三百十八兩一錢九分棉衣二千八百九十三件
 一 河間縣貧民一萬五千三百三十三戶其大小折成二萬二千七百六十
 八口半計發冬撫漕米二千四百石春撫漕米一千六百石運腳
 經費銀三百六十二兩五錢五分六釐九毫棉衣四千二百件
 一 獻縣貧民一萬一千五百三十七戶其大小折成三萬二千一
 百九十九口計發冬撫漕米二千一百石春撫漕米一千四百石
 運腳經費銀三百八十五兩七錢四分棉衣四千八百九十三件
 一 任邱縣貧民一萬六千九百三十四戶其大小折成五萬五千
 五百三十九口計發冬撫漕米二千八百八十石春撫漕米一千
 九百二十石運腳經費銀三百三十七兩三錢六分六釐六毫棉
 衣四千二百二十五件
 一 安平縣貧民五千九百三十五戶其大小折成一萬三千二十
 口計發冬撫漕米三千石春撫漕米二千石運腳經費銀四千九
 十四兩七錢七分二釐八毫棉衣四千二百七十六件
 一 深澤縣貧民三千七百六十二戶其大小折成六千六百六十
 口計發冬撫漕米一千八百石春撫漕米一千二百石運腳經費
 銀二百九十六兩八錢六分三釐八毫棉衣二千七百六十五件
 一 撥順天府屬截漕粳米粟米六萬石內發通州粳米五百石三
 河縣粳米五百石武清縣粳米六千石粟米五百石寶坻縣粳米

六千石粟米二千石薊州粳米三千石粟米一千石香河縣粳米
 一千石文安縣粳米一萬一千石粟米二千石大城縣粳米四千
 九百八十石粟米二千二十石霸州粳米三千五百石粟米一千
 石保定縣粳米二千石固安縣粳米三千石粟米一千石永清縣
 粳米四千石粟米五百石東安縣粳米三千五百石粟米一千石
 一 撥順屬棉衣二萬二千三百件內發通州二百件三河縣二百
 件武清縣二千件寶坻縣二千四百件薊州一千二百件香河縣
 三百件文安縣七千件大城縣三千件霸州一千四百件保定縣
 六百件同安縣一千二百件永清縣一千四百件東安縣一千四
 百件
 一 清苑縣散放棉衣一千六百件
 一 津郡城隍廟粥廠自十一年十一月初一日起至十二年二月
 十一日止每日收養流民計大小折成九百三十一口至四千七
 百八十八口不等共用大米一百八十二石小米一千二百五十五石
 搭蓋高棚購買柴薪各費銀四百六十七兩九錢一分八釐棉衣
 四千件
 又海會寺粥廠自十一年十一月初三日起至十二年二月十一
 日止每日收養流民計大小折成三千六百七十七口至五千五百
 七十六口不等共用大米八百三十五石小米一千一百八十八石
 八斗五合五勺搭蓋高棚購買柴薪各費銀六百五十四兩五錢
 四分棉衣五千二百八十件
 又藥王廟粥廠自十一年十一月十一日起至十二年二月十二
 日止每日收養流民計大小折成二千二百八十五口至四千七
 百三十七口不等共用大米二百八十八石小米一千四百六十七石

六斗二升三合搭蓋窩棚購買柴薪各費銀五百四十兩棉衣三千九百件

又如意庵粥廠自十一年十一月初三日起至十二年二月十二日止每日收養流民計大小折成二千一百六十四口至二千三百二十三口不等共用大米四百十二石小米七百二十石搭蓋窩棚購買柴薪各費銀三百八十七兩七錢七分七釐棉衣二千六十七件

一遣散粥廠貧民共合大口一萬七千三百五十四口用紅糧一千七百三十五石四斗盤費制錢一千七百三十五串四百文
一文安大城兩縣加賑災民共計大小折成二萬三千九百九十口計發大米一千六百三十五石銀八千八百兩運腳銀一百四十三兩六分六釐三毫棉衣三千五百件

一發固安縣撫卹趙村等二十九村災民二千五百五十戶折成一萬二千四百五十九口半計發銀四千五百四十一兩三錢棉衣三千四百件

一續買河東陳家溝義地價銀一百三十五兩六錢七分二釐
一采買大米二千六百石價銀四千七十一兩五錢五分五釐
一采買小米一千八百三十八石八斗五合五勺價銀二千八百三十八兩六錢五釐九毫

一采買紅糧三千四百八十三石四升三合三勺六抄價銀三千九百十九兩九分四釐一毫
一折耗粳米八百一十一石三斗九升三合五勺六抄
一折耗粟米八十九石六斗九升一合六勺
一折耗紅糧四十五石三斗三升

一江浙各省捐助棉衣由大沽運津運腳等費大錢三百七十九千五百二十四文

以上共支銷

漕米大米十萬七千五百七十一石九斗四升六合二勺
粟米小米一萬七千八百八十一石四升二合一勺
紅糧四千四百三十八石七斗六升六合三勺六抄
銀三萬四千五百五十五兩四錢一分九釐九毫四絲一忽
制錢二千一百四十四串九百二十四文
棉衣九萬七千三百八十九件

支銷十二年分賑撫項下

一天津縣貧民二萬八百四十四戶大小折成七萬三千六十二口計發冬春撫卹小米三千五百二十四石六斗二合一勺五抄

雜糧九千九百四十一石三斗四升七合七勺五抄棚廠經費銀五百二十六兩六錢六分八釐八毫六絲一忽棉衣四千一百五十件

一靜海縣貧民一萬一千八百五十五戶共大小折成三萬三千五百口計發冬春撫卹雜糧七千石經費銀五百兩棉衣三千件
一青縣貧民二萬三千九百八十八戶共大小折成十萬六千二百四十五口半計發冬春撫卹雜糧七千石小米四百石經費銀五百兩棉衣三千件

一滄州貧民一萬一千五百六十二戶共大小折成五萬一千六百四十二口計發冬春撫卹雜糧六千石運腳等經費銀八百兩棉衣三千件
一雄縣貧民六千五百八十一戶共大小折成二萬三千五百三十三

口計發冬撫銀七千兩春撫銀五千兩棉衣二千件
 一交河縣貧民六千二百八十四戶共大小折成二萬四千八百五十八口計發冬撫銀二千八百兩春撫銀一千二百兩棉衣一千件
 一高陽縣貧民六千二百七十七戶共大小折成一萬二千六百四十九口計發冬撫銀二千八百兩春撫銀一千九百兩棉衣一千件
 一獻縣貧民七千一百三十四戶共大小折成二萬五千五百九十七口計發冬春撫卹銀八千兩棉衣一千件
 一河間縣貧民四千六百二十一戶共大小折成七千九百七十七口計發冬撫銀三千五百兩春撫銀一千五百兩棉衣五百件
 一安州貧民一萬七千三百四十七戶共大小折成三萬一千一百八十六口計發冬撫銀一萬兩春撫銀六千兩棉衣一千四百件
 一任邱縣貧民一萬七千四十七戶共大小折成六萬八千五百四十口計發冬撫銀七千兩春撫銀三千兩棉衣一千件
 一景州貧民四百六十四戶共大小折成三千四百四十九口計發冬撫銀七百兩春撫銀三百兩棉衣五百件
 一東光縣貧民九百三十五戶共大小折成五千一百八十口計發冬撫銀二千一百兩春撫銀九百兩棉衣八百件
 一定州貧民二千八百七十七戶共大小折成一萬三百六十口計發冬春撫銀五千四百兩棉衣一千件
 一深澤縣貧民一千一百三十三戶共大小折成三千八百四十五口計發銀二千兩棉衣五百件

一撥順天府屬賑撫銀八萬兩歸府尹分撥
 一發順屬甯河縣雜糧二千石
 一發順屬文安縣棉衣二千五百件
 一發順屬大城縣散放棉衣一千五百件
 一發清苑縣散放棉衣二千件
 一發文安縣蘇家橋設立饑廠自十二年九月二十一日起至十三年二月二十日止貧民一萬五千八百七十三口共發雜糧六千石添購糧豆蒸餾用銀四千兩購買糧豆柴薪棚廠各項制錢五千五百串棉衣三千四百六十六件運腳經費銀三百十四兩五錢七分八釐八毫八絲
 一發津郡鄉祠粥廠自十二年十一月初六日起至十三年正月二十六日止每日收養流民計大小折成八百五十二口至六千二百七十八口不等共用小米一千一百二十二石六斗五升搭蓋窩棚購買柴薪添購米石各項銀八百四十四兩九錢五分七釐棉衣一千三十一件
 又城隍廟粥廠自十二年十月二十一日起至十三年正月二十六日止每日收養流民大小折成三千一百六十三口至六千八百四十九口不等共用小米二千三百六十五石三斗一升搭蓋窩棚購買柴薪添購米石各項銀一千一百一兩五錢八分一釐三毫棉衣三千二百五十六件
 又海會寺粥廠自十二年十月十五日起至十三年正月二十七日止每日收養流民計一千一百三十七口至五千九百十三口不等共用小米一千七百八十四石四斗九升五合搭蓋窩棚購買柴薪添購米石各項銀一千二十六兩二錢九分九釐棉衣二千二百六十二件

千五十三件
 又樂王廟粥廠自十二年十一月初八日起至十三年正月二十七日止每日收發流民大小折成二千三百七十一口至四千七百五十口不等共用小米一千五百五十五石三斗六升二合五勺搭蓋窩棚購買柴薪添購米石各項銀八百六十八兩九錢三釐棉衣二千一百九十件
 又如意庵粥廠自十二年十一月十五日起至十三年正月二十八日止每日收發流民九百五十六口至四千六百七十三口不等共用小米一千二百二十六石六斗三升七合五勺搭蓋窩棚購買柴薪添購米石各項銀四百八十四兩三錢七分五釐棉衣二千六百九十件
 又僧親王專祠粥廠自十二年十一月初八日起至十三年正月二十八日止每日收發流民大小折成一千三十五口至三千三百四十一口半不等共用小米一千二百三十一石四斗三升七合五勺搭蓋窩棚購買柴薪添購米石各項銀四百七十一兩七錢六分七釐七毫棉衣一千八百二十件
 一遣散各粥廠流民共合大口三萬一千八百四口半用雜糧三千一百八十八石四斗五升雜費制錢三千一百八十八串四百五十五文
 一采買小米一萬九千八百十石二斗八升二合七勺價銀三萬三百六兩六錢八分九釐九毫八絲五忽
 又采買雜糧四萬六千六百八十二石五升九合八勺價銀五萬九百八十五兩六分八毫三忽
 一發河南采買米石委員薪水盤費銀二百十六兩三分八釐

又奉旨采買米石運津水腳銀一千一百八十八兩三錢二分七釐
 一發平糶大米三千一百六十四石
 一發平糶小米八千八百五十五石五斗五升四合六勺五抄
 一發平糶雜糧一萬三千三百二十二石二斗九升九合二勺
 一折耗紅糧二百三十七石九斗六升二合八勺五抄
 一折耗小米一百四十九石二斗三升三合三勺
 以上共支銷
 大米三千一百六十四石
 小米二萬二千二百一十石二斗八升二合七勺
 雜糧五萬四千六百八十二石五升九合八勺
 銀二十四萬五千二百二十七兩二錢四分六釐五毫三絲
 制錢八千六百八十八串四百五十五文
 棉衣四萬六千三百五十六件
 支銷歷年以工代撫項下
 一發永定河北下汛十七號漫口合龍工費銀四萬八千兩又善後工程銀四千兩
 一發永定河修復南岸頂工上汛二號灰壩工程銀三萬三千八百五十五兩一錢七分五釐二毫
 一發順屬霸州永濟橋工銀一千兩
 一發順屬涿州隄工銀六百兩
 一發順屬固安縣橋工銀三百兩
 一發堵築北運河東隄辛莊席廠白廟崔家嘴穆莊南倉等處漫口壩工共銀八千五十一兩七錢二釐二毫制錢四百三串六百

一發堵築天津北運河柳灘河堤漫口壩工銀二千九百五十六兩四釐一毫二絲
 一發堵築靜海縣南運河太陽宮菩薩廟邢莊等處漫口壩工並修獨流鐵道土工共銀二千七十八兩一錢四分四釐四毫八絲
 一發堵築天津北運河南河小關莊窪窪新莊余莊郝家嘴等處漫口壩工共銀一千九百八十九兩九分
 一順天堵築潮白河工程撥給銀二萬兩
 一發永定河南四九號漫口合龍工程銀八千兩
 一發安平縣修築護城河堤工銀二千兩
 一發滄州挑挖倉上麻家沽減河銀三千二十二兩九錢八分三釐
 一發接修滄州捷地減河南北兩岸月堤縷堤並填築馬道挑濟溝渠各工銀一千六百三兩二錢又制錢一萬三千四百五串八百六十四文
 一發開挖順屬文安大城引河並做石閘石壩涵洞橋座各工銀三萬七千四百八十九兩四錢九分一釐九毫又制錢二萬二千七百三十四串一百三十六文
 一發開挖順屬朔州中亭河並堵築老隄村漁津窩缺口壩工銀五百九十一兩二錢五分六釐又制錢二萬四千五百一十一串二十六文
 一發天津縣修築鳳河東隄工程銀三千兩
 一發修築子牙河南隄銀一千兩
 一發堵築天津縣陳家溝東引河壩工銀一千五百四十五兩四錢二分三釐七毫

一發天津南運河芥園大小稍直口小園東西灣兜營門外北斜村等處壩工銀一萬三千八百六十九兩五錢七分五釐
 一發永定河修復北三工灰壩開挖壩外減河銀四萬六千八百八十兩
 一發順屬固安縣挑挖護城河銀二千五百兩
 一發修濟省城附近隄河工程銀六萬六千三百兩
 一發堵築通州潮白河漫口工程用銀五萬兩又善後工程銀三千兩
 一發開挖筐兒港新減河工程銀三萬四千五百四十三兩二錢四分六釐六毫
 一發修築筐兒港河頭南北石壩臺等工程銀三千五百五十兩
 一發發展寬七里海下口淮魚淀減河銀一百六十七兩一錢二分
 一發挑挖天津東陳家溝河道接開減河至薊運河止工程並河身佔用民田地基給發地價等項銀共十五萬六千七百七錢九分三釐二毫二絲五忽
 一發修建買家大橋等五座並添設渡船各項工程銀一萬一千二百八兩四錢七毫
 一發修築順屬文安縣千里長隄銀一萬五千一百三兩三錢六分三釐八毫一絲四忽又制錢六千七百五十串
 一發修築順屬保定縣千里隄工銀二千三百四十四兩三釐
 一發修築順屬大城縣格淀隄工銀二千二百八十八兩又制錢五百串
 一發修築順屬保定縣于家窪南坵並壩工銀五千五百兩

一發開挖河開獻縣游池引河並新築盤道建橋建閘等工銀二萬四千九百兩

一發修建天津縣洋碼頭橋梁銀一千二百十三兩七錢二分二釐

一發修築南運河芥園以西隄壩各工銀一萬一千一百八十兩一錢三分

一發築做天津單街泊岸灰石隄工迎水壩攔水埝銀一萬五千兩

一發開挖文安縣勝芳下游河道並築隄銀二萬四千五百七十四兩六錢六分四釐

一發修建軍糧城東西中渠橋座銀五百九十兩八錢八分

以上共支銷銀六十七萬九千八百兩三錢三分二釐九毫

三絲九忽

制錢六萬八千三百四串六百二十六文

實在項下

米糧錢文棉衣無

實存銀八千六百七十九兩四錢三分一釐六毫八絲五忽六微

仍歸續辦工程項下動支另報合併登明

潮白河工程請獎摺

光緒元年十一月初三日

奏為通州潮白河合龍後續辦隄工及防汛事宜完竣將出力人員擇尤請獎恭摺仰祈

聖鑒事竊上年六月開北運河上游潮白河東岸平家疿漫決二百餘丈大溜趨入箭桿河欽奉

諭旨著妥為籌議辦理經臣派委候補道周馥候補知府徐本衡前往勘度籌定辦法即飭該道等遴帶員弁會同通永道英良核實經營於八月底興作分別挑河進占至十月初引河挑挖通暢

口門搶堵合龍大溜復歸北運河故道業將情形兩次奏報聲明俟善後防守事宜告竣再將在事人員擇尤請獎在案

原定大壩東西兩頭各築長隄約攔漲水復據該道等察酌地勢東頭長隄應築一千餘丈西頭長隄至順義縣盧各莊止應築一

千四百餘丈再於西頭加築護村隄七百四十丈頂寬一丈五尺至三丈底寬四丈至七丈五尺高五尺至九尺不等飭於合龍後

就原有民夫起築並將佔用民地酌發價值麥種其餘善後工務今春一律辦竣復令委員駐工防汛伏秋之際寒外諸水奔騰匯

注疊次盛漲六月二十五日連底水漲至二丈二尺有奇勢甚危險均經該員等督率民夫搶護穩固先後稟報前來臣查此河為

北運來源其東南下游即通州等六州縣若決口不堵則漕糧運路不通地方被災甚廣關繫

天庾民生極為重要在事人員躬歷危險剋期堵合復防守伏秋大汛全工穩固漕運農田均無貽誤實屬有裨大局謹擇其尤為

出力者酌擬獎敘另繕清單恭呈

御覽仰懇

天恩俯准給獎以示鼓勵至此項隄壩工程嗣後須責成官民認真修守應令通州順義縣各按界址督飭民夫依時培修實力防守並酌撥弁兵常駐平家疇專司其事由坐糧廳通永道隨時會同督察妥辦籌給經費嚴核貨罰以期經久不廢除俟核定章程咨行飭遵外理合會同兼管順天府府尹臣萬壽葵順天府府尹臣吳贊誠倉場侍郎臣延煦臣畢道遠恭摺具陳伏乞

皇太后
皇上聖鑒訓示謹

奏稿二十六

奏

謹將搶辦通州潮白河合龍並防汛尤為出力人員擬請獎敘恭呈

御覽

計開

鹽運使銜卽補知府徐本衡知府用通州知州高建勳同知銜候補知縣姚銘滄州李村巡檢唐維藩藍翎知府銜候補同知寶延
藍翎同知銜候補知縣鄭衍恆陶鈺等七員躬歷危險搶辦穩固並防守大汛出力徐本衡請俟補知府後以道員儘先補用高建勳姚銘均請

賞戴花翎唐維藩請

賞戴藍翎寶延鄭衍恆陶鈺均請

賞換花翎教習期滿候選知縣黃樹田候選主簿何銳候選從九

奏稿二十六

奏

葉梯雲知州銜李恩銘書吏李凌漢等五員名隨同搶辦防守並稽查催趨不辭艱苦黃樹田請以本班儘先選用何銳葉梯雲均請以本班分發省分儘先補用李恩銘請加四品銜李凌漢請以巡檢不論雙單月儘先選用

津郡新城竣工摺

光緒元年十二月十八日
奏為津郡建築新城礮臺督防軍工作並陸續撥欠餉以作經費現已一律工竣恭摺奏報仰祈

聖鑒事竊臣於同治九年十一月議設津海關道事宜摺內聲明津郡城外地勢散漫無險可守擬就運河北岸圍築新城為經久防患之計是年十二月內遵

旨妥議籌辦天津設備事宜摺內復以圍築新城為海防第一急務惟南北運河之交市廛櫛比收買民地購料興工需費甚鉅無款可籌擬就各省解存津局練餉制錢項下撙節動用又於同治

十年十月添設大沽協海口六營酌定營制章程摺內查明大沽海口後路三十里之新城地方形勢扼要擬就該處建造衙署圍築土城與大沽礮臺前後接應俟籌有款項即行估建先後奏蒙

聖鑒敕部議准在案嗣經臣親往察勘新城濱臨海河為洋舶入口所必經實屬海防門戶最要關鍵建置不容稍緩估計土方工

料夫價需用浩繁即力求節省亦非鉅款不辦因與統領盛仁等軍遇缺簡放提督直隸天津鎮總兵周盛傳商令該軍弁勇合力

工作以省雇募民夫之費而購料集匠經費尚無所出周盛傳以事關重要亟與各營將領商勸願將所部二十餘營積年欠餉儘

數報效飭由後路糧臺陸續籌提解用以成大役復以內地城垣礮臺皆用磚石砌成質堅而脆炸礮轟擊易於摧裂新城既專為

海防而設必以力求堅厚堵禦礮火為要擬參用泰西新法並以石灰沙土三項加糯米糝和為三合土錘鍊夯成打成一俾可

堅固耐久又因需用石灰太多遠道購運費力詢之漁戶居民僉

艇在沿海各處載運自砌灰窯數十座廢燒應用此皆臣於幾經

審度之後妥為圖維復於無可節省之中力除浮費區畫既定仍

將該軍隊伍拔赴新城圍定城基派分工段先將地盤基址填築

高厚然後分別興修嚴立章程自同治十二年三月起至十三

年十月每於春融開工冬凍停作統計築成內外城垣兩道其內

城一道周圍九百八十四丈下半係磚身砌高一丈九尺厚七尺

五寸內包素土腳砌石條兩層上半係土牆係灰土厚二丈二尺高

五尺五寸裏隍高二丈五寸外包三合土五尺城腳計寬七丈頂

上海邊走道連堞牆共寬五丈五尺四城門券各進深十六丈外

長二十五丈五尺上城馬道高三丈一尺三合土加築堵牆至頂

高四丈四尺又外護城一道周圍一千一百二十八丈牆身高一

丈七尺腳寬五丈頂寬三丈五尺外包三合土五尺裏面三合

土四尺內外城垣凡磚與土相交灰土與素土相交處每隔八尺

各穿做三合土橫丁字式咬牆一道咬深五尺取其銜結連經

久不壞內城四門不用門樓磚券之頂即做礮臺式樣橫安礮房

上面厚覆三合土承以巨柱四旁橫托大木圍垣均係三合土深

厚加倍房內可容百人下留門洞四面鑲板兼儲子藥城上不用

磚堞用灰土築厚二丈二尺為堵牆均作斜坡勢每隔十丈築小

礮臺一座四圍共計小礮臺七十一座城腳下用木椿仍密布灰

椿以禦壓力城內擇要處分建大礮臺三座平地矗立每座底腳

周圍六十丈頂圍四十八丈二尺下做磚券窯洞十箇內有伏道

用磚旋轉而上外圍金剛平水牆用磚砌高一丈六尺上接三合

土牆一丈八尺開暗礮門九處明礮臺十處臺心做大礮棚一座

中留空地為子藥庫兼藏駐礮兵加三合土層築至頂共高五丈

二尺可俯瞰數十里之外其外城河挑通海河周圍一千八百七十一丈五尺河面寬十二丈底寬五丈五尺深一丈七尺舟楫可行其裏城濠周圍八百四十丈而寬四丈深一丈其三大礮臺並環以外濠與城濠相通城內東西水關兩座通長十一丈高六尺中寬五尺兩面出脚寬二丈三尺四寸城外通海河水開兩道節宣潮汐開口寬一丈七尺下寬一丈六尺三寸灰土下脚墁石寬五丈五尺二面邊石砌高一丈四尺南門外大橋一座長十二丈五尺面寬一丈四尺雁翅斜寬四丈五尺高二丈二尺五寸加以城內外兵房涵洞界牆小橋各段零工不可記數統共其用大城磚二百三十二萬一千五百有奇料半磚一千七百五十六萬二千有奇方磚一萬九千塊槽子磚一萬二千塊三合土十一萬二千六百三十餘方石灰十三萬七千六百九十一石蛤蚶灰一百七十八萬九千四百七十餘石石條五千二百八十八丈灰木椿十三萬五千四百五十餘根其餘鐵器木器糯米白礬葦柴麻斤各項料物稱是其用銀五十二萬七千七百兩稟經親往勘驗復飭將城內大礮臺頂上仿西洋隔堆之法每臺添做券洞四處縱橫交貫可多藏藥彈礮兵兩面金剛牆皆寬七尺中間走道寬八尺高七尺磚券上覆三合土八尺四寸形勢橢圓以禦礮彈又慮三合土壓力太重令將臺腳各加厚九尺內灰外磚層層築做高一丈八尺均於本年十月內一律竣工續用銀二萬六千五百四十四兩零統其用銀五十五萬四千二百四十四兩有奇均歸該軍欠餉內核算飭委候補道周履知府史克寬等前往逐細驗收查明毫無草率浮冒等情具覆前來伏查津郡屏蔽京師為北洋重地目前籌布海防僅恃大沽北塘海口礮臺氣勢

尚形單薄必須於後路築城設險屯駐重兵互相援應緩急方可有恃上受任以來夙夜兢兢不敢不殫竭心力綱繆未雨自勘定新城基址後即妥商辦法督飭該軍併力興築逐年疊次赴工與周盛傳暨各將領商度諮詢務求格外堅實其有關於禦侮之方者不憚變通成法以盡一得之愚尤不惜倍增工力以收萬全之效今幸將士用命全工告成其土方之鉅灰料之多實他處工程所僅見從此海口孤臺可得掎角之勢於防務大有裨益臣之初議原擬就津郡北岸圍築一城嗣因該處民居稠密遷徙不易且距沽口稍遠難資控扼再四籌度惟新城切近大沽後路又係舊建城基亟應乘時設法興築所需經費前議酌提津局練餉制錢已奉戶部覆准適直境連年水災籌辦賑撫業將前項制錢奏明撥給江浙典商及輪船招商局蘆鹽公局分領生息已無存儲而工需萬緊又值帑項支絀之際未敢率請飭撥賴周盛傳暨該軍將士深明大義願將積年欠餉儘數報效臣疊催各省將領撥准軍協款源源濟用三年以來竭歷經營幸而歲事尤非初念所及刻下城工告竣所有添兵設守建置衙署營汛購備洋礮守具一應事宜容臣督飭次第察酌奏明辦理除出力各員由臣附片奏懇恩施並咨明總理衙門戶兵工各部知照外所有籌款建築津郡新城礮臺要工告竣緣由理合專摺具陳伏乞皇太后皇上聖鑒訓示再此項工需係動用該軍欠餉應請敕部免其造冊報銷合併陳明謹奏

新城工程請獎片 光緒元年十二月十八日

再查新城地方前於雍正年間建立水師都統衙署築有土城嗣因員缺裁撤城署久廢此次周盛傳承辦要工馳往相度舊城基址已不可辨識另行審擇地段扼要興修當其版築之初一片荒墟事事皆同創始濱海之地暑溼侵蒸易生疾疫斥鹵卑下土質鬆浮尤難措手所築城垣礮臺係參用西洋做法與內地建造成法迥不相同工力亦相去倍蓰該軍自分認地段後聞營哨弁兵夫負土加礮爭先并力登憑邪許之聲往往更定月明猶相應和盛暑烈日旁午弗休竭萬人之力逾兩年十閱月之久胼胝經營不辭况瘁成此鉅工鞏衛海疆核其勞苦勳績實較身臨前敵衝鋒刃者難易攸殊城臺竣後各國洋人往來查探爭相傳播新聞紙於非洋海防聲勢增壯周盛傳係現任總兵實缺大員主持

全工獨為其難於餉需竭細之際既督弁勇以力作復捐欠餉以副成體國之公忠辦事之認真布道之精密皆非諸將所及雖據稱不敢仰邀議敘應請

旨交軍機處另行存記遇有提督缺出先行簡放以為專闕出力者勸至該軍統帶記名提督直隸通永鎮總兵唐仁廉記名提督貴州安義鎮總兵周壽昌記名提督署直隸通永鎮總兵吳殿元記名提督衛汝貴起勝均謀勇兼優堪勝專闕擬請
旨交部從優議敘吳殿元衛汝貴起勝三員並請
旨存記簡放實缺提督記名總兵陳連陞初發祥孫顯寅均擬請俟得總兵實缺後以提督記名
簡放記名總兵姚禮士張兆海宋冠軍鄭才盛周家瑞均擬請
賞加提督銜總兵銜兩江補用副將周盛佑杜萬壽周家泰均擬

請
旨交部從優議敘按察使銜山東候補道吳秉權擬請
賞加布政使銜五品銜直隸試用知縣戴宗憲擬請俟補缺後以直隸州知州補用並
賞加運同銜以示鼓勵其餘實在出力文武員弁可否由臣查明擇尤保獎俾勵戎行伏乞
聖鑒訓示謹附片具
奏

奏稿二十六

聖

近省續辦隄河各工摺光緒元年十二月十八日

奏為附近省城地面續辦隄河各工丈尺用過銀數照案開單奏報免造細冊仰祈

聖鑒事竊查同治十一年水災案內因各屬隄河必須濬築奏請提撥司庫地丁練餉局協款以工代撫事竣開單奏報免造細冊奉

旨著照所請欽此十二年水災復奏明工賑並舉已將附近省城地面應辦隄河各工丈尺用過銀數於上年十二月開單奏報聲明尚有另辦工程俟事竣續行奏報等因各在案查新城雄縣等境前已開挖舊隄減河以分清河上游之水由中亭河歸淀因該減河地處窪下勢若建瓴盛漲恐致奪溜須在新城十九堡河頭建築灰壩一座以資節宣又任邱鄭州一帶營道係七省衝衢

奏佈二十六

閱

積年冲刷僅存基址應自十方院起至南塔村止於水中撈築擇要釘椿鑲葦俾通驛路又新城大清河安仁村河形拗折應自青凌壩以下起至十九堡村西非止開挖直河裁去舊河大海並於河頭分築攔河挑水各壩使水流暢順不致套刷隄岸以上各工均經清河道葉伯英駐工督飭印委核實修辦工竣覆驗丈尺相符做法穩固共計由練餉局撥給銀二萬九千五百九十兩又同治十二年正定縣修復滹沱河斜角迴水二隄並漕馬口隄所需工費已於是年二月奏明將清河道庫存同治八年奏銷以後至十一年十二月止滹沱河生息銀七千九百餘兩儘數動用以工代撫免造細冊嗣因所費不敷復於該道庫續收生息項下撥給銀二百兩委驗丈尺做法亦屬如式穩固茲據該道葉伯英會同藩臬兩司彙案具詳前來一送一確核毫無浮濫除議定善

後章程妥為修守外所有續辦隄河各工丈尺用過銀數理會照

案分晰開具清單恭摺具

奏伏乞

皇太后

皇上聖鑒收部知照謹

奏

奏佈二十六

閱

謹將附近省城地面續辦隄河各工丈尺用過銀數開具清單恭呈

御覽

計開

一 新城縣蘆僧河頭建灰壩一座金門口寬二十丈龍骨脊連迎水坡出水坡共進深二十二丈外接迎水簸箕出水簸箕各進深一丈各寬二十三丈兩金牆高龍骨八尺各長四丈兩壩臺高一丈五尺各長四丈迎水出水四雁翅高一丈二尺迎水雁翅各長七丈出水雁翅各長五丈共用銀一萬六千八百九十八兩三錢九分七釐四毫

一 修築任邱縣疊道工長一千九百五十一丈七尺修成頂寬二丈底寬四丈高六尺共用銀八千七百九十一兩八錢八分七釐

四毫六絲

一 新城縣大清河安仁村開挖直河工長三百四十一丈挑成口寬八丈至十二丈底寬四丈至七丈深八尺至一丈一尺不等共用銀一千七百五十四兩四錢一分

又舊河口新河頭築壩二道共工長一百丈頂底均寬四丈高一丈共用銀二千二百五十二兩二錢

一 正定縣修復滹沱河斜角迴水消馬口等隄共工長三千一百四十四丈九尺修成頂寬二丈底寬五丈高七尺至一丈共用銀八千一百三兩四錢二分六釐一毫八絲

以上各項工程共用銀三萬七千七百九十八兩三錢二分一釐四絲除由練餉局撥給銀二萬九千五百九十兩清河道生息項下撥給銀八千一百三兩三錢三分一釐八毫全

數支用外計不敷銀一百四兩零已照數籌補理合陳明

奏稿二十六

七

營員請給封典片 光緒元年十二月十八日

再臣軍馬步各營隨同轉戰數省勦平髮捻等逆在事文武人員
疊因勞績洵保官階祇以留防南北各省未能赴選赴補得缺恭
逢

單恩慶典未獲同被

榮施不免向隅伏查前

欽差大臣曾國藩於咸豐六年三月開奏奉

上諭軍營保舉各員選補尚無實缺自應先被光榮著按照羅澤

南李續賓給予封典前旨按照原保升階咨部給予封典其有告

假回籍者概不准給以示區別而勵戎行等因欽此又咸豐十年

六月十五日奉

上諭曾國藩奏在營出力文武各員恭遇單恩援案懇給封典等

語儘先副將陳發翔等卓著戰功雖尚未補實缺著准其按照奏

准前案均按各員陸續給予封典以示鼓勵等因欽此是候補候

選各員在營出力應准請給

封典有案臣部現留軍營帶隊人員均係勦辦髮捻戰功卓著茲

恭逢同治十一年十月初九日十二月初十日及光緒元年

疊次

單恩

恩詔慶典該員等在營未能赴選赴補得缺核與歷同奏准軍營

保舉人員請給

封典成案相符合無仰懇

天恩俯准援案辦理以勵戎行除將各該員履歷造冊分咨各衙

門查照外理合附片具陳伏乞

聖鑒訓示謹
奏

奏稿二十六

光緒

李文忠公奏稿卷二十六

李文忠公奏稿

卷之二十七目錄

奏稿二十七目錄

張家口糧臺報銷摺 光緒二年二月十九日

派軍赴奉省摺 光緒二年三月初七日

卞長勝等赴德國學習片 光緒二年三月二十六日

籌運奉省雜糧摺 光緒二年四月初七日

張家口糧臺請餉摺 光緒二年四月初七日

蘆課請緩奏銷摺 光緒二年四月初七日

津關免解京餉摺 光緒二年四月二十七日

淮軍軍需報銷摺 光緒二年五月十四日

盤獲詐偽官員摺 光緒二年五月二十四日

派軍修築黃河新隄摺 光緒二年五月二十四日

威妥瑪決裂赴滬摺 光緒二年五月三十日

直境被旱救荒摺 光緒二年閏五月初六日

截留東漕摺 光緒二年閏五月初六日

豁免民欠片 光緒二年閏五月初六日

海防支應請銷摺 光緒二年六月二十六日

馳赴煙臺日期摺 光緒二年六月二十七日

煙臺議結滇案摺 光緒二年七月二十七日

繳還諭旨片 光緒二年七月二十七日

妥籌上海鐵路片 光緒二年七月二十七日

酌保隨員片 光緒二年七月二十七日

請出示保護遠人摺 光緒二年七月二十七日

請飭官吏講求條約片 光緒二年七月二十七日

請寬行李珍國等片 光緒二年七月二十七日
查議滇邊通商片 光緒二年七月二十七日

奏稿二十七目錄

李文忠公奏稿卷二十七 全集一之二十七

桐城吳汝綸編錄

張家口糧臺報銷摺 光緒二年二月十九日

奏為光緒元年張家口糧臺用過銀兩造冊報銷恭摺仰祈
 聖鑒事竊據口北道玉琦詳稱前於同治九年十二月在張家口
 設立糧臺請領部餉運各路征兵米糧所有用過銀兩截至同
 治十三年十二月底止業經四次奏銷奉部覆准在案今查光緒
 元年分侍衛承德所部察哈爾一軍因上年運發之糧尙敷食用
 並未辦迎其駐紮烏里雅蘇臺之吉林黑龍江察哈爾官兵現存
 一千三百員名用過米價口袋等項駐紮庫倫之實化古北口練
 軍二千五百九十名用過繩袋並糧臺應用各款春夏二季前署
 道博多宏武經管共計戶部應銷米價委員薪水各役工食貨房
 價銀四千九百五十二兩工部應銷繩袋草席銀八千八百四十
 八兩三錢六分已經博多宏武造冊詳請咨部嗣奉部覆用過銀
 數相符行令歸併一年奏報核銷其秋冬二季係該道玉琦經管
 其計戶部應銷米價委員薪水各役工食貨房價銀五千四十四兩
 工部應銷繩袋草席銀八千二百四十二兩八錢統計一年共計
 銀二萬七千八百三十三兩一錢六分查同治十三年報銷案內存銀
 二萬二百八十六兩九錢八分一釐又存部駁委員溢支薪水銀
 一百七十六兩新收部撥銀三萬兩除開銷實存銀二萬三千三
 百七十九兩八錢二分一釐又除平項下舊管銀四百九兩五錢
 四分一釐新收銀二百四十八兩三錢五分二釐開除書吏工食
 心紅紙張銀三百三十六兩實存銀三百二十一兩八錢九分三
 釐統歸下次報銷等情造冊請奏前來臣覆核無異除造冊送部

外理合恭摺具陳伏乞
 皇太后
 皇上聖鑒敕部核銷施行謹
 奏

奏稿二十七

派軍赴奉省摺

光緒二年三月初七日

奏為遵

旨派撥馬步練軍赴奉省訓練恭摺仰祈

聖鑒事竊臣欽奉二月十四日

寄諭崇實奏請調古北口練軍一摺奉省通溝一帶現正辦善後事宜巡緝分防均關緊要該處兵力不敷分布著派撥古北口練軍步隊一營馬隊一百五十名統由熱河徑赴奉省等因欽此伏查直隸練軍無多庫倫奉天兩處先後撥調將及三千餉源亦形支絀本屬無可再調惟奉省邊防緊要自應竭力通籌暫行移緩就急當經飛咨提臣如數調派迅速前往茲據傅振邦覆稱遵於該部前左右三營步隊內挑選得力者合為一營交游擊程楠森管帶於二月二十九日自口啟程其左寶貴原帶之馬隊百五十

奏稿二十七

三

名內幫辦官副將蔣桂林現帶百名駐紮熱河朝陽下餘五十名於三月初一日自口起程併歸蔣桂林管帶統由熱河分起前進咨報前來其應需月餉加支等項臣已飭局設法妥籌源源解濟至奉省上年調去天津練軍馬步隊一千四百名古北口馬隊百名今又添調馬步隊六百五十名直屬海防邊防情形空虛臣並緘商崇實察酌情形如該省邊務稍鬆即分別凱撤以資扼紮而衛畿疆除分咨查照外理合恭摺陳伏乞

皇太后

皇上聖鑒謹

奏

卞長勝等赴德國學習片

光緒二年三月二十六日

再臣遵

旨籌布海防經費定購西洋新式後膛鎗礮分發各營督飭操練並轉託德國克鹿卜礮廠代雇德國都司李勛協來津與之訂立合同議明三年為期教習克鹿卜後膛鎗礮該都司悉心指授礮隊操法日臻嫺熟現屆期滿銷差回國由臣優給川資並商令李勛協帶同花翎游擊卞長勝等七人赴該國武學院講習水陸軍械技藝俟學成回華再分撥各營教練以期漸開風氣李勛協性情忠篤與卞長勝等相習已久慨然允行業與議定章程飭卞長勝等會同李勛協於三月二十一日由津附搭輪船起程竊維外交之道與自固之謀相為表裏德國近年發奮為雄其軍政修明船械精利實與英俄各邦並峙而該國距華較遠並無邊界毗連亦無傳教及販賣洋藥等事臣前晤該國駐京使臣巴蘭德謂中國如派人前往學習船政軍政彼國必當盡心教導是該國素敦友誼亟應及時聯絡師彼長技助我軍謀近年固滬各局奏派學生赴英美等國游歷肄業無非為實事求是力圖自強起見茲臣所派游擊卞長勝等久歷行陣素諳洋器更令出洋精求博覽兼有李勛協援引照料備赴德國各廠局軍營及礮臺兵船切實考究以增益其所不能似亦造就人材之一法所需出洋費用應在海防經費內核實支銷其德國都司李勛協盡心教練著有

奏稿二十七

四

成效擬請

旨賞給二等寶星佩帶回國以示優異除由臣函屬德國公使巴蘭德轉致該國兵部外務大臣妥為照護並緘商總理衙門仍將由洋員弁銜名籍貫造冊咨送外理合附片陳明伏乞

聖鑒訓示謹奏

籌運奉省雜糧摺 光緒二十二年四月初七日

奏為酌籌招商販運奉省雜糧以濟民食恭摺陳仰祈
聖鑒事竊臣欽奉三月初六日

寄諭御史余上華奏畿輔內外糧價漸增請豫籌采買一摺本年
近畿一帶雨澤稀少糧價遂漸加增自應先時采買以裕民食著
李鴻章體察情形並能否籌款於南省采買米石由海運津之處
酌度具奏等因欽此伏查直境去冬今春僅得小雨雪數次皆未
深透地土日形乾燥歲事甚屬可虞百姓以食為天必應豫籌接
濟惟南省多產稻米北人慣食雜糧上年江浙亦未豐收故海運
米數較少若前往采買恐致價值增昂且直省庫項支絀萬分亦
難籌此巨款向來畿甯民食多藉奉省雜糧聞奉省上年秋收中
稔糧米來津駁驛不絕現津市小米每石合銀一兩八錢零小麥

奏稿二十七

五

每石合銀一兩六錢零榛子高粱每石合銀一兩一二錢其價尚
不甚昂又合北方食性天津甯河一帶海船素以販運奉糧為業
民間便於購買此外各屬郡邑凡河港可通之處並有槽子小船
由津接運可期周轉已商飭司道督同地方官多招商販由官
發給執照分投出口販運並酌量減免釐捐以期踴躍合無仰懇
天恩飭下盛京將軍奉天府尹示諭各口文武勿令糧戶過糶居
奇俾資接濟而顧根本目下麥收已形歉薄若旬月內再無透雨
大田亦難及時播種尚須另籌補救容臣隨時察看情形妥籌核
辦所有現在招商販運奉省雜糧以濟民食緣由理合恭摺陳
伏乞

皇太后

皇上聖鑒訓示謹

奏

奏稿二十七

七

張家口糧臺請餉摺 光緒二年四月初七日

奏為張家口糧臺懇

恩照案續撥餉恭摺仰祈

聖鑒事竊查前因烏里雅蘇臺等處調兵防剿遵

旨張家口設立糧臺辦理各路軍糧奏明請撥餉以資接濟

計自同治九年十二月起至光緒元年止八次奏撥餉銀二十

四萬兩飭委口北道分起辦理截至光緒元年底止實存正款餘

平共銀二萬三千七百兩零均經造報在案茲據口北道玉珩稟

稱駐紮烏里雅蘇臺之察哈爾吉林黑龍江官兵奉烏里雅蘇臺

將軍來文令將本年一歲之米於四月間全數起運共買米五千

七百餘石核計米價連布毛各袋並繩帶等項共用銀二萬餘兩

駐紮庫倫之宣化練軍領運夏秋二季米麵二千一百餘袋用繩

袋等銀三千餘兩並糧臺支用薪水等項前存之銀不敷開銷已

在宣化練軍自備米價項下借墊銀一千餘兩請速奏撥等情前

來臣查該道所稟係屬實情相應仰懇

天恩敕下戶部照案續撥餉銀三萬兩仍飭由該糧臺派員領解

以濟要需所有張家口糧臺請照案

救撥部餉緣由理合恭摺具

奏伏乞

皇太后

皇上聖鑒訓示謹

奏

光緒二年四月初七日

奏為撥案請緩長蘆本屆正課奏銷以紓商力恭摺仰祈

聖鑒事竊據長蘆鹽運使林述訓詳稱蘆商正課例限五月奏銷

自同治十年後因遭災歉節經奏准緩至十月啟徵茲以例限

將屆催令各商完納據通綱商人萬盛新等稟稱該商等本重銷

滯積累過深蒙展緩奏銷藉資補救如果辦理起色自當漸復

課限無如銀價未平交項賠折加以自冬徂春天氣亢旱各處硝

鹽肆起引岸銷數甚滯積鹽過多成本愈壓愈重標項難以周轉

現當起辦春運又須補交上屆正課尾欠及未完帑利已屬萬分

拮据若新課同時並徵商力實不能支懇仍援案展緩該司詳加

體察委係實情計自上屆奏銷至今甫及半載春運資本尚缺若

催辦太促恐致課運兩誤請照案緩至十月啟徵等情具詳前來

臣查長蘆正課前因商力艱窘請展緩均已奉

旨允准而應撥京奉各餉仍係年內湊解清款並無貽誤今商力

未紓勢難復舊該司係為恤商順課起見相應懇

天恩俯准將光緒二年正課奏銷照案緩至十月辦理屆時仍由

臣督飭運司實力催徵無誤撥京奉各餉以期兼顧理合恭摺

具陳伏乞

皇太后

皇上聖鑒訓示謹

奏

光緒二年四月二十七日

奏為津海關上年奉撥京餉常稅解已逾額洋稅實無從籌措懇

恩仍准免解恭摺仰祈

聖鑒事竊於本年四月初四日准戶部咨光緒元年分京餉限滿

分別勸懲案內以天津關常稅五萬兩洋稅十萬兩解到常稅一

萬四千八百九十餘兩尚欠常洋兩稅銀十三萬五千一百餘兩

迄今洋稅未解常稅亦未補解絲毫有意延緩請將該關道交部

從重議處仍催令迅速照數報解等因奉

旨依議欽此當經轉行遵照茲據該關道黎兆棠詳稱津海關每

年經徵常稅本不敷奉撥京餉之數同治十三年七月關期報滿

實徵銀四萬二千一百二十餘兩前署道孫士達因奉文采辦銅

斤無款可籌不得已於常稅內借撥銅價銀二萬七千二百三十

餘兩其餘一萬四千八百九十餘兩該道於光緒元年五月內儘

數解部又將元年七月關期報滿實徵銀三萬九千一百九十餘

兩於元年十一月內提前儘數解部經部照收咨覆有案向以該

年解交之銀即抵該年奉撥之餉上年共解常稅銀五萬四千餘

兩以之作抵元年奉撥常稅京餉不但絲毫無欠且長出銀四千

餘兩應請奏咨更正至該關每年徵收六成洋稅除坐支稅務司

薪水等項外額撥防軍月餉尚屬不敷歷年奉撥京餉均係奏請

免解上年亦經奏免在案本年自春徂夏天氣亢旱各路河水淺

涸商賈更少于前稅項甚為減色截至三月初六日第六十二結

止約存銀九千三百餘兩防軍餉需必應按月撥發且有奉撥

惠陵工程銀五萬兩解過銀二萬兩尚欠銀三萬兩又須陸續籌

解以濟要工上年欠解京餉實係無從勻撥仍請照案免解等情

前來臣查津郡額設防軍鎮扼要地餉項斷難減裁每年總需四十萬兩除長蘆運庫歲撥復價銀十萬兩外津海關應撥稅釐銀三十萬兩該關洋稅近年徵收減色又除去江海等關免單並遵照奏案提出四成歸機器局經費其餘六成再除坐支稅務司薪水等項所賸不過十餘萬兩連洋藥釐捐東海關協餉約共二十數萬兩尚不敷應撥防餉三十萬之數是以歷年奉撥洋稅皆請留充本地軍餉實緣津郡為通商要口京師門戶迥非他省可比不得不慎重經營而戶部亦深知稅釐短絀防餉不敷謂所奏係實在情形營經議准免解有案上年又派調津軍馬步洋鎗隊千餘人赴奉省防剿需餉更鉅迄今凱撤無期月餉必須提前籌撥况現值天旱水淺商賈較少徵數更不如前應撥軍餉應解

惠陵工需均關緊要尙難及時撥解委無餘力再願京餉合無仰

懇

天恩准將原撥上年洋稅十萬兩及同治十三年欠餉仍照歷次戶部議准成案准免補解俾資周轉以重要防其上年奉撥常稅京餉銀五萬兩已解過銀五萬四千餘兩尙長解銀四千餘兩應

請

救部查明更正至京餉報解遲延固應懲處若無款可解疊經聲明在先其情事自不相同上年奉撥洋稅該關道實係難為無米之炊而常稅則解已逾額可見並非延緩應否免其議處由臣逾格鴻施所有津海關上年奉撥京餉常稅解已逾額洋稅無從籌措仍請免解緣由理合恭摺具陳伏乞皇太后

皇上聖鑒訓示謹奏

奏稿二十七

七

淮軍軍需報銷摺 光緒二十二年五月十四日

奏為淮勇軍需白同治十二年正月起截至十三年六月底止收支款目造冊報銷恭摺仰祈

聖鑒事竊照淮軍調駐陝西等省軍需前截至同治十一年十二月底止業經列為第二案報銷於光緒元年七月二十八日具

奏奉 旨該部知道單併發欽此溯查同治十三年六月以日本侵擾臺灣欽奉

寄諭籌派援軍飛飭唐定奎統帶步隊十三營由徐拔赴瓜洲雇備輪船航海赴臺聽候沈葆楨調遣該軍所需月餉軍裝子藥等

項仍由淮軍後路臺局源源轉運籌濟並以甘肅清防已鬆請調記名臬司劉盛藻統率武毅銘軍馬步二十二營拔赴山東

濟甯及江南徐州一帶擇要駐紮以備南北海防策應當經奏奉 俞旨欽遵在案茲查此次接造淮軍調駐陝西直隸江蘇湖北等

省軍需款除提督吳長慶統帶慶字親兵八營提督劉玉龍開花礮隊一營仍循舊撥歸江蘇防軍需案內彙銷此外自同治

十二年正月起銘春水師二營已照淮揚水師章程由十三年六

月起改減支給現截至是年五月底止湖北提督李長樂統帶武毅馬步七營十三年正月

奏明撥歸湖北省支發其由淮軍糧案放過餉項現截至十二年

底止又臬司劉盛藻奉 旨由津赴陝接辦軍務添募隨帶哨隊及調回濟防後酌量裁撤

營哨所支餉雜各款自十一年十月起截至十三年七八月先後

止統歸此案彙冊請銷其餘水陸各營一律截至十三年六月底

止列為第三案俾清界限以上營哨官弁員名勇夫總數征防處所先經造冊分咨軍機處戶兵二部備查至馬步水師各營薪費口糧正雜等項概循前案仍照楚軍刊本營制並奏定章程准銷成案接續造報其柴草油燭折價即照部咨十三年三月底截止以後仍遵奏奉

諭旨允准援例量給柴薪本色數目彙歸次案分晰造銷又馬隊各營倒補馬匹係照駐紮省分營驛例價核給采辦製造軍裝器

械工價並水陸轉運雇用船車騾頭夫役價腳分別餉械軍火斤重程途里數悉照軍需例案及歷屆准銷數目核實支發飭將截

至十三年六月底先後收支細數趕緊分晰造報今據報銷局司道等詳稱舊管項上下屆截至同治十一年十二月底止實存

銀三十五萬三千九百三十六兩七錢有奇新收項下總計浙江

四川兩省協餉並提撥湖北江蘇藩關釐局軍餉兩淮鹽釐及本

案扣存平餘等項共銀五百五十四萬二千三百三十一兩三錢

有奇以上管收二項共銀五百八十九萬六千二百六十八兩有

奇內登除天津工程局用款及提督唐定奎統帶各營渡臺雇

上海招商局輪船價腳共銀二萬九千八百七十七錢有奇又附

列專冊請銷補放淮軍馬步水師各營同治十一年底以前欠餉

銀二十七萬一千二百一十一兩六錢有奇又本案附請 奏銷洋鎗礮隊教習辛工並行營修製洋軍械局購置外洋軍火

核銷銀一十四萬二千九百八十七兩三錢有奇應歸工部核銷銀一十八萬四千六百六兩一錢有奇統共請銷銀四百八十二萬五千七百五十七兩有奇實存銀四十七萬五千一百四十八兩二錢有奇已接支同治十三年七月起正雜餉項並定購外洋礮火子彈價值等用歸於後案舊管項下滾接分晰造報等情具詳請

奏前來臣查淮軍分防數省此次造報馬步水師各營勇丁遵照部咨開報花名清冊正雜款項概發湘平折實庫平報銷仍扣雜款一分平餘均係循照歷辦成案實川實銷並無絲毫浮冒除將細冊分咨各部並飭將以後用款趕緊接續清理造報外謹將同治十二年至十三年六月淮勇軍需收支款目造冊報銷緣由專摺具

奏並繕清單恭呈

御覽伏乞

皇太后

皇上聖鑒謹

奏

奏稿二十七

五

謹將同治十二年正月月起截至十三年六月底止淮勇軍需案內收支正雜各款繕具清單恭呈

御覽

計開

舊管

一 上屆淮軍調駐陝西等省軍需第二案同治十一年底止實存銀三十五萬三千九百三十六兩七錢七釐五毫九絲三忽五微

新收

一 收浙江省協餉共撥解銀九萬兩

一 收四川省協餉共撥解銀十八萬兩

一 收湖北軍需局共提撥沙平銀四十五萬兩合湘平銀四十四萬九千六百八十五兩

一 收湖北江漢關共提撥四成洋稅庫平銀三十八萬兩共合湘平銀三十九萬三千七十二兩

一 收湖北江漢關共提撥六成洋稅關平銀五十七萬兩共合湘平銀五十七萬九千五百七十六兩

一 收蘇州藩司庫共提撥銀三十八萬兩

一 收江南海關共提撥銀九十五萬兩

一 收江蘇捐釐總局共提撥釐捐銀一百三十一萬兩

一 收鄂岸鹽釐共提撥銀三十一萬六千五百五十九兩六錢二分二釐二毫五忽

一 收湘岸鹽釐共提撥銀十三萬七千一百兩

一 收西岸鹽釐共提撥銀七十七萬八千六百八十一兩四錢二分

分二釐

一收皖岸鹽釐共提撥銀二萬五千一百三十七兩五錢九分

一收木案轉運價腳采辦製造等項共扣存平餘銀二千三百四十一兩八錢二分五釐八絲五微七纖

以上管收二項共庫平銀四百五十二萬三千七百五十七兩一錢六分六釐八毫七絲九忽一微二纖

湘平銀一百四十二萬二千三百三十三兩折合庫平銀一百三十七萬二千五百一十兩八錢五分五釐九毫二絲九忽七微五纖

其計庫平銀五百八十九萬六千二百六十八兩二分二釐八毫八忽八微七纖

登除項下

一撥放天津工程用款歸直省海防支應局入收造銷庫平銀九千八十七兩七錢一分五釐九毫一絲二忽

一撥放提督唐定奎所部各營調防臺灣輪船用款由上海招商局入收策冊造報庫平銀二萬兩

一附列本案專冊請銷補放淮軍馬步水師各營同治十一年以前欠餉銀二十七萬一千二百一十一兩六錢三分九釐四毫二絲九忽

一附列本案第一冊請銷淮軍各營洋鎗隊教習通事工匠人等辛工等項銀六萬八千六百二十六兩三錢二分九釐二毫四絲八忽

一附列本案第二冊請銷行營修製洋軍械局工匠料物並購買外洋軍火價值等項銀二十二萬六千四百三十六兩九錢七分

九釐五毫三絲三忽

以上登除並附列請銷各款共庫平銀五十九萬五千三百六十二兩六錢六分四釐一毫二絲二忽

實計收用庫平銀五百三十九萬九千五百三錢五分八釐六毫八絲六忽八微七纖

開除

一第一冊請銷淮軍原募續添馬步各營統領營哨官弁勇夫薪糧等項內歸戶部核銷新費日糧馬乾等銀三百九十八萬六千九百三兩五錢三分七釐二毫五絲六忽兵部核銷倒補馬價銀一萬五千三百一十四兩四分五釐三毫五絲四忽

一第二冊請銷督標水師各營營哨官弁勇丁薪糧等項係歸戶部核銷銀一十二萬九千二百七錢一分七毫四忽

一第三冊請銷隨營辦事支應各差京外文職官員薪糧等項係歸戶部核銷銀四萬二千六百七十五兩八錢六分六釐六絲二忽

一第四冊請銷隨營先鋒差遣武職官弁薪糧等項係歸戶部核銷銀四萬四千二百三兩四錢一分六釐

一第五冊請銷淮軍馬步各營柴草油燭折價等項係歸戶部核銷銀二十一萬一千五百四十一兩八錢三分一釐五毫一絲六忽

一第六冊請銷淮軍馬步各營號購車喂養車輛雇價等項內歸戶部核銷號購車喂養銀七萬七千六百九兩七錢六分五釐五毫一絲二忽兵部核銷車輛雇價銀六萬九千七百九兩五錢四分三釐五毫六絲八忽

一第七冊請銷淮軍各營哨弁勇夫亡故卹費係歸兵部核銷銀五千三百三十一兩四錢六分七釐七毫二絲二忽

一第八冊請銷直隸總督陝防行營駝廠馬駝喂養夫工等項內歸戶部核銷馬駝喂養銀一萬五千一百三十六兩四錢四分六釐九毫七絲五忽兵部核銷夫工銀五百五十七兩七錢五分三釐五毫四絲六忽

一第九冊請銷各案局所水陸轉運餉械車騾夫役工價水腳等項係歸兵部核銷銀五萬二千七十八兩五錢二分五釐三毫三絲

一第十冊請銷采辦物料製造軍裝器械工價並油船船隻經費等項係歸工部核銷銀一十八萬四千六百六兩一錢八分八釐九毫四絲一忽

奏稿二十七

以上第一冊至第十冊止共歸戶部核銷銀四百四十九萬八千一百六十三兩五錢七分四釐二絲五忽兵部核銷銀一十四萬二千九百八十七兩三錢二分五釐五毫二絲工部核銷銀一十八萬四千六百六兩一錢八分八釐九毫四絲一忽

統計十冊共請銷銀四百八十二萬五千七百五十七兩九分八釐四毫八絲六忽

實在存銀四十七萬五千一百四十八兩二錢六分二毫八微七纖

查前項實存銀兩已接支同治十三年七月起正雜餉項並定購外洋礮火子彈價值等用歸於後案舊管項下滾接造報理合聲明

一各營餉銀三十四萬四百五十三兩二錢一分四釐三毫四絲二忽

一各營餉銀四千一百六十八兩八錢六分三釐八毫九絲七忽

一以上共欠發餉銀三十四萬四千六百一十四兩七分八釐三毫三絲九忽續有補給銀款另歸後案專冊開報理合聲明

奏稿二十七

千

盤獲詐偽官員摺 光緒二十二年五月二十四日

奏為盤獲冒充

欽派京堂馳驛查地私雕假印捏造文劄之官員請革職解部審辦恭摺仰祈

聖鑒事竊據宣化府知府王袞稟稱五月初六日延慶州接准昌

平州遞到總管內務府劄文內開清理果園地畝

欽派四品京堂委員續昌馳驛前往編查經過各州縣預備公館

車馬飯食一體遵照等因初八日續昌偕用內務府堂官旗號帶

同僕從胥役到延慶州該州文鋪接見據稱係四品京堂奉內務

府

奏派赴宣化歸化等處清理遺失果園旋在街張貼示諭招告園

戶其銜則書總管內務府並

欽派字樣該州以形迹可疑復向續昌盤詰據稱係內務府掌儀

司員外郎保舉四品京堂候補又謂先在大理寺當差詢其為員

外郎及在大理寺應辦之事茫然不知查其所帶物件惟空白印

文新帳簿並無地冊等件再加追問則已色變詞窮遂搜出石刻

既係職官未便擅訊將續昌等十二名並假印等件押解赴郡經
該府王袞審問張德恩等供與州訊相同開具供摺稟請核辦前
來臣查續昌既係內務府掌儀司贊禮郎乃不奉公守法膽敢冒
充
欽派四品京堂馳驛查地私雕假印捏造文劄騷擾驛站並出示
招告嚇詐愚民雖即破獲尚未得贓其情法已無可貸張德恩本
與續昌同謀劉宗順等稱皆不知其情恐未可信此案首從各犯
半係內務府員役又假內務府園地為由地方官未能深悉情形
其同雕假印之內務府護軍桂昌亦須一併拏究自應就近解交
刑部查核審辦方昭慎速除飭宣化府即將續昌等十二名並假
印等件委員解部並錄供摺分咨外相應請
旨將四品職銜內務府掌儀司贊禮郎續昌即行革職
收下內務府刑部分別拏犯審辦以儆官邪理合恭摺具陳伏乞
皇太后
皇上聖鑒訓示謹
奏

威妥瑪決裂赴滬摺 光緒二十一年五月三十日

奏為英使威妥瑪過津會晤無可商辦該使現已啟行赴滬恭摺
覆陳仰祈

聖鑒事竊臣承准軍機大臣密寄五月二十五日奉

上諭本日據恭親王寶璐沈桂芬面奏英國馬嘉理被戕一案聲
經該王大臣與英使威妥瑪辨論該使借此一事多方要求其有
尚可通融者業經酌量允准有礙難准行者當經駁斥該使未遂
所求遽於昨日出京等語此案經總理各國事務衙門王大臣與
威妥瑪反覆辨論力持大體今該使遽行出京自是意存要挾如
該使行抵天津往見李鴻章議及此事該督即可相機開導就近
商辦如該使到津後徑欲南行該督亦須與之晤商冀可早了此
案不至遷延本日寄去諭旨一道如該使索看憑據著另行恭錄

奏稿二十七

給子閱看俟事竣後仍繳還軍機處備查至應議條款業經總理
衙門陸續知照諒必能妥籌辦理等因欽此先是臣等准總理衙
門來函鈔示近日議論渾繁節略條款方冀漸有就緒忽聞威妥
瑪所欲未遂遽爾出京正深詫異臣等於五月初五日函致總理
衙門以瀛事總須該使在京議商方易轉關若聽其自去豈肯回
京再議該使既稱此案查辦不實過津未必就晤即或晤談亦必
齟齬不入竊慮事機更難收拾等語總理衙門亦深知事勢緊要
由子通融甚欲調停補救續議八條大致已將合拍該使性情反
覆加以梅輝立從中播弄乃至二十四日全行翻變不辭而行其
意殊為叵測事關大局苟力所能盡敢不設法斡旋聞
命之下恐該使悻悻未必來謁屬令候補道許鈴身密探該使於
二十六日晚抵津許鈴身即於二十七日已刻往晤述及臣處有

公事相商詢其來見與否該使謂已接准總理衙門照會恭錄

上諭派臣與之會商馬嘉理之案實無可再商但向不妨一見約
定二十八日辰初來晤辨論兩時之久臣多方開導欲就原議八
條復與議准以冀早了此案該使堅稱前在京時所議八條本係
從輕通融辦法而總理衙門忽拒忽允嗣後將預擬結案奏稿及
整頓通商稅釐照會文稿給閱皆與該使本意不符賠款一節亦
有爭較只有擱置不提另請本國酌辦臣告以此次可再商酌改
訂既經通融於前何不可通融於後該使謂出京之日業經函告
總理衙門以前所論事宜不再續議作為罷論已將交去節略取
回注銷茲斷無在津復議之理至馬嘉理一案疊經照會恭親王
請其提京覆訊除提京外亦別無可商臣復就提京一層與之反
覆剖晰利害不但中國無此辦法亦與英國將來邊境通商有礙

奏稿二十七

該使悍然不顧語甚決絕且以上年八月臣奉
旨往津會商曾議將前此
責問岑毓英辦理遲延
諭旨發鈔俾眾共曉迄未明發謂為權柄不足外聞所允京中未
必定行臣告以可否發鈔本非臣下所敢擅定茲既奉
旨商辦其稍可通融者但經允行總理衙門無不照辦該使謂馬
嘉理案我已定見請恭親王速即照覆將岑毓英等員提京審訊
餘無另行會商之處言畢辭去臣於是日戌刻前往該使寓所答
拜再三勸說令其暫留數日公同妥商該使執意不允晚間又送
來一信詞意與面談略同二十九日酉刻臣因赴紫竹林之便順
道往晤威妥瑪仍欲設法挽留該使謂速往上海奏報本國俟國
主回示方有辦法屆時恐須多添條款或由中國

簡派全權便宜行事大臣赴上海商辦或該使仍回京議辦均未
可定此時實在無可與商並稱是夜登舟三十日早開行矣
窺該使之意無非藉端要挾若不即開兵衅亦須多便宜此後
斷不止前議八條所能了事時艱孔急挽救無方徒增焦憤該使
既經南下無可商辦所有前奉
諭旨一道應繳還軍機處備查威妥瑪來信一件謹照鈔恭呈
御覽除將三次會晤該使問答節略撮記鈔摺函請總理衙門核
辦外所有威妥瑪過津會晤無可商辦該使已啟行赴滬各緣由
謹繕摺由驛六百里覆陳伏祈

皇太后
皇上聖鑒訓示謹
奏

奏稿二十七

七

謹將英國駐京使臣威妥瑪來函鈔錄恭呈

御覽

敬啟者所有本大臣前擬八條曾於出京已經照知恭親王全為
擱置在案今早承貴中堂切屬再為商議本大臣總以不便再議
為答固非輕待貴中堂之意而貴中堂既奉

諭旨著為會商本大臣尤無膜視

大廷之心理合言明惟思去年貴中堂暨丁大人均奉

諭旨著與本大臣會議時有

上諭摺文兩道本大臣屢以立刻發鈔為要兩位大臣終得允許

可行之後詎至京推諉不辦係總理衙門大臣內有言明李中堂

在津允許非必京中一定可辦之事諒貴中堂尚能記憶論此情

節鄙見凡有會商之舉所有承其商議之責者必要權柄較大方

奏稿二十七

七

能保其成功此次恭奉

上諭專將馬嘉理一案指為會商之件而本大臣所望亦不過妥

為結案故此早經照會恭親王請

旨著令雲南前撫等員進京或在本大臣前或在本大臣委員前

總審為美此恭親王若即備文照覆便以為可本大臣實無別行

會商之處泐此順頌勳祺

直境被旱救荒摺 光緒二十二年閏五月初六日

奏為查報直境被旱大概情形及籌辦救荒事宜恭摺仰祈

聖鑒事竊臣欽奉五月十五二十三兩月初二等日

上諭近畿亢旱閭閻苦累著加意拊循力求救荒之策並嚴緝盜

賊搜捕蝻孽清查倉穀采買平糶慎選賢能等因仰見我

皇太后

皇上軫念民艱

德意周至欽感莫名伏查直境去冬少雪今年天氣久旱糧價日

見昂貴小民緇食艱難臣於四月間奏准招商販運奉糧來津以

備各屬轉運平糶並疊飭清釐訟獄停徵糧差嚴緝盜梟搜挖蝻

孽仍一體虔禱以祈普沛甘霖四五月間雖得雨數次但皆未深

透麥苗多已枯萎秋禾未能徧種臣奉職無狀致此沴戾悚懼時

深查定例夏災限六月中旬題報此時分數尚難預計惟災象已

形窮黎餓口維艱殊堪憫惻直屬素稱瘠苦前數年水患頗仍倉

儲久已空虛庫款萬分支絀本屆旱區甚廣此後為日方長例賑

尚待徐籌必須先籌接濟因令司道府督飭州縣勸諭紳商富戶

量力集捐不拘糧米銀錢不限升斗數目即以本地捐款為濟本

地貧民仰懇

恩准仍照上屆賑捐章程核給獎敘其外省官商捐助者一律給

獎以期踴躍臣並飭各屬或捐帑廉俸或借動地方公項或商勸

紳富財粟以作平糶資本源源運濟其有倉存穀石即籌議核實

動放天津為海口轉運總匯之區除廣招商販外復於運道關庫

竭力籌湊銀十萬兩發交輪船招商局分赴奉天江蘇安徽湖廣

各省采買米麥雜糧轉輸運津存棧以備賑賑之用惟該局輪船

本係華商合股承辦今令辦運救荒糧米既不開支棧租辛工等

項且須較尋常裝貨減支水脚以輕糶價應懇

恩援照沙船海運酒糧章程准其搭貨二成進出海口免予輸稅

用示體恤凡采買及商販糧石均由臣發給執照沿途經過關卡

照案迅速驗放免徵釐稅並請

敕下各該省將軍府尹督撫一體飭遵仍示諭糧戶不准遏糶

居奇嚴禁關卡員役留難俾利轉輸至武清甯河一帶及此外近

水卑滲之處聞有蝻孽萌動復嚴飭該地方官迅速捕挖並派令

駐防練軍就近幫捕務期盡絕根株向來冬令分派練軍出防大

道春杪回營操練前因旱荒深慮盜賊竊發已飭各該軍分路彈

壓巡緝並令各地方文武嚴密防捕如有奸民藉荒糾搶持械行

強者准即嚴拏正法以遏亂萌本年節候較晚若旬月得沾透雨

猶可補種晚禾冀挽救於百分之二否則全省大旱萬難區處實

有不堪設想者現飭確查二麥實收分數以憑核計災歉察看情

形另籌賑貸再行

奏明辦理值此時艱帑絀首在官吏得人臣惟督飭司道嚴加查

察事事妥實經營儻有侵貪捏混之員或因循從事或措置乖謬

定即從嚴參辦仍慎選賢能以資贊助所有直境被旱大概情形

及籌辦救荒事宜理合會同兼管順天府府尹臣萬青藜順天府

府尹臣張漢卿恭摺由驛具陳伏乞

皇太后

皇上聖鑒訓示謹

奏

截留東漕片 光緒二年閏五月初六日

再准部咨欽奉閏五月初一日

上諭直隸等省旱象已成近畿一帶關係尤重朝廷軫念民艱若俟該兼尹總督等查明奏報未免有需時日加恩著照該部所擬即由部庫撥銀十萬兩交萬青黎張洪卿李鴻章將順天府及直隸所屬酌分成數派員赴部請領妥為接濟至應否截留東漕後幫粟米之處仍著該督等查明具奏等因欽此等正以地方久旱窮民餬口維艱本省力難籌濟為慮仰蒙

特頒銀米加惠災黎遠近喧傳同聲感泣伏查同治年間災案奉撥賑款順直已有應分成數此次奉撥銀十萬兩本可仿照辦理惟順屬近京師尤虞

奏稿二十七

三

宸慮自宜先其所急酌量勻分臣已咨商府尹核計應分幾成迅速咨覆以便各自派員剋日赴部請領擇其地方尤為瘠苦者先予接濟至直屬倉儲久已空虛旱區甚廣粒食艱貴亟應欽遵恩旨截留漕糧稍資補助臣已飛飭山東糧道查報後幫粟米數目若干現已行抵何處相應懇懇天恩准將山東後幫粟米儘數截留救下倉場侍郎遵照其有已抵通者即由順屬就近赴領惟約計東漕後幫為數甚少不敷分撥查奉天木屑牛莊運進粟米二千九百餘石錦甯廣義四州縣運進粟米一萬一千七百餘石計將次第來津並懇恩准一併截留備賑以廣皇仁其順直應分米數容俟酌商辦理一面督飭河道體察緩急

情形妥核撥用務期實惠徧及不准胥吏舞弊所有顯懇截留東漕奉撥緣由理合會同兼管順天府府尹萬青黎順天府府尹張漢卿附片具陳伏乞聖鑒訓示謹

奏稿二十七

三

裕免民欠片 光緒二年閏五月初六日

再直隸地本瘠薄民多困窮疊被災傷元氣虛耗今又亢旱過久若旬月再無透雨則闔屬一百四十餘州縣勢將無處不災人心惶惶必須廣籌撫恤因思頻年欠賦皆因節次災歉所積而成嗣後即遇中稔僅能勉完新賦徒存帶徵之名俾胥吏藉詞迫呼重累閭閻實無裨於庫款此時天澤不降上下之氣未通

聖主宵旰焦勞勤求民瘼畿疆重地根本所關愚擬請特沛曠大之恩將直隸省同治十三年以前民欠及緩帶徵地糧旗租竈課各案補徵銀兩及出借倉穀籽種口糧牛具學租等項除十年以前已經豁免外其十一十二十三等年疊次欠緩者即予全行豁免以期綏輯人心感召天和如蒙

俞允 臣當恭錄

恩行敬謹勝黃迅速徧行曉諭一面督飭司道核實確查欠數另行奏報儻有奉

旨之日以後未領勝黃以前輸納者即作抵本年正賦務使窮民實惠普沾不准官吏絲毫捏混是否有當理合附片陳請伏乞聖鑒訓示謹

奏

海防支應請銷摺 光緒二年六月二十六日

奏為查明天津海防支應局光緒元年收支餉需按款分造清冊請

旨敕部核銷恭摺仰祈 聖鑒事竊據天津支應局司道會詳津郡海防改設練軍並原設通永鎮標大沽協標官兵雲字營馬隊應需餉乾等項向在津海關六成洋稅洋藥釐捐東海關協餉長蘆鹽斤復價甯河釐捐各項下隨時籌撥按照海防章程撥節支放所有同治十三年分收支款目造冊詳經奏咨准銷在案查上年四月因奉省大東溝一帶邊匪盤踞欽奉

奇諭調撥津郡練軍步隊一千名雲字兩營馬隊四百名交前天津鎮陳濟清統領赴援查照練軍章程馬隊出征外省每月加

銀二錢雲字兩營馬隊即照此核發其練軍兩營步隊加餉暫與

馬隊一律加銀二錢以示撙節雲字馬隊每營不足二百五十名酌添長夫三十二名步隊照章每營添長夫八十名營官非本省實缺人員准其用夫四名所需口糧照章各月支銀三兩統領官係實缺總兵照例支給鹽糧馬乾銀兩均自拔隊之日起支至回津紮營之日起支並照同治四年洋鎗礮隊飭赴營口備調成案每兵酌給整裝銀一兩所需正餉加餉銀兩按三箇月一次源源接濟以利援剿又大沽營選募海勇分別等次頭等勇月給銀八兩二等勇月給銀七兩三等勇月給銀六兩均於上年十月初一日起支又大沽北塘等處礮臺續設礮位查照成案支給經費銀兩其餘支發一切款項悉照奏定章程及准銷成案核給造具細數清冊詳請奏咨前來臣逐加覆核計自光緒元年正月初一日

起截至十二月三十日止共收款銀三十八萬八千六百三十三兩五錢一分二毫三絲三忽其支款應歸戶部核銷銀三十萬九千九百六十六兩六錢三分八毫二絲一忽三微工部核銷銀八萬四千四百一十一錢七分九絲二微其應銷銀三十九萬四千六百八錢九毫一絲一忽五微除本案內扣收過平餘銀八百四兩八錢八分八釐九毫七絲七忽七微係隨時籌墊並承辦各員請領未發之款俟准部覆再行分別辦理除清冊咨部查照外所有天津海防收支餉需銀兩造冊請銷緣由理合恭摺具

奏伏乞

皇太后

皇上聖鑒敕部核銷謹

奏稿二十七

奏

馳赴煙臺日期摺 光緒二十一年六月二十七日

奏為

旨馳赴煙臺起程日期恭摺具報仰祈

聖鑒事竊臣前奉

旨即赴煙臺與威妥瑪會商一切事務業將預籌事宜專疏馳陳

欽奉 寄諭密行知照在案六月二十二日道員許鈴身天津府知府馬

繩武帶同津郡紳耆由煙臺回津據該道等面稱梅輝立於二十

日到煙該官紳往晤告知來意梅輝立但將紳民公呈代收謂俟

威使到時轉交勸令不必等候該官紳見梅酋毫無允意只得折

回等語二十四日接據英國駐津領事蓋甘爾稱威妥瑪專兵船

送來公文內稱該使接到恭親王函開以

奏稿二十七

奏

旨作為全權大臣便宜行事並著在煙臺與該使商辦一切該使

情殷晤談屬詢明何日起程前往會商該使到煙後於二十二日

前赴營口二十四日旋煙等因是其不願來津就商之意已在言

外臣思滇案久懸莫結深慮枝節橫生威妥瑪既到煙臺有信來

約自應遵

旨剋期前往早圖蕪事津郡紳民雖誠切攀留經臣督同地方官

迎旬詳加開導並節錄十六日

諭旨剋切曉諭使知此行係奉

旨派往會商事件並無他故無所用其疑慮日來人心頗為安帖

臣又諄飭鎮道府縣隨時認真彈壓密飭津沽各營鎮靜巡防當

不致滋生事端臣即於二十八日帶同翰林院編修黃彭年戶部

主事錢榮增道員許鈴身朱其詔直隸州知州薛福成知縣徐慶

餘諸可權等乘坐招商局豐順輪船及閩廠鎮海琛航各船由津起程放洋東駛約兩日可抵煙臺再會商威妥瑪察酌情形妥籌辦理隨時奏

聞臣起程後所有地方日行公事仍飭藩司代印代行通商尋常公事即交津海關道就近代行其緊要事件併包封附輪船遞

行次核辦嗣後如蒙寄諭應請由驛遞天津行館交輪船轉遞庶無遲誤所有起程馳赴煙臺日期理合恭摺馳報伏乞

皇太后
皇上聖鑒謹

奏

奏稿二十七

至

煙臺議結滇案摺 光緒二年七月二十七日

奏為行抵煙臺後與英國使臣會商一切事務現已議立條款畫押互換作為滇案完結恭摺馳陳仰祈

聖鑒事竊臣前奉

諭旨派為全權大臣馳赴煙臺與威妥瑪會商一切當經奏報於六月二十八日由津乘輪船起程東駛二十九日申刻行抵煙臺威妥瑪已先到煙七月初三日會晤議商雲南戕害馬嘉理一案該使堅求將全案人證提京覆訊若不允行他事無可商辦其注意尤重在岑毓英主使謂觀審之格維訥由滇回緬沿途查訪情節更真彼已令格維訥於閏五月杪回英面陳又將全案文卷證據齎送該國查核約一月內該國必有辦法回信此時即與議商仍須咨請本國作主等語臣與反覆駁辯以滇案業經

奏稿二十七

奏

欽派大員往查訊取供證確斷無再行提京覆訊之理若必欲提質須將所得岑毓英指使文札信據或的確可靠見證交出查驗當據以請旨定奪若聽信傳聞之言並無真憑確證遽將督撫大員提審中外各國皆無此辦法該使允將格維訥所記簿據譯送日久總未送交初五初八等日威妥瑪梅輝立來晤十一日臣又赴威妥瑪處會商仍執前詞以相抵拒該使又提及去秋在總理衙門議定辦理滇案優待駐京大臣整頓通商事宜三大端須一併議辦方能結案其怨甚奢而所言甚肆適俄德美法日奧六國駐京使臣及英德兩國水師提督均會集煙臺故示整暇往來談讌並詣其鐵甲大兵船閱看操練該兵官等迎送禮儀恭謹臣因於十二日

萬壽聖節邀請各國公使提督至公所燕飲慶賀自威安瑪以次各舉觴起立稱頌情誼頗為聯絡於是各國使臣公論亦謂無確實憑據擅請提京為非十三日威安瑪始允另議辦法謂前在京擬有八條英國臣民皆不滿意現格維訥到後朝議尙未知如何若另想辦法必得比八條所更更多更重方可服英人之心所擬條款須全答應即轉請本國結案不必再說提京等語十五日該使先送來一函聲明要約以條款當通盤合併酌議如不允行決然停議如可允行彼此書押為憑即覆函以如皆於彼此有益無損各省地方均辦得動自可酌允儘有中國體制所未協力量辦不到者亦未便勉強允行俟定議後再據情具奏請旨定奪各等語十七日該使來寓先譯述英文大略十八日將譯漢條款送交臣等逐加查核其昭雪滇案六條皆總理衙門已經應允惟償款銀數未定其優待往來三條一京外兩國官員會晤禮節似因今春部院大臣往來多未拜會各省督撫接見外國官員儀制互有歧異欲商訂以免爭論一通商各口會審案件一中外辦案觀審兩條可合併查近來各口關道與領事雖照約有會審之名仍歸承審者定斷會辦亦屬虛文若照所擬分別妥議定章或稍經久觀審一節亦經總理衙門於八條內允行矣至通商事務原擬七條一通商各口請定不應抽收洋貨釐金之界並欲在沿海沿江沿湖地面添設口岸該使以道光二十二年江甯和約第十款英國貨物在海關納稅後在中國商人備運天下經過內地稅關照舊輕納不得加增等語厥後因此議改子口稅為他口毫不另徵之據是第一子口似應在內地舊設常關處所遂謂必須離海口數十里或百餘里定為子口界址其界內免再收

洋貨釐捐名為照約似亦近情臣查各省釐捐多在通商口岸百貨鱗集之處若准定子口界所失過多斷不可行一請添口岸分作三項以重慶宜昌溫州蕪湖北海五處為領事官駐紮湖口沙市水東三處為稅務司分駐安慶大通武穴陸溪日岳州碼斯六處為輪船上客商貨物長江一帶竟欲一網打盡用意極為貪狡以上二條係該國注意多年所必欲得者與總理衙門議論未就本年德國修約又嗾令合力要求幾有不允不休之勢一洋藥准在新關併納稅釐一洋貨半稅單請定畫一款式華洋商人均准領單洋商運土貨出口商定防弊章程一洋貨運回外國訂明存票年限一香港會定巡船收稅章程一各口未定租界請再議訂以上五條如洋藥釐捐由新關併徵既免偷漏亦可隨時加增土貨報單嚴定章程免影射冒騙諸弊香港妥議收稅辦法均尚與中國課餉有益其餘亦與條約不背該使又擬明年派員赴西藏探路請給護照因不便附入滇案優待通商三端之內故列為專條臣緣該使先既約定各條須通盤合併酌議有允有不允則即停議恐又事敗垂成因就其稍可通融者酌量允行改添字句免滋弊混而全力專注免定口岸添設口岸兩事與之反覆爭論該使忽允忽翻自十九日起逐日會議至二十四日彼此確允免定口岸僅於租界免抽洋貨釐金臣查洋人租界為地無幾各通商口岸惟上海租界有抽釐局卡他處釐局皆在租界之外且指明洋貨則土貨仍可抽收將來洋藥加徵稍資撥補似於大局無甚妨礙至添口岸一節總理衙門已允宜昌溫州北海三處赫德續請添蕪湖口亦經臣奏在案今仍堅持前議在添四口作為領事官駐紮處所其重慶派英員駐寓總理衙門已於八條

內議准未便即作口岸臣知川江峽險阻輪船萬不能行姑
明俟輪船能上駛時再行議辦至沿江不通商口岸上下客商貨
物一節自長江開碼頭後輪船隨處停泊載人運物因未明定章
程礙難禁阻該使既欲議准不在停泊處所之多寡要在口
岸內地之分明臣今與訂上下貨物皆用民船起卸仍照內地定
章除洋貨稅單查驗免釐有報單之土貨只准上船不准卸賣其
餘應完稅釐由地方官一律妥辦等語是與民船載貨查收釐金
者一律旋與赫德密商據稱如此辦理該總稅司敢保洋稅毫無
偷漏釐課並無耗損只須各地方關卡員役查察嚴密耳該使先
請湖口等九處與釐定廣東之水東係沿海地方不准驟開此
禁岳州距江稍遠不准繞越行走姑允沿江之大通安慶湖口武
穴陸溪沙市六處輪船可暫停泊悉照內地抽徵章程臣復與德

奏稿二十七

聖

國並未失和無認償兵費之例諄囑其定數乃可結案庶幾一了
百了該使謂吳淞鐵路正滋口舌如臣能調停主持彼即擔代仍
照原議二十萬臣思鐵路一事洋商既經購地興築豈肯中廢若
久擱置亦屬可虞當允派員往商該使遂欣然定議矣因訂於二
十六日率同中外在事各員齊集公所將繕就會議條款華英文
各四分校對無訛彼此畫押蓋印互換該使復具結案照會由臣
轉咨總理衙門照辦除照錄威妥瑪與臣十四十六等日訂約往
覆函稿一摺威妥瑪原議條款略一摺臣與威妥瑪會議改定
條款一摺威妥瑪允即結案照會一摺恭呈
御覽並將畫押條款二分一咨送總理衙門查核一存臣處備案
外所有會商一切事務議立條款完案各緣由謹繕摺由輪船遞
天津交驛六百里馳陳仰懇
奏稿二十七
聖

慈廡伏乞

皇太后

皇上聖鑒訓示施行再臣拜摺後料理起程即日回津威妥瑪亦

即回京合併聲明謹

奏

謹將與英國使臣威安瑪來往函稿照錄恭呈

御覽

威安瑪來函 七月十四日

逕啟者本月十三日日本大臣與貴中堂面晤談論一切當經本大臣將如何願與貴中堂商議之情形聲明以達尊知茲欲安防不致稍有錯會特將此項情形具函奉布貴中堂洞悉查本國與貴國目下所辦大端本大臣曾已允為詳細列明始末呈達貴中堂知照俟接閱後方以本大臣所要將前任雲南巡撫等員及紳士各人提京一節當否奏明請旨照辦之處由貴中堂酌核情節定奪也今前項始末節略本大臣正在辦就而貴中堂因念允從提京一端礙難辦理可否改議另設辦法屢請本大臣酌定本大臣遂已應允將擬辦條款列明

奏稿二十七

呈

送呈台覽此項條款自應剋期呈達一俟貴中堂定期會晤本大臣即將所擬條款與貴中堂通盤合併酌議俟熟商後若貴中堂意中為不可允從本大臣自宜隨為決然停議並將停議情事由電綫咨報本國德丞相知照因查所有近時一切公牘月前已經咨送回國約八月初八日可以遞到設若彼時貴中堂與本大臣仍無說合之議當歸本國朝議大臣將如何辦理之處酌定請旨諭令本大臣遵行茲本大臣所具條款儻或貴中堂幸可允從彼此畫押為憑本大臣一面咨報本國請作完案之據一面訂明仍由貴中堂將所定條款呈恭親王山恭親王入奏請旨以貴中堂商定事宜逐層依議為要迨奉旨時山恭親王恭錄照會本大臣知悉並以商定條款內所有應行剋期舉辦各端定當立時舉行等語當於照會內一併聲明以

昭慎重如或恭親王未願請旨或降

旨後萬一應行剋期舉辦之端恭親王未願立時舉行既有此項情事則本大臣與貴中堂會同議定各款當視作廢紙其應若何辦理之處即由本大臣隨時制宜自行定奪舉行特此布達願頌日祉

復威安瑪函 七月十六日

逕復者頃准七月十四日來函以滇案提京一節本大臣礙難辦理今擬另設辦法由貴大臣擬辦條款剋期送交與本大臣通盤合併酌議俟熟商後若本大臣謂不可允從自宜決然停議由電綫咨報貴國儻可允從彼此畫押為憑貴大臣一面咨報本國請作為完案之據一面由本大臣將所定條款咨請恭親王入奏送

奏稿二十七

呈

層依議迨奉旨時由恭親王恭錄照會貴大臣知悉並聲明商定條款內所有應行剋期舉辦之端定當舉行如未願舉行則本大臣會同議定各款當視作廢紙即由貴大臣自行定奪辦理等因准此查本月十三日日本大臣與貴大臣面商雲南一案業經欽派大員查訊覆奏礙難再將岑撫等員及紳士各人提京復訊議請另設辦法以全兩國和好當蒙貴大臣面稱各節悉與來函語意相符既經訂明自應逐一照辦因思貴大臣駐華多年情形熟悉素行愛護中國篤念友誼之心此次擬辦條款如皆於彼此有益無損於各省地方均辦得動將來不致窒礙難行本大臣自可酌核應允即總理各國事務衙門亦易剋期舉辦僅行中國體制所未協及力量辦不到者本大臣自未便勉強允行仍應與

貴大臣公議熟商以期迅速結案俟定議後當再據情具奏覆
命請
旨定奪並照錄來函咨請總理各國事務王大臣查照專此布復
順頌日祉

本稿二十七

五

謹將英國使臣威妥瑪原議條款節略底稿照錄恭呈
御覽

威妥瑪譯送原稿 七月十八日

本大臣現與貴中堂會商一切推原其故因本年春間接到本國
總理各國事務德丞相上年十二月初五日來咨囑本大臣若何
辦理共有三端一則以滇案妥為昭雪二則上年八月所定中外
大臣往來相待一節妥為辦理以昭信守三則以上年八月議定
整頓通商事務一律照辦各等意此件咨文一面發給本大臣一
面知照本國會現在本大臣與貴中堂會同商辦總以力守此
件咨文為主所有以上三節前與總理衙門往返商議之處不必
贅述今本大臣所要辦法分款開列於後
第一端 昭雪滇案

本稿二十七

五

一本大臣現在另有節略擬作為滇案奏稿大概底本俟辦妥後
或由恭親王或由李中堂具奏均可惟於出奏之前須將摺稿送
交本大臣閱看妥當

一奏明奉

旨發鈔後由恭親王將摺稿

諭旨恭錄知照並將總理衙門通行各省咨文一併照會本大臣
查照本大臣即當照覆聲明限兩年為期由英國駐京大臣隨時
派員分往各處查看張貼告示情形將來或由英國大臣行文或
札行各口領事官轉為照會即由地方大吏派委委員會同前往
各該處所查看
一所有滇省與緬甸地方來往通商一節應如何明定章程由恭
親王奏請明降

諭旨飭派幹員會同英國選派官員妥為商訂

一自英歷來年正月初一日即光緒二十一年十一月十七日起定以五年為限由英國選派官員在於滇省大理府或他處相宜地方

一區駐寓以便察看通商情形俾商定章程得有把握於關繫英人一切事宜由此項官員與該省官員隨時商辦或五年之內或

俟期滿之時由英國斟酌訂期開辦通商至去年所議由印度派員赴滇曾經發有護照自當仍由印度節度大臣隨時定奪派員

委辦

一所有在滇被害人員家屬應給卹款以及緣滇案用過經費並因各處官員辦理未協有應行償還商民之款共應償交英國若

干英國大臣未便遽定應由英國朝廷作主

一俟此案議結時奉有中國

朝廷惋惜滇案

聖書應即由

欽派出使大臣起程前往英國所有

欽派大臣銜名及隨帶人員均應先行知照英國大臣以便知照

本國其所齎

國書底稿亦應先送英國大臣閱看

第二端

一查光緒元年九月十一日總理衙門奏摺有云預備熟悉洋

務人才原不僅為辦理中外交涉事務起見而出使往來各節均

寓其中等因現因兩國官員往來會晤以及文移往返一切事例

京外均有未協之處自宜明定章程免致爭論應由總理衙門照

駐居中國各口等處外國官員之意與泰西各國與國交際情形無異且與各國看待在外之中國官員相同緣中國現有派員出使之舉此項章程亟應定明方昭妥協

一咸豐八年所定英國條約第十六款所載英國國民人有犯事者皆由英國懲辦中國人欺陵擾害英民皆由中國地方官自行懲辦兩國交涉事件彼此均須會同公平審斷以昭允當等語查原約內英文所載係英國國民人有犯事者由英國領事官或他項奉派幹員懲辦漢文以英國兩字包括前經英國議有詳細章程並欽派按察司等員在上海設立承審公堂以便遵照和約條款辦理目下英國適將前定章程酌量修正以歸盡善中國年前亦在上海設有會審衙門辦理中外交涉案件無如所派委員審斷案件本無妥當定章或因事權不一或因怕招嫌怨往往不肯認真審追茲議由恭親王照會各國駐華大臣請為會同總理衙門即將通商口岸應如何議定承審章程妥為商辦以昭公允

一萬一內地各省地方或通商口岸有關繫英國人身家案件聽由英國大臣派員前往該處觀審此義應先聲敘明白庶免日後彼此另有異辭英國大臣即將前情備文照會恭親王山恭親王照覆以將來照辦緣由聲明備案至中國各口審斷交涉案件兩國法律既有不同情形祇能視被告者為何國之人即赴何國官員處控告原告為何國之人其本國官員祇可赴承審官員處觀審庶保各無向隅各按本國法律審斷此即條約第十六款所載會同兩字本意以上各情兩國官員均當遵守

第三端 通商事務

一所有現在通商各口岸按前定各條約有不應抽收洋貨釐金

之界茲由英國大臣議請本國准定界址俾免漫無限制隨由中國議准在於沿海沿江沿湖地面添設口岸所添口岸分作三項一則領事官駐紮處所商民即可開行居住二則未必一定派委領事官駐紮處所祇可由中國各關派委管理稅務外國人駐寓稽查上下貨物經理稅項事務若無領事官駐紮英國商民無庸定以開行常住之例三則領事官及管理稅務外國人等均不駐寓祇准輪船上下客商貨物皆用內地駁船起卸

一前款所開添設口岸分作三項其一則四川重慶湖北宜昌浙江温州安徽蕪湖廣東北海五處作為領事官駐紮處所二則江西湖口湖北沙市廣東水東三處作為派委管理稅務外國人駐寓處所三則安徽大通安慶湖北武穴陸溪口湖南岳州碼斯六處作為輪船停泊上下客商貨物處所重慶一口本可派領事官駐紮惟輪船未抵重慶之先英國商民不得在彼開行居住

一所有新舊各口岸地方應由地方官會商英國各國領事官查明洋貨免收釐捐界址明定限制至洋藥一宗英國大臣議請本國准為另定辦法與他項洋貨有別令英商於販運入口時先將洋藥存放官棧俟售賣時洋商輸納關稅買客一面將釐金輸納以歸核實

一洋貨運入內地請領半稅單照嗣後各關發給單照應有畫一款式不分華洋商人均可請領並無參差洋商將土貨由內地運往口岸上船條約內原有定章英商完納子口半稅請領單照即可運往若非英商自置土貨該貨若非實在運往出口不得援照辦理所有應定章程免致滋生弊端之處英國大臣即願會同中國設法商辦若有英商自置土貨屈令內地船隻由未開通商地

方運往通商口岸上船准由英商請領半稅單照起運

一咸豐八年所定條約第四十五款內載英商若將已經完納稅項貨物復運外國稟明海關監督發給存票他日均可持作已納稅餉之據等語原約並未定有年限英國大臣議請本國訂明年為期限滿不得將此項存票持作完納稅項之據

一香港洋面粵海關向設巡船稽查收稅事宜屢由香港官憲聲稱此項巡船有擾累華民商船情事現議即由英國選派領事官一員由中國選派平等官員一位由香港選派英官一員會同查明定章遵辦總期於國課無礙於香港地方事宜無損

一新舊各口岸應由英國領事官會商各國領事官與地方官商議將洋人居住處所畫定界址

謹將與英國使臣威妥瑪會議改定洋押互換條款照錄恭呈

御覽

大清欽差使臣文華殿大學士直隸總督一等肅毅伯李鴻章為
大英欽差駐華使臣行事大臣勳賜二等寶星威妥瑪為
會議條款事現在本大臣等會商一切因本年春間威大臣接准
總理各國事務丞相伯德上年十二月初五日來咨囑將各節
若何辦理其有三端一則以滇案妥為昭雪二則上年所定中外
大臣往來相待一節妥為辦理以昭信守三則上年八月議定整
頓通商事務一律辦理各等因現威大臣會同商辦總以力守此
件咨文為主所有以上三節威大臣前與
總理衙門往返商議各件無須贅述今與李大臣議定辦法分條
開列於後

奏稿二十七

至

開列於後

第一端 昭雪滇案

一威大臣另有擬作為滇案奏稿大概底本先與李大臣商定或由

總理衙門或由李大臣具奏均可惟於出奏之前須將摺稿交威

大臣閱看會商妥當

一奏明奉

旨發鈔後由

總理衙門將摺稿

諭旨恭錄知照並由

總理衙門通行各省將此次摺件

諭旨詳細列入告示一併照會威大臣查照威大臣即照覆聲明

限兩年為期由英國駐京大臣隨時派員分往各省查看張貼告示情形將來或由英國駐京大臣行文或札行各口領事官轉為照會即由地方大吏派委委員會同前往各處查看

一所有滇省邊界與緬甸地方來往通商一節應如何明定章程於滇案議結摺內一併請

旨飭下雲南督撫俟英國所派官員赴滇後即選派妥幹大員會同妥為商訂

一自英歷來年正月初一日即光緒二年十一月十七日起定以五年為限由英國選派官員在於滇省大理府或他處相宜地方

一區駐寓察看通商情形俾商定章程得有把握並於關係英國官民一切事宜由此項官員與該省官員隨時商辦或五年之內

或俟期滿之時由英國對酌訂期開辦通商至去年所議由印度派員赴滇曾經發給護照應仍由印度節度大臣隨時定奪派員

奏稿二十七

至

妥辦

一所有在滇被害人員家屬應給卹款以及緣滇案用過經費並

因各處官員於光緒二年前辦理未協有應償還英商之款威

大臣現定為擔代共關平銀二十萬兩由威大臣隨時兌取

一俟此案議結時奉有中國

朝廷惋惜滇案

摺書應即由

欽派出使大臣起程前往英國所有

欽派大臣銜名及隨帶人員均應先行知照威大臣以便咨報本

國其所齎

國書底稿亦應由

總理衙門先送威大臣閱看

第二端與中國官員彼此往來之禮以及兩國審辦案件各官交

一案查光緒元年九月十一日

總理衙門奏摺有云預儲熟悉洋務人才原不僅為辦理中外交涉事務起見而出使往來各節均寓其中等因現因兩國官員往來會晤以及文移往返一切事例京外尙有未協之處自宜明定章程免啟爭論茲議應由

總理衙門照會各國駐京大臣請其會同商訂條約條款總期中國官員看待駐居中國各口等處外國官員之意與泰西各國與國交際情形無異且與各國看待在外之中國官員相同緣中國現有派員出使之舉此項章程亟應定明方昭妥協

奏稿二十七

一咸豐八年所定英國條約第十六款所載英國國民人有犯事者皆由英國懲辦中國人欺陵擾害英民皆由中國地方官自行懲辦兩國交涉事件彼此均須會同公平審斷以昭允當等語查原約內英文所載係英國國民人有犯事者由英國領事官或他項奉派幹員懲辦等字樣漢文以英國兩字包括前經英國議有詳細章程並添派按察司等員在上海設立承審公堂以便遵照和約條款辦理目下英國適將前定章程酌量修正以歸盡善中國亦在上海設有會審衙門辦理中外交涉案件惟所派委員審斷案件或因事權不一或因怕招嫌怨往往未能認真審道茲議由總理衙門照會各國駐京大臣請將通商口岸應如何會同總署議定承審章程妥為商辦以昭公允

一凡遇內地各省地方或通商口岸有關繫英人命盜案件議由

英國大臣派員前往該處觀審此事應先聲明自庶免日後彼此另有異辭威大臣即將前情備文照會請由

總理衙門照會各國駐京大臣請其會同商訂條約條款總期中國官員看待駐居中國各口等處外國官員之意與泰西各國與國交際情形無異且與各國看待在外之中國官員相同緣中國現有派員出使之舉此項章程亟應定明方昭妥協

總理衙門照會各國駐京大臣請其會同商訂條約條款總期中國官員看待駐居中國各口等處外國官員之意與泰西各國與國交際情形無異且與各國看待在外之中國官員相同緣中國現有派員出使之舉此項章程亟應定明方昭妥協

一所有現在通商各口岸按前定各條約有不應抽收洋貨釐金之處俾免漫無限制隨由中國議准在於湖非宜昌安徽蕪湖浙

奏稿二十七

江溫州廣東北海四處添開通商口岸作為領事官駐紮處所又四川重慶府可由英國派員駐寓查看川省英商事宜輪船未抵重慶以前英國商民不得在彼居住開設行棧俟輪船上駛後再行議辦至沿江安徽之大通安慶江西之湖口湖廣之武穴陸溪口沙市等處均係內地處所並非通商口岸按長江統共章程應不准洋商私自起下貨物今議通融辦法輪船暫停泊上下客商貨物皆用民船起卸仍照內地定章辦理除洋貨半稅單照章查驗免釐其有報單之土貨祇准上船不准卸賣外其餘應定稅釐由地方官自行一律妥辦外國商民不准在該處居住開設行棧

一新舊各口岸除已定有各國租界應無庸議其租界未定各處應由英國領事官會商各國領事官與地方官商議將洋人居住

處所畫定界址

一洋藥一宗威大臣議請本國准為另定辦法與他項洋貨有別
 令英商於販運洋藥入口時由新關派人稽查封存棧房或躉船
 俟售賣時洋商照則完稅並令與客一併在新關輸納釐稅以免
 偷漏其應抽釐稅若干由各督察勘情形酌辦
 一洋貨運入內地請領半稅單照各國條約內原已訂明白當遵
 辦嗣後各關發給單照應由
 總理衙門核定畫一款式不分華洋商人均可請領並無參差洋
 商將土貨由內地運往口岸上船條約內亦有定章英商完納子
 口半稅請領單照即可運往海口若非英商自置土貨該貨若非
 實運往海關出口不得按照辦理所有應定章程免致滋生弊
 端之處威大臣即願會同

奏稿二十七

奏

總理衙門設法商辦至通商善後章程第七款載明洋貨運入內
 地及內地置土貨等語係指沿海沿江沿湖及陸路各處不通
 商口岸皆屬內地應由中國自行設法防弊
 一咸豐八年所定條約第四十五款內載英商若將已經完納稅
 項洋貨復運外國稟明海關監督發給存票他日均可持作已納
 稅餉之據等語原約並未定有年限今訂明三年為期限滿不得
 將此項存票持作完納稅項之據
 一香港洋面粵海關向設巡船稽查收稅事宜屢由香港官憲聲
 稱此項巡船有擾累華民商船情事現在議定即由英國選派領
 事官一員由中國選派平等官一員由香港選派英官一員會同
 查明核議定章遊辦總期於中國謀餉有益於香港地方事宜無
 損

一以上議准添開通商各口岸及沿江六處准起卸貨物一節應
 由李大臣奏奉
 旨准於半年期限開辦各口租界免洋貨釐金及洋藥在新關併
 納釐稅兩節俟英國會商各國再行定期開辦

奏稿二十七

奏

另議專條原議

現因英國酌議派員由中國京師啟行前往徧歷甘肅青海一帶地方入藏以抵印度為探訪路程之意所有應發護照並知會各處地方大吏暨駐藏大臣公文屆時當由總理衙門妥為辦給儻若所派之員不由此路行走另由印度與西藏交界地方派員前往中國接准英國大臣知會後即當行文駐藏大臣派員妥為照料並發給護照以免阻礙

奏稿二十七

老

另議專條改定

現因英國酌議約在明年派員由中國京師啟行前往徧歷甘肅青海一帶地方或由內地四川等處入藏以抵印度為探訪路程之意所有應發護照並知會各處地方大吏暨駐藏大臣公文屆時當由總理衙門察酌情形妥為辦給儻若所派之員不由此路行走另由印度與西藏交界地方派員前往俟中國接准英國大臣知會後即行文駐藏大臣查度情形派員妥為照料並由總理衙門發給護照以免阻礙

奏稿二十七

美

照錄英國威公使照會

為照會事照得本月十四日本大臣以如何願與貴大臣商議之情形備函逐細通知在案現在彼此會議條款均經商定正待畫押本大臣尚願將前次所酌商各情內結案緊要一層酌量變通辦理會於昨日會晤貴大臣時已經聲明溯查月之十四日本大臣公函內有云所具條款備或貴大臣幸可允從彼此畫押為憑本大臣咨報本國請作為完案之據等因在案茲數日以來彼此會商一切本大臣仰體貴大臣遇事直誠相待願於原議之外另為設法俾得結局有期特擬於現經所定條款畫押完竣時本大臣即當起程赴京俟將回京日期布達恭親王知照後務望即將所有現議條款內應奏摺文應降諭旨等件刻即發鈔宣示以上各件發鈔後本大臣即當一面請

奏稿二十七

六

將條款內所訂照會本大臣暨通行照會各國駐京大臣之公文分別鈔稿預送本大臣查核俟接有以上各項公文並條款內所訂應立行舉辦各件本大臣即以漢案一事今由本大臣自行擔代結局等因發寄電咨回國查照至本大臣現議變通辦法與本月十四日酌定情形較有利益之處已知貴大臣無不洞悉惟按十四日所訂辦法漢案一事向由本國朝廷酌核或將全案情形始終復行究論亦可而本大臣若以案已議結情形發文咨報則不至復行究論之語本大臣聲明尚似無不允洽迺思聲明此語本大臣所擔責任頗重非先有以上開列各項憑據到手本大臣礙難查照所議聲明結局因欲妥防不致稍有誤會特將所請於本大臣到京後由恭親王照送各件開列清單呈閱俟此項各件接到時本大臣所約自當立行照辦結局為此照會須至照會者

計粘送清單一紙

茲將各項摺文

一現與李中堂會議條款由李中堂奏明奉

旨允准一件

一李中堂因漢案摺文一件

一漢案摺文所奉

諭旨一件

一總理衙門通行各省出示咨文一件

一漢案邊界通商所奉

諭旨一件

一償款二十萬兩匯票一件

奏稿二十七

六

一惋惜漢案

一摺書底稿一件

一出使大臣等各銜及應於何時起程前往情形由總理衙門照

會一件

一議往來禮節條款總理衙門通行各國駐京大臣照會一件

一議各口承審章程通行各國駐京大臣照會一件

一本大臣以派員觀審一節照會恭親王由恭親王照復一件

繳還 諭旨片 光緒二年七月二十七日

再臣欽奉光緒二年六月初八日

寄諭派為全權大臣馳赴煙臺與威妥瑪會商一切事務本日寄

去諭旨一道如該使索看恐據著另行恭錄給子閱看俟事竣後

此旨仍繳還軍機處備查等因欽此遵即馳赴煙臺接晤該使據

稱前件

諭旨先由總理衙門恭錄知照並未向臣索看連日商辦滇案各

節均已就緒除將詳細情形恭摺馳陳外所有前奉

諭旨一道應即繳還軍機處備查伏乞

聖鑒謹附片具

奏稿二十七

空

妥籌上海鐵路片 光緒二年七月二十七日

再本年三月間接准總理衙門函鈔上海商辦築鐵路奏稿並

奉

諭旨一道屬為妥商歸宿之法其時適英國漢文正使梅輝立過

津晤談令其自向南洋大臣與上海道商辦該西旋因所議未就

北旋現據上海道馮煥光稟京火車開行後六月間有壓斃人命

之事經該道會商英領事飭令停止行駛嗣該領事照稱奉威妥

瑪傳諭暫停止行駛聽候該使在煙臺與臣會商等語連日威妥瑪

梅輝立屢向臣處饒舌謂既奉

旨會商一切事務此事若不過問以後必生弊端該使總以鐵路

係各國通行善舉洋商自在通商口岸租地置造希冀中國仿行

非中國所宜阻止即英國亦斷不令其中止而沈葆楨暨馮煥光

來函又皆欲阻止其事彼此相持不下以我之境地聽客之所為

久之竟無歸宿之方儻或激生事端轉貽後累現在滇案通商各

事既經議結中英和局大定威妥瑪再三願請臣處派員與上海

道英國官員會商調停妥辦似未便過分畛域臣擬揀派隨同來

煙之道員朱其詔盛宣懷馳往上海與該關道詳酌機宜設法操

縱俟威妥瑪所派之員到滬會同妥籌並函告該使務在保我中

國自主之權期於中國有益而洋商亦不致受損由關道及中外

官員妥定辦法章程分報查核並咨明總理衙門南洋大臣查照

外合再附片具陳是否有當伏祈

聖鑒訓示謹

奏稿二十七

空

酌保隨員片 光緒二十七年七月二十七日

再臣前赴煙臺隨帶各員業經

奏明在案臣抵煙臺後與英國使臣威妥瑪反覆辯論力維

國體餉源從權議結辦理殊未愜心而該員主事錢榮增道員許

鈐身等涉歷風濤傳遞語言謬濶機要其維大局消弭衅端不無

微勞足錄可否容臣酌保數員仰懇

天恩從優給獎以資鼓舞伏乞

聖鑒訓示遵行謹附片具

奏

奏稿二十七

查

請出示保護遠人摺 光緒二十七年七月二十七日

奏為請

旨事竊查同治十三年六月間經英國駐京大臣以印度派來官

員由緬入滇並派緬譯官馬嘉理前往迎接商請總理衙門照案

發給蓋印護照並咨沿途各省及雲南督撫一體知照旋經英國

大臣聲明緬譯官馬嘉理已於是年十二月由滇安抵緬甸新街

地方迎接印度派來副將柏耶等折回滇境迨光緒元年正月十

七日馬緬譯行至騰越屬之蠻允地面遽遭戕害十八日柏副

將等被人持械擊阻等因五月間

欽派湖廣總督臣李瀚章前往查辦並派前侍郎臣薛煥會同辦

理一面由英國駐京大臣選派參贊格維訥等往滇觀審二年三

月李瀚章等查明覆奏據稱英國緬譯官被戕係因野匪索取過

山禮不遂致被殺害其同行各員被阻係由已革南甸都司李珍

國主謀案關中外交涉未便遽擬罪名請

敕下總理衙門會同刑部議覆奉

旨允准由總理衙門恭錄照會英國大臣並將李瀚章等原摺及

供招信函等件一併鈔送知照該革員李珍國及各犯等各在

供證可憑自應酌照中國定例分別科罪惟據英國大臣開送節

略內稱將參贊格維訥等所報情形逐層核對查湖廣督臣李瀚

章等原訊供證指出李珍國等為案內要犯雖按中國律例可作

為定罪之據若按英國例法評議仍似難稱信據如將前項人犯

治罪英國未能視為允協轉恐更滋疑慮此案被戕被阻皆係英

員因思西國理教所重儻僅查其既往莫若保其將來切請將現

在帶案候辦之人毋致懲辦等語臣欽奉

諭旨馳赴煙臺與英國大臣會商中西律例既殊辦法亦異似應據情權宜擬結除署騰越鎮總兵將宗漢騰越廳同知吳啟亮業經革職毋庸議外其已革都司李珍國及匪犯而通四腊都等十

一名可否仰懇天恩特施法外之仁俯如英國大臣所請酌予寬免罪名伏候聖裁第念緝譯官馬嘉理係我和好之國所派職員復經發有護照遭此戕害其同行之員並被擊阻未免有傷兩國睦誼朝廷篤念邦交自必深加惋惜擬請

旨宣示中外俾釋羣疑況中國與各國早經立有條約彼此均當恪守上年九月開總理衙門具奏申明條約將各國人民請照游歷保護之條通行各省務須細核條約本意分別辦理應請旨飭下各省督撫臣懷遵上年九月十一日

奏稿二十七

五

諭旨再行嚴飭所屬仰體國家敦睦友邦之意嗣後遇各國執有護照之人往來內地於條約應得事宜務必照約相待妥為保護若不認真設法致有侵陵傷害重情即惟該省官吏是問並於各府廳州縣張貼告示使之家喻戶曉洞悉中外交際情形以後衅端自可不作如蒙前允即由總理衙門擬定告示咨行各省照辦所有滇案擬結緣由是否有當伏乞

皇太后皇上聖鑒訓示施行謹

奏

請飭官吏講求條約片 光緒二年七月二十七日

再此大辦理滇案年餘之久英國使臣威妥瑪反覆挾怨請提京忽請免罪且牽涉通商多增口岸臣雖權宜擬結實屬憤恨填膺若使此案未出之先該省督撫詳慎開諭地方官紳何敢如此橫肆迨案出後即為辨獲正兇何至該使得以藉口乃前雲南巡撫兼署雲貴督臣岑毓英始則漫不經心延不奏報迨經寄諭飭查總理衙門疊函諮詢又未能據實奏辦以致外國疑為指使該論繁多幾開兵釁是該撫原有應得之咎惟既經權宜辦結該使於李珍國及腊都等犯向為請免罪名此時復將該撫請予處分恐又啟該使之疑應否加恩免議之處臣未便擅擬惟查各口通商以來各省口岸及內地徧設教堂均有洋人雜處且時有執持護照外國官員人等游

奏稿二十七

五

歷往來愚氓無知豈能盡諳法紀或緣細故而啟忿爭或因傳譌而致滋鬧人命案件本難保其必無竊維朝廷丕冒之仁中外既無歧視情法自應持平自來地方命案辦理速則怨忿易消辦理遲則訛言易起況洋人性多貪急尤宜杜其借端臣聞上年日本有戕殺德國領事官之事該君臣立即撫慰德國駐日公使數日內辦獲正兇其案遂結今年土耳其國屬地同時戕殺法德兩國領事亦不過數月之間已獲犯償款完案況中國素為萬國所尊仰若我滇案辦理迅速自不致波瀾疊起上煩聖慮各省地方官吏於洋務隔膜既多當此時勢艱難又罕能為國家分憂遠慮儻均如岑毓英之任性貽誤誠恐後患方長應請旨嚴飭各省督撫督飭所屬地方官講求條約先事防維儻遇

有外國官民被戕之事迅即飭屬查明嚴緝真正兇犯勒限辦結
倘有任意遷延虛飾等弊致開邊釁立予重懲庶期消患未萌免
蹈前轍正為事關大局附片密陳伏乞
聖鑒訓示謹
奏

奏稿二十七

李

請寬行李珍國等片 光緒二十二年七月二十七日
再擬結案摺稿按照威妥瑪所擬節略大致敘人先與閱看會
商妥當本年五月開總理衙門業經允行乃該使任意挑剔以為
聲敘未協此即出京罷職之一端此次會議該使復申前請送來
節略與在京面遞者大異無殊而詞氣稍順即查照妥晰聲敘
仍略參以已見期於中國體制稍合該使索閱後字字推敲往復
數日而後定成議之難實非局外人所得知此案刑部尚未覆奏
該官犯等罪名出入本與內地尋常辦法有別臣初擬將李珍國
及而通四等請
旨酌予減等發落威妥瑪執意不肯必欲改為寬免罪名詢其何
故則以此事實係騰越官紳唆使李珍國為之而官紳又係稟承
岑毓英意指今既不懲辦岑毓英與騰越官紳斷不可專辦李珍
國與野匪談次並謂李珍國家屬現為緬境新街英領事留養難
保非其家屬藉詞狡賴圖為李珍國乞恩而該使遂深信不疑惟
李珍國從前守騰復城久著勞績茲因一時冒昧違罹法網其情
亦有可矜野匪而通四等化外愚頑更無足論可否懇
恩即如該使所請概從寬免致復有饒舌至滇邊通商一節據
該使面稱英國擬暫緩開辦但慮中國將來失信求於結案
諭旨之末帶敘一層則因辦通商而免罪較為有詞該使奉到後
即做謹譯出英文寄呈本國以為光榮併乞
俯准施行謹附片據情詳細密陳伏乞
聖鑒謹
奏

查議滇邊通商片 光緒二年七月二十七日

再上年九月間曾總理衙門照會英國駐京大臣以雲南邊界貿易中國將來應行派員前往查看情形英國亦應派員到彼處會查妥議章程辦理等因本年五月在京所議八條內亦有此節今臣會議條款於滇邊通商一事自應照案准行以昭大信現在滇案既可擬結合無仰懇天恩飭下雲南督撫俟英國所派官員赴滇後即選派妥幹大員前往邊界會同查看情形妥為商訂章程隨時奏明辦理謹附片陳請伏乞聖鑒訓示謹奏

奏稿二十七

完

李文忠公奏稿卷二十七

李文忠公奏稿

卷之二十八目錄

- 機器局動用經費摺 光緒二年八月二十一日
- 防庫練軍改練馬隊摺 光緒二年九月初六日
- 沈兆澧請諭摺 光緒二年九月初六日
- 張家口運糧請部撥款摺 光緒二年九月二十六日
- 派軍加築東明河隄片 光緒二年十月初四日
- 永定鳳河各支河工程片 光緒二年十月初四日
- 蘆商借款展限完繳片 光緒二年十月初四日
- 驗收英國購到船礮片 光緒二年十月二十日
- 津關請免解京餉片 光緒二年十一月初九日
- 撥解吉林洋鎗片 光緒二年十一月初九日
- 近省隄河各工摺 光緒二年十一月初九日
- 閩廠學生出洋學習摺 光緒二年十一月二十九日
- 東明河隄保案摺 光緒二年十二月十九日
- 租界旗地津貼豁徵摺 光緒二年十二月十九日

奏稿二十八目錄

李文忠公奏稿卷二十八

全集一之二十八

桐城吳汝綸編錄

機器局動用經費摺

光緒二十八年八月二十一日

奏為天津機器局同治十三年光緒元年分動用經費各款援案開單奏報恭摺仰祈

聖鑒事竊查天津機器局經費係奏明動撥海關四成洋稅作正開銷截至同治十二年分止第三次奏報經督飭局員將支銷款目查照前兩屆成案開列清單具奏在案該局製造諸務向以洋火藥銅帽為大宗籌辦非洋海防購置泰西新式礮械分撥各軍所有應用軍火均由該局取給節承辦局員升任道吳贊誠候補道劉汝翼津海關道黎兆棠等殫力經營次第開拓措置悉中肯綮該局本有礮礮機器一分續購三分同治十二年

已建成第二廠外十三年後建成第三第四廠分別開礮其淋礮磨礮燒炭等處就原有廠房增鑄器具以備出料供四廠之用近時後膛鋼礮利用餅藥前已購得六角礮餅藥機器另建新廠試造並屬精利得法又購得造林明礮兵馬鎗及中鐵鎗子機器因分機器房之半為洋鎗廠而添捲鎗爐房分銅帽房之半為鎗子廠而添捲銅裝藥房此外熬鍊磁水扶化學之精發水雷之祕與夫礮捲銅皮配造拉火並建新廠開辦造成車鑲鑽錐等牀及購自外洋者又三十餘具專製各種子彈各式礮架則就舊廠施工復添員匠住房七十餘間儲料庫房十餘間並仿營制於局外四而圍築土牆挑挖濠溝既便稽查兼防水源此該局兩年以來增置之大概也茲據該道等詳稱動用款目上屆報銷案內原存銀一萬八千二百十八兩二錢四分九釐六毫五絲三忽存料約值

銀五萬數千兩同治十三年光緒元年分其領海關四成洋稅銀五十八萬四千二百八十七兩九錢七分三釐五毫收回代造軍火價銀三百三十兩兩年共支用銀五十七萬五千四百九十四兩二錢三分八釐六絲一忽仍存銀二萬七千三百四十一兩九錢八分五釐九絲二忽尚餘一切物料約值銀十九萬三千兩並以遞年承造軍需隨事踵增工繁款鉅皆屬必不可省之費又海洋不能無事必須寬儲物料以濟緩急之需現將本屆用款比較前屆報銷其中酌裁洋匠嚴核工程清付器價均屬有減無增所增惟工料兩項但工皆實在之工料多儲存之料委係撙節動用涓滴歸公並無絲毫浮冒懇仍按照成案開單請銷會詳請奏前來臣查升任道吳贊誠候補道劉汝翼先後經理局務與津海關道黎兆棠商推妥辦日起有功就歲成軍火而論較前兩年多至三四倍所用物料亦如之而人工所增不及一倍經費則約增三分之一以之應付直隸津海關外征防各營及調撥臺灣奉天之師均能儲備有餘取用不匱該道等督率有方洵屬功歸實濟款不虛糜據詳各節臣覆加查核委無捏飾浮冒相應援照向章繕具簡明清單恭呈

御覽合無仰懇

天恩敕部查照成案照單准銷實於局務有裨除分咨總理各國事務衙門戶工二部查照外所有天津機器局同治十三年光緒元年分動用經費據實開單緣由理合恭摺具陳伏乞

皇太后 皇上聖鑒訓示謹

奏

請將天津機器局自同治十三年正月日起至光緒元年十二
月止收支各項銀兩分別款目繕具清單恭呈

御覽

計開

舊管項下

一原存庫平銀一萬八千二百十八兩二錢四分九釐六毫五絲
三忽

新收項下

一收津海關陸續移撥四成洋稅庫平銀五十八萬四千二百八
十七兩九錢七分三釐五毫

一收烏魯木齊營繳回代造軍火價銀三百三十兩

以上共收庫平銀五十八萬四千六百七十九兩九錢七分三

釐五毫

奏稿二十八

開除項下

一給發采買外洋各色銅鐵鋼鉛錫儲備大批紫口生鐵及起
運各項公司保險輪帆等船價脚庫平銀十七萬二千一百七十
六兩二錢一分一釐一毫

一給發采買外洋硝磺鐵水油漆木植一切料物及內地煙煤柴
炭等項起運船價夫脚保險庫平銀十五萬七千一百五十七兩
三錢七分一毫二絲八忽

一給發仿造外洋廠屋築牆墊土起隄各工并購買外洋水火泥
及缸磚瓦石木料等項庫平銀四萬八千三百三十二兩二錢五分四釐四
毫九絲七忽

一給發清付六角藕餅藥機器價值添購造林明敦鎗及鎗子機

器車刨鑽鋸牀各具價脚保險等項庫平銀五萬四千九百八十
二兩六錢三分五釐

一給發員弁司事人等新水心紅紙張等項庫平銀二萬八千九
百六十四兩三錢一分八釐二毫七絲九忽

一給發各廠洋匠薪水工食醫藥煤炭等費庫平銀二萬七千八
百六十八兩六錢七分四釐二毫八絲二忽

一給發仿造外洋機器火藥銅帽洋鎗鎗子礮彈拉火等項工匠
學徒夫役及隨時添雇土夫木匠等工食庫平銀七萬九千八百
七十三兩五錢九分一釐九毫二絲七忽

一給發行營製造局支撥外洋物料添雇洋匠工價並鐵壳舢板
巡防新糧庫平銀一萬四千三百八十八兩一錢八分二釐八毫
四絲八忽

奏稿二十八

以上共支庫平銀五十七萬五千四百九十四兩二錢三分
八釐六絲一忽

實在項下

一存庫平銀二萬七千三百四十一兩九錢八分五釐九絲二忽

防庫練軍改練馬隊摺光緒二十一年九月初六日

奏為遵

旨核議駐防庫倫宣化練軍改練馬隊籌備餉乾恭摺

奏仰祈

聖鑒事竊臣欽奉八月初五日

寄諭志剛等奏籌辦添練馬隊餉乾一摺據稱庫倫現籌添練馬

隊一百名每年須加餉乾銀三千六百兩此次撤回步兵三百名

毋庸補回即於此項內省出之銀抽出三千六百兩撥與直隸練

餉局作為添練馬隊餉乾尚可省出銀七百六十兩併由張

家口糧臺撥交練餉局作為庫防另案加增柴草之項等語著李

鴻章核議具奏原摺著鈔給閱看等因欽此遵查原調赴庫倫宣

軍步隊八百名馬隊二百名上年於步隊內改練馬隊二百名今

撤回步隊三百名不復換補志剛等原奏擬再於步隊內改練馬

隊一百名合成駐庫軍馬隊兩營五百名步隊二百名其前經

志剛等奏准每年由部撥交張家口糧臺供支庫防軍運糧腳

價銀一萬四千六百餘兩茲可省出撤回步兵三百名之運糧腳

價銀四千三百六十餘兩即於此項內抽出二千六百兩撥歸直

隸練餉局作為改練馬隊應加餉乾之用尚餘銀七百六十餘兩

併由張家口糧臺撥交練餉局作為庫防另案加增柴草之用等

因查志剛等改練馬隊係為邊防得力起見其應加餉乾及另案

柴草銀兩既有節省運糧腳價撥抵免致直局多籌為難應如所

議辦理臣復飭據練餉局司道查得定章馬隊一營內設營官一

員幫辦官二員字識一名哨官四員哨隊官五員什長二十五名

親兵二十名正兵二百五名伙夫三十一名馬夫二十二名出防

加夫四十名連應支柴草銀八十兩每營其月需薪公柴草糧乾

加餉等銀二千五百十兩五錢今合成兩營其月需銀五千二十

一兩又所留步兵二百名作為兩哨應留哨官二員哨長二員什

長十六名護兵二十名正兵一百六十名伙夫十八名長夫六名

出防加夫三十二名連兩哨應支柴草銀五十六兩其月需薪糧

加餉柴草等銀一千九十四兩八錢統計馬隊兩營步隊兩哨其

月需薪糧等銀六千一百五十八兩較未改練馬隊百名以前

原支餉項每歲須添籌餉乾銀四千一百餘兩除未改練以前原

支餉項已撥解至本年九月底止無庸置議並將撤回步隊三百

名九月以後餉項由直局核辦外其駐庫馬隊兩營步隊兩哨

餉項應請自本年十月初一日改練成軍為始照章撥放以清界

限至庫防練軍另案加增柴草銀兩按庫倫上年奏定成案每百

人應加銀十兩今宣軍其駐庫七百餘人應每年自十月起至次

年四月止每月加給銀七十兩其需銀四百九十兩連改練馬隊

百名應加餉乾統應添銀四千六百兩即將每年省出撤回步隊

運糧腳價銀四千三百六十餘兩統由張家口糧臺撥歸練餉局

以為此項應加餉乾及加增柴草之需尚不敷銀二百數十兩再

由直局籌撥等情具詳前來臣覆核無異除咨行照辦外所有核

議駐防庫倫宣化練軍改練馬隊籌備餉乾應如志剛等原奏辦

理緣由理合恭摺

奏伏乞

皇太后

皇上聖鑒敕部查照謹

奏

沈兆濬請謚摺 光緒二年九月初六日

奏為據情代遞摺仰祈

聖鑒事竊據天津縣人原任浙江布政使沈兆濬之孫刑部主事

沈恩綬大理寺丞沈恩官兵部郎中沈恩嘉等呈稱伊祖父沈兆

濬於本年七月十七日病故年九十四歲臨歿時自以身受

五朝厚恩愧無報答今當永訣謹具遺摺以鳴戀

主之忱囑令呈交臣處代為遞奏其時適值臣以會議滇案尚在

煙臺未獲即時呈請旋據將正摺弁草稿齎送前來臣查頭品頂

戴原任浙江布政使沈兆濬由嘉慶丁丑科進士翰林院編修歷

官江南河南浙升浙江布政使筆仕四十餘年歸田以後主講天

津輔仁書院同治庚午重赴鹿鳴筵宴蒙

穆宗毅皇帝賞給頭品頂戴明春丁丑會試又值重宴瓊林之期

正擬循例具呈山臣奏摺二十八臣懇與竟以老疾溢逝不獲再光

盛典沈兆濬前在江南服官最久遺愛在人臣於蘇撫江督任內

親見士民言及沈兆濬德政猶復稱頌感泣及來天津沈兆濬適

主講席與之周旋既久見其年近期頤學行端粹著述等身洵足

矜式後進直隸士大夫無不奉為楷模而臣所深相推敬者尤在

咸豐三年固守津梁一事其時軍務初起人無固志所在官吏見

賊披靡迨逆黨北竄攻撲津城該省撫臣先經出省防勦各路環

寇之師為數甚眾莫敢誰何津梁不守賊將長驅渡河大局糜爛

不可收拾沈兆濬以署理藩司當巡撫之任以兵餉俱絀之孤城

當勢微力張之狂寇乃能激勵將士登陴固守開復緇城殺賊挫

其兇鋒卒使危城解嚴局勢一振臣

文宗顯皇帝優詔褒嘉有近來地方臣不知守土為何事之

諭是見沈兆濬守津之功不獨中州數百萬生靈賴以保全實乃

蔽遮畿輔阻遏賊勢行裨全局溯查咸豐十一年原任太常寺卿

唐鑑以退休上請之員經兩江督臣曾國藩代奏遺摺蒙

加恩予謚有案今沈兆濬青年宿學與唐鑑略同其固守津省之

功則為唐鑑所未遑應如何

量予恩卹之處出自

逾格鴻施非臣所敢擅擬所有代遞沈兆濬遺摺緣由謹繕摺具

陳伏乞

皇太后

皇上聖鑒訓示謹

奏

奏摺二十八

八

張家口運糧請部撥款摺 光緒二年九月二十六日

奏為張家口糧臺預運庫倫來年軍糧應需運腳銀兩請

救部撥發恭摺仰祈

聖鑒事竊照駐防庫倫之宣化練軍應運兵糧業經庫倫辦事大

臣志剛等

奏准即歸張家口糧臺辦理每年由戶部撥交該糧臺運腳實銀

一萬四千六百餘兩該大臣等並議於防軍內改練馬隊將省出

之撤回步隊運價由張家口糧臺解交直隸練餉局添放庫防改

練馬隊應加餉乾及加增柴草之需又經臣遵奉

寄諭核覆應如所議辦理奉

旨該部知道欽遵各在案茲據張家口糧臺口北道玉珩稟稱查

駐紮庫倫之宣化練軍向係頭年冬初預運來年春夏二季之糧

夏初預運秋冬二季之糧所有明年春夏軍糧現在亟應履覓駝

隻開辦冬運立需銀兩濟用稟請

奏撥前來相應請

旨救部撥發光緒三年運糧腳價銀一萬四千六百兩以便飭令

該糧臺委員迅速赴部領回分別辦運湊放餉乾俾應軍用仍俟

辦運完竣造冊報銷理合恭摺由驛具

奏伏乞

皇太后

皇上聖鑒訓示謹

奏

派軍加築東明河隄片 光緒二年十月初四日

再直隸東明縣地而上年新築黃河南隄今春又調派淮練各軍

一律加築高厚計隄長六十里有奇前將工竣情形奏報並留大

名開州練軍六哨就近防汛責成開州協副將張桂芳認真督率

會商大名鎮道及該府縣妥為布置酌派民夫協助一而籌撥銀

兩飭令購料備用在案據張桂芳等稟稱察看險工地段預做

壩壩分派弁兵巡守閏五月二十日以後黃水屢次漲漫出槽溜

勢趨向靡定沿隄紛紛生險六月十七七月初四二十二八月十

二二十八九月初三等日盛漲陡至隄身水浸五六七八尺不等

大溜淘刷壩壩多被整陷及隄情形甚為喫重均經該副將

督率在工員弁兵夫不分日夜相機設法或用大柳捆抵溜頭或

用土袋沈護隄脚一面搶築壩壩悉力抵禦而九月初三日之漲

正起狂風駭浪驚濤異常洶湧其頂衝處大溜直射身壩段隨

處隨處雙井莊以北等工刷塌隄幫四五丈不等十分危險書

夜宵險搶鑿幸就平穩時過霜降伏秋大汛安瀾等情稟報前來

臣查東明一帶黃河大溜側東南趨新隄工段縣長且立基於河

灘浮沙之上若一疏失則前功盡棄後患滋深前飭各營加勁堅

築並令張桂芳等認真防護今伏秋大汛已過獲慶安瀾築隄防

汛各員均甚出力容臣查照前奏另行一併擇尤酌懇

恩施其汛內動用工料銀兩俟核明奏報至開州北岸金隄距河

尚遠亦臻平穩除飭張桂芳等將新隄衝刷殘缺之處分別核實

修補外所有東明南岸黃河新隄伏秋大汛安瀾緣由理合附片

具陳伏乞

聖鑒謹

奏

奏稿二十八

十一

永定鳳河各支河工程片 光緒二年十月初四日

再靜海縣楊芬港以下接連天津村莊南臨東淀東接鳳河頻遭水患該紳民請集捐開河築隄以工代賑當經委員候選知府史克寬督同勸辦即自楊芬港勝芳河尾起東至天津鐵頭地挖河一道匯入大清河下歸海河深四尺五寸至六尺口寬六丈五尺至十丈底寬三丈並於沿河北岸築隄高九尺頂寬二丈底寬六丈以免漫溢農田又從永定河下游南岸李家場起自北而南挑河至鐵頭地河深四尺至六尺口寬三丈二尺至四丈四尺底寬一丈二尺至三丈並於沿河西岸築隄高六尺至七尺五寸頂寬八尺底寬四丈以洩永定鳳河之水共計隄河各長五千七百四十餘丈於今夏挑辦完竣又加修上游文霸等處勝芳中亭等河隄工一萬三千三百餘丈修高八九尺頂寬二丈底寬六丈隄坡栽柳以資盤護飭委候補知府樞桂孫逐細驗收丈尺相符其時正值旱荒附近窮黎得資備趁除將捐款歸入賑捐項下彙辦外所有在事尤為出力之紳董都司銜武舉曹開芬都司銜石作璽認真勸辦克成要工實於農田水利大有裨益均擬請賞加游擊銜以昭激勸其次出力武生張廷珍等二名由臣咨部以把總歸標拔補理合附片具陳伏乞聖鑒訓示謹奏

奏稿二十八

十一

蘇商借款展限完繳片 光緒二十一年十月初四日

再據長蘆運司林述訓詳稱前因京引商人姚學源等京師設立公櫃資本不敷詳經

奏准借給練餉制錢五萬串分作四年歸還均於封廠後呈繳已遵限繳過同治十三年並光緒元年制錢一萬五千串本年應繳錢文屢經飭催如數完繳不容稍有延緩茲據該商等稟稱上年封廠時公櫃尚存鹽一萬四千餘包成本積壓過重今年春夏元早銷數愈滯兼之銀價日昂虧賠益多資力更難騰挪求將今明年應繳練餉制錢三萬五千串暫行推緩兩年稍紓商力於光緒二年三年各繳制錢八千串四年繳制錢九千串五年繳制錢一萬串連前繳還共符五萬串之數等情據該運司具詳請

仰懇

恩施准將京商前借練餉錢文除已繳還一萬五千串外下餘推展兩年仍責成運司按年催令依限呈繳不准再有帶欠儻屆限不完即著落原保商人攤賠如此一推移開商力較易周轉而於公款仍無出入理合附片具陳伏乞

聖鑒敕部立案謹

驗收英國購到船礮片 光緒二十一年十月二十日

再光緒元年三月間總理各國事務衙門遵令總稅務司赫德來津與臣商購船礮可立議單旋經該衙門奏請

飭下戶部撥給各關洋稅銀四十五萬兩由臣飭總稅務司照議定購二十六噸半礮之船二隻三十八噸礮之船二隻本年四月九日督據赫德呈送與英商阿摩士莊訂購礮船四隻合同詳細節略並稱二十六噸半礮船二隻先已造成閏五月初三日自英國開駛約十月可抵天津由總稅務司驗明呈交臣處查收又先准總理衙門函商船水手均係英人俟船到時每船僅留三人教習其餘即須回國所有各船管帶水手等應由臣備人接替等因臣即緘屬福建船政大臣吳贊誠遴選學習駕駛可靠之員赴津候代該礮船二隻於十月初開到津赫德亦由京來津面商

一切


十月十二三日臣督同總稅務司等將礮船駛赴大沽海口親加演試所有礮位輪機器具等件均屬精緻靈捷其二十六噸半之礮重四萬四千餘斤口徑十一寸開花彈子重三百九十六斤運礮裝子全用水力機器實係近時新式堪為海口戰守利器臣因改第一號船名曰龍驤派補用游擊張成管駕第二號船名曰虎威派補用千總邱寶仁管駕該二員均在船政多年於機器

船礮各學研究頗深令即會同英國原來弁兵乘坐礮船迅速放洋駛赴福州船廠就近選募管輪管礮舵勇水手人等咨由吳贊誠督飭操練以便英國船主水手等交替回國仍與赫德議明每

船暫留英人教習三名妥立合同期得觀摩之助以後該船員弁勇夫薪糧及應用一切經費均飭由海防專款內核實開支除俟三十八噸礮船續到後再行核辦並分咨查照外所有驗收英國

購到船礮緣由附片具陳伏乞

聖鑒謹



津關請免解京餉片 光緒二十一年十一月初九日

再欽奉

上諭天津關欠解光緒元年洋稅京餉銀十萬兩仍限年內補解
 清款等因欽此當經轉行欽遵籌解茲據津海關道黎兆棠詳稱
 津關六成洋稅及洋藥釐捐從前暢旺之時尚係入不敷出歷將
 奉撥京餉奏准免解近來稅釐減色支絀益甚今年截至十一月
 第六十五結期滿止連招商局輪船稅約共有銀十二三萬兩洋
 藥釐捐至十二月止約尚有銀四五千兩而應解
 惠陵工程銀三萬兩現已起解又代解閩省歸還洋款銀二萬兩
 已劃抵直屬賑款此外尚有應撥本年十一月並來年正二
 月津郡練軍餉需暨稅務司薪水各項經費等銀約十一二萬兩
 均係刻不可緩綜計徵收各項一併湊撥仍短銀四萬兩其六成
 洋稅自第六十五結起應按一成備撥出使各國經費
 更不敷用所有欠解光緒元年洋稅銀十萬兩實係無從籌補請
 援案奏免補解等情前來臣查此項京餉但可設法補解敢不竭
 力通籌無如該關稅項入不敷出如奉撥
 惠陵工款劃撥直屬賑款皆係至要之需不能不先其所急津郡
 為通商要口
 京師門戶練軍必不可少防餉斷難減裁且自上年調赴奉天洋
 鎗礮隊千餘人需餉甚鉅亟應提前籌撥即稅務司薪水本關經
 費為中外員役日用之需亦不能久緩今河已凍封稅無可收統
 計該關徵收各項核之用款仍短銀四萬兩委無餘力籌補舊欠
 京餉戶部亦深知該關稅釐短絀疊經議准免解京餉有案合無
 仰懇

奏 天恩准將欠解光緒元年洋稅銀十萬兩照案免其補解俾資周轉理合附片具陳伏乞 聖鑒訓示謹

奏稿二十八

七

奏 撥解吉林洋鎗片 光緒二十一年十一月初九日
再准神機營來咨吉林省請撥馬隊洋鎗五百桿步隊洋鎗一千五百桿並隨鎗配帶等件又洋火藥六千七百五十斤銅帽七十萬顆鉛彈十二萬粒
奏明由天津機器局撥給等因查此項馬步洋鎗津局現無存備聞上海地亞士洋行向存英國恩費而來福新鎗已飭上海機器局就近購辦俟明春開河運解來津約計鎗價並配帶等件及保險水腳共需銀一萬一千兩津局無款可籌現於保定練餉項下移緩就急照數撥應請作正開銷其應需洋火藥銅帽鉛彈等項飭由津局照數妥籌撥除分咨查照外理合附片陳明伏乞 聖鑒謹

奏稿二十八

大

第... 丹... 日... 奏... 反... 文...

近省隄河各工捐 光緒二十一年十一月初九日

奏為光緒二年附近省城隄河歲搶修工段丈尺動支銀數開單

奏報仰祈

聖鑒事竊照附近省城河道隄工如深澤無極邢州安平博野蠡縣高陽等境滋河瀦龍河隄任邱縣千里隄安州南北隄雄縣南老隄西槐支河隄趙村壩保定縣清河埝或工段縣長或地居險要皆關民生利害又新開趙王河工長六十餘里節宣西淀盛漲蘆僧河工長一百三十里分減大清河水勢均須認真修防前經奏定每年在於清河道庫河淤地租項下撥銀三千兩以為各工采購物料搶險之用免其造冊報銷經工部覆准仍令工竣時開單奏報在案本年春間即飭照數撥給銀兩購備椿料責成清河道葉伯英前往駐工認真督辦閏五月以後陰雨連綿各河同時

奏稿二十八

九

盛漲隄壩紛紛出險開有漫溢之處趙王河受全淀之水情形尤為喫重經該道往來督率竭力搶築堵築在事各員亦均不避艱險各工漸臻平穩茲據該道會同藩臬兩司將工段丈尺動用銀數遵照定章詳報前來除民夫土方等項仍歸民辦外所有搶修椿料用款逐一確核無浮理合開具簡明清單恭摺具

奏伏乞

皇太后

皇上聖鑒敕部知照謹

奏

閩廠學生出洋學習摺 光緒二十一年十一月二十九日

奏為選派華洋監督率領閩廠學生出洋學習以儲人才而重防務恭摺仰祈

聖鑒事竊

臣葆楨前於同治十二年十一月奏陳船工善後事宜摺內請於閩廠前後學堂選派學生分赴英法兩國學習製造駕駛之方及推陳出新練兵制勝之理理則三年遲則五年擬令船廠監督日意格詳議章程經總理衙門議請

救下南洋大臣會商熟籌等因奉

旨依議欽此欽遵在案旋因臺灣有事倭未及定議上年臣等籌議海防摺內於出洋學習一事斷斷為不謀同辭及臣日昌臣贊誠先後接辦船政察看前後學堂學生內秀傑之士於西人造駛諸法多能悉心研究亟應遵令出洋學習以期精益求精等往

奏稿二十八

十

返函商竊謂西洋製造之精實源本於測算格致之學奇才傑出月異日新即如造船一事近時輪機鐵器一變前模船身愈堅用煤愈省而行駛愈速中國仿造皆其初時舊式良由師資不廣見聞不多官廠藝徒雖已放手自製止能循規蹈矩不能繼長增高即使訪詢新式孜孜效法數年而後西人別出新奇中國又成故步所謂隨人作計終後人也若不前往西廠觀摩考索終難探製作之源至如駕駛之法近日華員亦能自行管駕涉歷風濤惟測量天文沙綫遇風保險等事仍未得其深際其駕駛鐵甲兵船於大洋狂風巨浪中布陣應敵離合變化之奇華員皆未經見自非目接身親斷難窺其秘鑰查製造各廠法為最盛而水師操練英為最精閩廠前堂學生本習法法語言文字應即令赴法國官廠學習製造務令通船新式輪機器具無一不能自製方為成效後

堂學生本國英國語言文字應即令赴英國水師大學堂及鐵甲兵船學堂駕駛務令精通該國水師兵法能自駕鐵甲船於大洋操戰方為成效如此分投學習期以數年之久必可操練成才儲備海防之用至學生中有天資傑出能習礦學化學及交涉公法等事均可隨宜肄業惟人數既多道里遼遠非遴選賢員派充監督不足資統馭而重責成查有三品銜候選道李鳳苞學識闊通志量遠大於西洋輿圖算術及各國興衰源流均能默討潛搜中外交涉要務尤為練達實屬不可多得之才以之派充華監督必能勝任至訪詢各國官廠官學安插學生延請洋師仍應有情形熟悉之員聯絡維持主客方無隔閡臣葆楨原奏所稱正一品銜閩廠監督日意格前已回國經臣等催調來華商辦一切該員久襄船政條理熟諳於船廠學生情誼亦能融洽以之派充洋監督必可勝任六月間李鳳苞日意格二員來津稟商臣鴻章適有煙臺之役即攜該員等同往飭令籌議章程擬案結後曾將該員等所議各節鈔送總理衙門核奪茲經臣等再四討論復與李鳳苞日意格切實核減學生員數以三十名為度肄習年限以三年為度實以成效嚴定賞罰出洋經費分年匯解約其需銀二十萬兩此項經費必應籌定有著之款臣鴻章前議由閩省撥南北洋海防項下酌提動用先儘釐金撥解釐金不敷即在閩海關四成洋稅項下就近撥旋准福州將軍臣文煜咨稱閩四成洋稅暫無存款俟第六十五屆滿再行核數撥解等因新授閩浙督臣何璟過保定時臣與面商一切亦深以為然茲由臣日昌函致臣鴻章議定由閩省釐金項下籌銀十萬兩閩海關四成洋稅項下籌銀五萬兩船政經費項下勻撥銀五萬兩是此項二十萬

之數均已議育善藩查照分年匯解章程第一年七萬三千兩有奇第二年六萬兩有奇第三年五萬八千兩有奇並游歷及應支教習脩金等費隨時核計撥匯關力雖甚拮据必能酌量緩急以符定議應請於海防額餉內作正開銷查西洋各國均以中國遣人赴彼學習為和好證據前派幼童赴美國英使即有該國大書院極多將來亦可隨時派往之語秋間滇案議結時臣鴻章而告威安瑪以擬遣學生赴英學習該使允俟總理衙門知照到日轉致本國外部九月間威安瑪回國過晤臣復與商明照辦惟該國兵船定例稍嚴聞日本近時已有七人在英兵船學習臣在煙臺開視洋操即見有日本武弁在英國鐵甲船隨同操演今議學生分班送往又有郭嵩燾等駐英商辦當無礙難之處至法使自來尼屢以日意格辦船有效為言此舉亦該使所深願現擬令該監督等率同學生於明年正月啟行應請

救下總理衙門迅速分別知照英法駐京公使令其轉達本國妥為照料臣鴻章於本年三月間因洋員李勸協回國之便派令武弁卞長勝等七人同赴德國軍營學習兵技當時未派監督心甚懸念此次李鳳苞出洋飭令該員按三箇月一次由輪車馳赴德國兼查卞長勝等功課並請總理衙門酌量照會德國駐京公使一體知照辦理近自同治十二年籌造幼童赴美學習之後上年日意格回國臣葆楨遣學生數名隨往遊學本年臣鴻章又遣卞長勝等赴德學習此次又派李鳳苞等率領學生分赴英法兩國從此中國端緒漸引風氣漸開雖未必人人能成亦可拔十得五實於海防自強之基不無裨益謹將臣等籌議船政學生出洋章程及經費數目分繕清單恭呈

奏稿二十八

三

奏稿二十八

三

御覽仰懇

飭下總理衙門核准施行所有遊員派充華洋監督率領開廠學生出洋肄業緣由理合會同兼署閩浙總督福州將軍臣文煜新授閩浙督臣何璟恭摺具陳伏乞

皇太后

皇上聖鑒訓示謹

奏

奏稿二十八

三

御覽

謹將選派船政生徒出洋肄業章程繕具清摺恭呈

計開

一奏派華洋監督各一員不分正副會辦出洋肄業事務俟學帶生徒到英法兩國時兩監督同察看大學堂大官廠應行學習之處會同安插請精明教習指授如應調赴別廠或須更換教習仍令會商辦理其督課約束等事亦責成兩監督不分畛域如遇兩監督分駐英法之時則應分投照顧其華員及生徒經費歸華監督支發洋員教習及華文案經費歸洋監督支發每至年底由兩監督將支發各數會銜造報凡調度督率每事必會同認真探討和衷商榷期於有成萬一意見不合許即據實呈明通商大臣船政大臣察奪

奏稿二十八

三

一選派製造學生十四名製造藝徒四名交兩監督帶赴法國習學製造此項學生既宜月延學堂教習課讀以培根柢又宜赴廠習藝以明理法俾可兼程並進得收速效以備總監工之選其藝徒學成後可備分廠監工之選凡所習之藝均須極新極巧備仍習老樣則惟兩監督是問如有他廠新式機器及礮臺兵船營壘礦廠應行考訂之處由兩監督隨時酌帶生徒量給其第一年除酌帶筆繪外其餘生徒可以無須游歷第二第三年約以每年游歷六十日為率均不必盡數同行亦不必拘定時日
一選派駕駛學生十二名交兩監督帶赴英國學習駕駛兵船此項學生應赴水師學堂先習英書並另延教習指授鎗礮水雷等法俟由兩監督陸續送格林回次抱士穆德大學院肄習其間並可帶赴各廠及礮臺兵船礦廠游歷約其一年再上大兵船及大

鐵甲船學水師各法約二年定可有成但上兵船之額可撥口
 本派送肄業之例陸續拔充分班派送五六人其未到班者仍留
 大學堂學內既上兵船須照英國水師規制除留髮外可暫改
 英兵官裝束其費由華監督歸經費項下支給內有劉步蟾林泰
 曾二名前經出洋學習此次赴英即可送入大兵船肄業
 一製造生徒赴法國官學官廠學習駕駛學生赴英國格林回次
 抱士穆德學堂並鐵甲大兵船學習應請總理衙門先行分別照
 會駐京之英法公使咨會本國外務院准照辦理其英國學習各
 事或再由中國駐英
 欽差大臣就近咨商辦理兩項學生每三箇月由華洋監督會同
 甄別一次或公訂專門洋師甄別並由華監督酌量調考華文論
 說其學生於閒暇時宜兼習史鑑等有用之書以期明體達用所
 有考冊由兩監督彙送船政大臣轉咨通商大臣備核其駐洋之
 期以抵英法都城日起計滿三年為限未及三年之前四箇月由
 兩監督考驗學成者送回供差其中若有數人將成未成須續習
 一年或半年者屆時會同稟候裁奪總以製造者能放手造作新
 式船機及全船應備之物駕駛者能管駕鐵甲兵船回華調度布
 陣絲毫不能洋人并有專門洋師考取給予確據者方為成效如
 一切辦無成效將監督議處
 一製造駕駛兩項學生之內或此外另有學生願學礦務化學及
 交涉公法等事者由兩監督會商挑選就其才質所近分別安插
 學習支給教習薪金仍由兩監督隨時抽查功課令將逐日所習
 詳記送核亦以三年為期學成後公訂專門洋師考驗確實給有
 的據送回供差

一兩監督及各項生徒自出洋以迄回華凡一切肄習功課游歷
 見聞以及日用習接之事均須詳註日記或用藥水印出副本或
 設循環簿遞次互換總以每半年彙送船政大臣查核將簿中所
 記由船政鈔咨南北洋大臣覆核或別國有便益新樣之船身輪
 機及一切軍火水陸機器由監督隨時探明覓取圖說分別繪譯
 務令在洋生徒考究精確實能仿效一面將圖說彙送船政衙門
 察核所需各費作正開銷
 一各項生徒如遇所訂教習不能認真指授或別有不便之處應
 隨時訴明華監督會同洋監督察看確實妥為安置若該生徒無
 故荒廢不求進益有名無實及有他項嗜好者均由兩監督會商
 分別留置嚴究其員生每月家信二次信資及醫藥等費作正開
 銷或延洋醫或延駐洋欽使之官醫或應另請派撥醫生均於到
 洋後酌定萬一因攻苦積勞致有不測之事則運回等費作正開
 銷並給薪費一年半仍酌量情節稟請附
 奏以示優卹如有聞訃丁憂者學生在洋守制二十七日另加卹
 賞飭該家屬具領
 一此次選派生徒應由監督湖查考績詳加驗看如有不應出洋
 濫收帶往不能在官學官廠造就以致剔回者其回費由監督自
 給僚生徒赴洋後有藉詞挾制情事因而剔回者即將挾制實在
 情形稟請抵華後查明懲究如咎不在監督者仍開報回費實係
 因病回者不在此例
 一兩監督和衷會辦當互相督察萬一華監督有敷衍塞責等情
 弊而洋監督不行舉發或洋監督有敷衍塞責等情弊而華監督
 不行舉發者各相稽查有扶同確據即分別照會各行隨時撤

換不必俟三年期滿如果事實際生徒多優異者將兩監督專摺奏請獎敘

一此次所議章程總以三年學有成效為限若三年後或從此停止或另開局面均由船政大臣通商大臣會商主裁外人不得干預

奏稿二十八

七

謹將出洋監督薪費及生徒經費並分三批匯付銀數開列
清摺恭呈

御覽

計開

一華洋員薪費項下華監督一員並繙譯一員其薪水每年七千六百兩華員雜費每年三千兩洋監督一員薪水每年七千二百兩洋幫辦兼文案一員每年二千四百兩華文案以學生陳季同兼辦每年一千二百兩洋員並華文案房飯雜費每年四千八百兩華文案並習交涉公法所需教員薪金由華監督另給造報以上各項俱按照船政向例支發七一七洋平銀其生徒薪水仍由船政照給該家屬支領等項俟按日數造報回華時仿此

一製造學生經費項下每名每年房租並學堂脩膳費約銀一百二十磅每名行裝費五十磅於起程時先發二十磅到洋時找發三十磅又第二第三年每年需遊歷費六十磅每名年需剃頭洗衣添購書籍紙筆等用等雜費四十磅以上各項須隨時按英磅作價不能預定銀兩其遊費雜費實支實報不敷者補給如有贏餘得歸歸公另延教習兼教所添脩金每年約以八百磅為限此款核實支發以原收單黏報

一駕駛學生經費項下每名行裝費及每年房租脩膳費遊費雜費並同前條惟陸續上兵船時每名應給兵官衣資並海圖器具等費共銀一百五十磅既上兵船之後每名每年應增飯食費二十四磅約以二年為限其未上兵船時另延教習兼教所添脩金每年約以四百磅為限亦核實支發以原收單黏報

一路費項下若搭西國公司船則華洋監督及隨員繙譯文案五

員坐上等船位除洋文案一員來每次約五百三十元生徒坐二等船每次約四百元此項船價及渡船火車衣箱稅等費樽節支報如有不敷俟挪用後稟請補領所帶隨役不准開支公項其往費於起程時具領其回費於第二批內領二分之一第三批內領二分之一若派船政官輪船送往則此項路費概不開支魏瀚陳

一撥匯日期於華洋監督與生徒起程時先撥第一年新費及行裝費往費學生之上兵船衣食費均由華洋監督出具鈐領帶往支發及起程八箇月再由船政匯付第二年新費一批及回費二分之一以後十二箇月又匯付第三年新費一批及回費二分之一寄交兩監督收存備用

又分三批匯付銀數

第一年

華洋員薪費每年共七一七洋平銀二萬六千二百兩兩監督及繙譯華文案共四員起程以至法國先約支兩月薪水計銀二千六百六十六兩不另支雜費俟到洋後扣足在路日數計算將餘銀歸公

隨員馬建忠並製造學生十四名藝徒四名共十九名每名房脩膳等費年應英銀一百二十磅雜費四十磅行裝費十七名每名五十磅共三千八百九十磅內隨員薪水仍由天津發給學生魏瀚陳兆翔二名已領行裝

製造生徒月延教習年約脩金八百磅

駕駛學生十二名每名年應房脩膳等費英銀一百二十磅行裝費五十磅雜費年應四十磅共二千五百二十磅

駕駛學生月延教習年約脩金四百磅

駕駛學生十二名上兵船衣具圖書費每名一百五十磅上兵船後每名每年增飯食銀二十四磅全年統共二千零八十八磅

以上五款共英銀九千六百九十八磅以每磅五元作七一七洋平算合銀三萬四千七百六十七兩三錢三分

往費監督等五員每名五百三十元共一萬三千八百五十七元生徒二十八名每名四百元

一七合銀九千九百三十四兩四錢五分

以上約計第一年總共應領銀七萬三千五百六十三兩七錢八分

第二年

華洋員薪費每年共七一七洋平銀二萬六千三百兩

隨員並製造學生房脩膳并雜費年共三千零四十磅

製造生徒月延教習年約脩金八百磅

隨員並製造生徒共十九名每名游歷費六十磅共一千一百四十磅

駕駛學生十二名房脩膳並雜費年共一千九百二十磅

駕駛學生月延教習年約脩金四百磅

駕駛學生十二名每名年增飯食費二十四磅共二百八十八磅

駕駛學生一十名每名年應游歷費六十磅共六百磅

以上七款共英銀八千一百八十八磅合銀二萬九千三百五十三兩九錢八分

回費二分之一應六千九百二十五元合銀四千九百六十五兩二錢二分五釐

以上約計第二年總共應領銀六萬五千一百一十九兩二錢五分

釐

第三年

就第二年數內除去駕駛學生月延教習脩金四百磅駕駛學生
增飯食項下二百八十八磅駕駛學生游歷項下六百磅共應除
去英銀一千二百八十八磅合銀四千六百一十七兩四錢八分
兩監督等四員法國起程至回國先約支兩月薪水計銀二千六
百六十六兩不片支雜費俟回國後扣足在路日數計算將餘銀
歸公

以上約計第三年總共應領銀五萬八千五百六十七兩七
錢二分五釐

以上三年統共七一七洋平銀一十九萬二千六百五十五兩
七錢一分外尚有第一年酌帶學生出外量繪游歷費及三

年內華文案並隨員學習交涉公法應支脩金等費未算在
內

東明河隄保案摺 光緒二十二年十一月十九日

奏為彙案酌保加築東明黃河南岸新隄並防汎出力員紳恭摺
仰祈

聖鑒事竊直隸東明地而上年新立黃河南隄因民力拮据僅
能堆築成形斷資塘護必須從新加築高厚夯成堅實方能整齊
經久但工大費巨民夫既難再派庫款又無可籌惟有酌用兵力
於今年正月派記名提督劉盛休統率淮軍步隊十四營記名
提督署正定鎮總兵葉志超署大名鎮總兵許保清開州協副將
張桂芳各率練軍步隊共六營馳赴工次分認投落著實挑築並
飭大順廣道齋率該府縣妥為照料派候補道周積駐工監察該
工本係河灘一片浮沙並有水未消涸之處挑築甚形喫力且值
天旱薪米昂貴各統領會同地方官分投採購一面親督兵夫實

力趨工層加礮築營哨爭相奮勉灑漿負土往往深夜未休至四
月底全工告成其隄長六十里有奇築成頂寬三丈底寬十丈高
一丈四尺又每隔十丈堆土牛一箇共堆土牛一千九十一箇統
計新加土四十六萬二千四百餘方全隄堅實整齊堪資捍禦因
伏汛臨邇酌留大名開州練軍六哨就近防守即派張桂芳督率
會商大名鎮道及該府縣妥為布置閏五月二十日以後黃水屢
次漲漫山漕溜勢趨向靡定六月十七七月初四二十二八月十
二二十八九月初三等日盛漲陡至隄身水浸五六七八尺不等
大溜淘刷塌塌多被淤陷及隄情形甚為喫重均經該副將
督率在工員弁兵夫不分日夜相機設法搶鑿悉力抵禦而九月
初三日之漲狂風駭浪洶湧異常其頂衝處大溜直射隄身塌段
隨鑿隨墊雙井莊以北等工塌塌隄計四五丈不等晝夜冒險

搶護幸就平穩伏秋大汛安瀾業經臣先後

奏報聲明築隄防汛出力人員另行一併擇尤酌保在案臣維新

築黃河南隄所以保衛東南五六百里運道田廬關緊至巨東明

一帶大溜側重南趨隄段既長河灘又毫無憑藉非加勁堅築無

以禦大汛非認真搶護即難保安瀾該員弁等施奮鋪於沙水之

間捍駭浪於雨夜之候履危蹈險力與水爭卒使工程穩固實屬

有裨大局異常出力查東省築隄防汛人員疊經山東撫臣隨摺

並分案優保奉

旨允准有案直隸事同一律復督飭各統領嚴核刪減謹將築

隄防汛尤為出力各員紳彙為一案查照東省准獎濶次酌擬獎

敘開單敬呈

御覽相應仰懇

天恩俯准給獎以昭激勸其應給五品武銜及千把等項另行咨

部註冊理合恭摺具陳伏乞

皇太后

皇上聖鑒訓示謹

奏

租界地津貼徵摺 光緒二十一年十一月十九日

奏為查明天津通商口岸英法兩國租界佔用內務府差地租項

分別津貼徵摺恭摺仰祈

聖鑒事竊准內務府咨開英法兩國佔用坐落天津縣內務府差

地請將盈餘租項作為津貼該縣通商之需應自行奏明辦理至

咸豐十年十一月租項應查明如何拖欠其佔贖地畝未便除租

等因當經轉飭去後茲據天津縣知縣蕭世本詳稱英法兩國租

界佔用莊頭李連城等差地一頃八十畝二分四毫四絲雖議每

畝交租錢一千至一千五百文按莊頭原交內務府每畝租銀二

錢八分稍有盈餘惟該縣辦理中外交涉事件需費甚多業經前

通商大臣崇厚飭將此項盈餘租錢作為津貼該縣通商之需歷

年照辦有案原係以公濟公仍於內務府原額每畝租數並無欠

缺自應照案辦理至該兩國雖自咸豐十年佔用地畝至十一年

始能勘辦同治元年始據認租其咸豐十年十一月租項本未認

交迄今事隔多年更難憑空令其補納應請免議至佔贖莊頭李

連城等餘地八十八畝八分四釐一毫一絲內有紫竹林廟地五

畝又廟前街道同房基地五畝七分五釐又小道二段合地一畝

六分八毫自通商以來均成往來大道又兩國於咸豐十一年先

後起蓋洋房取土燒甃已成溝濠暨洋行起卸貨物已成大路地

二十三畝一分六釐八毫一絲又無主墳地三畝房基地十畝三

分一釐三毫雖不在佔用之內而地近洋行久已挖毀以上其地

四十八畝八分三釐九毫一絲招佃多年無人承認實係廢壞不

堪耕種計每年應完租銀十三兩六錢六分四釐又法國仁慈堂

生利洋行車道歷佔莊頭李玉璽差地五分一釐六毫每年應完

租銀一錢五分五釐自咸豐十年起均應一律豁免以免民累其
餘李連城等地四十畝二毫又李玉璽地六分三釐七毫五絲尚
堪耕種應仍自咸豐十年起按年催追租項等情具詳前來臣覆
核係屬實情應如所請分別辦理除將應徵租銀如數徵解外理
合恭摺具陳伏乞

皇太后

皇上聖鑒敕下內務府查照謹

奏

奏稿二十九

奏

李文忠公奏稿卷二十八

李文忠公奏稿

卷之二十九目錄

- 籌議臺灣事宜摺 光緒三年正月十六日
- 勦平煽勇滋事之會匪摺 光緒三年正月十六日
- 覆陳盛軍潰勇情形片 光緒三年正月二十一日
- 創辦克鹿卜礮車馬乾片 光緒三年二月二十四日
- 盛宣懷引見片 光緒三年二月二十四日
- 東明縣改為沿河要缺摺 光緒三年三月十一日
- 孝女王氏事績片 光緒三年三月十一日
- 張家口糧臺請餉摺 光緒三年三月二十五日
- 奉省無庸添隊片 光緒三年三月二十五日
- 庫防改車運摺 光緒三年三月二十五日
- 蘆課請緩奏銷摺 光緒三年三月二十五日
- 直隸賑捐數目摺 光緒三年四月二十九日
- 奏留丁壽昌片 光緒三年五月二十八日
- 馬復震請卹摺 光緒三年五月二十八日
- 查明霸州營田摺 光緒三年六月十九日
- 淮軍軍需報銷摺 光緒三年六月十九日
- 軍需交涉洋務報銷片 光緒三年六月十九日
- 議升耐興禮摺 光緒三年七月初一日
- 開采科爾沁鉛礦片 光緒三年七月十四日
- 借撥晉賑摺 光緒三年八月初八日
- 籌辦平糶片 光緒三年八月初八日
- 奏保丁壽昌片 光緒三年八月初八日



籌撥晉豫賑款摺 光緒三年八月二十三日
 籌辦晉賑片 光緒三年八月二十三日
 海防經費免再抽撥片 光緒三年八月二十三日
 津關欠解京餉請免解片 光緒三年八月二十七日

奏稿二十九目錄

李文忠公奏稿卷二十九 全集一之二十九

籌議臺灣事宜摺 光緒三年正月十六日 桐城吳汝綸編錄

奏為遵

旨籌議臺灣事宜仰祈

聖鑒事竊臣前奉光緒二年十一月十九日

上諭丁日昌奏臺灣事宜應統籌全局並省臺勢難兼顧及舉辦

礦務懇務各摺片著該督等籌商議奏等因欽此查臺灣情形沈

葆楨會躬親其事見聞最熟既承

諭旨垂詢諒必有學畫盡善之策臣近為籌度琉球距臺北千餘

里現日本分兵踞琉球難保不漸思吞噉日斯巴尼亞所屬之小

呂宋距臺南亦僅千數百里現日國聲稱調兵船來華難保不徑

圖窺伺幸有丁日昌赴臺密速布置欽奉上年十二月二十二日

密諭已調係開華方耀所部各營陸續赴臺臣又商催吳贊誠將

赫德代購之龍驤虎威兩礮船由閩駛往協防藉可虛張聲勢丁

日昌所擬辦法以靜待動以柔克剛萬一遇有外侮當能操縱合

宜不至遠有戰事此目前之可勿深慮也若夫臺灣經久事宜應

以舉辦礦務懇務為興利之大端雞籠煤礦開采已有端緒硫磺

煤油樟腦茶鐵諸利亦應逐漸招商開拓或借官本或集公司該


撫所稱十年後成本可還二十年後庫儲可裕殆非虛語招墾人

多則經費必多似須量力經營不設限制江海各關協撥緊餉皆

屬入不敷出擬請

敕部於各關解部四成及所存招商局稅項酌量借助若干由丁

日昌於興利收回成本時陸續解還部庫歸款至鐵路電綫二者



相為表裏無事時運貨便商有事時調兵通信功用最大東西洋各國富強之基胥賴此以充拓丁日昌到臺後疊次兩稱該處路遠口多防不勝防非辦鐵路電綫不能通血脈而制要害亦無以息各國之垂涎而論也惟鐵路需費過鉅似須煤鐵開采有效就地取料工力較省陸路電綫則移省廈已成之器為之亦尚易為至購鐵甲船練水雷軍不獨臺灣防當辦南北洋海防尤為亟務臣因海防奉撥額款報解無多尚不敢遽行定購去年議訂美國黎約翰新式魚雷五十具並傳授製法用法其索價五十萬兩擬招令來津面試如果精利無敵當酌予收買分給鐵甲船則須道員李鳳苞帶同廠學生至英國後詳細查勘議辦其價過昂不得格外慎重也丁日昌辦事認真不避勞怨惟近日肝病劇求效過速若欲諸務同時並舉斷無此財力若分緩急先後擇要

以圖數年當有起色所請專派重臣督辦一節似不如責成該撫一手經理俟辦有成效再議督撫輪駐近閱邸鈔袁保恆請改福建巡撫為臺灣巡撫雖事有專屬而臺地兵事餉源實與首城呼應一氣分而為二則緩急難恃臺防必將坐困亦非計之得者愚昧之見是否有當理合恭摺由驛密陳伏乞
皇太后
皇上聖鑒采擇施行謹
奏

初平烟勇滋事之會匪摺 光緒二十一年正月十六日

奏為會匪煽勇滋事剿捕平息情形恭摺仰祈

聖鑒事竊於正月初六日據總統盛仁各營天津鎮總兵周盛傳稟稱該處有哥老會匪趁新年停操潛煽營勇入會經該鎮查知即於初一日率獲匪首何松桂一名正在訊辦忽於初三夜定更後聞營外譁擾中軍前營前軍右營勇丁有越牆應之者當飭各營堅壁勿動該會匪潰勇等乘夜燒掠營外買賣街向西南逃去該鎮慮其逸脫滋蔓當夜親督馬步隊跟蹤追剿不令貽害他處等情臣接閱此信即派署通永鎮總兵吳殿元營務處山東候補道吳秉權馳往該營駐紮之小站地方查詢確情去後旋接周盛傳稟稱自初三夜聞營隊跟蹤追剿匪見馬步隊緊蹙其後不敢徑趨大道折向濱海狂奔喘息不停沿途未入村鎮肆

擾該鎮窮一日之力疾馳百五十餘里追至滄州鹽山交界地方逾兩滅河將會匪潰勇捕斬擒獲數殲除始行收隊於初五日回營鎮撫等情又據駐防滄州提督丁德昌分防鹽山副將張遠富稟報該匪劫盡地方安靜情形大略相同復據吳殿元吳秉權查明稟摺委因該營查獲會匪頭目餘黨懼搜捕窮治倉卒句勇逃逸閱時一晝夜立即殄平該鎮道等復親詣各營察看營牆礮械等件均無損失惟查點中軍前營前軍右營勇數各失去百餘名買賣街門面房屋數處被火其餘按堵如常日來照舊操練等語又據周盛傳連日訊取擒獲各供並所獲會匪號記錦囊等件呈送前來臣查哥老會匪近年分散各省以同財結義為名入會者各給寸布為記開有混入營伍者准軍勇丁向因稽查嚴密尚無人會情弊此次該營倉卒譁擾固由停操度歲營門出入稽查



稍鬆會匪潛伏買賣街致被勾誘而中軍前營前軍右營勇丁逃
失遂至百餘名之多該兩營營官事前不能覺察臨時不能禁止
實屬駕馭無方業由周盛傳撤去管帶差使相應請

旨將中軍前營營官提督銜記名總兵姚禮士前軍右營營官記
名提督張九林均卽革職以示懲儆周盛傳總統全軍未能隨時
查察亦有應得之咎惟該鎮平日馭軍嚴整去年秋冬因用心過
度慮患略血曾經請假離營以將才難得勸令在營休養數月
以來勢難處處督查致有疏虞尙幸追勦迅速僅一晝夜聞竟能
捕獲淨盡未致滋擾貽患功過尙足相抵近聞日斯巴尼亞國屢
有謠傳該營爲海防大枝勁旅操演西洋鎗礮均就嫻熟此次小
失既未搖撼大隊擬請寬免該鎮處分令其勤督操練以備緩急
而觀後效再查近年淮軍各營餉源枯竭每歲僅能發餉九關弁

奏稿二十九

四

勇苦累實甚盛軍駐防津沽附近地面操練既勤又累歲修築新
城礮臺各巨工繼以開河屯田終年不少休息筋力過勞口糧又
少故會匪易於煽惑尙賴各營將弁並無剋扣激變情事是以軍
心不搖現已飭令該鎮將河工屯田暫行停緩專事操練認真整
頓用備調遣所有會匪尙勇滋事應時剿捕平定情形理合恭摺
具陳伏乞

皇太后

皇上聖鑒謹

奏

覆陳盛軍潰勇情形片

光緒三年正月二十一日

再會匪煽勇滋事剿捕平息情形臣於正月十六日據實馳奏在
案嗣奉正月十七日

寄諭御史王昕奏天津新城一帶營勇前歲曾經滋事本年正月
初復聞譁潰數營之多一路搶掠竄入東省等語著飭沿途地方
文武一體查拏等因又奉正月十八日

寄諭據奏前營右營各散去百餘名恐尙不止此數該勇丁究竟
竄往何處著派員迅速查明咨行經過省分督撫一體嚴拏等因
欽此伏查正月初三夜滋事匪勇據報初四日申刻即經追捕撲
滅淨盡臣初亦疑其尙有不實不盡先派署通永鎮總兵吳殿元
候補道吳秉權馳赴該營查點勇數實只失去二百餘名該鎮道
等復親赴滄鹽交界仗處所及潰勇經過村莊逐一查詢居民

奏稿二十九

五

並無見有竄匪逃出搶掠之事臣又續派署天津鎮總兵鄭國魁
馳往該營查看稟報實情相同臣又令統領銘軍記名提督劉盛
休由保定回山東張秋軍營之便沿途查探據報自滄州南至東
境一路安靜如常行旅居民皆未見有潰勇結隊經過臣又密派
保定親兵營馬隊哨官王鼐查至山東平原黃河一帶回報毫無
蹤影又據正月間南來會試舉人吳慎旃等過謁均稱沿途並未
聞見匪勇搶掠滋事是周盛傳原報全數撲滅不至貽害他處尙
屬信而有徵該御史所奏前歲曾經滋事臣歷年在津目睹實無
滋事案據卽本年正月初三夜潰逃僅兩營內二百餘人更無數
營之多亦無竄入東省之事推原其故皆由津郡五方雜處謠言
最多傳播失實聞者不察遂據以入
告臣向來奏報軍情必加慎重不敢稍有掩飾此次出事十餘日

之久派員查詢四五次之後乃據實專疏上聞既經查訪明確並無竄往他省自不必再加各行轉涉張皇而滋紛擾合再據實覆陳仰慰聖慮謹附片具奏

奏稿二十九

六

創辦克鹿卜礮車馬乾片 光緒三年二月二十四日

再海防銘盛各營及親軍礮隊自同治十年以後陸續籌款添購德國克鹿卜後門四磅鋼礮一百十四尊雇用德國教習選派礮勇照該國操礮章程認真操演此項礮位取準及遠精利無匹在西洋各國最為著名利器每礮一尊及前車零件子藥箱應用拉馬六匹礮目一名騎馬一匹共馬七匹行軍時礮勇馬夫皆須乘坐前箱後架及拉礮鞍馬之上平日操練進退旋轉必須人馬相習馬匹尤必調良方能隨機應變電掣風馳現當籌辦海防各礮前車均已購製齊備分發各營兵勇礮法亦漸操習精進當於光緒二年六月開

奏稿二十九

七

奏請飭派提督唐立業出口購到新馬三百匹先行按照各軍領礮多寡均勻攤派暫資操演計分給盛軍拉礮馬七十四匹銘軍二十七匹親兵前營一百三十三匹護衛營五十六匹樂字營四十四匹按每馬七匹量給馬夫兩名共計拉礮馬三百匹新募馬夫八十六名其夫馬口糧喂養仍核照准軍馬隊向章每夫四匹日給銀一錢從上年十月初一各營領齊馬匹之日起支據准軍糧臺直隸練餉局司道會詳請

奏前來查德國營制以礮六尊為一小營每礮出征有正車副車正車用馬六匹副車用馬六匹連礮口坐騎每礮共須馬十三匹此外尚有餘馬預備隨時補換每一小營用木鐵兩匠砧鑪器具車一輛伙食車一輛行李車一輛及營官號令坐騎之馬共計用馬六十二匹馬夫五十六名現操礮隊既仿該國營制應需夫馬本難刪減惟餉項支絀不能酌量變通以歸撙節其行李伙食兩車現無戰事擬暫裁去營官號令坐騎及俯換之馬亦擬緩

給其副車及砧鑪器具車為行陣必不可省之件就現有鞍位計
算副車應用馬六百八十四匹砧鑪車應用馬一百十四匹擬俟
車輛造齊隨時酌核添備目前每鞍一尊僅止用馬七匹實已無
可再省此次唐立業購到馬三百匹按鞍一百十四尊分配每鞍
七匹計尙少馬四百九十八匹應即續行採購俾資訓練而成勁
旅至各營礮勇專習技藝隨礮器具繁多又須責成經理勢難兼
顧槽牧德國用夫甚多現擬礮目騎馬一匹暫令自行喂養計每
馬三匹給夫一名係屬著實核減以上各節均仿照德國營制參
酌准軍向章量加變通於講求利器之中仍寓撙節餉需之意現
在創辦伊始應需馬乾夫糧部臣無案可稽相應請
旨敕部立案作正開銷以重軍儲而昭核實理合附片具陳伏乞
聖鑒訓示謹

奏

奏稿二十九

八

盛宣懷引

見片 光緒三年二月二十四日

再布政使銜直隸儘先補用道盛宣懷歷經 臣奏調軍營差遣同
治十一年創辦輪船招商局因該員留心洋務熟悉情形委令會
同道員朱其昂唐廷樞等妥為籌辦數載以來招徠商股承運漕
糧去冬復建議與併美國旗昌洋行為收回利權之計辦理日有
起色光緒元年冬又經 臣會同江楚各督 臣奏派該員督辦開采
湖北煤鐵礦務經營伊始端緒漸彰嗣值煙臺議結滇案英國使
臣威安瑪求 臣派員商辦吳淞鐵路復奏派盛宣懷前往會議辦
結經南洋大臣沈葆楨奏明在案茲飭調來津籌商一切據該員
稟請就近赴部聽候帶領引
見等情 臣查盛宣懷心地忠實才識宏通於中外交涉機宜能見
其大其所經辦各事皆

奏稿二十九

九

國家富強要政心精力果措置裕如加以歷練必能幹濟時艱惟
事體關係重大自應需之歲月功效始著此次引
見到省後仍擬飭令回局悉心經理藉資指臂之助除給咨赴部
外理合附片陳明伏乞
聖鑒敕部查照謹
奏

東明縣改為沿河要缺摺 光緒三年三月十一日

奏為知縣中缺現有河道隄工請改為沿河要缺以期擇人而理恭摺仰祈

聖鑒事竊照大名府屬東明縣知縣一缺距省城千餘里壤接山東曹州民情素稱強悍本非易治自咸豐五年河南銅瓦鎮黃河決口改道北行該縣適當其衝遂落於河之南岸歷年重遭水患地方凋敝閭閻困苦獄訟滋多凡撫恤災荒緝捕盜賊審理案件在在均關緊要繁劇情形數倍往昔而河流洶湧左奔右突尤應設法籌防上年又於境內新築南隄一道縣互六十餘里每歲修防事宜更形繁重本為難治之區又有防河之責非通曉吏治諳悉河務者斷難勝任該縣原係繁難二字中缺向例按班選補但此項照例輪補人員情形既多生疏河工亦非素習實虞貽誤必

奏稿二十九

須因地制宜改為繁疲難三字沿河要缺嗣後即照沿河州縣之例遇有缺出遴選妥實可靠之員分別調補庶幾治理得人查定例丞倅牧令簡缺改繁應於丞倅牧令繁缺內改一簡缺蓋因政務繁簡偶有不同地方事宜初無二致故可互相調換若東明本無河道隄工乃黃河由他省遷徙而來又新築長隄六十餘里今昔事勢懸殊非僅因政務偶有繁簡者可比且現在丞倅牧令繁要沿河各缺中查無可改中簡之缺直省差繁事劇州縣多屬衝難若遷就互換勢必顧此失彼自應變通辦理據司道府具詳請奏前來合無仰懇

乞 皇太后 皇上聖鑒訓示謹 奏

奏稿二十九

十一

孝女王氏事績片 光緒三年三月十一日

再據涿州知州吳履福詳稱寄居涿州之孝女王氏江蘇高郵州人原任工部尚書王引之之孫女原任湖北漢黃德道王壽同之女幼而端淑讀書通大義能詩文喜誦劉向列女傳及木蘭詩年十一見母康氏病篤虔禱於神乞減己算以代十三歲時父母議為許字該氏微聞其語立起入室引錐刺臂血作書道撤環事親之意父母皆大驚遂緩其議及年十八父母又欲議婚該氏又刺血為書辭旨愈烈成豐王子王壽同與次子恩晉殉難武昌歸觀高郵該氏泣曰母在兒不得從父死請取兒血漆棺乃引刀割臂血淋漓注入漆中見者錯愕父喪既畢年已二十六矣母兄仍欲擇配該氏泣稱父在已從吾志今乃無父願守母終身母兄不能奪也其後兄弟蒙

奏稿二十九 上

卹蔭並官京師該氏侍母就養僑寓涿州母康氏飲食衣服必自其手不假他人逾年弟內閣中書王恩炳卒該氏以母憂傷之餘重遭此變百計解簪以塞其哀同治元年母適危疾羣醫束手該氏割左股以進未一年母疾又作又割右股以進皆愈自是博考方書自難經素問下逮經驗醫方無不纂錄試之多效喜曰七足以壽吾母矣是後八九年母或小疾該氏治之輒痊不痊則焚香數寸著肢體燃之取灰煎服百投百效該氏以此身無完膚同治十一年母病已革知不起諭家人善守該氏勿令再割股該氏侍疾百餘日不交睫目盡腫赤母卒絕粒三日家人強勸乃肯進粥居喪如禮逾年兄兵部郎中王恩錫客死河南該氏聞之愈慟親往扶柩送歸高郵又逾年復來涿扶母喪南歸家貧道遠往返數千里營葬兩喪有男子所不能及者其篤孝至性為涿最久涿人

耳目切近遠邇傳播詳送事實清冊並取具同鄉官印結援案

請旌等情前來臣查該孝女王氏自高曾以來世為儒臣海內宗其學術其父王壽同父子殉節忠孝萃於一門該氏毓自名家少成若性用能堅苦卓絕立志較然洵為無忝前光足以維持風化相應請旨敕部旌表以彰貞孝除冊結咨部並咨江南督撫臣查照外理合附片具陳伏乞

聖鑒訓示謹奏

奏稿二十九 上

張家口糧臺請餉摺 光緒三年三月二十五日

奏為張家口糧臺采辦各路軍糧懇

恩照案續撥餉恭摺仰祈

聖鑒事竊查前因烏里雅蘇臺等處調兵防剿遵

旨准在張家口設立糧臺采辦各路軍糧奏明請撥餉以為米價

繩袋員役薪工之需自同治九年十二月起九次奏撥餉銀二

十七萬兩飭委口北道分起采辦截至光緒二年年底止實存正

款餘平共銀二萬二千餘兩均經造報在案茲據口北道玉珩稟

稱前存之銀已於上年冬間為烏城各軍采買今年春夏二季之

糧本擬年前雇駝放運因駝隻多患脫掌經察哈爾都統咨商烏

里雅蘇臺將軍等俟今年牛車開運同秋冬二季之糧一併解往

現交夏令牛車陸續開行本年秋冬之糧必須及時采買以便一

同起運其駐紮庫倫之宣化練軍米麵亦應備繩袋裝妥併用牛

車運發以期無誤兵需惟餉銀無存請速為奏撥等情前來臣查

該道所稟係屬實情相應仰懇

天恩敕下戶部照案續撥餉銀三萬兩仍飭該糧臺迅速派員領

解以濟要需理合恭摺具陳伏乞

皇太后

皇上聖鑒訓示謹

奏

奉省無庸添隊片 光緒三年三月二十五日

再臣前奉

寄諭崇厚奏請調直軍洋鎗馬步隊三營並十二磅開花礮車六

輛著即派撥赴奉等因欽此遵查直省練軍已有馬步隊三營一

哨調防奉省現存各營巡防要地在在不敷分布餉需又甚支絀

木難再調惟奉省為根本重地不得不設法通融經臣與崇厚往

復商將天津練軍左營洋鎗步隊四哨派游擊鄭明保管帶

即令操江鎮海輪船兩號分裝駛赴大東溝登岸至奉省鳳凰城

歸隊連該營原留奉防一哨合成一營聽崇厚節制調遣至十二

磅開花礮前已撥去六尊並帶兩輪車及拉礮馬十二匹迄今

仍留奉防計行仗足敷應用無須再行添撥其餘軍火帳房等項

由津撥發所需月餉加餉柴草價查照成案飭局核給按時籌撥

解濟至直軍馬步隊先後調防奉省四營應俟該省練軍就緒或

邊防稍鬆即陸續遣撤以免畿疆空虛除分咨查照外理合附片

覆陳伏乞

聖鑒謹

奏

庫防改車運摺

光緒三年三月二十五日

奏為張家口糧臺辦運庫防軍糧米改為車運以節經費並請
收部撥發來年運腳銀兩恭摺仰祈

聖鑒事竊照駐防庫倫之宣化練軍應運兵糧前經庫倫辦事大
臣志剛等

奏准改歸張家口糧臺辦運每年由戶部撥交該糧臺運腳銀一
萬四千六百兩該大臣等並議於防軍內改練馬隊將省出之撤

回步隊運腳銀四千三百六十兩由張家口糧臺解交直隸練餉
局湊放庫防改練馬隊應加餉乾及加增柴草之需又經臣遵奉

寄諭核覆應如所議辦理奉
旨該部知道欽遵在案茲據張家口糧臺口北道玉珩詳稱庫
官軍應需米麵前由庫倫飭調所屬蒙古駝隻來口馱運酌給官

價今改歸張家口糧臺運送必須雇用民駝查定例運送軍糧以
百里為一站口外馬駝馱運每石每站給銀三錢車運每石每站

給銀四錢張家口至庫倫四十八站馱運每石計需銀十四兩四
錢車運每石計需銀十九兩二錢又查同治十一年光緒元年察

哈爾都統履駝代運烏里雅蘇特各營軍糧至四十五臺之哈爾
呢墩交替每石腳價銀五兩三錢及四兩不等同治十二年光

緒元二年察哈爾都統履牛車代運軍糧至哈爾呢墩每石車價
銀四兩九錢五分至三兩三錢不等是例價實多於時價應照時

價雇辦張家口至庫倫較至哈爾呢墩多三站即以至少之時價
核計馱運每石約需銀四兩三錢車運每石約需銀三兩六錢是

車運又省於馱運且上年冬閒駝患脫掌雖有倍徒之價無從雇
覓是以烏城各營軍糧經察哈爾都統咨商暫時停運俟今年改

用牛車所有駐庫軍米麵應即雇牛車運解仍候履定實需腳
價若干有無長落隨時報部立案終與烏城各軍米價等項造
冊請銷向來該軍運米以一百石為一袋麵以一百二十五斤合一
石為一袋庫倫現駐軍馬隊五百名步隊二百名連夫役共九
百三十八名每年應運米麵三千四百四十袋計需車價銀一萬九百
四十四兩若於部撥銀一萬四千六百兩內解交練餉局銀四千
三百六十兩僅留糧臺銀一萬二百四十兩殊有不敷應請留銀
一萬一千兩其餘三千六百兩由糧臺解交練餉局湊放庫倫改
練馬隊應加餉乾及加增柴草之需短解之銀由該局添籌應用
若有閏之年應加運米麵二百五十四袋約需運腳銀九百兩請
由部添撥至牛車行運係在夏秋草長之時所有該軍本年四季
並明年春夏之糧現定自四月初開起陸續運發應需光緒三年

奏稿二十九

腳價銀兩已於去年領回其預運光緒四年軍糧運腳銀兩應請
即行奏撥再此項車價係按市平給發張家口市平大於庫平上

年領到戶部銀一萬四千六百兩係按二兩平撥給庫平短銀
八百七十六兩實屬不敷開支此係按照時價實用實銷之款比

例價所省數倍應請放給庫平並將前短平銀補發以免賠累等
情具詳前來臣查該道所詳係為節節經費核實報銷起見來年

之糧既須今年夏秋運送相應仰懇
天恩收部撥發光緒四年運糧腳價庫平銀一萬四千六百兩並
前次短平銀以便該糧臺委員迅速赴部領回起辦俾無遲誤理
合恭摺具

奏伏乞
皇太后

皇上聖鑒訓示謹奏

Blank space for the main body of the document.

奏稿二十九

六

光緒三十三年三月二十五日

奏為援案請緩長蘆本屆正課公銷以紓商力恭摺仰祈

聖鑒事竊據護理長蘆鹽運使馬繩武詳稱蘆商正課例限五月

奏銷自同治十年後屢遭災歉節經詳請

奏准緩至十月啟徵茲以例限將屆催令各商完納據通緝商人

誠利生等稟稱近年本重銷滯商累過深幸蒙推緩奏銷藉資補

救乃去歲全省荒旱硝鹽太多官鹽幾至停秤綱情痠困已久收

效勢難剋期今各岸存鹽壅滯標項無從周轉且上屆正課尾欠

並帑利銀兩尚須補交春運又須趕辦若本屆新課同時並徵商

力實不能支懇仍援案展緩該護司詳加體察委係實情若將本

屆正課依限奏銷恐致課運兩誤請仍緩至十月啟徵等情具詳

前來臣查長蘆正課前因商力艱窘疊請展緩均經奉

旨允准而應撥京奉各餉仍係年內湊解清款並無貽誤今旱荒

之後商力未紓該護司援例請緩係為恤商顧課起見相應懇

天恩俯准將光緒三十三年正課奏銷照案緩至十月辦理屆時由臣

督飭運司實力催徵無誤本屆額撥京奉各餉以期兼顧理合恭

摺具

奏伏乞

皇太后

皇上聖鑒訓示謹

奏

直隸賑捐數目摺 光緒三年四月二十九日

奏為查報直隸收過賑捐應獎數目恭摺仰祈

聖鑒事竊上年畿疆被旱較廣窮黎糊口維艱除蒙

特恩撥給銀米賑撫外並經臣奏明飭屬勸諭紳商富戶量力集

捐以資濟助奉

旨著照上屆賑捐章程核給獎敘等因欽遵在案旋據本省官民

陸續輸助並有外省官捐鉅款截至本年二月底止共收過銀十

六萬三千六百七十七兩五錢六分七釐五忽六微津錢二萬五千

九百六十二串九百五十五文按三千五百文合銀一兩計銀七千

四百七十九兩九錢八分五釐七毫一絲三忽大米五百石每石合

銀二兩五錢計銀一千二百五十兩小米五百六十三石八

斗一升六合九勺每石合銀一兩八錢計銀一萬一百二十二兩

八錢七分四毫二絲高粱四千二百七十九斗每石合銀一兩

五錢計銀六千四百六兩三錢五分棉衣二萬五千五百三十件

每件合銀一兩計銀二萬五千五百三十兩統共合銀二十一萬

四千三百四十四兩七錢七分三釐一毫三絲八忽六微其已奏

報之湖南北官捐銀六萬兩江西廣饒九南道沈保靖捐銀六千

兩併計在內均經隨時分撥賑直各災區核實散放並以工代撫

災民藉免飢餓此外尚有捐辦工撫未經截數之款應俟事竣截

數奏報茲據籌賑總局司道查明二月以前收數具詳前來除將

動支數目另行查核開單彙報並飭取各官民履歷照章咨部核

給獎敘其有外省自行奏咨給獎者即於獎案內開除所有收過

直隸賑捐應獎數目理合恭摺具陳伏乞

皇太后

皇上聖鑒敕部知照謹

奏稿二十九

五

奏留丁壽昌片 光緒三年五月二十八日

再遇缺題奏按察使前任天津道丁壽昌丁憂服闋臣於本年二月開奉到

寄諭天津為畿南重鎮地方緊要所有彈壓兵勇綏靖地面必須有熟悉情形之員方能得力飭調該員赴津差遣等因欽此當經欽遵札調昨該道於三月初十日由籍起程四月二十七日行抵天津經臣委令總理營務處事宜並派充海防翼長該道途次感冒風寒日來尚未全愈一切地方營務臣尚未與籌商旋奉五月二十四日

諭旨崇厚銘安奏調該員赴吉著臣飭令前往等因臣查吉林吏治武備均須整頓使於直隸無損於吉林有益臣自應統顧兼籌斷不敢稍分畛域惟崇厚等原奏係屬因地擇人臣愚以為用人之道亦須擇地

奏稿二十九

前諭熟悉情形方能得力實量才授任之要端丁壽昌於淮軍營務津郡地面均能熟悉久在

聖明洞鑒之中臣處辦理海防需才甚殷該道在津必可集思廣益有裨時艱若令前赴吉林民情地勢素未諳習即使認真整頓誠恐遷地弗能為良該道久任地方舊部員弁早經先後放遣實已無可酌帶合無仰懇

天恩垂念海防要政畿輔重地以得人為亟仍准丁壽昌留津差遣庶才地兩得其宜亦藉收指臂之助所有前後奉到

諭旨理合附片覆陳伏乞 聖鑒訓示謹 奏

馬復震請卹摺 光緒三年五月二十八日

奏為總兵籌辦海防積勞病故奏懇 加恩優卹恭摺仰祈

聖鑒事竊照總兵馬復震管帶操江火輪兵船辦理北洋海防於光緒二年十二月二十三日在海防軍營積勞病故先據天津司道聯銜詳稟正在飭查履歷核奏請

卹聞接准部咨光緒三年四月初七日奉 上諭廣東陽江鎮總兵員缺著馬復震補授欽此茲據總兵陳南波參將夏靖軒操江輪船隊總都司曹良臣等稟稱馬復震自咸豐十年經前兩江督臣曾國藩檄令募帶震字一營名曰淮勇是年賊首黃文金大股上犯曾國藩困守祁門該總兵扼祁西樞根嶺次年會合諸軍禦賊石門礮迫奔三十里圍攻徽州拔統領唐

奏稿二十九

義訓於重圍疊克黟縣徽郡又大捷屯溪岩市以解徽州之圍大捷孔靈以復績溪祁門兩縣旋經左宗棠調赴浙營改為楚軍皖勇扼守分水截賊於紫溪麻車埠一帶從攻餘杭三戰三捷餘杭既克追賊於遂安開化馬金等處湖州既克追賊至鉛山縣坊湖鎮等處前後數十戰當為諸軍選鋒其在孔靈大隊未至以一營奮力衝擊賊眾大潰遁入村中搜剿又踏毀村外壘卡甫克績溪即星夜馳援祁門兩旬之內連克二城斃賊千計其在餘杭會合楚軍二十餘營搭造浮橋圍攻賊壘會全軍失利賊目汪海洋等乘勝追蹙直撲浮橋該總兵力扼橋北開礮擊斃偽王一名賊始引退是役保全各營救出落水敗卒無算聲名大振汪海洋兇悍劇賊自此畏憚該營其在坊湖與楚軍統將黃少春約期會剿及期震營先至遂以孤軍設伏擊賊斬獲三四百名獲馬百餘匹賊

眾倉皇驚潰及黃軍至而賊已敗退其驍勇善戰皆此類也又嘗單騎入賊壘以察降賊真偽左宗棠嘗以膽識堅定血性過人奏保又以其好學知書奏改文職奉

上諭左宗棠奏副將馬復震因祖父先後殉難立志復仇隨同征戰多年志趣卓然懇請酌改文職等語著該部查明具奏等因欽此旋格於部議保加總兵浙省肅清又隨左宗棠由閩入陝會剿擒逆督杖文案之犯軍令者一人初入軍營即誓死滅賊擒平之後年過三十聘妻已故始假歸續聘事母至孝友愛諸弟其馭軍尚威嚴號令整肅常自節薪水以賞敢死之士生平勇於任事懦於取名臨陣則在人先論功則在人後治軍垂二十年年未四十齋志以歿臚陳前後事蹟稟懇奏

馬宗漣著左氏傳補注阮元刊入

皇朝經解其祖工部主事馬瑞辰與胡培壺郝懿行等切磋漢學著毛詩傳箋通釋粵逆之亂馬復震由世襲雲騎尉起家會國藩義師陣亡左宗棠刻其遺集馬復震由世襲雲騎尉起家會國藩初見其詩稱其沈雄似杜甫以其忠勇奮發檄令募兵臣初帶兵皖北不稱淮勇淮勇之名自該總兵始臣在湖廣總督任內委令管帶操江輪船該總兵學究西國水師兵法講求鎗礮測量沙綫博搜冥討具有內心同治十年經臣調巡北洋會國藩仍令往來南北迨南洋船多始專歸北洋之用臣於奏調輪船內會稱該總兵沈毅有為又與江南督臣會奏稱其號令嚴明研求洋務堪勝海疆專閩之任近年奉

旨籌辦海防該總兵隨同整頓方資贊助遂以久歷洋面侵襲風

濤積勞成疾歿於營次深堪憫惻伏念淮軍之興及海上兵船該總兵皆為發軔之始似宜見於紀載其文武兼備義烈忠亮尤為海防不可多得之材合無仰懇

天恩俯准敕部將新授陽江鎮總兵馬復震從優議卹並宣付史館立傳以慰忠魂所有總兵病故請卹緣由理合恭摺具奏伏乞

皇太后

皇上聖鑒訓示謹

奏

奏稿二十九

五

查明霸州營田摺 光緒三年六月十九日

奏為查明霸州營田並非

西陵公產應仍照案歸地方官經理恭摺仰祈

聖鑒事竊臣前准部咨光緒二年十二月十七日內閣奉

上諭載鋼榮頤奏請飭交

陵精營田一摺據稱順天霸州舊有

陵精營田五十七頃九十餘畝久被水衝沙壓現在已無水患堪

以耕種請飭該知州如數交出等語著李鴻章萬壽張漢卿詳

細查勘奏明辦理欽此遵經行司遵委候補知縣董汝斌前往會

同府尹臣委員署南路同知汪家勳詳細勘查稟山藩司孫觀核

議具詳前來臣查霸州東南鄉臺山等七村原有稻田五十七頃

六十七畝三分三釐係雍正十一年營田觀察副使光祿寺卿王

鈞置買民地營成又續墾地二十五畝八分內改種雜糧地一頃

九十六畝六分七釐園外旱地五頃八十五畝三分三釐窪下草

地三頃七十九畝荒地二頃四十九畝實計稻田四十三頃八十

三畝一分三釐先由直隸督臣奏派專員經管仍令該州相助為

理召募附近居民佃種按官四佃六分收將稻穀碾米成解易州

倉糙粳米二百五十九石一斗以備

西陵員弁俸薪之用除米及雜糧一併變價扣歸粳米工價及運

解易州水陸腳價並有應完園外旱地正耗錢糧閏年銀九兩四

分八釐正年銀八兩九錢八分六釐再有盈餘儘數批解藩庫添

補運池書院士子膏火及省城普濟堂貧民口糧其荒地分收草

草係變價解交清河道庫以充工需如遇災歉不敷解運易州倉

米俟下年豐收補解嗣於道光十一年奉

上諭營田成規早定與其每屆三年遴員奏派莫若仍歸州縣自

行經營杜僥倖而有責成歸簡易而息紛更等因欽此即經前督

臣琦善欽遵奏明自道光十二年為始歸該州自行經營一切章

程悉仍其舊歷今循辦從無異議此霸州營田本係民地先由督

臣派員經營歸該州自行經營之原委也

西陵守護大臣載鋼等原奏以此項營田久被水衝沙壓不堪耕

種今據該州民人劉玉喜呈明現無水患又臣接准該大臣等函

稱據佃戶趙連璧王得明牛喆楊殿臣等赴

陵具呈謂該州捏災苛斂勒令佃戶於委員處遞稟歸州經理局

臣核辦等因經臣疊次嚴飭該委員等據實確查旋據稟稱劉玉

喜係無業游民因知營田堪種冒認該州臺山村故民劉本瀛後

裔謀充莊頭希圖奪佃漁利該州承種營田之七村佃戶張振才

等二百餘人已聯名呈請究辦劉玉喜畏罪潛逃所稱赴

陵遞呈之趙連璧等四人名內牛喆一名並未赴

陵具呈係趙連璧等捏名列入王得明楊殿臣亦俱逃避傳到趙

連璧供被劉玉喜愚弄捏詞遞呈該委員等細加查訊該州並無

捏災苛斂情事其七村佃戶係在該委員處面遞呈詞因劉玉喜

意在奪佃求免變亂舊章仍歸該州經理情詞切實非該州所能

抑勒至此項營田從前分收稻穀本係碾米按年運解易州嗣因

河淤阻塌水患頻仍往往失收未能運解近經臣派員籌款挑濬

中亭河築築長隄上年隄工告竣水患始息以後可種早糧稟有

收確此又劉玉喜等營私捏呈及營田前被水患現已涸復之情

形也查該大臣等原奏有數十年來豈俱水旱歉收並未供應

陵糧之語不知此米照章應解易州不應徑解

陵部此數十年中解易州者亦不少矣

西陵員弁兵丁應食米石截撥南漕東漕皆歸易州兌收存倉查照部定應給米數由易州於倉存項下按季放給在

陵部惟向易州取米並非自司倉儲是以營田之米亦運易州兌收存倉彙入漕糧支放奏銷從前供應俸糧之內即有營田之米該大臣等未悉情形故謂數十年未供應耳又該大臣等給臣函內有此項營田係專歸廣恩庫項下月供

陵籍之語臣飭藩司細查並無此項案據惟營田本係民地歸地方官自行經營將分收之米按額解易州存倉彙入漕糧支放奏銷則固彰彰可考事無兩是案豈能歧其為並非

西陵公產更不專歸廣恩庫項下月供
陵籍固無疑義所有此項營田五十七頃九十餘畝臣與府尹

奏稿二十九

天

往復函商應恪遵道光十一年欽奉

諭旨仍歸該州自行經營以專責成而息紛更其捏控之劉玉喜等應飭拏獲照例究辦至營田向藉開墾以資蓄洩種稻近因河勢變遷非厚築長隄堵塞開洞不能抵禦盛漲保衛隄內數州縣農田是以權衡輕重就隄堵塞此後改種旱糧自不能運解

稻米查
陵部兵糧本須粟米應自光緒三年起即令霸州於分收雜糧內以粟米抵解惟粟米不如稻米應照原額加增四十石九斗每年以三百石解交易州存倉與截收漕糧備供

陵部兵米仍由易州彙冊奏銷下餘米糧照案核實變價除開支運米腳價應完錢糧外儘數報解司庫撥用原有荒地分收之項仍變價解交清河道以充工需其運解易州粟米每年限以十月

為期不准延欠亦不得列入交代折價若被水旱災歉在五成以下者應仍照現定額數解交即有不敷責令該州連運腳一併賠補以杜捏災侵蝕等弊備水旱全災果係顆粒無收委勘確實方准將易米免解仍俟下年豐收補還似此分別整頓並飭藩司隨時查覆嚴催如該州敢有藉詞延欠虧挪情事即行詳參勿貸所

旨查明辦理緣山理合會同兼管順天府府尹臣萬青藜順天府府尹臣張鴻卿恭摺陳伏乞

皇太后

皇上聖鑒謹

奏

奏稿二十九

天

淮軍軍需報銷摺 光緒三年六月十九日

奏為准勇軍需自同治十三年七月起至光緒元年十二月底止收支款目造冊報銷恭摺仰祈

聖鑒事竊照淮勇軍需前截至同治十三年六月底止業經列為第三案報銷於光緒二年五月十四日具

奏奉

旨該部知道單併發欽此伏查淮軍分防直隸保定及天津海口護衛親軍盛仁馬步水師並各營局護運糧餉軍械營哨共計三十三營提督劉盛休接統臬司劉盛藻原部銘軍馬步十七營由陝西調紫山東濟甯州為南洋海防策應之師又前次

奏調提督唐定奎統領銘武步隊十三營前往臺灣防勦於元年七月凱撤仍回江蘇與原辦江防之提督吳長慶統帶所部慶字

奏摺二十九

手

親兵八營提督劉玉龍開花礮隊一營及調防吳淞海口之提督吳宏洛武毅右軍步隊五營徐宿馬隊五營統歸淮勇軍需案內彙冊請銷今自同治十三年七月起一律截至光緒元年十二月底止列為第四案俾清界限以上營哨官弁員名勇夫總數征防處所先經造冊分咨軍機處戶兵二部備查至陸軍各營所支薪費口糧正雜各款內柴薪一項已遵照

奏明支給本色其駝驢喂養即按點驗實存數目每隻頭日支銀一錢餘循前案仍照楚軍刊本營制並奏定章程准銷成案接續造報又馬隊倒補馬匹係照駐紮省分營驛例價分別核給水陸轉運雇用车船夫役價腳按照餉械軍火斤重程途里數悉照軍需例案及歷屆准銷數目核實支發飭將截至光緒元年底止收支細數分晰造報今據金陵報銷局司道等詳稱舊管項下上屆

截至同治十三年六月底止實存銀四十七萬五千一百四十八兩二錢有奇新收項下總計浙江四川兩省協餉並臣沈葆楨在臺防撥濟提督唐定奎行營餉精又先後提撥湖北江蘇藩關釐局軍餉兩淮鹽釐及西征初案報銷內刪減知州梁承祖繳回溢領薪水同本案扣存平餘等項共銀五百七十二萬八千六百四十二兩六錢有奇以上管收二項共銀六百二十萬三千七百九十兩九錢有奇內登除提督唐定奎原部十三營臺灣凱撤由泥雇用招商局輪船裝送至瓜洲價腳及天津海防工程用款共銀三十九萬六千六百一十八兩五錢有奇又附列專冊請銷補放淮軍各營同治十三年六月底以前欠餉銀二十五萬一千九百一十六兩二錢有奇又本案附請專案

奏摺二十九

手

用款購買外洋軍火價值等項兩冊共銀三十萬八百八十五兩有奇實計收用銀五百二十五萬四千三百七十一兩有奇開除正雜各款遵照部議酌定軍需報銷章程各歸各部核銷計應歸戶部核銷銀四百三十萬七千一百一十九兩二錢有奇應歸兵部核銷銀七萬六千九百三十三兩四錢有奇應歸工部核銷銀一十三萬六千八百兩七錢有奇統共請銷銀四百五十二萬八百五十三兩四錢有奇實存銀七十三萬三千五百一十七兩六錢有奇已撥支光緒二年正月起淮軍馬步水師各營正雜餉項並購製外洋鎗礮軍火器械價值工料等用歸於後案舊管項下滾接造報等情具詳請

奏前來臣查淮軍分調直東江蘇等省沿江海口擇要駐防此次造報馬步水師各營勇丁遵照部咨開報花名清冊正雜款項概

發湘平折實庫平報銷仍扣雜款一分平餘均係循照歷辦成案
實用實銷並無絲毫浮冒除將細冊分咨各部並飭將以後用款
趕緊接續清理造報外所有同治十三年七月起截至光緒元年
十二月底止淮勇軍需收支款目造冊報銷緣由謹會同南洋通
商大臣兩江督臣沈葆楨專摺具

奏並繕清單恭呈

御覽伏乞

皇太后

奏

奏稿二十九

呈

謹將同治十三年七月起截至光緒元年十二月底止淮勇
軍需案內收支正雜各款繕具清單恭呈

御覽
計開

舊管

一上屆淮軍第三案軍需截至同治十三年六月底止實存銀四
十七萬五千一百四十八兩二錢六分二毫八微七纖

新收

一收浙江省協餉共撥解銀九萬兩

一收四川省協餉共撥解銀一十七萬兩

一收辦理臺防軍務船政大臣沈葆楨撥濟調臺助防淮軍統領
提督唐定奎所部十三營餉銀一十萬五千六百四十七兩二錢

奏稿二十九

呈

二分三釐七毫五絲二忽

一收湖北軍需局共提撥沙平銀二十一萬兩共合湘平銀二十
萬九千八百五十三兩

一收湖北江漢關共提撥四成洋稅庫平銀四十萬兩共合湘平
銀四十一萬三千七百六十兩

一收湖北江漢關共提撥六成洋稅關平銀六十萬兩共合湘平
銀六十一萬八千兩

一收蘇州藩司庫共提撥銀三十八萬兩

一收江南海關共提撥銀九十五萬兩

一收江蘇捐釐總局共提撥銀一百六十七萬二千三百七
十七兩一錢三分五釐三毫九絲五忽

一收鄂岸鹽釐共提撥銀三十萬六千五百四十四兩七釐四毫四絲

七忽七微五纖

一收湖岸鹽釐共提撥銀一十萬二千一百兩

一收西岸鹽釐共提撥銀七十四萬五千五百五十三兩八錢八分一釐

一收皖岸鹽釐共提撥銀一萬九千七百四十三兩八錢二分

一收淮軍西征軍需初案報銷內經戶部刪減前辦武毅軍營務處知州梁承祖繳回溢領薪水湘平銀二十一兩五錢

一收木案轉運價腳采辦製造等項共扣存平餘銀一千六百六十七兩二錢四分六釐九毫七絲五忽六纖

以上管收二項共庫平銀五百一萬三千二百九十一兩五錢七分四釐七毫七絲六微八纖

湘平銀一百二十三萬三千七百一十四兩五錢折合庫平銀一百一十九萬四千九百九十九兩三錢七分二釐七毫六絲八忽

共計庫平銀六百二十萬三千七百九十九兩九錢四分七釐五毫三絲八忽六微八纖

登除項下
一撥放天津海防應用洋鎗礮火子彈等項購買價值撥歸直隸省海防支應局入收造銷銀三十八萬八千五百九十九兩六錢五分二釐二毫三忽

一撥放天津工程用款撥歸直隸省海防支應局入收造銷銀五千四百八十三兩五錢三分八釐三毫一絲二忽

一撥放提督唐定奎所部銘武步隊十三營自臺灣凱旋抵滬雇輪船裝送至瓜洲用款由江蘇上海招商局入收並冊造報銀

二千六百二十五兩四錢三釐八毫
一附列本案專冊請銷補放淮軍各營同治十三年六月底以前欠餉銀二十五萬一千九百一十六兩二錢六釐一毫七絲四忽
一附列本案第一冊請銷淮軍各營洋鎗礮隊教習通事人等辛工等項銀七萬八千二百五十九兩二錢六分二釐七毫六絲二忽

一附列本案第二冊請銷金陵天津行營機器製造各局委員薪糧工匠工食物料並購買外洋軍火價值等項銀二十二萬二千六百二十五兩八錢四釐四毫三絲三忽

以上登除並附列請銷各款共庫平銀九十四萬九千四百一十九兩八錢六分七釐六毫八絲四忽

實計收用庫平銀五百二十五萬四千三百七十一兩七分九釐八毫五絲四忽六微八纖

開除
一第一冊請銷淮軍駐防直隸省天津馬步各營統領營哨官弁勇夫薪糧等項內歸戶部核銷薪費口糧馬乾等銀一百六十四萬二千六百八十三兩四分八釐四毫八忽兵部核銷倒補馬價銀二千五百七十九兩三錢六分八釐九毫九忽

一第二冊請銷淮軍駐紮山東省濟甯州馬步各營統領營哨官弁勇夫薪糧等項內歸戶部核銷薪費口糧馬乾等銀八十萬二千三百一十四兩八錢二分七釐七毫五絲三忽兵部核銷倒補馬價銀四千一百二十二兩三錢五分八釐三毫九絲

一第三冊請銷淮軍調赴臺灣凱旋仍回江蘇省步隊各營統領營哨官弁勇夫薪費口糧等項係歸戶部核銷銀六十七萬二千

營哨官弁勇夫薪費口糧等項係歸戶部核銷銀六十七萬二千

營哨官弁勇夫薪費口糧等項係歸戶部核銷銀六十七萬二千

營哨官弁勇夫薪費口糧等項係歸戶部核銷銀六十七萬二千

營哨官弁勇夫薪費口糧等項係歸戶部核銷銀六十七萬二千

營哨官弁勇夫薪費口糧等項係歸戶部核銷銀六十七萬二千

營哨官弁勇夫薪費口糧等項係歸戶部核銷銀六十七萬二千

五百一十八兩五分四釐六毫一絲七忽
 一第四冊請銷淮軍駐防江蘇省馬步各營統領營哨官弁勇夫薪糧等項內歸戶部核銷薪費口糧馬乾等項銀八十七萬二千五百兩二錢一分二釐七毫三絲五忽兵部核銷倒補馬價銀九千六百五十一兩六錢四分五釐二毫七絲六忽
 一第五冊請銷督標水師各營哨官弁勇丁薪費口糧等項係歸戶部核銷銀一十一萬五千六百六十二兩九錢六分三釐二毫六絲六忽
 一第六冊請銷隨營辦事支應各差京外文職官員薪糧等項係歸戶部核銷銀二萬七千四百七十八兩五錢二分九釐三毫八絲三忽
 一第七冊請銷隨營先鋒差遣武職官弁薪糧等項係歸戶部核銷銀二萬六千三百五十二兩九錢八分六釐五毫八絲七忽
 一第八冊請銷淮軍馬步各營柴薪斤重價值係歸戶部核銷銀一十一萬二千六百六十七兩七錢八分九釐三毫四絲七忽
 一第九冊請銷淮軍馬步各營駝騾購車喂養車輛雇價等項內歸戶部核銷駝騾購車喂養銀四萬二千三百四十一兩七錢九分二釐九毫一絲七忽兵部核銷車輛雇價銀二萬二千五百八十一兩三錢三分三釐八毫八絲
 一第十冊請銷淮軍各營哨弁勇夫亡故卹賞受傷養傷等項係歸兵部核銷銀六千七百五十七兩六錢九分五釐六毫四絲八忽
 一第十一冊請銷各臺局所水陸轉運餉械車價水腳夫役工食等項係歸兵部核銷銀三萬一千二百四十二兩九分三釐六毫

九絲九忽
 一第十二冊請銷采辦物料製造軍裝器械工價並油船船隻經費等項係歸工部核銷銀一十三萬六千八百兩七錢五分四釐九毫二絲一忽
 以上第一冊至第十二冊止共歸戶部核銷銀四百三十萬七千一百一十九兩二錢五釐二毫一絲三忽兵部核銷銀七萬六千九百三十三兩四錢九分五釐八毫二忽工部核銷銀一十三萬六千八百兩七錢五分四釐九毫二絲一忽統計十二冊共請銷銀四百五十二萬八千五百五十三兩四錢五分五釐八毫三絲六忽
 實在
 存銀七十三萬三千五百一十七兩六錢二分四釐一絲八忽六微八纖
 查前項實存已接支光緒二年正月起淮軍馬步水師各營正雜款並購製洋軍火器械價值工料等用歸於後案舊管接按分晰造報理合登明
 一 同治十三年七月起截至光緒元年十二月底止共欠發淮軍陸勇水師各營餉銀二十六萬四千八百六十五兩五錢六分三釐七毫四絲一忽一微
 查前項欠發續有補給戶歸後案專冊開報理合登明

軍需交涉洋務報銷片 光緒三年六月十九日

再查淮軍各營洋鎗礮隊教習通事工匠人等辛工行營機器製造局工料及購買外洋軍火等項前截至同治十三年六月底止業經附

奏准銷並聲明金陵機器製造局自同治十二年六月起用款俟開報至日核明彙歸次案造報在案今自同治十三年七月起淮軍各營洋鎗礮隊教習通事工匠人等辛工等銀七萬八千二百五十九兩二錢有奇天津行營機器製造局委員薪糧工料用款等銀八萬二千四百五十九兩有奇購買外洋礮位軍火等價銀二萬三千七百九十兩一錢有奇均截至光緒元年十二月底止又金陵機器製造局自同治十二年六月起至光緒元年十月底交接止委員薪糧工料用款等銀一十一萬六千三百七十六兩

奏稿二十九

五錢有奇以上總共請銷銀三十萬八百八十餘兩茲據該司道等按款復加查核均係奉文核實飭發並無絲毫浮圖戶造冊冊詳請附

奏前來 臣查前項各營洋鎗礮隊教習通事工匠人等辛工購買料物外洋軍火價值各款皆與洋人交涉無例可循仍應照案據實請銷除將冊咨送總理衙門戶兵工部查核外伏乞

聖鑒謹附片具奏

議升附典禮摺 光緒三年七月初一日

奏為遵旨覆議

升附典禮恭摺仰祈

聖鑒事竊臣承准軍機大臣字寄六月十四日欽奉

慈安端裕康慶昭利莊敬皇太后

慈禧端佑康頤昭豫莊誠皇太后懿旨本日據禮親王世鐸等奏

遵議穆宗毅皇帝孝哲毅皇后神牌升附位次一摺又據醇親王

奕訢詹事府少詹事文治鴻臚寺卿徐樹銘內閣侍讀學士鍾佩

賢鴻臚寺少卿文碩國子監司業寶廷另行陳奏各摺片已明降

諭旨令醇親王奕訢恭親王奕訢醇親王奕訢御前大臣軍機大

臣大學士侍郎翁同龢夏同善禮部太常寺將王大臣等所奏各

摺片詳細閱看再行妥議具奏矣

奏稿二十九

廟制關係鉅典必須考覈精詳方足以昭慎重著再派李鴻章悉

心安議具奏禮親王世鐸等摺一件醇親王奕訢等摺片九件並

侍郎袁保恆等說帖五件均著鈔給閱看將此諭令知之欽此仰

見

皇太后慎重鉅典事求厥中之至意臣查禮親王等議增龜座志

在斟酌時宜諸臣請改廟制志在考求古禮要皆出於尊崇

祖宗之忱未易折衷定論以臣所聞禮文殘闕古制難詳七廟九

廟之文漢世已無定說都宮別殿與同堂異室昔人亦互有是非

即朱子宗廟圖議馬端臨邱濬等皆病其過拘臣考周官匠人營

國世室明堂皆止五室鄭注五室並在一堂據此則朱子所圖世

室親廟以次而南似亦未必盡合古制至於特建

寢殿增修方殿等說更爲古制所無禮親王等奏稱侍講張佩綸請建世室事涉更張應毋庸議等因

宗廟事重未便輕議改作該親王等所奏不爲無見我

朝

廟制定於

國初

祖宗神靈協會一室已二百餘年一旦遷改

神明必有不妥

太廟重垣周二百九十一丈殿庭墀各有定式皆一成而不可變今欲就增數室位置必難得宜又

升祔吉期理不宜誤戴記所稱不忍一日未有所歸者也準古酌今改廟實有難行禮緣人情可以義起因時立制自以仿照

奏稿二十九

奉先殿成案增修龕座爲宜議者或以簡略爲嫌臣考古禮祔廟

迭遷亦止改塗易楹並不大更舊廟今之龕座略如晉宋以來之

坎室晉太常華恆建議廟室以容主爲限無拘常數厥後王導溫

嶠等往復商榷增坎室宋增八室蔡襄爲圖此皆達禮君子度

時之宜以成一代之典彼豈未聞世室親廟之說亦謂禮樂不相

沿襲事異殷周禮從而變也今之增龕實其比例或又謂

奉先殿乃古原廟之制與

太廟事體不同查會典所載雍正十一年奏准

奉先殿

神牌供奉與

太廟理應畫一是

奉先殿制久有成憲可循不得謂奉先殿可以增龕獨不可仿行於

太廟也仰維

列聖家法皆

躬行節儉以先天下今日援案增龕之議事屬權宜意從儉樸未

必不當於

列聖降鑒之心廷議既已允諧似應無煩疑慮至祧遷之禮雖古

之常制而藏主之室則禮無明文鄭康成禮經大師其言周制祧

主藏於太廟及文武世室是已祧之主與不遷之祖同處一廟故

廟亦名祧晉代之制藏於西儲夾室當時已疑其非禮後世竟沿

爲故事儒家每謂祧於夾室爲古制殆臆度之辭廟既與古不同

祧亦未宜輕議惟

太廟規制有定

國家統緒無窮醇親王議請

明降諭旨曉示天下自今以往親盡則祧並請以

後殿東西二梢間永藏祧主此則導

皇上以大讓酌

廟制以從宜禮貴因時讓爲美德非天子不議禮應否

允行自應一秉

聖裁非臣下所敢妄擬矣所有

旨敬謹詳議緣由是否有當恭摺由驛履陳伏乞

皇上聖鑒訓示謹

奏

開采科爾沁鉛礦片

再臣前訪聞張家口外諸山礦產甚富當飭升用知縣周世澂前往會同署張家口理事同知成錦確切查勘酌取礦砂送呈分鍊茲據該員等稟稱張理應所屬地面下科爾沁南地上四牌樓溝一帶山多產鉛礦苗暢旺去民間村寨蘆墓甚遠開采毫無窒礙並據世襲輕車都尉勳舊佐領吉勒罕保呈稱科爾沁地方為國初時伊祖承受游牧馬廠取原籍科爾沁為名嗣因兵食不敷將所屬村地招民開墾在張理應升科納糧其父德禧查明山有礦產即擬報采濟軍今聞查勘礦務願將該山坐落界段指明報捐以繼父志不敢仰邀議敘等情由該員等轉稟前來臣查津滬機器各局製造鎗礮子彈及各項軍器所需物料以青白鉛為大宗中國礦產未開歷皆購自西洋價值運費咸糜鉅款一有缺乏

奏 聖鑒謹 由理合附片具陳伏乞

借撥晉賑捐

奏為遵旨酌量借撥晉省賑款恭摺仰祈聖鑒事竊臣欽奉光緒三年七月初四日寄諭洗馬溫忠翰奏山西各府州縣連年亢旱賑恤飢民需款甚鉅前經會同國丞奏准截留京餉二十萬兩誠恐不敷分撥除本省勸捐助賑外不得不預籌協濟查江浙釐金現撥南北洋海防經費請將此項借撥銀一二十萬兩以應急需俟晉省捐款集有成數再行撥還等語晉省被災較重疊據該撫奏報情形賑撫勢難稍緩溫忠翰所奏請撥海防經費接濟目前自係為移緩就急起見即著李鴻章酌量借撥查照會同國丞派員領解回晉核實散放俟山西庫款稍裕即行撥還等因欽此伏查江浙釐金項下奉撥海防經費兩年以來江蘇分釐未解浙江亦未撥解足統計庫存無多且此係海防專餉總理衙門與戶部原奏未可挪作他用是以上年直境旱荒賑款不敷僅就河道各庫竭力羅掘未敢絲毫借動現須訂購外洋船礮子彈水雷等項約計購價頗巨若一借撥深恐有誤急需勢難兼顧惟晉省旱災較重賑撫無用繁截留京餉既慮不敷捐款尙未能速集諭旨飭臣酌量借撥敢不設法另籌以顧大局當與會同國丞往復咨商議定借撥銀十萬兩即由晉委員來領查天津有解存練餉制錢一款前經奏明發交江浙典商分領生息原議如有需用隨時撥提正可移緩就急已飭令江浙兩省典商各提原領制錢七萬五千串共合十五萬串剋期解津即照時價核實易銀十萬兩以為借撥晉省賑款如易銀尙不足數即於練餉項下提補惟

該典商備錢解津有需時日先飭司道設法暫行挪墊以便委員
迅速領回應用仍俟督省庫款稍裕照數撥還練餉原款如此一
轉移間鄰疆賑需藉資接濟而海防購辦各項亦不至停待似屬
兩有裨益除俟易銀竣事即將動用錢數咨部存案外所有酌量
借撥督省賑款緣由理合恭摺由驛覆陳伏乞

皇太后

皇上聖鑒訓示謹

奏

奏稿二十九

馬

籌辦平糶片

光緒二十八年八月初八日

再直境四月以後天氣亢旱田禾聞已乾枯並有蝗蝻萌生處所
至六月下旬始得雨惟未能普律深透七月間雖續得甘雨數
次而多寡不等或此有彼無其未霑足者晚苗既難滋長早禾亦
未盡成實節逾白露秋收大致已定保定正定河間各屬每有得
雨稀少之處災歉已成此外亦聞有歉薄俟勘定後尚須酌籌撫
恤現在糧價昂貴小民糴食維艱必應先籌接濟向來直境歉收
多販運奉天雜糧今年該省秋收尚稔臣已商飭津省司道設法
籌湊款項派委委員由臣給照赴奉宋購粟糶雜糧即由海道回
津轉運平糶並酌量留備賑需仍招徠遠近商販一體購運若得
源源而來市價自能平減民食藉資轉輸事關荒政仰懇
天恩俯准照案免徵沿途關卡釐稅並

奏稿二十九

鑒

敕下該省將軍府尹示諭各口文武員弁一體驗照放行勿任吏
役留難糧戶居奇庶於畿疆民食有裨除飭屬查勘災區分別輕
重籌議奏辦外所有采購奉糧平糶請免沿途釐稅緣由理合附
片具陳伏乞

聖鑒訓示謹

奏

奏保丁壽昌片 光緒三年八月初八日

再布政使銜遇缺題奏按察使丁壽昌自本年二月奉

旨飭調來津經臣委令總理營務處並充海防翼長旋因崇厚銘

安奏調赴吉又經臣以

做輔重地得人為亟奏准留津數月以來遇事商籌深資忠益臣

查丁壽昌識量深閎才力沈毅兵事吏事具有兼長其辦事講求

實際心精力果實足以振起疲茶肩任艱鉅為

國家拔益足恃之材該員前由遇缺題奏按察使借補天津道缺

查同治八年十二月部議新章奏奉

上諭已保藩臬題奏者均准先補道員由該督撫察看如果實能

稱職出具考語奏請升用至賢能素著之員仍著直省督撫隨時

保奏等因欽此丁壽昌前任津道五年潔已愛民賑饑救患輿情

愛戴不惟當官稱職實屬賢能素著之員臣去年六月會奏其才

堪大用日前津郡軍民靜謐若久置閒散權位不足自展人才亦

覺可惜該員本係題奏按察使經臣察看已久吏治練習允堪勝

任合無仰懇

奏撥晉豫賑款摺 光緒三年八月二十三日

奏為題

旨籌撥晉豫賑款恭摺陳仰祈

聖鑒事竊臣欽奉光緒三年八月二十一日

寄諭夏同善奏晉豫二省被災最重請旨加撥賑帑並飭李鴻章

采買米糧接濟晉省各摺片本年山西河南亢旱成災而山西為

尤甚飢民嗷嗷待哺道殣相望披覽所奏情形實深矜憫前經降

旨准該二省截留京餉備賑復准晉省開捐惟被災既廣聚之為

巨款散之即屬畸零開捐集資亦恐緩不濟事該侍郎請於部存

關稅項下撥銀四十萬兩天津海防經費項下撥銀三十萬兩以

七成給晉三成給豫著戶部李鴻章迅速籌議具奏再降諭旨等

因欽此仰見我

皇上太后

皇上軫念災區

恩施稠疊欽感同深伏維晉豫二省上年本已歉收今歲又皆亢

旱晉省災重且廣飢民嗷嗷待哺道殣相望情形誠有如夏同善

奏

蒙

俞允當飭司道設法挪墊於八月初一日發交該省委員如數領

回在案其時海防經費擬訂購外洋軍火一經購成即須付價勢

難先作他用臨時無以應急失信洋人今幸上年原訂美國黎氏

諭旨借撥晉省賑款業於天津練餉制錢項下籌撥銀十萬兩奏

蒙

奏

奏

奏

奏

奏

奏

奏

奏

奏

魚水雷該洋人先行運到一具因其價值太貴設法退回向可勻出經費暫撥賑款曾國荃李慶翱及侍郎袁保恆等亦均來函告急臣維賑濟災黎非他用可比擬請即於天津海防經費項下撥銀二十萬兩以七成給晉合十四萬兩三成給豫合六萬兩連前撥晉省練餉銀十萬兩已足三十萬兩之數如蒙特恩撥給則前撥十萬兩似可毋庸歸還所有此次給豫之款應由該省委員領解給晉之款即作為購運賑糧之需以上副朝廷子惠元元至意理合恭摺由驛覆陳伏乞
皇太后
皇上聖鑒訓示謹
奏

奏稿二十九

吳

籌辦晉賑片 光緒三年八月二十三日

再夏同善原片內稱山西購糧不易請將所撥海防項下賑濟銀兩由臣采運米糧等語奉
上諭應如何籌辦及由何路轉運飭臣一併速議奏明辦理等因欽此伏查救荒之策首在籌糧而購運事宜尤須熟計直隸亦被旱災民食缺乏前經奏明籌款派員赴奉天采購雜糧由海運津以資本省糶賑並因晉省災重糧少價昂飭據津海關道黎兆棠輪船局道員朱其昂由津招商備糧二千石因直隸各河皆涸船運交河縣泊頭鎮換車至獲鹿縣改為騾馱赴山西榆次縣平糶先為試辦惟運道過遠舟車數易自獲鹿入晉山路萬分崎嶇行程既遲運費尤巨此時奉天陳糧將盡新糧尚未登場本屆封河較早恐難多購多運晉省災區甚廣為日方長冬賑固須急籌春無亦須接濟儻難一起購運向可陸續籌辦前准曾國荃咨請派員在津捐賑經臣檄委馮缺題奏臬司丁壽昌與黎兆棠等廣勸各商量力捐助昨已據道員胡光墉稟報捐助山西賑銀一萬五千兩丁壽昌黎兆棠願大局皆以晉中災因為急所有此次奉撥賑銀購運晉糧各事宜應令該司道體察情形趕速籌議妥便之法由臣隨時咨商曾國荃設法迎提總期多運一石之糧俾晉民多得一日之食理合附片覆陳伏乞
聖鑒謹
奏

奏稿二十九

吳

海防經費免再抽撥片 光緒三年八月二十三日

再海防經費一款總理衙門與戶部原奏未可挪作他用原以海防關繫重要經費籌畫艱難合之則可逐漸經營分之則斷不能集事恭查議辦海防之始

穆宗毅皇帝有亟應實力講求同心籌辦堅苦貞定歷久不懈以紓目前當務之急以裕國家久遠之圖之

諭光緒元年四月開定議我

皇上又有若僅空言了事因循廢弛何時見諸施行亟宜未雨綢繆以為自強之

諭臣自奉

命督辦以來深懼智慮短淺致誤事機尤恐款不應手終成畫餅一切出納必慎之又慎既不敢稍涉鋪張糜費亦未嘗以他用挪

奏稿二十九

五

動絲毫然奉撥餉每歲號稱四百萬兩三年以來實解不過二百萬是每年僅得數十萬兩固已有名無實各省釐金或分毫未解或解不及半各海關四成洋稅開銷本多又撥去半分歸還西征軍餉原借洋款臣深知各省入不敷出未便過事催迫而餉無所措防務迄無緒焦灼莫名原議先就北洋創設水師一軍必須購置船礮等項其鐵甲船一項實為軍中利用不可或少疊經商屬出使大臣及出洋各員訪察船式價目現在丁日昌又議請及時購辦若一經購成每隻價需百萬內外此外又有已經訂定之英國馬梯呢後門兵鎗德國克鹿卜後門鋼礮及赫德續購船礮藥彈統計需價亦巨貨到必應付銀現在積存經費僅止一百數十萬兩近又奉部議分半解閩以俟各省關續解必更無幾以來源待盡之款而辦此重大軍需如湯沃雪奚從措手茲原訂美

國水雷因價太貴設法退回藉稍勻撥晉豫急需以仰體朝廷軫念災區至意惟是海防為軍國大計洋務之變故難言無事時以為此項可緩漠然置之迨有事時則已指布不及

依 融輔籌備緩急萬不可少合無仰懇

天恩敕下總理衙門戶部查照嗣後此項經費仍遵原奏專為海防要用免再抽分他撥仍隨時由部切實行催各省關照數劃解毋任短缺貽誤斯為大局之幸理合附片具陳伏乞

聖鑒訓示謹

奏

奏稿二十九

五

津關入解京餉請免解片 光緒三年八月二十七日

再准戶部咨天津關欠解光緒元年分六成洋稅京餉銀六萬兩原限本年五月以前補解現尙未報起程奏催趕緊籌解等因當經轉行遵照茲據津海關道黎兆棠詳稱該關歷年洋稅收數本少今年又值亢旱各河水涸商販不前貨物滯銷稅項更形減色而應放海防練軍及調防奉天鎗隊月餉稅務司薪水本關經費為數既巨又皆必不可緩每結均係收不敷支竭蹶情形日甚一日又有奉撥

惠陵工程銀九萬兩除竭力籌解三萬兩下短六萬兩向無從設措所有欠解元年京餉六萬兩實難補解請照案奏免等情前來臣查該關六成洋稅向係抵充本口海防練軍餉項放款緊要收數無多實係入不敷出其勢不能他顧應屆奉撥京餉均經奏免

奏稿二十九

奏

戶部亦深知該關無可設法疊次議准免解有案今年晉豫直各省旱荒河道皆涸其貨滯稅絀情形更較往年尤甚現距封河不過兩月收數已屬有限應放秋冬各款繁巨又有本年奉撥

惠陵工需未解銀六萬兩勢難緩欠尙未知從何設措委無餘力再補舊欠京餉合無仰懇

天恩俯念地方災歉稅收短絀准將該關欠解光緒元年京餉銀六萬兩照案免其補解俾資周轉理合附片具陳伏乞

聖鑒訓示謹

奏

李文忠公奏稿卷二十九

李文忠公奏稿

卷之三十目錄

奏調吳大澂片 光緒三年九月初三日

籌濟豫賑摺 光緒三年九月十九日

駐洋幼童勻撥經費摺 光緒三年九月十九日

蘆鹽緩徵正課摺 光緒三年九月十九日

籌議京城省運糶摺 光緒三年九月二十一日

直屬籌辦糶摺 光緒三年九月二十一日

惠陵經費請減改片 光緒三年九月二十一日

海防支應請銷摺 光緒三年十月初四日

請給德羅他實星片 光緒三年十月初五日

直東撫按緝捕情形摺 光緒三年十月二十二日

分途運糧入晉片 光緒三年十一月初二日

近省河隄工程摺 光緒三年十一月初二日

請東省寬濟晉賑摺 光緒三年十一月十四日

潮州勸捐晉賑片 光緒三年十一月十四日

整頓招商局事宜摺 光緒三年十一月二十五日

海運官物統歸商局片 光緒三年十一月二十五日

京城外變通平糶摺 光緒三年十一月二十八日

會查安陽縣參案摺 光緒三年十二月初三日

禁止燒鍋片 光緒三年十二月十八日

近省隄河籌助息款片 光緒三年十二月十八日

張家口工程摺 光緒三年十二月十八日

南北籌運濟賑摺 光緒三年十二月二十三日

晉賑災章摺 光緒三年十一月二十三日

奏稿三十目錄

李文忠公奏稿卷三十

全集一之三十

奏調吳大澂片

光緒三年九月初三日

桐城吳汝綸編錄

再天津現辦晉豫兩省徵收賑糧轉運事宜並月購糧石源源
濟又為晉省勸辦捐賑事關重要頭緒繁多必須集思廣益得人
助理查有翰林院編修吳大澂才識闳達心存利濟條理亦復精
詳歷年助辦直省賑務躬親瑣屑不憚煩勞今因晉省災重在京
竭誠勸捐聞已集有鉅款其實心好善胞懇愛民在儒臣中尤不
易得擬請

敕下翰林院即令該編修刻日來津會同丁壽昌黎兆棠等籌辦
一切必於災區裨益非淺理合附片具陳伏乞

聖鑒訓示謹

奏

奏稿三十

籌濟豫賑摺 光緒三年九月十九日

奏為豫省奉撥江北漕糧派員督催全數運往並撥給銀兩以濟賑需恭摺仰祈

聖鑒事竊臣欽奉光緒三年九月初四日

寄諭李鴻章奏奉撥豫兩省賑糧請變通辦理所籌甚合機宜所有山西原截之江安漕糧四萬石該督即飭丁壽昌等妥為經理由水路運至河南道口交卸並著李慶翱迅派大員馳赴道口設局接收轉運等因欽此旋據江安糧道催令糧船陸續由通抵津正值商民爭運糧鹽貨物既難猝雇多船且從新裝卸徒稽時日江北船戶因張秋至東昌一帶運河枯涸難行若在北守陳謀生無計願以原船運送道口藉得水腳補苴遂飭丁壽昌等與江安總運委員龔自璣妥細商定仍派江安原來委員押運酌給薪

奏摺二十

水並議明船戶水腳剩淺等項即於九月十五日全數由津開行責令該委員等並沿途文武晝夜催趨前進又派營務處記名道吳毓蘭督催速赴道口監督惟聞道口以下至直境龍王廟一帶河水淺不盈尺糧艘重載難行已飭吳毓蘭沿途察看情形如實難前進即馳赴道口與該省接運委員商酌由豫趕緊多派民車接卸臣並咨函馳商李慶翱豫飭委員相機會力籌辦總期無誤賑需又天津海防經費項下原撥豫省銀六萬兩續由部庫劃歸天津撥給銀六萬兩均奉

旨由直代購賑糧已飭據丁壽昌等先撥銀四萬兩交道員朱其昂等赴南省采買小麥旋據李慶翱來兩豫省截留京餉漕折銀十餘萬兩已委員四出買糧惟災區較廣賑款不敷統計各項所需均未能即時應用雖已請展黔捐借用亦難救急專派直隸州

嚴作霖來津請領原撥銀六萬兩有此指項應辦賑務均可提前辦理等語臣面詢來員嚴作霖豫省雜糧時價尚平由此開購運至豫不甚合算蓋天津本無存糧須分赴南省采買刻下奉糧陳者已盡新者入市尚少官商爭購價值昂昂南省小麥亦形短缺而由各路運津山津運豫長途跋涉糜費滋多且河道淺涸轉運艱難瞬息封河殊覺緩不濟事查豫省應需賑糧先經委員四出購辦又運去江安漕米四萬石續奉

諭旨撥給山東漕米八萬石其鄰省濟甯潁州一帶收成尚好有糧可辦有河可通水陸挽運較為便速不似由津購運之艱遠李慶翱既將賑務提前辦理一切需費不費專指天津銀兩開辦必須酌撥接濟以免災黎懸盼當飭支應局將海防項下原撥銀六萬兩於十七日發交來與嚴作霖趕緊領回俾應急需其劃撥銀

奏摺二十

六萬兩除轉運江安漕米水腳等項下餘應否購糧以備春賑仍飭商李慶翱核撥酌辦所有豫省奉撥江北漕糧派員督催全數運往並撥給銀兩以濟賑需緣由理合恭摺陳伏乞

皇太后

皇上聖鑒謹

奏

駐洋幼童勻撥經費摺 光緒三十三年九月十九日

奏為駐洋肄業幼童經費不敷請於南北洋海防項下分年勻撥以期造就人才恭摺仰祈

聖鑒事竊臣鴻章前與原任大學士兩江督臣曾國藩奏請挑選幼童赴美國肄業以求洋人擅長之技而為中國自強之圖當經總理衙門核覆奏准自同治十一年起至光緒元年止每年挑選幼童三十名共合一百二十名分作四批按年出洋肄業在案原議每批幼童駐洋十五年每名每年束脩膏火屋租衣食等項銀四百兩連委員繙譯教習薪水及其餘一切費用通計首尾二十年需銀一百二十萬兩在江海關六成洋稅項下按年匯寄應用有餘歸公不足補給上年原帶幼童出洋之太常寺卿陳蘭彬回華而稱幼童駐洋十五年通計每名每年銀四百兩殊不敷用接

奏稿二十

四

帶委員主事區謬良原派委員補用道容閱自洋續稟亦以為言臣鴻章飭令該委員等通盤籌算核實具報旋據區謬良容閱籌算稟擬懇請添撥經費臣葆楨咨請總理衙門核示接准覆稱此項經費應於何關添撥由臣等斟酌奏明辦理等因查區謬良等節次來稟美國稅增物貴束脩膏火屋租衣食各費倍於從前幼童初到美時或入小書院或附人學館費用尚省迨三四年後漸次考入中大書院及技藝院軍政院船政院每院又各有班次等第逐年循序而進學有淺深館有大小館與年而俱異費亦與年而俱增計每批每名至第五年約須加銀二百兩第七年以後約須加銀四百兩等語察核所稟係因南北花旗戰爭後元氣未復稅項頻加諸物昂貴一切費用增多本屬實情原議經費係就以前華人在彼情形約略科算亦未能細考書院大小班次等第蓋遠

李文忠公奏稿 卷三〇

隨重洋事屬創始實難逾度懸定也此舉為造就人才漸圖自強至計關緊甚大據報頭二批學生一二年間已有可進大書院之童即應專心研究以裨實用斷無惜費中止之理惟慮款支細籌畫艱難不得不格外節省臣等再三諮詢酌中核減每批第一年至第六年尚在中書院應仍照原奏每名每年銀四百兩由該員等截長補短通融濟用第七八年每名每年應添給銀二百兩第九十年每名每年應添給銀三百兩第十一年至第十五年年照奏定章程學成游歷費用較廣每名每年應添給銀四百兩現有事撤回幼童九名騰出原撥經費及減去繙譯每年薪水銀六百兩均應撥抵統計除原撥經費一百二十萬兩外先後九年約共應添撥銀二十八萬九千八百兩係分批按年乘除推算其開數目參差不一有每年應添撥一千二百兩者有每年應添

奏稿二十

五

撥四萬二百兩者應令江海關道揆定年分批數照章彙明匯寄仍飭該委員等樽節開支分晰造報如續有事故撤回幼童即報明將原撥添撥經費隨時截止查江海關六成洋稅解支不敷原撥出洋經費已巨勢難再分籌添此外各關均甚竭蹶無可指撥因思幼童出洋肄習各項技藝原為洋務海防儲備人材他日學成回華可資器使此項添撥銀二十八萬九千餘兩自應於江海關四成洋稅內之二成奉提南北洋海防經費內就近按年勻撥分批搭匯在該關為有善之款而海防亦分攤無多庶出洋幼童學業可成不至以經費不敷淺嘗輒止臣等往復咨商意見相同除咨總理各國事務衙門戶部暨福建督撫臣知照外謹合詞繕摺具陳伏乞

皇太后

一〇九

皇上聖鑒訓示謹

奏為本年天旱河涸蘆鹽運艱銷滯請將正課分成級徵藉紓商困恭摺仰祈

聖鑒事竊據長蘆通綱商人萬盛新等瀝陳天旱河涸運艱銷滯力難完課情形呈請調劑當經行司籌酌妥議去後茲據長蘆運司如山詳稱各商經營維艱銷路之暢滯全以年歲豐歉運道通塞為憑長蘆如正定大名順德廣平深州冀州定州趙州八府州屬及豫省行銷蘆鹽各州縣由津運鹽前往河路多發源於晉豫兩省本年直晉豫皆旱各河水源枯竭鹽船挽運甚艱即改道陸運而程途繞折車脚浩繁較河運增費數倍遂致各商存坵之鹽多未告運已運之鹽多未抵岸即附近之順天保定河間天津易州各屬亦因河道淺涸節起剝糜費滋多告運皆不如數計自

奏稿三十

六

春關二月起至秋關八月底止出庫之引其僅二十七萬四千七百十九道過關之鹽其僅十九萬七百四十一包較歷屆告運不及十分之五加以引岸到處亢旱硝鹽偏地貧民私煎私販人皆貪賤食私官引幾至停秤眾商竭蹶不堪體察網情必須量予調劑該商萬盛新等懇將本年應完正課全數緩徵該司查從前水旱為災疊有緩課之案載在鹽志今年商困情形以正定大名順德廣平深冀定趙八府州屬及豫省行銷蘆鹽各州縣為最重順天保定河間天津易州五府州屬為次重惟正課關繫京奉各餉若如該商等所請全數緩徵則解款無從籌措該司悉心籌議除直隸懸岸並官辦各岸不計外擬請將情形最重之正定等八府州屬及豫省行銷蘆鹽各州縣認辦額引各商本年十月奏銷應完光緒元年正課銀二十萬三千四百五十分於奏銷時先徵六

奏稿三十

七

籌議京城晉省運糶摺 光緒三年九月二十一日

奏為遵

旨酌籌京城晉省運糶事宜分別辦理恭摺仰祈

聖鑒事竊臣欽奉光緒三年九月十七日

寄諭翰林院編修何金壽奏請早籌鉅款購糧平糶一摺本年山

西各省被災甚重直隸屬境亦大半災荒飢民來京者不少粒食

維艱大為可慮何金壽所陳儲糧平糶之法自為未雨綢繆惟需

款甚多斷非一時所能猝集該編修請飭籌借銀一百萬兩分路

購糧並各處設立糶運平糶等局是否可行著李鴻章酌度情形

妥速籌畫奏明辦理等因欽此遵查本年直隸山西河南等省亢

旱日久其受災情形則以山西為最糧缺價昂亦惟山西為甚而

直隸近依

奏稿三十一 九

畿輔京城根本所關荒年民食艱難必須設法籌備何金壽思患

豫防請籌款購糧平糶實為救荒至計自來水旱災傷無不以平

糶為先務是以臣於八月初間即奏明籌款委員前赴奉天采買

惟該編修請由臣借撥庫款二三十萬再借洋款數十萬其湊銀

一百萬兩誠如

聖諭斷非一時所能猝集前經飭據津省司道湊撥銀十一萬兩

今又月摺請提練餉錢約合銀十萬兩其二十一萬兩均為直屬

購糧之需其已購運晉糧及現議購運京糧之款不在其內籌措

實屬不易若洋款商借甚難利息尤重自應無庸置議其擬由臣

派員分赴上海奉天東昌熱河收買米糧於天津設立糶運總局

於晉之太原平陽豫之開封懷慶各設平糶局派員經理並派員

發運京城設局平糶殊覺局面過寬財力人力皆有未逮而事理

成其餘四成緩至明歲秋後分作五年帶徵其情形次重之順
天等五府州屬認辦額引各商本年十月奏銷應先光緒元年正
課銀十三萬四百二十兩八錢五分六釐於奏銷時先徵八成其
餘二成緩至明歲秋後分作三年帶徵至京奉各餉不敷撥解
由司另行設法籌墊俟緩徵課銀分年徵起再行歸款如此分別
籌辦商困藉可稍蘇要餉庶免貽誤等情具詳請
奏前來臣查農民以力田供賦商以行鹽供課田失收成則必
緩賦以恤民鹽難運銷亦須緩課以恤商是以從前水旱為災疊
奉

恩旨緩課有案長蘆各商歷因攤認參課幣利交款加重成本倍
增頻歲災傷疲累已極幾有積重難返之勢今則直省旱歉晉豫
兩省並皆大旱各河乾涸運道不通鹽乏到岸之期空賠守候之

費引地戶口食鹽愈稀私販又復充斥雖營飭運司設法緝私辦
運乃水無來源稍鹽偏地人力難施秋運將竣過關之鹽何不及
二十萬包實為歷年所未有該司擬將本屆應完正課分成緩徵

係為保全大局起見相應仰懇
天恩俯准照辦藉紓商困其應解京奉各餉仍由臣督飭該司竭
力設法籌墊解足以濟要需理合恭摺具

奏伏乞

皇太后

皇上聖鑒訓示謹

奏

亦有未盡協者東昌一帶同是旱歉無糧可買熱河陸運較遠此時灤河已難行船該處現正采辦駐防等兵糧亦未可大批購運致妨沿邊民食應仍辦運奉省雜糧南省大米為便直屬賑賑尤以奉糧為宜至晉豫兩省應否一併由直運糧平糶則必體察情形核計糧價運費乃有把握臣前詢河南來津委員知該省雜糧時價小米市斗每石一百九十斤價制錢六千三四百文約合銀四兩二錢零按官斗每石一百四十餘斤約合銀三兩二錢零高粱市斗每石一百八十斤價制錢四千四五文約合銀三兩按官斗每石一百三十餘斤約合銀二兩二錢零奉省小米以市斗合成官斗每石買價約銀二兩四錢高粱合官斗每石約銀一兩四錢是豫省時價每官石小米高粱均僅貴奉省價銀八錢零若由直購買分處設局運糶須加奉省海運至津河運至衛輝陸運至懷慶長途舟車之費采買運糶各處員役薪工之費水陸起卸及沿途護送之費統計每石約及銀一兩是已增於該省時價勢難再行減價平糶聞該省道以下河水淺不盈尺糧艘難行則陸運又不止二百餘里糜費更添殊不合算若由海運至山東利津口入大清河以達開封亦覺非便大清河即黃河海船並不能入民船逆流上駛又無繚路挽運極艱於難甚多動虞擱淺臣前在東境勘會由大清河運解軍火深知其難查豫省歸德陳州一帶歲收中稔鄰近之濟甯曹州潁州壽州等處亦俱有秋濟曹有黃河可通穎壽有淮河沙河可通就此數處購糧水陸運路較為便速省一分費用即可輕一分糶本庶貧民得需實惠臣前於轉運江北漕米摺內已大略陳明且撥給豫省賑款銀十二萬兩本係奉

旨由直代購賑糧李慶初前已派員來津領去銀六萬兩頃又咨請將下餘銀兩一併給領可知該省有糧可購無庸直隸代為經理矣山西災區既廣既連各省又皆歉收現准會同荃函稱小米市斗每石二百九十斤價銀十四兩六錢按官斗每石合銀七兩三錢高粱市斗每石二百四十斤價銀七兩三錢按官斗每石合銀四兩一錢零是每官石小米較豫省貴至四兩零高粱貴至一兩九錢而較奉省買價則小米貴至四兩九錢高粱貴至二兩七錢零雖由津購辦運路險遠需費甚鉅但該省舍此無可他求白應協力籌助業經飭據招商局道員朱其昂等節次籌款采辦米糧一萬八千石陸續船運一由清河至保定府一由運河至交河縣泊頭鎮均易車陸行至獲鹿縣由晉省派員在獲鹿設局接運至太原等處平糶現已辦有成效其該省平陽絳解蒲州等處距省西五六百里至千餘里中隔韓侯嶺甚形險阻該數屬產糧木少向藉他處接濟今四面旱荒民食更缺糧價益昂待糶尤急奏調來津之翰林院編修吳大澂已勸捐集資購糧七千石即由衛河出豫之道口登陸至清化鎮入山西澤州轉達平陽一帶察看設局平糶仍招勸南中紳商續籌運濟吳大澂實心利濟不憚煩勞曾任陝西學政平陽一帶情形較熟必能有裨災區此直省已為山西兩路籌辦運糶之大略情形也京城為

輦轂重地首應足食現值畿南災歉糶少來路兵民糶食維艱自應力籌兼顧臣商飭輪船招商局道員朱其昂等擬借資本赴南省趕緊購買大米於封河前運津即由該員等於通州設轉運局於京城相地設平糶局妥為試辦查照市價酌量減值平糶俾奸商回戶不得居奇官弁兵民自行赴局糶買來春開河仍源

源接運以固根本現計封河期近深恐趕辦無多但冀有米至京
平糶使市價不過騰貴俟明年秋成後察看情形再議截止此係
市面公平交易之事應責令該員等督飭司事妥實經理似無須
請派京員以免紛擾除將直屬糶撫事宜月摺陳奏外所有酌籌
京城外省平糶分別辦理緣由理合恭摺由驛覆陳伏乞
皇太后

皇上聖鑒訓示謹

奏

奏稿三十

十一

直屬籌辦糶撫摺 光緒三年九月二十一日
奏為直屬地方被旱現飭確查秋成分數並先後籌辦糶撫大概
情形恭摺仰祈

聖鑒事竊臣欽奉光緒三年九月初七日

寄諭御史劉恩湧奏畿輔被災宜借款平糶分地勸貸井工代賑
應如何辦理之處著李鴻章籌議具奏等因欽此又奉九月十七

日

寄諭翰林院編修何金壽片奏直隸各屬荒歉者多州縣捏報
秋成分數著李鴻章即速派委員再行詳細查勘如有被災過重
者即設法拯救以蘇民困等因欽此仰見

朝廷廡念民依集思廣益之至意欽悚莫名伏查本年直境四月
以後天氣亢旱並有蝗蝻萌生處所至六月下旬始皆得雨但未

奏稿三十

十一

能普律深透七八月間續得數次而多寡不一或此有彼無如京
東之永平遵化京北之宣化盛雷涇澤秋收約有七八分順天易
州所屬稍次尚不失中稔天津趙州定州大名順德廣平各屬均
有歉收保定河間正定深州冀州各屬則被旱較甚然其間情形
又各不同如南運河以東天津青靜滄南一帶八月十五日得雨
後又有九月初三初十等日之雨麥已普種河西交河一帶則未
盡翻犁深州屬境災歉而該州本境收成尚好且有一縣之中此
鄉不如彼鄉一村之中此區不如他區者蓋自京東西順屬而外
雨皆未勻也其災歉較重者省之東南為景州阜城交河獻縣等
處省之西南為唐縣行唐新樂等處中路深冀所屬為武強棗強
等處據藩司詳報各屬災歉村莊照案剔除月計通省率算約收
六分雖實收難得此數而除去災歉村莊亦無甚懸遠詢之河間

等處紳董所言略同何金壽謂保定河開正定深州冀州所屬數十州縣秋收差可支持者不過數處其餘收成火率不過一分殊有未確臣恐州縣飾飾盛次通飭據實勘報分別蠲緩糧賦寬其徭役並按處委員會勘欽奉前因又經嚴切責令各府州親往再行詳確勘查分別輕重妥擬稟報備涉捏混印行嚴參統俟勘定實在分數詳細核議奏辦臣前因秋收歉薄麥田又難普種糧價日昂貧民糊口維艱飭據津省司道湊借庫款銀十一萬兩派員前赴奉天采買雜糧以資分撥糶撫並招徠遠近商販一體購運一面飭令各屬勤恤民隱加意撫綏就地酌籌補救並以河開一帶積歲凶歉盜賊滋多復飭該府體察情形妥籌捐濟茲劉恩溥奏請於津省庫款中借動二三十萬多購奉糧分撥災區源源平糶並分地勸貸井工代賑等事與臣業經籌辦各節及何金壽所

奏籌款購糧平糶大致略同查直隸係缺額之區著名瘠苦向來庫款入不敷出近年頻遭水旱羅掘一空前由津省湊撥購糧銀十一萬兩已甚竭蹶現與司道籌議冬春為日過長不得不多籌購運查有練餉制錢分借江浙典商尚有尾款可提一面飭提制錢十五萬串約合銀十萬兩一面先由海防經費內挪借令其折銀歸款以作本省購糧之需解交原派采買委員仍在奉省購辦目下奉天營口陳糧已盡新糧入市尚少各處官商紛紛爭購原辦之糧尙未購足已催令趕緊收買務於封河前一律運津現撥之十萬兩即接續采買冬閒糧多價亦較賤明春開河運津可資接濟頃已分撥災款較重之景州阜城交河獻縣河間東光武強等處其高粱二萬五千石先飭派人來津俟奉糧運到隨即運回並派委員會同各州縣體察情形分別糶撫大名所屬已另行酌

借釐款並由地方官籌墊銀兩采購春麥以備平糶及出借籽種之需正定之行唐新樂藁城等縣亦請借款自行購運平糶此外荒歉各屬並飭司道府州分別情形輕重糧價賤何處應撥糧平糶何處應撥銀撫恤並詳報核辦約計封河以前商販來津之糧必尙不少可助官辦之不足惟辦糧之款驟難歸補各屬分別賑撫所需頗巨亦應預籌濟用本年下忙錢糧除蠲緩之外徵收恐難踴躍臣已商飭藩司竭力設法月湊銀十萬兩若司庫不能如數即酌量挪提保定練餉局兵餉以應急需其分地勸貸井工代賑兩條皆屬有裨荒政復通飭各道府督率州縣各就情形邀集紳董悉心妥酌勸富濟貧不拘成數務期窮黎得需實惠開井一節雖不足以代賑可備旱田汲引之用臣久經通飭勸辦添井不少惟山地城地不宜茲更竭誠諭勸飭將新開井若干稟請

驗收酌獎其有紳富慷慨捐賑應查照應辦章程核給獎敘並准移獎有借款不取息者計其息項一體給獎有出借錢穀較多者專案奏獎以示鼓勵現據河間紳士韓玉堂首先捐銀三千兩洵屬急公好義俟交齊彙案核辦以上捐貸事宜均令督同公正紳董經理不假吏役之手不得藉端擾累仍隨時認真彈壓不准窮民藉詞聚眾均糧並分撥練軍在東西各大道擇要巡駐會同地方文武嚴密防緝盜匪毋任嘯聚句結滋事以靖地方所有現飭確查秋成分數並先後籌辦糶撫大概情形理合恭摺覆陳伏乞皇太后皇上聖鑒訓示謹

惠陵經費請減改片 光緒三年九月二十一日

再據津海關道黎兆棠詳稱光緒三年該關六成洋稅項下奉撥
惠陵工程銀五萬兩又提欠解元年洋稅項下京餉銀四萬兩其
合九萬兩已於六月開挪款解過銀三萬兩查該關六成洋稅除
坐支稅務司薪水本關經費外向充本口海防練軍額餉歷因收
數無多入不敷出今年又值亢旱河道皆涸商貨艱於轉運地方
災歉諸物帶銷且新關進口之貨米麥居其大半照案驗免洋稅
倍形短絀現距封河不過一月應支各款甚巨竭慮萬分所有未
解前項工款銀六萬兩擬再竭力湊解銀二萬兩尚不敷四萬兩
委實無從籌措請月行改撥等情前來臣查該道所詳均係實在
情形既據一再湊解銀五萬兩已屬不遺餘力無可增添惟
惠陵工程喫緊需款甚殷勢難緩欠而直省積款之餘庫空如洗

又無別款可挪萬不得已擬飭保定練餉局於練軍月餉項下陸
續勻提銀四萬兩以抵該關應解之數即交該道彙解仍由局就
款開除練餉計口授食本形支絀因工款關緊要非他項可比
不敢不暫時通融撥濟應請戶部於奏撥來年工程時酌量核減
改撥他省免致短缺貽誤實為至幸理合附片具陳伏乞
聖鑒敕部查照謹

奏

海防支應請銷摺 光緒三年十月初四日

奏為查明天津海防支應局光緒二年分收支餉需按款造冊請
銷恭摺仰祈
聖鑒事竊據天津支應局司道會詳津郡海防改設練軍並原設
通永鎮標大沽協標官兵雲字馬隊應需餉乾等項向在津海關
六成洋稅藥釐捐東海關協餉長蘆鹽斤復價甯河釐捐各項
下隨時籌撥按照定章撥付支放所有光緒元年分收支款目業
經奏咨准銷在案查上年六月開防務緊要飭派葛沽營守備張
曙德常駐新城添練葛沽營弁兵查照北塘營兵駐守礮臺加給
口分之例守備一員月給銀九兩把總二員經制一員額外四員
每員各月給銀六兩兵丁三百二十五名每名月給銀二兩均於
七月初一日起支又天津軍械所為各處防軍鎗礮藥彈總匯收

支極繁軍械分儲海口及城內外原有勇夫不敷守護添募什長
三名每名月給銀三兩護勇三十名每名月給銀二兩均於六月
初一日起支又調赴奉天雲字營馬隊四百名於上年閏五月十
九日撤回援奉津軍步隊一千名於上年十月初八日先行撤回
四百八員名應支加餉添夫等項均於到津之日住支其奉省留
防津軍五百九十二員名仍照練軍出師章程分別正餉加餉按
三箇月一次源源解濟又海勇口糧照章核給大沽北塘新城三
河口水師營等處礮臺續設礮位照案支給經費其餘支發一切
款項悉照奏定章程及准銷成案核給造具細數清冊詳請奏咨
前來臣逐加覆核計自光緒二年正月初一日起截至十二月三
十日共收款銀三十九萬五千七百九錢二分一釐七毫三絲
其支款應歸戶部核銷銀三十二萬七千四兩九錢九分六釐六

毫三絲一忽四微兵部核銷銀六千二百七十三兩二錢工部核
 銷銀六萬五千二百九十七兩六錢一分七釐七絲七忽二微共
 應銷銀三十九萬八千五百七十五兩八錢一分三釐七毫八忽
 六微除本案內扣收過平餘銀六百五十二兩九錢七分六釐一
 毫七絲七微儘數動支外計不敷墊支銀二千二百二十一兩九
 錢一分五釐八毫七忽九微係隨時籌墊並承辦各員請領未發
 之款俟准部覆再行分別辦理除清冊咨部查照外所有天津海
 防收支餉銀造冊請銷緣由理合恭摺具陳伏乞
 皇太后
 皇上聖鑒敕部核銷謹
 奏

奏稿三十

六

請給德羅他寶星片 光緒三十年十月初五日
 再據李鳳苞函稱在德國斯邦道軍營見該國兵官德羅他教導
 華弁劉芳圃等四人技藝勤加指授調護接待視如子弟頗獲進
 益請
 奏賞該兵官寶星以示激勸等語查郭高燕春開派員往德國查
 勘即稱德羅他教練盡心欲得
 恩賞寶星以為榮寵德羅他係駐京公使巴蘭德之姪婿於五
 月間會晤巴蘭德曾面加獎譽自應由臣飭局仿造二等金寶星
 一而飭交駐津德國領事傳
 旨賞給以示懷柔而期後效除咨請總理衙門照會巴蘭德轉行
 知照外附片陳明伏乞
 聖鑒訓示謹
 奏

奏稿三十

七

直東撫緝緝捕情形 光緒二十二年十月二十二日

奏為直東接壤地面撫緝緝捕情形恭摺仰祈

聖鑒事竊臣等欽奉光緒二十二年九月十九日

寄諭給事中崔穆之奏直隸山東接壤地方秋收歉薄民情不靖

南北驛路時有劫奪之案嗣屆隆冬更恐貧民無賴之徒嘯聚為

患亟宜安輯巡防等語著李鴻章文格妥議章程撫恤災黎防緝

奸宄即行認真籌辦以蘇民困而靖地方等因欽此仰見

朝廷軫恤窮黎安良弭盜至意欽佩莫名遵查直省東南面天津

河開冀州廣平大名所屬東省西北而武定濟南臨清東昌曹州

所屬均有兩省交界之地平時即不免泉盜出沒每屆冬令向須

酌添兵隊協防今值早歉之時緝捕更宜嚴密撫綏尤不可緩亦

不獨接壤地面為然前經臣鴻章酌籌應辦事宜疊飭被旱各屬

奏稿二十

二十

查勘災歉分數議請蠲緩糧租先行減免徭役其情形較重者撥

給銀糧分別蠲撫並令就地籌勸捐貸分濟鄉鄰以助官力之不

逮一面提早辦理冬防派令保定天津正定大名各鎮馬步練軍

及駐紮保定之淮軍馬隊駐紮河天之雲字樂字直字各營馬步

隊分路擇要巡駐會同地方文武防緝其順天承遵宣化等屬雖

俱有秋並令古北口通永宣化練軍酌撥巡防已於九月二十一

日奏報籌辦糶撫事宜摺內大略陳明在案至東省被旱較輕臣

文格亦已酌飭各屬妥為撫綏並調撫標練軍馬隊勤字嚴字智

字振字忠字各營馬步隊利捷營水師沂州協兗沂道等勇隊擇

要分布會同地方文武防緝並經臣等往復咨商分飭兩省接壤

地面防軍隨地就近會哨彈壓所在州縣營汛一體聯絡巡防遇

有泉盜糾劫之案不分畛域合力兜捕無使彼等此鼠嘯聚勾結

其通衢大道及附近晉豫邊界亦經擇要布置現在何稱綏謹雖

兩省轄境遼闊未能逐處設防總當隨時嚴督文武認真整頓妥

實經營不任稍涉玩愒冀遏亂萌以靖地方謹合詞恭摺陳伏

乞

皇太后

皇上聖鑒謹

奏

奏稿三十

三十

分途運糧人晉片 光緒三十一年十一月初二日

再提辦江廣新漕五萬石撥濟晉賑前奉九月初四日諭旨著飭朱其昂等一面領銀一面設法墊款購米務於封河前運津並令丁壽昌等轉運等因欽此當經分飭遵照即據招商局道員朱其昂等籌墊銀兩派員分赴江北蘇常鎮江上海等處趕緊采購由滬裝載輪船接運津經丁壽昌黎兆棠派員隨到隨收計自九月二十八日開斛起至十月二十四日止漕米五萬石全數運收完竣購辦甚為迅速此項漕米應屆由津運通利價按交倉平斛每石給京平銀八分一釐四絲又新增利價按交倉洪斛每石給京平銀五分前因撥作晉賑已奏明將運通利費即貼補轉運賑糧之需現據朱其昂等按石如數移交丁壽昌等濟用至轉運則係分途一由運河舟運至交河縣泊頭鎮易車至獲鹿

奏稿三十

三

縣以達晉省北路一由運河舟運至山東館陶一帶易車至直屬邯鄲縣蘇曹鎮經豫境入晉之黎城縣東陽關一由衛河舟運至河南滑縣道口鎮一帶車運至清化鎮入晉之澤州皆達該省南路據丁壽昌等預為籌定於漕米陸續到津即陸續斛收轉運截至十月底止已一律前進按起派員押催分處設局雇車接運其直晉交接之處獲鹿則派道員朱其詔經理東陽關清化鎮則由編修吳大澂督辦兼顧會國萃並派員分赴獲鹿東陽關清化鎮設局接收以便分運災區接濟窮黎口食至奉撥豫省江安漕糧四萬石前已原船起運奏報旋據派往監兌督催道員吳毓蘭來稟臨清以上水勢遞淺沿途節雇船起剝於十月十八日抵大名龍王廟李慶朝已派員至道口一帶接收此時計已到岸交兌即可分撥災區無誤冬賑除分咨查照外理合附片具陳伏乞

聖鑒謹奏

奏稿三十

三

近省河隄工程摺 光緒三年十一月初二日

奏為光緒三年附近省城隄河歲搶修工段丈尺動支銀數開單奏報仰祈

聖鑒事竊照附近省城河道隄工如深澤無極邢州安平博野蠡縣高陽等境滋河潞龍河隄任邱縣千里隄安州南北隄雄縣南老隄西槐支河隄趙村壩保定縣清河埵或工段縣長或地居險要皆關民生利害又新開趙王河工長六十餘里節宣西淀漲水蘆僧河工長一百三十里分減大清河水勢均須認真修防前經奏定每年在於清河道庫河淤地租項下撥銀三千兩以為各工采購料物搶修之用免其造冊報銷經工部覆准仍令工竣時開單奏報在案本年春閒即飭照數撥給銀兩購備椿料貴成清河道葉伯英前往駐工認真督辦伏秋兩汛一律平穩茲據該道會同藩臬兩司將工段丈尺動用銀數遵照定章詳報前來臣覆核無異理合開具簡明清單恭摺具

奏伏乞

皇太后

皇上聖鑒敕部知照謹

奏

謹將光緒三年附近省城隄河各工歲搶修工段丈尺動支銀數開具簡明清單恭呈

御覽

計開

一任邱縣趙王河兩隄險工開段共合工長一千四百五十八丈搶修椿料共用銀八百七十二兩七錢七分四釐

一雄縣趙王河兩隄險工開段共合工長一千二百九十三丈搶修椿料共用銀七百七十四兩八錢一分六釐

一保定縣趙王河兩隄險工開段共合工長二百四十九丈搶修椿料共用銀一百八十八兩三錢一分五釐

一雄縣蘆僧河兩隄險工開段共合工長五百八十二丈搶修椿料共用銀三百七十九兩九分五釐

一保定縣清河兩埵險工開段共合工長七百六丈搶修椿料共用銀四百七十八兩七錢一分

一雄縣清河趙村大壩前邊埽蟄陷九段共工長三十六丈搶修椿料共用銀四百二十九兩三錢五分三釐

以上各工共川銀三千五十一兩六分三釐除給領銀三千兩支用外計不敷銀五十一兩六分三釐已照數籌補合併

陳明

請東省寬濟晉賑捐

奏為東清項下奉撥山西賑糧運費不敷尙鉅實難另行設措請
救東省寬籌借濟恭摺仰祈

聖鑒事竊山西今年大旱成災仰蒙

特恩續撥山東漕米八萬石以資賑濟曾國荃因運費無出請借

東省庫款銀六十萬兩為轉運東漕及江廣漕米之需業經文格

覆奏借給銀十萬兩奉

旨著解交臣發給轉運局濟用等因欽遵在案伏查文格所奏借

撥六十萬兩未能如數籌給本屬實情惟東漕八萬石運至山西

無論南路北路相距皆遠且山道崎嶇艱險計每石運費至少亦

需銀三兩其需銀二十餘萬兩晉省旱非一年物力傷耗財源枯

竭截留京餉早經罄盡奉撥部津各款亦皆支用無餘飢民至四

五百萬之眾待哺嗷嗷竟有朝不保夕之勢曾國荃值此奇荒無

從維拮据敬銘以容官督查賑務更難為無米之炊直省瘠苦著

名地方亦值災歉前已遵

旨設法籌濟晉賑銀二十四萬兩不敢稍留餘力疊接曾國荃咨

函屬臣就近派員籌辦轉運專指東款借到俾應急需今僅十萬

兩不特江廣新漕運費不繼即東漕一項亦尙短十餘萬兩大宗

賑米不能入災黎之口殊無以宣

皇仁而慰民望臣夙夜籌維寢饋難安因思東省之力六十萬鉅

款固難全籌而臣通融原可不以十萬為限文格公忠體

國大局關懷素無畛域之見臣與往復緘商該撫臣亦知原借十

萬不敷轉運深為踴躍救災卹鄰之念溢於楮墨竊以民命至重

賑務至要臣既奉

命經理運費又經曾國荃屬籌糧運呼籲求助諱不容辭相應仰

懇

天恩敕下山東撫臣文格寬籌東漕運費移緩就急迅速設法添

借俾奉撥賑糧八萬石可到晉省災區接濟窮黎口食俟籌定後

臣即飛商閩敬銘曾國荃遴派大員前往與山東督糧道崧駿會

辦轉運事宜約計年內徵兌開春起運該糧道通達政體勇於任

事必能妥速其濟至此次續借之款連已借之十萬兩仍由晉省

分年籌還以符曾國荃原議所有奉撥濟晉東漕運費不敷請由

東省寬籌借濟緣由理合恭摺由驛四百里具陳伏乞

皇太后

皇上聖鑒訓示謹

奏

奏稿三十

卷

潮州勸捐賑片 光緒三年十一月十四日

再臣奉

命兼籌善賑捐務災區既廣時日又長非廣勸捐助誠恐杯水車薪不足以資接濟除天津上海漢口甯波各處為商賈輻輳之區業經咨行地方官設局勸捐已據官紳陸續籌湊尚未集有成數查有廣東潮州府地近海濱紳商向多好義急公因函商福建撫臣丁日昌就近諄囑該處官紳廣為集腋茲據惠潮嘉道張銑稟稱接札後即親自馳往汕頭勸辦該處紳商皆踴躍從公義形於色即經同知銜儘先選用知縣林士騏邀同職員楊炳昭蔡由貴侯亦謙盧衡等極力設法計共捐洋銀二萬圓合一萬四千兩其餘菴埠沿海各屬尚多樂善好施之人查有福建補用知府候補同知郭廷集明幹有為堪以隨同該道前往勸辦其香港新嘉坡

奏稿三十

天

安南暹羅等處潮人貿易尤多查有候選知府柯振捷候選同知高廷楷深明大義勇於為善於各該處情形尤為熟悉可以商派妥實員紳前往勸助以期多多益善仍祈酌發執照實收到潮以示大信而廣招徠等情前來臣伏查潮州水旱連年民情拮据尙復不分畛域籌集鉅款以賑鄰飢實為好義可嘉惠潮嘉道張銑履任十餘年士民愛戴是以此次勸捐著有成效所有在事勸捐出力員紳應俟續捐數目就緒再行分別從優請獎以示鼓勵並咨山西撫臣曾國荃將部照先行酌發仍咨會廣東督撫臣一體飭遵外合將潮州勸捐賑大略情形附片陳明伏乞

奏

聖鑒訓示謹

奏為遵

整頓招商局事宜摺 光緒三年十一月二十五日

旨籌畫整頓輪船招商局事宜並酌議變通辦法恭摺陳仰祈聖鑒事竊臣等承准機軍大臣字寄九月十八日奉旨諭御史董傳翰奏輪船招商局關緊要急須整頓一摺據稱該局每月虧銀五六萬兩因置船過多載貨之資不敷經費用人太濫耗費日增等語輪船招商原以收中國之利權必須有利無弊方可以期久遠著李鴻章沈葆楨通盤籌畫於該局經費權衡出入認真整頓毋得稍有虛糜嚴諭該局不得以辦公為名位置私人濫行收錄並飭令該局商總和衷辦事勿務虛名而鮮實濟等因欽此並將董傳翰原摺鈔給臣等閱看適該局商總道員朱其昂唐廷樞等在津籌辦直晉賑糧石臣鴻章面加考究仍分

奏稿三十

元

飭津海關道黎兆棠署江海關道劉瑞芬密為查訪妥籌整頓之策茲據該道等分晰查明擬議章程前來臣等覆加察核如原奏置船過多一節查招商局開辦五年已自置輪船十二號追收買旗昌洋行又添大小輪船十八號旗昌船向走長江為多若無外人傾擠江面生意尙旺船隻不至閒擱乃英商太古將裝貨噸銀大減一意傾跌局船攬載價亦隨減不敷船用以致開有停擱實迫於事勢之無如何擬令該局逐加挑剔將旗昌輪船年久朽敝者或拆料存儲以備配修他船或量為變價歸還局本籍省停船看守之費惟勿任中外流弊去減價相擠其現行各船內有附局帶管者歲收馬頭費無幾徒分局船攬載之貨除承甯洞庭二船已據報由局收買歸入商股外其餘三船應全行辭去無庸帶管又原奏用人太濫一節查該局專講貿易所用必其所習與官

場情形隔絕應由該商總等自行選派以一事權臣等及各關道
向無屬人之事每遇載運漕糧時各省皆有轉薦員紳屢飭朱
其昂等不可礙於情面濫行收錄現在各口岸總分各局共二十
七處需人必多在事皆各有職守並無隔省官員挂名應差支領
薪水之事又原奏該局每月須賠銀五六萬兩等語查該局先後
置買船棧等項計價銀四百二十餘萬兩其中實本僅分領各省
官幣一百九十萬有奇商股七十三萬零其銀二百六十餘萬兩
尙短一百六十萬兩係以浮存挪借抵用計息不貲遂至左支右
絀此由局本不足之故加以太古洋行跌價傾軋入不敷出然每
年結算官利尙敷衍勻結其暗中虧耗者只有輪船置價一項未
曾按年折除並不得謂每月虧賠也又原奏各項費用嚴禁濫支
隨時駁飭等語查該局進項以攬載水腳為大宗月有運漕耗米

奏稿二十

三

及帶貨二成免稅辦米盈餘應令此後如能將耗米照章收足帶
貨免稅按照稅則核計除貼還貨主外尙餘幾成均歸入局中專
款列收不得併入水腳開銷其采辦漕米無論盈虧悉歸公局一
切巨細進款全登公帳記載分明不准遺漏含混至出款約有三
端一為船用凡在船人役辛工等項每船月定額數修理工料行
船用物須有限制均在所收水腳內開支一為局用總分各局司
事人等辛資雜費須分別定額均在所提每兩五分公費內開支
儻有不敷不准於公帳撥補仍將收支各數按年詳細開報一為
棧房船廠之用應在棧租內開支不敷再由局費提補外如購買
船煤置備物業皆應節攬載客貨水腳尙章每百兩給回用銀
五兩不准濫加務歸一律即借用錢莊銀亦不可多糜重息以上
出入各款均責成局員權衡緩急督同司事悉心經理勿任別人

稍有浪費其帳目除局員商總隨時互相查覈外並飭江海
兩關道於每年結帳時就近分赴滬津各局認真清查如有隱冒
據實稟請參賠以招核實而免浮議凡此整頓之法已備極周詳
惟念招商局之設原以分洋商利權於
國家元氣中外大局實相維繫賴商為承辦尤賴官為維持英商
力與傾擠商股遂多觀望誠恐虧耗既巨難以久支貽笑外人且
隨其把持專利之計臣等再四籌維祇得就現有之款為變通之
策前經各省借撥官幣倡率濟急取息僅七八釐較商股一分利
息尙少原議俟商股充盈即行歸款現在商本未充生意淡薄官
幣又未便久稽該關道等與局員籌議擬請自光緒三年起將直
隸江蘇浙江江西湖北東海關等歷年撥存該局官幣銀一百九
十萬八千兩均予緩息三年俟光緒六年起緩利拔本勻分五期

奏稿二十

三

每年繳還一期以紓商力每期計應繳官本銀三十八萬一千六
百兩由商局豫為籌定按原撥平色銀數先分赴各省關局具結
存案屆時照繳無論如何為難不得再求展緩統計八年官本全
清其緩收息款以後或作官股或陸續帶繳屆期察看情形再議
至官商應甘苦與其前雖議定商股按年給息一分今官利既緩
嗣後擬將每年應付一分息銀以一半給各商收領一半存局作
為續招股本亦按年計息以五釐給商五釐存局彌補缺本俟八
年後局本補足息即全給眾商當尙樂從隨時招添新股一律辦
理惟現計局本短至一百六十萬之多船費並未折算僅將官幣
緩息八年商息留半抵本恐尙不敷補缺擬自光緒三年七月起
按年截數其有盈餘銀兩暫緩派分全數留局作為公股照章一
分起息其息全留作本俟八年期滿統計此項股本積息若干除

酌提換購新船外再分派眾商均請庶子母相權生不巳局務亦維持於不敝所有保險局存本及新收局船保險銀兩應併歸招商局統算無須作為浮存照市付息亦無庸月提九五局用別立一局以免盈絀懸殊如此分別秉公調劑冀得上不虧國下不病商根基既固久遠可期華商應開風而踴躍洋商或輸誠以議和臣等仍隨時嚴飭該局員商總等恪遵聖訓和衷辦事勿務虛名而鮮實濟勿圖小利而誤大局勿畏人言而思縮手勿執己見而昧機宜惟以救濟時艱毋負委任為念自當日有起色矣臣等往返函商意見相同除咨總理各國事務衙門外謹合詞繕摺由驛四百里覆陳伏乞

皇太后
皇上聖鑒訓示再此摺係臣鴻章主稿合併聲明謹

奏

海運官物統歸商局片 光緒三十一年十一月二十五日
再臣等欽奉

寄諭董備翰奏稱沿江沿海各口岸中國官商應需輪船運載貨物能否統歸該局攬載各省漕糧能否再予加成歸該局輪船載運並著該大臣等體察情形妥籌辦理等因欽此伏查輪船載多駛速以中國官商貨物交中國輪船承運本屬名正言順近來雲南解京銅斤四川辦運燈木江浙采辦官物直晉購運賑糧凡由海運者均歸招商局裝載華商貨物向准洋船攬運固未便顯設屬禁令其專歸局船而商局分運商貨亦尚不少應請嗣後沿江沿海各省遇有海運官物應需輪船裝運者統歸局船照章承運若須在不通商地方起卸由局移請海關繕給專照以便關卡查驗而免洋商影射至承運各省漕糧為商局命脈所係現在局船攬載商貨為洋船擠跌動輒虧賠非多運漕糧以羨餘補不足萬難持久查近年浙漕分撥較多蘇漕分撥較少昨蒙

請

旨敕下江蘇浙江督撫臣轉飭糧道嗣後蘇浙海運漕米須分四五成撥給招商局輪船承運不得短少餘歸沙船裝載以示體恤此外江西湖北采買漕米仍照案歸局船運津但祝年穀順成漕運有加

天庾既易充盈商局亦需微利無虞洋商擠軋保全實多理合附片覆陳伏乞
聖鑒訓示謹
奏

京城外變通平糶摺 光緒三年十一月二十八日

奏為京城外平糶設廠防範難周擬請變通辦理或仍照歷屆成案交糧鋪承買出糶請

救地面各衙門會議督飭委員辦理恭摺仰祈

聖鑒事竊前因直境荒歉糧少來路編修何金壽奏請於京城設局平糶奉

旨飭臣安速籌辦當經奏明轉飭輪船招商局道員朱其昂等籌借資本赴南省起購大米轉運京城擇地設局試辦平糶奉

旨著俟糧石運到酌度辦理等因欽此其時距封河僅及一月遵飭朱其昂等趕在南省采購由輪船跟接運津計至封河截數連

直晉兩省賑糶所需共運到白米十餘萬石顆粒皆自南來擬分撥三萬石為京城平糶之用雖為數無多實為時所迫該局員董

奏稿二十

五

均係南人於都中情形不熟稟經臣札派直隸候補知府惲桂孫通判蔭祿等前往代為經理據報已在正陽崇文門外西珠市口欄杆市等處擇定局所次第布置並據朱其昂等招雇船車將米石陸續由津運抵通州正擬開辦適御史林拱樞奏請在城外設局經戶部議覆照行臣維城外地方荒僻村落零星糶食之人遠不如城內之眾現又於六門外添設粥廠貧民已就廠糊口則待糶者益少城內居民相距較遠出城赴糶較難且從前道光年間東城外定福莊曾有夥搶官糶巨案蓋荒僻之區匪徒易生覬覦兵力不能及遂致失事此次係招商局借款經辦該局本無餘力祇以事關根本民食不得不竭蹶兼營近來城外劫劫頻聞糶局設有疏虞商本即歸烏有亦非體恤遠商之道臣再四遵旨酌度城外設局利少害多似不如仍照原議在正陽崇文門外

一帶設廠平糶人煙稠密之地既可便民而各段官弁兵役亦得就地照料防範似較周妥至倉米不准出城本有官役查察無虞城外居民因此偷漏臣又恭查乾隆五十二年撥發京倉米石平糶案內欽奉

上諭於五城內外揀擇殷實大鋪戶各一處將官米交給該鋪戶自行糶賣仍官為酌定價值令其稍沾餘潤所有賣出價值即隨時交納等因嘉慶十五年十八年京城兩次平糶麥石皆仿照辦理欽奉

上諭交鋪領賣事歸簡易者派出之卿員會同五城御史查照舊章訪查殷實鋪戶承領糶賣城內外均勻分撥等因咸豐七年欽奉

上諭著戶部等欽發交順天府尹購買米麥運京酌定價值准令

米鋪承買其出糶時每石酌加京錢一二百文俾商民兩便糧石不致缺乏等因均經欽遵辦理有案誠以交鋪承買出糶無庸另設局廠可省經費之繁仍得平價之益該鋪戶等人地熟習照常糶買亦免意外之虞相應請

奏稿二十

五

旨飭下步軍統領順天府府尹五城御史會同體察情形安速核議如正陽崇文門外可以舉行則局所已經擇定米亦運抵通州即應開局試辦抑或欽遵歷奉
諭旨將招商局現運到大米三萬石由五城御史查明城內外殷實糧店令照招商局原辦價腳各鋪勻分承買仍官為酌定價值使其稍沾餘潤自行出糶市價或亦稍平該鋪應交買價即飭交惲桂孫彙收解交招商局歸款來春開河後如青黃不接仍可察看情形飭該局購運接濟所有京城試辦平糶擬請變通辦理各

絲由謹摺由解具陳伏乞

皇太后

皇上聖鑒訓示謹

奏

奏稿三十

奏

會查安陽縣參案摺 光緒三年十二月初三日

奏為會查知縣典史被參情節分別參辦恭摺仰祈

聖鑒事竊准部咨光緒三年六月初六日奉

上諭御史李桂林奏稱河南安陽縣知縣典史賦性貪婪視瞻

商為魚肉任意勒索以致商人歇業鹽引滯銷現聞直隸河南州

縣紛紛效尤各商稟控之案層見疊出等語著李鴻章會同李慶

翱秉公確切查明據實參辦等因欽此遵查此案曾據安陽縣鹽

商益照臨赴直呈控已咨前河南撫臣李慶翱會派委員查辦欽

奉前因臣鴻章即派直隸候補知府劉惟金前往河南一面知會

李慶翱札委河南候補知府朱壽鏞會同確查據實稟請參辦並

由李慶翱將調署祥符縣事安陽縣知縣趙集成安陽縣典史李

元愷撤任茲據該委員劉惟金朱壽鏞稟稱查得該縣城北安陽

河向有大石橋一座為鹽車商貨所必經年久失修漸至傾圮光

緒元年三月間趙集成到任後據紳民稟請興修當因庫款難籌

飭商民合力捐辦該紳民一時力有未逮因益照臨素來急公好

義勸令該商先行籌墊俟次年仍由紳民集捐歸還並議以所墊

經費陸續繳至公局收發趙集成當派家丁楊玉張福在彼監修

自開工迄工竣除趙集成倡捐制錢二千串該商先後籌交銀七

千三百三十三兩零按市價合制錢一萬三千二百兩內認捐銀

二千六百六十六兩計代墊銀四千六百六十七兩零除撥用工

費外尚餘銀二百兩趙集成即遣該家丁楊玉張福先行送還取

有該商收條附卷乃值地方歉收紳民驟難歸款趙集成亦未飭

催該商以墊款虛懸先還之餘銀二百兩又未收到因而缺望嗣

經趙集成查知楊玉等有乾沒餘銀捏造收條情事楊玉已於今

年五月初十日病故無可追究張福亦先期遣散即經緝獲到案訊認聽從楊玉捏造收條將餘銀二百兩全數乾沒伊分得銀八十兩屬實解送開封府審辦其餘該商所墊之銀現經該縣紳耆王芝田等如數措還收領清款趙集成尚無魚肉商人任意勒索情事典史李元愷亦查無焚索實據現在另有控案應歸另案辦理等情稟請核辦前來臣等復核此案既據該委員等查明該縣趙集成因興修地方橋座借用鹽商銀錢以為工費事向因公現據按照原議措還該商收領清款惟家丁捏造收據乾沒銀二百兩該員失於覺察實難辭咎應請

旨將安陽縣知縣趙集成交部照例議處典史李元愷既查無焚索實據應由豫省歸於另控之案查明參辦家丁張福即交開封府嚴訊確情從重治罪至安陽縣引岸仍係該商益照臨承辦並

奏稿二十

五

未歇業此外直豫鹽商間有稟控案件臣等已隨時飭令秉公查辦認真整頓現值商情疲敝鹽引滯銷當嚴飭各地方官實力緝私循照成章妥善經理如查有焚索情弊指名嚴參務期官商相安俾課運日有起色所有會查參辦各緣由謹合詞繕摺覆陳伏

乞

皇太后

皇上聖鑒訓示謹

奏

禁止燒鍋片

光緒三年十二月十八日

再直境糧價增昂由秋成歉薄亦因耗費太甚通省燒鍋約計千餘家每日需用高粱兩萬餘石每月需六七萬石即以每人日食一升而論該燒鍋等一日之費已佔二百數十萬人之食境內及外來之糧往往被其購用遂致民食缺乏雖招徠遠近商販源源運羅價不能平查承平遵化宣化順天各屬燒鍋最多其在承遵者並用海船自赴承省大宗采買今直晉災區皆指奉糧接濟勢難任其爭購夫酒可終年不用日不再食則飢輕重原自有別該燒鍋等每歲應交課銀統共不過三萬餘兩所益於庫款者有限而佔奪窮民口食貽害於閭閻者實深自來荒政本有禁酒之條山西近已奉

諭飭禁燒鍋直省為畿疆重地際此糧價日增民生困苦更宜會

奏稿二十

五

級就急應請除熱河承德府威豐糧賤可勿置議外凡直順各屬燒鍋自明年正月起暫行停燒以濟民食俟秋成豐稔後仍准開燒依舊納稅如蒙

俞允即由臣出示曉諭禁止儼有限內私燒照例治罪並通飭地方官秉公查察不准胥役得規包庇或藉端擾索違則從嚴參辦

分別重懲理合附片陳請伏乞

聖鑒訓示謹

奏

近省隄河籌款片 光緒三十一年二月十八日

再附近省城隄河歲搶修經費前經奏准每年於清河道庫積存
河淤地租項下撥銀三千兩應循辦在案茲據該道葉伯英詳
稱道庫河淤地租一款每年本止額徵銀二千四百二十餘兩
以早澇頻仍疊有蠲緩統計歷年積存及續徵共銀一萬一千餘
兩除額支安州州判等汛水手工食諸龍河口挑淤工費趙王
河鷹背壩開夫工食並動撥光緒元二三年前項歲搶修經費外
僅存銀八百五十餘兩不敷應撥來年歲搶修之用查道庫尚有
千里長隄善後案內積存坐船叔夫生息一款截至同治十三年
報銷計存息銀一萬一千九百三十兩零又六分平銀一百兩零
又應入光緒二年報銷收存前任深州解繳同治七八年息銀三
百四十四兩零此項息銀本為疏浚河修護長隄而設新開之
趙王河即以前宣全淀盛漲其南隄即係千里長隄應請將每年
歲搶修銀三千兩自光緒四年為始在於道庫積存坐船叔夫生
息項下按年動支俟數年後河淤租銀微存成數仍照原案動撥
本款等情具詳前來臣查前項隄河工程關係數縣民生利害今
因原撥經費本款不敷仍在道庫籌動息款應用俾修防不致廢
弛庫項亦無出入自應照辦除飭遵外理合附片具陳伏乞
聖鑒敕部查照謹
奏

張家口工程摺 光緒三十一年十二月十八日

奏為勘估張家口駐防營房塌工分別籌撥欠餉稅課修辦恭摺
仰祈
聖鑒事竊前因張家口駐防營房塌工被水衝塌經臣委員查勘
奏交察哈爾都統就近遴派本處營員逐細勘估承修旋據瑞聯
等以營員估報之數較多工程不能諳悉仍奏歸直隸委員估修
臣於奉
旨後即經行司飭委候補直隸州知州楊蔚本馳往會同萬全縣
查勘估報乃本年六月二十七日大雨如注山水漲發堤壩營房
復多衝塌瑞聯等以左翼營房地勢低窪擬相度高做地方移建
四旗營房並修理堤壩奏奉
上諭著臣迅飭委員會同地方官酌度情形查勘估修等因欽此
又經行司添派候補知府陳慶滋前往與楊蔚本及萬全縣安細
相度籌商勘估並由司酌籌修費茲據陳慶滋等稟稱會同駐防
協佐領等官連日相度籌商左翼四旗營址固較低窪但張家口
四面皆山人煙稠密附近地面窄小不堪移建俾得築圍地二段
其間尚有民房勢難佔用且土性鬆浮建房不能穩固若移於遠
處官兵差操守口諸多不便是以願今百餘年之久總未議及移
營同治十年前任都統慶春原奏有不能挪移無可遷避之語蓋
限於地勢也訪之耆老兵民所言皆同亦無此項巨費自應仍在
舊基設法張家口向係堵水築壩專賴大境門外石壩抵禦舖戶
居民門前有閘並將壩閘年年自行加修今營旁河身半已淤高
土壩不如石壩又失修年久水至難免被害今年水勢較前亦
較甚應將土壩改為石壩加高培厚再於壩外自東往西添築虎

皮石欄水壩一道長九十餘丈並將原有之虎皮石壩一律修整
挖去河內淤沙計長二百四十丈寬十丈深四五尺不等下面係
邊路街即令民間接挖庶河身通暢水可順流營基自固計修辦
河壩約需實銀二萬餘兩至左翼四旗官署兵房九百六十間右
翼四旗官署兵房九百六十三間蒙古兩翼官署兵房四百七十
九間共二千四百二間或全被衝去木料磚瓦無存或頂架坍塌
木料折斷磚瓦酥碎應分別新建拆修其尚可棲止者重加黏補
計共需實銀七萬餘兩稟經藩司孫觀查係萬不可緩之工所估
修費亦甚核實該口天氣嚴寒仲春始能動工夏秋大雨時行初
冬又復冰凍皆應停止此次應修營房壩工甚大若皆歸地方印
委挨次經理必不能如期成事官兵亦難盡慮久候查該駐防新
設精銳營營房係由該營協佐領建造是承辦已著成效現在應

奏稿三十

修營房應由各該營協佐領會同直隸委員即於開春妥實修辦
已據委員商明協佐領各願分司其事同時興工迅速告竣其河
壩工程即責成地方官核實承修並飭委員會督照料至該駐防
營房自道光九年以後均按八年借餉請修一次仍分年扣還久
未動帑實緣庫藏支絀無款可籌此次所需工料銀兩如仍借支
新餉恐該兵等被水困苦力有未逮查司庫有積欠該駐防同治
二年以前五七成俸餉惟因連年積欠入不敷出今歲又值旱荒
賑撫所需及緊要餉項尙難設措斷無餘力全籌此項欠餉查前
因司庫欠發該駐防俸餉曾經提撥察哈爾都統衙門茶馬釐捐
有案應請照案於該衙門現收茶馬釐捐項下奏撥實銀二萬兩
又撥口北道庫扣存該營上次修房借動茶馬釐捐實銀五千五
百兩又撥口北道庫歷年積存朋扣建曠等實銀四千五百兩其

合實銀三萬兩協濟司庫湊發該駐防欠餉尙短實銀四萬餘兩
再由司竭力設法陸續湊撥併作欠餉以應此次修房工費既由
該營捐餉修辦應照章免其造冊報銷所發欠餉並動撥茶馬釐
捐等銀各歸奏銷案內列報就款開除至修理河壩工需實銀二
萬餘兩查有張家口監督徵收稅課從前撥作餉需有案並請援
案於該監督所徵稅課項下奏撥實銀二萬兩不敷之數由司添
給事竣照例造冊報銷此項工程係按十成實銀撥節估計無庸
折發六成虛擬數目轉涉浮冒現因該營無處棲止是以勉籌欠
餉俾應急需此外各營不得援以為例等情由司具詳請奏前來
臣查該駐防營房被水衝塌弁兵無處棲身工程實為緊急其左
翼營房既無移建處所自應照議挖河築壩以濬水道而保營基
右翼及蒙古兩翼營房仍循舊址分別建修俾資棲止所需營房

奏稿三十

工費亦應如議提用欠餉惟疊年災荒丁糧蠲緩藩庫極形支絀
實難全籌應請照案於察哈爾都統衙門徵收茶馬釐捐項下撥
實銀二萬兩口北道扣存該營上次修房借茶馬釐捐項下撥實
銀五千五百兩歷年積存朋扣建曠項下撥實銀四千五百兩再
由藩庫湊撥實銀四萬餘兩均抵欠餉就款開除免其冊報並令
該駐防協佐領等官認真分司其事會同直隸委員及時妥實修
建其修理河壩實銀二萬餘兩應請援照成案於張家口監督徵
收稅課項下就近撥銀二萬兩其餘由藩庫添撥實成地方印委
核實承修庶眾繁舉要工可期速竣理合會同察哈爾都統臣
穆圖善副都統臣奎昌合詞繕摺具
奏伏乞
皇太后

皇上聖鑒訓示遵行謹奏

奏稿三十

四

南北籌運濟賑摺 光緒三年十二月二十三日

奏為直晉豫災區太廣需糧甚殷亟賴南北各省招商販運接濟

旨酌籌辦理恭摺陳仰祈

聖鑒事竊臣欽奉光緒三年十二月十七日

寄諭給事中郭從矩奏稱晉豫兩省災黎甚眾待賑孔殷擬請由盛京江浙湖廣山東各省素產糧米之區出示招商采買米石俟集有成數報知各該地方官借用官辦輪船由江蘇上海為之濟運直達天津更以回空之船分赴煙臺牛莊裝運雜糧亦達天津聽憑商人自行裝載分赴晉豫售賣以資接濟京師糧價藉可稍平並請飭直隸撥兵護送以免飢民沿途搶奪等語采買糧石自是日前要務該給事中所陳各節是否可行有無窒礙著李鴻章

奏稿三十

五

酌度情形通盤籌畫並咨行各將軍督撫商一切酌量辦理所稱由兩江總督及福建船政大臣各撥輪船一二號專聽商販運米赴津經費仍由該局給發或令商人酌貼若干之處著沈葆楨吳贊誠妥為籌議仍著咨商李鴻章斟酌辦理等因欽此遵查本年直晉豫三省皆被旱災糧缺價昂貧民艱於糊口晉豫災象尤重除河南暫由鄰省就近采購外直晉則專指南北各省糧石源源接濟

奏明委員分往采購用輪船運津轉發賑並招徠商販一體購運在案奉天雜糧尤便北省民食今年秋收豐稔業經崇厚飭將該省內地新糧陸續運至營口天橋廠等處以待開河出售請備船隻屆時往運其蘇浙江鄂湘皖山東等省雖非一律豐收而酌盈劑虛官民皆有同情向未便過羅以絕北方之食況直晉豫麥

多未種迄今尚未澆膏澤民困益深來年春夏飢荒情形殆有不堪設想者必賴各省招商廣運糧石通力合作多多益善藉資補救郭從矩所奏實為目前要務並無窒礙之處臣仰體

聖朝一視同仁通盤豫為籌畫已咨行

盛京江蘇安徽浙江江西湖北湖南山東各將軍督撫臣酌量出示招徠殷商無論米麥雜糧運赴本省及附近鄰省通商口岸自行雇搭中外輪船及夾板商船於明春開河後陸續運津各省通商口岸皆有往來商輪儘可隨時就地雇搭不必專候官辦輪船致有稽延擁擠其到津後運路甚廣銷售必易仍聽商民自相交易分運京城直屬及晉豫等省但期遠商輻輳價值自可漸平民食無虞缺乏至閩廠官輪船臣前已預行咨調三隻於來春駛赴天津以備轉運官糧之用由津核給煤價茲又咨商吳贊誠除臺

奏稿二十

吳

防及各口巡操運送餉械外如何可分撥數隻應令赴上海總口停泊即飭署江海關道劉瑞芬妥為經理以便糧商分起搭運北上庶船隻較多轉輸更易其滬廠所製兵輪船與商船格式不同裝載無多煤費甚重但行駛較民船為速能否分撥以濟商運臣並咨商沈葆楨轉飭督操輪船道員吳大廷察酌辦理該輪船口糧等項仍由各局給發應如何令商人酌貼煤價由沈葆楨吳贊誠核飭吳大廷劉瑞芬妥辦至煙臺為由滬至津經過之路牛莊距津亦近除由該兩口商輪船隨時裝運外如閩廠官輪船有可添撥應於到津後飭署津海關道丁壽昌妥籌令其分赴該兩口協運商販米糧用費周轉凡商運糧石經過直隸地而前已疊次飭護茲復分行州縣營汛防軍各按地段隨時認真接護送務保無虞如以後糧販較多應再添撥練軍擇要巡護以昭嚴密該

弁兵各有口糧無庸月給仍不准絲毫索擾直省采購米糧經過沿途關卡前已

奏准免徵釐稅又欽奉八月二十六日

上諭凡有商賈運赴晉豫米石經過地方著各該督撫飭屬免收釐稅等因應仍欽遵一律辦理總期順商情而便運務庶於北數省籌賑全局有裨所有遵

旨酌籌辦理緣由除分咨查照外理合恭摺山驛覆陳伏乞

皇太后

皇上聖鑒訓示謹

奏稿二十

吳

晉賑獎章捐 光緒二十二年十二月二十三日

奏為申明晉省賑捐請獎章程以期踴躍而蘇民困恭摺仰

祈 聖鑒事竊臣國茶前因山西賑款甚鉅於本年六月九月兩次奏

准仿照天津成案勸捐接濟嗣准戶部鈔咨議覆侍郎袁保恆給

事中郭從矩條陳豫晉兩省賑捐原摺內開花翎藍翎均准照案

收捐道府州縣准捐至三班為止其一切收捐章程仿照黔局辦

理奏奉 諭旨照准各等因在案仰見

聖恩軫念災區無微不至欽感莫名惟晉省被災地方極重極廣

業經臣國茶將流離困苦情形稟次遞陳現在節逾三九未詳詳

災明存飢困更屬可危果能多收一分捐輸即可多救一分民命

惟捐輸之衰旺以邀獎之遲速為斷前次各省紳商捐輸業經部

議由臣鴻章仿照天津賑捐成案奏請獎此大准照黔章收捐

亦由部議奏准仍由直隸督臣咨部給獎臣等往返函商所有各

省紳商前此捐款兒收被清數目奏報仿照天津賑捐成案核辦

其續奉部議仿照黔章收捐應以津局為總匯之所由津局委員

按照黔章核算造具履歷清冊詳由臣鴻章分編次數隨時咨部

請獎以期踴躍仍俟一年期滿後酌核情形應否停捐再行奏明

辦理至黔捐章程惟銀捐分先等項班次不准免收其實官三

班花樣分發指省均准免收此次部議既准令一切仿照黔捐章

程收捐若僅准捐至三班為止捐生既在此局報捐仍須赴黔局

報捐分指花樣往返轉實形遲滯捐輸斷難踴躍現在晉民待

賑急切萬分春需款甚鉅不得不預為籌措查天津賑捐成案

報捐官職向准其請給花樣晉省賑捐應請統照黔章凡道府州

縣以及各項實官均准其報捐分發指省花樣等項以免向隅惟

銀捐分先等班次仍不准免收庶與黔章吻合捐生無所避就

且既有年限於黔捐亦無妨臣等為晉災甚廣力求捐輸踴躍以

救殘黎起見謹合詞恭摺具陳伏乞

皇太后 皇上聖鑒敕部知照施行謹

奏

奏

奏

奏

奏

奏

奏

奏

奏

奏

奏

奏

奏

奏

奏

奏

奏

李文忠公奏稿卷三十

李文忠公奏稿

卷之三十一目錄

三十一
目錄

籌辦春撫片 光緒四年二月十五日

籌濟豫賑摺 光緒四年二月十五日

津局晉賑收數摺 光緒四年二月十五日

大員捐賑片 光緒四年二月十五日

庫防糧運分別辦理摺 光緒四年二月二十八日

海防機局款難分撥摺 光緒四年三月十三日

海運籌變請恤船商摺 光緒四年四月初四日

葉源濟容增祥請照原保片 光緒四年四月初四日

薛福成辭參贊片 光緒四年四月初四日

查覆漳沱河工難辦摺 光緒四年四月初四日

奏稿三十一目錄

張家口糧臺請餉摺 光緒四年四月初四日

蘆鹽請緩奏銷摺 光緒四年四月初四日

截漕輕齎剝價請扣留片 光緒四年四月二十日

抵撥閩省京餉請緩解片 光緒四年四月二十日

臺灣紳捐借撥濟賑摺 光緒四年五月十四日

丁日昌勸捐得力片 光緒四年五月十四日

臺灣道捐賑片 光緒四年五月十四日

林維源母請匾額片 光緒四年五月十四日

外國捐賑請嘉獎片 光緒四年五月十四日

洋米無庸購運摺 光緒四年五月十四日

朱其昂請卹摺 光緒四年五月十四日

京城平糶派員接辦片 光緒四年五月十四日

籌墊河開賑款片 光緒四年五月十四日

沈兆澐請祀鄉賢摺 光緒四年五月十四日

官輪運糧濟賑請獎摺 光緒四年五月二十九日

截漕收竣片 光緒四年五月二十九日

進維捐賑片 光緒四年五月二十九日

建設候審所片 光緒四年五月二十九日

海防支應請銷摺 光緒四年五月二十九日

奏稿三十一目錄

桐城吳汝綸編錄

籌辦春撫片

光緒四年二月十五日

再直屬上年旱區較廣需賑甚繁經臣奏提司道庫及練餉制錢
 合銀共二十一萬兩派員購運奉糧戶提濟庫地糧銀十萬兩練
 軍餉銀五萬兩濟用各庫已羅掘殆盡除封河以前運回之糧並
 提存銀兩分撥各屬糶撫暨津省粥廠需用外旋據各州縣以冬
 春雪雨太少民生困苦紛紛請撥接濟口食核計前籌銀糧不敷
 尚巨臣處此艱窘時地無可呼籲仍不得不竭力經營又商飭練
 餉局司道先其所急設法勻湊兵餉銀七萬兩以為續購奉糧及
 口袋運脚之費豫飭辦糧委員趕於封河期內在奉天營口等處
 儘數采買一面咨調閩廠輪船三隻江南輪船一隻及津口鎮海

奏稿三十一

操江輪船二隻於開河後輓輸如咨調各船未能速至即添
 雇夾板商船協運各屬應行糶撫數銀數已體察情形陸續撥
 定飭派紳董備船至津庶糧到即可領回核實開辦尙有局存之
 糧先行擇要給領其無銀亦飭及時撥給仍責成司道認真察酌
 督辦或查戶散放或以工代撫或借給籽種總期窮民得沾實惠
 時已春暖津省粥廠流民羣聚易生疾疫已陸續資遣回籍飭各
 該州縣妥為撫綏分別接賑其有老弱無依者酌量留養現在春
 撫布置就緒各路練軍彈壓緝捕盜蹤斂跡地方大致安靜津河
 開凍已久洋艘海運絡繹而來直省豫三省賑糧均須迅速轉輸
 臣擬於二月二十三日起程山河路赴津料理一切理合附片具
 陳伏乞
 聖鑒謹

奏

奏稿三十一

籌濟豫賑摺 光緒四年二月十五日

奏為戶行籌辦米石運赴河南濟賑所墊價腳議定由豫分年解還恭摺仰祈

聖鑒事竊臣接准部咨欽奉光緒四年正月二十一日

上諭直隸現存平糶餘米三萬石著李鴻章即行派員運往河南俾資賑濟等因欽此遵查侍郎袁保恆年前經過保定向臣商借招商局平糶餘米三萬石運往道口請先籌墊米價運腳臣以商局平糶米石係局員朱其昂等借湊采買以平直晉市價而濟民食須交現銀乃可用米否則該局成本壓擱不能循環糶豫省若有現銀自可仿辦若令直省代墊恐無可籌未敢遽行允定而袁保恆抵豫後因賑需緊急即與兼署河南撫臣李鶴年奏請借撥其時該局員年終結帳已將平糶餘米變價還欠更屬無可撥

濟正在踴躍內欽奉

諭飭即行派員運往袁保恆等來函復再四敦迫事關鄰封災賑雖力難兼顧而義不容辭因思商局既無餘米直省辦理賑撫需用正繁約計采辦三萬石米價運腳其需銀十二萬兩本省實無可挪即月有暫可通融之項一針一孔皆有緊要用款待發斷不能行借無還李鶴年等摺內謂所墊價腳由豫分年提還究分幾年於何項的款內提還當經專文咨詢妥商定議茲在李鶴年袁保恆覆稱豫省徵收釐捐一項每年約收八萬餘兩的確可靠應就此項分作三年提還以光緒五年為始七年為止每年解還銀四萬兩以昭誠信等因臣即飭令津局司道無論何款暫行設法借墊實銀十二萬兩以為三萬石米價及運往道口腳費之用津沽現已開東商米絡繹來津由招商局道員朱其昂勉日另行購

買乾潔米三萬石會同營津海關道丁壽昌妥速籌辦起運事宜上年運米赴豫之江北民船尚存道口一帶袁保恆等擬即派員催放前來裝兌陸續開行由津添派委員會同來員押運前進至道口交卸總期早達災區多救民命庶可仰副宸廑至所墊價腳銀十二萬兩事竣撥實咨明豫省即照李鶴年等所議分作三年按期如數解還不得短欠除咨部知照外理合恭摺覆陳伏乞

皇上聖鑒訓示謹

奏

奏稿三十一

四

津局督賑收數摺

光緒四年二月十五日
奏為津局收過各省官紳商富捐助督賑銀兩及米糧棉衣合銀數目恭摺奏報仰祈

聖鑒事竊照山西上年旱災甚廣待賑孔殷經撫臣曾國荃奏准於直隸江蘇安徽湖北湖南福建廣東廣西四川浙江江西等省勸捐接濟並經戶部議覆請獎事宜統歸直隸奏咨報部仍仿照天津賑捐成案辦理等因臣即奏派馮道缺題奏按察使現署津海關道丁壽昌新授直隸按察使前津海關道黎兆棠等在津設局籌辦一面知照各省並派員分投勸捐茲據該司道等詳稱自開局之日起截至光緒四年正月月底止計收前山西撫臣鮑源深捐銀一千兩粵海關監督俊啟捐銀三千兩湖北提督李長樂統領忠義軍記名提督劉維楨捐銀五千兩翰林院編修吳大澂勸

捐銀五千兩湖北藩司潘蔚捐銀二千兩丁壽昌捐洋合銀六百九十五兩黎兆棠捐銀一萬兩通永道英長捐洋合銀七百二十二兩八錢九分安徽衛池太廣道劉傳祺捐銀二千兩前廣東南韶連道陸心源捐銀一千兩江西補用道胡光墉捐銀一萬五千兩浙江候補道宋其昂捐洋合銀一千三百九十兩湖北候補道朱其詔捐洋合銀六百九十五兩遇缺題奏道何維楷捐銀二千兩候補道王定安捐洋合銀一百三十九兩候補道唐廷樞徐潤各捐洋五百元候補道陳樹棠捐洋一千元又公勸紳商捐洋一千六十九元共合洋三千六十九元合銀二千一百六十六兩五錢七分長蘆運同姚文枬捐銀一千兩江蘇解到捐銀三萬兩上海紳商捐銀三萬九千四百三十九兩九錢二分一釐兩淮解到捐銀一萬一千六百八兩七錢八分五釐浙江解到捐銀二萬兩

江西解到捐銀一千三百二十二兩湖北解到捐銀九千兩福建臺灣道解到捐銀三千兩廣西解到捐銀一萬二千八百兩匯費銀三百兩又津局勸捐銀三萬八千九百八十八兩各處官紳勸諭商富捐銀二萬一千八百三十一兩四錢二分以上共收實銀二十四萬一千八百八十四兩五錢八分六釐又勸捐米糧合銀二千二百九十九兩四錢一釐棉衣合銀四百五十五兩統計捐銀二十四萬三千五百六十三兩九錢八分七釐內粵海關監督俊啟捐銀三千兩前已奏請獎敘又廣東龍潘氏等捐銀三千兩現經戶部奏獎均應開除其餘捐項俟查取捐生履歷按照津章分批造冊咨部給獎所收銀糧棉衣或轉解省濟用或為轉運賑糧及代發采買糧價運費將來統歸山西彙總報銷至前山西督省寄到部頒空白執照係歸撥照津賑捐章案內填用現在督捐已奏准推廣另

行仿照章開辦其前發空白執照應盡用按照天津賑捐成案核獎截記以清界限等情具詳前來臣覆核無異理合會同山西撫臣曾國荃恭摺具奏伏乞
皇太后
皇上聖鑒敕部查照謹
奏

大員捐賑片

光緒四年二月十五日

再津局收過各省捐助賑銀兩已另摺奏報查浙江捐款內
有浙江撫臣梅啟照捐銀一千兩運司靈杰捐銀一千兩甯紹台
道瑞璋捐銀二千兩又廣西捐款內有調任河南撫臣涂宗瀛捐
銀一千兩學臣歐陽保極捐銀五百兩新任撫臣楊重雅捐銀七
百兩臬司長庚捐銀三百兩連月捐聲敘銜名之文武大員及此
外未經開到銜名者均能首先倡率集成鉅款洵屬公忠體
國救災恤鄰深堪嘉尚除俟核明或奏請
收部優敘或移獎子弟另行辦理外理合會同山西撫臣曾國荃
附片具陳伏乞
聖鑒謹

奏稿三十一

七

庫防糧運分別辦理摺

光緒四年二月二十八日

奏為調赴庫倫換防察哈爾馬隊應需糧運餉乾遵
旨會籌分別辦理恭摺仰祈
聖鑒事竊臣等欽奉光緒四年二月初四日
寄諭那穆濟勒端多布奏察哈爾馬隊向無餉需定章月籌辦理
一摺據稱宣化練軍現擬分起撤回所有換防之察哈爾馬隊官
兵到防糧運以及餉糧庫倫現無專餉無從辦運請飭察哈爾馬
統籌辦等語從前宣化練軍糧餉係由直隸籌撥此次察哈爾馬
隊如由察哈爾籌給餉糧深恐力有不及若照宣化練軍章程統
由直隸撥給或向易籌著李鴻章穆圖善會商籌辦以期無誤軍
需等因欽此遵查宣化練軍七百名連夫役共九百三十八名出
防庫倫係由直隸練餉局撥給月餉即於正餉內勻提採購糧米

奏稿三十一

八

由張家口糧臺口北道辦運該糧臺每年添領部款銀一萬四千
六百兩內除三千六百兩解交練餉局湊放該軍改練馬隊應加
餉乾其餘一萬一千兩為運解前項軍糧腳價之用今該軍撤回
分防近邊多倫諾爾一帶仍應撥給原有月餉並應加餉乾僅可
騰出每年運糧腳價銀一萬一千兩此外並無空騰直隸練軍餉
項專指同本兵餉及蘆鹽復價江海關協款近來復價協款均解
不足數且地方連年水旱節次提撥練餉以應賑撫急需又協濟
熱河新練兵餉入少出多供支甚形竭蹶兵士懸釜待斃時有不
給之虞今歲災荒尤重庫款難挪一空饑黎待哺嗷嗷幾致無從
措手實難再籌兼顧此次察哈爾調赴庫倫馬隊五百名連管帶
官弁約共五百二十名每年約需軍糧價銀六千數百兩運腳銀
五千數百兩共合一萬二千兩又該馬隊兵每名月需餉乾銀七

兩連管帶官弁約其月需餉乾銀四千餘兩軍興以來察哈爾官兵無論何處調撥即由何處就近按照征防馬隊章程籌撥餉乾其原營坐餉每月僅銀一二兩不等須留以養贍家口不能勻提濟用現在駐防烏里雅蘇臺之察軍餉乾即由烏城徑行開放已歷多年其應需糧米由張家口糧臺請領部款辦運茲察軍調防庫倫事同一律直隸與察哈爾皆無款可籌自應查照烏城章程仍由庫倫請款辦理惟查撤回庫防軍每年既有騰出運糧腳價銀一萬一千兩自可移作察軍糧價運費仍由口北道運軍馬隊應加餉乾照舊請領分別濟用責成該道購辦糧米運送庫防尚不敷銀約一千兩及繩袋等項價值歸入該糧臺辦運烏城兵糧項下核實支銷毋庸請其察軍月需餉乾銀四千餘兩擬請由戶部撥給庫倫辦事大臣委員領回於防所徑行開放以歸

簡便自來用兵者必兼理餉事乃是維繫軍心否則呼應難靈事機恐致貽誤至察軍餉乾細數容臣穆爾善分咨戶部庫倫辦事大臣查照或分季或半年委員預期赴部請領一次即由該大臣核定咨部辦理仍俟到防後將起支日期分咨備案前次庫防歲請銀五萬餘兩自遣回古北口宣化練軍及裁撤雜差等項已減去銀約四萬兩今月領銀四千餘兩較之原請之數所增無幾在部庫易於添籌而餉有落兵得實用庶於邊塞要防有裨臣等往返咨商意見相同謹合詞恭摺陳伏乞
皇太后
皇上聖鑒訓示謹
奏

海防機局款難分撥摺

光緒四年三月十三日
奏為北洋海防經費天津機器局專款難再分撥鄰賑京餉恭摺仰祈

聖鑒事竊臣欽奉光緒四年二月初二初三等日寄諭庶子黃體芳奏請將海防經費製造機器之釐稅酌留數萬其餘暫停一年以充京餉編修吳觀禮奏請將海防經費查明實存若干移作賑需給事中李宏謀奏請將各省協解輪船機器各局用款暫提十分之五分解晉豫辦賑是否可行著酌度妥籌等因欽此臣查黃體芳等所奏各節固為移緩就急起見然通盤籌畫其勢有不能偏廢者海防經費原議各省關每年額撥銀四百萬兩南洋現無存款其解歸北洋者自光緒元年七月起至四年二月底止將屆三年所收之數遠不及一年額撥之數除陸續支

放海防本款銀八十萬餘兩去秋以來奉

旨撥給晉豫賑銀二十萬兩借給晉省賑銀十萬兩代購豫省賑糧借撥銀十二萬兩直省采買賑糧借撥銀十五萬兩招商局借撥京城平糶資本銀六萬兩現又疊奉

諭旨擬遵撥河開井工費銀四萬兩添購京糶雜糧資本銀數萬兩計各省賑務共已撥借銀七十餘萬兩雖借款或議由紳餉制錢提還或議分年解繳但既挪動即少實存此項經費總理衙門與戶部

奏定章程專為辦防之需不准挪作他用原因海防關繫重大經費籌畫艱難難合之則可逐漸經營分之則斷不能集事是以穆宗毅皇帝有亟應堅苦貞定歷久不懈以裕國家久遠之圖之諭我

皇上復有聖旨未雨綢繆以為自強及此項經費仍遵原奏專為海防要用毋得再抽分他撥之

論非不知和議已成我力可以稍息誠以洋務變故難言若無事時以為可緩一旦有事則已措手不及故

訓誡諄諄以防務為重而期其必成也今以賑需緊急先後撥借銀至七十餘萬兩不為不多分濟豫至四十餘萬兩不為不力

現僅存銀一百四十餘萬兩不足以辦防而事關軍國至計備儲緩急實萬不可少且即以直境災荒而論自上年四月至今迄

無透雨東作難施流亡載道前者尚可擇人而撫今則次貧亦成極貧前者尚有司道庫款可提今則羅掘罄盡去冬及本年上忙

丁糧疊請蠲緩收數無幾以之供應陵工俸餉旗綠各營兵餉及一切年例支款不敷甚鉅而災重之

河間一府約有戶口二百餘萬此外各屬尚復不少春賑雖竭力籌辦備夏秋仍應接濟需款奚止百萬直省為

畿輔重地值此旱荒多事豈能毫無所備臣深知部庫未充營蒙恩撥晉豫賑款而直省未敢籲請東南各省皆有應解京協餉及

指借晉豫賑款直省亦未敢求助但恃海防經費稍有積存可備意外急需若於已撥晉豫賑款外再議分撥不但無大神補於晉

豫而先使畿輔根本之地空諸所有設遇事變何以支持臣久在軍營每見

時會艱難糧臺存餉數百萬嗚呼立盡今此區區存款必欲全數借撥者似由更事太少慮患未深殊非老成謀

國之道亦顯與歷次論旨相違此海防經費不能再撥之實情也天津自同治五年奏

奏稿二十一

奏稿二十一

設機器局雇匠購器製造軍火所需經費惟指津海東海兩關四成洋稅為專款今欲停減製造其難約有數端該局造成洋火藥銅帽拉火後門鎗礮子彈等項除本省准練各營及調防他省各軍濟用外如熱河察哈爾奉天吉林黑龍江等省征防各軍皆取給於此江南防軍並須歲撥火藥二三十萬磅銅帽千餘萬顆所造恆不敷所用前將本省各營鎗礮操法分別忙月閒月定額給領以期節省子藥今已無可再減其外省尚以領數為不足屢次請益或預期各領亦屬無從裁減若停造一年恐何俱應若減造五成斷不敷用況北省伏莽甚多匪徒乘飢思逞時需分投防剿設軍火無措必致貽誤大局其難一該局所雇華匠皆自香港等洋廠募來幾經督率彈求西法始能集事若減停製造量予半價在彼不足自贍勢仍散歸洋廠其學徒亦選練多年手藝已熟一

且遺散必就他圖前功盡棄將來再募又費經營洋匠則有合同年限不論工作有無仍須照給薪費況製造之理百人所造者視五十人成數多三四倍即如製藥一項初設一碾廠用三四十人迨添四碾廠經工祇用七八十人而出藥已多數倍備工作僅留其半所出軍火不過現在十之三四九不合算其難二該局承辦之事不備製造軍火如駐巡北洋之鎮海操江輪船需煤需料修船修器皆由該局承應運直晉賑糧之福建江南輪船運江浙漕糧之商局輪船一有損壞亦由該局撥料是夜修辦此外如挖河機器船等類應隨時整理者不少若停辦一年各項皆將坐廢若減去五成顧此必致失彼其難三且津海東海兩關四成洋稅近年收數短絀連招商局輪船四成稅銀併計歲不過十五六萬而應撥各路軍火增多局用日形竭蹶海關六十九結以前四

成稅早經告罄現計定購外洋料物應付價銀三萬數千兩及其餘逐月用款尙多懸欠暫由海防項下通融勻借是已寅食卯糧無可提取此製造難以停減及經費不能分撥之實情也至修築礮臺購買船械等項本因經費支絀未及多辦不過擇要略事經營實無稍涉銷張糜費之處仍當督飭局員事事核實節節以昭慎重除滬局製造能否停減由沈葆楨等奏辦外所有北洋海防經費天津機器局專款難再分撥緣由理合據實恭摺陳伏

乞
皇太后
皇上聖鑒訓示謹
奏

奏稿三十

七

海運籌變請恤船商摺 光緒四年四月初四日

奏為本屆江浙海運漕糧因南省冬春雪雨過多米質受傷蒸變商船力難全數賠補請查照成案分別辦理恭摺仰祈聖鑒事竊據沙甯眾船商呈稱伊等承運江浙漕糧歷有年所從無貽誤乃去秋田禾收成之際連月多雨又遭大霧稻穗長莖不足且倒折於泥淖之中米質受傷青腰白臍者不少兼之十一月間雨雪交加天氣奇冷又復受凍開春以來大雨連番不止各屬運交之米潮溼頗多經滬局一再揀擇退換並由伊等風涼受兌意謂到津不致霉變詎料米質既傷寒凍內斂一經海氣蒸蒸即行發熱至津開驗多變黑色粒道剔除不起之米為數甚鉅伊等衝風破浪冒險奉公原圖水腳以資餬口若責令賠補即與船作抵亦萬萬不敷眾商遭此天災實有身家性命之危呈請援救

並據江蘇糧道英樸浙江糧道胡毓鈞詳稱本局在滬驗收漕糧疊經督同員董挑駁計退換者已十之七八乃顆粒雖尚圓勻而溼氣凍結於內運津開驗乾潔固多霉黑亦復不少竊緣南省冬春雨雪連綿天氣奇冷米質受傷民間刈穫後勉強過磨又少晴霽不能一律曬晾前恐變成紫老黑丁米色未能純淨已分別稟請本省奏咨並報倉場衙門有案向來海運到津米有潮溼應責令承運商船賠補嚴杜弊混今則迫於天時並非各船者舵撥雜若責令全行賠補為數過多商力斷有未逮溯查同治五年江浙海運漕糧因四年秋收適遇陰雨米質蒸變經前天津驗米大臣單懋謙等奏明將驗收黑丁過多之米另廠分存奉旨戶部知道欽遵在案本屆受傷情形較甚第關繫止供惟有親督員董認真挑揀選擇將乾潔者兌別運道及撥交各行濟賑等

變太甚者即行剔除飭令賠補其米色較次內有黑丁尙堪起用者請照成案運通驗收分存搭放具詳請奏前來臣訪詢南來之人言蘇浙陰雨情形與該糧道及沙甯船商所稟無異此次米質之壞係由天時所致勢出於無可如何近年沙甯船生意為洋船所奪實形苦累若必全責賠補力有未逮似應如該糧道等所詳援照同治五年成案分別辦理以恤商困而於倉儲亦尙無出入除仍飭認真挑驗運通撥賑並分咨戶部倉場侍郎暨山西河南各撫臣查照外理合恭摺具陳伏乞
皇太后
皇上聖鑒訓示謹
奏

奏稿三十一

五

葉源濟容增詳請照原保片 光緒四年四月初四日

再臣等辦海防於西洋軍火器械隨時訪察購備以資利用上年八月間據督帶幼童駐洋肄業委員二品頂戴補用道容增稟稱美國現造雙管加那後門鋼礮及沙布後門兵鎗為外洋新式軍械先購加那鋼礮一尊礮子四萬顆沙布兵鎗三百桿格林礮子五十萬粒及礮車鎗帶等件俱全所需價值其英洋一萬六千一百三十三圓內由幫理駐洋局務委員候選光祿寺典簿葉源濟候選內閣中書容增詳各捐英洋一千五百圓其餘一萬三千餘圓概由容增自行捐備呈請查核等情臣查該員等捐辦後門鎗礮各件現已陸續運到驗收經臣親加演試精堅致遠洵推攻勦利器惟價值甚昂雖據稱情殷報效不敢仰邀議敘然該員等深明大義捐助軍需自應量予獎敘容增詳葉源濟二員自同治十一年選帶幼童赴美國肄業重洋遠涉備歷艱辛均係異常出力光緒二年臣會同兩江督臣沈葆楨奏保辦理幼童出洋肄業滬局事竣出力人員請獎案內將花翎五品銜內閣中書容增詳擬請免補中書以主事分行走花翎五品銜光祿寺典簿葉源濟擬請免選本班以中書科中書不論雙單月儘先選用嗣經吏部議奏以定章局務出力人員祇准保舉升銜加級等項該員等所請官階班次與例不符駁令月核請獎迄今尙未聲明勞績覆奏查容增詳現蒙
派充美國副使葉源濟亦經陳蘭彬奏派出使隨員容增詳在美內地承辦局務人員可比茲復捐購緊要軍器有神海防其好義急公之忱尤堪嘉尙合無仰懇

奏稿三十一

六

天恩俯准將三品頂戴補用道容閱交部從優議敘容增祥葉源
澄二員各仍照原保官階班次
敕部核准註冊勿再援例擬駁以示旌異理合附片陳請伏乞
聖鑒訓示謹
奏

奏稿三十一

薛福成辭參贊片 光緒四年四月初四日
再 接准總理衙門咨開遵議出使德國大臣奏調參贊分別等
差辦理一片奉

旨依議欽此鈔錄原片恭錄

諭旨咨行到臣查原議派出使德國參贊二員所有派定二等
參贊李鳳苞前經管帶船政學生出洋應由該大臣劉錫鴻自行
飭知外其派充三等參贊候補知府薛福成前在直隸當差光緒
三年正月二十三日告假赴山東省親旋丁母憂扶柩回籍經
咨報吏部在案前接總理衙門來文並接劉錫鴻函稱襄贊需人
囑臣飭令薛福成作速出洋俾資贊助臣當即札飭該員知照茲
據薛福成稟稱丁憂人員例應終制出使參贊職守甚重實與居
官無異劉錫鴻奏調時想係未聞該員丁憂信息懇奏明撤銷差
事等語臣查丁憂人員照例不准當差雖辦理洋務稍與他事不
同然苟非萬不得已自當遵守定章以敦風化丁憂知府薛福成
以玉帛冠裳之會未便以素服從事情詞出於至誠所有派充出
使德國三等參贊應即請
旨撤銷

敕下總理衙門及出使德國大臣另行揀派以資襄助理合附片

具陳伏乞

聖鑒訓示謹

奏

查覆漳沱河工程難辦摺

光緒四年四月初四日
奏為漳沱河工程艱鉅鹽務無款可籌勢難興辦恭摺仰祈

聖鑒事竊臣欽奉光緒四年二月初八日

寄諭御史劉恩溥奏請籌辦直隸河道以工代賑暨鹽斤加價提

作商捐以治河道及由運庫墊款興工各摺片所稱修理河道宜

先治漳沱河請開治河以分水勢築改道以復故瀆治子牙河黑

龍港河以疏下游既可以工代賑亦免頻年水患新准鹽商二文

加價提作商捐歸公辦賑於水利鹽務工賑均有裨益加價如何

捐繳令各商平議款項未能遽集先由運庫墊發興工是否可行

著李鴻章酌度情形奏明辦理等因欽此伏查直隸通省七十餘

河大者有五漳沱河居其一源出山西繁峙縣入直隸平山縣境

會治河經魏城等縣下會滏陽河至獻縣子牙河達津入海其至

平山以下正當出山之後迅流急湍挾沙壅泥易淤善徒向無隄

防修守冀城東鹿深冀一帶南北縱橫皆其故道然總以滏陽為

遠海之路同治七年由冀城改道北徙遂不與滏陽相通因漫及

沿河冀城晉州無極深澤安平饒陽獻縣肅甯河間任邱雄縣保

定等處地面祁州博野蠡縣高陽東鹿深州亦有昆連之區而下

游文安大城水無出路被淹尤甚滏陽河舟楫阻滯難行且

經詳查委勘擬開治河復故瀆以濟沈災而工程殊無把握按

漢書地理志上艾縣注縣屬水東至滏昔入滏池縣屬即治水浦

昔即平山滏池即滏沱是治水本有入滏沱之路非元初鑿而始

合又元史河渠志至元三十年正定路請開治河越三年為元貞

元年興工越十四年為至大元年治河口淤塞復入滏沱嗣後旋

開旋淤我

朝雍正三年怡賢親王雖有塞治不使入滏之奏並未施工是元

代即已仍舊會流非近時始合為一凡治水必以地勢高下順逆

為衡據勘舊治河底高於現行之河水面數丈低昂相去懸遠勢

難逆挽而行而治河口至入滏沱十里之間則上高於下數丈才

性就下自然奔入滏沱恐非壩工所能抵禦且舊治河須會洩河

入滏昔泊今泊已淤墊亦不能容巨水其河身二百里間之淺隘

更無論矣此開治河之難也冀城漳沱河據勘前年盛漲之際走

溜河槽寬至七百二十丈深至一丈一尺五寸而同治七年以前

故道現在至寬不過三十五丈窄者僅二丈至深不過七尺淺者

僅一尺其開淤成平地者不少河頭高於現行河底一丈一尺有

奇通工二百里無從挖起曾國藩前有挽復咸豐元年以前邵村

故道之議里數不甚相懸開有寬深之處當時委員僅擬挑河寬

十餘丈至二十丈深數尺至一丈運壩工已估需銀二十餘萬兩

旋以無款中止此時非再加寬深不能擊引大溜而博訪眾論謂

該河剽悍激烈遷徙靡定自來不受約束隄防愈堅衝決愈甚其

下又有伏流往往水向未至土已迸裂立壩於伏流之上勢難久

峙挑築亦屬徒勞此復故瀆之難也舍此二者別無善全之策況

直省向係缺額加以連年災歉庫儲空虛商民交困實無財力議

與大工近歲量就賑款勻撥以工代撫僅於河獻文大等處開挖

引河修築隄埝俾出路稍暢旁近民田略可攔護而酌修子牙河

隄疏濬龍港以為逐漸經營之計直隸河務廢弛已久五大河

中之永定河大清河北運河南運河多淤淺坍塌皆關民生利

害又不能不並顧兼籌隨時設法補救且奉撥賑款本以分給災

區其應賑者非盡沿河之民勢不能趨集一隅皆令供此一役也

今劉恩溥擬提議加價二文以充漕工費若果易於攤繳能集巨款正可設法圖維冀紓水患其請勻引酌劑嚴中融銷代銷等禁於鹽務情形向多隔膜查豫省蘆岸加價係補滯滯工經費按年解部無可再提直岸所加之二文本因商累過深暫資體恤蓋自道光年間清查以後前商虧空課帑數千百萬皆責現商捐攤交款加重連年災歉灘鹽歉收諸物昂貴成本倍增上年直豫大旱河運不通硝鹽地窮民死亡相繼銷數大減有僅銷額引一二成者甚有停秤者直屬近年出庫引止二十餘萬道其領引未運及運而未銷者亦在其內若今年春運直豫各岸現僅過關鹽一萬七千餘包原奏謂歲銷六十五萬引但就應領額數而言尙未知實領實銷之數且實銷之鹽亦有不盡能加價者一則百姓貪賤食私官鹽則銷愈滯一則累商鹽至引岸諸債蜚集往往減價求售故商民尙不至因加價結怨也康熙年間長蘆額引九十餘萬道每包鹽重二百五十斤納課銀四錢有奇然雍正二年巡鹽御史莽鵠立奏言每屆奏銷已有積存未領引二三十萬道嗣後鹽課逐漸增加道光時每包鹽重至五百數十斤課額至一兩以上其雜攤各款尙不在內今雖減至六十餘萬道實則中稔之年只能銷至四十餘萬道引滯則課額包賠是以愈久愈疲殷商家又值奇荒之歲運售尤艱無論殷商案商皆須虧本臣與運司通盤籌酌尙須量議調劑實難再提加價運庫因添解上年京協各餉羅掘一空更無從籌墊工費至融銷代銷載在鹽法志及奏定章程本無例所不禁緣各處鹽引皆有定額不准互相增減其銷滯者祇許暫將引目勻給暢岸之商領運銷賣津貼運商銀三四五錢不等課帑均歸運商完納是為代銷昔鹽已

築成勻給暢岸之商銷賣原商可得成本以完課帑是為融銷融代者乃不得已酌劑之法必由運司查核明確詳請立案並非任商自為若統計各岸銷數先由官為勻濟微特孰暢孰滯應以年歲豐歉為憑不能先時預定近且十岸九滯直豫額引出庫者不及四十萬道則下餘之二十餘萬道又從何處濟銷惟則此後暢雨應時人民復業銷數漸暢商力漸紓仍隨時督飭運司察酌籌維嚴查私相融代借名侵灌及夾帶攙和等弊以期保全課本所有查明滯沱河工程艱鉅鹽務無款可籌勢難與辦各緣由理合恭摺覆陳伏乞
 皇太后
 皇上聖鑒訓示謹
 奏

奏稿三十一

三

張家口糧臺請餉摺 光緒四年四月初四日

奏為張家口糧臺采辦各路軍糧懇

恩照案續撥部餉恭摺仰祈

聖鑒事竊查前因烏里雅蘇臺等處調兵防剿遵

旨准在張家口設立糧臺采辦各路軍糧奏明請撥部餉以為米價

繩袋員役薪工之需自同治九年十二月起已十次奏撥部餉仍

委口北道分起采辦截至光緒三年年底實存正款餘平共銀一

萬四千餘兩均經造報在案茲據口北道王珩稟稱烏里雅蘇臺

防軍口糧催提甚急四月開牛車開行亟應啟運核計一歲之糧

其需米價繩袋等項銀三萬數千兩又駐紮庫倫之宣化練軍現

擬撤回另調察哈爾馬隊五百名前往換防已奏明將庫倫運腳

銀兩仍照原數請領節省運腳作為察軍采買米價其不敷之款

以及繩袋等銀均在辦理烏城軍糧部餉內添支核計現存銀一

萬四千餘兩實不敷用至庫倫運腳僅存光緒四年秋冬銀四千

七百餘兩該處防軍須於牛車開行時預運今年秋冬來年春夏

之糧則來年運腳亦應預領支用方免貽誤策請奏撥等情前來

臣查該道所稟關緊邊防軍需勢難延緩相應仰懇

天恩救下戶部照案續撥辦理烏城軍糧銀三萬兩又辦運庫倫

光緒五年分軍糧庫平銀一萬四千六百兩以期無誤軍食理合

恭摺具陳伏乞

皇太后

皇上聖鑒訓示謹

奏

蘆鹽請緩奏銷摺 光緒四年四月初四日

奏為援案請緩長蘆木屆正課奏銷以恤商艱恭摺仰祈

聖鑒事竊據長蘆鹽運使如山詳稱蘆商正課例限五月奏銷自

同治十年後屢遭災歉節經詳請

奏准緩至十月啟徵茲以例限將屆催令各商完納據通綱商人

晉有孚等稟稱蘆綱本重銷滯歷年商累已深去歲直隸大旱成

災河道異常淺涸硝鹽到處充斥艱於運售且冬雪稀少春兩撥

期各處災困益甚窮民死亡相繼銷數更減於前現值起運各省

賑米喫緊船隻更難覓雇春運過關者僅一萬七千餘包實為向

來所未有商力萬分踴躍勢難按照從前例限完課懇仍援案展

緩該運司詳加體察委係實情若將本屆正課依限奏銷徒事參

追無裨實濟請仍緩至十月啟徵等情具詳前來臣查長蘆正課

前因商情艱難請展緩均經奉

旨允准本屆災荒尤重力更難支相應懇

天恩俯准將光緒四年正課奏銷照案緩至十月辦理屆時由臣

督飭運司實力催徵以濟餉項理合恭摺具陳伏乞

皇太后

皇上聖鑒訓示謹

奏

截漕輕齋剩價請扣留片 光緒四年四月二十日

再欽奉三月二十二日

上諭直隸災黎甚眾加恩撥給江蘇漕米十二萬石江北漕米四萬石交為賑濟此項漕糧由津至通應支剩價銀兩經剩耗食米石等項即飭各該糧道核數扣解津貼運費等因欽此又接准戶部三月十三日奏片內開上年提辦江廣漕米五萬石撥運山西係將由津運通各款經費作為貼補轉運之需又山西奉撥東漕八萬石係將隨漕輕齋等項銀兩一併照數撥作運費今於二月十九二十等日奉

旨截留南漕分撥豫豫十六萬石並借撥豫省秬米十萬石所有由津至通一切經費應照截撥江廣山東漕糧成案全數扣交等因奉

奏稿三十一

五

旨依議欽此知照前來臣查直屬久旱民飢賑需不給仰蒙

特旨賞撥漕米及剩價耗食米等項

恩施優渥足以起瘠瘡枯官民同聲感泣遵即就近截留酌量各屬災分重輕分撥飭催迅速領運一面遴派妥實員紳確查戶口以便糶到散放接濟惟糧石分運各處程途遠近不一核計需費甚鉅自去夏至今疊次籌辦賑撫未敢請撥

內帑早將庫款挪挪一空現在運費無措飢民待哺嗷嗷斷難緩運查輕齋等項本係隨漕用款米既撥賑用款隨米解支事實公允自應欽遵

諭旨並查照部議成案將奉撥直隸漕米項下隨漕輕齋剩價等項津通應支一切經費及經剩耗食米石全數扣出解交直隸津貼運費其不敷之數尚多再竭力設法籌措至晉省奉撥賑米

八萬石應於蘇省漕糧撥給丁壽昌等分起轉運豫省奉撥借撥賑米十八萬石除已將東漕抵撥外尚應在津領運浙江秬米八萬八千餘石已經李鶴年派委道員啟繼王文錦來津請領該兩省等款艱難運費皆無所出承運之員幾致束手並應各將撥賑漕米項下隨漕輕齋剩價等項津通應支一切經費及經剩耗食米石全數扣出分別解交津局及豫省領米委員查收湊作運費庶三省億萬窮黎及時得食免致忍飢久候以仰副朝廷鴻惠災區有加無已至意除分咨倉場侍郎江浙督撫並札蘇浙江安各糧道遵照外理合附片具陳伏乞 聖鑒訓示敕部知照謹 奏

奏稿三十一

美

抵撥閩省京餉請緩解片 光緒四年四月二十日

再准戶部咨天津關欠解光緒三年分應還洋款改解部庫抵撥閩省京餉銀二萬兩未據報解奏請將天津關監督交部議處仍備令報解等因當經轉行遵照茲據署津海關道丁壽昌詳稱該關欠解前項銀二萬兩實因稅項短絀無款可籌業將關庫入不敷出情形疊經奏咨有案近年所收六成洋稅留撥本口征防練軍餉項本已竭蹶異常況值北數省災荒甚重貨物滯銷進口之火輪夾板大半裝載米麥稅應優免收數更大減色關庫搜括一空欠發軍餉甚鉅兵士懸釜待炊情形危迫且奉撥

惠陵工款要需尚不知從何籌措所有三年分抵撥閩省京餉委難設法補解惟有俟年歲豐稔洋稅暢旺再行酌量勻撥等情具詳請奏前來臣查該道所詳均係實在情形明知京餉關係緊要

奏

奏

而值此旱荒奇災貨無銷路稅項益絀上年欠解抵撥閩省之項事出有因應請准俟洋稅暢旺再籌彌補以恤災區理合附片具陳伏乞

聖鑒訓示謹

奏

臺灣紳捐借撥濟賑摺 光緒四年五月十四日

奏為臺灣紳士原捐鐵路經費遵將已解之款酌核分借豫晉濟賑恭摺仰祈

聖鑒事竊臺灣紳士林維源林維讓兄弟原捐臺地鐵路經費前經河南全數奏借辦賑其時前福建撫臣丁日昌未知河南先已奏借遂疏請酌量借濟晉豫經戶部查照丁日昌原奏議由臣酌量兩省待賑情形察核南北米價貴賤或解銀或購米酌定辦法知照福建督撫臣分別辦理並令將洋元核成銀數行知請借省分籌措的款歸還等因奉

旨依議欽此遵查臺灣米價較貴購運甚不合算且河南已在鄰近鄂皖等省購米轉運亦便所缺在銀而在米應令解銀到津酌撥轉解濟用即經咨會閩省查照一面咨商請借省分先籌的

奏

奏

款議定歸期免誤原捐臺灣海防要用登准豫晉撫臣兩省均須借撥而豫省則商請全數濟豫臣維兩省被災均重待賑皆殷但此款究係豫省全數奏借在先丁日昌續咨又以河南疊前告急屬先運豫接濟查林維源等先繳臺灣道庫洋銀十萬圓除去銀水匯費實折解銀六萬六千一百九十一兩七錢四分四釐續繳洋銀十六萬圓實折解銀十一萬三千七百七十七兩七錢七分八釐共合銀二十七萬九千九百六十九兩五錢二分二釐現經商定借給河南銀十四萬九千九百餘兩准撫臣涂宗瀛來咨已經督同司道籌議循照該省奏定章程即指豫庫地丁項下劃出有餘的款自光緒五年起分三年歸清每年均俟秋成後由藩司劃撥委解應即照此定案其餘三萬兩借給山西以濟賑米運費在撫臣曾國荃來函亦必籌定的款分期解還臣已將解到天津之

六萬六千一百餘兩發交河南委員知府朱壽鏞帶解回豫其餘十一萬三千七百餘兩業經閩省報解俟解到即按所定之數分解清款至林維源等原捐洋銀五十萬圓除前由閩省自行購米濟賑核抵五萬圓現在借撥豫像共合二十六萬圓尚應繳十九萬圓原限本年三月以後分作十箇月攤繳部議亦令源源解津以備賑款頃接丁日昌函稱林維源赴揭陽稟商經該前撫勸令提前趕解由臣隨時察看直督豫賑務緩急情形再行分咨酌辦除俟該紳等捐項全數繳清由福建督撫遵照部議奏懇恩施破格優獎外所有臺灣捐款酌核分借豫晉濟賑緣由理合恭摺覆陳伏乞

皇上聖鑒敕部查照謹

奏

奏稿三十一

元

丁日昌勸捐得力片 光緒四年五月十四日

再前福建撫臣丁日昌春間請假在籍臣因晉豫奇災賑款無措稔知該前撫臣素以救民為心又熟悉南中紳富呼應最靈請力疾就地勸捐助濟該前撫臣接信後義形於色召集潮州香港一帶紳董竭誠勸募驟獲巨款各董事捐戶先索札諭實收為憑該前撫臣雖養病閒居自以受

恩深重時勢艱難不得不權宜緩急

奏明刊刻關防印發實收俾昭大信昨接該前撫臣自揭陽函稱前後經手籌勸捐除臺灣林維源等五十二萬圓外潮州約三十萬圓南洋香港新嘉坡小呂宋暹羅越南各埠約十六萬圓臺灣約七八萬圓合計已逾百萬現仍廣為勸助其任事之勇救災之誠即此一端已為人所難及惟既蒙

奏稿三十一

三

恩開缺各處紳商或已書捐而未繳清或已領實收而未換照造冊頭緒紛繁亟須逐漸清理誠恐各捐戶聞知該撫臣業經開缺繳款不免遲延且距臣處太遠遇有專奏請獎事件未能及時核辦亦無以昭激勸擬請

旨准令該前撫臣於賑捐未竣之前仍專摺奏事俟捐務告竣再將前刻關防銷燬庶捐款可剋期繳解晉豫嗷嗷待哺之飢民稍有指望如蒙

俞允即由臣咨行該前撫臣查照謹附片具陳伏乞

聖鑒訓示謹

奏

臺灣道捐賑片

光緒四年五月十四日

再晉豫大旱成災賑請不敷全賴各省捐助福建臺灣道夏獻綸於內地未經議捐之時先倡捐洋銀一千圓並率同文武僚屬共湊成銀三千三百兩除去匯費實解到天津銀三千兩嗣奉前撫臣丁日昌函飭又勸諭紳民集捐現又報解洋銀二萬圓合銀一萬三千六百兩據稱尚可續捐數萬兩該道遠官海外憫恤鄰災力籌助賑具見其體時艱顧全大局殊堪嘉尚雖據稱不敢邀獎但倡勸捐濟鉅款未便舉於上聞擬請旨敕部將該道夏獻綸從優議敘以示鼓勵至此項捐款容臣隨時分解晉豫濟用其餘捐銀官紳飭局照章核獎理合會同前福建撫臣丁日昌附片具陳伏乞

奏

奏稿二十一

三

林維源母請匾額片

光緒四年五月十四日

再准前福建撫臣丁日昌咨稱據臺灣紳士三品銜候選道林維源稟因回籍捐繳五十萬圓奉親母鍾氏之命以現聞晉豫久旱奇災朝廷宵旰焦勞願竭私囊二萬圓捐助晉豫賑款旋經林維源分兩次解到由該前撫寄解津局分撥晉豫以濟賑運查林維源前捐修鐵路洋銀五十萬圓因晉豫賑務緊要勸令先繳二十六萬圓並由林維源代其母林鍾氏另捐賑銀二萬圓均經丁日昌奏由戶部議准以該紳等踴躍捐輸其母又捐助賑務洵屬深明大義應俟款項繳清後奏請破格優獎奉旨依議欽此除五十萬圓一款俟全數繳清再奏請破格優獎外現在該二品命婦林鍾氏加捐二萬圓分助賑務業已如數解清擬請會銜奏懇

奏稿二十一

三

特賜御書匾額以示優獎等情前來臣查該紳林維源兄弟捐助巨款五十萬圓合銀三十六萬兩之多為百數十年來海內未有之事丁日昌勸令移助賑需存活飢民不下數十萬人洵為莫大功德茲復恪遵母命另捐晉豫賑款二萬圓實屬深明大義亟應遵照部議破格優獎以勵薄俗查浙江紳士道員胡光墉承母命捐助直賑復捐交甘肅棉衣二萬件同治十二年四月間經陝甘督臣左宗棠奏請

特恩賞給伊母胡金氏匾額奉

旨著照所請

賞給胡光墉之母勉善承榮匾額一而欽遵轉行在案今林維源兄弟所捐巨款較胡光墉歷次捐數為更多其母復加捐賑款二

萬國較胡金氏捐助棉衣尤有實濟相應案額懇

天恩俯准

特賞道員林維源之母林鍾氏匾額以示優異而資觀感謹會同

前福建撫臣丁日昌合詞附片具陳伏乞

皇太后

皇上聖鑒訓示謹

奏

奏稿三十一

外國捐賑請嘉獎片 光緒四年五月十四日

再臣欽奉光緒四年四月初六日

寄諭巫來由國王捐銀千圓該國向無與中國交涉事件應如何

辦理之處著斟酌妥辦香港駐埠之英國總督燕軒尼士的捐

賑銀五千圓亦屬好義應否酬答並著該督等酌度具奏等因又

奉四月二十四日

寄諭前據總理衙門王大臣面奏日本人捐助山西賑糧當以轉

運艱難力為勸阻嗣據李鴻章函致該衙門米已運至天津等情

外國捐銀米助賑名為善舉實則流弊滋多茲據羅鴻機奏英人

攜銀前往晉豫散賑即著曾國荃徐宗瀛婉為開導設法勸阻至

販賣婦女出洋本干例禁著督飭地方官實力稽查嚴行禁止儻

有奸民漁利轉販即查拏照例懲辦等因欽此伏查自同治十年

天津水災之後外國官商間有捐銀助賑為數尙不甚多光緒元

年山東青州等屬旱災各口流寓洋人捐集銀數萬兩由英國教

士李提摩太帶往散賑辦理頗協輿情上年晉豫旱災疊據駐津

英領事佛禮賜函報西國人已集有銀五萬餘兩助賑晉省飢民

仍請李提摩太前往會同該地方官紳查戶散放業據三次解送

銀四萬兩因係善舉未便勸阻節經臣分咨總理衙門及山西撫

臣在案嗣准曾國荃函稱該教士等在晉查放尙屬妥協日本使

臣森有禮過津談及該國商民捐助晉省賑糧臣告以山西道遠

費重轉運維艱不如就近搭放津郡粥廠飢民該使亦以為然旋

據日本善士竹添進一運到大米四千五百四十餘石小麥一千

七百餘石又大錢一千串當交粥廠各委員妥為經理搭放臣並

面屬森有禮回國便為道謝矣臣訪聞西洋通商有約各國遇有

水旱災荒互相捐助賑濟乃交際之常情尙有古人患難相恤之誼現因北省奇災各國官商捐銀捐米助賑無非感慕

聖主懷柔之德樂效輸將並無他意似亦無甚流弊據津海關稅務司德維琳面稱西國遇有此等美舉該國王及外務衙門必向

捐賑之國使行文稱謝無須另議酬答頃招商局道員唐廷樞等稟稱接據新嘉坡領事胡璇澤面稱駐新嘉坡之英總督亦捐洋

銀五千圓又巫來由國王所捐洋銀可否請給樂善好施匾額等情臣查香港新嘉坡之英國總督各捐巨款應由臣與丁日昌分

面致謝巫來由國王雖向無交涉既經捐銀助賑可否由臣繕給樂善好施匾額傳

旨飭寄祇領伏候

命下遵行英國倫敦商民疊捐巨貲除已由駐英使臣郭嵩焘致

謝外可否

救下總理衙門王大臣面致該國駐京使臣傳

旨藉獎以慰遠人慕化之誠至聖鴻禧奏稱該國收買流民婦女

臣督同署津海關道丁壽昌密查察實無其事天津各粥廠流

民七萬餘人婦女居其大半容有中國奸民轉販者隨時訪拏嚴

懲此風近已稍息並未聞洋船販帶婦女遠出之事所有各國捐

助銀米酌量酬答並查拏轉販流民婦女各緣由理合附片詳細

覆陳伏乞

聖鑒訓示謹

奏

洋米無庸購運摺

光緒四年五月十四日

奏為洋米未能合算現可無須購運恭摺仰祈

聖鑒事竊准部咨光緒四年二月十七日奉

上諭國子監司業齊廷奏北省運米過多南省因之米價日昂請

飭采買洋米等語著南北洋通商大臣悉心斟酌如果可行即選

委委員前往采買源源運解以濟民食其如何酌定章程俾商賈

踴躍販運之處並著妥籌辦理等因欽此當飭江海關道並輪船

招商局確細查訪旋據該道局稟覆前來臣等查該司業原奏內

稱西貢去歲大稔米價甚廉本埠船多水脚亦賤統計每石洋銀

二圓並聞舊金山等處米多已可以設法采買請察訪確實委

員並招商往購等語查西貢為越南之瀕海地面係法國所開

碼頭中國已於該口設有招商分局該分局董事張霖在西貢

十餘年熟悉情形無論官辦商運皆可就地經理且有現成局船

便於裝運但米糧不如內地之合用脚價亦無節省據該道局稟

稱西貢係屬糙米且多飛殼質性又不膠黏於各省民食不甚相

宜向惟廣東就近購用以濟缺乏近因該省及印度水旱成災西

貢米價均長每桶粗米百斤須洋銀一圓八九角若運至香港轉

運天津須加水脚洋銀一圓零按一百五十斤為一石即合銀三

兩二三錢而蘇皖一帶熟米運至天津統合價脚銀三兩五六錢

較三兩二三錢之糙米且無膠性者實為合算商人信息較靈錙

銖必計若價脚便宜無不羣往販運今廣東米商尚多赴上海鎮

江采辦則西貢之價脚非賤可知至舊金山只有麩粉向運廣東

現計每百斤合價脚銀四兩若再運津又費一層水脚更貴於非

省之值臣鴻章前與出使日本大臣何如璋往返函商擬購東洋

米麥亦以價脚未甚合算而止況無大宗銀款官亦難於購運現
在直晉豫等省皆得透雨秋禾已可普種奉天江浙米糧得經官
辦商運源源而來尚非缺乏自毋須再辦洋米至晉省山路險遠
駝少運艱脚費太鉅患在難運而不患無米豫省於江皖鄰境就
近購運較為便捷患在缺銀而亦不患無糧謹合詞恭摺覆陳伏
乞
皇太后
皇上聖鑒謹
奏

奏稿三十一
毛

朱其昂請卹摺 光緒四年五月十四日
奏為道員承辦重務積勞病故懇
恩優卹恭摺仰祈
聖鑒事竊二品銜遇缺題奏道朱其昂經臣於同治十一年奏委
創辦輪船招商局為中外通商以來未有之事其時中國江海利
權已為洋商佔盡聞有此舉百計阻撓即華商亦壯於積習相率
疑懼該道以此事為洋務一大關鍵力排眾議獨任其難先在滬
津設局竭誠招股集貲購船壹意創辦迨規模既定眾論漸平洋
商又屢次跌價傾擠而商局以協進江浙漕糧為根本該道悉心
經營聯絡官商力為措拄頻年與會辦各員計議開拓添置船隻
增設碼頭除行走南北洋及長江各口岸外又撥輪船往來日本
長崎及英屬新嘉坡等處利權逐漸內移辦理已著成效協運漕

糧係該道專司其事疊經轉輸毫無貽誤並經辦江西湖廣
等省漕糧承購承運核實安速直省連年水旱該道節次捐賑辦
賑精濟民食又以晉省大災疊辦賑糶各糧源源運濟復捐巨款
助賑並購辦豫省賑米事務愈繁勞瘁甚重當冰雪嚴寒不少
休息近因京城平糶往來跋涉心力交疲四月間感受風寒倍常
委頓尚以責無旁貸力疾支持不期積勞已深病勢日重竟於五
月初一日歿於天津差次彌留之際猶諄諄以局務賑務為念續
籌銀兩捐濟賑賑其公而忘私之概至死不移據會辦局務道員
唐廷樞徐潤盛宣懷稟請

奏卹前來臣查該道朱其昂籍隸江蘇上海由浙江實缺同知
海保道員才識過人勇於任事其歷年籌辦各務皆有裨於
國計民生輪船招商尤關中外通商大計直晉豫賑全活飢民

甚多不暇於差次追念前勞實堪憫惜該道本係總理商局之
員辦理洋務厥務重件積勞病故迥與尋常差遣人員不同相應
仰懇

天恩俯准收部將二品銜前浙江巡缺題奏道朱其昂從優議卹
以慰離魂而示激勸其所遺招商局務京城及直晉雜賑各糧事
宜即令該員兄弟候選郎中朱其純湖北候補道朱其詔分往接
辦並清理未完事件該二員本在商局會辦襄辦情形熟悉可免
貽誤合併聲明理合恭摺具陳伏乞

皇太后
皇上聖鑒訓示謹
奏

奏稿三十

完

京城平糶派員接辦片 光緒四年五月十四日

再京城平糶事宜前已奏派招商局道員朱其昂借撥海防經費
銀兩購運南省大米並派知府桂孫等赴京於正陽等門外分
設三局開辦在案嗣議添購奉天雜糧又由臣借撥海防經費銀
五萬兩戶部撥給漕折銀四萬兩飭朱其昂陸續購運茲朱其昂
病故即派招商局湖北候補道朱其詔駐津接辦其京局雜糧糶
務添派馮缺題奏道何維楷會同惲桂孫妥商籌辦至雜糧必須
碾磨始便民食京城惟雜糧小舖有碾磨之具向來該舖糶糧於
市磨就出售今惲桂孫等擬運雜糧至京由局按照市價每石酌
減銀一二錢發糶自一二升至數石均聽其便庶糧舖糶價既輕
售價自減民受其益或由大宛兩縣擇傳殷實糧舖領糶磨麵交
局出糶已令該員等赴京妥細察酌因地制宜並稟商步軍統領
順天府府尹五城御史核飭辦理至設局處所應仍就正陽等門
外原定三局地面以便各衙門照料防範現在近畿得雨深透徧
種秋禾俟八月後成熟糧價漸平即仿照案截止所有京城增糶
雜糧現辦情形及派員接辦緣由除分咨查照外理合附片具陳
伏乞
聖鑒謹
奏

奏稿三十

完

籌墊河開賑款片

光緒四年五月十四日

再四月十五日以前直境連次得雨未耕之地皆可翻犁播種
因河開府屬阜城獻縣交河景州東光等處受災最重情形極為
困苦丁壯歸耕籽種無出當於海防經費項下借撥銀三萬兩並
勸集京外捐款專為助給籽種之需商令編修吳大澂道員盛宣
懷同知李金鏞等督飭查放此外災區或於賑糧糶價內勻發籽
種或動用本處捐項或令紳富就地借貸業經奏報在案查阜城
係專用李金鏞募捐之款獻縣原撥銀一萬兩又續借給銀一萬
兩景州原撥銀二萬兩月行借給東光銀一萬兩共計北洋海防
經費項下已借撥過籽種銀五萬兩俟由南省集捐歸墊交河撥
給京外捐款銀一萬五百兩惟據吳大澂等函稱東光交河就田
核計均不敷放須再撥銀二萬兩正慮無款可指欽奉五月初十
寄諭現在籌給河開府災民籽種款項不敷著於南洋經費分撥
晉豫賑款劃出銀二萬兩由戶部指撥各省關徑解李鴻章兌收
先行籌墊散放等因仰見
朝廷憫念災黎之苦曲體籌款之艱

聖慮周詳

恩施優渥官民感激涕零遵即設法籌墊銀二萬兩派員星夜解
交吳大澂接收分運交河東光由該編修察酌情形督飭地方官
紳核實查放俾無力窮農咸得及時耕作可望秋成此次所墊銀
兩俟各省關解到即行歸款至直境自四月十五日以後時有雨
澤五月初八九日又得雨深透人心漸定所有遵
旨續撥河開府屬籽種緣由理合附片具陳伏乞
聖鑒謹

奏

奏稿三十

聖

沈兆濤請祀鄉賢摺 光緒四年五月十四日

奏為已故紳士善德夙著懇

恩入祀鄉賢恭摺仰祈

聖鑒事竊查頭品頂戴原任浙江布政使沈兆濤籍隸天津由嘉

慶丁丑科進士散館授職編修出守松江值歲旱賑發倉穀捐廉

平糶修濬白茆河劉河以工代賑全活甚多居官所至以廉惠稱

咸豐三年在署河南藩司任內值粵匪北竄汴省戒嚴募兵籌餉

守城待援卒能力挫兇鋒保全大局得

旨嘉獎歸田後主講輔仁書院每以敦品勵學誘掖諸生文風蔚

起從游之士薰其德教皆讀書植品以學行相切磋天性孝友事

親盡禮自少講求程朱之學一以誠敬為主視聽言動悉循禮法

正襟危坐終日無惰容致仕數十年足跡不入公門而遇地方重

要事件如同治七年捻逆竄近上書前通商大臣崇厚豫籌防剿

十年直屬大水捐貲修埵函致司道籌疏濬之策光緒二年春早

復致書於臣請做春秋繁露法祈雨並清釐庶獄又以所著戒訟

說好人歌徧貽鄉里人多化之生平研究經史性理諸書殫心纂

述著有義利錄寶心編易義輯問尚論編發聲錄唐文拾遺織簾

書屋詩文鈔詠史詩鈔各種任江安糧道十二年於運河水道畿

輔水利留心考究采輯

國朝名臣奏議及碑銘記傳之文手錄成帙為蓬窗錄刊行於世

嘗取津郡先輩姓氏著為仰止編又搜羅前人著作釀費代刊凡

所著錄均有關於世道人心年逾九十神明不衰同治庚午科重

宴鹿鳴蒙

恩賞加頭品頂戴光緒二年在籍病歿由臣公蒙

加恩予諡在案茲據天津府在籍紳士前閩浙總督張之萬前吏

部右侍郎孫葆元四品銜焦祐瀛等公呈臚列事實造具冊結懇

入祀本籍鄉賢祠聲明該故紳士孫並無現官九卿及曾任九卿

者與例相符等情請

奏前來臣查沈兆濤品端學粹操履清嚴歷官中外四十載政績

卓然可傳晚年為善於鄉碩德耆英遠近翕服洵足模楷士林以

之從祀鄉賢允無媿色既據合詞呈請相應據情籲懇

天恩准將頭品頂戴原任浙江布政使沈兆濤入祀本籍天津縣

鄉賢祠以勵備修而予士望除將送到事實冊結咨部外理合恭

摺具陳伏乞

皇上聖鑒訓示敕部知照謹

奏

奏稿三十一

臣

官輪運糧濟賑請獎摺

光緒四年五月二十九日

奏為官輪船轉運奉糧以濟直晉賑需酌保出力員弁恭摺仰祈
聖鑒事竊直隸應需賑糧前經派員馳赴奉天營口等處購辦除
上年封河以前雇船運回撥用外其續購春賑之需及奉省捐濟
山西糧石因商船承運而米難以兼顧遂咨調閩廠並江南官輪
船四號於今春開河後陸續至津與津口原有輪船往來帆轆裝
運即由原購之員在營口兌交並派員在津隨收隨發各該船管
帶等深知兩省災黎待哺嗷嗷不避艱險實心實力趕速挽輸其
購辦收發各員亦復節節經營晝夜辛苦其計奉糧十數萬石剋
期運竣及時分撥接濟民食所省經費尤多不無微勞足錄據籌
賑局及山西轉運局司道詳請前來謹擇尤酌擬獎敘開單恭呈
御覽仰懇

奏稿三十一

天恩俯准給獎以示鼓勵其干把等弁另行核擬咨部備案理合

恭摺具陳伏乞

皇太后

皇上聖鑒訓示謹

奏

截漕收放片

光緒四年五月二十九日

再前因直隸災區甚廣待賑孔殷欽奉
特恩撥給江蘇漕米十二萬石江北漕米四萬石遵即就近截留
飭各糧道趕緊交兌並派天津道劉秉琳督同委員迅速驗收轉
發一面酌量各屬災分輕重核定應撥米數催令剋日領運先行
確查戶口以便糧到散放在案茲查江蘇應交正米十二萬石經
剝耗食等米二千五百九十三石八斗江北應交正米四萬石經
剝耗食等米八百六十四石六斗自四月初一日開兌起至二十
五日止江北米石全數兌竣又至五月二十日止江蘇米石全數
兌竣各糧道及在事人員均能仰體
皇仁辦理甚為妥速並經劉秉琳隨收隨發已發過各屬賑米十
五萬五千二百石餘仍存局候撥調雇官剝民船逐日催督裝運

奏稿三十一

迅抵災區俾窮黎及時得食堪以仰慰

慈廩其解交津貼運費之隨漕輕齎剝價等項另行咨戶部倉

場侍郎查照至晉省賑糧奉撥招商局續辦江廣漕米六萬石又

截留江蘇漕米八萬石現均兌收轉運完竣其豫賑項下截留浙

江漕米九萬餘石該省委員亦領運過半所有奉撥直晉賑糧漕

米收竣分撥轉運各緣由理合附片具陳伏乞

聖鑒謹

奏

暹羅捐賑片 光緒四年五月二十九日

再臣接准前福建撫臣丁日昌咨開晉豫賑捐所有湖廣及香港南洋各埠均經分派員紳前往勸辦茲據遵員李友光稟稱三月杪委員陳占鼐陳儀自新嘉坡到暹知為晉豫連歲荒歉勸捐賑濟經即稟明暹羅國王並勸諸臣及士庶紳商踴躍捐題該國王捐米五十車值銀二千有餘諸臣其捐銀一千一百餘兩眾士紳及華商等捐銀二萬有餘各將捐款名數列明簿內該項匯單到香港交委員收領轉解助賑等情並據員外郎銜工部主事陳占鼐等稟同前情查李友光本係華人雖久仕在暹尙復繫懷中土陳占鼐陳儀等遠涉重洋極力廣勸均堪嘉尙除俟捐項一律收清凡款屬華商者即查照新章核給獎敘外暹羅國王此次特捐巨款以為本國臣庶及寄居華商之倡合計捐款數萬圓日內即可收訖尤未便沒其微忱至委員主事陳占鼐訓導陳桂林千總陳儀等認真勸辦現又由暹羅回新嘉坡遂折往越南實屬不辭勞瘁統計新嘉坡暹羅小呂宋檳榔嶼麻六甲等處所題賑捐匯至香港者已有七八萬一俟票期解到陸續匯津該員紳等異常出力可否先為聲明俟事竣從優請獎等因前來臣查暹羅向列外藩夙稱恭順此次助賑情殷不分畛域感聖主綏懷之德昭遠邦慕義之誠應請由丁日昌就近函謝並傳旨嘉獎該員陳占鼐等往來南洋各島勸捐不遺餘力懋著勤勞可否俟事竣從優請獎恭候聖裁所有暹羅國王倡率臣庶華商捐集賑款及勸捐委員出力各緣由謹會同前福建巡撫臣丁日昌附片具陳伏乞聖鑒訓示謹

奏

奏稿三十一

哭

建設候審所片 光緒四年五月二十九日

再直省幅員遼闊民氣剛強素多獄訟除前定清訟章程隨時嚴飭各屬依限訊結不准羈累外其案涉疑難情節重大者必須提省審辦以昭慎重惟屍親人證不能不一併提質向來到省後有人承保者即予取保候審否則發縣看押但審結需時該人證等多非有罪之人日久在押情殊可憫或因窮苦衣食難繼地堪虞自應酌照各省現行章程妥籌矜恤飭據藩臬兩司具詳擬在省城建設候審公所派實任佐官一員住所經理凡提省案證先由保定府訊核大概情形其非本身犯罪或雖係被告情有可矜人地生疏無人承保均交公所收管按日給予飯食病則給醫藥一經訊得實情有罪者照例辦理牽連者立即省釋該所收除人數逐日登記每月開具四柱清冊呈報查考一切經費由外捐廉應用仍由司道府隨時認真督察務使待質平民得需實惠不得稍有剋扣訛索欺陵等弊違則分別參辦除批飭遵照外所有省城設立候審公所緣由理合附片具陳伏乞
聖鑒敕部知照謹
奏

海防支應請銷摺 光緒四年五月二十九日

奏為查明天津海防支應局光緒三年分收支餉需按款造冊請銷恭摺仰祈
聖鑒事竊據天津海防支應局司道會詳津郡海防改設練軍並原設海口礮臺通永鎮標大沽協標官兵雲字馬隊應需餉乾等項向在津海關六成洋稅洋藥釐捐東海關協餉長蘆鹽斤復價甯河釐捐各項下隨時籌撥按照定章樽節支放所有光緒二年分收支款目業經奏咨准銷在案上年三月間因奉旨續調直軍馬步鎗隊奏明將天津練軍左營步隊四哨調往連原留一哨合成一營查照練軍出省成案每名月加銀二錢照章每隊添長夫二名營官非本省實缺人員准其用夫四名所需口糧照章各月支銀三兩均自拔隊之日起支至回津紮營之日住支並按照光緒元年練軍調奉成案每名酌給整裝銀一兩其原留奉省天津練軍五百九十二員名仍查照練軍出師章程一併分別正餉加餉按三箇月一次源源接濟至大沽北塘新城等處礮臺續設礮位照案支給演放經費其餘支發一切款項悉照奏定章程及准銷成案核給造具細數清冊詳請
奏咨前來臣逐加覆核計自光緒三年正月初一日起截至十二月三十日止共收款銀三十七萬七千四百八兩六錢四分五釐一毫四忽其支款應歸戶部核銷銀三十二萬七百八十九兩一錢四分九釐五毫一絲二忽三微應歸兵部核銷銀五千三百五十五兩六錢應歸工部核銷銀五萬三千二百二十四錢三分八釐二毫九絲五忽二微其應銷銀三十七萬九千三百六十五兩一錢八分七釐八毫七忽五微除本案內扣收過平餘銀五

百三十二兩二錢四釐三毫八絲二忽八微儘數動支外計不敷
墊支銀一千四百十四兩三錢三分八釐三毫二絲七微均係隨
時籌墊並承辦各員請領未發之款俟准部覆再行分別辦理除
清冊咨部查照外所有天津海防收支餉銀造冊請銷緣由理合
恭摺具陳伏乞

皇太后

皇上聖鑒敕部核銷謹

奏

奏稿三十一

至

李文忠公奏稿卷三十一

李文忠公奏稿

卷之三十二目錄

勘驗英廠購到四船片 光緒四年六月十七日

奏留鄭藻如片 光緒四年六月十七日

丁壽昌請緩 陛見片 光緒四年六月二十九日

軍火畫一辦法並報銷口令事宜摺 光緒四年七月初二日

請豁免民欠片 光緒四年七月初二日

四成稅留充機局經費片 光緒四年七月初二日

防營無庸撥換片 光緒四年七月二十三日

燒鍋存糧無庸收買片 光緒四年七月二十三日

秋禾望收無庸勸貸片 光緒四年七月二十三日

口外捐牛請獎片 光緒四年七月二十三日

外省捐局變通整頓摺 光緒四年七月二十三日

葉廷眷會辦招商局片 光緒四年七月二十三日

淮軍裁勇就餉摺 光緒四年八月十八日

李鳳苞兼管學生采辦等事片 光緒四年八月十八日

津局續收管賑數目摺 光緒四年八月十八日

韓超請 宣付史館摺 光緒四年八月十八日

燒銅開禁片 光緒四年八月二十九日

淮軍軍需報銷摺 光緒四年八月二十九日

淮軍交涉洋務報銷片 光緒四年八月二十九日

蘆鹽加價展限摺 光緒四年八月二十九日

蘆鹽正課緩徵摺 光緒四年八月二十九日

勘驗英廠購到四船片

光緒四年六月十七日

桐城吳汝綸編錄

再臣於光緒元年三月與總稅務司赫德議訂英國阿摩士莊廠二十六噸半礮之船二隻三十八噸礮之船二隻專備海防要用該四船先後來華名以龍驤虎威飛霆策電等字樣適前福建撫臣丁日昌以臺灣防務喫緊商調龍驤虎威二船駐防澎湖其飛霆策電到閩後經船政大臣吳贊誠選派管駕募配舵勇水手督飭各官弁認真操練並因該四船在洋年餘海水浸漬船底間有雜物黏連本年春間悉令上陽刮洗加油仍將輪機鍋爐重加修整派令直隸候補道許鈴身督押該船於五月間駛抵天津海口臣即於六月初一日馳往大沽初二三日督同許鈴身及管駕官

奏稿三十一

游擊張成等逐細勘驗其輪機器具等件均尚精緻靈捷演試大礮亦有準頭隨令駛出沽口洋面往返兩時順水逆風每點鐘約行二十里行奇若開滿輪力速率當可略加前准總理衙門商以此等船隻宜動而不宜靜駕船之人宜勞而不宜逸洵為切要機宜現籌派該四船分駐大沽北塘兩海口與陸營礮臺將領互相聯絡考究礮法每月各出洋會哨兩次練習風濤循環輪替調紫並按季合操打靶測度較準各船整留洋弁二人幫同教練仍令許鈴身隨時查察照料精益求精以免疲弊上年兩江督臣沈葆楨會緘商分撥俾固江防正以船少不敷調撥為慮昨總理衙門來函亦謂此項船隻無論各海口難資分布即咽喉要區根本重地尚恐不敷與臣意見相合今察石該船巨礮實足以制鐵甲守護海口最為得力必應及時添造臣已飭津海關稅務司

德璣琳由電報轉致赫德就近確詢英廠現時船礮價目有無低昂俟其回信若何再行酌量定購理合據實陳明伏乞
聖鑒訓示謹
奏

奏稿三十一

奏留鄭藻如片 光緒四年六月十七日

再查存記海關道選川知府鄭藻如於本年正月欽奉

諭旨送部引

見旋即赴都蒙

召見一次奉

旨著仍回江蘇當差欽此該員篤實廉幹德器深厚識略宏通於洋務涉歷已久臣所素知津郡為通商總匯要口洋務海防在在需人助理鄭藻如前在上海總理機器局務督臣沈葆楨已派員接辦其於蘇省並無另有經手事件合無仰懇天恩准將該道留津差遣以資指臂附片具陳伏乞

聖鑒訓示謹

奏

奏稿三十二

三

丁壽昌請緩 陸見片 光緒四年六月二十九日

再署津海關道新授直隸臬司丁壽昌奏請

陸見已蒙

俞允自應交卸晉京惟天津辦理直晉豫賑捐轉運事宜均係該司會督各員籌辦頭緒甚繁責任綦重現值青黃不接之際窮黎待哺嗷嗷正須廣籌捐運接濟民食山西尤指天津一路為辦賑樞紐會國荃來函商請奏留該司暫緩北上臣維賑務最關重要該司兼營並顧措理裕如諸臻妥速自應責成一手經辦俟秋後轉運完竣賑捐就緒再令交卸展

聖鑒訓示謹

奏

奏稿三十二

四

軍火畫一辦法並報銷口令事宜摺 光緒四年七月初二日

奏為購製外洋軍火遵議畫一辦法並議報銷口令各事宜恭摺 覆陳仰祈

聖鑒事竊臣等承准軍機大臣字寄光緒四年二月十四日奉 上諭總理各國事務衙門奏購製外洋軍火請飭妥議畫一辦法

一摺外洋鎗礮名目甚多必須擇其最精之品一律聚買購辦現 在各省所購多不一律即一省亦不一律無論長精雜收未必皆

為利器而各省不能通用設遇有事誠恐受累且委員每視為利 數以劣充良不復認真挑選虛耗鉅款著派精明廉正之員總

司其事凡各省委購軍火責成該專派委員覈定備有不堪施用 及浮圖開銷等弊即將該員與承辦之員分別勒追治罪其應如

何遵員並各省如何統歸一律著李鴻章沈葆楨會商妥議奏明 辦理至上海天津設立機器局應否於兩局內遴派得力專員統

令隨時酌覈畫一辦理著該大臣等一併妥議籌辦該局用款奏 銷嗣後並著將每年每款需費若干逐細登明每年成造各件暨

撥用存留各數目亦即按件造報以昭覈實片奏洋鎗隊口號 改用中國語言著該大臣等選派精通洋語之人將教練口號全

用中國語言文字譯成一書其教法為語言所不能傳者並繪圖 輔之頒發各軍營俾將弁等隨時觀聽人皆通曉期於防務有裨

等因欽此仰見 朝廷慎重海防實事求是至意欽悚莫名臣等公同籌議竊謂鎗

礮為制敵利器必須精良畫一各省各營皆能通用庶免臨事窒 礙從前軍務孔亟利在應急隨購隨用無暇籌道同治四年開

始設機器局仿造外洋軍火近年直隸江南籌辦海防所用鎗礮

又定造於外國著名之廠寬以時日俾期堅精茲奉 諭旨飭籌畫一辦法臣等謹將外洋鎗礮製造之法施用之宜先

陳其略查礮位一項德國全用後膛英國全用前膛俄法則小礮 多後膛大礮多前膛美國仍用老式滑膛其中著名商廠德曰克

鹿卜專造後膛全鋼之礮英曰阿勿士莊專造前膛熟鐵包鋼之 礮又有瓦瓦司廠兼造前膛後膛以鋼包鋼之礮論攻堅致遠前

膛不若後膛論穩固經久後膛不若前膛故行仗小礮宜用後膛 取其輕而及遠輪船礮臺所用大礮究以前膛為宜此洋礮之大

略也洋鎗一項自有後門鎗式而前門之鎗洋人幾不過問其最 著名者英曰馬梯呢美曰林明敦德曰茅塞法曰沙賽卜近有沙

布一種亦出美國皆屬後門並為各國推重究之命中致遠後門 雖倍勝於前門而前門子藥可以取辦臨時事易工省後門鎗子

必須造以機器工費既鉅猝辦尤難子藥不繼即成棄物現就大 勢而論海防若有戰事非後門最精之鎗弗能制勝若平時操練

除後門鎗隊演習有年應仍其舊此外所宜操以前門俾習手法 而期節省此洋鎗之大略也目下中國力圖自強軍火利器貴一

貴精洵為確切不易之論上海一隅洋商匯萃日趨巧猾往往式 樣雜出以劣充良各省采辦人員或受其欺或中其餌均所難保

茲欲遴派精明廉正之員專任稽查采購未始非執簡馭繁之一 策惟專派之員身居中土於外洋造法之新陳時價之長落未必

纖悉週知近日洋商每有運赴各省議價攬購者更屬無從節制 委員權力有限辦理慮難經久伏查上年候選道李鳳苞帶領福

州船政學徒赴英法兩國練習並鴻章會令其訪求新出最精洋 鎗擬與閩省酌量合購去冬接該道函稱法國水師於今春比試

各國後門鎗式俟比試後擇最精者寄回察看茲擬併仿該道親
歷各廠確查前後膛大小礮之最精者擇尤開報並將圖樣價單
寄閱俟核明定式隨時咨總理衙門暨各省遇有購用即令該
道照式在洋議購匯款定造一手經理上海地方祇須派員設局
專司匯寄價銀驗收轉運等事如閩粵兩省無庸取道上海者即
自行匯價驗收李鳳苞精細廉正近於軍械一道刻意講求其不
時分赴各國照料學徒以之兼辦軍火勢固甚便他日該道回華
另飭別員接辦與從前無人出洋限於耳目者難易懸殊儼或辦
理貽誤自可執法從事此議購軍火之畫一辦法也獨是軍火固
貴一律而目前所有者如何酌劑異日續添者如何儲積尤須全
局通籌始足備緩急而圖久遠即以直隸江南計之除外洋老式
鎗礮外近年所購新式前膛後膛大小洋礮不下四百五六十尊

奏稿三十二

七

所購所製之新式後門洋鎗不下二萬數千桿此皆得用利器為
向來各省軍營所未有費款數百萬用心十餘年始能積有成數
前項礮位業經分撥礮臺輪船及海防各營果能加意珍惜自堪
久而不做前項鎗枝各營領操者十之七積存備撥者十之三現
擬已發之前後門洋鎗照舊留營操演將來續購畫一新鎗祇可
存俟臨事應用惟子彈一項實鎗礮之命脈無子彈則鎗礮虛設
後門子彈工繁費鉅遇有戰事十年之蓄尙恐不敷數月之需現
查津滬兩機器局所製子彈數非不多而以之應操則有餘以之
備戰則尙少亟應及時設法添製以防未然兩局製造之事向來
互相考較亦互相撥用聲息素通以後每成軍火祇宜抽送臣等
查驗嚴定等差力求精進似無庸另派專員監察致涉紛擾此外
江甯機器局係臣鴻章勦捻時添設亦與津滬兩局通力合作其

山東湖南四川等省現既設局所製之器並應彼此互證以泯各
師各式之偏以聯各省各軍之氣嗣後考定西洋最精鎗礮陸續
酌購必須兼購造子機器豫籌造子經費其前項已有之新式鎗
礮多年積累費款極鉅大約將來續購者亦不出南北洋現有各
種之內自宜照舊兼用庶幾緩急足恃此議製軍火及豫籌至局
之辦法也至機器局歲銷用款一節津局向製火藥銅帽水雷土
乃得後門鎗及後門鎗子前膛後膛礮子滬局向製輪船火藥前
膛洋礮後門洋鎗及後門鎗子前膛後膛礮子近因養船經費歲
耗二成洋稅之半暫議停造輪船增造熟鐵包鋼大礮此兩局者
目下製器甚繁而子藥為軍火大宗尤須全力辦理蓋就現有之
鎗礮籌應用之子彈核之外洋購價已需數百萬金鉅款固難驟
籌亦斷無仰給外人之理祇得就己設之局額領之款分年起造

奏稿三十二

八

免致另行請撥貽誤要需兩局向領洋稅銀兩皆擇妥員經理毫
無虛糜實用實銷開單奏報仍分別軍火船隻機器等門逐項開
列茲若將每年每款需費若干逐細造冊報部有同一工料而前
後時價不齊有製一器而彼此精粗互異或先後成毀幾經更
易工費多少不等徒敢更胥挑駁需索之端他日非勉強牽湊分
酒勻攤變成例價不止名似核實轉滋流弊似不若慎選精細廉
正者總司局務由臣等隨時切實考較仍照舊開單奏銷以歸簡
易其每年成造各件撥用若干存留若干自可按件詳晰聲明至
鎗礮隊口令一節前門鎗礮與後門鎗礮陣式口令大致相同而
鎗礮用法彼此互異其前門鎗礮口令陣法已經前江蘇撫臣丁
日昌於同治十年用漢文譯刻成書有圖有說上海機器局譯刻
克鹿卜後膛礮法天津軍械所譯刻克鹿卜小礮筒本操法均已

印發各營令將弁兵勇日事講習其已譯未刻之德國礮隊馬操
法及續譯各書應飭令各營各局人員隨時擇要妥細辦理俾將
弁人等於外洋兵法用器一律通曉以昭慎密而利軍行以上各
節臣等往返函商意見相同謹合詞恭摺由驛履陳伏乞

皇太后

皇上聖鑒訓示謹

奏

奏稿三十一

九

請豁免民欠片 光緒四年七月初二日

再直隸州縣向有民欠光緒元二三年糧租照例應即帶徵惟係
頻年災歉遞積而成現當大旱之後小民力盡筋疲斷難再完舊
欠即臣連災區及順天所屬地面亦因收成歉薄糧價昂貴民力
均形拮据若循舊帶徵既於庫款無補且致胥吏藉端迫索重累
閭閻所關於民生非淺伏查光緒二年閏五月因直隸旱象已成
欽奉

恩旨豁免同治十三年以前舊賦此次災荒更重自應仰體
聖慈援案聲請俾根本重地人心益固除永平宣化遵化三府州
屬未被旱災仍照例帶徵外擬懇

特恩准將順天保定正定河間天津順德廣平大名易州趙州深
州冀州定州十三府州屬光緒元二三年民欠及緩帶徵正雜各

奏稿三十二

十

項糧租各案補徵銀兩屯米穀豆電課出借倉穀籽種口糧牛具
學租等項全行豁免以示寬大如蒙

俞允臣即督飭藩司故謹刊刻謄黃迅速分頒各屬徧行曉諭一
面確查欠數咨部備案其奉

旨之日以後未領謄黃以前輸納者即抵本年正賦務使實惠普
霑不准官吏絲毫捏混理合會同兼管順天府府尹臣萬青藜順

天府府尹臣彭祖賢附片陳請伏乞

聖鑒訓示謹

奏

四成稅留充機局經費片

光緒四年七月初二日

再准戶部咨招商局輪船稅前經奏明令江漢關自第六十八結起以二成專解部庫其餘八成再按十成計算以四成解部以六成留為撥解京協各餉此外各關亦應照辦等因臣查天津自同治五年設立機器局仿製外洋軍火用意極為深遠經崇厚奏奉諭旨准將津海東海兩關四成洋稅留充經費歷年遵辦在案嗣因創設招商局由華商自備輪船往來各口遂有商局輪船稅名目議令解部然初創時船數有限洋稅尚不至大虧向來洋商輪船往來北三口惟美國旗昌為最多自前年招商局買併旗昌船隻後天津煙臺各口輪船生意多歸招商局攬載昔日之洋稅今成爲局稅若於提解部庫二成之外再將四成解部則機器局要需無著勢將坐廢查戶部會同總理衙門原議招商局稅分作四

六成係仿照洋稅四六成辦法江漢關四成洋稅向係解部是以該關四成局稅亦應解部津海東海兩關四成洋稅向充天津機器局經費與江漢關情形不同該兩關四成商稅自應照案仍充及調防他省各軍並備海防各項費用外如熱河察哈爾奉天吉林黑龍江等省征防各軍皆取給於此江南防軍並須歲撥火藥二三十萬磅銅帽千餘萬顆各路取用者較同治五年開局時愈增愈多而該兩關洋稅收數日絀連招商局輪船四成稅歲不過銀十五六萬兩核計不敷尚鉅若將此項有限之商稅提解部庫必須月請由部撥補以重軍國要需似亦非通籌出入緩急之宜臣於今年三月開議覆庶子黃體芳等請撥機器製造等費濟賑案內已聲明近年四成洋稅短絀連招商局四成稅併計軍火

局用仍形竭蹶無可分撥奏奉

諭旨該衙門知道欽此六月間總理衙門議覆御史歐陽雲請裁減機器等費案內以揆時度勢各項經費未能遽行裁減並查明臣奏津局所賴東海津海兩關四成洋稅連招商局輪船四成稅歲不過銀十五六萬兩並無如該御史所稱費用之多等因奉旨依議欽此是津局軍火必賴該兩關四成洋稅局稅為專款未能裁減亦並未多費已蒙

聖明洞鑒自應仍將該兩關局稅四成與洋稅四成遵照歷次奏案一併留充機器局經費以顧海防根本免致貽誤軍需理合附片具陳伏乞

聖鑒敕下總理衙門戶部查照謹

奏稿三十一

三

防營無庸撥換片 光緒四年七月二十三日

再臣欽奉六月二十日

寄諭有人奏分守城鎮之營官勇丁久於其地流弊滋多請飭酌定撥換章程等語著確查酌度奏明辦理等因欽此臣查直省地面遼闊防營本屬無多只能分路布置如靜海青縣滄州南皮東光一路向係樂字營汛地以滄州扼要適中為團操底營此外各路防營亦各有一定汛地營壘其汛地內分防哨隊本係隨時互調而彈壓緝捕尤須熟悉情形乃可得力若數月一換紛紛更調人地生疏難有實濟是以派駐馬蘭峪之通永馬隊練軍工程處王大臣來咨屬令不可調換如久於其地恐與地方官民浹洽致生弊竇則各省旗綠營何莫不然殊有換不勝換之勢似在任用之得人不在駐紮之久暫樂字營統帶記名提督丁德昌人甚

奏稿二十二

三

樸實紀律嚴明從不干預民事惟遇委辦地方工賑要務則况瘁不辭前數年疊次督以修防運隄並未請領經費保全民田廬墓不少今年自備資斧同辦賑尤能認真核實窮黎裨益頗多此次賑務營員襄理者不止滄州一處如河間各屬印委方粟請盛軍員弁同查放蓋該員弁多係鄉農出身能耐勞苦約束素嚴無官吏鋪排習氣專心悉力事事躬親實較地方官辦理尤速且有節省薪糧相率助賑者此皆官民所共見若不察事理不辨是非指為流弊遽請改章恐非實事求是之意自應各循其舊無庸撥換免致紛擾理合附片覆陳伏乞

聖鑒謹奏

燒鍋存糧無庸收買片 光緒四年七月二十三日

再臣欽奉三月二十日

寄諭御史孔憲毅奏直隸燒鍋各店約有屯糧四五百萬石請由直隸總督飭屬曉諭該商令將屯糧糶賣以平市價並設法運晉俾作賑糧等語是否可行著李鴻章酌度情形具奏等因欽此查直隸燒鍋前奉二月二十七日諭旨飭禁即經臣與府尹臣出示曉諭遵照並令將存糧自行就地發售精平市價以濟民食續奉前因又經分飭各府廳州確查糧數旋據陸續詳覆半無存糧其有存者每家數石至數百石不等統計直境燒鍋存糧實無四五百萬之多蓋歲荒糧缺隨買隨燒本鮮儲積且因粗糧不能久屯已經遵示糶賣是以存者益少而民食藉以流通市價因之大減至由直入晉之路山嶺峻險患在難運而不思無糧該省疊次奉撥漕米及南北各省采購捐助賑糧現仍分途設法運無須再向燒鍋收買該商戶既停燒歇業亦不必令其捐糧助賑致涉擾累仍應聽其就地自售臣已隨時批飭各屬遵辦矣理合附片覆陳伏乞

奏稿二十二

四

聖鑒謹奏

秋禾望收無庸勸貸片 光緒四年七月二十三日

再准戶部咨國子監司業寶廷奏直晉豫災廣賑懇請行分貸之法欽奉四月初一日

上諭所陳有無窒礙著各督撫等妥速籌議具奏等因欽此遵查直省前因亢旱成災賑需不足已奏明分地勸捐勸貸不拘銀錢糧米即以本境所集之款接濟本境貧民捐者照賑捐章程給獎貨者由借戶於秋後陸續歸還業據各屬官紳遵照勸辦惟地方素稱瘠苦本少殷富之家又值積歲災歉每州縣勸集銀錢糧米合銀至萬兩以外者甚屬寥寥餘則數百兩或數千兩不等其不能勸助者居其大半體察情形勢難再行勸貸幸四月以後疊霽甘霖並蒙

恩撥漕米及南洋經費銀兩 臣又竭力籌湊款項一面緘商東南

奏稿二十二

五

各省量為集助先行設法借墊及時分散籽種口糧藉資撫輯現在賑事尚未截止而秋禾暢茂可望有收自不必再議分貸理合附片覆陳伏乞

聖鑒謹

奏

口外捐牛請獎片 光緒四年七月二十三日

再前因河開等屬災重之區耕田牛馬宰殺殆盡耕作難興奏蒙恩旨賞撥察哈爾牧羣孳生馬三千匹俾資力田之用旋經都統臣穆圖善飭據商都太僕寺兩翼牧羣總管挑選齊備正值草茂畜壯之候 臣已派員籌撥口分盤費前往領解一面飭屬議定分給貧農章程以便隨到隨放在案惟各災區貧農較眾核計馬數不敷分散聞張家口內外滿蒙旗民牧養牲畜素稱蕃盛頗願捐助牛隻當經派委知縣查宗仁前往稟商穆圖善會同旗民各官妥為勸辦照案給獎穆圖善念切鄰災籌顧大局各官民亦交相勸勉共樂輸將現據委員稟報計已捐牛一千六百餘隻尚有續捐者約共可得三千隻上下業飭分批起解進口及時撥放應用實於荒政裨益匪淺查察哈爾所屬歷年因軍需報捐駝馬計價

奏稿二十二

六

核獎之案駝每隻作價銀三十兩馬每匹作價銀十二兩近因口內荒歉滿蒙人等生計維艱該處牛價較長經 臣酌中核定每牛一隻合實銀十四兩先給實收俟捐竣援照成案另行開單奏懇恩施從優給獎以示鼓勵合先附片具陳伏乞

聖鑒敕下戶部理藩院衙門查照謹

奏

外省捐局變通整頓摺 光緒四年七月二十三日

奏為外省捐局亟宜變通整頓改咨獎為奏獎以杜弊端恭摺仰

祈 聖鑒事竊山西河南上年大旱成災需賑繁巨經戶部議准仿照
黔捐章程於各省設局收捐其各省分局歸晉賑之款統由直隸
奏咨請獎自奉行至今已逾半年惟丁日昌經辦廣東之潮州等
處並福建之臺灣捐數暢旺奉天次之然皆由該將軍督撫及地
方官紳竭誠勸導始克有濟可暫而不可久可一而不可再此外
賑捐各局收數寥寥臣始未悉其故有謂各省捐生皆為黔捐移
獎所羅致是以不能踴躍當於本年二月開咨商戶部旋准鈔錄
光緒三年七月議復貴州撫臣奏改移獎章程一案咨復到直臣
猶未能深悉其中竅要隨時留心察訪始知近日部章條理周密

而擬捐之號商即緣周密之部章以為奸請申言其故查外省捐
輸之案奏獎歸吏部發照咨獎歸戶部發照凡咨獎之案不准零
呈單咨必須彙集多名造具清冊編列次數始予核辦如彙冊內
業已有名因銀數與例章不符奉部批駁續經移獎他人者查其
移獎之人與原捐之姓氏籍貫相同准其在部具呈核辦其姓
名籍貫不同仍由原捐省分或總局或分局詳請咨部核辦此現
行部章實屬防弊之苦心也乃攬捐之號商稔知條例又以各
省捐輸惟滇黔准搭餉票而黔省分局尤多於是預赴黔省以賤
價購集餉票任意捏造姓名向黔省各分局報捐又故意減寫捐
數為部議必駁之券迨部駁後再行移售別人有籍貫姓氏相同
之駁案即在部呈請移獎其不同者赴黔捐各分局請咨報部移
獎黔局委員利其招徠遂通融給予咨文每借他人獎案預請咨

文存局遇有移獎竄入其中於是攬捐之商如取如搗頭是道
而利權全歸中飽矣此等弊端雖未能指實黔省何局委員何人
然人言嘖嘖必非無因在黔省現時情形餉源奇絀善後方殷舍
捐輸別無良策而勸捐委員積習已深尾大不掉所以光緒三年
七月開撫臣黎培敬有請停止分局移獎之奏在部臣檢查檔案
以為防弊章程已密無庸輕議更張皆為慎重捐務起見而不知
名實固迥不相符也現在滇黔捐局一時固不能裁晉豫兩省招
集流亡籌辦善後在在需款其賑捐均經各該撫臣奏准展限若
不變通整頓竊恐互相排擠流弊愈多不但晉豫賑捐毫無實濟
即滇黔餉捐亦必江河日下臣通盤籌畫竊以為咨獎則挪後移
前委員易上下其手督撫亦防不勝防奏獎則絲毫不能掩飾擬
請將外省捐局無論何省捐輸悉改咨獎為奏獎其有奏案未到

僅止咨送捐冊者一概暫停核獎惟奏案之中必須變通向章者
計有三端一發照須酌改也奏獎之案若仍歸吏部發照則由戶
部核議轉咨吏部有需時日捐生必多不便請將奏獎之案亦由
戶部發照庶捐生隨時領照毫無不便而同一部照在吏在戶於
公事毫無出入一繕單須酌改也外省奏獎若概繕清單則報捐
監生從九銜者動輒數千百名繕單既覺煩瑣奏獎必致稽遲請
於奏獎摺內僅聲敘報捐實官者若干名銜封若干名貢監若干
名改獎移獎若干名無庸繕具清單月將詳細清冊咨送戶部一
出奏之省分須酌改也查外省距京有遠近即奏報有遲速若概
由本省出奏則滇黔距津遙遠必致向隅擬請無論何省捐案查
係在何省設局即由設局省分之督撫出奏如此則發照無慮其
稽延繕單無慮其累發出奏無慮其遲滯而實事求是捐一名即

得一名之用所有暗減搶售移花接木之弊不禁自除目下直隸捐局係為接濟晉賑於直省毫不相涉滇黔捐局更於直省無涉臣為通籌滇黔晉豫四省捐務大局協助部臣剔弊起見仰懇

特旨允准

敕部查照恭候 命下由臣通行滇黔晉豫及設立分局各省督撫臣一體辦理

合恭摺具陳伏乞 皇太后 皇上聖鑒訓示謹

奏

奏稿三十一 九

葉廷谷會辦招商局片 光緒四年七月二十三日

再輪船招商局關繫要瀝局尤商務總匯之區原派各員多有經辦事件分投查察未能常川駐局現僅道員徐潤駐滬經理雖無貽誤而責任綦重頭緒太繁必須遴派明幹公正大員會同籌辦切實整頓以昭周密查有二品銜江蘇候補道葉廷谷廉正樸直條理精詳實心為公能任勞怨歷任松防上海南匯各丞縣實缺總辦江蘇海運局於洋務漕運各機宜均甚熟悉商局利病情形亦所素諳堪以委令總辦上海招商局會督原派各員唐廷樞徐潤等將南北各口總分各局攬載進酒用人一切事宜盡心講求力籌整頓核實樽節以期興利除弊涓滴歸公庶中國商務可以自立官本商股不至虧缺除檄飭遵辦外謹會同南洋大臣兩江督臣沈葆楨附片陳明伏乞

聖鑒謹

奏稿三十二 三

奏

准軍裁勇就餉摺 光緒四年八月十八日

奏為留防准軍需日形短絀通盤籌畫飭各軍酌裁勇數以就餉項而顧防務恭摺具陳仰祈

聖鑒事竊於本年五月內准兵部咨會同戶部議奏各省留防勇丁均應酌量裁減請

旨飭下各該省督撫通盤籌畫悉心稽核總期省一分軍餉即紓一分民力統限於文到一月內迅將所有防勇陸續裁汰以半年為限統裁十成之一將來報銷時戶部即照此次所定期限減成

核算其裁存勇數若干月需餉銀若干均令於此次裁定後分晰專摺奏明以備查核至此後應如何續裁之處仍令隨時相機辦理等因具奏奉

旨依議欽此臣查直隸提鎮各標練軍本係經制之兵抽練成隊或分防要地或調駐庫倫奉天各處實屬無從裁減自可無庸置

議其留防准軍水陸馬步勇丁截至上年十月底止實存七十八營十二哨有零分紮直隸山東江蘇等省籌辦海防江防各營月

餉專恃蘇滬釐金淮南鹽釐及江海江漢兩關洋稅為大宗川鄂浙江等省協餉次之先因餉源枯竭各處額撥餉款未能按月照

解已於未准部文之前上年十一月及本年三月兩次通飭洋鎗步隊各營每棚抽裁正勇二成計共裁減五千二百餘名已不

止如部議統裁十成之一正在具奏開接准部咨復悉心稽核本年各處額撥月餉較前尤為短絀刻已八月中旬蘇滬釐金四

月分額餉尚未解清各局鹽釐分解無幾各關六成洋稅又懸而無著在各該省竭蹶輸將而收數日少撥款日增加以晉豫旱荒

協撥賑需及改撥京餉迫不容緩遂致額撥准餉遷延套搭積欠

愈多准軍分防南北收省擇要扼紮兵分則力單餉絀則用匱實有支持不下之勢臣治軍幾三十年兵餉兼辦困苦艱難久經身

親其境非不欲裁營節餉早圖歸宿無如中原軍務雖清海防關

係重大未可過於空虛緩急無備源在

聖明洞鑒之中部臣內外兼籌亦應計慮及此現臣所部除馬隊

水師各營人數本少及駐紮上海吳淞之武毅右軍五營專守海

口礮臺均難裁減外即勇數稍多者如盛軍鎗礮步隊十六營駐

紮津郡新城附近扼守北洋門戶拱衛

畿疆兼於海灘荒地試辦屯墾武毅慶字兩軍洋鎗步隊二十一

營分紮江蘇之江陰靖江甯浦浦口等處護守沿江南北兩岸礮

臺鎗軍鎗礮步隊十四營駐紮山東張秋鎮為南北洋海防策應

之師以上各營若僅操練巡防彈壓地方未見其少設遇有事之

秋仍屬不敷分布且自籌辦海防以來臣飭各軍換用後門鎗添

練礮隊仿照泰西陣式操法精益求精各將領目擊時艱尚能堅

苦經營歷久不懈原期未雨綢繆力圖自強之計亦未便遽議裁汰惟刻下餉源異常支絀無論如何撙節實屬不敷周轉若不

餉必須查照上年撥解之數按月源源解濟不得再有絲毫遞減
短缺庶可振飢軍而維大局所有准勇軍需短絀現籌裁兵就餉
緣由謹繕摺具陳伏乞

皇太后

皇上聖鑒訓示謹

奏

奏稿三十二

五

李鳳苞兼管學生采辦等事片 光緒四年八月十八日

再准總理各國事務衙門咨稱欽奉

上諭候選道李鳳苞著賞加二品頂戴署理德國欽差大臣等因

欽此竊查道員李鳳苞經臣等於光緒二年十一月奏派監督帶

領開廠生徒赴英法兩國學習水師製造駕駛之法並令兼查前

赴德國學藝武弁本年七月間又經臣等奏派李鳳苞就近在外

洋采辦軍火原因李鳳苞練達勤能才大心細不致貽誤該員出

洋兩年以來周歷英法德三國逐事留意考究盛次兩報經辦學

生習藝諸務甚有條理現既奉

命署理出使德國大臣計必迅赴伯靈都城接任所有臣前派往

德國學藝之武弁七人業由李鳳苞察看將不甚得力之卞長勝

朱耀彩於本年三月撤回現在該國軍營僅有五人均距德京切

近自應仍由李鳳苞督查功課其開廠派赴英法學生係責成李

鳳苞會同洋監督日意格經理目下布置就緒學藝亦有進益實

難遽易生手聞由德往英法輪車輪船不過一日夜可到李鳳苞

情形既熟但派得力幫辦一二人分駐照料遇有要事仍可親

親往商辦來回不過數日似於使事無礙至該員署理公使應自

接任之日起照章支領公使薪俸其監督學生薪費自無庸由開

局支嗣後所用幫辦薪水及來往查察雜費仍准酌量核實開支

由該大臣隨時移會船政大臣查核至采購外洋軍火一節駐洋

使臣本應與聞其事李鳳苞曾在各處實力探討頗知奧妙德國

軍器甚精臣等近年購用不少自無難就近察訪即英法各工廠

聲息易通亦可隨時考較妥商辦理將來會紀澤出使英法該大

臣於軍事素有閱歷開廠學生及采購軍火各事更應互相考察

遇事商籌以助李鳳苞之不逮所有擬令李鳳苞暫行兼管學生
采辦各緣由除分咨查照外謹會同南洋通商大臣兩江督臣沈
葆楨閩浙督臣何璟船政大臣曾福建撫臣吳贊誠合詞附片具

陳伏乞

聖鑒訓示謹

奏

奏稿三十一

三

津局續收晉賑數目摺 光緒四年八月十八日
奏為津局續收過各省官紳商富捐助晉賑銀兩及米糧合銀數
目恭摺奏報仰祈

聖鑒事竊照山西省上年旱災甚廣待賑孔殷經撫臣曾國荃奏
准於直隸江蘇安徽湖北湖南福建廣東廣西四川浙江江西等
省勸捐接濟並經戶部議覆統歸直隸請獎仿照天津賑捐章程
辦理臣即奏派署津海關道新授按察使丁壽昌等在津設局籌
辦一面知照各省並派員分投勸捐嗣又奏准月照黔章推廣新
捐以神賑款經臣咨明各省凡係好善樂助及按業按貨勸集者
與照黔章指捐情形不同仍照天津賑捐章程請獎已將開局起
至今年正月月底止收過各省官紳商富應照津章請獎捐數奏報
在案茲自今年二月起截至七月底止續收前順天府尹新授江

奏稿三十二

美

西藩司彭祖賢署福建巡撫船政大臣吳贊誠江甯將軍穆騰阿
京口副都統海瑛翰林院編修張人駿戶部坐糧廳郎中聯興並
各省官紳商富集勸捐助暨出洋官商助款共實銀三十四萬六
千一百七十七兩八錢三分三釐五毫二絲又捐糧合銀二萬八
千九百八十四兩三錢五分統計收捐銀三十七萬五千一百六
十二兩一錢八分三釐五毫二絲均應照天津賑捐章程請獎所
收銀糧或轉解晉省濟用或為轉運糧石經費將來統歸山西彙
總報銷至請獎事宜部議統歸直隸請獎原為迅速邀獎起見現
在體察情形若由各省造冊遞津再由津局彙核詳辦填照遞往
路途遙遠輾轉需時指生轉多稽候應由臣咨明各報捐本省督
撫府尹即按照已經奏報捐數各歸各省就近仿取履歷查照天
津賑捐章程一面填照給領一面彙奏給獎造冊咨部以期便捷

所有津捐章程及山西寄到空照統山臣咨送各省如空照不敷
填用由各省咨明部監續發據津局司道具詳前來臣覆核無異
理合會同山西撫臣曾國荃恭摺具

奏伏乞

皇太后

皇上聖鑒敕部查照謹

奏

奏稿二十二 七

韓超請 宣付史館 光緒四年八月十八日

奏為已故在籍大員功績卓著懇

恩宣付史館立傳恭摺仰祈

聖鑒事竊照前署貴州撫臣韓超於光緒四年四月初二日在昌

黎縣原籍病故據伊孫生員韓方炳繕具遺摺到臣求為代遞伏

查韓超於道光二十二年由副貢生就職州判揀發赴黔積功擢

至道員咸豐十一年十一月奉

旨賞給二品頂戴署理貴州巡撫其初為原任湖北撫臣胡林翼

所知謂其沈勇慷慨雄心遠略可為名將可為良吏嘗從胡林翼

擊粵賊於懷遠平烏沙苗於九萬寨擒獨山土匪楊元保所向有

功桐梓賊楊瀨之圍遵義也滇黔兵燹城下者數十營久未得聞

韓超馳至冒雨疾戰立解城圍進攻雷巖山賊巢破之楊瀨潰走

晝夜窮追卒殲之於葛章司厥功甚偉黔中自咸豐六年後上下

游州縣大半淪陷思州以北及石阡銅仁思南諸郡為教匪鎮遠

以南及黎平都勻諸郡為苗匪韓超以孤軍指其間使賊不得

合併遏其由無下沅之路遮蔽湖南不至如粵匪之蔓延為害則

又超之功也韓超賦性剛直忍苦習勞在官在軍儉約刻厲有非

尋常將吏所能堪者在黔近二十年大小六百餘戰往往當賊眾

數十萬糧盡援絕之時左右死傷略盡而喋血鏖鬪卒以復振胡

林翼疏請假以事權前湖南撫臣駱秉章亦言其廉樸耐苦能得

民苗之心為之籌濟月餉其在督巡撫任內適值餉源匱絀兵士

飢疲馭悍將任良吏擊走粵逆石達開大股攻克尙大坪玉華山

兩賊巢肅清大定安順遵義思南銅仁諸郡其勞苦功高黔中人

士至今稱道弗衰查黔省被兵最久白胡林翼首倡練勇擊賊稍

能自立及其奉調赴楚辦事益艱而尚能支撐十餘年俟粵逆蕩
平移師援剿以至底定者皆文武諸臣力戰之功如提督孝順趙
德光按察使福興及韓超其最著者而超在事尤久茲以老病歿
於牖下合無仰懇

天恩准將前署貴州撫韓超生平戰蹟

宣付史館立傳以彰蓋績由白

逾格恩施除將韓超遺摺附遞外理合恭摺具

奏伏乞

皇太后

皇上聖鑒訓示謹

奏

奏稿三十二

完

燒鍋開禁片 光緒四年八月二十九日

再臣前因畿疆亢旱糧缺價昂奏請暫禁直順各屬燒鍋以濟民
食並聲明俟秋成豐稔仍准開燒依舊納稅欽奉本年二月二十
七日

上諭著嚴飭地方官即將燒鍋一律禁止俟年穀豐稔再照舊章
辦理等因當與府尹臣出示曉諭嚴飭各屬一律禁止在案自六
月以後霖霖甘霖田禾甚形暢茂雖秋初陰雨較多間有被水被
蟲之處不過十之一二統計收成約有七八分現在新糧上市價
值平減且到處有糧乏人承買貧農當災歉之後房屋衣具半已
無存專指家食所餘難賣得價及時置備竟有穀賤傷農之病若
弛燒酒之禁則銷路可以稍暢市價不致過減亦足以資調劑夫
糧缺時禁燒鍋所以救荒裕食糧多時准開燒所以平價利民皆
為因時制宜起見自應遵照年穀豐稔循舊辦理之
諭奏請將順直各屬燒鍋商戶領有部照者准其開燒自奉
旨之日起完納部稅仍酌照部議此後但許歇業永遠不准新開
以示限制理合附片具陳伏乞

聖鑒訓示謹
奏

淮軍軍需報銷摺

光緒四年八月二十九日

奏為淮勇軍需自光緒二年正月起到十二月底止收支款目造冊報銷恭摺仰祈

聖鑒事竊照淮勇軍需前截至光緒元年十二月底止業經列為第四案報銷於光緒三年六月十九日具

奏奉

旨該衙門知道單併發欽此伏查淮軍分防直隸保定及天津各海口護衛親軍盛仁馬步水師並各臺局護運糧餉軍械共計三十三營提督劉盛休所部銘字馬步全軍十七營由山東濟甯州調紮張秋一帶為南北洋策應之師又福建陸路提督唐定奎統領銘武步隊十三營與直隸正定鎮總兵吳長慶所統慶字親兵八營及續已裁撤劉玉龍開花礮隊一營均調防江蘇分駐沿江

奏稿二十二

三

南北岸礮臺並分紮上海及吳淞海口之武毅右軍五營駐防徐宿之馬隊五營統歸淮勇軍需案內彙冊請銷今自光緒二年正月起到是年十二月底止列為第五案所有營哨官弁員名勇夫總數征防處所先經造冊分咨軍機處戶兵二部備查至陸軍水師各營所支薪費口糧正雜各款並柴薪斤重價值駝騾喂養均循前案楚軍營制並

奏定章程及准銷成案接續造報湖平折實庫平仍扣雜款一分平餘又馬隊倒補馬價係照紫內分營驛例價分別核給采辦製造工價水陸轉運糧餉軍火等項雇用手船夫工價腳核計斤重程途里數悉照軍需則例應屆准銷各案核實支發飭將截至光緒二年年底止收支細數分晰造報今據金陵報銷局司道詳稱舊管項下上屆截至光緒元年十二月底止實存銀七十三萬

三千五百一十七兩六錢有奇新收項下總計浙江四川兩省協餉並提撥湖北江蘇藩關釐局軍餉兩淮鹽釐及收回上屆登除歸天津海防支應局造銷洋軍火價值又江蘇留防軍需案內登除劃撥銀款同本案扣存平餘等項共銀三百六十八萬八千八百八十三兩六錢有奇內登除請銷補放各營光緒元年十二月底以前欠餉又附請專案

奏銷洋鎗礮隊教習辛工並購買外洋軍火價值金陵暨天津行營機器製造二局工料用款等項共銀六十萬三千五百九十五兩七錢有奇外實計收用銀三百八十八萬六千一百八十三兩有奇開除正雜各款遵照部議酌定軍需報銷章程各歸各部核銷計應歸戶部核銷銀二百八十三萬八千五百二十六兩五錢有奇應歸兵部核銷銀五萬五千八百九十八兩有奇應歸工部

奏稿二十二

三

核銷銀一十二萬六千九百九十六兩六錢有奇統共請銷銀三百一十二萬一千四百二十一兩二錢有奇應存銀七十八萬四千七百五十九兩一錢有奇已接支光緒三年正月准淮軍馬步水師營哨正雜餉項並購製外洋軍火器械價值工料等用歸於後案舊管項下滾接造報等情具詳請

奏前來臣查淮軍分調直東江蘇等省沿江海口外壯聲勢內備緩急實為緊要防務此次造報馬步水師各營勇丁遵照部咨開報花名清冊正雜款項概發湖平折實庫平報銷仍扣雜款一分平餘均係循照應辦成案實用實銷並無絲毫浮冒除將細冊分咨各部並飭將以後用款趕緊接續清理造報外所有光緒二年正月起截至是年十二月底止淮勇軍需收支款目造冊報銷緣由謹會同南洋通商大臣兩江督臣沈葆楨專摺具

奏前繕清單恭呈

御覽伏乞

皇太后

皇上聖鑒謹

奏

奏稿三十二

垂

淮軍交涉洋務報銷片

光緒四年八月二十九日

再查淮軍各營洋鎗礮隊教習通事工匠人等辛工天津行營機
器製造局工料及購買外洋軍火等項截至光緒元年十二月底
止金陵機器局用款截至光緒元年十月底止業經附

奏准銷在案今自光緒元年十一月二年起統截至二年十
二月底止淮軍各營洋鎗礮隊教習通事工匠人等辛工礮費等
項銀五萬八千八百五十七兩五錢有奇購買外洋新式鎗礮車
架箱具子彈門火等價銀三十六萬一千一百四十二兩有奇金
陵暨天津行營機器製造兩局委員薪糧工料建修廠屋用款等
銀一十八萬三千五百九十六兩一錢有奇以上總共請銷銀六
十萬三千五百九十餘兩茲據該司道等按款復加查核均係奉
文覈實飭發並無絲毫浮冒另造細冊詳請附

奏稿三十二

請

奏前來臣查前項各營洋鎗礮隊教習通事工匠人等辛工購買
料物洋軍火價值各款皆與洋人交涉無例可循仍應照案據實
請銷除將細冊咨送總理衙門戶兵工部查核外伏乞
聖鑒謹附片具

奏

謹將光緒二年正月起截至是年十二月底止淮勇軍需案內收支正雜各款繕具清單恭呈

御覽

計開

舊管

一上屆淮軍第四案軍需截至光緒元年十二月底止實存銀七十三萬三千五百一十七兩六錢二分四釐一絲八忽六微八纖

新收

一收浙江省協餉共撥解銀六萬兩

一收四川省協餉共撥解銀九萬兩

一收湖北軍需局共提撥沙平銀一十一萬兩共合湘平銀一十萬九千九百二十三兩

一收湖北江漢關共提撥四成洋稅庫平銀二十二萬兩合共湘平銀二十二萬七千五百六十八兩

一收湖北江漢關共提撥六成洋稅關平銀三十三萬兩共合湘平銀三十三萬五千五百四十四兩

一收蘇州藩司庫共提撥銀一十六萬五千兩

一收江南海關共提撥銀六十萬兩

一收江蘇捐釐總局共提撥釐捐銀一百七萬一千二百九兩二錢二分八釐八毫一絲

一收鄂岸鹽釐共提撥銀一十五萬八千五百一十二兩二錢五分六釐一毫一絲二忽五微

一收湘岸鹽釐共提撥銀三萬六千四百兩

一收西岸鹽釐共提撥銀四十七萬九千五百六十八兩九錢七

分七釐五毫

一收皖岸鹽釐共提撥銀九千七百三十三兩六分

一收回上屆淮軍第四案登除撥歸直隸省海防支應局入收購買洋軍火價內除歸該省收銷外計撥還其銀三十六萬五千四百七十九兩九錢一分二釐九毫五忽

一收江蘇留防軍需報銷第五案內登除撥歸銀二千九百五十五兩一分二釐八絲一忽

一收本案轉運價腳采辦製造等項共扣存平餘銀一千五百一十五兩五分三釐一毫九絲五忽七微四纖

以上管收二項共庫平銀三百七十七萬二千九百四十一兩六錢二分四釐六毫二絲二忽九微二纖

湘平銀六十七萬三千三十五兩折合庫平銀六十四萬九千四百五十九兩六錢一分五釐九毫四絲一忽三微二纖

共計庫平銀四百四十二萬二千四百一兩二錢四分五毫六絲四忽二微四纖

登除項下

一附列本案專冊請銷補放淮軍各營光緒元年十二月底以前欠餉銀一萬二千六百二十五兩六分九釐四毫八絲九忽

一附列本案第一冊請銷淮軍各營洋鎗礮隊教習通事人等辛工儼費等項銀五萬八千八百五十七兩五錢五分一釐八毫六絲七忽

一附列本案第二冊請銷購買外洋軍火等項價值銀三十六萬一千一百四十二兩七分一釐八毫四絲七忽

一附列本案第三冊請銷金陵天津行營機器製造各局委員薪

糧工匠工食購買料物建修廠屋用款等項銀一十八萬三千五百九十六兩一錢六分八釐四毫四絲七忽

以上登除並附列請銷各款其庫平銀六十一萬六千二百二十兩八錢六分一釐六毫五絲

實計收用庫平銀三百八十萬六千一百八十三兩三錢七分八釐九毫一絲四忽二微四纖

開除

一第一冊請銷准軍駐防直隸省天津保定馬步各營統領營哨官弁勇夫薪糧等項內歸戶部核銷薪費口糧馬乾等項銀一百一十萬一千五百七兩八錢六分六釐一絲二忽兵部核銷倒補馬價銀一千七百一十九兩五錢七分九釐二毫七絲二忽

奏稿三十二

卷

弁勇夫薪糧等項內歸戶部核銷薪費口糧馬乾等銀五十四萬九千一百四十四兩八錢九分三釐九毫四絲九忽兵部核銷倒補馬價銀三千一十兩七錢一分一釐一毫八絲四忽

一第三冊請銷准軍駐防江蘇省馬步各營統領營哨官弁勇夫薪糧等項內歸戶部核銷薪費口糧馬乾等銀九十六萬三千八百七十兩六錢三分四釐一毫七絲九忽三微兵部核銷倒補馬價銀六千八百兩一錢五分四釐三毫九絲五忽四微

一第四冊請銷督標水師各營哨官弁勇丁薪費口糧等項係歸戶部核銷銀七萬八千三百二十三兩七錢一分三釐二毫一絲

一第五冊請銷隨營辦事支應各差文職官員薪糧等項係歸戶部核銷銀一萬八千八百三十一兩四錢一分九釐四毫七絲三忽

一第六冊請銷隨營先鋒差遣武職官弁薪糧等項係歸戶部核銷銀一萬八千六百一十九兩八錢九分七釐七毫一絲三忽

一第七冊請銷准軍馬步各營柴草斤重價值係歸戶部核銷銀七萬七千六百六十三兩九錢七分九釐七毫三絲五忽

一第八冊請銷准軍馬步各營駝騾購車喂養車輛雇價等項內歸戶部核銷駝騾購車喂養銀三萬五百六十四兩一錢二分二釐三毫五絲八忽兵部核銷車輛雇價銀一萬六千三百八兩一分八釐九毫一絲三忽

開除

一第九冊請銷准軍各營哨官弁勇夫故卹賞係歸兵部核銷銀三千五百三十二兩七錢六分七毫八絲四忽

奏稿三十二

卷

一第十冊請銷各臺局所水陸轉運餉械車價水脚夫役工食等項係歸兵部核銷銀二萬四千五百二十六兩七錢七分八釐七分三絲二忽

一第十一冊請銷采辦物料製造軍裝器械工價並油船船隻經費等項係歸工部核銷銀一十二萬六千九百九十六兩六錢九分一釐九毫五絲六忽

以上第一冊至第十一冊止其歸戶部核銷銀二百八十三萬八千五百二十六兩五錢二分六釐六毫二絲九忽三微兵部核銷銀五萬五千八百九十八兩三釐二毫八絲四微工部核銷銀一十二萬六千九百九十六兩六錢九分一釐九毫五絲六忽

統計十一冊共請銷銀三百一十四萬二千四百二十一兩二錢二分一釐八毫六絲五忽七微

實在

存銀七十八萬四千七百五十九兩一錢五分七釐四絲八忽五微四纖

查前項實存已接支光緒三年正月准軍馬步水師營正雜款並購製軍火器械工價等用歸於後案舊管項下滾接造報理合登明

一光緒二年正月起截至是年十二月底止共欠發准軍陸勇水師各營餉銀四十六萬三千三百五兩六錢六分二釐六毫五絲一忽

查前項欠發續有補給另歸後案專冊開報理合登明

奏稿三十二

奏

查直隸賑款不敷展收直隸賑片加價補道

奏為直隸賑款不敷展收直隸賑片加價補道

聖鑒事竊臣欽奉七月二十六日

寄諭國子監司業汪鳴鑾奏直隸災區賑款不敷尚鉅請令長蘆

鹽商將每斤加價二文捐出一年助賑其加價准予展限一年於

該商毫無所損實為有益之款等語直隸賑務未竣需款孔亟自

應趕緊籌畫著李鴻章按照該司業所陳迅速籌議具奏等因欽

此遵查直省自去秋至今辦理賑撫需用繁巨除撥濟捐濟外皆

係設法暫行借墊現在雖有秋成而借墊之款不少善後之用尚

繁必須妥籌歸補接濟汪鳴鑾擬推展蘆商賣鹽加價令其分年

交足以為歸還原借賑款及水利積穀等用洵屬有裨大局與臣

意見略同惟各岸賣價向未一律照加若交限過促銀數較多

亦無以紓商困當飭運司如山詳細籌議據該司詳稱長蘆直

岸引鹽前經奏准加價二文係因成本太重商累太深稍資津貼

與從前加價濟餉之案情事攸殊原議自同治十三年六月起至

明年五月底五年限滿惟自加價以來初則灘鹽失收買價昂貴

繼則直隸大旱河道淺涸運腳倍增且戶口流亡確鹽徧地官引

幾至停秤而一二般賣商家頻年在津捐銀捐穀施粥施餅未嘗

稍遺餘力此次賑案復於通綱另捐銀八千兩議明按引攤扣以

有限之加價實不能補無盡之虧賠是以愈累愈深有岌岌可危

之勢查加價原案聲明五年後察勘停止今當大賑之後流亡未

盡歸復銷數尚不可知又有去今兩屆因災展緩之課須分年按

成帶繳揆度商力必難稍紓即無籌還賑款之舉亦未能停止加

價至汪鳴鑾原奏謂歲銷四十餘萬引可得加價銀二十萬兩係
統直豫鹽引一律加價而言其實此項加價豫引不在內直引
每年出庫不過二十餘萬道而實銷之鹽又非盡能加價一則產
確之區百姓貪賤買食若官鹽加價勢難敵私一則累商運鹽到
岸諸債蠟集往往減價求售以圖迅速統計每年所得無幾即直
豫各岸原有之軍需加價豫岸原有之榮工加價亦不能一律照
加是以商皆目為攤捐多已有名無實自道光二十八年清查
以後凡商虧空課幣全責現商分攤交款已形喫重若再令驟
捐巨款商力未逮轉於課幣有妨該司悉心酌核擬將此項直岸
加價自明年五月限滿後請予照案展限五年無論其能否照加
尚價每年責令各商繳銀二萬兩五年共合十萬兩必須隨引呈
交不准稍有延欠以為彌補直賑不敷之款按春秋兩關報撥如

奏稿二十二

呈

此酌量辦理賑款可期有商力不致過窮而民間所加買價每
人每月僅止一文有零亦無妨礙等情具詳前來臣查該司所詳
皆係實在情形所擬辦法亦尚平允相應仰懇

天恩俯准照辦以裨賑項而恤商艱理合恭摺陳伏乞

皇太后

皇上聖鑒訓示謹

奏

光緒四年六月二十九日

奏為長蘆各岸災荒引鹽運艱銷滯請將本屆正課酌照上年成
案分成緩徵恭摺仰祈

聖鑒事竊據長蘆通綱商人屢以本年春夏運艱銷滯正課力難
全完呈請調劑當經行司籌議詳辦茲據運司如山詳稱蘆岸引
鹽向賴春秋兩運其銷借則以醬秋菜秋為大宗春運濟醬秋之
用秋運濟菜秋之用而醬菜兩秋銷數多寡總以歲時豐歉為憑
上年直豫大旱成災冬春又少雪雨禾麥兩季失收今歲春夏荒
狀益甚閭閻愈形敝廢岸災重之區如直省之河開豫省之彰
德衛輝懷慶各屬人民轉徙流亡十居七八官引幾至停秤其次
重之區如直省之保定正定大名順德廣平深州冀州定州趙州
易州豫省之開封陳州南陽許州各屬久旱以後糧價日昂酌鹽

奏稿二十二

呈

徧地貧民取土煎售餬口富戶貪賤買食勢難嚴申厲禁因而官
鹽銷數大減即情形較輕及並未被災之順天永平遵化各屬當
春開築運之際正值直晉豫三省賑糧並江浙海運漕米同時抵
津分路轉輸急如星火各河船隻稀少無不擱阻居奇六月間漕
務告竣賑運稍鬆始得雇船運鹽由灘赴坨由坨赴岸盤生運熟
擬轉需時是以醬秋失售日下雖有秋成但流亡未盡歸來荒蕪
未盡墾種欲如平時之暢銷實無把握蘆屬直豫引岸一百八十
餘處今年自二月春關起至秋關八月止過關之鹽僅八萬七千
七百五十三道較之去年短至一半較之前數年則相去懸遠歲
荒商困情形實非尋常可比蘆商本已疲累遭此奇災重形竭蹶
若按各參差懸岸愈多轉致課款無著且課從鹽出既極滯銷勢
難責完全課自應分別情形輕重酌予調劑查上年正課係分成

緩徵將應緩者分作三年或五年帶徵其時運庫向可墊解京協
 各餉今已羅掘一空無可再墊若照上屆成案分作三五年帶徵
 為期較遠亦非慎重餉需之道該司悉心酌核除直隸懸岸細運
 並官辦各岸不計外擬將情形最重之直省河間豫省彰德衛輝
 懷慶四府屬認辦額引各商本年十月奏銷應完光緒二年正課
 銀八萬六千七百十六兩五錢二分九釐先徵二成其餘八成緩
 至明歲醬秋菜秋後分作兩次補徵情形次重之直省保定正定
 大名順德廣平深州冀州定州趙州易州豫省開封陳州南陽許
 州十四府州屬認辦額引各商應完正課銀十八萬三千四百九
 十八兩二錢三分九釐先徵四成其餘六成緩至明歲醬秋後補
 徵順天津遵化三府州屬認辦額引各商應完正課銀七萬八
 千二百四十六兩一錢九分九釐先徵八成其餘二成緩至明歲
 將秋後補徵至本年長蘆奉撥各餉除榮工加價另案徵解不計
 外應解京餉銀二十五萬兩吉林黑龍江打牲烏拉等處餉銀七
 萬三千一百四十六兩八錢四分一釐七毫現按先徵二成四成
 八成核計其應徵銀十五萬三千三百三十九兩五錢六分屆時
 徵起除完解吉林黑龍江打牲烏拉等處餉需以贖邊軍外尚餘
 銀八萬一千九百九十餘兩先於年內解交部庫兌收下短京餉銀十
 六萬九千八百餘兩統於明歲備菜二秋補徵報解如此分別辦
 理商力藉可稍紓京餉不致懸細等情具詳請
 奏前來臣查農民以力田供賦雖商以行鹽納課田失收成則必
 緩賦以恤民鹽難運銷亦須緩課以恤商是以從前水旱災傷疊
 奉 恩旨緩課有案慮商因難認課幣利交款加重成本倍增且

值頻年災歉本有積重難返之勢今大旱之餘運艱銷滯更甚於
 前自春關至秋關僅運鹽八萬七千餘包實為歷來所未有該司
 擬將本屆應完正課酌照上年成案分成緩徵又恐緩徵之期較
 寬課款日久延宕議以明年醬秋菜秋為限以期京餉不致懸細
 於恤商之中仍不失慎重餉需之意尙能兼籌並顧舍此亦無以
 保全釐綱大局相應仰懇
 天恩俯准照辦藉紓商困理合恭摺具陳伏乞
 皇太后
 皇上聖鑒訓示謹
 奏

奏稿三十二

四

李文忠公奏稿卷三十一

李文忠公奏稿

卷之三十三目錄

京外捐賑河開片 光緒四年九月二十六日
 部北賑改賑片 光緒四年九月二十六日
 光緒二年賑賑數摺 光緒四年九月二十六日
 直隸防勇難議裁減摺 光緒四年九月二十六日
 鄭藻如請簡關道摺 光緒四年九月二十六日
 定陵工程請款摺 光緒四年十月初七日
 奉撥馬匹散給河開耕農片 光緒四年十月十八日
 機器局經費奏報摺 光緒四年十月十八日
 撥濟吉林洋鎗片 光緒四年十月十八日
 查覆開州民埵漫口情形片 光緒四年十月十八日
 抵還閩省京餉請緩解片 光緒四年十一月初五日
 蘆綱積引減新銷舊摺 光緒四年十一月初五日
 調區調員回華摺 光緒四年十一月二十四日
 經理練餉人員請獎摺 光緒四年十二月初五日
 山海關局稅留抵防餉片 光緒四年十二月初五日
 鄉試仍復巨字號摺 光緒四年十二月初五日
 庫防調兵請緩辦摺 光緒四年十二月十一日
 奏保李金鏞片 光緒四年十二月十三日
 南運河撥款請給八成片 光緒四年十二月十三日
 近省隄河工費摺 光緒四年十二月十三日
 長蘆積欠展限停徵摺 光緒四年十二月十三日
 考察堪勝專閩各員摺 光緒四年十二月十九日

滿蒙官民捐助耕牛請獎摺 光緒四年十二月十九日
 查宗仁留直片 光緒四年十二月十九日

奏稿三十三目錄

李文忠公奏稿卷三十三

全集一之三十三

桐城吳汝綸編錄

京外捐賑河開片

光緒四年九月二十六日

再前因河開府屬受災最重饑民甚多必須廣籌賑濟當經奏派翰林院編修吳大澂直隸候補道盛宣懷分發補用同知李金鏞前往督同地方官紳認真查辦由臣先後撥給漕米雜糧十四萬餘石借撥庫款銀八萬五千兩核計不敷尚鉅又與吳大澂等籌商告助據兵部侍郎夏同善集捐銀九千九百九十一兩三錢順直京外各員公捐銀一萬兩編修張之洞戶集捐銀一千五百六十兩國子監司業汪鳴鑾集捐銀一千兩修撰洪鈞集捐銀五百兩編修費延釐集捐銀一千兩江蘇巡撫吳元炳捐銀一千兩署福建巡撫船政大臣吳贊誠捐銀五百兩湖北提督李長樂捐銀六百兩福建陸路提督唐定奎捐銀一千兩直隸正定鎮總兵吳長慶捐銀一千兩江西候補道胡光墉捐銀一千五百兩又集捐銀三千兩前直隸臬司黎兆棠捐銀一千兩新任臬司丁壽昌捐制錢三千串銀二百兩江蘇常熟縣紳富公捐銀一千七百六十九兩八錢以上皆由吳大澂告助經收者盛宣懷捐制錢四千串又集捐銀一千兩洋銀一千元制錢五百串李金鏞勸募上海廣東浙江各善堂會館集捐銀二萬五千三十兩制錢一萬五千串上海沈陽江陰紳商集捐銀一萬九百六十兩其計捐款銀七萬四千二百一十一兩洋銀一千元制錢二萬二千五百串連本地富捐及洋人捐款均經查戶核實散分作籽種口糧並旁及武邑南皮等縣俾各屬災黎自春徂秋藉資接濟農田亦得收成實屬保全不少京外諸臣公忠體

國力籌鉅款共救沈災洵足推廣

皇仁風勵薄俗微臣感幸尤深在諸臣實心為公皆稱不邀獎敘

但災區沾茲大惠活人無算未便墮於

上聞仍應各按捐數查明紳商集捐各名數查照直隸賑捐章

程分別請獎移獎以仰副

朝廷旌功勸善至意所有河開府屬賑案收過京外集捐數目理

合附片具陳伏乞

聖鑒訓示謹

奏

奏稿三十三

二

祁兆熙改獎片 光緒四年九月二十六日

再前於光緒二年五月兩江督臣沈葆楨會同臣恭摺
奏保辦理幼童出洋肄業滬局事竣出力人員請獎單內有廣東
試用同知祁兆熙請以同知仍留廣東歸候補班前先用旋准
吏部議以局務出力人員祇准保舉升銜加級如保奏官階班次
概行議駁行令另核奏獎等因臣查祁兆熙前經札委招募三四
批江浙幼童並護送赴美國肄業往返重洋備歷艱險實屬勞勩
卓著與尋常局務出力人員有間惟前請班次既經部駁自應照
章改獎合無仰懇
天恩俯准將同知祁兆熙
賞加知府銜俾昭激勸其餘部駁各員容俟查明分別奏請外理
合會同南洋通商大臣兩江督臣沈葆楨附片具陳伏乞

聖鑒訓示謹
奏

奏稿三十三

三

光緒二年賑撫實數摺 光緒四年九月二十六日

奏為查明光緒二年旱災籌辦賑撫案內收支米糧銀錢棉衣實
數照案開單彙報恭摺仰祈
聖鑒事竊照同治十一二兩年順直各屬被水成災所有賑撫
並以工代賑收支各款前於光緒元年十一月開開單彙報請照
奏准成案免其造冊奉
旨戶部知道單併發欽此欽遵在案光緒二年順直各屬被旱成
災欽奉
恩旨飭撥部款銀十萬兩並經臣會同順天府尹奏准截留東漕
奉糧六萬七千餘石一面籌勸官紳商富量力捐助暨設法勻湊
庫款賑濟窮黎除部款撥歸順屬銀三萬兩由府尹奏報外其天
津籌賑局列收米糧棉衣銀錢隨時撥發各屬工賑之需自應查
明開報查光緒元年十一月奏報案內尚存銀八千六百七十九
兩四錢三分一釐六毫八絲五忽六微連此次新收共合大米六
千四百九石零粟米七萬八千六百四十四石零雜糧四千九百八
十二石零銀四十萬六千八百零六兩零錢六萬七千九百八十八
兩零錢五分五厘一毫一絲一忽一微除支銷外尚餘大米五百石粟米二千
五百三十八石五斗銀一萬五千四百三十三兩二錢七分二毫四絲
七忽六微棉衣三千五百九十四件均歸光緒三年賑撫案內動
用此外大名縣設立粥廠動用倉穀一千九百五十八石二斗七
升九合元城縣設立粥廠動用倉穀二千九百三十八石九合
州設立粥廠動用倉穀八千石已捐還三千三百九十六石三斗
六升長垣縣查戶散放借動倉穀二千一百三十石平鄉縣查戶
散放借動倉穀一千二百石慶雲縣查戶散放動用倉穀三百十

奏稿三十三

四

五石四斗無庸由局列作收支據籌賑局司道開單具詳前來臣查直隸嘉道年開辦賑皆照定例各給兩箇月三箇月口糧奉撥銀米每至百數十萬近因帑藏支絀撥款無多連集捐各款亦不過從前十之三四勢難照例給賑故必變通章程賑其老弱殘疾而令少壯者藉工備趁以期一舉兩得所有光緒二年賑撫均照上兩屆定章確查戶口核實撫卹災重則口少而糧多災輕則口多而糧少並擇地安設粥廠備收恤流民春融發給路費行糧遣散歸業由督飭官紳親自經理不假吏胥之手窮黎得沾實惠至以工代撫亦皆核實經營使強壯災民有餬口之資地方河渠獲善後之益臣復隨時隨事督同司道嚴密稽核凡工賑各款皆係實用實銷並無絲毫浮冒相應將收支實數照章彙開清單

奏摺二十三

五

御覽仰懇

天恩俯照歷屆奏准成案免其造冊以歸一律理合恭摺具陳伏

乞

皇太后

皇上聖鑒敕部知照謹

奏

謹將光緒二年旱災案內籌辦各屬賑撫收支米糧銀錢捐衣數目核實開具清單恭呈

御覽

計開

原存項下

一存銀八千六百七十九兩四錢三分一釐六毫八絲五忽六微

收數項下

一收截留東漕粟米五萬三千七百八十六石五斗二升五合七

勻

一收截留奉天粟米一萬四千六百八十一石二斗七升六合九

勻一抄內除同益順海船遭風沈失米一千七十一石月行辦理

外實收粟米一萬三千六百一十石二斗七升六合九勺一抄

奏摺二十三

六

一收天津水利局撥解同治十三年光緒元二兩年徵存場沽營

田租大米二百四十六石

一收官商捐賑大米五百石

又捐粟米一萬一千二百四十三石三斗六升一合六勺八抄

又捐雜糧四千九百八十二石六升五合

一收采買大米五千六百六十三石三斗三升六勺六抄

一奉部撥銀十萬兩除撥賑屬三萬兩實收銀七萬兩

一收支應局津郡釐金銀二萬八千九百八十四兩六錢六分五

釐一毫二絲

又收練餉生息銀一萬九千八百二十二兩三錢五分七釐四毫

一絲八忽

一收練餉局撥銀六千六百五十八兩七錢一釐八毫

一收捐款銀二十一萬五千七百三十二兩九錢六分八釐六毫
 五忽六微
 一收出糶粟米二萬八千六百五十一石九斗二升六合九勺一
 抄合價銀五萬七百三十三錢四分六毫一絲六忽
 一收捐款津錢六萬七千九百八十八兩二百八十八文
 一收捐棉衣二萬五千五百三十件
 以上原存新收共大米六千四百九十三斗三升六勺六抄
 粟米七萬八千六百四十四石一斗六升四合二勺九抄
 雜糧四千九百八十二石六升五合
 銀四十萬六千八百八十四錢二分九釐二毫四絲五忽二微
 錢六萬七千九百八十八兩二百八十八文
 棉衣二萬五千五百三十件
 支銷賑撫項下
 一天津縣貧民一萬六千九百八十六戶共大小折成三萬九千
 一百七十口半冬春兩撫計發大米一千四百四十七斗八升三
 合四勺六抄粟米一千五百七十七石四斗八升一合二勺八抄雜
 糧四千五百石九斗采買高粱銀二千五百九兩四錢五分六釐
 棉衣六千三十四件
 一靜海縣貧民四千六百七十二戶共大小折成一萬三千七百
 八口半計發春撫銀二千兩
 一青縣貧民四千八十四戶共大小折成一萬一千五百四十七
 口計發粟米一千石春撫銀一千兩
 一滄州貧民二千五百七戶共大小折成六千八百九十口計發
 粟米一千五百石春撫銀一千兩

一南皮縣貧民一千二百七十七戶共大小折成七千五百十三
 口半計發粟米二千五百石銀一千兩
 一鹽山縣貧民三千七百一戶共大小折成一萬二千四十三口
 半計發粟米一千石春撫銀八百九十九兩一錢六分
 一慶雲縣貧民一萬二千七百八十八戶共大小折成三萬三千九
 百四十四口計發冬春撫粟米三千二百二十五石五斗五合七
 勺運腳經費津錢五千七百二十兩
 一河間縣貧民五千六百五十九戶共大小折成七千五百五十
 六口計發冬撫銀一千五百兩
 一東光縣貧民六千八百三十二戶共大小折成二萬六千七百
 七十二口計發粟米二千石春撫銀一千兩
 一任邱縣貧民一萬四千二百三十二戶共大小折成五萬一千
 七百八口半計發粟米三千石
 一發甯津縣平糶粟米三千石
 一發吳橋縣平糶粟米二千石支用經費銀二百七十六兩二錢
 三分五釐
 一遷安縣三屯營米廠自二年十二月二十六日起至三年二月
 二十六日止共計折價散放大口二千八百九十四口發銀二千
 兩
 一盧龍撫卹二縣貧民二千九百五十三戶折成大口四千一百
 二十八口發撫銀二千兩
 一發大名縣賑濟經費銀三百七十二兩七錢五分八釐
 一發元城縣賑濟經費銀三百二十八兩二錢二釐
 一撥解順屬捐項銀二萬三千兩

一文大霸保等處災民八千五百六十戶折成大口二萬一百七十口發撫恤銀一萬兩

發光緒元年津郡粥廠經費銀一千八百兩

發采買大米五千六百六十三石三斗三升六勺六抄合價銀萬五百九兩七錢七分

一博野縣貧民一千三百七十戶折成大口三千六百二十二口發粟米五百石

一蠡縣貧民一千五十七戶折成大口三千二百六十口發粟米五百石

一雄縣貧民二千八百九十戶折成大口五千一百三十二口發粟米一千石

一高陽縣貧民一千四百四十戶折成大口三千四百八十口發粟米八百石

一任邱縣貧民五千六百九十五戶折成大口八千六十六口發粟米二千石

一省城米廠自二年十二月二十日起至三年二月底止折成大口五千六百十口至一萬二千三百口不等除動用倉米外計撥發粟米二千六百六十一石五斗

一領運賑米由津赴省共用腳價銀九百五十五兩五錢三分

一遷安縣粥廠自二年閏五月初八日起至七月初十日止折成大口一萬二千四百十六口至一萬四千三百二十口不等共用粟米五千二百六十五石三斗四升三合五勺高梁四百一石一斗六升五合

一灤州粥廠自三年三月初八日起至五月初二日止折成大口

一萬三千一百七十六口至一萬五千九百十口不等共用粟米五千九百七十八石一升八合一勺八抄銀一千兩津錢三千四百串

一高陽縣貧民一千二十二戶發籽種雜糧八十石

一發順天委員共領煮粥粟米五千四百石歸順天查報

一發天津府平糶粟米五千四百五十五石

一發天津縣平糶粟米一萬三千六百十石二斗七升六合九勺一抄

又平糶粟米四千六百二十六石六斗五升

一津郡城隍廟粥廠自二年十月初五日起至三年正月二十四日止每日收養流民計大小折成一千三百餘口至五千二百餘口不等共用大米四百八十石二斗七升五合粟米一千九百七十七石一斗九升七勺五抄搭蓋高棚購買柴薪銀二千五百五十七兩九分三釐八毫九忽九微棉衣三千九百件

又海會寺粥廠自二年十月初十日起至三年正月二十日止每日收養流民計大小折成五百八十餘口至二千三百餘口不等共用大米一百六十八石七斗五升粟米一千一百石搭蓋高棚購買柴薪銀一千三百三十七兩七錢五分三釐二毫七絲一忽三微棉衣一千三百四十件

又南大寺粥廠自二年十月十六日起至三年正月二十日止每日收養流民計大小折成五百餘口至一千四百餘口不等共用大米二百三十六石二斗五升粟米四百六十四石搭蓋高棚購買柴薪銀七百七十兩八錢六分四釐四毫九忽二微棉衣一千十八件

又如意庵粥廠自二年十月十七日起至三年正月二十四日止
每日收養流民計大小折成一千一百餘口至二千二百餘口不
等共用大米五十六石二斗五升粟米七百二十五石三斗五升
五合五勺搭蓋窩棚購買柴薪銀一千七十一兩八錢二分九釐
二毫二絲一忽六微棉衣一千四百件

又鄉祠粥廠自二年十一月十六日起至三年正月二十四日止
每日收養流民計大小折成七百餘口至一千二百餘口不等共
用大米一百一石二斗五升粟米四百五十五石六斗三升搭蓋
窩棚購買柴薪銀六百三十五兩八錢六分六釐五毫六絲五微
棉衣八百八十四件

又大悲庵粥廠自二年十一月十六日起至三年正月二十日止
每日收養流民計大小折成三百餘口至二千八百餘口不等共
用大米二百一石五斗粟米七百七石五斗搭蓋窩棚購買柴
薪銀九百八十六兩八釐三絲七忽八微棉衣一千五百二十件

又育黎堂粥廠自二年十一月十六日起至三年正月二十日止
每日收養流民計大小折成五百餘口至一千二百餘口不等共
用大米二百二十八石三斗七升五合粟米二百八十九石五斗
八升六合四勺九抄搭蓋窩棚購買柴薪銀四百二十九兩八錢
九分二釐二毫三絲二忽九微棉衣八百八件

又北大寺粥廠自二年十一月十九日起至三年正月二十日止
每日收養流民計大小折成六百餘口至九百餘口不等共用大
米一百一十二石五斗粟米二百五十三石五斗九升四合七勺五
抄搭蓋窩棚購買柴薪銀五百七十七兩七錢三釐八毫九絲二忽
三微棉衣六百八十九件

又玉皇閣粥廠自二年十一月十九日起至三年正月二十日止
每日收養流民計大小折成二百餘口至一千三百餘口不等共
用大米二百一十石九斗五升粟米三百六十七石三斗四升搭蓋
窩棚購買柴薪銀七百四兩三錢八分三釐五毫五絲二忽四微
棉衣一千八十件

又關家大院粥廠自二年十一月十九日起至三年正月二十四
日止每日收養流民計大小折成一千六百餘口至二千八百餘
口不等共用大米二百一石五斗粟米七百六十六石九斗四升二
勺五抄搭蓋窩棚購買柴薪銀一千三百一十五兩八錢七分七
毫八絲三忽五微棉衣二千二百件

又慶芳園粥廠自二年十一月十九日起至三年正月二十四日
止每日收養流民計大小折成一千一百餘口至二千餘口不等
共用大米一百一十三石三斗九升五合粟米二百三十石二斗五
升搭蓋窩棚購買柴薪銀四百八十一兩七錢二分七釐二毫九
絲七忽八微棉衣六百四十四件

又大佛寺粥廠自二年十一月十九日起至三年正月二十四日
止每日收養流民計大小折成二百餘口至一千一百餘口不等
共用大米一百一石二斗五升粟米二百六十九石八斗五升一
合搭蓋窩棚購買柴薪銀五百三十三兩五錢八釐八毫一絲四
忽九微棉衣四百九件

又西沽營粥廠自三年正月初十日起至二十四日止每日收養
流民計大小折成三百餘口至二千六百餘口不等共用粟米九
十四石六斗五升搭蓋窩棚購買柴薪銀二百四十四兩六錢七分
八釐八毫九絲九忽五微

一遣散各廠外來貧民共計大小折成二萬二千十一口用大米
 二千二百一石一斗盤費銀四千二百三十七兩四錢三分四釐
 二毫七絲四微又津錢八百八十一千五百文
 一遣散各廠貧民加撫極苦各戶其用大米八十九石一斗二合
 二勺
 支銷以上代撫項下
 一修築河間縣子牙河隄銀二百五十兩
 一修築天津縣賀家口隄銀九百四十六兩三錢五分
 一修築天津縣董家房橫埝銀五百兩
 一修築武清通州鳳河東隄並挑溝港銀二萬七千五百七十八
 兩五錢九分一釐五忽六微
 一修築文安縣蒼兒淀清河北岸隄埝銀三千二百兩津錢一萬
 九千四百十二串四百文
 一修築霸州清河北岸並運糧中亭等河隄銀二千一百兩津錢
 六千七百八十九串五十文
 一修築南皮縣北陳皮運隄銀一千兩
 一疏濬永定河下游曹家淀下口河道並買麻繩禦水銀六千六
 百十兩二錢
 一修築天津靜海一帶格淀隄銀四萬五千四百十二兩二分
 一修築天津鳳河東隄銀二千六百兩津錢一萬一千三百八串
 八百七十八文
 一修築文大引河兩埝除由順天府撥銀一千二百兩外由津局
 撥銀四千兩津錢一萬串
 一撈挖清河淤阻銀三百六十九兩八錢

一挑挖勝芳石溝河頭銀一千一百三十五兩一分六毫
 一修築靜海楊芬港上下游隄河銀五萬一千七百十七兩二錢
 一堵築霸州河隄漫口銀一千兩
 一挑挖大清河尾閘銀九千七百八十五兩四錢
 一修辦任邱縣疊道被水漫口並添建新橋銀五千七百四十二
 兩六分
 一修築任邱縣古洋河並麻家沽半截河等處隄埝銀四千十六
 兩五錢六分
 一修築河間郡城南關外新舊疊道大橋埝工土埝等項銀三千
 二百八十兩六錢四分六釐八毫
 一修築河間縣古洋河西隄銀四千六百二十三兩三錢六分七
 釐
 一修築清河尾隄銀八百八十七兩四錢
 一涿州城西普林莊拒馬河添砌石壩銀八百兩
 一修築天津南運河北岸石隄銀一萬七百六十五兩
 一修天津縣海河馬家口石隄月隄等項銀四千九百六兩三錢
 二分三釐
 一堵築饒陽縣千民莊隄口銀三千二十五兩
 一修任邱雄縣保定縣一帶千里隄趙王河隄清河隄並挖清河
 淤淺銀一萬六千一百五十八兩三錢五分八釐
 一修定州河隄銀二千兩
 一修安州河隄銀一千五百兩
 一修永平府城垣銀二萬八千五百九十三兩九錢九分四釐
 一修深州城垣銀一萬九千七百六十三兩三分

修濟寧縣護城堤等項銀二千兩津錢五百串	修平鄉縣城垣津錢九千八十六串三百八十八文	修交河縣南運河堤銀一千兩	修永年縣河壩銀一千兩	修高陽縣駱駝灣老隄口門銀二千兩	修蠡縣劉史村越隄護埝並齊家坊等隄銀三千五百兩	修博野縣程六市解村營登隄銀一千兩	修祁州沙頭等村隄段銀五百兩	雄縣堵築莊頭隄口銀一千五百兩	修任邱縣鄭州四鋪千里隄漫口銀三千兩	修吳橋縣王家淺運隄銀一千四百兩	修北運河木廠等處隄岸銀五百兩	栽種瀋州中亭河等隄柳株銀六百九十七兩五錢	修築楊柳青迤東南運河隄銀九百三十三兩三錢三分	挑挖淮漁淀西引河由北塘至陳家溝銀一萬一千三百二十四兩三錢四分二釐六毫	一修北運河王家務壩工銀一萬一千四百二十六兩九錢九分二釐五毫二絲	一修白龍潭廟宇銀五千七十一兩九錢五分七釐四毫一絲八忽
--------------------	----------------------	--------------	------------	-----------------	------------------------	------------------	---------------	----------------	-------------------	-----------------	----------------	----------------------	------------------------	------------------------------------	---------------------------------	----------------------------

以上共支銷大米五千九百九石三斗三升六勺六抄
粟米七萬六千一百一石六斗六升四合二勺九抄
雜糧四千九百八十二石六升五合
銀三十九萬六十五兩一錢五分八釐九毫九絲七忽六微

津錢六萬七千九十八串二百八十八文	棉衣二萬一千九百三十六件	大米五百石	粟米二千五百三十八石五斗	銀一萬五百四十三兩二錢七分二毫四絲七忽六微	棉衣三千五百九十四件
------------------	--------------	-------	--------------	-----------------------	------------

直隸防勇裁減摺 光緒四年九月二十六日

奏為直隸防勇營無幾察看情形難以裁減應請循舊辦理以重地方恭摺仰祈

聖鑒事竊本年五月間准兵部咨開會同戶部議奏各省防勇丁應酌量裁減以半年為限統裁十成之一等因奉

旨依議欽此業將臣部准勇裁減緣由專摺奏報在案查直隸提鎮各標練軍本係經制之兵抽練成隊原為整飭綠營拱衛畿疆

而設與勇營不同不在裁減之列其原有勇營前於軍務肅清後即經陸續裁撤僅留直隸義勝保陽步隊四營三哨及崇厚飭募

雲字馬隊兩營曾國藩飭募樂字馬步隊兩營三哨並將原留銘軍一哨改歸樂字營節制誠以幅員遼闊如大順廣津河等屬多

與豫東運界素為盜匪出沒之區永平廣接邊關宣化北鄰草地

時有馬賊充斥若僅恃練兵實屬不敷分布不得不酌留勇營分駐巡緝比年以來馬賊竄集雖無大股蠢動而數十人或百餘人

乘間竊發事所常有疊飭兵勇及時捕獲分別懲辦已至數百起之多地方藉以綏靜現在雲字營分駐鹽山慶雲及津北武清通

州一帶樂字營駐巡青靜滄南一帶直隸營駐巡河間府屬各州縣義勝營駐巡省北保陽軍駐巡省南此數處或盜賊最多或係

入京大道皆練兵所不能備及專恃該營壓緝捕當茲災歉之餘闕闕元氣未復匪徒勾結滋事在在堪虞必須加意防範況近

畿地面重要防勇僅八營有零分布各路已屬難周若再裁減勢必愈形單薄臣悉心酌度慮仍留該營哨分駐巡緝以資捍衛將

來歲事屢豐盜風漸息再行察看核辦據津省司道會同營務處具詳前來除將該營哨駐巡處所管帶員名月需餉項開摺咨送

戶兵二部外理合恭摺陳伏乞

皇上聖鑒敕部查照謹

奏稿三十三

六

鄭藻如請簡關道摺 光緒四年九月二十六日

奏為津海關道要缺照章酌保人員請

旨簡授恭摺仰祈

聖鑒事竊津海關道黎兆棠升任道缺前經臣奏委新授直隸臬司丁壽昌署理聲明俟遴選得人照章請補查該道專管中外交涉事件及新鈔兩關稅務責任綦重係衝繁疲難四字最要之缺天津為通商總匯之區近來洋務日繁統轄北洋需才佐理必期關道得人遇事相機籌助上下承接中外不致隔閡非熟悉洋情通達政體之員難以勝任同治九年新設此缺經吏部奏定章程應由臣於通省現任候補道員現任知府內揀員請調請補請升如一時無人准於摺內聲明酌保一二員請旨簡用前於同治十三年十月陳欽告病開缺經臣酌保江西候補道黎兆棠奉

補道黎兆棠奉

奏稿二十三

九

酌保江西候補

上諭直隸津海關道員缺著黎兆棠補授欽遵在案茲查直省道府中雖不乏賢能之員惟洋務條理繁多事體重大向來多未經辦實恐緩急難恃未敢稍涉遷就致貽貽誤自應照章聲明酌保查有存記海關道鄭藻如年五十二歲廣東香山縣舉人因軍務出力及成造船機器著績海保花翎遇缺儘先選用知府俟選缺後以道員儘先補用本年正月奉

上諭存記海關道候選知府鄭藻如著送部引見等因欽此旋即

赴部帶領引見並蒙

召見事竣出都經臣奏准留津差遣派辦洋務海防及營務處支應局事件查該員廉幹沈毅德器深厚識略因通前在上海綜理

機器局十餘年與洋人交涉已久深明機要熟習情形以之請補斯缺可期勝任相應仰懇

天恩俯念津海關道員缺緊要准以存記海關道鄭藻如補授庶

於時局有裨該員係不

旨存記海關道銜缺相當且甫蒙

召見出都無庸送部引

見所有照章酌保人員請

旨簡授要缺緣由理合恭摺具陳伏乞

皇太后

皇上聖鑒訓示謹

奏

奏稿二十三

三

定陵工程請款摺

光緒四年十月初七日

奏為

定陵等處添建營房工費直庫無款可籌請照原議由部另籌撥給恭摺仰祈

聖鑒事竊准戶部咨開

定陵

普祥峪萬年吉地

普陀峪萬年吉地暨

惠陵添建守護官兵營房估需工料銀三十五萬五千五百餘兩

議由直隸藩庫按照放款章程撥馬蘭鎮修辦等因當經行司

查核辦理茲據藩司周恆祺以此項工需向不由司撥給司庫亦

萬無款項可籌具詳前來臣查此次添設執守護官兵營房仿

照八旗內務府現建營房規模一體建蓋原為

陵工特辦之事與尋常綠營備建兵房規制既大小不同需費亦

繁簡迥異是以馬蘭鎮與工部原奏皆請由戶部籌款發給而戶

部謂係綠營兵房應由司庫撥款臣仍司詳細檢查向來

陵廠添建營房無論旗營綠營皆無由司撥銀案據僅有地方綠

營借餉修理營房之案其所借銀兩仍於該營應領餉內分年

扣還至馬蘭鎮官兵專司守護差務極煩口分極少若令照章借

餉修理斷無能分扣三十餘萬巨款之理必須另行籌撥以示體

恤此工關係緊要如果直省有款可籌亦斷不敢稍分畛域無如

司庫萬分支細實係力難兼顧直省本缺額之區每年糧賦若照

額全徵計抵出款尚不敷銀三四十萬兩近歲營遭災歉彌裕類

仍上屆早荒尤重去年下忙今年上忙及陳欠糧租節欠奏蒙

恩旨豁緩又須另籌賑濟各庫早經羅掘一空時設法挪借之款不少現在僅指下忙錢糧除秋禾被水災歉彌緩外約可徵銀六十餘萬兩而應發本年秋冬季

東陵

西陵各部員役並通省旗綠各營官兵額支俸餉以及各衙門廉

俸役食年例緊要各款約共需銀一百餘萬兩刻下各處紛紛催

領急如星火皆係必不可少之需萬難緩欠以入抵出實不敷銀

數十萬兩又有欠發存夏季俸餉等項尚未知從何設措且來年

春季俸餉有應於年前預發及籌備恭辦

穆宗毅皇帝

孝哲毅皇后梓宮永遠奉安大差又約共需銀四五十萬兩臣與

藩司再四商籌毫無頭緒慮莫名夫畿疆為根本重地向例額

支歲款不敷或

大差需款原准聲請撥濟臣深知部庫未充未敢請撥即近年疊

辦永定河漫口大工並此外加增之款如節次奉撥

惠陵工需及種樹經費添派守護

暫安殿官兵口分各項統計為數甚鉅亦無不設法勻湊誠以時

艱帑絀但可兼營即應協力惟當茲大變之後民窮財匱窘苦異

常轉瞬恭辦

陵差應支緊要各款多無指項尚有餘力再顧他用況此項特出

巨工本非司庫應撥之款惟有仰懇

天恩俯念直隸地瘠災困籌款萬難將馬蘭鎮承修前項營房工

料銀兩仍照該鎮及工部原議由戶部迅速另籌撥給以免貽誤

理合恭摺由驛具

奏伏乞
皇太后
皇上聖鑒訓示謹
奏

奏稿三十三

垂

奉撥馬匹散給河間耕農片 光緒四年十月十八日

再前因河間等屬災重之區耕田牛馬宰賣殆盡奏蒙
恩旨賞撥察哈爾牧羣孳生馬三千匹俾資耕作經都統臣穆圖
善飭據兩都太僕寺兩翼牧羣總管挑選齊備臣派記名提督楊
安典籌給口分盤費前往領解又經穆圖善親督挑驗足數皆係
驍壯堪用於八月二十一二十二二十三等日照數收領分批管
解前進徑至河間交該府札克丹驗收業據分撥河間阜城東光
獻縣交河景州六州縣災區按照稟定章程散給有地無力貧農
及時領用以廣
皇仁所有奉撥察哈爾馬匹全數領回散給緣由理合附片陳明
伏乞
聖鑒謹
奏

奏稿三十三

請

機器局經費奏報摺 光緒四年十月十八日

奏為天津機器局光緒二年三年分動用經費各款循案開單奏報恭摺仰祈

聖鑒事竊查天津機器局經費係奏明動撥津海東海兩關四成洋稅作正開銷截至光緒元年分止業經督飭局員將支銷款目查照歷屆成案開列清單具奏在案光緒四年七月間於遵旨議覆購製外洋軍火畫一辦法摺內聲明機器局歲銷用款向皆實用實銷開單奏報請仍照舊章以歸簡易每年成造各件撥用存留若干飭令按件詳晰聲明旋經總理各國事務衙門於議覆劉錫鴻條陳摺內奏明津滬兩局每年成造之鎗礮及各項經費除照章開單報部外仍令每年詳細知照該衙門一次以資考證奉

旨依議欽此欽遵各行在案臣查津局歷年以來次第開拓歷屆動用經費除撥製造工料外尤以購器建廠為鉅款光緒元年以後機器酌量添製廠庫間有增造需費漸少誠如總理衙門原奏與創始情形不同自應就動撥之款攷製成之數俾歸核實該局承造火藥銅帽拉火前後膛鎗子彈等項疊經迭臣飭營試驗與外洋新式比較無異且以水雷為海防要需於光緒二年四月延訂西士選募生童就局內添設電氣水雷局教練一切製成各種水雷應赴海口演試應手立效茲據會辦局務署津海關道丁壽昌記名道吳毓蘭詳稱接督卷內光緒二年三年分係升任津海關道黎兆棠候補道劉汝翼經辦計二年分製成洋火藥六十四萬三千餘磅銅帽四千二百餘萬顆林明敦士乃得鎗子九十四萬八千餘顆前膛開花礮彈大小六萬八千餘筒後膛礮鉛

來福礮彈二千餘箇各式拉火十七萬四千餘枝洋式鐵木大礮架暨車礮機等四十餘座三年分製成洋火藥五十八萬餘磅銅帽三千五百餘萬顆林明敦士乃得鎗子彈一百萬餘顆前膛大小礮彈五萬八千餘箇後膛礮彈四千餘箇各式拉火十八萬七千餘枝林明敦中礮後門鎗二百餘桿大小水雷五百餘具礮架及車礮機器二十座兩年以來製練礮水礮捲銅皮約四十餘萬磅添造各廠各營及輪船配修銅鐵器具數千件析之或一器而數百件其約七萬餘件動用經費上屆報銷案內原存銀二萬七千三百四十一兩九錢八分五釐九絲二忽存料約值銀十九萬三千兩光緒二三年分共領海關四成洋稅銀四十四萬五千六百八兩七錢五分三毫七絲七忽又收海防經費協款項下撥到銀三萬四千兩河南購藥繳價及吉林購鎗餘款銀四千五百十

一兩三錢八分四釐七毫計二年分支用銀二十七萬四千四百八錢九分五釐五絲一忽三年分支用銀二十一萬八千三百九兩五錢九分八釐五毫九忽仍存銀二萬三千九百七兩六錢二分六釐六毫九忽存料約值銀十五萬九千兩以上兩年用項本廠已工緊款鉅兼支應電氣水雷局挖河機器船行營製造局等處動撥較繁製成軍火撥用存留各件暨存儲物料逐項清釐款目相符委係撙節支用涓滴歸公並無絲毫濫用惟製造悉仿西法料件多屬洋產均無例價可循懇仍按照舊章開單請奏前來臣查升任道黎兆棠候補道劉汝翼前此經辦局務均能實事求是彈力致精以歲成軍火就成撥款項核之成數已較往屆加增其造價視臣昔在軍購自外洋者所省亦多近時西洋礮械愈出愈新即如後膛鋼礮螺紋內捲與光膛迥異其礮彈外包鉛壳

中設機織上安螺絲一彈動需數十約價十餘金該局如法仿製核價尙廉其餘逐項軍需均有裨海防實用供儲各省各軍之外復有存儲具徵該道等督率有方功歸實濟據詳各節臣覆加察核毫無浮冒相應援照向章繕具簡明清單恭呈

御覽合無仰懇

天恩敕部查照成案准銷除分咨戶工二部查照並遵

旨另造每年成件及撥用存留數目開列清冊咨送總理各國事務衙門備查外所有天津機器局光緒二三年分動用經費據實

開單緣由理合恭摺具陳伏乞

皇太后

皇上聖鑒訓示謹

奏

奏稿二十三

五

謹將天津機器局光緒二年三年分收支各項銀兩分別款目繕具清單恭呈

御覽

計開

舊管項下

一原存庫平銀二萬七千三百四十一兩九錢八分五釐九絲二

忽

新收項下

一收津海關陸續移撥四成洋稅庫平銀四十四萬五千六百八

兩七錢五分三毫七絲七忽

一收南北洋海防經費協款項下撥到長沙平銀三萬四千兩

一收河南省購用火藥繳價銀二千九百四兩七錢二分五釐

一收撥保定練餉代吉林省購鎗繳回餘款銀一千六百六兩六

錢五分九釐七毫

以上共收銀四十八萬四千一百二十兩一錢三分五釐七

絲七忽

開除項下

一給發采買外洋各式銅鐵鋼鉛油漆雜料及起運各項公司保

險輪船水脚駁價庫平銀十四萬九千一百三十五兩三錢九分

二釐三毫一絲六忽

一給發采買內地硝磺煙煤柴炭木植紅磚砂土等項起運船價

夫脚庫平銀十二萬七千八百六十九兩九錢七分五釐一毫五

忽

一給發建造電氣水雷局房屋南北局門水柵添造烤銅鑪房鑊

鉛爐房銅帽鎗子等庫購買磚灰瓦石及工匠等價庫平銀一萬
 七千二百四兩七錢九分二釐八毫八絲七忽
 一給發員弁司事人等薪水心紅紙張等項庫平銀三萬一千七
 百八十九兩一分二釐七毫
 一給發各廠洋匠薪水工食醫藥煤炭等費庫平銀二萬八千六
 百四十六兩四分一釐五絲八忽
 一給發仿造外洋機器火藥銅帽洋鎗子破彈拉火等項工匠
 學徒夫役及隨時添雇土夫木匠等工食庫平銀九萬九千七百
 六十三兩六分九釐三毫一絲七忽
 一給發天津行營製造局支撥物料雇募洋匠及鐵壳舢板巡防
 薪糧庫平銀八千九百八十三兩二錢三分一釐二毫八絲一忽
 一給發電氣水雷局華洋教習司事薪水學生局役等月費工食
 購買西書電氣等項庫平銀一萬三千五百六十二兩二錢六分
 三釐八毫一絲二忽
 一給發挖河機器船華洋各匠辛工支撥雜物等項庫平銀一萬
 一千四百十兩七錢一分五釐八絲四忽
 以上共支銀四十八萬八千三百六十四兩四錢九分三釐
 五毫六絲
 實在項下
 一存庫平銀二萬三千九十七兩六錢二分六釐六毫九忽

撥濟吉林洋鎗片 光緒四年十月十八日
 再前准神機營來咨請由天津機器局撥發吉林馬洋鎗五百桿
 步洋鎗一千五百桿並隨鎗配帶等件經臣查明津局前門洋鎗
 現無存儲
 奏請在上海購辦英國恩費而來福鎗於保定練餉項下動撥銀
 一萬一千兩作正開銷奉
 旨知道了欽此欽遵在案此項馬步洋鎗二千桿由上海機器
 局代購附輪船搭解來津光緒三年九月交吉林委員副都統銜
 花翎協領富凌阿等領運回省茲據天津機器局轉准上海機器
 局咨報恩費而來福步鎗一千五百桿連隨鎗配帶購價庫平銀
 七千三百九十九兩五錢一分一釐恩費而來福馬鎗五百桿連隨
 鎗零件購價庫平銀一千五百九十六兩七錢一分五釐三毫運
 津輪船水脚保險庫平銀一百五十九兩九錢四分一釐六毫又
 在津添製馬鎗佩帶五百副庫平銀二百四十六兩一錢七分二
 釐四毫計動撥保定練餉庫平銀九千三百九十三兩三錢四分
 三毫下餘銀一千六百六兩六錢五分九釐七毫歸天津機器局
 列入新收詳請具奏前來臣覆核無異理合附片具陳伏乞
 聖鑒敕部查照謹
 奏

查覆開州民埝漫口情形片

光緒四年十月十八日

再臣欽奉十月初三日

寄諭文格奏黃河北岸因上游民埝決口被水漫淹情形一摺直隸開州境內決口處所著李鴻章飭屬趕緊堵築該處被淹情形若何並著查明具奏等因欽此遵查黃河北岸自直隸開州下至山東張秋二百餘里向以金隄為保障蓋金隄為宋元舊制其址高窳可恃前年東省另於金隄之外臨河切近處所就斷續民埝培築新堤咨請直境一律照辦並願幫助民夫津貼地價隨據開州文武勸民自行接築埝工不過水小之年藉可約攔漫水俾保民田夫黃河水性湍悍不受拘束必須棄地與水寬留中洪資其蕩漾遙立隄埝然後可守今北岸復於金隄之外新築隄埝偏溜太近佔礙水道無論工程卑薄即使十分堅厚而欲強制奔突之

奏稿二十三

勢東歸狹窄之槽實係毫無把握文格本年四月八月間並具奏謂此等隄埝黃水隨到隨潰斷不足恃縱使勉力為之亦等諸脂鏤冰無憑奏效洵是確論今年秋汛甚旺九月十四夜水復陡漲開州安兒頭等處正當上游之衝是以潰決成口金隄以外村莊當時水深三四尺幸早晚田禾均經收穫麥多未種尙無大損臣以地既受水民力拮据當飭查勘情形分晰稟辦一而疏消漫水勸民趕種冬麥其無籽種者勸諭紳富分別糶借接濟現在直境東境漫水漸消據大順廣道黃槐森稟稱民埝逼近河流萬難防守若官為堵築徒費財力等語此埝本無關於大局又非官工官守自應察看民力勸令修堵以期水小之年略資塘護仍以金隄為北岸保障庶不與水爭地乃免偏窄決裂之虞除將該州被水村莊蠲緩錢糧事宜及應否撫恤俟勘議稟奏辦外所有

黃河北岸開州民埝漫口分別辦理情形理合據實覆陳伏乞聖鑒訓示謹奏

奏稿二十三

五

抵還閩省京餉請緩解片 光緒四年十一月初七日

再戶部奏催原撥本年京餉案內有天津關應解抵還閩省京餉銀二萬兩令於年內解京等因當經轉行遵照茲據津海關道鄭藻如詳稱近年津關稅收短少入不敷出所有應解抵還閩省京餉銀兩前經詳請奏咨緩解現值大稅之後稅收未旺轉詳封河徵存六成洋稅招商局稅無幾核計封河以後開河以前應撥海防練軍月餉本關稅務司薪水經費不敷甚巨又有續撥惠陵工程銀二萬兩向屬無從籌措實難代解閩省京餉請緩俟將來洋稅暢旺再行補解等情請奏前來臣查近年貨物滯銷稅項短絀歷經詳晰陳明現屆封河稅無可徵而額撥練軍月餉本關薪水經費不敷既巨又有續撥惠陵工款二萬兩未知從何籌措委難再顧他款應請將本年應

解抵還閩省京餉銀二萬兩緩俟洋稅暢旺再行補解俾資周轉理合附片具陳伏乞

聖鑒訓示謹奏

蘆綱橫引減新銷舊摺 光緒四年十一月初五日

奏為蘆岸因災橫引甚鉅擬暫行減新銷舊藉資補救恭摺仰祈聖鑒事竊據長蘆運司如山詳稱直隸兩省蘆岸現行橫引六十萬二千四百九十七道因引地大半疲帶每年實止銷四十餘萬道商人須包賠二十餘萬道之課眾所共知上年直隸大旱河水淺涸運路不通窮民轉徙流離道殣相望今年春夏荒災尤甚遂致銷數大減有僅銷額引三四成一二成者甚有停秤不售者除從前帶引不計外現查光緒三四兩年庫存未領及領而未運之引已積至八十萬一千餘道實為向來所未有大稅之後流亡未盡復業銷數斷難如前積引若此之多從何運售據通綱商人瀝情懇懇拯救該司以每年帶引二十餘萬道商人包賠課款已屬力盡筋疲若再將因災積引八十餘萬道責令認賠全綱將

致傾頽事理亦未平允且商本有限舊引既多未銷新引即無資告領與其互相牽制課運兩誤不如減新銷舊補救一時擬自光緒五年起將每年應領額引暫停二十萬道以四年為限即以積引八十餘萬道分年帶銷庶免愈積愈多不致課益虧而商益困

等情具詳前來臣查此次蘆岸受災甚重積引過多迥非尋常帶銷可比若仍責商人包賠課款力更不支該司擬以四年為限每年暫減新引二十萬道即將積引八十餘萬道分年帶銷係為調劑災岸保全大局起見合無仰懇

天恩俯准照辦以資補救理合恭摺具陳伏乞

皇太后

皇上聖鑒訓示謹奏

調區譯員回華摺 光緒四年十一月二十四日

奏為調回管帶幼童駐洋肄業人員請

旨優獎以示鼓勵恭摺仰祈

聖鑒事竊臣於光緒元年四月奏派工部候補主事區譯員出洋

會同原派委員容閣經理幼童肄業各事當即札委攜帶第四批

幼童赴美國哈富地方居住照料各童學習文藝查升任宗人府

府丞陳蘭彬原與容閣同派管帶學生常駐美國旋因總理各國

事務衙門議辦古巴招工章程檄調陳蘭彬回京維時以幼童肄

業事宜關係緊要遴派區譯員速往接辦由臣奏明請

旨敕下總理衙門暨工部仍照出差人員向例辦理如有成效從

優酌保以示鼓勵在案現陳蘭彬容閣均奉

命駐劄美日秘三國出使大臣已於九月初三日在美都呈遞

國書接陳蘭彬來函俟與美國外部商設金山領事辦有端倪即

須前往日秘兩國容閣來函呈請交卸駐洋肄業局務該局原派

總辦二員目下各童均已考進書院事務較少既有正副兩使駐

劄美國不能置此局於度外其總辦可酌量裁減俾事權歸一以

示責無旁貸比與陳蘭彬等往返商意見相同查有保升主事

內閣中書容增祥在美經營肄業充當教習已閱七年洋文洋語

具有規模風土人情亦所熟悉陳蘭彬等已就近奏調派充駐美

參贊若令兼任管帶學生必可得力參贊事務稍簡副使容閣既

常駐美京華盛頓參贊容增祥即可常駐哈富兩處鐵路相通輪

車往來朝發夕至哈富有事容閣可來相幫華盛頓有事容增祥

可暫去相助兩人素稱浹洽自無齟齬之慮主事區譯員已離原

衙門四年應仍調回工部當差該員遠涉重洋志趣堅卓督率各

生徒肄習洋學漸得門徑附入各書院益求精進著有成效自應

從優酌保以符原議惟該員係屬部曹核與吏部現定章程頗有

窒礙若照尋常勞績僅予加級升銜殊不足以資鼓勵其應如何

優獎之處伏候

聖裁所有調回駐洋人員仰懇

天恩從優給獎緣由謹會同南洋通商大臣兩江督臣沈葆楨恭

摺具陳伏乞

皇上聖鑒訓示謹

奏

皇上聖鑒訓示謹

奏

皇上聖鑒訓示謹

奏

皇上聖鑒訓示謹

奏

皇上聖鑒訓示謹

奏

皇上聖鑒訓示謹

奏

皇上聖鑒訓示謹

奏

皇上聖鑒訓示謹

奏

皇上聖鑒訓示謹

奏

皇上聖鑒訓示謹

經理練餉人員請獎摺 光緒四年十二月初五日
奏為經理練餉人員已歷十年著有微勞擇尤酌請獎敘恭摺仰

祈 聖鑒事竊查直省為 畿輔根本重地防範不容稍疏前於同治七年勅平臬捻各匪後

酌留練軍練勇分路布置扼要巡防並調駐熱河朝陽及北塘海

口所需餉乾等項係於省城設立練餉總所派委司道督飭委員

按月撥運支應其辦法與各軍糧臺無異同治九年庫倫防務喫

緊奉 旨酌調宣化鎮古北口練軍馳往設防維時回氛甚熾防餉急如

星火疊經預期籌撥派員運交張家口糧臺轉解兵食無誤寇燄

卒銷光緒二年又因奉天馬賊滋擾奉 旨調撥占北口練軍馳往助剿凡餉乾軍械子藥係運解奉省行

營往返數千里之遙加以關外荒涼伏莽未靖該委員等不避艱

險隨時設法運送使該軍無懸釜之虞馬賊亦次第剿滅現駐庫

倫奉天練軍尙未一律撤防且庫倫又須添調仍應源源運餉接

濟比年直屬地方頻遭水旱馬賊驟梟或數十人或百餘人乘閒

竊發均經各營兵勇分投捕辦得臻靜謐固由將士防勤得力亦

因糧餉轉運及時乃能踴躍用命查部定章程糧臺每屆二年准

將出力人員保獎一次計自同治八年設立練餉總所迄今已及

十年照章應保五次即後設之張家口糧臺專顧西北邊糧餉者

亦已奉 旨查保兩次臣仰體 朝廷慎重名器之意尙未將承辦各員照章請獎惟供應道省及

出防鄰省各軍餉需歷時至十年之久轉運僅提持籌核著有

勤勞未使其淹沒據司道具詳前來擬將尤為出力之候補班

補用知縣姚長齡周植瀛均請歸候補班前充補用候補同知朱

壽昶請俟補缺後以知府用先換頂戴候補知縣王華清請俟補

缺後以直隸州知州儘先補用河工試用州判吳保芳請俟補

後以知縣用州判用河工補用主簿錢青選請俟補主簿離任歸

州判班後加五品銜即用知縣吳傳斌試用知縣戴世文均請加

同知銜布政司庫大使唐應夔請加隨帶二級書識不論雙單月

候選從九沈文鈺請加六品銜仰懇 天恩俯准給獎以昭激勸理合恭摺具陳伏乞

皇上聖鑒訓示再周植瀛業經丁憂其勞績在丁憂以前例得列

保俟服闋到省後再歸候補班前充補用又吳保芳錢青選係河

工人員其勞績在本年七月新章以前亦應列保合併聲明謹

奏

山海關局稅留抵防餉片 光緒四年十二月初五日

再天津練軍洋鎗隊左後兩營前奉旨調赴奉天防剿所需月餉係由山海關應解北洋海防經費項下就近撥發並將該關第六十八結起部提招商局四成稅一併撥墊其不敷之數向由津局設法解給誠以奉省瘠苦邊防緊要兵難遽撤餉無可籌津局因稅短收餉源亦甚竭蹶實難全數勻濟不得不將該關招商局四成稅暫行留抵該省各軍防餉查此項四成稅每結不過二千餘兩前本全數撥充海防經費現准奏改提部庫奉省為國家根本重地與他處情形不同今以該省關稅暫借作該省防餉為數無多於部庫無甚出入而於奉省稍有裨助仍俟津軍撤回再飭將此項招商局稅四成統解部庫以符原議理合附片具

陳伏乞

聖鑒敕部查照謹

奏

鄉試仍復且字號摺 光緒四年十二月初五日

奏為順天鄉試宣化府屬文生請仍復且字號原額片四名恭摺仰祈 聖鑒事竊查順天鄉試宣化府屬文生向來片編且字號中額四名嘉慶七年將且字號四名歸入順天員字號合併取中惟歸併之後入場人多中式人少且或脫科道光十八年曾據生員郝瑞齡等請仍復且字號原額經前任順天學政臣以承德府屬每科考送入闈一百二三十人尙有中額三名宣化府屬考送入闈人數比承德多至倍餘自歸貝號中式較少未免偏枯查部復額旋准十九年六月間部覆應由直隸總督查明如果該屬入場人多中式人少必須改復且字號片額取中會同順天學政據實奏明辦理等因其時適值鄉試年分例不准條奏科場事宜而該屬士子亦迄未續請核辦本年六月間紳士刑部郎中魏元瑞等復以前情在部呈請並據文生王國彥稟由宣化府知府王袞詳請奏復且字號原額前來臣查宣化地處邊陲士習樸魯未能與通省文風一律是以從前片編且字號定額取中原係朝廷體恤寒賤曲予成全至嘉慶七年本因應試人多據紳士呈請加額以與定例不符遂奏請歸併通省合中乃自歸併以來應試之人益多取中之數益少如嘉慶三年戊午科五年庚申科六年辛酉科皆在未經歸併以前該屬應試之人止二百十餘名或二百二十餘名取中者各係四名嘉慶七年歸併之後人數自二百數十名漸增至三百數十名近且多至四百五六十名而取中不及四名並屢有脫科者亦由府綱屆末進卷稍後或致額滿見遺寒儒皓首窮經往往終身不得一第殊覺向隅儼因進取為

難遂致廢書不讀尤非造就人才之道自應准如所請仍復具字
號原額片中所自光緒五年己卯科鄉試為始以作士氣而順
輿情嗣後如遇

恩科廣額仍照承德府之例辦理此係復還該屬原額並非另
定新章亦與通省中額無礙理合會同順天學政臣何廷謙合詞

具奏

奏伏乞

皇上聖鑒敕部核覆施行謹

奏

奏稿二十三

庫防調兵請緩辦摺 光緒四年十二月十一日

奏為庫倫請調宣化練軍擬俟來歲春融察酌變通辦理恭摺

陳仰祈

聖鑒事竊臣欽奉光緒四年十一月十五日

寄諭英奎等奏哈拉河等處游匪尚多盜案疊出防兵太單難資

鎮撫察哈爾換防兵丁餉項不濟請准仍由直隸宣化練軍內酌

撥馬隊二百五十名赴庫更換察哈爾防兵仍歸五百名之數等

語著李鴻章如數酌撥派往等因欽此當經轉行欽遵籌辦旋據

宣化鎮總兵王可陞口北道玉珩以該處練軍無多現值冬防勢

難抽調且塞外嚴寒艱於前進稟請核辦前來臣查宣化鎮東鄰

熱河西通晉隴直接歸綏北抵察哈爾沙漠游牧邊疆環互實為

京北屏蔽沿邊內外時有馬賊窺伺出張家口至多倫廳六百餘

里游匪肆劫商旅嚴汛地處處緊要專賴該鎮練軍分撥布置

巡防始得安靜無事直隸原設練軍本為拱衛

京師以備緩急之用前因西路用兵庫倫防期喫重不得已借調

宣軍前往同治十二年正月奏奉

諭旨宣化練軍存兵無多捍衛畿輔歷地方未便再議抽調等

因欽此欽遵在案目下庫倫防務已鬆尚有宣化馬隊一營在彼

駐紮稍足壯聲威而資鎮撫若再於內地冬防緊要之時抽調馬

隊二百五十人前往則存營兵力益單實慮顧彼失此且塞外嚴

寒冰雪載道即勉強勻撥沿途水涸草枯馬亦無所得食臺站必

致苦累臣悉心酌度擬俟來年春融草長之際如哈拉河游匪已

經撫輯即無須往來征調之煩如必添調宣軍屆時察商情形再

酌撥馬隊百名飭哨隊等官督率前往即令現駐庫倫馬隊營官

譚興魁管帶約束以歸開易仍俟該處游氛稍戢即行撤回如此
變通分撥近畿地而不致遽形空虛庫倫邊境亦可藉資彈壓庶
幾兩無窒礙除先咨覆庫倫辦事大臣知照外理合恭摺由驛覆
陳伏乞
皇太后
皇上聖鑒訓示謹
奏

奏稿二十三

呈

奏保李金鏞片 光緒四年十二月十三日

再前因河開各屬被災最重待賑戶口甚多人力財力皆有不
及稔知江蘇無錫縣人選同銜分發補用同知李金鏞心存濟見
義必為遂檄飭該員即於南省勸捐酌帶司事來直助賑該員於
今春航海抵津與道員吳大澂盛宣懷馳赴災區會督地方官紳
分投查辦所有阜城景州東光故城武邑賑務由該員會商吳大
澂等實力經理自春徂秋不遑休息窮民既得口糧又獲籽種同
慶再生嗣因永定河漫口又飭赴被水之永清東安武清辦理撫
恤並以故城安平續被水災復勸蘇省紳士捐銀同往查放現在
尚未竣事除先後由臣撥給官項外統計該員陸續集捐銀六萬
餘兩上年江蘇海州沭陽山東青州武定等處被旱亦係該員勸
捐助賑活人甚多足見救災恤民樂善不倦著有成效李金鏞以
隔省紳員一聞直境災荒即不分畛域竭誠籌辦集捐至六萬餘
兩之多放賑至九州縣之廣出力至十月餘之久自備薪水盤費
不動公項絲毫賑款涓滴歸公災黎咸沾實惠且勸諭紳民開井
積穀以備凶荒又月行籌勸巨費於天津創設廣仁堂收養津河
兩府貧孩節婦安立久遠章程以養以教實於地方大有裨助迥
與尋常勞績不同其才具心力足勝表率之任查吏部奏定獎章
皆係尋常勞績其有異常出力者准由督撫據實陳請破格
恩施歷經遵照在案該員李金鏞通曉吏治條理精詳克己愛民
樸誠勇敢疊在直東江蘇等省辦賑異常出力累著勞績相應照
章據實奏懇
特恩破格錄用以昭激勸而勵人才理合附片陳請伏乞
聖鑒訓示謹

奏

奏稿三十三

聖

南運河撥款請給八成片光緒四年十一月十三日
 再南運河綿長七百餘里關繫運道民生甚巨原定歲修費銀
 二萬一千兩自咸豐四年起減去一半又按銀票各半支放每
 千兩給實銀二百五十兩以致河務日就廢弛同治十年議令每
 千兩給實銀四百兩共計合實銀八千四百兩較之原額仍少六
 成應辦之工大半停緩該河來源既旺原有減河旱經廢棄加以
 黃流北徙由張秋穿運入衛每屆盛漲險工林立本年伏秋水勢
 更大九十月間尚拍岸平槽處處出險衝刷隄段淤積灘甚多
 必須擇要濬築乃經費只有此數難責河員徒手辦工查北運河
 原定歲修銀三萬六千兩按四成應給實銀一萬四千四百兩
 其隄段較南運河少至一半目下尚可敷衍南運隄段既倍於北
 運河而歲款反減六千金實屬萬不敷用同治十年議給四成本
 係暫時節省辦法今察看水勢愈旺險工愈多正值部議修復運
 河之際若再遷就勢必敗壞不可收拾據天津道劉秉琳詳請照
 原額發給十成實銀前來若以該河情形而論自須改發十成實
 銀始能逐年修治惟現值庫款支絀籌撥亦屬為難臣覆加酌度
 擬請自光緒五年起按照原額發給八成實銀仍於藩庫旗
 租項下按年設法勻撥如旗租收不敷放印山別項正款借發以
 期多得四成之費即可多辦四成之工於運道農田不無裨益並
 責成天津道嚴督廳汛各員核實籌辦不准稍有草率偷減違則
 據實參辦以重要工理台附片具陳伏乞
 聖鑒訓示謹
 奏

近省隄河工費摺

奏為光緒四年附近省城隄河歲搶修工段丈尺動支銀數開單奏報仰祈

聖鑒事竊照附近省城河道隄工如深澤無極邢州安平博野蠡縣高陽等境之滋河瀦龍河隄任邱縣之千里隄安州之南非隄雄縣之南老隄西槐支河隄趙村壩保定縣之清河隄或工段縣長或地居險要皆關民生利害又新開趙王河工長六十餘里節宣西淀漲水蘆僧河工長一百三十里分減大清河水勢均須認真修防前經奏定每年在於清河道庫河淤地租項下撥銀三千兩以為各工采購物料搶修之用免其造冊報銷經工部覆准仍令工竣時開單奏報嗣因河淤地租不敷動支又經奏准在於清河道庫棧船稅夫生息項下按年動撥在案光緒四年開凍後即

奏伏乞

皇太后

皇上聖鑒敕部知照謹

奏

謹將光緒四年附近省城隄河各工歲搶修工段丈尺動用銀數開具簡明清單恭呈

御覽

計開

- 一任邱縣趙王河兩隄險工開段共合工長一千二百八丈搶修椿料共銀九百四十五兩六錢
- 一雄縣趙王河兩隄險工開段共合工長一千四百二十九丈搶修椿料共銀八百五十七兩五錢二分
- 一保定縣趙王河兩隄險工開段共合工長五百九十二丈搶修椿料共銀二百九十三兩五錢六分八釐
- 一雄縣新城縣蘆僧河兩隄險工開段共合工長四百八十二丈搶修椿料共銀二百五兩八分六釐
- 一保定縣清河兩隄險工開段共合工長八百一十八丈搶修椿料共銀四百六十三兩六錢
- 一雄縣清河趙村大壩前邊埽墊陷七段共工長二十八丈搶修椿料共銀三百三十五兩六錢九分九釐
- 以上各工共銀三千一百一兩七分三釐除給領銀三千兩全數支用外計不敷銀一百一兩七分三釐已照數籌補合併陳明

長蘆積欠展限停徵摺 光緒四年十二月十三日

奏為停徵長蘆積欠積欠期滿請再展限五年藉紓商困恭摺仰祈

聖鑒事竊查長蘆應徵近年參商積欠銀兩前因現商疲困無力代交經臣奏請自同治十三年起停徵五年俟限滿再行察酌情形辦理奉

硃批戶部知道欽遵在案計扣至光緒四年十二月停徵五年限滿茲據長蘆運使如山詳稱此項積欠原期五年限滿之後成本較輕銷路較暢資令現商攤交詎料近歲營被旱災各岸銷路倍滯車船腳價昂貴成本愈重實屬久困難蘇況連年災緩正課以及助賑還款均須次第起徵若再加徵補欠積欠商人萬難支拄且補欠積欠兩項本係嘉道以前參商欠項議令現商接

奏稿二十三

見

引攤交必須商力充裕乃可陸續彌補今各商自顧不暇焉有餘力再代前商還欠請自光緒五年起再行展限五年等情具詳前來臣覆核係屬實情應請准如所詳辦理藉紓商困理合恭摺具陳伏乞

皇太后

皇上聖鑒敕部查照謹

奏

考察堪勝專崗各員摺 光緒四年十二月十九日

奏為遵旨悉心考察實在堪勝專崗各員恭摺具陳仰祈

聖鑒事竊准部咨光緒元年十二月初十日奉旨諭軍興以來保舉記名提鎮各員其中才略出眾卓著戰功者固不乏人而人數眾多亦難免庸劣之員濫竽附入著各路統兵大臣督撫於記名提鎮各員內悉心考察如有實在堪勝專崗之任者再行出具切實考語奏明存記以備簡用等因欽此仰見朝廷慎選將才勤求武備之至意欽佩莫名伏查提鎮等官為軍旅所寄折衝禦侮責任匪輕必須威靈素著謀勇兼優者方足以膺是選臣所部各營將領從前勦平粵捻諸逆馳驅八九省大小數百戰出生入死備歷艱辛積功遞保至記名提鎮人員為數較

奏稿二十三

見

多嗣因中原肅清軍務大定半多解甲歸農茲就現仍在營統帶兵勇及隨辦海防各員內悉心考察查有記名提督劉盛休等二十員均係懋著勳勞才能出眾堪勝專崗之任且該員等或從征湘鄂蘇皖閩浙等省外海內江風濤久習或轉戰直豫東陝等境山河扼塞形勝周知於行軍戰守機宜及各省水陸險要歷練已多用其所長庶緩急可以有備相應按名出具切實考語謹清

單恭摺

御覽仰懇

天恩俯准存記簡用以勵戎行理合恭摺具陳伏乞

皇太后

皇上聖鑒訓示謹

奏

謹將記名提鎮實在堪勝專崗之任各員出具切實考語彙
繕清單恭呈

御覽

記名提督劉盛休安徽合肥縣人樸實沈毅調度有方

記名提督現署天津鎮總兵鄭國魁安徽合肥縣人曉暢軍事鎮

靜不擾

記名提督現署正定鎮總兵葉志超安徽合肥縣人果毅有為驍

勇敢戰

記名提督現署大名鎮總兵吳殿元安徽合肥縣人講求紀律謀

略頗長

記名提督楊岐珍安徽壽州人樸訥堅強人亦體面

記名提督衛汝貴安徽合肥縣人勤幹廉明馭軍嚴整

奏稿三十三

至

記名提督買起勝安徽合肥縣人勇敢沈實樸練精勤

遇缺題奏提督現任大沽協副將羅榮光湖南乾州廳人究心洋

器能知奧妙

提督銜記名總兵劉祺江蘇上元縣人精明幹練捕盜勤能

記名提督聶士成安徽合肥縣人久臨大敵暢達戎機

記名提督趙懷業安徽合肥縣人果決穩練馭眾有方

提督銜記名總兵徐邦道四川人器識宏深嚴明紀律

記名提督張海龍湖南善化縣人英銳果敢才略過人

記名總兵黃金志安徽合肥縣人樸實耐勞訓練精嫻

提督銜記名總兵現任天津中營遊擊陳本榮安徽六安州人明

白事體軍民悅服

記名提督蔡金章安徽壽州人氣韻沈雄才能馭眾

記名總兵孫顯寬湖北黃陂縣人治軍清勁執守甚堅
記名提督鄭國榜安徽合肥縣人質樸厚重辦事穩實
記名提督總兵鄧萬林湖南長沙縣人才具優長水師夙將
記名總兵吳長珩安徽合肥縣人勇於戰陣洞悉戎機

奏稿三十三

至

滿蒙官民捐助耕牛請獎摺 光緒四年十二月十九日

奏為察哈爾內外各旗羣滿蒙官員兵民捐助直省耕牛按照節次成案請獎恭摺仰祈

聖鑒事竊前因河間等屬災重之區耕田牛馬宰賣殆盡奏蒙恩旨賞給察哈爾牧羣孳生馬三千匹並聞察哈爾內外滿蒙官民尚可捐助牛隻當經派委候選知縣賈宗仁前往稟商都統臣穆圖善會同旗民各官妥籌勸辦穆圖善念切鄰災籌顧大局各旗員亦交相勸勉共樂輸將遂核定每牛一隻作價實銀十四兩業將辦理情形附片陳奏聲明俟捐竣按照成案開單奏懇恩施從優給獎奉

旨該衙門知道欽遵在案除稟員茂林慶林捐牛三百隻已另行奏獎外計察哈爾內外各旗羣滿蒙官員兵民一百五十三員名

奏稿二十三

三

其捐牛三千二百八十七隻已飭委員隨收隨解撥發河間保定冀州各屬災區分給有地無力貧農領收以資耕作正值冬麥布種之際獲益非淺查同治年間察哈爾本處收捐馬駝請獎皆蒙特旨允准即部議亦謂凡與成案相符或比照成案相去不甚懸殊者均經奏准誠以該處旗羣蒙古向隸外藩較昔苦累而能急公好義踴躍捐輸有裨大局故獎勵亦應從優此次集捐直省耕牛至三千二百八十七隻之多且值近年旗羣生計艱窘慨分畜產以惠農忙尤屬救災恤鄰實心為善既非內地勸捐可比實與尋常捐案不同自應各按捐數按照節次奉准成案從優擬獎謹開單恭摺 御覽仰懇 天恩俯准照擬獎敘以昭激勸理合恭摺具陳伏乞

皇太后 皇上聖鑒訓示謹 奏

奏稿二十三

三

查宗仁留直片 光緒四年十二月十九日

再此次勸捐察哈爾耕牛木屬創舉且收聚蒙古遠在塞外語言文字多不相通尤難接洽同知銜候選知縣查宗仁憫念災黎窮困懇求待耕力任斯役稟商都統臣穆圖善及與旗民各官計議後即帶同通事出口周歷各牧羣地面竭誠勸導風餐露宿艱苦備嘗蒙臺官民見其實心為公相率感奮或轉為勸助或首先倡捐於是集腋成裘遂得耕牛三千數百隻該員一面驗收一面商派牧羣弁兵陸續押解進口及時分給貧農應用實屬有裨災區異常出力擬懇天恩將該員查宗仁仍以知縣留於直隸儘先補用以資臂助理合附片具陳伏乞聖鑒訓示謹

奏稿三十三

查

李文忠公奏稿卷三十三

李文忠公奏稿

卷之三十四目錄

- 查明軍械所未失餉銀摺 光緒五年正月二十一日
- 京城平糶用款摺 光緒五年正月二十一日
- 蘆綱停引展限摺 光緒五年正月二十一日
- 辦賑賢員請優敘片 光緒五年二月十二日
- 截留南漕摺 光緒五年二月二十三日
- 奏調薛福成片 光緒五年閏三月十九日
- 北運河工程完竣摺 光緒五年四月初二日
- 酌增駐防俸餉摺 光緒五年四月初二日
- 張家口糧臺請餉摺 光緒五年四月初二日
- 撥抵閩省京餉請緩解片 光緒五年四月初二日
- 容增祥丁憂片 光緒五年四月十六日
- 淮軍軍需報銷摺 光緒五年四月十六日
- 軍營交涉洋務片 光緒五年四月十六日
- 續收賑款摺 光緒五年四月十六日
- 請緩賑課奏銷摺 光緒五年四月十六日
- 續收晉賑摺 光緒五年五月十二日
- 籌加府尹公費片 光緒五年五月十二日
- 捐獎展限片 光緒五年五月十二日
- 蘆鹽欠課展限摺 光緒五年五月十二日
- 京城平糶請獎摺 光緒五年五月二十五日
- 南洋勸捐請獎摺 光緒五年五月二十五日
- 未獎各員存記片 光緒五年五月二十五日

光緒五年正月二十一日

福建晉賑請獎捐 光緒五年五月二十五日
蒙自請照擬給獎片 光緒五年六月十八日
海防支應請銷捐 光緒五年六月十八日
密勒胡鮮道商西國捐 光緒五年七月十四日

奏稿三十四目錄

李文忠公奏稿卷三十四 全集一之三十四

桐城吳汝綸編錄

查明軍械所未失餉銀摺 光緒五年正月二十一日

奏為查明天津水月庵寄存軍械被燒數目價值並無遺失餉銀

恭摺覆陳仰祈

聖鑒事竊臣欽奉光緒四年十一月二十四日

寄諭前於光緒二年五月閒據李鴻章奏稱天津寄存軍械之南

城根水月庵候被火災燒去銅帽帳棚舊械等件當即查檢已燒

未燒各械分別妥存辦理等語業經批諭將所參看守不力之官

役人等摘頂懲辦惟被燒軍械數目並未據該督詳細奏聞所有

該處寄存銅帽帳棚舊械究竟燒去若干被燒之件嚴計價值若

干此外有無遺失餉銀情事著李鴻章詳細查明據實具奏等因

欽此遵查光緒二年自春徂夏天氣亢旱連旬熱風烈日乾燥異

常四月二十一日天津寄存軍械之南城根水月庵被火當時督

飭委員及地方文武竭力撲滅並無損傷廟殿民居亦未燒斃人

命向來防軍應需鎗礮要件存於大沽新城等處洋火藥一項專

存北運河旁之馬蹶灣庫內新式洋礮鎗械分存大勝寺北倉灣

頂海光寺惟各軍陸續請領繳還之礮子銅帽帳棚舊廢鎗械則

借用城內水月庵空屋寄放查究起火情形係由堆儲銅帽零件

庫內陡然發作實因天氣過於亢燥自來火銅帽迸碰生火定例

倉庫積聚物件猝遇水火事出不測而有損失免罪不賄惟委員

劉舍芳楊大樾專管照料未能先事預防即經

奏參摘頂並將看守之司事勇役人等懲處聲明查檢已燒未燒

各械分別妥存辦理奉

旨劉合芳楊大樾均著摘去頂戴餘依議等因欽遵在案一面督飭劉合芳等詳細查檢除當時運出未燒軍械並檢出礮子仍可應用均即妥存外計被燒銅帽九百餘萬粒自來火子八十餘萬粒帳棚六千四百餘頂馬步鎗五千五百餘桿礮車三十八輛及手鎗皮紙門火馬鞍木架等零件查帳棚兵鎗礮車等項內有各軍借用損壞陸續繳回者並有河工城工水災案內借給兵夫災民支搭已將破爛之帳棚其銅帽自來火子內亦有用過帽礮及年久霉變存候酌擇改做者除折算舊廢並燒廢鎗枝銅鎗鐵等項交局修理充料外實計燒去各件共合價銀四萬五千餘兩因係照例免賠原奏內聲明分別妥存辦理已奉旨依議查照向章彙冊報部是以未經續奏至各軍餉銀月有糧臺支應所專司存儲核放向不與軍械歸併一處彼此相距亦遠

奏稿二十四

實係毫無遺失欽奉前因又飭道員鄭藻如吳毓蘭查覆相同伏念臣治軍多年於存用餉械素不敢稍涉大意尤期處處撙節故雖舊廢之械仍飭繳存以備酌擇修理搭發應用俾省經費詎前年水月飛遠爾被火因天氣過燥人力難施而既有一朝之失今復上勞

宸念撫躬自咎愧悚莫名惟有嚴督在事各員益加儆惕隨時周密防範以免意外之虞所有查明緣由理合詳細據實覆陳伏乞

皇上聖鑒謹奏

京城平糶用款摺 光緒五年正月二十一日
奏為查明前辦京城平糶大米雜糧用過成本運腳等項及收回糶價開單奏報仰祈
聖鑒事竊查光緒三年九月間因直境旱荒京城糧少來路市價昂貴貧民雜食維艱奉
旨飭籌平糶當經奏明督飭輪船招商局員籌借資本赴南省采購大木一面派委知府惲桂孫等赴京擇地設平糶局另於通州設轉運局分別開辦四年三月間又遵
旨采購奉天小米雜糧仍由輪船運津轉運增糶所需成本局費除由招商局員籌墊外臣於北洋海防經費內兩次借撥銀十一萬兩戶部以官局增添各處減價成本愈多虧折款項難於周轉奏撥部庫銀四萬兩歸於平糶案內開支嗣因秋成新糧上市價

奏稿二十四

已平減遂於八月底截止撤局業經奏報聲明由直辦糧派員赴京平糶係屬創局虧折成本及用過各項並無例案可循應於事竣後據實開單具奏免其造冊報銷奉
旨戶部知道欽遵在案飭據惲桂孫等分晰開報前來臣查此次

平糶大米三萬九千石小米雜糧四萬八千四十一石白南省奉省采購成本及運津運通沿途水旱腳價棧費等項計用銀二十七萬八千六百餘兩又通州設局轉運至京腳價棧費局費等項計用銀一萬四千二百餘兩又京城設立四局兩棧分撥米糧零糶計用撥費局費棧費等項銀六千五百三十餘兩其成本運腳均屬核實局費各項亦甚節省自正月減價開糶至八月底截止計收回大米小米雜糧糶價銀十八萬四千六百四十餘兩陸續歸還商本及借領官本統共不敷銀十一萬四千七百十餘兩

除將部撥銀四萬兩遵照原議開支外尚不敷銀七萬四千七百
十餘兩已飭於原借非洋海防經費項下就款開除理合開具簡
明清單恭摺奏報伏乞

皇太后

皇上聖鑒敕部查照謹

奏

奏稿二十四

四

鹽綱停引展限摺 光緒五年正月二十一日

奏為查綱連年災歉引岸銷數甚滯請將原停引日照案展限五
年以紓商困恭摺仰祈

聖鑒事竊照長蘆直豫兩省引岸每年應銷額引除於道光元年
二十一年擬繳停減外又於道光二十四年疏銷積引案內按照
山東引課併展成案每年停引十萬道道光二十八年咸豐三年
八年同治三年七年十二年疊次

奏准推展五年在案查此十萬道應自同治十三年起扣至光緒
四年推展五年限滿惟蘆岸額引為數本多除繳停外每年現行
之引尚有六十六萬餘道同治十三年僅銷引五十一萬一千九
百三十五道光緒元年僅銷引五十八萬二千三百三十三道二年僅
銷引四十八萬二千二百六十五道三年僅銷引三十四萬六千

奏稿二十四

五

六百四十四道四年僅銷引十五萬九千六百九十七道不特未
能敷現行六十六萬餘道之數且連年減少上年荒旱只銷現
行引目四分之一各商包賠課款竭蹶萬分實因蘆商苦者疲累
近年直豫各岸疊遭災歉人民流亡硝鹽偏地以致銷數愈滯積
引愈多若再將已停之十萬道還行復額商力萬難支持據運司
如山詳請援案推展前來臣查係實情合無仰懇

天恩俯准將蘆綱原停引日十萬道查照歷辦成案自光緒五年
起再行推展五年以紓商困其先後所停引課容俟限滿察行銷
市暢滯情形再行分限帶運帶完一面督飭運司實力疏銷摺
認懸岸並嚴飭各屬認真緝私以期漸有起色所有停引限滿仍
難復額懇請照案推展緣由理合恭摺具
奏伏乞

皇太后
皇上聖鑒訓示謹
奏

奏稿三十四

六

辦賑賢員請優敘片 光緒五年二月十二日

再地方官辦賑出力本係分內之事惟不待上司催促他人助理自行籌辦周妥克著成效者自應量予獎勵俾各屬知所趨嚮查有道銜河開府知府扎克丹表率有方血誠任事時屆荒旱即倡議賑撫率屬勸紳民集捐接濟將奉撥糧石源源平糶實惠及民並與道員吳大澂等籌商撫恤及開井散給耕牛各事不辭勞怨知府用冀州直隸州知州李秉衡才長識練素著循聲因官糧發賑不足州民向以紡織為生災年布賤無人承受遂集款交紳收買運售他省仍以布價購糧運回減價出糶並勸民多開質當保全窮黎甚多五品銜東強縣知縣方宗誠慈祥愷悌通達治體案無留牘獄無冤囚百廢具舉凡有益閭閻之事悉據議稟施行又疊捐鉅款躬親賑濟創建倉廩積穀萬石以備荒歉署完縣知縣直隸州用候補知縣駱孝先耐苦任勞盡心撫字勸捐賑款籌給籽種能以至誠感動百姓俾皆趨事赴功又教民布種區田收穫倍於常歲以上四員皆能認真民事實心實政為直省不可多得之員擬懇
天恩敕部從優議敘以獎賢能理合附片具陳伏乞
聖鑒訓示謹
奏

奏稿三十四

七

截留南漕捐 光緒五年二月二十三日

奏為文安等縣積水無麥地面民情困苦懇

恩截撥南漕以資接濟恭摺仰祈

聖鑒事竊直境上年春夏旱荒旋因秋雨過多各河盛漲隄埝漫

口窪區被淹疊經臣奏蒙

上諭蠲緩糧租一面籌款派員分別賑撫聲明災重州縣今春尚

須調劑俟察勘籌商再行奏懇

恩施在案此次臣由省赴津經過安州雄縣文安等處查得文安

注自挖開千里隄洩水後窪邊高阜之地開有涸復可種旱禾餘

尚汪洋一片被淹甚廣情形最重安州隄內民田形如釜底水難

宜洩隄口尚未堵閉情形亦重雄縣災村水漸涸情形較輕又前

據辦賑委員李金鏞及各州縣查報永清安平高陽被淹村莊水

多未涸東安武清河間獻縣故城景州次之查文安安州永清安

平高陽不係積歉之區今地被水淹麥未布種貧民益藏罄盡甚

屬指摺印使此後水速退消亦祇能種植秋稼距收穫時尚有六

七月之久青黃不接待哺嗷嗷臣與府尹臣往返緘商並與津省

司道悉心籌議必須妥為接濟並以工代撫庶免流離失所至雄

縣東安武清河間故城景州暨其餘災歉州縣雖情形較輕如其

中尚有積水無麥實在貧民或應辦工程民力未逮之處亦應分

別籌助惟直省當大賑之後庫儲羅掘一空現在恭值

忠陵大差凡本省應放辦差要款京外衙門因差撥借各項東西

陵部及旗綠各營春季俸餉統計為數甚鉅實屬萬分支細賑捐

又皆用盡無可續籌

縱輔為根本要區民命關繫至重惟有請截南漕以資拯救合無

仰懇

天恩撥給江蘇浙江本屆漕米各四萬石共合八萬石目下輪船

沙船裝運該二省漕米陸續來津應請就近截撥資成天津道劉

秉琳認真驗收由臣等酌量分撥災區飭令及時運回添派委員

會同該地方官稽查戶口核實散放務使惠及窮黎不准絲毫弊

混至隨漕輕齎等項及剝價銀兩經剝耗食米石並請照案飭令

各該糧道核數扣出解交直隸津貼運費查本屆蘇浙起運新漕

共計交倉正耗米一百十餘萬石江安米數不在其內今請截撥

直賑八萬石於京倉尚無所損而億萬災黎咸資鼓腹益足固民

志以廣

皇仁理合會同兼管順天府府尹臣萬青藜順天府府尹臣周家

相恭摺由驛具陳伏乞

皇太后

皇上聖鑒訓示再臣抵津後料理一切即於二十九日起程入都

訓再行出京查看布置故謹隨摺合併聲明謹

奏

奏調薛福成片

光緒五年閏三月十九日

再直隸候補知府薛福成於光緒三年正月請假赴山東省親二月初二日即在山東省城丁憂扶柩回籍守制四年二月臣接准總理衙門咨奏派薛福成充出使德國參贊應令作速起程當即札飭該員知照旋據稟稱丁憂人員例應終制未便遠役經臣奏

明請

旨撤銷在案現計該員將屆服闋向例候補人員起服到省應由原籍地方官飭取供結轉詳咨稍稍時日近值各國交涉事務漸繁亟須得人襄助查薛福成志力剛毅操行篤實平日究心洋務研窮事理於輕重緩急機宜確有體會為不可多得之才前在會國藩與臣處從事多年深資得力應請旨敕下江蘇撫臣轉飭該原籍府縣於薛福成服闋之期一面催

取該員供結迅速詳咨即令該員起早北來以資差遣理合附片

具陳伏乞

聖鑒訓示謹

奏

北運河工程完竣摺

光緒五年四月初二日

奏為通州北運河上游工程週期疏築完竣請開清單恭摺仰祈聖鑒事竊查北運河上游係潮白溫榆兩河所發源於口內外分流入通州境潮白居東溫榆居西經東西浮橋下至小河口始合為一歸入運河前因潮白河於東浮橋地面衝決橫流西挾溫榆河旁趨泛濫附近民田驛路均受其害溫榆河身節節淤熱幾成平陸運道阻滯上流沙窩村等處亦均漫口其阻歸溫榆河之曰馬河本有淤積水亦散漫無歸經倉場侍郎會同奏請疏築奉旨派廣壽督會同倉場侍郎自行籌款趕緊興修等因欽此臣因倉場原奏無款可籌直庫亦甚支絀但事關漕運民生不得不由臣竭力設法先派熟悉河工之候補道史克寬會同前通

承道英良預為購備椿料臣今春恭辦

惠陵大差順道過周歷勘悉心籌度查去冬原勘時正值漫水未涸一片冰凝無從細驗其形勢丈尺間有不符自應因地制宜斟酌妥辦應將溫榆河身自西浮橋北老河片平地挑起裁灣取直至小河口止共長一千二百八十八丈挑挖深通舊河漫口築做水土料大壩一道長二十四丈新河填西岸築土料大壩一道長十丈新河東西兩岸穿道溝各築土料大壩一道長均十丈上流沙窩村缺口二處築土壩一道長二十丈一長七丈鎗鎗口缺口築土壩一道長九丈又潮白河西岸缺口築土料大壩一道長十二丈東岸缺口築土壩一道長六丈五尺此二壩皆退後數丈堵築以免臨河衝塌上長亦尚又挑白馬河淤淺九百一十丈至去冬原勘時擬於白馬河南岸起至西浮橋止斜築長隄一道

詢據該處紳民聲稱若築此隄欄住西間瀝水不得瀉入溫榆河且東直門一帶來水甚大亦必灌入隄內去路偏窄迂遠民地反受積澇有害無利查係實在情形自應酌量停築月自王恕園進北岡嘴起至下開口進止改築大隄三百八十八丈阻禦漫水以為北關一帶保障並核定應挑應築寬深高厚丈尺即飭史克寬等於三月初二日招集附近民夫分投開工先行開溝撤水築壩截流壘埝護道飭調津郡親軍營官總兵黃金志挑帶善使水車兵勇百名製造水車水戽往助吸水晝夜竭力搶辦三月二十二日河壩隄工一律完竣甚為迅速臣於定福莊叩送聖駕後復赴通州親詣該河覆加勘驗隄壩堅穩河身通暢丈尺均有過估旋飭拆除新河頭土格放水滔滔順軌舟楫暢行漕運既通民田驛路漸可潤復又潮白河上游平家壩溜勢東趨原築隄工險要應加做挑水大壩一道長九十四丈同時趕辦工竣共奏稿三十四用實銀一萬七千三百五十八兩三錢八分九毫已於賑捐項下撥給應用查去冬廣壽等原估約合工費銀三萬兩今所挑之河加寬加深並將壩工加用椿料又減挑白馬河南岸無益之隄改築北關大隄統計河壩隄三項實較原估多做土工三千餘方料工五百餘方又另做平家壩挑水大壩九十四丈工程加多而用銀共僅一萬七千三百餘兩實係格外節省且以工代撫實用實銷均與例價不同應請援照節次奏准成案免造細冊以省浮費理合開具工段丈尺銀數清單會同倉場侍郎臣繼格臣畢道遠恭摺奏報伏乞

皇太后
皇上聖鑒訓示施行謹

奏

奏稿三十四

三

謹將通州北運河上游修築河壩隄埝工段丈尺銀數敬繕
清單恭呈

御覽

計開

一挑挖溫榆河工長一千二百八十丈內第一段長八十丈深八尺口寬八丈底寬四丈七尺第二段長一百丈上深九尺三寸下深八尺五寸口寬八丈上底寬四丈二尺下底寬四丈五尺第三段長五十丈上深八尺五寸下深八尺口寬八丈上底寬四丈五尺下底寬四丈六尺第四段長八十丈深七尺五寸上口寬八丈下口寬十丈上底寬四丈六尺下底寬五丈七尺第五段長八百八十二丈深七尺七寸口寬十丈底寬五丈七尺第六段長七十丈上深七尺七寸下深七尺七寸口寬十丈下口寬十二丈上底寬五丈七尺下底寬七丈第七段長十八丈上深七尺下深六尺上口寬十二丈下口寬十三丈上底寬七丈下底寬八丈三尺

一溫榆河漫口西移在西浮橋下築截水土料大壩一道長二十四丈內占壩寬二丈六尺高八尺長十四丈又壩頂加素土高二尺寬二丈長十四丈又兩頭素土共接長十丈高二尺寬二丈又壩後土寬四尺高八尺長十四丈又背後養水盆壩二道共長二十二丈高五尺頂寬一丈底寬四丈

一新河頭西岸築土料大壩一道長十丈內土壩頂寬二丈底寬六丈高一丈外面鑲埝寬一丈高六尺長十丈

一新河穿道溝處東岸築土料大壩一道長十丈內占壩寬一丈五尺高七尺長七丈又加壩後土壩寬一丈高六尺長七丈又加壩頂土高二尺寬二丈長七丈又兩頭接長三丈

一新河穿道溝處西岸築土料大壩一道長十丈內土壩頂寬二丈底寬六丈高九尺外面鑲埝寬一丈五尺高六尺長十丈

一堵築溫榆河西岸沙窩村東缺口土壩一道長二十丈高五尺底寬四丈頂寬一丈五尺

一堵築溫榆河西岸沙窩村東缺口土壩一道長七丈高五尺底寬四丈頂寬一丈五尺

一堵築鎔鑄口缺口土壩一道長九丈高六尺底寬七丈頂寬四丈

一潮白河西岸東浮橋迤南漫口築土料大壩一道長十二丈內土壩頂寬二丈五尺底寬四丈九尺高七尺外面鑲埝寬一丈高六尺長一丈

一堵築潮白河東浮橋東岸缺口土壩一道長六丈五尺高三尺五寸頂寬六丈二尺底寬九丈

一挑白馬河九百一十丈兩邊共展寬二丈深四尺

一通州北關外築大隄一道長三百八十丈內第一段長二十丈高八尺底寬四丈七尺五寸頂寬一丈第二段長三十丈上高九尺中高一丈一尺下高一丈底寬均六丈頂寬均一丈第三段長二十丈上高一丈下高八尺上底寬六丈下底寬五丈頂均寬一丈第四段長十丈上高八尺下高八尺五寸上底寬五丈下底寬五丈二尺頂均寬一丈第五段長一百丈高八尺五寸底寬五丈二尺頂寬一丈第六段長二百丈高一丈底寬六丈八尺頂寬一丈八尺又隄上做土牛二十三箇

一挑撇水溝長二百六十五丈加深三尺口寬三丈底寬一丈五尺

奏稿二十四

十四

奏稿二十四

十五

一築護道小埧長五百五十丈高四尺頂寬三尺脚寬一丈
 一製水車二十七架水扉一千九百五十箇
 以上河塢隄埧各工共用銀一萬五千六百九十七兩七錢
 五分二釐九毫
 一湖白河平家曠險工築挑水土料大壩一道長九十四丈內土
 壩長七十四丈高八尺底寬六丈頂寬一丈五尺又草壩長二十
 丈頂底俱寬四丈五尺入水出水共高一丈一尺又占壩面上加
 土長二十二丈頂寬一丈五尺高七尺脚寬四丈八尺又草壩肯
 後加土長十三丈高一丈面寬二丈底寬四丈五尺共用銀一千
 六百六十兩六錢二分八釐
 全單共用銀一萬七千三百五十八兩三錢八分九毫

奏稿三十四

六

酌增駐防俸餉
 光緒五年四月初二日
 奏為察哈爾駐防旗營官兵艱苦請將俸餉銀兩撥案分別酌給
 七八成實銀以示體恤恭摺仰祈
 聖鑒事竊照察哈爾屬張家口獨石口千家店等處駐防官兵應
 領俸餉米折本係發給十成實銀前以軍興庫藏支絀改為銀鈔
 各半迨鈔票停止將官俸給六成實銀兵餉米折給七成實銀惟
 額定俸餉無多再加減成不敷度日近年糧貴銀賤該官兵生齒
 日繁益形苦累據該協佐領等呈經都統咨商議請加增俸餉
 張家口等處地層邊塞風稱寒苦產糧甚少與內地情形不同該
 旗營官兵等守口巡防差務繁要口俸餉減成以後每名月領無
 幾况值糧貴銀賤生齒日繁實屬難資餉口查熱河駐防官兵俸
 餉現係按七成八成支領張家口等處事同一律自應援照辦理
 以示體恤飭據升任藩司周恆祺詳前來擬請自光緒五年春
 季起將張家口獨石口千家店駐防官俸酌給七成實銀兵餉及
 官員米折等項酌給八成實銀其由伊犁改駐張家口之官兵一
 體照辦庶該官兵等多領一成俸餉稍可津貼當差統計每年加
 銀八千餘兩為數尚不過巨惟直隸當恭辦
 惠陵大祭之後庫儲支絀難應付前經臣等往復兩商應將本
 年春季應增銀兩暫由都統衙門茶馬釐捐項下勻撥其自秋
 季起再山藩庫添籌給領俸資周轉理合會同察哈爾都統臣穆
 圖善恭摺具陳伏乞
 皇太后
 皇上聖鑒訓示謹
 奏

奏稿三十四

七

張家口糧臺請餉摺
光緒五年四月初二日

奏為張家口糧臺采辦各路軍糧懇

恩照案續撥部餉恭摺仰祈

聖鑒事竊查前因烏里雅蘇臺等處調兵防期遵

旨張家口設立糧臺采辦各路軍糧奏明請撥部餉以為米價

繩袋員役薪工之需自同治九年十二月起已十一次奏撥部餉

飭委口北道分起采辦截至光緒四年年底實存正款餘平共銀

一萬六百餘兩均經造報在案茲據口北道玉珩稟稱烏里雅蘇

臺各營軍糧尙有未運光緒四年分粟米三千二百七十九石已

經該將軍奏准統歸糧臺履腳啟運所需腳價即在辦理烏城軍

糧部餉項下支銷轉瞬牛車開行亟應起運所存銀兩尙不敷腳

價之用其五年四季並預運六年春夏二季軍糧亦應遵照奏案

於牛車開行之時一律運發以免日後車駝缺乏遲誤兵食查現

年軍糧雖准烏里雅蘇臺將軍咨會兵有遺撤可以少運查明實

數即行咨報然以上年之米數減去一半計之亦需米三千數百

石米價繩袋運價等銀為數甚巨無款可支至駐紮庫倫之宣化

練軍察哈爾馬隊應運送光緒五年夏秋冬並預運六年春夏季

口糧需用車價亦巨查五年分運腳僅存銀三千一百八十六兩

不敷開支其預運來年腳價亦須預領支用方免貽誤請奏撥

前來臣查該道所稟關繫西北邊防軍需勢難延緩相應仰懇

天恩敕下戶部照案續撥運烏城軍糧銀三萬兩又辦運庫倫

光緒六年分庫平銀一萬四千六百兩以期無誤軍食理合恭摺

具陳伏乞

皇太后

皇上聖鑒訓示謹

奏稿三十四

十九

撥抵閩省京餉請緩解片 光緒五年四月初二日

再戶部奏催各省關歷年京餉案內有天津關欠解光緒三四兩
年抵解閩省京餉銀各二萬兩當經轉行遵照籌解茲據津海關
道鄭藻如詳稱近年津關稅收短少入不敷出疊經詳細奏咨將
抵解閩省京餉緩俟洋稅暢旺補解在案現收六成洋稅招商局
稅無幾而應撥調防奉省及津防練軍月餉應支本關經費稅務
司薪水為數甚巨均係必不可緩之款本年多一開月又須多籌
一月餉項且向來夏月稅收不旺四月以後應發各款尚不知如
何籌措前奉提撥五年分
惠陵工程銀二萬兩業經儘數勻湊報解實無餘力再籌抵解閩
省之餉請仍奏懇緩解等情前來臣查該道所詳係屬實情合無
仰懇

奏稿二十四

三

天恩准將前項抵解閩省京餉銀四萬兩緩俟洋稅暢旺再行陸續籌解俾資周轉理合附片具陳伏乞

聖鑒訓示謹

奏

容增祥丁憂片 光緒五年四月十六日

再臣接准出使美國大臣宗人府府丞陳蘭彬咨據五品銜主事
容增祥遺丁呈稱三月十七日接到家信伊父二品封職容功裕
在籍病故該員係屬親子例應丁憂等情並准陳蘭彬稱容增
祥駐洋八年經管幼童肄業辦事認真今遣行回籍將來驟難得
人接辦擬俟守制百日後調令出洋刻已商請副使容閱由紐約
馳赴哈爾濱暫行攝理局務查容增祥充當幼童教習為時最久洋
文洋語具有規模風土人情素所熟悉於去年十一月奏調管
帶幼童之工部主事區譔良回華與陳蘭彬往返函商以美國現
有正副兩使原派該局總辦二員可酌量裁減奏明容增祥以參
贊兼任管帶學生與副使容閱通融幫助辦理數月以來諸臻妥
洽茲容增祥聞訃丁憂未能始終其事容閱兼任使臣勢難常川
駐局再四思維實無可接管此事之人若令垂成之緒輟於半途
殊屬可惜前准總理衙門咨開丁憂人員例應守制惟出洋調遣
事難道遠與尋常差委不同儻有經手未完事件應准奏留在洋
差遣俟差竣回華再令補行穿孝守制等語此指在洋丁憂未遽
奔喪而言現容增祥業已回籍穿孝應請俟其守制百日後仍
令迅速出洋辦理幼童肄業事務以資熟手而專責成是否有當
理合附片具陳伏乞

奏稿二十四

三

聖鑒訓示謹

奏

淮軍軍需報銷摺 光緒五年四月十六日

奏為淮勇軍需自光緒三年正月起到十二月底止收支款目造冊報銷恭摺仰祈

聖鑒事竊照淮勇軍需前截至光緒二年十二月底止業經列為第五案報銷於光緒四年八月二十九日具

奏奉

旨該部知道單併發欽此伏查淮軍分防直隸保定天津海口護衛親軍盛仁馬步水師及各臺局運糧餉軍械共計三十三營提督劉盛休所部銘字馬步全軍十七營駐紮山東張秋鎮一帶為南北洋策應之師又福建陸路提督唐定奎統領銘武步隊十營與直隸正定鎮總兵吳長慶所統慶字親兵八營分防江蘇沿江南北兩岸礮臺並吳淞海口之武毅右軍五營徐宿馬隊五

營共計三十一營統歸淮勇軍需案內彙冊請銷今自光緒三年正月

起截至是年十二月底止列為第六案所有營哨官弁員名勇夫開收總數征防處所先經造冊分咨軍機處戶兵二部備查

至陸軍水師各營所支薪費口糧正雜各款並柴薪斤重價值駝

驟喂養均循前案楚軍營制並

奏定章程及准銷成案接續造報湘平折實庫平仍扣雜款一分

平餘又馬隊倒補馬價係照駐紮省分營驛例價分別核給采辦

製造工價水陸轉運糧餉軍火等項雇車船夫工價腳核計斤

重程途里數悉照軍需則例應屆准銷成案核實支發防將截至

光緒三年底止收支細數分晰造報今據金陵報銷局司道等詳

稱舊管項上下屆截至光緒二年十二月底止實存銀七十八萬

四千七百五十九兩一錢有奇新收項下總計浙江四川湖北等

省協餉並江蘇關餉局額撥軍餉兩淮鹽課及江蘇留防軍需案內登除劃撥銀款同本案扣存平餘等項共銀三百三萬七千九百九十九兩二錢有奇內登除附列專冊請銷補放淮軍各營光緒二年十二月以前欠餉銀十萬五千三百九十六兩一錢有奇又

本案附請專案

奏銷洋鎗礮隊教習辛工礮費輪船用款並操練後膛洋礮拉礮

車馬購假喂養夫工及金陵天津行營機器製造二局工料用款

等項計三冊共銀二十九萬四千四百四十一兩二錢有奇外實

計收用銀三百五十二萬二千二百九十九兩九錢有奇開除正雜各款

遵照部議酌定軍需報銷章程各歸各部核銷計應歸戶部核銷

銀二百六十五萬三千六百八兩二錢有奇應歸兵部核銷銀四

萬五千三百八十三兩有奇應歸工部核銷銀八萬六千三百九

十五兩三錢有奇統共請銷銀二百七十八萬五千三百八十六

兩六錢有奇實存銀七十三萬六千六百三十四兩三錢有奇已

接支光緒四年正月准軍馬步水師營哨正雜餉項並購製軍

火器械價值工料等用歸於後案舊管項下滾接造報等情具詳

請

奏前來臣查淮軍分防直東江蘇等省沿江海口外壯聲威內備

緩急實為緊要防務上年因各省協餉解不足數竭蹶異常復經

奏明於三四兩年陸續抽裁步隊勇丁一萬一千八百餘名以節

餉需而資周轉此次造報馬步水師各營勇丁遵照部咨開報花

名清冊正雜款項概撥湘平折實庫平報銷仍扣雜款一分平餘

均係循照歷辦成案實用實銷並無絲毫浮口除將細冊分咨各

部並飭將以後用款接續清理造報外所有光緒三年正月月起

裁

至是年十二月底止淮勇軍需收支款目造冊報銷緣由謹會同
署南洋通商大臣兩江總督江蘇撫臣吳元炳專摺具
奏並繕清單恭呈
御覽伏乞

皇太后

皇上聖鑒謹

奏

奏稿三十四

西

軍營交涉洋務片 光緒五年四月十六日

再查淮軍各營洋鎗礮隊教習通事工匠人等辛工金陵暨天津
行營機器製造兩局工料及采辦外洋軍火等項截至光緒二年
十二月底止業經附

奏准銷在案今自光緒三年正月月起截至是年十二月底止淮軍
各營洋鎗礮隊教習通事工匠人等辛工礮費輪船用款等銀三
萬九千二百七十五兩九錢有奇海防各營操練後膛洋礮拉礮
車馬購價喂養夫工等銀四萬二千八百二十一兩九錢有奇金
陵暨天津行營機器製造兩局委員薪糧工匠工食購買料物用
款並采辦洋軍火價值等銀十一萬二千三百四十三兩四錢有
奇以上總共請銷銀十九萬四千四百四十餘兩茲據該司道等
按款復加查核均係奉文核實飭發並無絲毫浮冒月造細冊詳

奏稿三十四

五

請附

奏前來臣查前項各營洋鎗礮隊教習通事工匠人等辛工購買
料物洋軍火價值各款皆與洋人交涉無例可循仍應照案據實
請銷除將細冊咨送總理衙門戶兵工部查核外伏乞

聖鑒謹附片具

奏

續收賑款摺 光緒五年四月十六日

奏為查報直省旱災案內續收賑款應獎數目恭摺仰祈
聖鑒事竊前因直省被旱成災賑款無措必須勸捐接濟經臣奏
奉

諭旨准照上屆賑捐章程核給獎敘等因欽此業將光緒四年十
月以前收捐應獎數目先後奏報旋因奉

旨停捐當即轉行遵照在案茲查明上年續據外省及本省官紳
陸續捐輸已收過銀十二萬六千二百五十七兩五分八釐七毫

一絲五忽九微津錢六萬四千二百三十一千二十四文每三千
文合銀一兩應合銀二萬一千四百十兩二錢四分一釐三毫大

米七十七石三斗七升八合四勺每石價銀三兩一錢七分應合
銀二百四十五兩二錢八分九釐五毫二絲八忽高粱三千四百

十三石六斗五升六合六勺四抄每石價銀二兩三錢應合銀七
千八百五十一兩四錢一分二毫七絲二忽穀子八十三石每石

價銀一兩七錢四分應合銀一百四十四兩四錢二分粟米一百
三十九石五升每石價銀二兩五錢應合銀三百四十七兩六錢

二分五釐救飢餅十二萬二千三百三十四塊每塊價銀五分合
銀六千一百十六兩七錢棉衣一百三十件每件合銀一兩應合

銀一百三十兩共合銀十六萬二千五百二兩八錢四分四釐八
毫一絲五忽九微均歸入光緒三四年賑撫案內核實撥放另行

循案開單彙奏此次續收捐款內唐梁氏捐銀一千三百四十兩
宋瑞麟捐糧合銀一千一百六十兩李紹常捐糧合銀一千四百

兩沈中堅捐銀五千兩均奏請

旌獎外其餘捐款同前次已奏未竣之款即飭查取履歷依限造

冊分批咨部給獎據籌賑總局司道具詳請
奏前來臣覆核無異理合恭摺具

奏伏乞
皇太后

皇上聖鑒救部查照謹
奏

奏稿二十四

七

請緩課奏銷摺 光緒五年四月十六日

奏為撥案請緩長蘆本屆正課奏銷以恤商艱恭摺仰祈

聖鑒事竊據長蘆鹽運使如山詳稱蘆商正課例限五月奏銷自

同治十年後屢遭災歉節經詳請

奏准緩至十月啟徵茲以例限將屆催令各商完納據通網商人

誠利生等稟稱蘆綱本重銷滯又值頻年災歉商累甚深今歲入

春以來雨澤愆期硝鹽復起銷路益滯船隻短少水腳加增以近

來困做情形而論本難課運並願刻下春運既宜趕辦去歲未完

帑利及帶徵正課亦均到限於辦運喫緊之際尙須完此數款實

屬萬分拮据屆指奏銷不及兩月若再加以正課其勢萬難籌措

懇仍援案展緩該運司詳加體察委係實情如將本屆正課依限

奏銷徒事參追無裨實濟請仍緩至十月啟徵等情具詳請

奏前來臣查長蘆正課前因商情艱窘請展緩均經奉

旨允准現值災荒之後課運同時並辦力更難支應援照歷屆成

案籲懇

天恩俯准將光緒五年正課奏銷緩至十月辦理屆時當督飭運

司實力催徵以濟京協餉需理合恭摺具

奏伏乞

皇太后

皇上聖鑒訓示謹

奏

續收晉賑摺 光緒五年五月十二日

奏為津局續收過各省官紳商富捐助晉賑銀兩及棉衣合銀數

目恭摺奏報仰祈

聖鑒事竊山西前因旱災需賑繁巨撫臣曾國荃奏准於直隸

江蘇安徽湖北湖南福建廣東廣西四川浙江江西等省勸捐部

議統歸直隸請獎仿照天津賑捐章程辦理臣即奏派現署布政

使本任按察使丁壽昌等在津設局籌辦嗣又奏准仿照黔章推

廣新捐以裨賑款經臣咨明各省凡係好善樂助及按業按貨物

集者與照黔章指捐情形不同仍照天津賑捐章程請獎已將開

局起至光緒四年七月底止收過各省官紳商富應照津章請獎

捐數奏報並因統歸直隸請獎賑轉需時奏明知照各省就近仿

取履歷自行照章請獎在案查自光緒四年八月起截至五年

正月月底止除前三姓副都統勝安捐銀三千兩廣東封職朱鏞等

捐銀一千兩前州屯旗許有泰捐銀二千兩業經奏請

旌獎外實共續收過各省官紳商富捐款銀二十一萬四千四百

七十五兩一錢二分六釐四毫棉衣合銀六千兩統計收捐銀衣

合銀二十二萬四千七百五兩一錢二分六釐四毫均經撥解晉

省濟用將來仍由該省彙總報銷至此大續收捐款內應歸直隸

按照天津賑捐章程請獎銀五萬八千七百九兩八錢五釐九毫

應歸江蘇請獎銀十一萬一千一百四十七兩六錢七分九釐五

毫浙江請獎銀二萬六千二百八十四兩三錢八釐湖南請獎銀

一萬一千兩廣東請獎銀一萬三千三百三十三兩三錢三分三

釐以上別歸該四省之款是否一律照津章請獎開有未據詳敘

明晰者應由各該省自行查明分別辦理據津局司道具詳請

明晰者應由各該省自行查明分別辦理據津局司道具詳請

奏前來除飭將應歸直隸請獎之款迅速查取履歷造冊詳咨並分咨各省核辦外理合會同山西撫臣曾國荃恭摺具

奏伏乞

皇太后

皇上聖鑒訓示謹

奏

奏稿三十四

三

籌加府尹公費片 光緒五年三月十二日

再地方各官政務殷煩向藉養廉辦公惟順天府尹每年例止養廉銀四百兩除去減成折扣僅領實銀二百餘兩該府尹居

京師首善之地專轄近畿四廳二十四州縣管理刑名錢穀緝捕

諸政歲需川項甚繁領款不敷甚巨是以歷任公私交困臣與同

辦一事深恐艱窘情形竊恐無以自立或致別滋流弊查外省繁

缺道府每口歲支廉銀四五千兩不等奉天府尹現亦增至實

銀六千兩順天府尹亦有地方之責自應比例酌加以示體恤惟

部款既難請直隸又係缺額之區司庫入不敷出今查有天津

貨釐一款本係奏定撥充大沽北塘海口釐臺經費飭據支應局

司道擬議每年設法勻提實銀三千兩應請自光緒五年春季起

即由該局照數解送作為順天府尹加增公費庶辦公有資不致

動形竭蹶地方事宜亦可實力整頓如將來釐捐停止再行察酌

籌辦理合附片具陳伏乞

聖鑒訓示謹

奏

奏稿三十四

三

捐獎展限片 光緒五年五月十二日

再前准部咨停止各省捐輸凡辦理賑捐省分統限五月內造冊請獎若逾限到部不准再請官等因當將直隸賑捐收數截至上年十二月底止專摺奏報其請獎事宜原期依限辦竣惟捐生散居各州縣或籍隸外省程途遠近不一又未能深悉例章所開履歷官階往往錯誤文牘往還動輒逾月雖經咨行飭催而未據開送請獎者尚有銀三十餘萬兩現距部限甚迫斷難勉期竣事據滄賑局司道詳請展限前來臣查直隸賑捐章程只能請獎佐貳雜職不准給道府州縣實官亦無翎枝及分發指百等項其收捐銀數實職銜僅減例銀四成升銜封典遞減二成更非滇黔等省折減過多者可比各捐生不圖節省而踴輸將實能矜念鄰災急公好善裨益災區疊經欽奉

奏稿二十四

三

諭旨照章獎敘若因開報履歷稍遲不得邀獎殊無以答其慕義之或亦不足以示大信現在晉豫賑捐獎案皆請展限三月已經戶部議准直隸情事相同且從前所收捐數又經奏報絕無隱射奉混之弊相應仰懇天恩准將直隸前收賑捐未獎銀數按照晉豫兩省成案一律展限三箇月照原定章程請獎俾免向隅而昭激勸理合附片具陳伏乞聖鑒訓示謹奏

蘆鹽欠課展限摺 光緒五年五月十二日

奏為長蘆鹽商補欠積欠二款勢難徵請仍展限五年藉紓商困恭摺仰祈

聖鑒事竊查蘆商應交補欠積欠二款前因停徵限滿商情苦累無力完交奏請自光緒五年起再行推展五年經戶部議駁以蘆網正課每引徵銀六錢有奇課則最輕連加徵補欠積欠亦祇八錢有奇商本不為過重道光二十八年釐定科則將通網應徵各款按引勻攤隨同正課完納自必核計各商成本力可完交始著定則等因當經轉飭遵照茲據運司如山詳稱道光二十八年定郡王載銓等釐定蘆鹽科則計每引實共應交正課雜款銀二兩有奇隨後加徵內務府參價欽天監生息歸補緝費口岸汛工金隄捐款軍需復價榮工加價疊經奏明有案原定正課雜款本已不輕續加各款皆關京外要用今又有彌補賑需一款即應啟徵在歲豐銷暢商力饒裕之時或可將補欠積欠勉令完交無如地方疊被災傷各岸銷路極滯車船脚價無不昂貴成本愈重商困太深迥非釐定科則時情形可比本年於額徵正雜各款及彌補賑需之外並有帶徵歷年災緩正課網情萬分竭蹶若再加徵補欠積欠商力委實難支況補欠積欠二款雖已著為科則究係從前參商欠項今各商自顧不暇實無餘力攤賠據通網各商瀝陳苦累情形仍請照案推展五年由司具詳前來臣查直省庫儲支細待用孔殷若此二款尙可徵收正宜儘力催完藉資周轉豈容商人妄生希冀惟各商交款已重又值連年災歉網情實甚苦累儻催迫太嚴轉恐有礙現年正課合無仰懇天恩准將補欠積欠兩款自光緒五年起再展五年藉紓商困理

奏稿二十四

三

合恭摺具陳伏乞
皇太后
皇上聖鑒訓示謹
奏

奏稿三十四

請

京城平糶請獎摺 光緒五年五月二十五日

奏為辦理京城平糶尤為出力人員仍請按照海運章程給獎恭摺仰祈

聖鑒事竊照前辦京城平糶出力各員經臣按照海運章程擇尤保獎奉

旨均著照所請獎勵欽此旋經吏部將航海運解米糧各員核在

其購辦等運辦各員均照差委局務章程駁改知照前來伏查

由直派員赴東南各省購糧至京平糶事屬創始頭緒繁多辦理

本甚棘手況值災荒正劇之際市集糧價昂流民屯聚日眾該

員等盡心竭力妥慎經營始克就理所有糶食之眾除附近貧戶

外凡外來山西等省災黎無不扶老攜幼相率前往升合瑣屑應

接不遑幾與散賑無異

京師為根本重地救荒乃切要之務迥非外官尋常差委可比是

以順天辦理賑濟資遣人員經府尹聲明異常出力請照河工海

運章程給獎蒙

俞允由部覆准在案平糶同屬救荒事無二致且賑濟派員較多

可資分任資遣僅兩三月為時尚暫平糶則以十餘人經理局棧

兼籌購運共計糶數八萬數千石之多歷時一年之久較之賑濟

實道煩勞尤甚似未便獨令向隅茲將部駁各員仍按海運章程

擬給虛銜頂戴班次等項開單恭呈

御覽仰懇

天恩敕部仍遵前奉

俞旨及順天請獎成案照擬給獎以昭激勸理合恭摺具陳伏乞

皇太后

皇上聖鑒訓示謹

南洋勸捐請獎摺 光緒五年五月二十五日
奏為遵保潮州登灣香港及南洋各埠勸捐賑分濟豫賑尤為出力紳酌擬獎敘恭摺仰祈

聖鑒事竊臣鴻章前於光緒三年奉命兼辦晉賑捐務當以災區既廣時日又長非廣勸捐輸不足以資接濟而商臣日昌就近召集潮州香港一帶紳董設法勸辦一面分致各地方官及登灣官紳通力合作又以南洋各埠如安南暹羅新加坡小呂宋新金山等處寄居華商頗眾派員紳前往會同領事頭目商董勸辦因豫省災荒亦重各撫均商懇辦助議將捐款分濟豫賑其登灣紳士林維源捐款則多半濟豫統由海運解津交臣鴻章酌核分撥所有辦理情形臣等已節次奏報現在賑捐停止捐生履歷冊籍亦均辦齊該員紳等始終出力實堪嘉獎竊維近年捐務已成弩末又值潮州等處歲事未豐勸辦本非易易況潮登距晉豫甚遠南洋各埠皆屬海外異邦尤難共喻解推責以趨公濟急乃該員紳等仰體朝廷不忍一夫失所至意視

國事如家事以人飢若己飢實力實心分投勸勉寒暑無間瘴癘不辭又遠赴海外安南暹羅新加坡小呂宋新金山各埠多方籌勸重洋數萬里屢次往返風濤山沒艱險備嘗貽墊資斧亦復不少捐生感其至誠因而聞風興起統計集捐實銀至百數十萬之多收繳轉運均極迅速而於各省未開捐之前首先解濟數十萬不特臣等始願所不及實為賑案中未有之盛舉若非該員紳勇於為善訖切救災不遺餘力曷克臻此其全活晉豫兩省饑黎不下百萬洵屬莫大功德迥非內地尋常勸捐勞績可比查辦理晉

奏稿二十四

天

賑出力人員欽奉

上諭准照河工海運章程請獎又臣昌上年兩次奏請將勸捐出力人員從優酌保並將各埠出力管事項目酌與均奉

旨准於事竣後知照李鴻章等請旨獎敘又臣鴻章奏報暹羅國王倡率臣庶華商捐賑及勸捐委員陳占鼐等出力案內奉

旨陳占鼐等著俟事竣後准其從優請獎各在案茲查照河工海運章程擇其尤為出力者開單恭呈

御覽其南洋各埠領事頭目商董本皆華人各能深明大義一併擇尤擬給虛銜頂戴等項相應仰懇

特恩俯准照擬給獎庶足以昭激勸而示勸懲其次出力員紳分別酌給外獎理合會同山西撫臣曾國荃河南撫臣涂宗瀛恭摺具

奏稿二十四

奏伏乞

皇太后

皇上聖鑒訓示謹

奏

未獎各員存記片 光緒五年五月二十五日

再潮州臺灣僻處海隅相距曾豫甚遠至南洋各埠商民雖皆閩粵兩籍然如新金山則往返幾及八九萬里即安南暹羅小呂宋新加坡等處亦相距二三萬里此次一聞曾豫奇荒

聖主宵旰焦勞該紳民等無不激發天良捐貲報效其捐貲而不敢仰邀獎敘者約計亦有三萬餘兩急公好義實屬出於至誠現雖將在此事出力人員分別

奏請獎勵而集費數逾百萬出力人數較多且因停捐限期較迫凡相隔太遠之處出力勸辦員紳一時查保不及其中定多遺漏若任其湮沒似不足以鼓勵將來因思各省府縣志書凡遇有樂善好施之士無不采其軼事載在冊籍俾資觀感臣等往返熟商擬將此次急公好義捐貲款漏未列獎之出力員紳查其平日

行誼足為一方表式者即為咨行本籍督撫及地方官存記俟將來修輯志書時將該員紳姓名事蹟列入以資激勸除查明姓名事蹟分別咨行查照外理合會同山西撫臣曾國荃河南撫臣涂宗瀛附片陳明伏乞

聖鑒謹

奏稿二十四

奏

宗瀛附片陳明伏乞

奏

福建督賑請獎摺 光緒五年五月二十五日

奏為福建籌助晉賑尤為出力人員酌擬獎敘恭摺仰祈

聖鑒事竊前因山西連年旱荒需賑浩繁奏准於東南各省分別

協撥款項勸捐接濟捐案統由直隸請獎所有福建省辦理情形

經臣環等節次奏報在案查閩省地方瘠瘠又值頻歲歉收本屬

自顧不暇今以晉災過重

朝廷宵旰焦勞在事司道等仰體時艱力籌補救屢次撥給協款

米石又多方設法勸捐源源解津轉運接濟除協款木石及臺灣

林維源捐款不計外共收捐銀至二十餘萬兩晉省災黎全活甚

眾實屬有裨大局現已停捐並將捐生履歷冊籍由直隸核咨部

所有尤為出力人員自應欽遵前奉

諭旨查照河工海運章程酌擬獎敘開單恭呈

奏稿二十四 單

御覽仰懇

天恩俯准照擬給獎以昭激勸理合會同山西撫臣曾國荃合詞

恭摺具陳伏乞

皇太后

皇上聖鑒訓示謹

奏

蒙員請照擬給獎片 光緒五年六月十八日

再前因察哈爾內外各旗羣蒙古官兵捐助直省耕牛按照節次

成案擬請獎敘業經戶部議覆內有訥爾布三畢勒等六十二員

名請給翎頂官階部議以翎枝前已停捐應按捐銀另獎臣查各

旗羣官兵近年生計艱窘一聞畿疆荒歉即慨分牲畜以惠窮農

實屬救災恤鄰誠心為善先經臣奏明援照同治年間察哈爾本

處節次收捐馬駝成案從優請獎奉

旨該衙門知道欽遵在案誠以蒙古向隸外藩獎敘與內地不同

亦為捐例所未備應係查照成案辦理不以常例相繩且於事竣

後計其捐數照案核給並非指項報捐可比此外亦無可另獎相

應仰懇

天恩俯念藩部官兵急公報效獎勵素優准將訥爾布三畢勒等

奏稿二十四 單

六十二員名仍援歷辦成案按照原擬翎頂官階給獎以免向隅

而昭激勸理合附片具陳伏乞

聖鑒訓示謹

奏

海防支應請銷摺 光緒五年六月十八日

奏為查明天津海防支應局光緒四年分收支餉需按款造冊請銷恭摺仰祈

聖鑒事竊據天津海防支應局司道會詳津郡海防改設練軍並原設海口礮臺通永鎮標大沽協標官兵雲字營馬隊應需餉乾等項向在津海關六成洋稅洋藥釐捐東海關協餉長蘆鹽斤復價甯河釐捐各項下隨時籌撥按照定章樽節支放所有光緒三年分收支款目業經奏咨准銷在案茲查調往奉省之天津練軍左後兩營官兵仍照出師章程分別正餉加餉按三箇月一次源源接濟大沽北塘新城等處礮臺續設礮位查照成案支給演放經費其餘支發一切款項悉照奏定章程及歷年准銷成案按月核給造具細數清冊詳請奏咨前來臣逐加覆核計自光緒四年

正月初一日起截至十二月三十日止共收款銀三十五萬四千五百二十五兩七錢四分三釐四毫三絲其支款應歸戶部核銷銀三十二萬四千三百九十五兩六錢一分三釐一毫七絲二忽五微應歸兵部核銷銀五千九百四十七兩二錢應歸工部核銷銀二萬四千六百三十四兩五錢三分三釐八毫二絲三忽二微共應銷銀三十五萬四千九百七十七兩三錢四分六釐九毫九絲五忽七微除本案內扣收過平餘銀二百四十六兩三錢四分五釐三毫三絲八忽一微儘數動支外計不敷墊支銀二百五兩二錢五分八釐二毫二絲七忽六微均係隨時籌墊並承辦各員請領未發之款俟准部覆再行分別辦理除清冊咨部查照外所有天津海防收支餉銀造冊請銷緣由理合恭摺具陳伏乞皇太后

皇上聖鑒收部核銷謹奏

奏摺三十四

聖

密勸朝鮮通商西國摺 光緒五年七月十四日

奏為遵

旨繕函密勸朝鮮與泰西各國立約通商鈔稿進呈恭摺仰祈

聖鑒事竊臣承准軍機大臣密寄七月初四日奉

上諭總理各國事務衙門奏泰西各國欲與朝鮮通商事關大局

縷晰密陳等語日本朝鮮積不相能將來日本恃其詐力逞志朝

鮮西洋各國羣起而謀其後皆在意計之中各國既欲與朝鮮通

商儻藉此通好修約庶幾可以息事俾無意外之虞惟該國政教

禁令亦難強以所不欲朝廷不使以此意明示朝鮮而顧念藩封

又不能置之不問據該衙門奏李鴻章與朝鮮使臣李裕元會經

通信略及交鄰之意自可乘機婉為開導在該督必不肯輕與藩

服使臣往來通問而大局所關亦當權衡輕重著李鴻章查照本

年五月開丁日昌所陳各節作為該督之意轉致朝鮮俾得未雨

綢繆潛弭外患等因欽此仰見

聖謨廣運眷念東藩指示機宜無微不至欽佩莫名伏惟朝鮮孤

峙海隅向不願與遠人交接英法美諸國屢為所拒前歲日本舊

以兵威始與立約通商猜疑未泯積有遠言日本知其孤立無援

儼一旦伺隙思逞俄人亦將隱啟雄圖英德法美諸國復羣起而

議其後非惟朝鮮之大患抑亦中國之隱憂本年五月開前福建

撫臣丁日昌所陳各節為朝鮮計實為中國計惟朝鮮地僻俗儉

固於風氣彼於近日海外情形茫乎未有聞見日本最與相近交

涉數年尚多隔閡若驟語以遠交之利恐彼國君臣成見未融勢

難相強此所以久欲設法而不能不躊躇審顧者也至朝鮮原

任太師李裕元自光緒元年秋奉使來京是冬十二月開事竣回

國道出永平囑該知府游得開轉寄一函道其仰慕以古者鄰

國相交其卿大夫不廢贈答之禮矧朝鮮久列藩服誼同一家現

值時事多艱臣職在通商既不能不廣示半籠稍通遐邇之氣復

不能不代為籌畫俾免枕隍之虞因於覆書略著外交微旨嗣後

開歲每一通函於備禦俄人應付日本之方常為道及本年春開

李裕元來書頗陳日本非禮侵侮臣尚未及裁答適蒙

聖慈垂訓頃已專泐覆函作為微臣之意反覆開導加封遞至

盛京將軍衙門請兼署將軍臣收元安速轉遞查李裕元現雖致

仕據稱係其國王之叔久任元輔尚得主持大政亦頗曉暢時務

如能因此廣諮博議未雨綢繆庶於大局有裨惟泰西各國立約

如傳教內地及販運鴉片煙入境為該國上下所深惡恐其因此

疑畏是以書中豫為剖晰俾毋過慮將來朝鮮若果定議事務正

多該國於約章利病素未深究立約之時或不能不代為參酌朝

鮮臣民未諳洋情驟與西人雜處欲其措置悉協永無瑕衅亦尚

難保仍應由中國隨時隨事妥為調處庶幾柔遠綏邊較有實際

除俟接李裕元覆書再行陳奏外謹將此次來往函稿鈔呈

御覽所有遵

旨繕函密勸朝鮮與泰西各國立約通商緣由恭摺由驛密陳伏

乞

皇太后

皇上聖鑒訓示謹

奏

李文忠公奏稿卷三十四

李文忠公奏稿

卷之三十五目錄

晉賑捐運請獎摺	光緒五年八月初一日
東明加築月隄摺	光緒五年八月初一日
請賞德國提督寶星片	光緒五年八月初一日
楊向氏請匾額片	光緒五年八月初一日
兵差報銷章程摺	光緒五年八月初一日 <small>附清單</small>
蘆鹽加耗展限摺	光緒五年八月初一日
請提湖北新漕摺	光緒五年九月初二日
奏調劉盛藻片	光緒五年九月初二日
吳可讀建專祠片	光緒五年九月二十四日
籌議交收伊犁事宜摺	光緒五年十月初二日
賑糧酌量分撥摺	光緒五年十月初二日
驗收續購船礮摺	光緒五年十月十六日
奏留丁汝昌片	光緒五年十月十六日
孝子薛有信請旌片	光緒五年十月十六日
張家口建書院片	光緒五年十月十六日
籌議購船選將摺	光緒五年十月二十八日
請催海防經費片	光緒五年十月二十八日
武弁回華教練摺	光緒五年十月二十八日
德國兵官請給寶星片	光緒五年十月二十八日
東明月隄工費摺	光緒五年十一月二十八日 <small>附清單</small>
蘆引推展摺	光緒五年十一月十五日
湖北京餉衝失摺	光緒五年十一月十五日

議覆中外洋務條陳摺
光緒五年十一月二十六日

南紳會辦工撫片
光緒五年十二月十九日

李文忠公奏稿卷三十五

全集一之三十五

桐城吳汝綸編錄

晉賑捐運請獎摺

光緒五年八月初一日

奏為遵保直隸歷辦晉賑捐運事宜尤為出力人員照章酌擬獎敘恭摺仰祈

聖鑒事竊山西前兩年大旱為災賑需既多不給運道又甚艱遠必須廣勸捐輸設法轉運以救民命

諭兼籌當以天津為總匯要區奏派司道大員設局綜理戶派員於直屬保定及江浙東奉等省分設捐局勸辦合之前福建撫臣

丁日昌經辦湖州等處賑捐道員唐真銓經辦兩湖賑捐統歸津局核獎又派員航海赴南省奉省采辦米糧運晉賑糶凡收捐銀

米采辦糧石並奉撥江浙廣漕米以及東南各省捐協各款均源源運交津局接收又派員於直屬之獲鹿保定泊頭鄭家口白

塔寺呂漢鎮馬廠設轉運局自津河分運米糧至保定等處換車統赴獲鹿達晉是為北路又於直屬蘇曹鎮山東館陶縣設轉運

局由南運河赴館陶換車至蘇曹易駝入東陽關達晉是為中路又由南運河至河南道口附近登陸赴清化鎮等處達晉是為南

路其棉衣藥物則分路搭運銀兩則由北路運解山西省城而河南捐運事宜亦歸併辦理此直省籌辦賑賑之大略情形也近年

捐務已成弩末各省又有水旱災傷加以滇黔川局林立勸辦本非易事各委員以鄰災至重飢黎待哺嗷嗷實力實心多方勸勉

寒暑無間疾疫不辭捐生感其至誠因而聞風興起除丁日昌唐真銓經手捐款不計外統共集捐實銀至三百餘萬之多獎案亦

剋期辦畢其自南省奉省運解銀米至津及山津轉運各員涉歷

重洋頻經危險遇河凍則擊冰前進遇山險則負戴以行夏秋暑

雨交侵農忙車駝難負尤能不避艱阻竭力經營統計運解米糧

四十餘萬石銀三百數十萬兩且辦捐者兼籌轉運轉運者並勸

捐輸時閱兩年始終不懈全活災民奚止百萬此各員出力之大

略情形也自來地方災荒鄰省委員能不分畛域苦口勸捐遠道

轉運集成銀米如此之鉅殊不多覲實為臣等始願所不及足見

該員等誼切救災勇於為善洵堪嘉尚其勞績迥非尋常可比自

應欽遵奉 諭旨查照河工海運章程請獎查直隸總分各局事極繁重歷時

又久出力人員本多今將稍次者一律刪減擇尤酌擬獎敘開單

恭呈 御覽仰懇 天恩俯准照擬給獎以昭激勵其武弁應給五六品銜頂及千把

外委者月咨兵部註冊謹合詞恭摺具 奏伏乞 皇太后 皇上聖鑒訓示謹

奏

奏

東明加築月隄摺 光緒五年八月初一日

奏為黃水偏刷東明隄根現於隄裏加築月隄以資防守恭摺仰祈

聖鑒事竊直隸東明縣地面新築黃河南隄六十餘里每年飭闢大名開州練軍派開州協副將就近督帶防汛惟黃流日向南趨河灘疊有塌陷溜勢灣進偏近隄根其與山東荷澤縣毘連之黃莊岳辛莊一段尤為危險六月底該段隄根距水尚百餘丈旬日間又塌去數十丈坐灣處大溜僅距隄三十餘丈疊經設法搶堵乃水勢湧猛異常護隄椿料悉被衝去自來黃性湍悍不受約束必須寬留中洪資其蕩濼前因東省北岸臨河築隄佔礙水道南岸地勢低下遂更側注直衝今年黃水較秋汛正旺誠恐隄身續塌倉卒難於收拾亟宜預籌布置據大名鎮總兵徐道奎大順廣道黃槐森親往會同開州協副將張桂芳察勘商酌應將該段隄裏圍築月隄一道計長一千二百五十八丈頂寬二丈底寬七丈高一丈仍責令員弁固守原隄竭力搶護備衝塌過甚萬難抵禦則兼守月隄以免他虞博節估計需土方工價銀九千餘兩直省庫儲極細但事關大局不得不竭力勻籌已飭練餉局於江南協餉項下撥給銀五千兩天津釐捐項下撥給銀四千兩即令該鎮道等核實支用遵照歷次奏案就款開除免造銷冊據報於八月二十四日興工調集練軍添雇民夫趕緊協力堅築剋期竣事將來察酌情形再行加高培厚並飭地方官查丈壓佔民田若干照案給價請免錢糧如有損壞禾苗酌給工本以示體恤除俟秋汛後再將防守情形奏報外所有黃河險要圍築月隄緣由理合恭摺具陳伏乞

皇太后 皇上聖鑒謹

奏稿三十五

四

請賞德國提督寶星片 光緒五年八月初一日

再據出使德國大臣並肄業監督李鳳苞咨開德國子告提督巴
蘭德係駐京公使巴蘭德之兄當光緒二年選送七弁赴德肄業
時該提督即導見該國兵部海部並託斯邦道提督及伊婿營官
德羅他分派教導視同子弟迄今三年鉅細畢周勤勞益著請
奏賞該提督寶星以示獎勵等語查光緒三年十月德國兵官德
羅他教練盡心經臣奏奉
俞旨賞給寶星欽遵在案該提督照料周妥事同一律前據李鳳
苞兩稱該提督望
恩賞寶星以為榮寵自應由臣飭局仿造二等金寶星一顆齎交
駐京使臣巴蘭德轉寄傳
旨賞給以示懷柔而資激勸除咨請總理衙門照會巴蘭德知照

奏稿二十五

五

外附片陳明伏乞

聖鑒訓示謹

奏

楊向氏請匾額片 光緒五年八月初一日

再前陝甘總督臣楊岳斌之父楊秀貴母楊向氏於上年直賑喫
緊之際捐助實銀一千兩諭令楊岳斌匯解來直當經分撥濟賑
臣查楊秀貴原任直隸獨石口副將現年九十歲楊向氏年八十
一歲均受一品
誥封家非饒裕性實仁慈每以節省所餘濟人急難前因直省豫
陝四省旱荒普捐巨款助賑災黎全活甚多救災恤民之誠老而
彌篤深堪嘉尚雖據稱不敢邀敘實未便壅於
上聞除濟首之款已由山西撫臣奏蒙
賞給御書匾額外所有捐助直賑銀一千兩應請
旨准其建坊給予樂善好施字樣以示旌獎理合附片具陳伏乞
聖鑒訓示謹

奏稿二十五

六

奏

兵差報銷章程摺 光緒五年八月初一日

奏為查辦各屬兵差報銷酌議章程分別奏咨立案恭摺仰祈
聖鑒事竊直隸各州縣歷年供應各處征調遣撤並本省防剿過
境官兵應需餉給口糧馬乾車價房價暨運送軍裝糧餉添設腰
撥工料等項自同治三年七月起截至同治八年十二月底止業
經分年分起造冊奏報奉部核覆准銷在案其自同治九年正月
至今又歷十年因地方連遭災歉辦理賑撫未及兼顧現在清理
新舊交代應將各屬應付兵差等項自同治九年起截至光緒四
年十二月底止接續造冊報銷以清積牘已由署藩司丁壽昌檢
查各屬送到銷冊詳細句稽分別在駁核實造報其中有應循舊
章者有應酌量變通者請先分別奏咨立案據丁壽昌分列清單
具詳前來臣覆核無異除咨戶兵工三部外所有應行奏明立案

奏稿二十五 七

事宜理合繕單恭摺具陳伏乞

皇太后

皇上聖鑒謹

奏

謹將查辦各屬兵差報銷酌議章程分別奏咨立案事宜繕單恭
呈

御覽

計開

一 帶兵官弁原給跟役馬匹等項應按品級照例核計但各屬冊
報往往參差歧異若必逐一咨查不特輾轉往還稽時日且各
營或已遣撤或已改調更難查考擬請量為變通除原營已有帶
兵官弁銜名送到者仍核實辦理外其未送到者即按各屬冊報
以上下站比對其銜名參差者以最小之品級為準其多寡不符
者以最少之數為準毋庸咨取各原營銜名以歸簡易
一 兵部奏定章程遣撤東三省察哈爾熱河密雲等處官兵如未
經奏明咨回原處者車輛原給概不支給惟近年遣撤官兵到境
總以餽口無資紛紛索取並有傷病之人情甚可憫勢難概不應
付且遣撤東三省官兵多有赴兵部請給護牌者州縣尤不能不
照牌應付應請凡遣撤東三省等處官兵如有兵部護牌飭令應
付者無論遣撤時曾否奏明俱准報銷以歸劃一

奏稿二十五 八

鹽運加耗展限摺 光緒五年八月初一日

奏為鹽運行銷豫岸仍多傷耗請將前加耗鹽展限五年藉資貼補恭摺仰祈

聖鑒事竊長蘆南引各商前因道遠運艱新鹽質嫩傷耗太重奏准於舊定斤兩外每包酌加二十斤暫以五年為限屆時察勘商力稍紓奏請停止計自同治十三年八月起至本年八月限滿茲據長蘆鹽運使如山詳稱向來生鹽由灘運坨必須存儲一二年滷氣漸消然後築運約計每年須運生鹽八九十萬包源源接續配運庶鹽抵各岸不致過於虧耗近年早潦靡常生鹽收成歉薄顆粒尤多散碎滷氣極重統計上年發運到坨者僅二十萬五千餘包自來運鹽之少未有甚於此者舊存坨鹽築運殆盡本年應築之引勢須趕發新鹽雖滷氣未乾亦不能不勉強充數豫岸距

奏稿二十五

九

津遠者數千里近亦千數百里水陸疊更逐程盤運每包傷耗至數十斤顆粒皆關成本多耗一斤之鹽即少得一斤之價實屬賠累難支况豫省自災後元氣未復車船脚價昂貴異常加以黃沁買魯諸河變遷無定道途往往梗阻運費增至數倍現時南引各商不但力未稍紓且困苦較五年前更甚據誠利生等各商公稟請將前加每包耗鹽二十斤展限五年由該司查明屬實具詳請

奏前來臣維近年早潦靡常生鹽歉收滷氣極重最易銷耗况豫岸距津遙遠舟車屢易逐程盤剝傷耗實多該司議將南引前加耗鹽展限五年於原定課款並無出入亦尚不至佔礙銷路相應仰懇

天恩俯准照辦以保課本而恤商艱理合恭摺具陳伏乞

皇太后
皇上聖鑒訓示謹
奏

奏稿二十五

十

請提湖北新漕摺 光緒五年九月初一日

奏為直境窪區水災較重前截漕糧不敷分撥懇

恩賞給湖北來歲新漕三萬石提前辦運接濟恭摺仰祈

聖鑒事竊直順各屬夏秋之交雨水過多窪區被淹民情困苦曾

於七月初奏蒙

恩旨截撥江北本年河運漕米六萬石以資撫恤其時節候尚早

災分輕重本難預定乃七八月間連旬大雨積水未消又添新漲

現屆霜降水勢仍復浩漫各屬窪區秋禾無收春麥雜種閭閻受

患益深積被漫淹多處就已勘報州縣而論其應賑村莊甚眾與

七月間情形不同核計前截漕米六萬石斷不敷用順天府尹臣

曾以米少戶多緘商續請加撥竊維直隸地瘠民貧連年水旱困

阨已甚今災區較廣一交冬令窮黎餬口維艱必須妥為撫恤司

庫入不敢出又值蠲豁頻仍無從再籌巨款不得不復作發策之

請查江浙本年漕糧早已運交通倉來年新漕尚未徵兌惟湖北

省來年仍辦漕糧三萬石由輪船招商局采員運交業准該督撫

臣鈔奏咨行在案上屆因督賑孔亟經臣等奏請將江鄂新漕提

前辦運甚為妥速相應仰懇

天恩准將湖北來歲新漕三萬石如數撥給直隸藉應冬撫急需

俾與前截糧石酌量勻撥核實散放以救民命而廣

皇仁如蒙

俞允並請

敕下湖北督撫臣速將購運價腳銀兩照數發交招商局道員葉

廷晉唐廷樞等領辦臣即飭該員等一面領銀一而購米趕於封

河前由輪船運津以資接濟其由津運通船價各款即令該局按

照上屆督賑辦法核扣解道稍可津貼賑需理合會同兼管順天
府府尹臣萬青黎順天府府尹臣梁肇煌恭摺由驛具陳伏乞
皇太后
皇上聖鑒訓示謹
奏

奏稿三十五

十一

奏調劉盛藻片

光緒五年九月初二日

再臣駐津籌辦北洋防務在在需人助理查有遇缺題奏按察使劉盛藻統領銘軍戰南北十數年勦平髮捻各逆立功最多同治十一年經臣奏派赴陝接統銘營實力整頓繕固邊防和輯兵民其才足以當一面著有明效嗣因調防徐濟軍務稍鬆該臬司顯懇回籍補行終制又經臣於光緒元年四月開奏蒙俞允現計該臬司早經服闋當此時事多艱需才孔亟如劉盛藻之治軍嚴整操行樸實兵事歷練既久吏治亦甚講求洵為文武兼資不可多得之才合無仰懇
敕下安徽撫臣轉飭該臬司迅速兼程來津由臣酌量委用實於整備海防及地方政務有所裨助理合附片具陳伏乞
聖鑒訓示謹

奏稿二十五

十三

奏

吳可讀建專祠片

光緒五年九月二十四日

再本年三月
惠陵禮成後隨差行禮司員吏部主事前河南道監察御史吳可讀在薊州馬仲橋三義廟內仰藥自盡遺有密摺經順天府尹臣咨送吏部代遞當奉
皇太后懿旨交王大臣等妥議具奏旋復明降
懿旨吳可讀以死建言孤忠可憫著交部照五品官例議卹等因欽此嗣准部咨照例議給廕贈及祭葬卹銀並入祀本籍及死事地方府城昭忠祠各在案茲據薊州知州劉枝彥稟據紳士兵部主事李江等呈稱該故員砥行勵節為國捐軀讀其遺疏令人忠愛之心油然而生現與眾公議捐建專祠以妥忠魂而勵薄俗稟請具奏前來臣查吳可讀久居郎署曾任言官其學行風節夙為海內所推服輒復忠誠鬱發獨進讜言不惜以一死表其志馴至廷臣集議
懿訓昭垂衷於一是所以為天下萬世計者至深且遠又聞該員就義之時遺命即葬薊州並有出此一步即非死所等語該州士民傾心嚮慕願永薦馨香以資觀感禮亦宜之擬請
旨俯准該紳等捐建專祠由地方官春秋致祭以彰
聖世褒忠之典而慰薊人景仰之誠謹附片具陳伏乞
聖鑒訓示謹

奏稿二十五

十四

廷臣集議

光緒五年十月初一日

奏為遵

旨籌議交收伊犁事宜恭摺密陳仰祈

聖鑒事竊臣承准軍機大臣密寄八月二十三日奉

上諭總理各國事務衙門奏籌辦交收伊犁事宜請飭疆臣覆議一摺據稱連接崇厚電報內稱約章皆定議畫押並將現議條約十八款摘要知照償費一節尚不過多通商則事多轉趨分界則弊難枚舉亟宜籌畫布置迅圖補救各等語崇厚出使俄國同以索還伊犁為重而界務商務關係國家大局者自應熟思審處計出萬全且疊經總理衙門電致崇厚若照來函有礙大局節略內並言所損已多斷不可行該大臣尤應遵照辦理設法辯論乃竟任其要求輕率定議殊不可解現在俄約既經議定其第七款中

國接收伊犁後陞爾果斯河西及伊犁山南之帖克斯河歸俄屬第八款塔城界址擬稍改是照同治三年議定之界又於西境南境劃去地段不少從此伊犁勢成孤立控守彌難況山南劃去之地內有通南八城要路兩條關繫回疆全局至第十款於舊約喀什噶爾庫倫設領事官外增出嘉峪關烏里雅蘇特科布多哈密吐魯番烏魯木齊古城七處亦酌設領事第十四款俄商運俄貨走張家口嘉峪關赴天津漢口過通州西安漢中運土貨回國同路不特口岸過多並與華商生計亦有妨礙允行則實受其害先允後翻則曲仍在我白應設法挽回以維全局萬左宗棠金順錫綸將界務商務各款悉心酌覆李鴻章沈葆楨素願大局除商務各條詳加籌畫外其界務如何辦理始臻周妥分別詳細密陳等因欽此仰見

聖謨廣遠思慮豫防至周且密欽佩莫名伏查俄人踞守伊犁將近十年每歲收其商農之利數十萬金其平時注意開墾拓土得尺得寸不稍退讓即迫於公論礙於成約不能不返我故地然彼國上下深謀視為奇貨稍肆要挾不廢其慾豈不止俄人陰鷲狡詐雖英德等國皆視為勁敵而憚與共事我出使大臣宜沈毅堅忍置得失榮辱於度外又必統籌全局相機應付以全力與之磋商乃不至墮其術中中國士大夫風氣向以出使為畏途平時講習俄事者尤少而此事一出入關繫極鉅往者微臣籌及西事每不免鯁鯁過慮者誠恐恢復疆則有名而無實變通商務或受損於無窮也議者初慮俄人浮開兵費俾我力不能償為久假不歸之計今嚴計償銀二百八十餘萬兩尚不甚多俄人之善於操縱而隱肆要求者在此崇厚之受其牢籠而不免遷就者亦在

此不知償費一層中國即多出數百萬金雖竭蹶於一時不至貽患於事後若界務商務則幾微不慎後悔難追在崇厚或因使俄之役以索還伊犁為重既急欲得地以報命而他務之利病遂不遑深計誠未免失之輕率謹將議定約章詳加攷覈除其中不甚關輕重者無庸置議外其第四款俄人在伊犁准照舊營業第十款於喀什噶爾二城設領事外准添設嘉峪關等七處領事官第十二款俄國在蒙古天山南北路貿易均不納稅第十三款設領事處及張家口准設棧第十四款俄商運俄貨走張家口嘉峪關赴天津漢口過通州西安漢中運土貨回國同路凡此俄商所沾之利不如是不足慊其意而伊犁亦不肯還然彼此民人雜處則界限未分明添設口岸太多則辦理易生枝節其餘奪華商之生計侵官茶之引地在彼獲益不少在我耗損

已多至分界之事第八款塔城界址稍改現尙未知其詳第七款中國接收伊犁後俄界斯河西及伊犁山南之帖克斯河歸俄屬就總理衙門寄到分界圖說環之伊犁西界割去一條長數百里其患猶淺南界割去一條亦數百里跨斷天山之脊隔我南八城往來要道細揣俄人用意一則哈薩克布魯特游牧諸部新附俄邦今復遮其四境絕彼嚮化之塗一則扼我咽喉使新疆南北聲氣中梗心殊匪測夫中國所以必收伊犁者以其居高臨下足以控制南八城談形勢者謂欲守回疆必先守伊犁也今三面臨敵將成孤注自守方不易圖豈足控制南路想左宗棠等礙難遵辦是界務與商務相較界務尤重矣總理衙門原奏謂收回伊犁尙不如不收回之爲愈洵爲洞見底蘊查同治八年英國新約以彼國未經批准至今不行同治二年葡葡牙使臣來津訂約以爭

論澳門設官一事迄未互換現修俄約既有

批准後通行之語又有西國成例可援原可遣而不行且與萬國公法所論亦有相符之處第此次崇厚出使係奉旨給與全權便宜行事字樣不可謂無立約定議之權若先允後翻其曲在自古交鄰之道先論曲直曲在我而悔必自招用兵之道亦論曲直曲在我而師必不壯今日中外交涉尤不可不自處於有直無曲之地我既失伊犁而復居不直之名爲各國所訕笑則所失更多且彼仍必以分界修約爲詞時相促迫迫迫不已必啟兵端而西北路各軍與俄人備處積不相能約既不換則隨時隨事易生猜嫌亦難保不漸開邊釁中俄接壤之處約萬餘里迨兵衅一開其所要求恐僅照現議而不可得者況防不勝防日本探聽伊犁消息以爲謂仲進止若聞俄事不諧或將伺隙而動

即英德各國修約恐亦因而生心是崇厚所定俄約行之雖有後患若不允行後患更重中國必自度果能始終堅持不至受人擠逼且必自度邊備完固軍餉充裕足資控禦乃可毅然爲之否則躊躇審顧祇能隨宜設法徐圖補救并宜稍示含容免使他國聞之長其效尤之計竊思崇厚電音簡略其定約時如何辨議尙未盡知若使當日明告俄人各事必候批准後方能舉辦或另有活動之語或別有轉圜之法約計該大臣冬月可以回京應由總理衙門王大臣密與詳詢體察情勢俟換約時能否將界務商務酌議更改如改得一分亦獲一分之益儻實無可改易無可延宕嗣後界務應如何布置諒左宗棠等必就近酌度妥辦至商務補救之方大要有二一曰立法一曰用人查泰西各國彼此商民皆可隨地貿易居住耦俱無猜由其用法

之善中俄舊約原許俄商順便往蒙古各處貿易今既擴充甚多

宜審各處民情地勢俾當事者督同地方官妥議章程由總理衙門核定畫一暫爲試辦以便籌商經久之道其張家口嘉峪關爲東西兩路入內地扼要之處尤宜嚴密稽查凡沿途抽換私貨逃稅等弊分別照約罰辦勿稍含混如果沿途不得銷售包攬則於無限制之中稍有限制此立法之要也惟是人存則政斯舉徒法不能治民將來陸路通商益廣交涉益繁更制必益多其安肅道及張家口監督兩缺宜與海關道員並重新疆各城如郡縣暫難改設或擇要添設道員遴選洋務人才設法調劑以期辦理妥洽至各路將軍大臣持節臨邊責任艱鉅必得熟諳時務威惠交孚乃有裨益似應不拘資格滿漢文武並用以重邊防而資整理此用人之要也以上兩端或稍可補救於萬一是否有當謹候

聖裁所有遵

旨籌議交收伊犁事宜恭摺由驛密

奏伏乞

皇太后

皇上聖鑒訓示謹

奏

奏稿三十五

十九

賑糧酌量分撥摺 光緒五年十月初二日

奏為直隸各屬災區賑糧均係核計情形輕重村戶多寡酌量分

撥恭摺仰祈

聖鑒事竊臣欽奉九月二十五日

寄諭御史鄧慶麟奏順天府屬因災辦賑必須察其戶口多寡被

災輕重酌量撥給賑糧方不至於偏枯聞該屬附近州縣均各領

米二千石其戶少災輕者固可敷用戶多災重者勢必不敷請飭

詳查酌辦等語著李鴻章萬青黎榮煊委派委員會同地方官

詳查災區情形據實稟明由該督等酌核辦理等因欽此遵查直

隸地方本年夏秋多雨窪區被淹奏蒙

恩賞江鄂漕米九萬石即經分飭各該印委詳細勘災款分數

開具村名數目據實稟報除無庸賑撫者不計外凡應行賑撫州

縣均係核計災分輕重村數多寡酌撥米糧前已飭據籌賑局司

道議詳撥給順屬文安大城霸州保定四州縣米二萬石並保定

縣先行撫恤米二千石又撥資州縣米一萬石薊州紅糧八千石

武清縣紅糧五千四百五十石香河縣米四千石涿州米二千石

通州米一千二百石又撥給直屬安州米七千石雄縣米一萬石

任邱縣米六千石高陽縣米三千石紅糧四百石安平縣紅糧四

千石深澤縣米一千二百石肅寧縣米一千石肅州縣米一千石由

局備船派員分投運送或令州縣及早領運以免河凍阻滯其水

路不通之處酌量變通折給銀藉省陸運糜費而窮民亦沾實

惠臣又專派道員顧肇熙等前往文大霸保四州縣督辦查放事

宜此外州縣戶由直隸選委委員分往會同該地方官認真確查

戶口均勻核實散放或以工代撫不惟絲毫弊混其附近天津災

村俟查明戶口再行酌撥歷屆災賑均係分別查辦從無不論災
分輕重村戶多寡每州縣各給二千石之事鄧慶麟所奏自係未
悉辦理情形除將災歉分數村莊名目蠲緩事宜續行由司核議
專案奏辦外所有直隸災區查賑撥米緣由理合會同兼管順天
府府尹臣萬青藜順天府府尹臣梁肇焯恭摺覆奏仰懇

慈廕伏乞

皇太后

皇上聖鑒謹

奏

奏稿二十五

驗收納購船礮摺 光緒五年十月十六日

奏為續購英國礮船四隻到津經臣親往驗收恭摺具陳仰祈
聖鑒事竊光緒元年三月內經總理各國事務衙門遣令總稅務
司赫德來津與臣議訂英國阿摩士莊廠二十六噸半礮之船三
十八噸礮之船各二隻專備海防要川該四船先後來華名曰飛
霆擊龍龍虎威選福建船政局學習駕駛之員飭派管帶臣
疊經親加演試大礮準頭較遠輪機精緻足以守護海口制禦鐵
甲兩江督臣沈葆楨曾經面商分撥臣方以船少未能分派為慮
接准總理衙門來函亦謂此項船隻無論各海口難資分布即咽
喉要區根本重地尙恐不敷必須及時添置其時赫德假旋當飭
津海關稅務司德瑾琳由電報轉致赫德與駐英稅務司金登幹
等就近確詢英廠船礮價目有無低昂俟其回信若何再行訂購

奏稿二十五

三

業於四年六月十七日附片

奏明在案旋據德瑾琳面呈金登幹電信內稱已與阿摩士莊議
照原購三十八噸礮之船每隻船礮機器傢具藥彈一切在內價
銀三萬二千五百磅四隻共需銀十三萬英磅合中國關平銀約
四十五萬兩等語臣札飭總稅務司轉飭金登幹查照從前辦法
與該廠先立詳細合同所有此項船價銀四十五萬兩又由英來
華沿途所需經費及購備藥彈等銀十六萬兩即由各省解到海
防經費項下分起照數撥給上年八月十二月內疊據護理總稅
務司裴式楷等呈送詳細合同並聲明造船限期過促請展限兩
月俟本年五月間由英起程臣又切屬總稅務司轉致該商務須
詳細監造勿稍草率俟工竣開駛來華限以九月間到津聽臣
驗收一面飭據福建船政司道員吳仲翔呈報委派由英學藝

回華之都司劉步蟾等四員一同北上以備分派管駕並准南洋大臣沈葆楨酌擬船名咨會前來伏查此項礮船四隻已據總稅務司赫德飭派江海關稅務司赫政先期馳往廣東迎護駛抵天津海口臣即於十月初六日親往大沽督同津海關道鄭藻如道員許鈐身暨稅務司德璉琳赫政等逐細勘驗輪機礮位器具船式均尚精堅靈捷駛出洋面演試大礮藥力加多亦有準頭與前購三十八噸礮船大致相同各船演試後赫德亦自京馳至商催派員接收管帶以便洋員交卸回國惟船政局派出都司劉步蟾等尚未到津現將屆守凍之期洋員未能久待應即權宜辦理飭令飛鸞等四船管帶官鄧世昌等暫行兼管接收事宜並留原來洋弁三人協同照管操練該四船係接前購四船編為五六七八等號仍照沈葆楨所擬船名曰鎮北鎮南鎮東鎮西以資號召俟

奏稿二十五

奏

船政派出各員到津募齊弁勇水手駕駛得人始可酌量分撥除咨行南洋大臣福建船政局飭催劉步蟾等迅速赴津接管再行奏明調撥外所有驗收英國續購礮船緣由理合恭摺具

奏伏乞

皇太后

皇上聖鑒謹

奏

奏留丁汝昌片 光緒五年十月十六日

再記名提督協勇巴圖魯丁汝昌久隨臣軍轉戰南北統帶銘軍剿平粵捻各逆營著戰功嗣因交卸營務光緒三年秋間給咨赴部十一月二十一日蒙

召見一次奉

旨發往甘肅差遣復因回籍捐資行至天津傷病復發呈請咨部展限在案臣查該提督丁汝昌幹局英偉忠勇樸實曉暢戎機平日於兵船紀律尚能虛心考求現在籌辦北洋海防添購礮船到津督操照料在在需人且水師人才甚少各船管駕由學堂出身者於西國船學操法固已略知門徑而戰陣實際概未閱歷必得久經大敵者相與探討砥礪以期日起有功緩急可恃臣不得已派令丁汝昌赴飛鸞等礮船講習一切新到各船會同道員許鈐

奏稿二十五

奏

身接收該提督頗有領會平日藉與中西各員聯絡研究熟練風濤臨事或收指臂之助合無仰懇

天恩准將記名提督丁汝昌留於北洋海防差遣以資造就理合

附片陳明伏乞

聖鑒訓示謹

奏

孝子薛有信請旌片

光緒五年十月十六日

再據永平府知府游智開稟稱撫甯縣西石河莊民薛有信純孝性成年甫十四因其父薛純外出多年杳無音問思念不置即稟明其母出山海關尋覓越四年至江東瑋春東海灣地面始遇其父距家已五千餘里其父雙目失明身為乞匄狼狽已極隨將己身衣服與父而自服父之敝衣適值隆冬大寒父子困於荒野兩日未曾得食其父受寒骸屣跬步難行堅執欲死有信苦勸肩負而行沿途求乞供父日行十餘里至十九歲回家此咸豐四年以前事也有信孝養備至同治十三年其父病故喪葬盡禮哀毀極誠其母於同治十年患痰症偶思冰食時在六月非都山不能得冰有信遠道步往取以奉母其妻蘇氏冬不帶棉翼延姑壽侍奉湯藥歷久不懈光緒三年其母病故夫婦哀毀骨立今有信年四

奏稿二十五

五

十四歲應請

旌表等情由縣詳府轉稟前來臣查該孝子薛有信年方童穉即能遠道尋親備嘗艱苦親存則無慚養志親沒則倍切哀思孝行至誠洵足風世厲俗應請

旨敕部旌表以維風化理合附片具陳伏乞

聖鑒訓示謹

奏

張家口建書院片

光緒五年十月十六日

再據察哈爾協佐領伊勒當阿等會同張家口理事同知誠培萬全縣知縣尹開先稟稱張家口駐防十旗與土著民人戶口繁盛惟讀書之家頗少必須善為鼓舞經升任福州將軍前察哈爾都統臣穆圖善率同旗漢官員紳民倡勸捐輸置買下堡民房一所於本年四月修造完整名曰掄才書院即自六月起由都統監督及應縣輪期考課計集捐銀七千七百餘兩除房價二千二百餘兩其餘五千五百兩發商按月一分生息每年計得息銀六百六十兩作為院長束脩生童膏火雜用此項本利無論地方何事不准挪動又修造工料置買書籍什物等項計用銀一千六百餘兩片行籌補至書院尚有餘房每年可得租錢一百千又於擴工項下每年撥歸書院地租錢一百千共二百千除書院歲修及添補

奏稿二十五

五

經費外每屆三年核計餘錢若干即作為諸生鄉試盤費議具規條稟請會奏立案前來臣查張家口地處邊隅素鮮力學之士其有志上進者亦苦於無可觀摩今旗漢聯為一體捐建書院洵屬地方善舉足以振起人才除會飭該十旗協佐領及地方廳縣督率紳董永遠認真經理外理合會同福州將軍前察哈爾都統臣穆圖善察哈爾都統臣景豐附片具陳伏乞

聖鑒敕部立案謹

奏

籌議購船選將片 光緒五年十月二十八日

奏為儘奉

寄諭先將海防購船選將各節切實籌議密摺陳仰祈

聖鑒事竊臣欽奉光緒五年九月三十日

密諭前據恭親王等面奏總領理衙門商南洋大臣豫籌

海防事宜尚未定議此事關係極重斷不宜再事遷延著李鴻章

沈葆楨即將海防事宜並王先謙所陳備船械一條切實籌議先

行具奏期於事在必行等因欽此又奉十月二十四日

密諭丁日昌遵議設奏各摺片現議整頓輪船水師自非擇將帥

精器械不可西人熟習輪船操練若能延致才技精通者為教練

當可日有起色應如何設法訪訂之處著李鴻章沈葆楨與出使

各國大臣商辦理至學堂練船出洋請舉皆為豫儲將才尤當

擴充精選以備異日之用鐵甲蚊子等船為海防所不可少鐵甲

船所費過鉅一時尙難籌辦蚊子船現已先後購到八號著即督

飭管帶之員認真演練毋得有名無實以後如何陸續添購並購

船及續延教練西人可否令赫德及出使大臣分辦之處著李鴻

章沈葆楨一併籌商妥辦等因欽此並先後鈔錄原摺給閱前來

仰見

聖主綢繆未雨指示周詳曷勝欽服伏查自光緒元年四月間奉

旨籌辦海防其時海口一無豫備赤地新立只能擇要為之督飭

各營於大沽北塘新城各處仿照洋式修築礮臺營壘並與總理

衙門商令總稅務司赫德在英廠先後訂購大礮蚊子船八隻

水陸相依稍壯聲勢徒以戶部指撥海防經費各省關未能照數

報解又應經抵撥西征軍餉分提晉豫賑款仰力以抽分而愈薄

船械雖欲備而難齊夫軍事未有不能戰而能守者況南北洋濱

海數千里口岸叢雜勢不能處處設防非購置鐵甲等船練成數

軍決勝海上不足臻以戰為守之妙查西洋兵船利於海面攻取

者約有三種一鐵甲船形式大小不等鐵甲厚薄不等船首衝鋒

有無不等一快船或配鐵木或用鋼壳專取行駛快速能追擊敵

船而為敵船所不及一水雷船噴水雖淺或帶在大船上或隱於

大船後衝擊最宜至於木壳輪船如閩滬各廠所製者皆西洋舊

式只可作無事時巡防有事時載兵運糧之用實不宜於洋面交

仗蚊子船則為守港利器如赫德所購者礮位較大在淺水處亦

能轟擊鐵甲也中國即不為窮兵海外之計但期戰守可恃藩籬

可固亦必有鐵甲船數隻游弋大洋始足以遮護南北各口而建

威銷萌為

國家立不拔之基乃議之五六年而迄無成者一由經費太絀一

由議論不齊一由將才太少然欲求自強仍非破除成見定購鐵

甲不可臣先因北洋經費尙有存款百萬欲購一鐵甲船暫行試

練俟駕駛得人操演既熟集有巨款再行續購推廣分布曾緘屬

駐德使臣李鳳苞在英法各廠訪求新式旋接總理衙門公函以

專順一口為疑而李鳳苞八月間來信亦謂近日各國議停造鐵

甲如可緩辦尤為合算且既有鐵甲應同時並舉四事一為礮臺

庇護一為船塢修理其尤要者一為快船若鐵甲無快船輔佐則

孤注而己一為水雷有行雷可以出奇有伏雷可以堵守而後鐵

甲不為快船所困等語自係在洋博訪羣議斟酌時勢以立言適

新購蚊船到津赫德自京來晤臣與密商辦法該總稅司亦以先

購快船再辦鐵甲為是遂齎呈英廠寄來新式快船兼礮船圖式

再三考究令其譚出節略內稱船長二百英尺寬三十英尺呎水十五英尺每半時行十五海里新式機器首尾各置二十五噸大礮一尊左右各新礮數尊並帶水雷小輪船一隻船頭水綫下暗設堅固衝鋒可碰敵船若訂兩隻需銀六十五萬兩後年夏間工成來華據云可保追趕碰壞極好之鐵甲船臣復諮詢駐津之法

國水師兵官近來西洋鐵木船新式船頭多設衝鋒以備戰時添一碰船之力此項快船載大礮又有衝鋒行駛果如此迅速實屬合用蓋鐵甲船及平常兵船每半時僅行十一二海里此則十五海里進退自如矣臣面商總理衙門謂宜籌款及時購辦因屬赫德先由電報轉飭駐英稅司金登幹與該廠訂辦趕速動工其價銀分三期兌付約於光緒七年春夏到華一面酌飭總稅務司備案應俟此二船到後再行酌商分撥惟是快船兼碰船稍可

奏稿二十五

无

出洋操巡應敵究嫌氣力尚單如果各省關儘力解濟南北洋經費略有積存必再添購鐵甲船配以快船及現有木船蚊船方可成全軍而厚兵勢雖未可一蹴幾實未可一朝忘臣仍密商李鳳苞等悉心采訪如各國鐵甲並未罷議當擇其與中國海面相宜者酌量訂購隨時奏明請旨辦理至現在購到蚊船八隻來春弁勇配齊擬飭調龍驤虎威飛遠擊雷四船赴南洋歸沈葆楨調遣即留鎮北鎮南鎮東鎮西四船在津沽由臣督飭道員許鈐身提督丁汝昌會督管帶各員認真操練並令時常出洋赴東奉交界之大連灣及沿海口岸駐泊梭巡以壯聲威丁日昌摺內所陳延請洋官教練一節確有見地現統帶蚊船來華之英國副將名郎者係赫德等向其水師兵部借用英提督古德及出使大臣曾紀澤哲稱其能臣接晤數次

調閱操演尚為勤幹明練尚留效用該員云須回英乞假推行乃可復來臣又面商曾紀澤與其兵部議訂赫德則謂副將如不復至伊可另薦安人現管帶鎮北之都司劉步蟾在英國學堂兵船肄習五年深知機要其材器頗堪造就若再得精嫻理法之西人與為切磋可備將來統帶快船鐵甲之選目下帶船將才固少即管輪機管礮之弁駕船之水手皆須逐漸陶鑄西國以學堂練船為根基故人才輩出明年臣擬另設練船一隻遴派幹員選募非省丁壯素習風濤者上船練習庶異日快船至而弁勇不必盡資於閩亦因地制宜之方福建船政本有仿造快船之說與其多造而船不得用不若少造而船必求精若仍照舊式恐無實濟其學堂練船規模頗合西法應請

敕下船政大臣設法整頓籌辦逐漸圖功又蚊子船防守海岸最為得力赫德所購尤各國罕有之新式價目稍昂而功用自別中國各局目前實不能仿造臣愚以為廣東臺灣海口至少須各有二隻浙江甯波山東煙臺海口至少須各有一隻平時與南北洋現有蚊船互調會操有事則各防各口藉杜窺伺每隻約需銀十萬兩在各該省力所能辦兩廣督臣奏稱擬先購置一二自必籌有的款臣面詢升任江甯藩司前署福建藩司盧士杰據稱閩省藩運各庫尚積存數十萬又詢前任浙江藩司任道鏞謂浙力十餘萬尚可籌湊山東各庫月存銀百餘萬則遠近皆知擬請

奏稿二十五

三

敕下各該督撫臣先其所急迅速照議籌辦不准藉詞延宕並截留海防協款徑請總理衙門轉飭赫德定期購明年秋冬即可來華其練南洋者由沈葆楨會商調度隸北洋者由臣會商調度庶眾樂易舉聲勢相聯必於海防全局有裨除王先謙丁日昌摺

內所陳各條容再詳晰籌議具覆外所有籌辦海防購船選將各節先行覆陳各緣由謹繕摺由驛密陳是否有當伏乞
皇太后
皇上聖鑒訓示施行謹
奏

奏稿二十五

呈

請催海防經費片 光緒五年十月二十八日

再臣

籌備海防現議定購快船兼補船約期兌價並擬添購鐵甲船及采辦鎗礮水雷船各件雇用洋官教練及收船弁勇口糧一切需費浩繁全指各省關奉撥釐金洋稅應用查戶部原撥南北洋海防經費每年額款銀四百萬兩自光緒元年七月起至三年六月止統解北洋自三年七月起分解南北洋各半內除江蘇廣東福建三省釐金每年合撥一百萬兩絲毫未解均經各該省自行留用外其浙江江西湖北三省釐金每年亦合撥一百萬兩元二兩年報解雖未盡如數尙形踴躍三年以後報解更稀約計該省各欠解銀五六十萬不等在

奏稿二十五

呈

朝廷屢飭籌辦海防此事關係重大臣等何敢玩視而餉不應手斷難爲無米之炊日下

萬年吉地及

惠陵工程告成緊要撥款稍減各省財力稍紓應請

旨嚴催浙江江西湖北督撫臣將奉撥釐金額款趕緊設法如數

太批籌解以應急需至各海關撥定四成洋稅歷經抵撥西征軍

餉其分解南北海防已不及半若再有意延欠必至貽誤事機並

請

敕下閩海粵海江海浙海關各監督按結如數迅速分解儻再稍

有挪延卽由臣等指名嚴參理合會同南洋大臣兩江督臣沈葆

楨附片陳請伏乞

聖鑒訓示謹

奏

武弁回華教練摺 光緒五年十月二十八日

奏為派往德國軍營學習兵法技藝武弁期滿陸續回華現籌分撥親軍哨隊教練恭摺具陳仰祈

聖鑒事竊光緒二年三月間教練隊德國人李勛協期滿回國經臣在於海防各營內遴選年力少壯之游擊卞長勝等七弁商令李勛協帶赴該國武學院講習陸軍技藝俟學成回華再分撥各營教練以期漸開風氣當經議定章程三年為期籌撥經費飭令由津起行附片具

奏奉

旨著照所請該衙門知道欽此旋以下長勝等赴德學藝未派監督道員李鳳苞監督福建船政局學生赴英法學習駕駛製造各事復經飭令李鳳苞按三箇月一次由輪車馳赴德國兼查下

奏奉

旨

長勝等功課並請總理衙門照會德國駐京公使知照於二年十一月選派閩廠學生出洋學習摺內

奏明在案計自卞長勝等奉派赴德即由駐京德國使臣巴爾德之兄子告提督巴爾德商明該國兵部派入斯邦道第四營交哨官德羅他妥為安插增給經費延師指授旋因卞長勝王得勝朱耀彩三弁氣體稍弱改派博洪廠習藝三年春調赴維廉士哈芬海口學習水師復調淡耳海口四年春因卞長勝朱耀彩性情較浮學業未能精進先調回華楊德明查連標袁雨春劉芳圃四弁仍在斯邦道步隊營內歷經巴爾德及德羅他妥為照料視同子弟每歲由該軍總統帶赴王宮宴會第一年先習練手足及演鎗各法兼習德語第二年隨看林操所演迎敵設伏及繪地圖排演各法第三年習演帶排隨同林操兼習文書上年十月另延哨官

奏奉

旨

西鐵教授布陣各法該弁等漸有會心今春三年期滿經臣緘商駐德使臣李鳳苞暫展限期令該弁等詳考一哨調度各法以窺步隊之疑要自夏徂秋該弁等盡則隨操晚則聽講凡鎗隊理法皆能領悟六七月間又各備馬匹隨同礮隊大操以觀配搭步隊相濟為用之妙大操既畢新兵換防無藝可學除王得勝一弁仍留柏林都城延師專教楊德明一弁攻苦成疾暫在斯邦道就醫外其查連標袁雨春劉芳圃三弁由李鳳苞咨送回華據稱德國陸軍甲於天下而步隊尤精於馬礮各隊其得力全在每日林操熟演料敵應變之法每年夏秋大操熟演露宿野戰攻守之法其法備於一哨擴而充之可營可軍該弁等隨閱林操大操耳濡目染最為親切惟德國兵官向例皆選世家子弟聰穎者入武學院讀書三五年考取中式入營學習或步或馬或礮仍不能兼个查連標等洋文既未盡習強記力學三年有餘雖未能遽臻彼中兵官之詣而較之教練洋員固已有過無不及該弁等向習步隊頗已完備彼國每以泛濫為戒自應咨送回華以免閒曠等語上復面加考驗該三弁所習步隊技藝紀律尚為嫻熟出洋肄業日久艱苦備嘗學有心得據李鳳苞咨稱該弁等在洋均各謹守禮法見重於外人營哨教習均具考語信憑是其材器頗堪造就擬懇天恩將藍翎守備銜儘先千總袁雨春留於直隸以守備儘先補用並

賞換花翎軍功查連標劉芳圃二弁均賞給五品藍翎留於直隸以千總儘先補用以示優獎而資傳習臣維中西用兵之法大略相同惟中國選將必臨敵而後得西國選將以學堂為根基中國軍械不求甚精操練不必甚嚴西國則

一以精嚴為主取彼之長救我之短不妨參觀互證期有進益現擬於親軍營內先行挑選哨隊仿照德國一哨之制交該弁等依法教練並令新募德國兵官漢納根隨時察看督率講究日後將學成者分派各營充當教練漸次擴充成效必多於海防不無裨助除咨明總理衙門外所有派往德國學習兵法技藝武弁期滿陸網回華緣由理合恭摺具

奏伏乞

皇太后

皇上聖鑒訓示謹

奏

奏稿二十五

奏

德國兵官請給寶星片 光緒五年十月二十八日

再臣疊准李鳳苞咨稱查連標等赴德肄業先經駐京德國使臣巴蘭德之兄予告提督巴蘭德轉託斯邦道提督及營哨教習現在期滿學成回華接准該提督巴蘭德而梅斯邦道教隊出力之步隊親軍第一營三等提督官波蘭撤爾第四營頭等總兵官薩呢則第四營內頭哨二等總兵官哈克威擬懇邀請

奏獎由駐京使臣巴蘭德轉遞前來臣查光緒三年十月及本年

八月德國兵官德羅他與提督巴蘭德或教練盡心或照料周妥

經臣先後奏奉

俞旨賞給寶星欽遵各在案今該兵官等三員教隊出力事同一律既據巴蘭德函懇給獎自應由臣飭局仿造二等金寶星一面

發給該提督官波蘭撤爾並造三等金寶星二面分給該總兵官

奏稿二十五

奏

薩呢則哈克威配帶均交駐津德國領事傳

旨賞給以酬勞勩除咨請總理衙門照會巴蘭德知照外附片陳

明伏乞

聖鑒訓示謹

奏

東明月隄工費摺

光緒五年十月二十八日

奏為東明黃河南岸隄裏加築月隄用過銀數工段丈尺照案開單奏報仰祈

聖鑒事竊直隸東明縣境黃河南岸地勢低下隄防喫重又因東省北岸臨河築隄佔礙水道大溜遂更南注今年伏秋汛內黃水疊次盛漲偏刷隄根其黃莊岳辛莊一段坐灣頂衝尤極危險據大名鎮徐道奎大順廣道黃槐森開州協副將張桂芳察勘酌酌應於該段隄裏圍築月隄一道長一千二百餘丈仍責令員弁固守原隄竭力搶護備衝過甚萬難抵禦則兼守月隄以資保衛約需銀九千餘兩飭由練餉局江南協餉天津支應局貨釐各項下分別勻籌撥給於七月二十四日集夫興工業經專摺奏報在案旋據該鎮道等稟稱此係月案工程應雇民夫起築且

奏摺二十五

毛

時當大汛練軍駐守原隄晝夜搶險亦不能兼辦月隄惟經費支絀仍須格外節省遂酌調巡緝地面練軍九哨前往幫同工作除民夫均給工價外練軍植給犒賞不開工價其月隄基址因避民間墳墓量為縮短實計築長一千一百二十餘丈於八月二十九日工竣該鎮道等逐段量驗相符存破一律堅實統共用銀八千一百二十餘兩較原議銀九千餘兩計省一千餘兩開具用過銀數工段丈尺具報前來臣查此次圍築月隄係因大溜偏刷隄根恐原隄續塌藉資兼守今原隄力搶平穩而有此月隄將來防守可較得力殊於汛務有裨至月隄工程本係臨時勘辦就地雇用民夫添調練軍認真堅築非尋常例辦工程可比與前築南隄情事相同所用民夫工價棚席器具及練軍犒賞等項並無絲毫浮冒自應循照歷次奏准成案開單奏報無庸另造冊結以昭核實

理合開單恭摺具陳伏乞
皇太后
皇上聖鑒敕部知照謹
奏

奏摺二十五

天

謹將東明黃河南岸隄圍築月隄銀數工段丈尺開具清單恭呈

御覽

計開

一圍築月隄一道計長一千一百二十三丈六尺七寸五分項實二丈底寬七丈高一丈計用民夫工價銀六千九百五十九兩四錢八分

又棚席器具銀七百二十兩

又練軍九哨犒賞銀四百五十兩

統共銀八千一百二十九兩四錢八分內於練餉局江南

協餉項下撥給銀五千兩天津文應局撥項下撥給銀三

千一百二十九兩四錢八分合併聲明

奏稿三十五

完

鹽引推展摺 光緒五年十一月十五日

奏為長蘆原停引日現在實難遞增仍請照案推展五年藉紓商困恭摺仰祈

聖鑒事竊臣前因蘆綱連年災歉引岸滯銷請將原停引日十萬道照案展限五年旋准戶部議覆應照山東成案按年遞增二萬道期以五年復額等因當經轉飭遵照茲據運司如山詳稱此項停引十萬道始自道光二十三年嗣因頻年疲滯積引難疏疊經推展計已歷三十餘年之久溯查三十餘年以前直豫未遭賊擾未遇大荒人民較眾各處河道暢順鹽包一水可通運費較省各商交款並無樂工加價軍需復價彌補賑款諸名目帑利亦不由眾商攤交課幣較減又未經清查鹽務加重斤兩每包約輕數十斤銷引較易有此四利而每年尚必須停引十萬道且於停引之

奏稿三十五

完

外每年仍滯銷十餘萬道可見蘆鹽只銷此數不能勉強增益也今鹽包既重課幣既增運費既鉅加以疊被兵燹水旱凡受災較重之區戶口彫殘十去其五而欲舉三十餘年以前久停之引規復於今則其窒礙難行情形不待詳言而知矣查停引之外每年尚應銷引六十餘萬道近來出庫之引多寡牽算每年僅止四十餘萬道而此四十餘萬引之鹽並不能全數銷售祇以課幣緊要無論已售未售不得不令商人一律完交其未出庫之二十餘萬道亦須商人包賠課幣商力盡筋疲力見蕭索實由於此山東雖增請部引其實隻引未銷尤難援以為例擬仍請展限五年庶免滯引愈多商累愈重參懸相繼等情具詳前來臣維目下時艱帑絀方擬開源節流以濟要用鹽課乃固有之利能增一引即多一分入款敢不竭力整頓豈容稍涉因循無如蘆綱連遭災歉疲

累太深每年多算牽算僅出庫引四十餘萬道積滯引二十餘萬道且光緒三四兩年大災竟積引至八十餘萬道尤為向來所未有舊引既難疏通新引又從增益若徒藉增引虛名不求收課實際於事何裨若再令增賠課帑則商累不支有礙全綱大局實未敢遷就定議該運司所詳確係實在情形相應仰懇
 天恩仍准將原停引目十萬道自光緒五年起照案推展五年俟限滿察看情形再議分限帶運藉紓商困理合恭摺具陳伏乞
 皇太后
 皇上聖鑒訓示謹
 奏

奏稿三十五

聖

湖北京餉衝失摺 光緒五年十一月十五日
 奏為湖北京餉行至直隸交界之漳河猝被衝失十一鞘遵旨派員會勘明確照例擬請免賠恭摺仰祈
 聖鑒事竊湖北委員候補知府瞿廷韶管解京餉銀十七萬餘兩計裝一百七十一鞘於本年六月二十五日由河南安陽縣護解前進未刻抵直隸交界之漳河過渡詎渡至北面河灘上游山水陡發致衝失十一鞘計銀一萬一千兩當經嚴飭各員打撈刨挖並由直隸兩省各將情形奏報奉
 旨派員會同勘辦確切查明等因欽此臣鴻章遵派候補知府虞應楷宗瀛遵派候補知府薛成榮前往據勘漳河南屬安陽北屬磁州安陽豐樂鎮村北磁州講武城南各立界碑其界碑之闊大溜忽南忽北河身遷徙無定水落歸槽寬約一二里無溜處現出沙灘水漲時則一片汪洋寬至七八里六月二十五日安陽遞送湖北餉鞘過河其時河流南趨聚靠豐樂鎮渡過中流起行河灘不期上游山水陡至河灘忽成大溜致未後餉鞘猝被衝失迨秋間河流北徙失鞘處所反在河流之南向來北往各差由磁州送至南岸交接南來各差由安陽送至北岸交接除豐樂鎮村北講武城南各立界碑外其間河身甚寬水流無定向不能再於沙灘中分疆畫界此次失鞘處所在豐樂鎮界碑之北講武城界碑之南相隔界碑尚遠即屬忽漲忽落之河灘在磁州則已渡而未經接收在安陽則過河而未交替適值未交未接之際突遇河水漲發大溜奔騰致遭衝失實為變生不測人力難施等情繪具圖說會稟前來臣等查核所稟係屬實在情形既稱衝失餉鞘尚在未交未接之際自應照此定議前已稟飭各該員不惜重

奏稿三十五

聖

資多雇夫役設法搜淘並打遺丈餘鐵籤於沙灘中逐段籤探乃
 河寬沙厚自六月創挖至今並無銀兩蹤跡緣漳河源發山西樂
 平長子等縣管豫各境附近諸水節節會歸其流甚巨怒濤駭浪
 勢極洶湧大溜趨向無定頃刻之間或河變為灘或灘變為河而
 沙底又復有水往往創挖喫緊之際山水陡至不能駐足過後挖
 至三四尺沙底之水上湧沙即下陷尤難著手據該員等稟經行
 司議請免其參賠伏查定例起運官物若船行猝遇風浪及外人
 失火延燒或盜賊劫奪事出不測而有損失申告官司委勘明白
 免罪不賠今湖北餉銀一百七十一鞘行至直豫交界之漳河其
 時天色清明河流平靜因即過河尚非運解不慎詎上游山水陡
 發頃刻大溜湧至以致末後兩車二十鞘隨溜衝去實係事出不
 測車行河灘猝遇大溜與船行遇風情無二致且較外火延燒盜
 賊劫奪更難防禦漳河係歷來著名大河巨險盛漲驟至人力難
 施非尋常內河可比實與大江外海險阻相同當河水猝發時餉
 車皆已被浸稍或遲緩勢將全衝各該員趕緊竭力護救是以前
 起各車一百五十一鞘一律挽登高岸末後衝去兩車二十鞘又
 即設法搶護九鞘尚知愧奮其餘已失十一鞘計銀一萬一千兩
 撈挖四月餘之久勞費已多委因河寬水急隨流而下無從撈尋
 情殊可原既經兩省委勘明白擬懇
 天恩俯准照例免其參賠以示體恤至該州縣界碑之間既因河
 流無定不能再於沙灘分界嗣後北往各差應令磁州送至安陽
 界碑處所交接南來各差應令安陽送至磁州界碑處所交接各
 專責成謹合詞恭摺陳伏乞
 皇太后

皇上聖鑒訓示謹

奏稿三五

議擬中外洋務條陳摺 光緒五年十一月二十六日

奏為

寄諭分別籌議恭摺密陳仰祈

聖鑒事竊臣欽奉光緒五年六月初七日

上諭都察院奏代遞貴州候補道羅應旋敬呈管見一摺所有整

學校以新吏治練兵民之武技以自強精機氣之器械以利用參

西國之法例以謀遠握朝野之利權以儲費各條有無可采著李

鴻章沈葆楨體察情形悉心妥籌具奏等因欽此又奉九月三十

日密諭翰林院侍讀王先謙奏條陳洋務事宜一摺所奏審敵情振

士氣籌經費備船械各節不無可采著李鴻章沈葆楨即將海防

事宜並該侍讀所陳備船械一條切實籌議先行具奏王先謙所

稱任將擇使二事亦為儲才起見李鴻章等如有所知著隨時密

行陳奏以備錄用此外各條是否可行並著分別妥議具奏等因

又奉十月二十四日

密諭丁日昌遵議覆奏各摺片不無可采現議整頓輪船水師自

非擇將帥精器械不可西人熟習輪船操練應如何設法訪訂之

處著李鴻章沈葆楨與出使各國大臣面商辦理至學堂練船出

洋諸舉皆為豫儲將才之計尤當擴充精選以備異日之用丁日

昌片內所奏各節除減額兵停武科二事均無庸議外所稱擴充

礦務裁撤水師及凡非極要處所祇須防以水雷暫可停造礮臺

並裁汰腹地勇營著李鴻章沈葆楨妥議具奏至所奏稍寬釐稅

以杜洋票一節於餉項有無裨益著一併籌議具奏等因欽此並

先後鈔錄原摺給閱前來仰見

先後鈔錄原摺給閱前來仰見

聖主虛衷聽納博訪周諮曷勝欽服臣於十月二十七日業將海

防購船選將各節切實籌議密摺覆陳此與丁日昌之所謂擇將

帥精器械王先謙之所謂振士氣備船械大致尚不甚歧異現可

無庸贅論伏思近來時事多艱

朝廷深恩遠慮廣開言路內外臣工得以抒其蘊蓄暢所欲言嘉

謨異策原可輻湊並進惟是言者之精粗深淺既有不同即所言

甚當或礙於成例或阻於浮言或細於經費或乏於人才往往難

見諸施行而凡一事之利弊又非確有見聞難遽懸斷其事之關

涉他省者尤非南北洋大臣權力所能及耳目所能周往返行查

迹近推宕茲臣謹將確鑿可行者籌定一二其於事理稍疏與格

於時勢暫宜緩行者不復置議以附實事求是之義即如礦務一

節丁日昌王先謙羅應旋皆言之今直隸之開平湖北之富陽安

徽之貴池臺灣之雞籠均已試辦冀有數處稍著成效即可逐漸

擴充洋藥酌加稅釐與機器製造輪船招商各節王先謙羅應旋

皆言之除洋藥釐稅並徵應由總理衙門與英使威妥瑪商辦外

其織造機器已創辦於蘭州輪船載已設局於津滬各埠招商

借款目下辦法原不出此若辦理自有起色商情自更踴躍官本

亦較易籌要之此數端者仰賴

朝廷主持於上臣等乃得審度機宜妥為經營既須臨事變通尙

難豫設成法又望各省大吏意見相同呼應無甚隔閡各處輿情

歷練既久賢才因之奮興則風氣漸開富強之基可立矣至羅應

旋之條議如兼課西學以資實用鼓勵巧工以新製造獎勵巨商

以握利權均可節取而酌行之將來遇有此等事件應由臣等隨

時請

旨核辦王先謙之條議以日本併吞琉球藐視中國意在整軍經
武大張撻代轉彼強鄰斯事關係較重必深籌乎彼此進退之機
宜熟審乎本末輕重之分數日本國小財匱其勢原遜於泰西諸
國惟該國近來取法西人於練兵製器各務刻意講求頗有振興
之象中國水師尚未齊備餉需亦未充足若彼不再肆鴟張似仍
以按約理論為穩著但倭人性情桀驁設令狡焉思逞亦不可無
以待之中國自強之圖誠難一日稍緩矣他如聖崗龍田嚴汰冗
員整頓釐權皆各省應辦之政擇使一事亦係要務俟有所知隨
時密陳以備錄用至丁日昌之條議洞晰中外情勢多閱歷有得
之言與空談無實者不同所議購船及延西人教練一節山東浙
江及閩粵各省均須暫備蚊船奉
旨飭臣代為經理俟各該省籌款解到或仍交赫德承辦以資熟
手若購辦鐵甲船經費果能湊齊應面商出使大臣李鳳苞等設
法訪購其續延教練西人亦請曾紀澤李鳳苞等就近物色必須
專門名家才能出眾而又恪聽調度者始敢決計延訂赫德如有
所知苟係上品亦可招用但中西教法不同上等人材肯來中國
者頗少祇能懸其格尚難遽得其人也海口非極要處所防以水
雷即可停造礮臺既節糜費又示敵以不測甚為合算惟水雷事
理頗奧各省真能講求者頗少釐稅宜稍崇寬大以廣招徠是在
多選廉平之員專司權務必於餉項有裨至腹地勇營及沿海紅
單艇船之類原可酌量裁撤惟各省地勢遼闊伏莽尚多非有得
力防營不足以資控制艇船弁兵額餉較輪船勇餉為儉則能捕
盜於淺水之處以輔輪船所不逮恐亦未可盡裁應請
敕下各省督撫參酌時宜認真陶汰凡艇船之贏收無用者勇營

之虛弱不得力者量加裁撤既昭核實又不至偏廢斯為近之抑
更有陳者邇來各國環伺外侮交加未雨綢繆正在今日閣下
日昌之議令人憂危之意悚然而生儲蒙
聖主堅持定見激勵人材勿為浮議所搖勿為常例所格內外臣
工同心戮力以圖自治自強之要則敵國外患未必非中國振興
之資是在一轉移閒而已所有疊奉
寄諭分別籌議緣由恭摺由驛密陳伏乞
皇太后
皇上聖鑒訓示謹
奏

南紳會辦工撫片 光緒五年十二月十九日

再直境上年旱荒賑需不繼幸賴南省紳富士商出賃出力竭誠
 濟助經臣疊次奏報在案今年又遭水災窪區多被淹浸該紳等
 仍力籌援救江蘇廩生嚴作霖候選州同楊培等以山西民困漸
 蘇將賑督捐款餘銀六萬三千兩於十月間攜帶來直親赴任邱
 等處查戶散放並由江浙閩廣紳士承辦上海協賑公所匯寄銀
 三萬五千兩棉衣一萬數千件分撥災區接濟冬賑查南省紳商
 素多急公赴義上年直豫晉三省災區疊籌巨款分濟亦經各省
 奏報在案南省兵燹之餘元氣未復並非家有餘力人有餘貨惟
 其樂善性成甚至貧士捐膏火婦女脫簪珥百工減備積微成
 鉅以救鄰災其承辦各紳則皆苦口苦心多方勸集嚴作霖楊培
 與候選知府李金鏞等連年分赴海流及直東豫晉查辦賑務徧
 歷災村撫問疾苦處處認真著實為窮黎全活性命為
 國家宣布恩德其有裨於人心風俗者非淺今又於嚴寒風雪中
 救濟直境災民視人猶己况瘁不辭深堪嘉尚惟窪區積潦尙未
 消涸冬賑雖可敷衍春撫亟應預籌該災民頻經水旱力盡筋疲
 現在災重地方惟食糠粃草具情形甚為悽慘來春謀生乏術必
 須妥籌撫卹統計二十餘州縣戶口極繁又有應修隄河工程一
 無指項臣復諄飭各紳設法籌勸以資補苴一面仍調李金鏞來
 直會督官紳辦理工撫期歸安實將來事竣擬擇其尤為出力者
 酌請獎敘並將捐戶按部定章程請給虛銜
 封典以昭激勸理合附片具陳伏乞
 聖鑒敕部知照謹

李文忠公奏稿卷三十五

奏稿三十五

五

李文忠公奏稿

卷之三十六目錄

近省隄河工費摺 光緒六年正月二十七日

陳占箴請照原獎片 光緒六年正月二十七日

議購鐵甲船摺 光緒六年二月十九日

覆奏防兵情形片 光緒六年二月十九日

德國兵官換給寶星摺 光緒六年二月二十六日

蚊船四隻撥赴南洋片 光緒六年二月二十六日

紳捐備濟社片 光緒六年二月二十六日

直隸請停分發摺 光緒六年二月二十六日

遵旨密籌防務摺 光緒六年三月初一日

奏調奎斌片 光緒六年三月初一日

請撥海防經費摺 光緒六年三月初一日

請撥南漕摺 光緒六年三月初五日

請獎英法官學官廠洋員摺 光緒六年三月十六日

商局官帑分年抵還摺 光緒六年三月二十七日

覆陳招商局務片 光緒六年三月二十七日

請緩蘆課奏銷摺 光緒六年三月二十七日

毅軍北調請加餉摺 光緒六年三月二十八日

李文忠公奏稿卷三十六

全集一之三十六

桐城吳汝綸編錄

近省隄河工費摺

光緒六年正月二十七日

奏為光緒五年附近省城隄河歲搶修工段丈尺動支銀數循案

開單奏報仰祈

聖鑒事竊照附近省城河道隄工如深澤無極邢州安平博野蓋

縣高陽等境之滋河潞龍河隄任邱縣之千里隄安州之南北隄

雄縣之南老隄西槐支河隄趙村壩保定縣之清河埝或工段縣

長或地居險要皆關民生利害又新開趙王河工長六十餘里節

實西淀漲水蘆僧河工長一百三十里分減大清河水勢均須認

真修防前經奏定每年在於清河河道庫河淤地租項下撥銀三千

兩以為各工采購料物搶修之用免其造冊報銷經工部覆准仍

令工竣時開單奏報嗣因河淤地租不敷動支又經奏准在於清

河道庫壩船夫生息項下按年動撥在案光緒五年開凍後即

仍照數撥給銀兩購備椿料貴成前署清河河道劉樹堂駐工督辦

夏秋雨水較多西北山水匯流進注各河疊次盛漲隄壩節節出

險屢經該道督率印委分投搶堵茲據會同藩臬兩司將工段丈

尺動用銀數遵照定章詳報前來除民夫土方等項仍歸民辦外

所有搶修椿料用款逐一確核無浮理合開具簡明清單恭摺具

奏伏乞

皇太后

皇上聖鑒敕部知照謹

陳占鼐請照原獎片 光緒六年正月二十七日

再臣會保潮州等處勸辦晉豫賑捐出力員紳內有工部主事陳占鼐請以直隸州知州分發省分儘先補用旋經吏部覆稱尋常勞績不准保免補用應將該員改為候補主事後以直隸州知州分發省分儘先補用臣查該員陳占鼐前經臣丁日昌奏派出洋赴新嘉坡暹羅小呂宋檳榔嶼麻六甲各埠竭誠勸辦往返重洋數萬里風濤出沒艱險備嘗捐得賤款實銀八萬兩全活飢民甚眾實屬異常出力業於光緒四年五月二十九日經臣奏明奉旨陳占鼐著俟事竣後准其從優請獎等因欽遵在案誠以該員遠赴南洋勸集巨款懋著勤勞與尋常勞績不同是以豫為聲明奏予優獎今若改照尋常例章核議實不足以示區別自應欽遵

奏稿二十六

前奉

特旨優獎仍將該員陳占鼐以直隸州知州分發省分儘先補用俾昭激勸理合會同前福建撫臣丁日昌山西撫臣曾國荃河南撫臣涂宗瀛附片具陳伏乞

聖鑒訓示謹

奏

議購鐵甲船摺 光緒六年二月十九日

奏為籌辦海防通融挪款先購鐵甲船二隻以壯聲威而備戰守並豫籌交收調撥事宜恭摺仰祈

聖鑒事竊臣等奉

寄諭籌議海防購船並代福建等省定購蚊船及碰船兼快船以備分布各口等因欽遵在案臣於上年十月覆陳海防摺內聲明南北洋口岸叢雜不能處處設防必購置鐵甲等船練成數軍決勝海上乃能以戰為守擬擇其與中國海面相宜者酌量訂購荷蒙

俞旨許為要論總理衙門籌議南洋海防經費摺內稱土耳其所定八角鐵甲船兩隻已發電信詢出使大臣李鳳苞查明如未出售而價不甚昂自應購備臣亦函屬李鳳苞隨時探問旋據函

奏稿二十六

稱遵由巴黎致書英海部詢以實價若干先因俄人欲購以禦英

故英人急購之今或肯轉售等語又接李鳳苞十二月二十四日電報八角兩鐵甲英肯轉售兩船實價其英銀五十四萬三千三百八十磅合中國銀兩核計約二百餘萬兩之譜頃又接李鳳苞同日函稱該鐵甲船一名柏爾來一名奧利恩英海部尚書諱屬當趁中國未開辦之前成議其價分毫不能再讓等語臣前詢之出洋學生劉步蟾等據稱在英時曾上該船閱過甚為堅固合式夫中國購辦鐵甲船之舉中外倡議已閱七年沈葆楨丁日昌等斷斷持論以為必不可緩臣深慮其說祇以經費支絀迄未就緒近來日本有鐵甲三艘遊敢藐視中國耀武海濱至有臺灣之役琉球之廢彼既換所有以相陵侮我亦當覓所無以求自強前李鳳苞來函謂無鐵甲以為坐鎮無快船以為迎敵專恃蚊船一

擊不中束手受困是直爪注而已洋監督日意格條議亦謂能與
 鐵甲船敵者惟鐵甲船與巡海快船敵者惟快船故鄰有鐵甲我
 不可無若僅恃數號蚊船東洋鐵甲往來駛擾無可馳援必至誤
 事等語日意格由法國水師出身現帶藝徒在洋學習製鐵甲見
 既唯多閱歷有得之言西洋均屬島國海口水深不似中國各口
 之淺其大號鐵甲喫水至二十六七尺購價至二百餘萬者中國
 無所用之且船既笨重能來中國者亦少土耳其八角臺船喫水
 十九尺九寸用之中國海面抵禦日本及西洋來華之鐵甲最為
 相宜且甲厚樣新似出口本鐵甲之上日本聞我有利器當亦稍
 戢狡謀向來洋廠訂造鐵甲須三年後方能下水今英國既肯轉
 售其柏爾來一船俟訂定後匯給現銀即可來華奧利恩一船須
 遲一年後交付值此多事之秋得兩船先後來華稍張聲勢較之
 定造需三年之久者緩急懸殊尙覺合算臣與總理衙門往復兩
 商意見相同一面由電信覆知李鳳苞屬其與英海部切實商訂
 如何分期兌付詳細驗收再行專函商辦惟是此項船價南洋
 海防經費以各省關報解甚微積存無幾近又籌購蚊船船塢
 方集款無可再撥若機會一失中國永無購鐵甲之日即永無自
 強之曰殊屬可惜又查蚊船宜用於內洋淺港之處福建海面寬
 深臺灣尤形孤懸口岸歧錯即有數號蚊船難敷防守必須得
 力水平隨宜策應乃為活著現擬通融辦法福建已先後奏明定
 購蚊船四隻每隻二隻內蚊船價銀赫德原定每隻約需銀十五
 萬兩何璟奏稱兩船約需費三十餘萬同新式兼確快船赫德原
 定兩隻需銀六十五萬兩續又申呈應帶之水雷船未計其內總
 理衙門奏稱兩隻約需銀六十萬兩均係傳聞之誤臣就赫

李文忠公奏稿 卷三六

德原訂文單核計共該約需實價銀一百三十萬兩似可暫緩購
 置即以此款先買鐵甲一號專歸臺灣防期福建調撥如有一鐵
 甲輔以原有之福勝建勝兩蚊船再擇船政兵輪之堅利者配之
 練成一軍料敵所向相機戰守則臺灣防可固倭患可弭所需款項
 現有部撥三十萬兩該省奏明籌備三十餘萬圓約得二十五萬
 兩又奉
 旨令續籌六十萬兩果能如數解齊足可抵買鐵甲之用查戶部
 原撥海防經費福建洋稅釐金兩宗每年應解南北洋者約四五
 十萬去歲部議准其截留原為經營海防起見後山之役現既停
 辦亦可樽節若干現據李鳳苞前報柏爾來一船交價後即可赴
 華竊防尤為急需自應即將此船撥歸閩省調用擬請
 旨敕下福建將軍督撫臣於稅釐項下籌撥船價合之原有的款
 先湊成一百萬兩俟李鳳苞與英定議即由臣知會剋期匯付以
 便船價兩交免致失信於人如此則以該省應解之費籌該省應
 辦之防尤為義不容辭南洋擬購之確快船二隻應需六十五萬
 兩茲抵購鐵甲一船所短約僅三十數萬兩將來或由出使經費
 續撥或由京外設法勻湊尙易為力奧利恩一船據稱須一年後
 交卸亦可分期籌匯價銀俟該船到華臣當與南洋大臣隨時會
 商調派合之原有蚊船及各兵輪船練成一軍無論何處有警不
 分畛域遣令援應庶幾聲威較壯海防稍行端倪大局不無裨益
 惟英國磅價隨時低昂合之中國銀兩不能豫定確數計兩船磅
 價合銀二百萬已有盈無細將來交收及運送來華需費亦不可
 豫計必應寬籌舉用臣與李鳳苞深知帑項艱細事竣核實開報
 斷不任輕手者稍有浮冒並請

二六一

救下閩浙督臣船政大臣傑行選派管駕及輪機生徒舵水等六
 十人赴英隨同所雇洋員在船歷練其學習期滿之學生亦可附
 搭帶回華隨時與李鳳苞商辦至鐵甲船到華以後修船
 須有陽基上海及廣東黃埔船塢水二十尺以內之船尙可設
 法修理而造就人才尤為急務駕駛雖有學生肄習而司軍火司
 帆纜司機器及管事舵水等人亟宜由練船學堂認真教導挑選
 源源濟用萬不可以遊手充額即舊有之兵輪船亦宜陸續汰換
 乃可漸收實效蓋鐵甲船購成後事務正繁措注稍不如法易滋
 流弊臣既創斯議不敢置身事外福建所購之船雖專供一省之
 用將來船到後管駕人員如何遴派教習西人如何延訂及一切
 布置之方臣當與閩浙督臣船政大臣隨事商辦冀可漸有進境
 再近年閩廠經費不敷修船養船復耗其半現有快船圖式及出
 洋學生陳兆翱等精通製法終以款絀未能仿造臣比已兩商黎
 兆棠屬其到任後察酌情形停造尋常木船專造快船此項工竣
 遲速與購之外洋者相等而與鐵甲船相輔並行為用甚大惟養
 鐵甲船之費逾於尋常輪船數倍未便責令船政供支查福建一
 省額設水陸兵數至六萬餘勇營在外今既另設輪船水師則原
 有之外海戰船與各路綠營之兵分防之勇當可量加裁減如能
 於通省中酌去一二成即以其餉供養鐵甲等船之費綽有餘裕
 應請
 救下福建督撫臣遵照正月間
 諭旨將水陸師營分別酌量裁汰庶節流即以開源日久不致竭
 蹶矣所有籌辦海防通融挪款先購鐵甲兵船並豫籌交收調撥
 事宜恭摺由驛密陳伏乞

皇太后
 皇上聖鑒訓示謹
 奏

奏稿三十六

七

覆奏防兵情形片 光緒六年二月十九日

再欽奉正月二十八日

寄諭有人奏天津防兵難恃請飭認真整頓一摺天津駐紮水陸防軍原以該處為京師門戶必須餉足兵精方足以資捍衛若如所奏該軍營官剋扣兵勇劫掠騷擾怨習李鴻章不敢過問等情緩急將何足恃李鴻章身任統帥責無旁貸將各營將士驕者易之弱者汰之有無剋扣劫掠等弊明查暗訪實力整頓總期一兵得一兵之用不致虛糜餉精方為不負委任等因欽此臣查津防水陸各營合計僅及萬人提督周盛傳統盛軍步隊十一營馬隊五營共八千人駐紮小站馬廠等處距津百餘里地屬開曠便於屯操營規尚為整肅其分駐天津城外者只總兵黃金志所帶推軍一營練軍三營總兵趙孟坤親兵一營提督鄭國榜水師一營津郡重地計向不足三千人因中外輻輳人煙叢雜不宜多駐兵勇致滋事端固有革勇游匪混生事立即擒獲懲治不稍寬貸臣駐津十年以來兵民相安貿易日盛此為確證明查暗訪實無兵勇劫掠騷擾怨習之事餉源支絀年甚一年准軍各營久不能按月放足而每年支給九關略數口食逐日早晚點名看操人數既不准少剋扣從何而來此間自輪船通行過客雲集聞有向各營求助川資者所欲不遂輒騰謗言者或展轉誤傳撫拾入告究無實蹟可指至謂臣不敢過問尤不近情臣自咸豐三年即出從軍旅與兵事相始終嗣在蘇浙剿粵逆北路剿捻匪先後統軍十萬眾向無騷擾之名亦無驕兵悍將不敢過問之事今捍衛畿甸憑仗威稜億統萬人何至選情若此當為

聖明俯鑒至謂緩急難恃有不得不豫為聲明者如遇內地賊匪臣兵力雖單餉力雖薄才力雖甚竭蹶自忖尚可制勝如遇各國憑陵激厲孤軍支持門戶勝負即不可知斷不至聞風潰散貽君父憂臣惟懷遵聖訓驕者易之弱者汰之實力訓練以期有備無患聲蒙諭旨籌備海防邊防尚有應行調撥之處容臣熟思審處陸續籌議具奏外謹先附片據實覆陳伏乞聖鑒謹奏

奏稿三十六

九

德國兵官換給寶星摺 光緒六年二月二十六日

奏為遵

旨賞給洋員寶星通融酌換恭摺仰祈

聖鑒事竊查德國兵官三等提督波爾爾頭等總兵薩呢則一

等總兵哈克威教練華弁出力經臣奏奉

俞旨分別賞給二三等寶星欽遵在案即飭局仿造二等金寶

星一面發給該提督波爾爾三等金寶星一面分給該總兵薩

呢則哈克威配帶均交駐津德國領事官傳

旨賞給旋據駐京德國使臣巴蘭德函稱前經

賞給二等寶星之薩呢則哈克威兩員係頭二等總兵其品級既

高於德羅他又為德羅他之上司所得獎勵未便次於屬員懇將

薩哈兩員改給二等寶星提督波爾爾官居該二員之上懇改

給頭等寶星等語並接出使德國大臣李鳳苞來函所述大致相

同臣查西洋最重寶星向分等級甚繁臣請獎之時於德國官階

高下亦未深悉既有此等曲折又係奉

旨准賞之件自應通融換給因飭局造頭二等金寶星各一面刻

發德國駐津領事查收轉寄即將前發三等金寶星二面換回另

存咨請總理衙門知照所有遵

旨賞給洋員寶星通融酌換緣由恭摺具陳伏乞

皇太后

皇上聖鑒訓示謹

奏

奏

蚊船四隻撥赴南洋片 光緒六年二月二十六日

再北洋先後購到蚊船八隻前擬俟今春弁勇募齊飭調龍蟠虎

威飛靈策電四船撥赴南洋調遣已於去年十月撥陳海防購船

摺內聲明奉有

寄諭欽遵在案今年開河後閘廠弁勇募到即飭龍蟠等四船管

帶官沈有恆許壽山陳錦榮何心川開具花名月餉數目輪機槓

具礮械藥彈等項清冊咨行知照並令駛往大沽口略為操練發

給燒煤借支三月分半箇月薪餉於二月二十八日起旋放洋南

下該四船在津沽兩年海水浸漬船底鐵板難免鏽蝕機器等件

聞有鬆損應於到滬後即行入鳴飭上海機器局督同各管帶官

察看洗刮修理聽候南洋大臣調遣應需月餉藥彈等項即自三

月起由南洋照章核給理合附片具陳伏乞

聖鑒謹

奏

奏

紳捐備濟社片 光緒六年二月二十六日

再直隸頻經水旱戶鮮蓋藏必須設法籌備臣已督飭藩司任道
 鎔酌定章程刊發通省州縣各就情形勸捐積穀先據升任天津
 道丁壽昌原任天津縣知縣王炳燮勸紳士李世珍倡捐銀五
 千兩嚴克寬楊俊元黃世熙楊雲章李士銘及無名氏各捐銀一
 千兩本擬買穀存儲該紳等以津郡若遇荒年買糧較易不如將
 銀發商生息以期歲歲增益又經籌賑局司道議將本省外華
 商海船販糧來津者每清斛一石捐銀五釐如裝他貨亦照裝糧
 數目抽收在各船所捐無幾而公中積少成多併歸紳捐生息更
 於備荒有裨即派該紳李世珍嚴克寬等董司其事名曰備濟社
 計自光緒五年開河起至封河止共收船捐銀六千一百餘兩除
 上年水災收買紅糧棉衣查戶散放外尚存銀二千餘兩連李世
 珍等倡捐銀款零星各戶捐款及所得息款統共合銀一萬四千
 六百餘兩該紳等現墊足一萬六千兩一併發商按月八釐生息
 俟續捐有款歸墊至船捐一項眾皆樂從業經辦有成效嗣後應
 照案將收款陸續發商生息所得紳捐船捐息款每屆冬令提出
 三成以濟貧窮無告之民其餘七成留為荒年助賑之用只可動
 利不許動本如遇大荒必須動本亦不得過三四成此項銀兩專
 為濟貧備荒而設無論地方何項公事及別項善舉概不准官紳
 絲毫挪用社中一切事宜責成公正紳士輪流值年妥實經理據
 該紳等稟請奏明立案前來臣查津郡五方雜處貧民眾多時有
 水旱偏災備荒尤為急務今勸集紳捐船捐銀一萬六千兩發商
 生息嗣後仍照章抽收船捐本息漸裕荒年藉可接濟實屬有裨
 窮民自應永遠責成公正紳士經辦由地方官隨時稽查至該紳

李世珍嚴克寬楊俊元黃世熙楊雲章李士銘等素殷推解見義
 勇為此次倡捐鉅款並經理船捐力成備濟社善舉且各自添備
 米糧棉衣散放濟賑聲稱不邀議敘具見保全桑梓誠心為公深
 堪嘉尚除飭將辦理章程勒石垂久外所有天津縣紳商集捐濟
 貧備荒緣由理合附片具陳伏乞
 聖鑒謹
 奏

奏稿三十六

三

直隸請停分發摺 光緒六年二月二十六日

奏為直隸候補人員過形擁擠請停分發以冀肅清吏治恭摺仰

祈 聖鑒事竊據藩司任道鎔臬司丁壽昌詳稱軍興以來保舉捐納各官指分來直者絡繹不絕缺少員多入形擁擠上年各省捐生因聞停捐之信紛紛趕辦其勞績捐指過班者亦復不少迄今到省人員愈眾計候補道府已有四十餘員知州知縣二百數十員河工地方同知通判九十餘員佐雜八百餘員序補無期差委更少消磨歲月苦累不堪若不設法變通勢將無所底止請奏停分發等情具詳前來 臣維官多則民必擾捐納人員往往以千百之資冀獲倍蓰之利豈皆盡心為民若僅恃考試甄別而不正本清源殊無實濟前蒙

特旨停捐仰見

奏稿三十六

十四

朝廷澄敘官方維持政體欽幸莫名惟部議尙准分發已捐已保者實繁有徒仍必源源而至畿疆為首善要區吏治尤宜整頓況地方素稱瘠苦又值災歉頻仍官吏充塞大非閭閻之福應請嗣後直隸一省自此次奉

旨之日起除正途即用大批等項例應發分人員仍照舊辦理外凡捐納勞績兩項道府以至未入流業經捐指直隸河工地方及應行發掣人員概停分發其長蘆鹽屬人員亦甚擁擠並請一律停止庶各班漸可疏通地方藉資培養俟二五年後再行察看奏明核辦理合恭摺具陳伏乞

皇太后

皇上聖鑒訓示施行謹

奏

奏稿三十六

五

旨密籌防務指 光緒六年三月初一日

奏為遵

旨詳細籌辦密摺陳仰祈

聖鑒事竊臣承准軍機大臣密寄光緒六年正月二十一日奉

上諭一道跪誦再四仰見

宸謨廣運戒備不虞臣謹按切時勢逐條悉心籌畫上乞

聖裁

上諭天津屏蔽京師關係全局李鴻章籌防有年所有建築礮臺
購備戰船等事粗具規模著將現有兵力認真整頓等因欽此查
直境沿海大小各口皆為京師屏蔽而天津乃各國由海道入京
正路尤須重兵駐守大沽北塘兩口則又津郡門戶年來建築礮
臺粗有頭緒惟兵力尙覺稍單其北塘迤東至山海關袤延五百

奏稿三十六

六

餘里如沿海之煙頭沽浦河口金沙嘴秦王島老龍頭等處水勢
較深輪船可泊以登岸徑達京城亦須分駐營壘添築礮臺昨令
新調直隸提督郭松林前往察勘口岸歧出空虛可慮該提督以
提標練軍僅有馬步隊五營光緒二年調赴奉天防勦馬步隊各
一營又調防熱河朝陽馬隊一營現止步隊兩營巡防北口實不
能兼顧海防從前直省練軍借調奉天本係暫局今奉天已已調
提督宋慶一軍堪資控扼則前調直津零星各隊自應撤回況近
畿防務視奉省尤為重要又郭松林向隨臣統帥勦賊裁廢馬步
七營留防湖北實為久戰得力之師應請
旨飭下奉天將軍將原調古北口練軍步隊右營馬隊三哨津防
練軍鎗隊兩營全數撤回不得藉詞久留並
飭湖廣督臣湖北撫臣將郭松林舊部現留襄陽之武毅步隊三

李文忠公奏稿 卷三六

營馬隊一營概調來直所需月餉軍裝仍照章由鄂源源解濟俟
各營到後自北塘迤東各海口當商同該提督擇要扼紮妥為布
置庶幾防較臻周密

上諭備齊戰艦於煙臺大連灣等處擇要扼紮以固北洋門戶奉

天營口本屬北洋所轄該處與煙臺海防即責成該督統籌兼顧

庶幾呼應較靈又同日另奉

上諭金州海口關係緊要應如何豫籌防守之處著李鴻章岐元

會籌辦理等因欽此查大連灣一帶即係金州海口北洋兵船本

少現僅鎮北鎮南鎮東鎮西礮船四隻可為守口利器而不足以

禦戰大洋必須戰艦備齊乃能於洋面設法拒截若船隻未齊未

可固遼海門戶似

聖主必不為空言之責成 臣亦不敢驚虛名以兼顧目下煙臺

奏稿三十六

七

營口僅有礮隊五百人固廠輪船各一隻兵力過形單薄幸奉
旨調宋慶所部往營口等處擇要扼紮山東撫臣亦擬添調勇營
紫煙臺後路並訂購蚊船二隻分布海口臣飭令道員許鈐身提
督丁汝昌督率現有礮船會同新延英國水師兵官哥嘉認真操
練隨時駛巡營口煙臺大連灣等處聊作聲援明年所購兼快
船二隻奧利恩八角臺鐵甲船一隻如可陸續到津屆時練成一
軍擇要扼紮庶北洋門戶較為有恃
上諭李鴻章所部准軍久經戰陣亦宜有威望素著之宿將統帶
在籍提督劉銘傳應否調赴天津著奏明辦理湖南提督李長樂
如其才尚可用亦著奏調赴津以資倚任等因欽此查湘淮營制
任將為先兵非將所素習則呼應有時不繼向來淮軍統將戰功
以劉銘傳為最亦祇自統所募銘軍並未兼轄別隊而銘軍自陝

二六七

西調回後劉銘傳劉盛藻先後假歸經分該軍為二一交福建
提督唐定奎統赴江南分防江陰靖江宿遷一帶一由記名提督
劉盛休統帶分駐山東張秋昨已調該軍非移靜海之唐官屯精
濟河為名就近調遣劉盛休樸實勇幹深得軍心尚堪倚任惟劉
銘傳智略驍果度越諸將洵屬威望素著聞其在籍調養傷病尚
未甚愈臣已馳函往商如可剋期赴津藉資襄助當再奏明請
旨辦理至湖南提督李長樂隨部攻戰多年向為鄂松林部下分
統之將才甚可用惟郭松林所部遣撤大半僅留數營無力添募
李長樂現任專閩若調津而有將無兵轉置閒散自應暫從緩議
上諭張家口一路亦宜有兵屯紮李鴻章所部淮軍現紮張秋者
人數尚多著該督酌調此軍派得力將領統率前赴該處分扼要
隘等因欽此查外洋之入中國通商貿易為第一要事俄人以買
茶為性命現值恰克圖至張家口為運茶要道即至失和必無用
兵此路自絕生意之理況外隔沙漠數千里漢唐迄明皆以出塞
為難軍行食用諸多不便我不使由此往即彼亦不能由此來可
以揣測而知者況張家口處懸崖絕澗之內地形狹隘中外輻輳
實不宜屯駐多營張皇耳目目前明道重鎮於宣化但分零隊扼守
邊牆亦其形勢然也昨奉
寄諭祥亨等擬於精銳營洋鎗隊外由滿蒙官兵揀選馬隊精壯
四百名並令察哈爾八旗挑選精兵一千名分紮巴爾博羅柴吉
兩臺仍飭每旗再挑選精兵五百名以備應援就地練兵斯為經
久辦法似不宜更調客軍宣化距張家口僅六十里該鎮土可陞
久歷戎行謀勇素裕現有練軍馬隊四營足資巡防臣擬令劉盛
休暫派健將帶兩三營前往宣化附近擇要屯紮與王可陞練軍

聯絡一氣銘軍大隊仍屯靜海如北邊有警兼程往援不過數日
事機可無貽誤似屬兵家活著以上各節謹就愚慮所及殫心籌
辦斷不敢徒託空言敷衍從事致負
聖明倚任之重所有一切應辦事宜容再隨時次第具陳謹先繕
摺由驛五百里密奏伏乞
皇太后
皇上聖鑒訓示謹
奏

奏稿二十六

十九

奏調奎斌片 光緒六年三月初一日

再欽奉二月二十六日

寄諭祥亨等以直屬之張獨多三廳各旗官荒馬廠開墾已有成效若能認真查明欠交押荒銀兩責令按畝補交比戶計田派夫訓練餉需既有著落練勇即可有裨尤為兩得之計著李鴻章遴選明幹道府前往切實查明呈報應如何籌辦之處酌核具奏等因欽此查張獨多三廳各旗官荒馬廠墾成者間已不少責令補交押荒銀兩能否比戶計田派夫訓練必須熟悉情形之員體察勸辦若委任不得其人恐無實濟轉滋紛擾茲查有前任口北道奎斌在宣年久器識沈毅才猷明練於所轄張獨多三廳地利民情素所熟諳辦事絲毫不苟輿論翕然臣曾於同治十年十二月間密保堪勝兩司奉

奏稿二十六

二十

旨留中在案該道服闋後

仍放肅州道因病陳請開缺現病體計已就痊可否

特旨將奎斌發交臣處差遣俟其到直即令馳赴口外切實查勘

督同各廳員妥擬章程由臣酌核奏辦理合附片具陳伏乞

聖鑒訓示謹

奏

請撥海防經費摺 光緒六年三月初一日

奏為北洋海防經費短絀日多請飭速議籌撥以維大局恭摺仰祈

聖鑒事竊查海防事體重大非有的餉到手不能興辦一事內地軍需或可布置於臨時補救於事後海上設防船須預訂械須預購人須預練且鄰國一開各國軍火均不能購運全在綱繆於未事之先需餉如此其急而籌餉之方非中外一心共持定見不克有濟溯自光緒元年戶部會議奏撥海防經費南北洋各二百萬果能如數解到及今五年非洋受款不下千萬雖富強未足與鄰相抗然北洋三口水師必有可觀緩急自有把握詎知議撥以後未幾而抽分洋稅一半抵還西征借款矣未幾而戶立招商局輪船貨稅名目改解部庫矣又未幾而議准廣東釐金截留本省福

奏稿二十六

三十

建稅釐留抵臺防矣在部屢改已撥之款若以非洋切近

緩輔防務尤要則議改一款必須議增一款以符初議乃止議抽撥未議添撥至使外省視海防為無足重輕解款日少一日臣於

光緒三年八月間曾將北洋餉需披瀝上陳而報解仍未有起色

如廣東江蘇福建三省釐金奉撥以來未解分毫浙海關洋稅自

戶立招商局稅名日後亦未解分毫其浙江江西湖北三省釐金

及各海關四成稅實解非洋者分年勻計每年不過三十餘萬兩

視原撥每年二百萬之數尚不及十成之二臣添購利器添練勁

旅之志寢饋不忘終因款不應手多成畫餅論者猶謂臣歲糜巨

帑不克振作有為豈知戶部所撥之額餉並非臣處所得之實餉

雖欲振作而未由今往者已不可追來者奚容再誤查上年各省

關解到北洋釐稅僅敷購置快船一隻之用其他訂購蚊子船

碰快船鐵甲船及緊要軍器均無指項初猶希冀
萬年吉地

惠陵工程告成各省財力稍紓解款可以加增近奉籌撥東北邊
防解歸部庫之

論其中指撥各款有與前撥北洋防費准軍專餉相同者各省財
力止有此數顧此必致失彼矧患得患失人情之常欠解部餉處
分綦重孰是甘受嚴議而籌解協餉者竊恐不撥各處挪東補西
專顧部餉雖蒙

恩令戶部分飭各省關將北洋防費准軍專餉全數解足儻各省
關仍前減少或更甚於前則北洋局面岌岌難支可憂甚大自今
以後臣處購買製造訓練養船添募之費有日增無日減非每年
有受協的數斷難籌布伏乞

聖明俯念北洋防務屏蔽

京師關繫全局北洋經費視內府京刀尤為緊要

特飭戶部總理各國事務衙門迅速會議所有原撥南北洋經費
粵海江海浙海山海閩海等五關四成洋稅內應行提還光緒二
年三月部庫撥給西征餉銀二百萬兩一款擬請自本年正月
起即行停止仍照原議分協南北洋經費查此項部庫撥給西征餉
二百萬部議從二年七月初一日起於各海關奉撥南北洋經費
內劃提一半解部歸還俟解清後即由各關統解海防大臣兌收
等因在案今計二年七月海關第六十四結以後五年八月七十
六結以前粵海關已還過部庫銀六十六萬餘兩江海關已還過
部庫銀四十四萬餘兩山海關除七十六結尚未詳報外其七十
五結以前已還過部庫銀七萬八千餘兩浙海關海兩關各呈

奏稿二十六

五

奏稿二十六

五

處之文報不齊約略估計閩海關已還過部庫銀十五萬兩上下
浙海關已還過部庫銀八萬兩上下通計各海關五年八月七十
六結以前共已還過部庫銀一百四十萬餘兩又截至五年底止各
海關尚可按結提還銀十餘萬兩加以光緒二年於北洋經費
內發過滇案餉款銀二十萬兩原議在粵海等關應還部發西征
餉銀二百萬內扣算是各海關欠解部庫西征發款約計不過二
三十萬兩諒部臣斷不較量錙銖致梗臣議矧此欠還部庫之二
三十萬兩仍可於各省奉撥西征餉內徐議提還不致日久無著
又招商局歸併洋行輪船所納稅銀即是從前洋船之稅華洋之
別在船不在商似不必另立名目隱佔四成稅銀地步使外省無
所適從擬請自本年正月所起所有各海關徵收招商局輪船稅銀
仍照沈葆楨李瀚章原議統按洋稅章程劃分六成四成分別報

解無庸再立五成二四成八等項瑣屑章程以裕餉源而符初議
至閩海關截留南北洋經費理應片指關稅補撥惟關稅可指之
處甚少擬暫緩請補免致部臣為難如此改議關稅項下南北洋
兩處每處約可添收銀二十餘萬兩加以現收洋稅每處可共得
實銀五六十萬兩此洋稅項下酌擬變通悉符光緒元年初議者
又查各省釐金奉撥南北洋經費江西湖北各三十萬浙江四十
萬湖北解數最優江西次之浙江奉撥之初解至九成近口減至
二成臣此次奏改餉章專為實事求是力戒欺飾以祛有名無實
之病與其撥多解少何如實撥實解江西湖北浙江三省釐金若
責令悉照原撥之數解足不足則予以嚴議猶恐各省實有為
難之處擬請將江西湖北各原撥三十萬浙江原撥四十萬悉按
八成數目實解南北洋分收不得再有絲毫短少其江蘇原撥釐

金四十萬廣東福建原撥釐金各三十萬現皆不能報解計南洋每年每處實少收銀五十萬兩蘇粵閩皆南洋轄境在南洋截本處之餉設本處之防名實尙屬相符非洋每年少此五十萬協款擬請改撥他省有著的款以上原撥改撥各款悉請比照京餉章程預定延欠處分會議奏明辦理務使每年解數實如撥數俾臣得以就款預籌不致有名無實其准軍專餉並令如數籌解仍令各省一面起解一面自行奏報一有延欠卽行懲處庶各省關皆知

朝廷意旨之所向悚然於吏議之無可幸免斯餉需可以稍裕而防務可以措手萬勿仍前虛應故事坐失事機則大局幸甚微臣幸甚所有非洋經費短解日多緣由理合繕摺由驛遞陳伏乞皇太后

奏稿二十六

孟

皇上聖鑒敕下戶部總理衙門速議籌撥施行謹

奏

請撥南漕摺 光緒六年二月初五日
奏爲直隸洋區積水未消民情困苦籲懇
特恩賞撥南漕以資拯救恭摺仰祈
聖鑒事竊上年直順各屬秋禾被水共計災款六十八州縣經臣

奏奉
上諭分別蠲緩先後蒙
恩賞給漕糧撫卹窮黎幸免失所入冬以後雨雪應時高地普種

二麥窪區仍多積水業於年前預籌春撫摺內聲明屆時察看情
形請截漕糧接濟在案臣於二月初來津經過災重之安州雄縣

任邱霸州保定文安大城靜海一帶逐處查勘窪地積水尙深文
安被淹尤廣先由江蘇紳士嚴作霖等攜帶捐資擇要散賑又寶

坻薊州涿州武清天津青縣滄州清苑高陽博野深澤安平饒陽
等州縣各有積水未消之處春麥多難補種紛紛稟請撫卹雖經

奏稿二十六

孟

開濟河道修築隄工設法疏洩俾壯者傭趁餬口但老弱婦稚不

下數十萬待哺嗷嗷飢困可憫閭閻頻經災歉絕少蓄藏縱使水

速退消祇能布種秋稼收穫尙遠值此青黃不接實屬乏術謀生

必應妥速撫綏庶免委填溝壑此外災歉較輕州縣如因麥收失

望及應辦隄河各工亦須分別補助前以直屬各庫糶捐一空商

勸南省本省官紳集捐籌濟但賑捐至再至三久成弩末無從再

獲巨款民命至重不得不仰乞
懇
慈施查本屆蘇浙新漕由輪船運津者現已二十餘萬石相應籲

天恩賞給江蘇浙江漕米各五萬石共合十萬石卽就輪船運來
之米就近截撥責成天津道吳毓蘭候補道盛宣懷驗收由臣督

同司道詳察順直各屬災區輕重及時分撥遴派廉正員紳會同
地方官確查戶口認真散放並酌量以工代撫務使實惠及民不
准絲毫弊混至隨漕輕齋等項及剝價銀兩經銷耗食米石並請
照歷辦成案飭由各該糧道核數提解交賑局津貼運費本屆
蘇浙糧漕共計交倉正耗米一百十餘萬石今請截撥十萬石於
京倉似無所損而災黎藉可活命如蒙

聖明俯准
特旨宣示則

恩出自上益足固民志而廣

皇仁理合恭摺由驛具陳伏乞

皇太后

皇上聖鑒訓示施行謹

奏

奏稿二十六

美

請獎英法官學官廠洋員摺 光緒六年二月十六日

奏為船政生徒出洋肄業洋員教導出力請
旨分別賞給寶星功牌以示鼓勵恭摺仰祈

聖鑒事竊臣等接准出使德國大臣兼肄業監督李鳳苞咨開出
洋生徒歷照章將駕駛各生先送英國格令尼次官學然後商
派兵船製造各生陸續送入法國官學官廠文案繙譯各員亦送
政治律例學院分投肄習瞬屆三年期滿官學官廠各員盡心指
授不分畛域不支薪費似宜格外獎勵其向支薪水之月延教習
幫同指教均屬出力亦應酌予獎賞西國崇尚寶星榮於華衮而
能邀他國寶星者尤以為榮中國在洋之委員生徒既傳習其交
涉駕馭製造各事擬請懇
恩酌量等差賞給寶星頒發功牌苟有續派生徒則鼓舞之以得
其日後真傳苟無續派生徒則酬報之以免其終身德色非但有
益於肄業抑且有益於邦交今與洋監督日意格往返函商力加
刪汰酌擇英法官學官廠督辦總監督馬的奴得式內等共十員
又英法官民各廠學總辦監督孟格非埃等十三員以上各員調
派生徒延訂教導著有勤勞大半不支薪水擬請
旨賞馬的奴得式內等十員頭等金寶星孟格非埃等六員二等
金寶星拉飛德等七員三等金寶星此外英法官學教習及月延
教習佳泉等八員擬請四品軍功並三錢重鑲金寶牌歐般等十
員擬請五品軍功並三錢重鑲金寶牌以資鼓勵而示榮寵等因
前來臣等查前此德國兵官教練華弁出力經臣鴻章兩次奏奉
俞旨賞給寶星此次閩廠學生在洋人數尤多事務尤繁刻下正
選派生徒陸續出洋欲策後效必應酬其前勞在洋人刻意求名

奏稿二十六

美

不難將其祕要在中國所費無幾頗足隱示半籠謹開具銜名清單擬懇

天恩給予獎賞如蒙

俞允應由船政局照式製造寄由李鳳苞等分別頒給除咨請總理衙門知照英法駐京使臣外所有洋員教導出洋生徒請旨賞給寶星功牌緣由謹合詞恭摺具陳伏乞

皇太后

皇上聖鑒訓示謹

奏

奏稿三十六

天

謹將英法兩國教導肄業生徒尤為出力各員擬請獎勵開具銜名清單恭呈

御覽

計開

法國海部總理員弁並水手人等水師提督馬的奴得式內

法國海部總理水師各廠事務提督銜薩把帖

法國格致院長巴黎地圖局副總辦並礦院總監督一品銜多布

類

法國礦院總稽查二品銜都朋

法國水師一等總監工官學總監督總兵銜舒育

英國格令官學總監督二品銜好士德

法國政治院總辦二品銜布德米

英國抱士穆德廠收發船表副將銜遜順

法國水師總監工副將下那美

法國科魯蘇製廠督辦瑞乃德

以上十員擬請

賞頭等金寶星

法國汕薩芒製廠督辦前工部尚書孟格非埃

英國格林官學教習格致舉人藍伯脫

英國格林官學教習格致舉人勞敦

法國馬賽製廠總辦二品銜勒摩以

法國馬賽製廠監督二品銜奧賽爾

法國臘孫製廠監督三品銜臘根

以上六員擬請

賞三等金寶星

法國科魯蘇製廠副總辦拉飛德

法國汕薩芒製廠副總辦畢庸

法國地中海廠巴黎副總辦舒愛把士德

法國地中海廠巴黎總辦查芳舒

法國前賽隆官學監督基爾

法國賽隆官學監督三品銜郎格內

法國水師總監工前浦官學副監督三品銜馬丹美

以上七員擬請

賞三等金寶星

法國水師副監工前浦官學教習參將銜佳臬

法國水師副監工教習多耶學生奧濱

法國水師副監工前教習白海士登藝徒古士亥

法國水師副監工前教習白海士登藝徒臘依德

法國水師副監工前教習前浦學生布拉

法國水師副監工教習前浦學生比俄

法國律例師前教習肄業隨員福果阿芒

法國算學舉人前教習肄業隨員福果阿貝

以上八員擬請

賞四品軍功並三錢重鑿金賞牌

英國格林官學天文教習歐般

英國海圖教習掌孫

英國製造學士汽機教習義歐

英國學士格林官學格致教習戴柏

英國格致舉人格林官學格致教習爾蘭諾得

英國水師礮學都司蘇哲爾

法國製造監工教習礦學生奧禮武

法國科魯蘇監工前教習藝徒羅甫

法國礦院官學教習基爾德

法國礦院官學教習李余爾

以上十員擬請

賞五品軍功並三錢重鑿金賞牌

奏稿三十六

全

商局官幣分年抵還摺

光緒六年三月二十七日

奏為各省撥存輪船招商局官幣擬於該局運酒水腳項下分年全數抵還恭摺仰祈

聖鑒事竊直隸江浙江西湖北東海關等歷年撥存輪船招商局官幣銀一百九十萬八千兩原議商股充盈即行歸款嗣因

商本未充官幣又未便久擱經臣等於光緒三年十一月會奏緩息三年俟光緒六年起緩利按本勻分五期每年繳還一期

銀三十八萬一千六百兩由商局預為籌定按原撥平色銀數分赴各省關局具結存案屆時照繳等因奉

旨該衙門知道欽遵在案今屆第一期應還之限據該局商總道員唐廷樞徐潤棠稱該局自光緒二年冬歸併旗昌洋行輪船後

至三年六月底結帳計成本銀四百二十九萬餘兩四年六月底結帳計成本銀四百五十七萬餘兩五年六月底結帳計成本銀

三百九十八萬餘兩五年七月以後雖太古怡和洋行力與傾擠而局中生意尚能相持此成本可望日輕之情形也又該局光緒

三年結帳計存官幣銀一百九十萬餘兩升作上海規平銀一百九十二萬八千餘兩商股七十三萬餘兩保險商股三十七萬四

千餘兩欠旗昌洋行六十九萬兩欠華商五十六萬兩光緒四年結帳計仍存官幣一百九十二萬八千餘兩商股七十五萬一千

餘兩保險商股四十一萬八千餘兩船險公積九萬六千餘兩股分存息三萬七千餘兩欠旗昌四十六萬兩欠華商八十八萬六

千餘兩光緒五年結帳計仍存官幣一百九十二萬八千餘兩商股八十萬餘兩保險商股五十八萬二千餘兩船險公積十一萬

九千兩欠旗昌二十六萬兩欠華商二十九萬三千餘兩五年十

二月止又拔還旗昌十萬兩東海關等官幣十一萬六千五百兩

此欠款可望日少之情形也從前請緩三年後拔還官幣者原因

旗昌船價六十九萬不得不先行拔還以免外人貽笑現在僅欠

旗昌十六萬欠華商亦不過三四十萬氣力已漸展舒所存官幣

原平銀一百九十萬八千兩除撥還東海關等十二萬六千五百

兩尚存一百七十八萬一千五百兩應遵照原奏自光緒六年起

勻分五期每年繳還一期銀三十五萬六千三百兩擬將輪船承

運酒水應領水腳自本年為始五年之內全數抵還官幣查海運

章程每石向發水腳等項漕平銀五錢六分一釐五毫八絲三忽

三微本年奉江蘇行知與沙船一律核減三分嗣後實應發每石

銀五錢三分一釐零如果每年運米六十六萬石應領水腳等銀

三十五萬餘兩即可照原議五年歸還清結萬一江廣停運江浙

撥米不能如數總當儘應收之運腳均抵應還之官幣仍以扣清

之年分為止應請飭各省糧道將此項水腳按年解存上海道庫

行知該局查照各省關局每年應還平色銀數分別撥還俟官幣

此項自係確有把握計嗣後運漕一石應照章實發水腳等銀五錢三分一釐零若每年運米六十六萬石應得銀三十五萬餘兩足可抵還官帑應即照此定議仍成該道等隨時認真整頓節經營務使以撥截之餘資補運漕之用費庶幾欠款日少成本日輕可固根基而期久遠除咨行查照外理合會同署兩江總督江蘇撫臣吳元炳恭摺具陳伏乞

皇上聖鑒謹

奏

奏稿三十六

五

覆陳招商局務片

光緒六年三月二十七日

再欽奉正月二十八日

上諭有人奏招商局辦理毫無實濟請飭認真整頓經理一摺設立招商局原所以收利權而裕稅課若但聽委用各員任意開銷浪費侵蝕深恐私囊日充公款日虧著李鴻章吳元炳慎擇公正廉潔之員將歷年出入各款澈底清查實心經理如有糜費侵漁等情即行據實嚴參毋稍徇隱等因欽此遵查輪船招商局之設係由各商集股作本按照貿易規程自行經理已於同治十一年十一月創辦之初奏明盈虧全歸商認與官無涉誠以商務應由商任之不能由官任之輪船商務牽涉洋務更不使由官任之也與他項設立官局開支公款者迥不相同惟因此舉為收回中國利權起見事體重大有俾

奏稿三十六

五

國計民生故須官為扶持並酌借官帑以助商力之不足光緒三年冬曾將該局事宜籌畫整頓奏並飭江蘇兩關道於每年結帳時就近分赴滬津各局認真清查帳目如有隱匿據實稟請參賠業經循辦在案數年以來雖有英商太古怡和洋行極力傾濟而局事尚足相持官帑漸可撥還生意次第開拓先後承運京倉漕米各省賑糧不下數百萬石徵兵調餉解送官物軍械者源源不絕且可至盡得謂於國事毫無實濟其攬載客貨以及出入款目因會辦各員多有服官他省不能駐局仍責成素尚商業之道員庸廷樞徐潤總理其事局中股本亦係該二員經手招集每年結帳後分晰開列清冊悉聽入本各商閱看稽查若該商總等任意開銷侵蝕則眾商不待官查必已相率追控而自開辦至今並無入股商人控告者局

外猜疑之言殊難憑信現值運漕攬載喫緊之時若紛紛調薄清查不特市面徒滋搖惑生意難以招徠且洋商嫉忌方深更必乘機傾軋冀遂其把持專利之謀殊於中國商務大局有礙總之商局關係

國課最重而各關各納稅課絲毫無虧所借官帑現據唐廷樞徐潤等稟定由該局運漕水腳分年扣還公款已歸有著其各商股本盈虧應如前奏全歸商認與官無涉只可照案俟每年結帳時由滬津兩關道就近清查一次以符定章惟總分各局及碼頭船隻甚多用人甚眾難保一無糜費臣等仍隨時嚴飭該員唐廷樞徐潤認真整頓實力經理不得稍任浪費侵蝕違則嚴行參辦謹會同署兩江總督江蘇撫臣吳元炳附片覆陳伏乞
聖鑒謹

奏

奏稿三十六

奏

請緩釐課奏銷摺 光緒六年三月二十七日

奏為援案請緩長蘆本屆正課奏銷以恤商艱恭摺仰祈
聖鑒事竊據長蘆鹽運使如山詳稱蘆商正課例限五月奏銷自同治十年後屢遭災歉節經詳請

奏准緩至十月啟徵茲以例限將屆催令各商完納據通綱商人晉有字等稟稱如果銷路漸暢商力稍舒自應依限輸將何敢瀆求展緩無如頻年水旱災傷戶口減少且稍鹽到處皆有貧民就地取食往往不買官鹽遂致銷路壅滯近又因銀價貴賤不同賠累益甚如豫省銀每兩值制錢一千八九百文直屬各州縣亦台制錢一千六七百文惟津郡則止值制錢一千五百文上下各商由引地買銀來津每兩須賠制錢一二百或三四百文刻下春運既宜趕辦去歲未完帑利及帶徵正課亦均到限於辦運喫緊之際

奏稿三十六

奏

尚須完此數款已屬萬分拮据本屆正課奏銷實難依限籌措懇援案展緩該運司詳加體察委係實情如將本屆正課依限奏銷徒事參追無裨實濟仍議緩至十月啟徵等情具詳請
奏前來臣查長蘆正課前因商情窘澁請展緩均經奉旨允准現值餉需支絀但可依限催納豈容稍延實緣災荒之後銷路仍滯又兼引地銀價昂貴賠累益多且當春運喫緊力難同時兼辦自應援照歷屆成案懇
天恩俯准將光緒六年正課奏銷緩至十月辦理屆時當督飭運司認真催徵以濟京奉各餉不致貽誤理合恭摺具
奏伏乞
皇太后
皇上聖鑒訓示謹

奏

奏稿三十六

奏

殺軍非調請加餉摺 光緒六年二月二十八日
奏為殺軍調赴奉天應請仍由豫省照章加給月餉以作士氣恭摺仰祈

聖鑒事竊臣欽奉二月十一日

寄諭宋慶所部殺軍調赴奉天扼要防守該軍所領口糧應如何照現放章程酌量增加以示體恤由岐元會商李鴻章奏明辦理豫省向來應支該軍月餉仍著涂宗瀛如數源源接濟毋令短缺等因欽此遵查各省官兵調赴他省防剿向有加餉之例誠以行軍需費較繁不比就地可以節省宋慶所部殺軍與張曜所部嵩武軍同為豫省之師該兩軍餉章向歸畫一其在本省原領餉數本少每營馬隊月領餉銀一千七百九十餘兩步兵隊月領餉銀一千八百四十餘兩僅敷口食同治七年冬西征案內經前河南

奏稿三十六

奏

撫臣李鶴年奏定馬步隊每營由豫月加餉銀五百兩應加運費不在其內光緒元年殺軍由陝非撤回又經前護河南撫臣劉齊銜奏請暫停加餉聲明嗣後如越境防剿再行加增嗣因豫境旱荒糧食購運維艱又將每營運費二百兩照舊籌撥各在案今嵩武軍出關後仍由豫省月給加餉而殺軍遠赴奉天越境辦防事同一律涂宗瀛來緘亦謂該軍遠出正餉必不敷用現在宋慶行抵天津面商一切其步隊八營馬隊一營分作兩起次第入直前進軍士長途跋涉食用不足未免動形掣肘據宋慶呈稱餉項向未照加弁勇同深企望勢難待至到防以後請即奏明自三月起由豫照章加發等情前來臣查豫軍出境加餉係歸該省供支是以嵩武軍現仍加撥殺軍此行較前次防剿陝回艱遠相等自應准其援越境加餉之例以鼓勵軍心惟是部庫拮据既無可墊發

奉旨艱窘尤無可挹注豫軍向食豫餉雖豫省入不敷出亦有為
 難而既有加增舊章前已照辦後更無所推諉涂宗瀛素顧大局
 諒必督同司局勉力籌濟相應請
 旨敕下河南撫臣涂宗瀛查照李鶴年劉齊銜奏定出境加餉章
 程銀數將毅軍馬步隊九營每營每月應加餉銀五百兩即自本
 年三月拔隊之日起隨同正餉運費一併籌撥源源解濟以作士
 氣而示體恤理合會同
 盛京將軍臣岐元恭摺由驛具陳伏乞
 皇太后
 皇上聖鑒訓示施行謹
 奏

奏稿三十六

罕

李文忠公奏稿卷三十六

李文忠公奏稿 卷三七

李文忠公奏稿

卷之三十七目錄

- 遵籌吉林防務摺 光緒六年四月初七日
- 派員赴吉差遣片 光緒六年四月初七日
- 戴宗瀛赴吉片 光緒六年四月初七日
- 部議籌餉分條核辦摺 光緒六年四月十三日
- 擬議剝船腳價片 光緒六年四月十三日
- 貨釐收支數目摺 光緒六年四月十三日
- 鮑超到津片 光緒六年四月十三日
- 薛煥請卹片 光緒六年四月十三日
- 郭松林請卹摺 光緒六年四月二十六日
- 李長樂請卹直隸片 光緒六年四月二十六日
- 張家口糧臺請部餉摺 光緒六年五月初八日
- 京引展限復額摺 光緒六年五月初八日
- 開道南運減河摺 光緒六年五月十三日
- 馬廠報報章程摺 光緒六年五月十三日
- 請豁霸州官地和銀片 光緒六年五月十三日
- 奏留劉士奇片 光緒六年五月十三日
- 文報局請獎片 光緒六年五月十三日
- 定造鐵甲船摺 光緒六年六月初三日
- 撥補出洋肄業經費摺 光緒六年六月初三日
- 奏保馬建忠片 光緒六年六月初三日
- 巴西遣使議約摺 光緒六年六月初六日
- 訪醫保送摺 光緒六年六月十一日

二七九

籌辦畿防摺 光緒六年六月十一日

天津縣請予升缺摺 光緒六年六月二十一日

郭松林之妾列節片 光緒六年六月二十一日

請催海防經費摺 光緒六年六月二十五日

淮軍軍需報銷摺 光緒六年七月十四日

軍需交涉洋務片 光緒六年七月十四日

奏稿三十七目錄

李文忠公奏稿卷三十七

全集一之三十七

桐城吳汝綸編錄

選籌吉林防務摺

光緒六年四月初七日

奏為遵籌吉林選將造船調取軍火各事恭摺仰祈

聖鑒事竊臣欽奉光緒六年三月十六日

寄諭銘安奏練兵必先擇將請調直隸通永鎮總兵唐仁廉及在

宣化練軍之郭長雲赴吉差遣等語該二員現在能否派往若昇

以總統吉林官兵之任是否相宜著李鴻章酌度具奏等因欽此

遵查通永鎮總兵唐仁廉前在提督鮑超軍中勦辦粵逆素稱驍

勇嗣調隨臣物捨借往無前自赴通永鎮任飭統馬步四營駐防

北塘海口要地捍衛近畿正當修守礮臺喫緊之際礙難遽易生

手派赴吉林至儘先副將郭長雲湖南沅州人向隨將軍多隆阿

轉戰有年經宣化鎮總兵王可陞稟委管帶練軍馬隊左營訓練

精勤紀律嚴整邊防雖關緊要而吉林練兵需人自應遵

旨派往差遣其現帶馬隊應另委接替該將久當大敵曉暢戎機

能耐勞苦若令募練數營守當可得力俟該處情形熟悉再酌

委總統庶幾人地相宜又奉

諭旨該將軍以三姓一帶擬造船板戰船請飭彭玉麟楊岳斌密

為水師宿將一二人酌帶船匠水勇數十人赴吉舉辦等語從前

長江設有長龍船板等船期辦內地賊匪至三姓一帶輪船可通

舢板戰船是否足資守禦及應如何設立水師以防侵越之處並

著李鴻章體察情形妥籌具奏等因欽此臣查水師之設要在察

敵情審地勢從前長江為粵逆窟踞賊船民船以禦我師曾國藩

故創造舢板戰船以制敵今各國輪船深入長江正慮舢板船礮

俱小不足制勝只可於內河淺港輪船不能到之處備一用之況
輪船全恃機器事理精奧亦非舳板水師員匠所深悉近聞俄人
在混同江口之庫頁島即日本送給之蝦夷嶺開礦設廠廣製輪
船每由混同江駛入松花黑龍等江意甚巨測斷非舳板長龍等
船所能制禦此敵情之不宜也吉林黑龍江兩省腹地如嫩江松
花江皆瀕輪於混同江而出東海江岸下游大半為俄人侵占吉
林之三姓阿勒楚喀伯都訥等城瀕混同江深淺不一俄國輪
船常來窺伺欲守陸路必須先備江防欲伐敵謀必須自固門戶
殊非舳板長龍所能為力此地勢之不宜也臣詳審輿圖體察情
勢似宜在三姓附近水深溜大之處設廠鑄造小輪船如粵東仿
造蚊船等式喫水不過七八尺上可駛行伯都訥省城一帶下
可駛巡黑河口轉入黑龍江則操縱咸宜聲勢一振既為陸軍所

奏稿二十七

依輔又防俄船之侵越洵為目前切要之圖惟輪船機器工料繁
重創辦之始貴能就地取材隨時變通非熟習西法製造者不能
勝任查有廣東紳士江蘇試用道溫子紹究心格致之學機器理
法洞徹本源在粵局製器多年往往自出心裁暗合道妙即如劉
坤一奏令該員仿造蚊船用費甚為節省志趨已迥異庸俗吉林
為根本重地始始清才視粵東防務尤關重要相應請
旨敕下兩廣督臣張樹聲廣東撫臣裕寬轉飭溫子紹酌帶造船
得力工匠並將粵海關監督俊啟上年代購神機營設廠之機器
選擇合用者由海道運至奉天營口再由陸運吉以資創設船廠
之需溫子紹暨帶工匠機器赴吉川資均由該督撫臣暨粵海
關監督設法籌給候溫子紹過津臣再詳屬其赴吉後察勘該省
煤木油鐵一切物料何者可就地取用何者須在外洋及南省購

李文忠公奏稿 卷二十七

運同廠之始及常年經費摺節估計約各需若干稟由臣及銘安
等核明奏請
敕部於東北防餉內撥定專款次第興辦庶於吉黑兩省大局有
裨如果溫子紹赴吉創設輪船得用臣與銘安等當領懇
天恩破格獎擢以鼓勵人才又奉

上諭所請由天津機器局撥給五百斤洋礮二百三百斤四尊二
百斤四尊馬上海鎗一千二百桿帶刺步鎗二千三百桿洋火藥
三萬斤洋銅帽二百萬顆洋鉛彈子二百萬粒著李鴻章酌量撥
給以資應用等因欽此查鎗礮藥彈為練兵所必需天津機器局
專造洋火藥銅帽及各項子彈源濟用洋礮洋鎗近來新式仿
製甚費財力隨時由滬甯各機器局調取及山西洋訂購儲備無
多茲飭軍械所委員會同機器局籌撥甯局所製十二磅來福開

奏稿二十七

花銅礮六尊車架箱具俱全並配炸彈六百顆木信六百六十筒
銅拉火一千枝恩費爾來福馬鎗六百桿恩費爾來福兵鎗一千
桿大銅帽二百萬粒鉛箭二百萬粒礮藥三千磅鎗藥二萬七千
磅共計合價銀一萬八千六百四十餘兩咨由銘安派員來津領
運查實應用津局經費支絀前項軍火價值飭行長蘆運司於積
欠吉林餉內扣抵籌還以免轉輸所有遵籌吉林設防各事宜謹
繕摺山驛覆陳伏乞

皇上聖鑒訓示謹
奏

二八一

派員赴吉差遣片 光緒六年四月初七日

再欽奉光緒五年十二月十九日

上諭銘安奏吉林差遣需人請飭為舉賢員一摺吉林分地設官以資治理請才孔亟著李鴻章於直隸候補人員內遴選為守兼優之道府州縣各一員奏明發往吉林交銘安差遣委用等因欽此查吏治與防務相為表裏吉林查辦墾荒籌設民官以清盜源而消內患必須得人助理臣謹於直隸候補及差委人員內逐加遴選查有候補道顧肇廉正精細穩練安詳候選知府李金鏞在直辦賑數年實心愛民洞達政體候補知州員啟章歷任熱河知縣諳習邊外民情心地樸實候補知縣查宗仁誠篤耐勞盡心民事以上四員均屬為守兼優之員堪以派往吉林交銘安酌量差委理合附片具陳伏乞

奏稿三十七

四

聖鑒訓示謹

奏

戴宗燾赴吉片 光緒六年四月初七日

再查直隸候補直隸州知州戴宗燾究心時務學識優長志趣純正久在軍襄辦營務於兵事吏事均有歷練河北道吳大澂平日極相推重吳大澂奉旨幫辦吉林事宜昨過津謁商欲調該員赴吉襄助一切吳大澂將來如練兵設防須有志同道合之人商推機宜戴宗燾在軍雖有經手要務未便斬而不與可否請旨飭調該員暫行隨同吳大澂赴吉由銘安等商酌委用俟該處防務稍就緒後仍檄調回直俾資贊助伏乞

奏稿三十七

五

聖鑒訓示謹附片具

奏

部議籌餉分條核辦摺 光緒六年四月十三日

奏為部議籌餉各條直隸情形分別核辦恭摺仰祈

聖鑒事竊准戶部咨開具奏籌餉需一摺欽奉

上諭一道鈔摺恭錄到直遵即督飭司道悉心妥籌茲據詳覆前

來直查戶部原奏十條除停止工程核實折價捐收兩淮票本三

條應專歸戶部及兩江辦理外其餘各省核辦者七條內廢催

墾荒一條查直隸內地並無荒田開有旗民無地畝或山陽河

灘堪種之處均飭隨時認真勘辦惟地土瘠薄災歉頻仍徵收不

能足額尚無以熟報荒州縣隱匿紳富把持情弊其西北口外各

旗官荒馬廠從前章程不一非專歸地方官經理現已奏派道員

前往查辦自可逐漸升科無庸另議又溢解關稅一條查天津未

設新關以前凡內河外海陸路商販貨物皆歸鈔關完納常稅為

數頗多自各國通商火輪夾板駛行便捷客貨遂改裝洋船完納

洋稅致常稅大形減色此中外所共知者近年直隸豫鄂災歉

貨物帶銷現因海上訛傳商情疑慮收數較往屆幾減三分之二

此又時事不同初未計及者北地貨稅遠遜東南津海關局而不

不如閩粵等關之寬博目前情形如此將來能否暢旺尚難逆料

惟有俟關期報滿如有羨餘即令溢解其北洋統轄之山海關情

形相同應一律辦理東海關尚未查覆另行核辦又整頓釐金一

條查天津於同治初年創設釐捐每年收銀不過二萬兩經

臣改章整頓每年可收至六萬餘兩撥濟海口礮臺等項要用其

局用薪費統計不及部定一成之數尚為撙節所有歷年收支各

款業經分晰奏咨此外惟大名衛河各口抽收貨釐該兩處商貨

甚少每年只能收銀數千兩應係彙入保定天津練軍正餉開支

列報大名則令該府同知等兼管衛河則令該縣稽徵初未專設

一局臣疊加考察皆係清濶歸公並無冗員濫設零星分卡益與

東南各省貨充釐旺散布局卡者迥不相同也至津海山海等關

洋藥釐捐向照定章按斤抽收充餉局抽羨釐作為局費津海關

以半年一次開冊報部山海關以一年一次開冊報部應仍照章

辦理又嚴查交代一條查直隸州縣交代前因地方多故或未依

限結報或算結而交項未清相率容延殊不成事上年督飭藩司

任道鎔嚴加整頓議定章程自光緒六年正月無無論升調及有

事故一經交卸即責成該管府廳州將該員扣留會算依限結報

所欠交項飭令完清其六年以前交代未結者勒限算結已結而

有欠款者一併追完逾限不結不完照例參辦該司嚴提舊欠力

杜新虧現已辦有就緒至交代未清各員應行扣補扣委各節亦

與部章相同無庸另議又嚴核奏銷一條查直隸奏銷以地丁旗

租為大宗其餘雜項皆關庫款自應依限辦理據藩司任道鎔飭

令各屬將每年應徵額款及現時徵解支存民欠各數按月造具

四柱清冊呈送考核即為奏銷根據凡有徵存銀兩儘數提解不

容絲毫虧挪仍飭該司俟奏銷時核明已未完分數員名開單詳

奏其長蘆釐課等項奏銷並飭運司仿照辦理又催提減成養廉

減平銀兩兩條除長蘆運司津海鈔關減平銀兩向係按年解清

無庸再議外查清庫應收養廉及一切支款每年可扣減成銀三

萬餘兩減平銀四萬餘兩惟地方著名瘠苦並無額外可籌之款

可與之利歲收糧租等項向不敷出是以嘉道以前每年須有部

撥銀二三十萬兩藉資接濟咸豐以後協款停止且須由直協濟

新疆及東三省餉項又撥永定南北運各河歲撥修經費順天府

采辦硝價
東西陵部添設官兵俸餉維支每年共添支銀二三十萬兩其隨時添撥者如

萬年吉地

患陵樹價及前數年辦辦大差橋道等項經費動需巨款向不在內又值災歉頻仍每年蠲緩糧租不下三四十萬兩進款愈少出款愈多遂致維拮一空歷年減成減平銀兩均經隨時挪墊支發並無絲毫存庫實較雲貴甘肅支細情形尤甚今部中既不能如前協濟而外撥之款又難減裁若再將減成減平銀兩悉索無餘必更動形棘手餒重地庫儲斷不宜過空應請照留支百分辦理免其提解俾資周轉仍當督飭司道於應徵賦課釐稅各項認真整頓悉心經營杜暗耗之弊端勤當務之實事以裨庫款而

奏稿二十七

人

濟時艱所有部議籌餉各條謹就直省情形分別核辦緣由理合繕摺

奏伏乞

皇太后

皇上聖鑒敕部知照謹

奏

擬請酌船脚價片 光緒六年四月十三日

再在江蘇撫臣來咨本年海運上年冬漕議將應由津至通船脚價每百石銀五兩裁革等因當經轉飭遵照茲據天津等十州縣官制船戶以地方災歉之餘情形萬分苦累專賴加增船價津貼辦公餉口若議裁革即將俄斃承運官糧更多掣肘公懇免裁呈由楊村通判天津道核議轉詳前來臣查官制船戶專為漕糧而設每年所得工食及運漕水脚為數無多除去添置繩纜器具舖倉席片稅捐通壩卸米脚力等項斷不敷該船戶水手等一年食用且通壩交米賁追極嚴一有短數例應責令賠補遂致窮極舞弊攪和偷竊日甚一日各船戶多係無賴貧民形同乞丐雖監追拷打血肉橫飛於事並無實濟往往棄船而逃轉致無人供役必須酌增船價方足以示體恤而資整頓是以臣於同治十

奏稿二十七

九

年開會同驗米大臣倉場侍郎商允江浙兩省自十一年起無論正供籌備每裝米百石由江浙加給船脚價銀五兩當經奏奉諭旨允准在案歷年循辦籌給各船戶具有天良到壩後偷短頓少成效灼然今遽議裁革無以贍其身家即難役其心力必致偷盜虧短舊弊復萌殊於漕運大局有礙蘇省議裁此款固為節餉起見但運務關係匪輕既已奉行八年忽欲一旦裁汰船戶人眾幾有潰散之勢臣駐津年久體察情形深為危慮自應仍照奏定原案加增以昭平允除咨江浙督撫並行蘇浙各糧道查照外理合附片具陳伏乞

聖鑒敕部知照謹

奏

貨釐收支數目摺

光緒六年四月十三日

奏為查明同治十年至光緒四年天津貨釐收支各數恭摺奏報仰祈

聖鑒事竊查天津抽收百貨釐金始自同治元年初名義館釐捐由前任三口通商大臣派委天津府督同紳士管理所收之款作為津郡釐團練勇之用計自同治元年二月至十年正月收支銀兩歷經前任三口通商大臣會同督臣奏報在案到任後因查歷年收數短絀必類月定章程認真整頓飭令裁撤紳董釐團革去義館名目遴委委員接辦所收款項按月彙報解海防支應局專款存儲備撥當於同治十年十月奏定大沽海口營制章程案內陳明整頓緣由議俟收有成數先儘大沽北塘海口礮臺營壘各項費用歸支應局附案報銷其礮臺等工仿照洋式辦理並無例案可循應免造冊冊等因在案查從前義館收數每年奉算不過銀二萬兩改章以後每年可收銀六萬餘兩於餉需不無裨助所有歷年收款均經彙報解支應局存惟地方連遭災歉需賑浩繁不得不量為勻濟又因海防練軍正餉不敷開亦酌提應急業將撥過賑款軍餉月案奏銷其餘即儘各海口防營礮臺等項核實動支至局用員役薪工房租等項統計不及一成尙為撙節前在部咨令將遠年釐金收支數目先行開單報部其現在收支數目按半年一次造銷所有光緒四年以前收支各數應即先行奏咨飭據海防支應局司道分年分款查明彙開清冊詳送前來臣查天津釐捐據報自同治十年二月起至光緒四年年底止共收銀五十一萬八千九百兩共支銀五十三萬八千六百三十九兩零撥核各數均屬相符其不敷銀一萬九千七百三十九

兩零舊行設法湊墊俟下屆續收提補至光緒五年以後收款正當籌辦海防喫緊應仍照奏案先儘礮臺等項要用即按半年開報咨部查考除將送到清冊彙咨戶部外所有查明同治十年至光緒四年天津貨釐收支各數理合恭摺具

奏伏乞

皇太后

皇上聖鑒飭部知照再大名府釐金係解歸保定練軍正餉開支甯河縣釐金係解歸天津練軍正餉開支該兩處商貨無幾收數極微與津郡情形迥別已隨時列入各練軍正餉報部核銷合併聲明謹

奏稿二十七

十一

鮑超到津片 光緒六年四月十三日

再前浙江提督鮑超奉

旨來京陛見昨已附搭輪船到津臣晤談之頃據稱在籍起程時傳聞邊疆告警一時義憤所迫誠恐措置不及奏請調募舊部及早整備旋奉

寄諭飭令停止立即欽遵飛飭川楚舊部各將安靜回籍並未開募勇丁亦未稍張聲勢仰蒙

聖恩不加咎責轉悔前議之冒昧曷勝愧悚於寸衷臣與該提督前在軍營共事多年深知其血性忠勇不避艱險戰功實冠諸將之上此次涉江航海遠道而來晝夜焦思觸冒風熱肝疾內動傷復發加以眩暈咳嗽諸症形神頗覺狼狽臣勸其暫駐津郡延醫服藥調理俟體氣稍復即催該提督赴京泥首

闕廷祇候 訓諭遵行理合附片具陳仰懇 聖鑒謹 奏

奏稿二十七

三

薛煥請卹片 光緒六年四月十三日

再前工部右侍郎薛煥係四川興文縣人光緒六年二月初三日在籍病故據其家屬稟報前來臣查薛煥前在江蘇巡撫任內適值粵逆披猖咸豐十年金陵大營潰散蘇松郡縣皆淪於賊僅存

上海一隅岌岌可危薛煥以撫臣駐滬兼署兩江總督並辦通商事務維時潰勇紛紛來投薛煥概不納設卡收繳軍器以絕後患調兵募勇布置防務忠逆李秀成率賊數十萬圍攻上海薛煥

晝夜登陴連發巨礮殲斃多賊忠逆受傷背遁遂派兵尾追克復松江府城分守寶山縣以固江海門戶厥後松滬寶山三城鼎峙卒能撐持危局維繫中外之人心同治元年臣率師入滬接署撫

篆彼時釐金洋稅兩宗收數暢旺臣得以添募淮軍購求利器雖勢同孤注而羣寇漸次剪除進克蘇常嘉興等郡藉非薛煥於存

亡絕續之交保此一綫餉源則臣幾無所措手薛煥既卸撫篆仍駐滬專辦通商聯絡遠人苦心經營諸臻妥協旋以侍郎在總理

各國事務衙門行走數年告病回籍光緒元年奉旨馳赴雲南查辦滇案歷著勤劬伏查薛煥為人伉爽明練前後

服官政蹟頗多至其在滬固守要地以待援師實有裨於大局臣與共患難目擊所處時地之艱危未敢沒其微勞可否籲懇

天恩飭部照侍郎例議卹之處出自逾格 慈施理合附片具陳伏乞 皇太后 皇上聖鑒訓示謹 奏

奏稿二十七

三

郭松林請卹摺 光緒六年四月二十六日

奏為提臣因病出缺謹臚陳事蹟請

旨優卹迅賜開放恭摺仰祈

聖鑒事竊頭品頂戴直隸提督一等輕車都尉法福楞阿巴圖魯

郭松林於本年四月初三日接印任事疊據咨函於初四日忽患

痰喘之症尙能力疾辦公無如前在各路軍營積勞受傷舊症復

發醫藥罔效旋據代行提標中軍參將李際昌稟報郭松林於二

十一日病勢增劇因將提督銀印總統木質關防各一顆暨銀庫

鑰匙等件札交看守遠於是日戌刻出缺等情前來伏查郭松林

籍隸湖南湘潭初以親兵隨現任山西撫臣曾國荃攻克江西安

福縣首先登城遂以驍勇著名既而曾國荃克復吉安安慶兩府

城及進攻金陵雨花臺郭松林皆身行開疊著勞績同治元年

以游擊投軍上海大營臣察其英果邁倫饒有膽略始令募帶松

字兩營交督弟鶴章在前敵調遣遂漸添至入營北新涇四江口

之役粵賊兩次大舉犯滬郭松林與水陸諸軍苦戰卻賊大振軍

聲厥後淮軍克太倉拔崑山援常熟慶戰江陰無錫之開進攻常

州殲除羣醜郭松林常領一隊奮為軍鋒復會諸軍分擄宜興溧

陽長興湖州等城皆克之旋偕提督楊鼎勳一軍航海援閩克復

漳州府及龍巖州城蒙

聖恩擢授福建陸路提督道臣率師止剿捻逆郭松林復統武毅

奇字二十餘營與楊鼎勳各軍連蹙賊於山東膠維一帶戰無不

捷東捻賴以肅清未幾而西捻張總愚一股直犯河朔蔓延山東

郭松林與諸軍分合不常縱橫馳騁大小數十戰斬馘萬計扼守

運防盡銳截剿俾捻眾不得喘息全股蕩平當以郭松林與劉銘

傳之功為最多同治九年臣督師入陝郭松林仍以統將隨行旋

居湖北提督任內多年頗能整頓營伍綜計郭松林在臣部下前

後將近十載勤辦粵捻諸寇無役不從忠勇廉明善馭士卒戰功

卓著實為不可多得之將才本年奉

旨調補直隸提督臣以其年力尙壯思欲倚以集事郭松林亦感

朝廷知遇且念時事多艱講求邊防海防勉圖建樹迨馳抵古北

口接印後尙力疾視事冀稍痊愈即帶印馳赴北塘山海關一帶

布置防務乃莅任未久齋志長嘔實堪憫惻合無仰懇

特恩賜諡並

敕下國史館立傳其湖南原籍及江蘇福建山東立功省分建立

專祠靈柩回籍時由地方官妥為照料以獎忠績而昭激勸再郭

松林有子郭人濟郭人鴻郭人彥等年尙幼穉皆在原籍合併聲

明所遺直隸提督員缺緊要應請

旨迅賜開放以重職守所有提臣出缺謹臚陳事蹟請

旨優卹緣由恭摺由驛馳陳伏乞

皇太后

皇上聖鑒訓示謹

奏

李長樂請調直隸片 光緒六年四月二十六日

再前奉光緒六年正月二十一日

上諭李鴻章所部淮軍久經戰陣亦宜有威望素著之宿將統帶
 湖南提督李長樂如其才向可用著奏調赴津以資倚任等因欽
 此臣以李長樂向為郭松林部下分統之將郭松林所部遣撤大
 半僅留數營無力添募李長樂現任專閩若調津而有將無兵轉
 置閒散應請暫從緩議覆奏在案維時郭松林尚無疾病正思奮
 發有為臣方慮直隸紉於餉力未能添置多營歸郭松林統帶不
 足以盡其長因奏調郭松林部武毅步隊三營馬隊一營山鄂
 來直擬於北塘進東各海口擇要扼紮歸郭松林調遣布置今郭
 松林遠爾溢逝實非意料所及且下武毅軍馬步四營已由襄陽
 拔隊北上深恐抵直以後無人統率查李長樂勤明勇幹才略優
 長隨臣轉戰多年歷著勳績前在湖北提督任內武毅軍久歸接
 統兵將相習頗收駕輕就熟之效擬請
 敕下湖南提督李長樂輕騎減從剋日兼程北上如於半途與武
 毅四營相值即可統以前進備蒙
 恩旨即將李長樂調補直隸提督人地相宜呼應尤靈臣亦藉資
 指臂之助臣為選擇統將布置要防起見理合附片密陳伏乞
 聖鑒訓示謹
 奏

張家口糧餉請部餉摺 光緒六年五月初八日

奏為張家口糧餉采辦各路軍糧懇

恩照案續撥部餉恭摺仰祈
 聖鑒事竊查前因烏里雅蘇臺等處調兵防剿遵
 旨張家口設立糧臺采辦各路軍糧奏明請撥部餉以為米價
 繩袋員役薪工之需自同治九年十二月起已十二次奉撥部餉
 飭委口北道分起采辦截至光緒五年年底實存正款餘平共銀
 四千一百餘兩均經造報在案茲據口北道玉珩稟稱烏里雅蘇
 臺各營光緒五年夏秋冬六年春夏季軍糧二千零四十五石因上
 年車價太貴未經起運已於奏銷案內聲明俟本年五月午車開
 行趕緊運發其六年秋冬並豫運七年春夏季糧亦應一同起運
 以濟兵食所需米價繩袋車價等項僅存銀四千一百餘兩不敷
 甚鉅無款可支又駐紮庫倫之宣化練軍應需六年秋冬並豫運
 七年春夏季口糧需用車價亦鉅查六年分僅存銀五千三百三
 十五兩不敷開支其豫運來年腳價亦須預領支用方免貽誤策
 請奏撥前來臣查該道所稟關係西北邊防軍需勢難延緩相應
 仰懇
 天恩敕下戶部照案續撥辦運烏城軍糧銀三萬兩又辦運庫倫
 光緒七年分庫平銀一萬四千六百兩以期無誤軍食理合恭摺
 具陳伏乞
 皇太后
 皇上聖鑒訓示謹
 奏

京引展限復額摺 光緒六年五月初八日

奏為京商銷滯累深原停引目尚難復額請再推展五年藉保課本恭摺仰祈

聖鑒事竊查長蘆京綱額引七萬二百餘道實則每年銷鹽不及三萬包商人須按原額完課遂致包賠過甚力盡筋疲曾國藩及臣先後奏請暫停二萬道部議均以五年為限扣至光緒五年年底限滿疊飭運司督商設法疏銷設立公櫃齊價整頓乃光緒元年領銷引三萬四千四百六十六道二年領銷引二萬七千九百道三年領銷引二萬七千八百六十道四年領銷引二萬八千八百八十道五年領銷引二萬七千二百五十道均不及減贖五萬二百餘道之數益引張本多銷路有限勢難全領也其帶銷之引仍須各商包賠課帑且京城錢賤銀貴天津錢貴銀賤其中又多

奏稿二十七

虧折近年災歉頻仍鹽價運腳較前加重商累實深若再將停引二萬道責令復額則必多賠二萬道之課力更難支殊於釐綱大局有礙據運司如山具詳請展前來臣覆查無異相應仰懇天恩准將京商原停引二萬道照案推展五年俟限滿察看銷數如能暢旺再行議加仍飭司督商設法疏銷以期起色所有原停京引請展年限緣由理合繕摺具陳伏乞

皇太后

皇上聖鑒訓示謹

奏

開通南運減河摺 光緒六年五月十三日

奏為擇地接開南運減河分洩盛漲剋期挑築工竣恭摺仰祈聖鑒事竊直隸南運河上承山東河南山西汶衛漳諸大川之水其流甚巨汛漲每虞漫溢是以從前於東境四女寺哨馬營直境捷地興濟等處共開減河四道以資分洩道咸年間減河皆就淤廢迄未重開於是全河之水悉注天津三岔口一隅上游數百里隄防既甚危險下口更不能容洩蓋三岔口係永定大清漳滹南運北運五大河總匯之路僅恃一綫海河曲折趨赴大沽入海實有壅擠不下之勢雖前於三岔口以北陳家溝添挖減河別通北塘入海但與南運河無涉若欲挑濬捷地興濟舊有減河其下游久已淤成平陸工大費鉅無此財力只可另行擇地酌辦上年秋冬臣飭統領盛軍天津鎮總兵周盛傳天津道吳毓蘭候補道史克寬往復相度查得津城東南相近海口地面業經盛軍自開直河一道以為軍民營田灌溉之用上自興農鎮下至西大沽出海計長九十里並有橫河六道各長數里旁流分洩而入海河尾閘又有無數溝渠左右縈帶大因勢利導爰議自上游靜海之斬官屯南運河東岸起至興農鎮六十餘里開成一河即可直接該軍營田之河分洩南運盛漲入海免致全注天津三岔口壅遏為患察勘地勢既順下口亦暢其開大半城地並無虛墓且下游已有九十里現成之河可期事半功倍遂酌定開挖口寬十丈至十二丈底寬四丈五尺至七八丈深八尺至一丈二三尺挖出之土於兩岸十丈外各堆成隄內共有三十餘丈容水之地其斬官屯河頭建石質雙料五孔大橋一座以資啟閉沿河分建石鐵柱板橋四道以便行人惟庫款極絀勢難全雇民夫辦理不得

奏稿二十七

克寬往復相度查得津城東南相近海口地面業經盛軍自開直河一道以為軍民營田灌溉之用上自興農鎮下至西大沽出海計長九十里並有橫河六道各長數里旁流分洩而入海河尾閘又有無數溝渠左右縈帶大因勢利導爰議自上游靜海之斬官屯南運河東岸起至興農鎮六十餘里開成一河即可直接該軍營田之河分洩南運盛漲入海免致全注天津三岔口壅遏為患察勘地勢既順下口亦暢其開大半城地並無虛墓且下游已有九十里現成之河可期事半功倍遂酌定開挖口寬十丈至十二丈底寬四丈五尺至七八丈深八尺至一丈二三尺挖出之土於兩岸十丈外各堆成隄內共有三十餘丈容水之地其斬官屯河頭建石質雙料五孔大橋一座以資啟閉沿河分建石鐵柱板橋四道以便行人惟庫款極絀勢難全雇民夫辦理不得

不借資兵力當飭抽調盛軍步隊十一營銘軍步隊十營古北口保定大名正定河開等處練軍步隊十三營共合三十四營即以挑河堆隄事宜於今年二月初齊抵工次分認段落興辦每營酌給鐵筐器具等銀一千兩先期派員劃清界址丈量隄河所佔民地分等核發價值除糧租一面購料集夫建造閘座橋道以工代賑正值春冰甫泮積水盈途且地近海灘掘下二三尺又復出水工程甚形棘手在事員弁不辭艱辛親率兵夫設法挑溝屏水節節搶辦手既足悉力經營即於四月二十日全河挑挖完竣兩岸堆築成隄並於隄外另挑溝道以瀉附近瀝水而免漫淹民田臣於四月二十七日親往周歷查驗丈尺均過原估河身道暢橋閘堅固上洩南運盛漲之水下注盛軍營田之河於水利農田實有裨益而津城迤西至東阡陌縱橫河渠復繞堪限戎馬之

奏伏乞

皇太后

皇上聖鑒謹

奏

奏稿二十七

二十

馬廠報製章程摺 光緒六年五月十三日
奏為查明惠監報製馬廠地畝酌議現辦章程恭摺仰祈
聖鑒事竊查戶部奏稱止白旗蒙古一等義烈公惠監獨石口外馬廠地畝既經呈明報效應由地方官妥為經理該公不得與聞乃事閱多年迄未勘丈清楚於賦課無補絲毫由於該公先有招商之請嗣後旋招旋革屢次紛更其疊請換商難保非故意攪擾延宕升科為私收租銀地步現已彼此互控釀成事端奏交刑部審辦所有此項地畝應請
旨飭下直隸總督會同察哈爾都統趕緊派員飭屬親臨地所勘明成熟若干頃勒限議則升科察度地畝肥瘠核實徵收數目並設立戶總責成地戶一面將押荒銀兩赴部交納一面將應徵租息由官經理解部其該公應得每畝私租銀四釐應令地戶一併交官由該公自行遣人向官收取不得由族中人私向地戶徵收致滋紛擾嗣後如遇因災蠲緩之年官私各租應行豁緩該處地局業經封閉應將商人名目革除如有該公前派商人及該公親戚在彼把持藉端滋事阻撓正課即飭地方官嚴行查拏懲辦該地方官亦不得任聽行役地藉在彼把持匿租違則參辦等因光緒五年十一月初六日奉
旨依議欽此經戶部知照到部當即咨行遵照一面札飭藩司遵委候補直隸州知州鄒振岳前往會同詳細勘辦該員鄒振岳稟稱奉前著察哈爾都統景豐面諭此地邊界早經指明晰無礙游牧不必再委旗員逐經會同獨石口同知希拉不查該廠地畝先已畫分七牌牌各有長因傳集牌長諭令造具地畝草冊訂期移住地所出示曉諭凡持有商人私照交過地價者均歸

奏稿二十七

二十

已墾逐戶揆段丈畝清楚其計已墾地六百二十八頃九十畝督飭經書造具清冊照章設立戶總一名旋經現任察哈爾都統祥亨檄委正白旗理事旗員瑞全到地三面將舊指邊界重加辨證已墾地畝均未越界惟查此項地畝若起手即歸官辦祇須遵照部章次第經理本白井有條茲承前辦積弊之後情偽百出枝節橫生非稍予變通不免滯礙難行之處非詳為布置實有散亂無紀之虞非追問革商不足以清逋欠非體恤地戶不足以廣招徠該員躬親目覩虛已采訪兩月之久始得窮源竟委力洗商人蠹國害民積弊擬具章程十一條稟由藩司轉詳前來查所擬章程甚為詳盡切當臣逐條確核酌定即飭次第辦理謹繕清單呈御覽伏乞

奏稿二十七

五

皇太后
皇上聖鑒訓示敕部立案現在口外張獨多三廳各旗官荒馬廠已欽奉
諭旨調派前口北道李斌馳往督同印委查辦並體察就地籌餉練勇事宜擬令仿照現議各節酌定進行章程續行奏辦其各地押荒租項究有若干應俟查明留充防餉分撥濟用合併陳明謹奏

謹將查明獨石口外應鑑馬廠地畝酌議現辦章程十一條繕單恭呈

御覽
一酌定完租科則也查戶部奏定章程開墾王公報效馬廠地畝每畝完官租銀一分四釐遇闢每兩加增銀三分正銀每兩加耗銀五分月加該王公每畝私租銀四釐又督親王交官廠地每畝議官租銀一分八釐今義烈公應鑑廠地磚薄沙多土少土深者不過尺許淺者僅五六寸下則沙石開雜枯燥緣浮加以天氣嚴寒只宜收麥胡麻菜子數種四月下種七月收穫若見霜較早則籽粒枯烈若狂風怒作則苗穗摧殘中稔之年不過十逢四五應令每畝完納官租銀一分四釐以示平允遇闢每兩加增銀三分正銀每兩加耗銀五分即令該應徵收報候撥解另加該公每畝私租銀四釐遵照部章一併交官由該公自行遣人向官收取不得私向地戶徵收致滋紛擾如遇災年核實勘定分數將官私各租一律酌緩
一已墾之地應令革商與地戶分交押荒銀兩也查該革商從前放地藉口工本每畝向地戶索價二錢或二錢三分其費半犁籽種皆地戶自行備辦該革商所得之價無非任意浪費此時若令地戶重交則一地二價若全數向該革商勸賠恐亦難措應照下則每畝押荒銀二錢之數責令地戶賠交一錢請領部照其餘一錢押令革商交出該革商如敢佈詞推諉立即查抄監追以免地戶偏枯
一未墾之地應照下則完交押荒銀兩也查戶部奏定章程上則每畝交押荒銀三錢中則二錢五分下則二錢此地本屬磚薄已

經製熟者每畝價不過制錢二百五十文是下則押荒之數已
 浮於成熟地價之數上則中則更不待言是以部章一置地戶皆
 不願承領統計廠地未種者尙多與其多取而有阻招徠不若
 取而迅行開墾或以商人放地每畝索價且過二錢易為完交正
 項反若其重不知商人放地隱匿多端每號雖稱五頃實核營至
 加倍若歸官勘丈不過尖角畸零少留餘地斷不至贏長太多則
 押荒銀兩亦應核實應令照下則每畝二錢之數完交以期允協
 一地戶呈請免交押荒應立案不行也查領種官地呈交押荒不
 屬定例且為數無幾乃從前誤於招商弊端甚多如張家口廳所
 屬之西和城臺子溝白廟子灘等處皆未遵辦無非句串蒙混飾
 詞免交實則地戶交商之款計已不菲上無補於
 國計下無益於民生偷漏侵欺徒資中飽嗣後應永遠革去商人

奏稿二十七

五

名目痛除宿弊一律令其完交押荒銀兩其止有商照而未領部
 照者酌量押荒科則照民商分賠之數通行補交庶事歸核實亦
 於庫儲有裨
 一交納押荒請領執照宜稍變通也查戶部奏定章程認墾之戶
 押荒銀兩在部交納由部發給收銀執照在該地戶照數認墾惟
 地戶零星押荒多則數兩少則數錢斷難實令在部交納領照致
 使往返苦累若令戶總彙交彙領難保不侵蝕逃匿應由戶部多
 備空白印照迅速編號發直現在口外旗荒已派前口北道奎斌
 前往查辦即由臣轉發該道收存曉諭各地戶就近交銀領照嚴
 禁吏役不准絲毫需索照內填注已未墾熟字樣及花戶姓名銀
 地數目仍截留照根彙解部查核如此方可便民領地當較踴
 躍至地戶領照以後指分段應責成戶總仍由地方官隨時抽

查以防蒙蔽
 一現種熟地應暫行分收花利也查該華商從前放地除按畝索
 價給與私照外另有四路民人當耕作時雲集該廠隨便墾種秋
 收時所得花利種者八成商人二成計畝分收該民即搬運回家
 明歲復來墾種其在地居住者不過十之一二地戶無些須之費
 而果腹遠颺商人無幾微之勞而抽頭坐享殊屬不成事體現值
 耕作之時民人來者已多若驟行禁止則勢有不能若遽令升科
 則力有不逮已飭印委各員責成戶總及各牌長分段稽查限五
 月初一日造具清冊一俟秋成先由委員詳細覆查按畝分收二
 成就近變價易銀報候撥解並查戶部查核其以前商人私抽者
 應計畝按年責令該華商賠償所有分收地畝應自光緒七年為
 始一律升科每畝交押荒銀二錢給予執照如地戶把持不肯分

奏稿二十七

五

收立即拘拿懲辦
 一已墾之地應酌定升科完租年限也查戶部奏定章程開墾馬
 廠地畝均令三年後升科今此項廠地各地戶所領商人私照年
 限不一有自光緒元年者有二三三年者有領地雖在元二三年因
 商人充軍廢地照更換不定遲至四五兩年始行開墾者若按
 其給照早晚以定升科先後其中參差錯迕易滋弊端應令自光
 緒六年為始照依丈清數目一律升科完租其未經領有私照者
 統歸試墾照章三年後升科庶條理分明地戶易於遵循
 一地歸官辦宜將商人通行裁革也查口外自商人辦地以來侵
 蝕押荒私抽租稅已屬有妨庫款且往往指地詐財所坑陷者無
 慮數十百戶新舊各商又互相爭鬪殺放火延燒種種不法
 法實堪髮指今雖明白曉示以地歸官辦商人不准與聞而地戶

總不免觀望懷疑藉口於某地某商仍未斥革此地商人亦恐旋
踵復充轉致挾嫌陷害受累不休此固愚民過慮但或留或革事
出兩歧亦非政體所宜且商人在地一日押荒必不能交部照必
不能領升科必不能辦應請將直督口外各屬旗荒馬廠地畝凡
有商人者一律革退統交官辦如敢隱身阻撓從嚴治罪斯款項
有著積弊全清矣

一妙香寺附近宜酌留餘地也查惠鑑馬廠東北隅有妙香寺舊
住喇嘛該公府原派牧丁開亦在此牧放應於寺之南面留五里
西面留三里東面留五里北面地勢寬展水草豐美酌留二十餘
里至公吉諾一帶以作喇嘛及牧丁養贖牧放之地仍丈清界址
包掘壕塹不准越界游牧又偏北之達木諾地方舊有鹽廠青鹽
進口多屯於此房地租稅向由公府收取應於廠之四面酌留餘

奏稿二十七

地以外仍招佃開墾其所留之房地租該公府照舊收取庶界地
分明旗民爭端可息

一馬廠界限宜責成各王公與察哈爾旗員自行辨證也查口外
各馬廠多與察哈爾各旗地界毗連從前商人試墾指界最為膠
糊蒙古山名地名重複隱與繙譯難明晰往往東西移位遠近
易方塚塹既挖旋又填毀其於相近邊界開墾者今猶爭論不休
加以會勘時人眾費煩動輒需銀一二千兩該商即以詐詐之錢
財開銷支應今地歸官辦事核實何從來此巨款以支冗費嗣
後凡有馬廠各王公情願報墾者應責成該府持當年
實地圖據與察哈爾旗員親赴地所詳細辨證將界址指分清楚
然後交地方官辦理如此則帶礙較少事易就理至張獨多三廳
以外幅員遼闊凡可報墾之地不過附近邊牆與游牧不相妨

礙其開荒而徒長蒿萊何若廣闢而盡成龍畝擬請飭令地方
官查明附近馬廠凡可開墾者先行報明奏請
救下各王公如願報效即呈請開墾仍照部定章程專歸地方官
經理無須該府與聞如此辦理不惟有裨庫儲且各王公私租所
入較平日水草之料計亦倍徙升科後糧地鱗次銜接漸成村落
於邊塞防務亦不無稍裨

一委員辦理荒地宜酌給薪費也查口外各處馬廠多者萬餘頃
少者千餘頃幅員之廣比於州縣如皆辦理得人於
國計民生均非小補但聰強而近刻者知重賦課而或不使於民
仁厚而近迂者知恤農氓而或無益於
國加以地勢嚴寒棲處卑陋飯食粗糲勤勞非明幹耐勞之
員不能勝任其緊要關鍵尤在潔己奉公絲毫不擾及地戶方足

奏稿二十七

以感動愚蒙懾服刁健楊腹從公賢者所難應量事體之大小道
路之遠近時日之久斷酌給薪水嚴其責成並將隨帶書役應需
飯食紙張及解費等項統於所收押荒銀內核實作正開銷事竣
停止其委員認真出力並於事竣酌請獎敘以昭激勸

請豁霸州官地租銀片 光緒六年五月十三日

再霸州革退園頭孫三馬名下人官地畝前據該州勘議每畝徵銀一錢三分五釐咨准部覆自光緒五年起照議徵入於旗租奏銷存退項下造報並令將陳欠租銀奏請豁免等因當經轉行遵照茲據霸州知州宋文詳稱孫三馬名下原有地四頃七十九畝六釐三毫除短少地三十畝三分五釐八毫另行確查外實計原報及續行查出其地四頃四十八畝七分五毫每年每畝徵銀一錢三分五釐共應徵正銀六兩五錢七分五釐又加一耗銀六兩五分八釐查自道光二十六年入官起至光緒四年止均因地未查明租未議定無從開徵現已事隔多年且地方災歉頻仍民情困苦自應遵照部議聲請豁免造具冊結由司轉詳前來臣覆核無異相應仰懇

奏

天

天恩俯准將霸州革退園頭孫三馬名下人官地畝自道光二十六年起至光緒四年止民欠正耗租銀豁免以示體恤除冊結送部外理合附片具陳伏乞

聖鑒訓示謹

奏留劉士奇片 光緒六年五月十三日

再頭品頂戴記名遇缺題奏提督前署貴州提督古州鎮總兵劉士奇自咸豐年間帶勇在江南軍營勦賊懋著戰功嗣督師至滬調派該員隨同提督程學啟前敵攻勦疊克蘇常嘉湖郡縣各城先後統領八營所向克捷屢蒙天恩賞穿黃馬褂給雲騎尉世職簡放總兵實缺旋調赴東豫協勦捻逆事竣飭赴貴州本任帶兵勦辦苗匪一律肅清光緒三年八月丁母憂開缺回湖南鳳凰廳原籍現屆服闋請咨赴京路過天津臣稔知其久當大敵訓練嚴明忠勇可靠正值籌辦海防之際擬請旨准其留營差遣以資臂助遇有各省提督總兵缺出仍照例由軍機處請

奏

天

旨簡放俾勵戎行除將該提督齎呈湖南撫臣咨冊咨部查照外理合附片具陳伏乞

聖鑒訓示謹

文報局請獎片 光緒六年五月十三日

再臣接准出使英法德俄各國大臣曾紀澤谷開隨帶出洋人員已屆三年期滿照章奏請獎敘其文報局員黃惠和等經理周密均屬勤奮本擬一併彙辦惟該員等接遞出使東西洋各國大臣及南洋大臣文報應如何議獎應由南北洋大臣核奏等因飭據江海關道劉瑞芬津海關道鄭藻如詳稱前奉吏部奏定出洋隨員保獎章程照異常勞績准保免補選以應升之階選用補用查同知黃惠和先經出使英國大臣奏派接遞文報嗣在上海設立總局添委王松森幫辦又派知府恒桂孫通判朱璋達於天津設立文報處凡出使英法德俄日秘日本等七國大臣奏摺諭旨並與總理衙門南北洋大臣各省文武衙門來往公文函信均由該員等接遞發事關中外機密頭緒繁多經理數年毫無貽誤其至要者則用電報轉遞或搭坐輪船往返齎送較之出洋隨員僅辦一國一事者更形勞瘁洵屬異常出力自應與出洋人員一律給獎以期公允所有上海委員分發江蘇試用同知黃惠和擬請免補本班以知府仍留原省儘先補用五品銜應升之缺升用分發廣東候補知縣王松森擬請俟補缺後以同知補用天津委員三品銜道員用候補知府輝桂孫擬請俟補缺後歸道員後加二品銜同知銜北河候補通判朱璋達擬請俟補缺後以同知直隸州知州遇缺補用上海局書候選從九品李鴻翊擬請免選本班以按察司照磨儘先選用朱璋達雖係河工人員惟派差在部定新章以前且辦理洋務文報與地方差事不同合併聲明等情前來臣覆核並無冒濫理合會同南洋大臣江蘇撫臣吳元炳附片具陳伏乞

聖鑒訓示謹奏

奏稿三十七

至

定造鐵甲船摺 光緒六年六月初三日

奏為前議定購英國鐵甲船二隻現據電報英不肯售擬令訪求新式剋期在洋廠訂造以備戰守恭摺仰祈

聖鑒事竊本年二月間接據出使大臣李鳳苞函稱英國海部允轉售土耳其八角臺鐵甲船兩隻諒屬當趁中國未開鄰衅之前

成議等語臣當即電覆該大臣迅與定議一面奏請 敕下福建將軍督撫臣先行湊解柏爾來一船價銀欽奉

寄諭飭遵在案嗣在穆爾善何璟等奏規平銀六十萬兩解交江海關道彙同部撥三十萬出使經費提墊二十萬存備撥兌方

冀該船早日成交來華應用詎接李鳳苞四月十九日電報英新部臣不肯售鐵甲應否擇善訂造又李鳳苞四月初五日函稱英海部易人舊執政所允二鐵甲均作罷論當此中俄交涉喫緊之

時新聞紙議論紛紛國家礙於公法不能再踐前言應否赴英廠另行訂造之處望酌核示遵各等語臣查中國購辦鐵甲船之

議已閱數年祇以經費支絀迄未就緒近來日本有鐵甲三艘遠放貌視中土至有臺灣之役琉球之廢俄國因伊犁改約一事疊

據探報添派兵船多隻來華內有大鐵甲二船噸數甚重被甲甚厚無非挾彼之所有以陵我之所無意殊巨測鐵甲若非利器英

人何至忽允忽翻格弗肯售今欲整備海防自強非有鐵甲船數隻認真練習不足以控制重洋建威銷萌斷無惜費中止之

理臣早慮英或見好俄人不肯轉售已於四月十七日緘屬李鳳苞如所議無成即查照新式在英廠訂造鐵甲二隻應以何廠何

式為宜約幾年造成價分幾次勻付請其迅速酌定電示誠以需用孔亟之器又得籌備有著之款若因循歲月坐失事機豈不可

惜現計閩省解存上海及部撥並提出使經費約一百一十餘萬總理衙門奏定南洋擬購碰快船之六十五萬合共百七十餘萬以抵訂造兩號鐵甲船價所短不過數十萬俟李鳳苞在洋議定合同起造分次籌匯期限較緩力量稍紓容隨時會商南洋大臣妥籌奏明請

旨辦理抑臣更有請者中國南北洋面將及萬里僅有鐵甲船兩隻分布不敷仍無以振國威而壯遠勢况現擬訂造之船應分閩省南洋各一隻北洋為京畿門戶處處空虛無論何國有事敵之全力必注重在北若無鐵甲坐鎮僅恃已購之碰快蚊船數隻實不足自成一隊阻扼大洋則門戶之綢繆未周即根本之動搖可慮以臣愚見北洋應再定造鐵甲船二隻所需經費亟應豫籌湊撥查有淮南非鹽商議

捐報效銀一百萬兩分岸分年按引收解在戶部為課釐外加增之款非正項可比原為籌防起見與其零星支放仍無濟於大宗軍需不若湊作整款可有裨於海防利器又本年三月間經臣奏定各省撥借輪船招商局官款擬於該局運漕水腳項下分年扣還計每年應撥還銀三十五萬餘兩在各省多屬開款其繳還之

多少有無無關係要應請酌提招商局三屆還款約一百萬零抵作訂造鐵甲之需分年撥兌於軍國大計裨益非淺目今時勢艱危極矣議者擬借官戰每怪海疆防務有名無實又不肯籌集巨款自來兵事非餉莫辦即如俄兵號稱強盛鐵甲船及後門鎗礮皆所素備然曾紀澤來信今春俄猶在英國銀行借一千五百萬

金鎊已合銀五千二百餘萬兩又向德奧各國分借巨款是其不惜糜費以與我爭勝而我餉執往日之軍器兵餉以禦強俄得失

惜糜費以與我爭勝而我餉執往日之軍器兵餉以禦強俄得失

之數可揣而知且今之餉源更窘於咸同用兵之際臣謬任北洋海防歲撥經費僅解到三四十萬而費以籌顧遼海千餘里洋防雖才力百倍於臣者亦無可為也臣明知訂造鐵船即使款項湊手亦須三四年乃可來華但不及今定辦以後更無可辦之資能辦之人而洋而毫無足恃目前俄人窺犯固無從鎮扼即日後他國憑陵亦將何以抵禦耶伏求

聖明規畫久遠力破浮議
俯允所請飭下戶部及江浙各督撫臣照撥兩淮捐項及招商局按年撥還之款俾資續造鐵甲為北洋捍門戶為

京畿固根本俟奉
旨後臣即電屬李鳳苞酌擇洋廠一併訂造嗣後應辦事宜仍由臣次第妥晰籌議具奏至碰快水雷等船皆所以輔佐鐵甲戰守

兼資需款較少應由南北洋自行籌湊隨時添購不在此數蓋有鐵甲而各船運用皆靈無鐵甲則各船僅能守口未足以言海戰也所有英國鐵甲船罷議擬戶籌在洋訂造各緣由謹繕摺由驛五百里密陳伏乞

皇太后
皇上聖鑒訓示施行謹

奏

撥補出洋肄業經費摺 光緒六年六月初二日

奏為閩廠出洋肄業生徒各項經費尙不敷銀二萬三千兩擬請於出使經費項下暫行撥補恭摺仰祈

聖鑒事竊臣接准船政大臣黎兆棠咨稱閩廠出洋肄業生徒原奏三年為限原估約需經費銀十九萬二千六百五十兩零內閩省稅釐局勻解四分之一閩海關四成洋稅勻解四分之一船政

勻撥四分之一並聲明第一年酌帶學生出洋量繪游歷及三年內華文案並隨員學書交涉公法應支脩金等費未計在內核計三年限內閩海關稅釐局船政所勻之款業經分年匯解在案茲

准監督兼出使大臣李鳳苞開摺補領三年限內不敷經費一千鎊續留生徒約估經費一千九百餘鎊購置書籍約估四百四十鎊華洋員生徒回國路費三千六百鎊約共七千鎊約合庫平銀

二萬六千四百兩又奏准分賞西洋教習寶星金牌約工價銀七百餘兩統共約銀二萬七千一百餘兩除出洋本款僅存銀四千一百餘兩外尙不敷銀二萬三千兩既准李鳳苞咨催補解未便

久延而船政支絀異常無力設籌咨請轉商總理衙門在於積存出使經費項下照數撥補以濟急需等情前來臣查原估出洋肄業生徒經費本係約略籌核計其不敷之數自應隨時籌補茲

船政費用支絀異常黎兆棠屢次來函幾於朝不謀夕實屬無可籌措而續留在洋生徒肄習正勤及各員生回華路費奏准

頒賞英法各教習寶星金牌等款皆關緊要刻不容緩既據咨請於出使經費存項內暫行撥補為數無多且同是出洋用款情理

亦順臣因轉咨總理衙門核撥頃准函稱尙可照撥應由臣奏明辦理等因合無仰懇

天恩俯准暫行照數撥給以濟出洋生徒要需嗣後續遣生徒仍由閩省將軍督撫船政大臣會商就本款籌解免致顧彼失此除俟奉

旨後再咨行照辦外謹繕摺附驛具陳伏乞

皇太后

皇上聖鑒訓示謹

奏

奏稿三十七

奏

奏保馬建忠片

光緒六年六月初三日

再候選道馬建忠前經臣調津隨辦洋務精通法國語言文字兼習科舉之學志趣端正心地明敏頗堪造就光緒二年十一月臣於會奏選派開廠學生出洋學習摺內聲明派充出洋隨員並令於各國交涉公法律例等事認真講習仍由監督李鳳苞隨時督查功課俟學成後訂請專門洋師考驗具報本年二月接據李鳳苞咨稱該員馬建忠出洋以來肆習交涉公法律例格致政治文辭均經考試取中領有官憑學已卒業應即送回供差該員持躬謹慎為外人所敬重尤稱品學兼優或備充出使人員或備諮詢例案以與洋員辨論均堪勝任等因該員於三月間回津謁晤將在洋先後應考所得五次官憑呈驗臣遂加考詢華學既有根柢西學又有心得應試以事均能折衷劑晰不激不隨凡過津各國公使領事無不同聲引重實堪勝專對之選該員出洋三年勤學好問周歷法英德奧瑞士比利時義大利等國聞見博洽又兼充出使大臣郭嵩焘曾紀澤繙譯官歷者辛勞今學成而歸自應照案酌給優獎相應請旨將候選道馬建忠賞加二品銜並交軍機處總理衙門存記備充出使各國之用於時局當有裨助理合據實附片具陳伏乞聖鑒訓示謹

奏稿三十七

奏

巴西遣使議約摺 光緒六年六月初六日

奏為巴西國遣使來華議約已抵天津會晤請

旨遵行恭摺仰祈

聖鑒事竊臣前接出使英法大臣曾紀澤函稱巴西遣使來華立約先在英法國會商該大臣求為轉致並蓄意招工一事該大臣已切實勸阻據該使喀拉多密談云中國既不許提招工之事巴西當照錄中法通好之約赴華訂定等語旋准總理各國事務衙門咨鈔本年二月十四日具奏巴西遣使來華議約請飭南北洋大臣就近會商辦理一摺奉

旨依議欽此欽遵知照前來巴西使臣喀拉多等於五月初間行抵上海據江海關道劉瑞芬稟報接晤該使商請在滬久住如有商辦之事候稟請南洋大臣與臣處核示不必赴津該使堅欲北

奏稿二十七

上即於六月初一日抵津初三日送來照會內稱巴西願與中國實心友睦特簡該大臣來華商辦一切事宜明定條款酌立和約並請示期往謁等因臣當即函覆令於初五日已刻來晤是時該正使喀拉多副使穆達率同參贊李詩圃繙譯官微席葉等四人至署接見詞意甚為恭順經臣再三開導兩國相隔太遠欲聯邦交自可其敦和好不必遽立條約俟該國以後商船來華生意興旺然後再議約章該使堅稱奉命前來通好立約兩國和好總以條約為憑若議約不成有失該國體面且前在法國已向曾紀澤商明專為議約而來務求轉奏大皇帝俯准照辦等語察其來意懇誠似難固拒誠如總理衙門原奏該國若為修好通商立約自有成案可援至招工一節斷難應允該使既道來此欲循西國通例議立通商條約並未提及

招工揆度理勢不能不允惟在相機辨論查照各國約章酌議變

通應否請

旨特派議約全權大臣就近會商妥辦以免該使臣等赴京瀆求

所有該使遞呈照會一件照錄恭呈

御覽除將會晤該使問答節略鈔送總理衙門備查外理合專摺

由驛具陳伏乞

皇太后

皇上聖鑒訓示遵行謹

奏

奏稿二十七

完

訪醫保送摺 光緒六年六月十一日

奏為遵

旨訪醫保送候交太醫院奪隨同診視以備參酌恭摺仰祈

聖鑒事竊臣承准軍機大臣字寄光緒六年六月初七日奉

上諭現在

慈禧端佑康頤昭豫莊誠皇太后聖躬欠安已逾數月疊經太醫

院進方調理尙未大安外省講求岐黃脈理精細者諒不乏人著

詳細延訪如有真知其人醫理可靠者無論官紳士民即派員伴

送來京由內務府大臣率同太醫院堂官詳加察看奏明請旨等

因欽此伏讀之下敬念

慈禧端佑康頤昭豫莊誠皇太后垂簾聽政以來勵精圖治日昃

不遑適值時事多艱

宵旰憂勤積勞致疾

聖躬關係

宗社安危者甚重亟應設法調治速愈以慰天下臣民之望微臣

受國厚恩誼關休戚私衷焦系寢饋難安斷不敢以無人可派稍涉

推諉竊維醫之為道脈理至奧而門戶亦最多嘗見有同醫一證

選藥則寒溫之不同同用一藥分量則輕重之不同巧偽之輩更

或挾其平平寡效之方委蛇從事日延一日以至輕病轉重其最

下者則又泥守成方強病就藥莫以幸中於萬一即使藥不對證

以為成書具在援引舊按總可免人指摘病情朝夕變更彼成方

烏可恃乎臣愚以為診病之要全在醫者心靈手敏因時制宜法

在猛攻非但枳朴可投即硝黃亦非所忌法當峻補非但參茸可

餌即金石或且頻施至若肝木為病之自有起伏尤非庸工所能

測識當其病之起則藥與證對而未必驟平然暗中之受益良多

也及其病之伏縱藥與證乖而未必猝發然日後之為患更劇也

此又非素具學識之良醫不能堅持定見徐收成效苟稍不持重

而為病情所搖惑醫者必且茫無主張貽誤實非淺鮮臣遂加諮

訪查有二品頂戴按察使銜前任山東濟東泰武臨道薛福辰由

舉人出身研精醫理有年洞五運六氣之源曉三部九候之法觀

書既富臨證亦多臣妻素患虛羸屢延診治極有效驗委係真知

可靠之人前聞該道服闋到京候

簡尙未得缺經臣札調來津襄辦洋務茲欽奉求醫

明詔當即詢以

聖躬欠安是否堪勝診治該員惶恐萬狀一則以治病全在察色

審脈

天威咫尺不免震驚一則其治法與時手迴殊恐難合輒堅辭再

四臣伏思醫學各有專家不取其同而轉取其異設使該員處方

論藥一一與太醫院合則是調理各法太醫院已診治數月尙未

大安正無庸濫竽充數益以該員之附和惟其治法迥異似堪仿

令馳詣

闕廷恭候

命下隨同太醫院官詳加察看方得隨同參酌是療病本太醫之

旨既令太醫院官詳加察看方得隨同參酌是療病本太醫之

專司凡一方一藥該員固不妨據理直陳在太醫尤須悉心考訂

遇有應需膏丹丸散統應候院官核准進奉庶於慎之又慎中寓

集思廣益之道矣謹

命允即催令該道薛福辰即日起程進京口赴軍機處報到毋庸月行派員伴送以期迅速所有遵旨訪醫保送以備參酌緣由謹繕摺由驛五百里馳陳伏乞皇太后皇上聖鑒訓示遵行再該員薛福辰到京經太醫察看後或以議論不合礙難參酌應請旨飭仍回津差委以資臂助合併聲明謹奏

奏稿三十七

三

籌辦畿防摺 光緒六年六月十一日

奏為新任提臣現已抵直即赴東路沿海察勘布置請調回駐奉直軍以重畿防恭摺仰祈

聖鑒事竊臣前以北塘迤東至山海關沿海袤延五百餘里處處空虛商令前任提臣郭松林親往察勘其開口岸歧出如煙頭沽浦河口金沙嘴秦王島老龍頭等處水勢較深輪船可泊以登岸巡達京城必須分駐營壘添築礮臺請將奉天原調古北口練軍步隊一營馬隊三哨天津練軍鎗隊兩營全數撤回並調郭松林舊部留紮襄陽之武毅步隊三營馬隊一營來直擇要扼紮欽奉三月初三日

奏稿三十七

三

寄諭郭松林舊部著李瀚章飭令即行拔隊來直奉天原調古北口天津練軍侯宋慶一軍到奉後能否撤回著岐元體察情形奏明辦理等因欽此郭松林旋即病故直隸提督員缺奉旨著李長樂調補當經查催迅速前來接辦茲武毅馬步隊四營於六月初五日馳抵靜海暫紮李長樂交卸湖南提督後兼程前進由湖北附搭輪船於六月初八日到津臣即商令接統武毅各營先赴北塘迤東至山海關一帶詳細察勘將分駐營壘添築礮臺事宜妥籌布置再行赴任惟該處沿海袤延五百餘里僅止四營斷難分布直隸兵力甚單餉需又極支絀自奉命籌辦海防未敢添練一營臣所部淮軍前遵部議裁減一萬一千餘人只留二萬八千餘人因食江南之餉須兼顧江南之防現在吳淞口至江甯沿海沿江一帶仍係淮軍扼紮其在直隸者不過二十餘營津沽乃各國山海道入京正路北塘迤東各海口相為犄角必須重兵分守地段寬廣路可通兵力實嫌單薄此外

別無他軍可調奉天原借直軍本係暫局曾經崇實等商明俟該
省剿匪事竣即行撤回今逾數年延未遣撤查該省剿匪早已竣
事現留直軍不過彈壓內地較近畿布置海防輕重懸殊況宋慶
之九營已於前月到防可資控扼更不應藉詞久假不歸在該省
借用直軍又食直餉本甚便利若仍令帶察情形難免稽誤相應
仰懇

天恩俯念北塘連東各海口為運達京城之路防務甚關至要嚴
飭岐元除馬隊三哨已經撤回外將現駐奉天之古北口練軍步
隊一營天津練軍鎗隊兩營剋日全數撤回以便擇要扼紮而重
畿防否則嗣後即改由該省籌給月餉俾直隸騰出餉項另行照
數趕緊添練應用亦屬兩便之法理合恭摺由驛具陳伏乞
皇太后

皇上聖鑒訓示謹

奏稿二十七

奏稿二十七

天津縣請予升缺摺 光緒六年六月二十一日

奏為海疆緊要知縣缺著差繁請予升途以資鼓勵恭摺仰祈
聖鑒事竊照天津縣知縣一缺本屬繁難皆自各國通商以來
中外交涉事件日多南北往來差使日眾皆係例外供應益覺賠
累不支前已改為衝繁疲難沿河海疆最要之缺撫綏彈壓責任
綦嚴非精明幹練之員不足以資治理非量予超擢之路不足以
勵人才查奏定章程遵化易州兩直隸州缺出先以大興宛平兩
縣升補一次次以清苑縣升補一次又以大興宛平兩縣升補一
次再以順屬直隸人員升補一次以四缺為一週誠以大興清苑
差務繁劇故須優予升途用昭激勸今天津縣為通商口岸北洋
總匯之區繁難情形倍於往日甲於通省較之大興清苑差務之繁
政務之劇殆尤甚焉其輪升班次則統歸直順屬人員內酌量

奏稿二十七

揀選不特事涉偏枯亦非鼓勵人才慎重地方之意自應變通舊
例俾與大興清苑一體輪升以示體恤據藩司任道鎔署臬司葉
伯英擬請嗣後遵化易州兩直隸州缺出先以大興宛平兩縣升
補一次次以清苑縣升補一次又以大興宛平兩縣升補一次再
以天津縣升補一次至第五缺以順屬直隸人員酌量揀選一次
以五缺為一週輪應天津縣升補時仍照章不計京異人員輪應
順屬直隸人員揀選時如將應升之員請升先儘京異人員其天
津縣知縣若係京異合例應升之員並准一體酌量升補不積天
津輪升之班此僅就遵化易州缺出酌變通無礙通省升補班次亦
於海疆要缺有裨至現擬輪升班次並請速前積餘照定例辦
理等情具詳前來臣覆核所詳洵屬公允應請照辦理合恭摺具
陳伏乞

皇太后
皇上聖鑒敕部議擬施行謹
奏

奏稿二十七

吳

郭松林之妾殉節片 光緒六年六月二十一日

再據護理直隸提督陳飛熊等呈稱前任提督郭松林之妾趙氏係江蘇甘泉縣人賦性幽嫻能知禮教郭松林因勞受傷傷症復發該氏親侍湯藥歷十餘晝夜未嘗稍懈郭松林病革謂該氏曰吾若不起汝年幼無子女宜自為計該氏毅然願相從地下迫四月二十一日戌刻郭松林身故起治後事不期二十二日寅刻該氏服毒以死家人趕救勿及似此從容殉節大義凜然請旌表附祀前來查前有記名提督陳振邦之妻迎天樞於清江浦遂以身殉經漕臣奏奉諭旨在于旌表並附祀該故提督專祠欽遵在案今郭松林之妾趙氏矢志靡他青年殉節尤堪嘉憫相應請旨准其旌表並附祀該故提督郭松林專祠以彰節烈理合附片具陳伏乞聖鑒訓示謹奏

奏稿二十七

吳

具陳伏乞
聖鑒訓示謹
奏

請催海防經費摺 光緒六年六月二十五日

奏為北洋海防經費各省關報解無幾請

旨嚴催以警玩泄而維大局恭摺仰祈

聖鑒事竊維北洋屏蔽

畿輔海防關繫重大今日之政務無有切要於此者光緒元年戶

部等衙門原撥經費內稱各省關備有推延情事即山南北洋

大臣指名奏參前數年事機稍緩惟恐各該處兼顧為難雖解

不足數未肯遽予參劾本年俄事漸形決裂鐵甲兵船陸續東來

事機之緊急防務之危險百倍於前而籌餉又為籌防之本是以

於本年三月初一日專摺

奏催經費摺內詳言海防事體繁重非的餉到手不能興辦各省

關延延處分應仿照延誤京餉之例辦理又恐原撥數目各省實

有不能解足之處若予嚴議難昭折服請將各省奉撥釐金悉按

原撥八折實數解足不足即照延誤京餉例議處嗣准戶部總理

各國事務衙門會議具

奏在如所請辦理臣方謂各該督撫司道監督誰非臣子誰無天

良自此大剴切奏催後必能共體時艱力籌報解孰意自本年正

月至今已屆半年各關奉撥洋稅惟山海江海兩關尚係隨徵隨

解其粵海浙海兩關自上年十一月二十日第七十八結以後時

逾半年尚未據報起解實屬不知緩急各省奉撥釐金惟湖北省

解到四萬兩江西解到二萬兩又已報未到銀一萬兩年內能

否解足原撥八折實數尚未可知江蘇奉撥釐金前據督臣劉坤

一面述情形擬到任後再為竭力籌措惟浙江一省半年以來未

據報解分文亦無存稟隻字覆在該省必以留支協餉人不敷

出為辭試問浙江留支之用與與浙江協濟之各省視北洋海防

孰輕孰重孰緩孰急該省釐金如半年以來未收分毫則已但有

收項即應先解處遇似此漠不相關置之度外誠不知是何居

心今歲北洋已放之款如離快船價六十餘萬兩後門鎗價二十

數萬兩加以零星購定水雷機器員弁礮船薪水海口電報等項

通計已用去百萬兩庫儲告罄其已訂未放之款更鉅不知何出

焦急萬分若再將延欠協撥省分徇隱不言待至年終始行糾劾

雖將該管司道從嚴處分於已失之事機何補乘此力圖報解猶

可以速補遲相應請

旨飭下浙江巡撫嚴飭司道監督趕緊如數報解大批以救眉急

釐金必解足八成關稅必照章提前勿再因循貽誤此外湖北江

西江蘇等處應解之釐金粵海江海等關應解之洋稅並請

飭下各該督撫嚴飭趕緊報解力求足額儘再延欠即由臣

年終核參查照延誤京餉例議處為海防緊要起見謹摺摺山

驛五百里瀝陳伏乞

皇太后

皇上聖鑒訓示施行謹

淮軍軍需報銷摺

光緒六年七月十四日
奏為淮軍軍需自光緒四年正月起到十二月底止收支款目造冊報銷恭摺仰祈

聖鑒事竊照淮軍軍需前截至光緒三年十二月底止業經列為第六案報銷於光緒五年四月十六日具

奏奉

旨該部知道單併發欽此伏查光緒四年分淮軍分防直隸保定天津海口並各臺局護送糧餉軍械共計三十三營又提督劉盛休所部銘字馬步十七營係駐紮山東張秋一帶又福建陸路提督唐定奎所部銘武步隊十三營新授浙江提督吳長慶所部慶字親兵八營均係分防江蘇沿江南北兩岸礮臺運吳淞海口之武毅右軍五營徐宿馬隊五營共計三十一營統歸淮軍軍需案

內彙冊請銷前因餉源支絀於四年三月續將洋鎗步隊各營每冊抽裁正勇一成仁軍遣撤一營嗣又

奏明於盛軍鎗隊內酌裁五營銘軍鎗隊內酌裁四營武毅軍鎗隊內酌裁三營慶軍鎗隊內酌裁二營共裁十四營從四年九月起籌給欠餉分飭各統將陸續資遣以上裁留淮勇陸軍水師各營官弁員名勇夫開收總數征防處所先經造冊分咨軍機處戶兵部備考其應需薪費口糧正雜各款柴薪斤重價值駝騾餵養仍循楚軍營制

奏定章程在銷成案接續支發湘平折實庫平扣雜款一分平餘又馬隊倒補馬價照駐紮省分營驛例價核給采辦製造工價水陸轉運糧餉軍火雇車船夫工價腳分別斤重程途里數照軍需則例恩刷准銷各案核給飭據金陵報銷局司道等詳稱自光

緒四年正月起到年底止列為第七案舊管項下實存銀七十三萬六千六百三十四兩三錢有奇新收項下江蘇浙江四川湖北等省額撥軍餉兩淮鹽釐及江蘇留防案內劃撥銀款同本案扣存平餘等項共銀二百八十九萬七千二百七十六兩二錢有奇內登除附列專冊請銷補放淮軍各營光緒三年十二月底以前欠餉銀二十三萬二千二百六十八兩八錢有奇又附請專案

奏銷洋鎗礮隊教習辛工礮費操練後膛洋礮拉礮車馬餵養夫工金陵天津機器製造二局工料用款采辦洋軍火價值等項計三冊共銀一十五萬三千八百八十八兩六錢有奇計本案收用銀三百二十四萬七千七百六十一兩有奇開除正雜各款遵照部議酌定軍需報銷章程各歸各部核銷計應歸戶部核銷銀二百四十萬三千五百八十三兩一錢有奇應歸兵部核銷銀四萬二千五百二十三兩有奇應歸工部核銷銀七萬八千二百一十七兩七錢有奇統共請銷銀二百五十二萬四千三百二十三兩八錢有奇實存銀七十二萬三千四百三十七兩一錢有奇已接支

光緒五年正月起淮軍水陸營哨正雜餉項並購製軍火器械價值工料等用歸於後案籌管項下滾接造報等情具詳請

奏前來臣查淮軍分駐直東江蘇等省籌辦江海防務關係重要光緒三四兩年陸續抽裁步隊一萬一千餘名現值海防喫緊既就裁撤各營擇要調紮布置仍兼顧江南江岸海口此次造報光緒四年正雜款項均係備照辦成案實用實銷並無絲毫浮冒除收支各數分晰造具細冊咨送各部並飭將以後用款接續清理造報外謹會同南洋通商大臣兩江總督臣劉坤一專摺具奏並繕開清單恭

御覽伏乞
皇太后
皇上聖鑒
謹奏

奏稿二十七

呈

軍需交涉洋務片光緒六年七月十四日
 再查淮軍各營洋鎗礮隊教習通事工匠人等辛工金陵天津行
 營機器製造兩局工料及采辦外洋軍火等項截至光緒三年十
 二月底止業經附
 奏在銷在案今自光緒四年正月一起截至是年十二月底止淮軍
 各營洋鎗礮隊教習通事工匠人等辛工礮費等銀三萬七千七
 百十三兩七錢有奇海防淮軍各營操練後膛洋礮拉礮車馬購
 價餵養夫工等銀三萬一千六百六十六兩三錢有奇金陵天津
 行營機器製造兩局委員薪糧工匠工食購買料物用款並采辦
 洋軍火價值等銀八萬四千五百兩五錢有奇以上總共請銷銀
 十五萬三千八百八十八兩六錢有奇茲據該司道等按款復加查
 核均係奉文覈實飭發並無絲毫浮冒另造細冊詳請附
 奏前來臣查前項各營洋鎗礮隊教習通事工匠人等辛工購買
 料物外洋軍火價值各款皆與洋人交涉無例可循仍應照案據
 實請銷除將細冊咨送總理衙門兵工部查核外伏乞
 聖鑒謹附片具
 奏

奏稿二十七

呈

李文忠公奏稿卷二十七

李文忠公奏稿

卷之三十八目錄

- 巴西議約竣事摺 光緒六年八月初一日
- 馬廠請發部照摺 光緒六年八月初三日
- 各省紳民捐賑獎敘摺 光緒六年八月初三日
- 津關邊餉請緩籌解摺 光緒六年八月初三日
- 電軍請撥官馬摺 光緒六年八月十二日
- 請設南北洋電報片 光緒六年八月二十二日
- 覆奏言路條陳摺 光緒六年八月二十二日
- 妥籌鮑軍事宜片 光緒六年九月初四日
- 妥籌朝鮮武備摺 光緒六年九月初四日
- 操演水兵備用摺 光緒六年九月初四日
- 會國葶力疾辦防片 光緒六年九月初十日
- 海防支應請銷摺 光緒六年九月初十日
- 妥籌朝鮮製器練兵摺 光緒六年九月二十七日
- 擬議朝鮮來學章程片 光緒六年九月二十七日
- 朝鮮通商西國片 光緒六年九月二十七日
- 鮑超赴防片 光緒六年九月二十七日

李文忠公奏稿卷三十八

全集之三十八

巴西議約竣事摺

光緒六年八月初一日

奏為遵

旨與巴西使臣議立通商條約現已事竣恭摺仰祈

聖鑒事竊巴西國正使喀拉多副使穆達於六月初抵津經臣接

晤開導該使堅求循例議立通商條約並未提及招工當將情形

奏報請

特派議約全權大臣就近會商妥辦欽奉六月初八日

上諭已另有旨派李鴻章為全權大臣事關通商立約該大臣務

當悉心籌畫按照各國約章酌議變通總期周密妥善免致將來

窒礙本日簡派全權大臣諭旨一道一併發往如該使索看憑據

即著李鴻章恭錄給閱看俟議約事畢此旨仍繳還軍機處備

查等因欽此臣以津海關道鄭藻如熟悉洋情辦事精覈候選道

馬建忠游學西洋多年於各國交涉事例探討極熟遂督同鄭藻

如馬建忠悉心籌酌與該使喀拉多等往復會議查中西互市以

來立約十有餘國因利乘便咸思損我以自肥若不設法維持逐

漸收回權利後患殊多此次巴西議約數易其稿幾於筆禿脣焦

嗣以祕條約為底本刪去招工各條並參用別國條約定為十

六款該使旋以第七款開有文義重複請酌刪字句因無甚緊要

亦即允行其關係中國權利者皆力與辨論變通酌訂如第一款

兩國人彼此皆可前往僑居句下添入須由本人自願一語即寓

禁阻設法招致之弊第三款設立領事官必須奉到駐紮之國批

准文憑方得視事如辦事不合可將批准文憑追回本係西國通

例其立法之善有二一則其人或非平素公正或與我國向不決
洽我皆可以不推一則通商口岸或係新設人情未安不欲領事
驟至我亦可以不推至辦事不合追回文憑是予奪之權我亦得
而操之從前中國與各國立約因不知西例皆未議及此層是以
各國派來領事我竟不能過問中國派赴各國領事則須該國在
認乃得充當殊於體制有礙今特於巴西約內添入俟開辦時擬
由總理衙門即將批准文憑咨送南洋大臣發交各關道轉給
俾示維繫惟變法之初未可過於嚴峻以後他國換約修約咸知
辦理近情而又偏於公法或可冀其仿行不致相率堅拒第四款
游歷執照一節洋人游歷各處多由領事自填執照送請關道用
印幾若內地往來全憑領事作主今改為領事照會關道請領印
照可稍助地方官之權第五款遵守專章一節即是德國新約第

奏稿二十八

一款之義查均需二字利在洋人害在中土設法防弊實為要圖
前閱日本近與各國議改約稿於優待別國提出於甘讓及互
相酬報字樣蓋曰酬報則必彼國有利益予我而我後我國以利益
酬之即遇強國從權予以利益彼強國亦必有益我數事以副酬
報之名曰甘讓則必彼此重在交誼而非屈於勢力果能堅守此
義則凡希冀同需者非先允遵守酬報之專條我可不推或其酬
報之專條不能一體盡遵我亦可以不推或我所讓與別國之利
益非出甘心則局外雖欲援例同需我仍可以不推也今參用此
義特為聲明嗣後如有優待他國利益彼此須將互相酬報之專
條或訂之專章一體遵守方准同需優待他國之利益似較周
妥第六款木擬照德國新約酌川漏報捏報一層轉恐掛一漏
綽約本並無通商詳細章程若僅添漏報捏報一層轉恐掛一漏

萬今定為兩國商人商船凡在此國通商口岸即應遵從此國與
各國原議續議通行商務章程辦理即有續議字樣不特德國漏
報捏報充公議罰之章巴西理當遵守即後此再有商務新章巴
西亦應照辦似更包括第九第十第十一第十二等款皆指問案
之事查西國案件俱由地方官訊斷領事不得干預惟中西律法
懸殊各國不能聽地方官審辦於是領事遂有其權此次本擬參
酌西國公法問案專歸地方官而科罪則各照其國律巴西使臣
既不肯首先改章致招各國之怨適德國公使巴蘭德過津從旁
酌商乃定為被告所屬之官員專司訊斷各照本國律例定罪蓋
被告多係華民前因會審掣肘喫虧不少茲由被告所屬之官訊
斷當可持平辦理其華民在各口行棧商船傭工者大都洋人
為護符遇有犯案不聽傳喚雖照會領事飭交而洋人轉為庇匿

奏稿二十八

執法養奸所關匪細茲於第十款內議明聽中國官員派差徑往
拘傳審理以免庇縱又第十一款內將來另議中西交涉公律巴
國亦應照辦一節雖公律難定議究為洋務緊要關鍵特倡其
說以作權輿以上各節皆臣按照各國約章酌議變通期歸妥善
該使喀拉多等初甚狡執徑欲照英法舊約辦理反復爭辯兩月
之久始就範圍今既遵允勢固不能中悔將來各處循照議定條
款妥慎辦理凡緊要樞紐勿任略有通融真可漸收權利至洋藥
一項雖非巴西出產惟中土受害滋深今該使知會該國外
部查酌禁止巴西販賣先由該使月備照會送存案臣亦給予
照覆現將議定條約配用中國文巴西文法文各四紙校對無
訛即於八月初一日在公所會同畫押鈐印彼此各存正副本二
分以便屆時互換除將存留條約正本又照錄禁販洋藥來往照

會備文封送軍機處代為進呈

御覽原奉全權大臣

諭旨敬謹封固咨繳軍機處備查並將條約副本咨送總理各國

事務衙門查核外所有巴西議約事竣緣由理合恭摺由驛覆陳

伏乞

皇太后

皇上聖鑒訓示謹

奏

奏稿三十八

四

謹將巴西國議約案內禁販洋藥及領事批准文憑交發並
無費用來往照會鈔錄恭呈

御覽

巴西國使臣喀拉多穆達原來照會

為照會事本月二十一日日本大臣與鄭關道馬道臺會商約稿除

法文另行修飾更正外所有條約各款業已商定本大臣甚為欣

悅其巴民不得販賣鴉片一語鄭關道馬道臺稟奏貴大臣鈞諭

重申前議本大臣惟遵奉國家指意來華議約使各國商民在中

國所得之益亦使巴民一律均霑惟念巴國商民來華貿易即不

販賣鴉片一貨亦無害經營之盛大是以本大臣欲滿貴大臣之

所願擬不自咨會本國管理外部大臣禁止巴商不准在中國販

賣鴉片但此件於條約之外附一公牘並聲明兩國領事官所

奉到駐紮之國批准之文憑其臨時彼此交發均無費用等語可

也即希貴大臣照覆以無論日後巴國外部果否允准禁止商民

販賣鴉片不得因此一端致阻和款即日定約畫押蓋印仍俟兩

國

御筆批准再行更換則貴大臣之所以酬本大臣者可云厚矣須

至照會者

光緒六年七月二十一日即西歷一千八百八十年八月二十七

日

照會該使臣喀拉多穆達原稿

為照會事查此次商定條約各款既蒙貴大臣允即咨會管理外

部大臣禁止巴商不准在中國通商各口販運鴉片具徵貴大臣

存心公正曷勝欣佩本大臣暫允此事不列條款之內彼此附一

公牘存案即日先將條約蓋押蓋印仍俟兩國
御筆批准再行互換之日公同商酌將禁止巴民販運鴉片一節
月行備文知照至約內兩國領事官必須奉到駐紮之國批准文
憑方能視事此項文憑臨時彼此交發均無費用合併聲明為此
照覆貴大臣查照須至照覆者
光緒六年七月二十六日

奏稿二十八

六

馬廠請發部照摺 光緒六年八月初三日
奏為口外現辦馬廠地畝必須先發部照以示大信而免疑沮恭
摺陳仰祈
聖鑒事竊臣前就獨石口外馬廠地畝酌擬現辦章程十一
條專摺奏報聲明張獨多三廳各旗官荒馬廠已欽奉
諭旨派前口北道奎斌馳往督辦即可仿照通行辦理旋經戶
部覆稱所議各條或遵照戶部奏章或參酌地方情形既經奏交
地方官辦理應由該督慎委賢員實心舉辦就地酌核時宜戶部
不為造制其所請由部發給空白執照雖為便民起見惟地冊未
經造送礙難率發應由直隸藩司先備空白印票發交委員諭令
地戶交納押荒銀兩先給印票一面由司造冊送部填給執照再
交地戶收領換繳印票等因當經分行遵照茲據前口北道奎斌
稟稱前奉定章程業將一面呈交押荒銀兩一面徑給部照事
宜備行曉示已據地戶具有見照交銀甘結今戶部又有先給司
票之議自應委曲求全當即督同委員切實勸導地戶乃愚民難
與圖始其希冀中飽之徒又復從中煽惑謂甫經開辦即改章程
可見部照萬不能發司票萬不足憑此次交納押荒恐仍被人愚
弄於是地戶數百人環集地所爭來詢問雖經切切曉諭終難破
其疑團實有不能先給司票之勢以致失信於民稟請續奏前來
臣查口外官荒地畝招商承辦弊端百出地戶屢費重資今甫改
歸地方官經理責令按畝交納押荒升科在官以為初徵在民實
係重出勸辦本非易事且從前商人先給私照亦謂將來換領部
照乃所費盡入私囊部照終歸烏有地戶受累無窮此次力洗商
人盡

奏稿二十八

七

國害民積弊必先請發部照與押荒同時交領諭以執此確憑永
為世業用能悚聽改觀迎刃而解若先給司票將來再換部照則
與商人先給私照辦法無異積弊之後奚能取信於民況一面交
銀一面給予部照之議早經大張曉諭忽又改為司票殊覺自亂
其例愚魯者從此滋疑刁健者藉端抗欠匪徒之煽惑有司委員
之辦理失據實於

國課民情多所窒礙部臣既深悉押荒零星責令地戶赴部交納
領照往返苦累請頒執照係為便民起見惟謂委任恐不得人難
免不滋流弊不知錢糧分數有王公私租可以比較押荒交局錢
糧交廳彼此參觀亦可互見其地數糧數冊籍仍須責成藩司逐
細核明報部必應針孔相符滴不漏斷不至漫無考核欲防流
弊但在責成委員不在遲留執照此係邊外大段官荒迥非內地

零星報製升科可比前已欽奉

寄諭酌辦卽戶部亦令就地酌核時宜不為遙制斷難拘守常例
致令掣肘且民間輸納押荒全在秋成糶糧之後若不及時給照
將致垂得之巨款無端渙散機會一失以後民不信官更難為繼
臣體察情形部照之遲速實為辦地緊要關鍵現委各員皆經遴
選認真辦事之人臣敢保其絕無流弊現在三廳所屬地畝均可
次第開辦不惟應鑿馬廠一處需用部照較多相應仰懇
天恩俯准敕部迅速頒發空白執照二千張務於八月內頒到以
便轉發該道督飭委員照章認真查辦收取押荒庶足以示大信
而免疑沮民心可定地利可興餉需亦不無裨助矣理合恭摺據
實瀝陳伏乞
皇太后

皇上聖鑒訓示遵行謹
奏

奏稿三十八

九

各省紳民捐助賑款摺

光緒六年八月二十二日

奏為各省紳民捐助直賑仍請給予銜封獎敘以維時局恭摺仰

聖鑒事竊准戶部咨開上年直隸冬賑收捐銀九萬八千兩棉衣

一萬數千件准照例定銀數以十成實銀核給虛銜

封典其自今年春撫以後勸捐各款應照咸豐元年江蘇紳民捐

賑之案給予議敘無庸請給銜封等因查上年四月部議停止

捐輸辦理常捐未盡事宜捐內聲明賑捐有限外呈請及奏咨報

部者一律祇准本身子弟請獎虛銜

封典不准再請實官以示限制並無限外奏咨報部之賑捐祇准

議敘不准請給銜封之說是以上冬今年直賑需款敦請各省賢

紳分撥勸捐皆許以按照例定銀數收捐十成實銀核給虛銜

封典並於去臘預行奏明奉

旨該部知道欽遵在案其時戶部亦無異議今閏半年有餘忽行

改照蘇省遠年成案議敘殊於賑務民生有礙直隸連遭災歉閭

閭窮苦異常賑撫所需多賴外省紳庶集捐接濟藉保民命該官

紳不分畛域道樂輸實堪嘉尚自應照章獎勵上屆晉豫賑案

尚准推廣捐章優給道府州縣翎枝等項直隸災狀與晉豫相同

從無推廣之請臣深知慎重器未敢稍涉冒濫去年停捐實官

即將應獎佐雜等項一律截止惟夏秋仍有水災今年入夏以來

又因上游山水漲發窪區復被淹浸待賑戶口極繁且有應修隄

河亦須以工代撫核計用款甚巨近畿荒政實與他省偶過水旱

情事不同本省向係缺額庫儲支絀太甚地方商富無多且節次

集捐為數不少勢難再借民力惟有仍仗南省勸捐濟助但各處

捐輸早成終末必須多方勸導設法招徠所藉以鼓舞者僅此銜

封兩項無傷政體有益災區若照部議併此不給非但失信於隔

省好紳民且必聞風裹足勸辦益形棘手來源一絕將坐視斯
民委頓溝壑而不能救闕紫實非淺鮮據籌賑局司道具詳請奏
前來相應仰懇
特恩俯念畿疆要地民命至重連年重災疊困非他省偏災偶賑
可比既無帑項可靠當賴外省官紳集捐尤難失信准將直隸一
省去冬及今春以後賑捐均照部定新章例銀數目以十成實銀
一律核給本身子弟虛銜
封典他省不得援以為例以維時局而資觀感如此辦理則捐款
不致立竭實有存亡呼吸之機獎敘並非實官斷無濫襲名器之
慮其部庫兌收常捐條款尚多亦不致有妨礙理合恭摺具陳伏

乞 皇太后 皇上聖鑒訓示施行謹 奏

Table with multiple vertical columns, likely a list of names or titles, mostly blank.

天津海關邊餉請緩籌解摺 光緒六年八月初三日

奏為天津海關六成洋稅收不敷支請將添撥邊餉俟將來察看籌解恭摺仰祈

聖鑒事竊照戶部前籌東北邊餉擬每年指撥津海關六成洋稅銀八萬兩自光緒六年為始按年解部等因奏奉

諭旨轉行欽遵在案茲據津海關道鄭藻如詳稱津海關徵收洋稅招商局稅每年不過銀三十餘萬兩惟上年收銀四十二萬餘

兩係屬極旺之年為近來所未有然照章劃去四成二成暨出使經費等項淨餘六成銀二十萬餘兩再除額支稅務司薪水銀三

萬六千餘兩實僅得銀十六萬六千餘兩向來津郡海防練軍各餉取給於六成項下者一為大沽北塘海口砲臺兵勇一為駐津

及援奉練軍一為雲字營馬隊一為葛沽新城練兵皆屬急要之需不可緩欠現將駐奉練軍撤回一併布置海防斷難令其枵腹

從事上屆稅收雖旺六成所入尚不敷支本年中俄改約籌信紛傳來貨稀少權徵短絀決無上年之數關稅視乎商貨非人力所能

強增津餉歷久供支非臨事所能驟減目下各營兵勇待餉甚殷關庫空虛無以濟急且月有應解抵閩京餉亦無的款可指窘

迫情形不堪言喻惟有請將添撥邊餉俟將來再行察看但使稅收稍旺即不能如額自當勉力籌解等情請

奏前來臣查津沽係京師切近門戶華洋雜處水陸交衝不得不就地籌餉練兵稍資

拱衛其情形實較東北邊防為重是以津關六成洋稅向准留充防餉以顧根本約數亦不過十餘萬兩現值海防喫緊稅收短絀

支應竭蹶餉需為軍上命脈設有不繼關繫匪輕莫名焦悚邊餉

亦屬緊要何敢稍涉膜視但力量所限一時委難兼營惟有懇懇天恩俯念津防需餉至要暫准免撥邊餉將來稅收稍旺再行察看籌解俾資周轉理合恭摺具陳伏乞

皇太后 皇上聖鑒訓示謹

奏

奏稿三十八

主

光緒八年八月十一日

奏為遵軍應需馬匹現已采購不及請撥給察哈爾牧羣官馬以
免貽誤恭摺仰祈

聖鑒事竊臣欽奉八月初八日

寄諭鮑超所稱遠軍向有馬隊三千名著在原募二十三營內酌
量改設毋庸添募其需用馬匹鞍轡著李鴻章派員采購等因欽
此遵查馬匹產於塞外采購必須及時夏令草茂畜壯到處成羣
采購自易現已八月中旬賣者次第收場塞外嚴寒九月即有大
雪派員前往計已過時且所需至三千匹之多勢難於收場後零
星搜索餉需又極支絀亦無從籌墊巨資惟有撥給官馬之一法
查察哈爾牧羣官馬本備

國家征調之需自內地軍務告竣生口夥是以上屆直屬災歉

奏稿二十八

西

儘有餘力撥濟貧農今遠軍為畿境海防策應之師需用戰馬孔
亟自可如數調派俾得迅速成軍相應仰懇

天恩敕下察哈爾都統分飭商都太僕寺牧羣各總管即於羣生
官馬項下起備能戰馴馬三千匹向來軍營請調官馬口老疲瘦
者居多此次係海防要需未便稍有含混臣於奉

旨後擬派素習馬政之記名提督楊安典馳往口外牧羣會同各
該總管認真挑選不必拘定商都挑幾成太僕寺挑幾成務須合
併揀擇一律口輕膺壯足經戰陣以期得力而免誤事並飭楊安
典一面挑選一面即分起派弁押送進口以便陸續撥給鮑超成
營操練該軍馬隊如可酌減則下餘之數臣部各營正缺戰馬亦
可藉以撥補應需領解馬匹委員兵夫盤費口分等項由臣勻籌
撥給仍令沿途州縣照章餵養妥為照料以利進行其鞍轡一項

另再籌酌采辦所有遠軍應需馬匹請撥給牧羣官馬緣由理合
恭摺由驛具陳伏乞

皇太后

皇上聖鑒訓示施行謹

奏

奏稿二十八

吉

請設南北洋電報片 光緒六年八月十二日

再用兵之道必以神速為貴是以泰西各國於講求鎗砲之外水路則有快輪船陸路則有火車以此用兵飛行絕跡而數萬里海洋欲通軍信則又有電報之法於是和則以玉帛相親戰則以兵戎相見海國如戶庭焉近來俄羅斯日本國均效而行之故由各國以至上海莫不設立電報瞬息之閒可以互相問答獨中國文書尚恃驛遞雖日行六百里加緊亦已遲速懸殊查俄國海綫可達上海旱綫可達恰克圖其消息靈捷極矣即如曾紀澤由俄國電報到上海祇須一日而由上海至京城現係輪船附寄尚須六七日到京如遇海道不通由驛必以十日為期是上海至京僅二千數百里較之俄國至上海數萬里消息反遲十倍儻遇用兵之際彼等外國軍信速於中國利害已判若徑庭且其鐵甲等項兵船在海洋日行千餘里勢必擊東擊西莫可測度全賴軍報神速相機調援是電報實為防務必需之物同治十三年日本窺犯臺灣沈葆楨等屢言其利奉旨飭辦而因循迄無成就臣上年曾於大沽北塘海口擬設電報以達天津號令各營頃刻響應從前傳遞電信猶用洋字必待緝譯而知今已改用華文較前更便如傳秘密要事另立暗號即經理電綫者亦不能知斷無漏泄之慮現自北洋以至南洋調兵餉餉在在俱關緊要亟宜設立電報以通氣脈如安置海綫經費過多且易蝕壞如由天津陸路循運河以至江北越長江山鎮江達上海安置旱綫即與外國通中國之電綫相接需費不過十數萬兩一半年可以告成約計正綫支綫橫互須有三千餘里沿路分設局棧常年用費頗繁擬由臣先於軍餉內酌籌墊辦俟辦

李文忠公奏稿 卷三八

成後仿照輪船招商章程擇公正商董招股集費俾令分年繳還本銀嗣後即由官督商辦聽其自取信資以充經費並由臣設立電報學堂雇用洋人教習中國學生自行經理庶幾權自我操持久不敝如蒙

俞允應請

飭下兩江總督江蘇巡撫山東巡撫漕河總督轉行經過地方官一體照料保護勿使損壞臣為防務緊要反覆籌思所請南北洋設立電報實屬有利無弊用敢附片縷陳伏乞

皇太后

皇上聖鑒訓示謹

奏

奏稿三十八

七

三一五

覆奏言路條陳摺 光緒六年八月二十二日

奏為

寄諭彙摺陳仰祈

聖鑒事竊七八月以來言路條陳天津軍事仰煩

宸慮飭臣妥籌辦理茲謹分條逐一覆陳七月初二日御史黃元

善奏天津海口嚴加防範一摺臣查津沽之防本未嘗一日鬆勁

洋人來晤者或稱沿海海空虛甚多或謂各路兵勇不盡得力

臣為大局計不能不以為危若就津沽論彼向未敢恫喝臣亦

未稍為所動也御史邵曰濂請酌派曹克忠倡辦天津團練與庶

子張之洞奏沿海宜辦團練大意略同夫民團不能與洋兵搏戰

人人知之粵捻之役幾二十年辦團幾徧十八省其能助官軍擊

賊者寥寥可數而斂費擾民抗糧拒捕之弊百出不窮至堵禦外

夷又與剿辦內匪迥別各國騰聚口岸若無事而自擾之或兩萃

從事為患更甚或謂津民好義尚氣然咸豐庚申大沽之敗未聞

民團有與敵為難出死力幫同堵剿者臣與曹克忠商議該提督

謂有警之際或可集眾助勢目下兵未動斷不宜稍涉張皇搖

惑民心與臣所見相合又七月十一日張之洞條陳海防事宜一

摺內稱天津重兵不宜全聚海口臣處本係如此籌辦大沽海口

現派副將羅榮光練兵一千八百人親軍礮隊五百人分守南北

岸礮臺而助以記名總兵劉祺直字營勇千人副將史濟源練兵

五百人北塘海口現派通永鎮總兵唐仁廉統帶練兵一千二百

人仁字營勇五百人分守南北岸礮臺而助以參將趙義營勇

五百分防煙頭沽至大沽後路以新城為扼要前雲南撫臣潘鼎

新督同提督葉志超練軍馬步四營守之北塘後路以蘆臺為扼

要直隸提督李長樂督帶練軍及武毅馬步四營守之提督周盛

傳所統盛字馬步十六營令其暫駐小站馬廠一帶距大沽數十

里至百餘里提督劉盛休所統銘軍馬步十一營令其暫駐興濟

鎮距北塘約二百餘里意在布遠勢蓄威重作為兩路策應游擊

之師視敵所向即率行隊縱橫援剿臣自督天津淮練七營居中

調度目前分數層扼紮有事時可首尾相應正不必拘定某處為

二敵三敵四敵也又稱大沽營口宜備水師為奇兵查大沽現有

新購蚊船四隻與礮臺相依助自可相機夾擊沿海漁船各有生

業未便多調亦斷不能驅令圍攻敵船又稱提督劉銘傳總兵張

得勝雲慶王可陞均請催調赴津查劉銘傳將略最優臣於春

間遵旨商該提督北來襄助接據緘覆大病之後肝火內鬱兩目昏

昏難遽遠行昨復欽奉

諭旨飭催來京臣又備文加函敦勸矣該提督動望智略實在

鮑超之下昔年督辦陝西並未遇賊竟遭譏毀素性耿直不受羈

勒未免抑鬱以去此次如投袂赴

闕惟祈

溫諭慰勉假以事權其才可當一面至張得勝戰陣頗勇訓練稍

疏自無庸令募楚勇聽用雲慶王可陞各有本任職守亦無庸

紛紛檄調又七月二十日洗馬周德潤奏速籌戰守一摺內稱淮

軍將驍卒情素耽安逸慮潰散等語查津防淮軍無事時督令

築城浚河屯田穿渠修礮臺營壘工作之暇朝夕練習鎗礮講

求西洋操法其勞苦倍甚於他軍所謂驍情安逸者何在臣於本

年二月十九日已附片奏明斷不至臨敵潰散貽

君父憂不謂積誠未足以感人闕修未足以孚眾惟有恪遵

聖訓明定賞罰認真操練精益求精冀得一當以副責望至稱平

原空闊宜掘地作營以避鎗礮查營內穴地避礮乃兵家常用之

法平原則不相宜若我兵盡藏穴中敵至將掩覆之聚殲之耳安

能制敵又八月十七日御史蕭韶奏吉林緊要請調勁旅一摺內

稱琿春東北俄兵湊集淮軍鎗礮較精請抽調四五百人馳赴該

省交銘安等調遣並酌調各省勇丁填紮原駐地方等語查吳大

澂赴吉時曾商調直隸州知州戴宗騫選擇淮軍熟悉洋操將弁

勇丁三百人帶往臣並酌給後門鎗開花礮若干令戴宗騫於七

月閒啟程比當抵吉就地添募逐漸訓練藉開風氣至臣部淮軍

上年遵部議裁減後僅有二萬八千餘人分防天津保定馬步只

一萬六千餘人布置要地屏藩京畿固不可再稍抽動其分防江

南一萬餘人駐扼吳淞江陰揚州金陵等處亦皆江海門戶劉坤

一奏請臣勿調赴直更不便抽赴吉林至所稱由他處調勇填補

除沿海省分勿庸議外湖北自調李長樂之武毅軍劉維楨之忠

義營赴直其留防不及十營安徽自調郭寶昌所部赴直留防亦

無多人江西防勇本單均難酌撥且內地防軍但取彈壓土匪而

已器械不精操練不熟慮未足以當大敵南北海疆關係重要豈

可於臨敵之際易將撤兵顧彼失此吉林現有銘安吳大澂添練

各隊加以喜昌新募五千人果能認真訓練精求軍實或可稍壯

聲威臣職司拱衛熟審機宜謹就一得之愚據實覆陳由驛四百

里具奏伏乞

皇太后

皇上聖鑒訓示謹

奏

奏稿三十八

三

安籌鮑軍事宜片 光緒六年八月二十二日

再盛奉

寄諭准鮑超募勇一萬三千八百人由輪船北來於天津山海關兩處適中之地擇要駐紮著安籌奏明辦理等因欽此查鮑超百戰驍將戰守自屬可靠惟新募之眾器械未精訓練未熟將來到防後尚祈

聖明隨時訓戒嚴申紀律認真操練庶兵民可冀相安臨事可得實用至其駐紮處所須早酌定以便輪船就近停泊登岸臣先飭招商局道員唐廷樞坐小輪船在直境沿海一帶測量水勢據稱北塘迤東至灤河口約三百里盡屬平灘不但輪船無從近岸即民船亦難停泊惟灤河以東撫甯境內之洋河口向多海船來往輪船亦易泊岸請指定該處停輪卸載等語臣已據稟分咨湖廣

督臣李瀚章暨鮑超查照既奉

諭令該軍於天津山海關兩處適中之地擇要駐紮臣查直境瀕海地方惟東路較為空虛距京亦甚密邇前明設防薊州永平為山海關後路重鎮義固有在今昔情事雖異而形勢無甚懸殊臣愚以為鮑超一軍宜屯紮於永平府屬之昌黎灤州樂亭沿海一帶為天津山海關兩處適中前後策應調度似甚靈便該州縣距輪船起岸之洋河口均僅百餘里轉運亦近可省沿途車馬供億之煩合無仰懇

聖恩飛飭鮑超遵照安辦至該軍餉需軍火雜項每月約須九萬餘兩關係至重直隸固無從代籌各省亦難再指撥欽奉

諭旨著戶部籌給應用並請

敕部預籌接濟仿照吉林各處辦法飭由鮑超自行派員出具印

領按月就近赴部支給事竣即由該提督自行報銷以專責成而免轉軛理合附片瀝陳伏乞 聖鑒訓示謹 奏

奏稿三十八

臣

安籌朝鮮武備摺 光緒六年九月初四日

奏為朝鮮講求武備遵

旨妥籌恭摺仰祈

聖鑒事竊臣承准軍機大臣字寄八月二十九日奉

上諭禮部奏據朝鮮國王咨稱該國講究武備懇為轉奏請旨俾

該國匠工學造器械於天津廠等語著李鴻章妥籌具奏其咨內

所請簡選解事人員或於邊外習教一層並著李鴻章詳審其意

一併妥籌迅奏該國使臣業經該部安置居住俟該將覆奏到日

再降諭旨原咨著鈔給閱看等因欽此仰見

聖謨廣運眷顧東藩至意欽佩莫名伏查朝鮮僻處海隅向於外

交之道禦侮之方漠不介意日本窺其孤弱蓄以兵威先與立約

通商實則隱圖侵侮去年七月臣密奉

諭旨查照前福建撫臣丁日昌所陳各節致書朝鮮原任太師李

裕元勸以密修武備慎固封守與英法德美諸邦逐漸立約藉以

牽制日本即可備禦俄羅斯並告以熟悉西國商情軍火利器不

難購辦等語已將原稿鈔呈

御覽是年十月初朝鮮貢使入都道出永平據前永平府知縣游智

開密稟李裕元給伊月函謂該國本意不欲與他國來往幸於眾

議不敢主持惟該國輿論擬仿古外國人學之例咨請禮部揀選

明幹人員赴津學習練兵製器之法臣謂果有成議未始非該國

自強之基臣密屬游智開詳告該使本年二月復由游智開遞到

李裕元去冬覆函大致謂泰西之學素所深惡不欲有所沾染又

以該國貨物不能多容商船為詞已將原函鈔寄總理衙門存案

竊思地球諸國惟朝鮮開風氣最晚該國士大夫固於見聞味於

時勢墨守成法閉拒忠謀雖口即於危弱而不顧此殆有氣運主

之非人力所能為者今該國既以講武為請正可因其一綫之明

迎機導導增彼軍實固我藩籬惟是該國練習此事即使始終勤

奮其收效亦在數年之後就目前事勢而論則有迫不及待者自

去冬以來中俄和約未定積有違言俄之鐵甲快船兵船二十餘

隻陸續東駛並厚集陸軍分佈吉林海濱之海參威庫爾一帶

豫儲煤糧軍火甚富六月間有美國水師總兵蕭佛爾赴朝鮮議

約被拒旋來津與臣會晤據稱美國向無用兵仙勒之意但俄人

已費巨餉遣將調兵勢必不肯中止若不圖中華恐遂吞併朝鮮

八月間法國水師提督督貝費過談謂探聞俄海部尚書里沙士

幾之意欲赴珲春攻奪朝鮮海口陸則斷奉吉之右臂水則扼北

洋之襟喉規畫甚為雄遠又謂朝鮮東界海口形勝為東方之最

俄人故欲取之以與珲春海參威等處掎角其餘各處探報及新

開紙所論大致相同蓋俄人所據之海參威綏芬河圖們江各境

皆與朝鮮東北接壤彼既佔東海口岸為巢穴自必漸圖開拓若

吞併朝鮮即拊我東三省之背使中國岌岌不能自安是朝鮮與

我國實有唇齒相依之勢不能無休戚相關之情當此兵餉兩絀

中國沿海各口向未能處處周防斷無餘力兼顧藩服似祇能就

其力所逮者而利導之萬一俄事稍紓俾朝鮮得於數年內力擴

新機整軍經武保衛東隅未始非中國之幸也惟該國匠工來津

學習機器此中亦有繁難之處查天津初設機器局不過仿造洋

火藥銅帽等項厥後疊次擴充添購機器火藥多出數倍自造土

乃得林明登後膛鎗子克鹿下格林後門礮子蚊船大礮子之屬

光緒元年間亦曾自製後門鎗因工費甚鉅較購自外洋者價

幾逾倍即經停止各軍所用鎗礮專向西洋定購但源源供給予
藥零件今朝鮮匠工來學即使盡備各法問該國所用土鎗僅與
中國絲營之撥烏鎗相類其製造機器及新式鎗礮仍須購自外
洋是無其器而不能用也西洋鎗礮其準綫口令步伍非操演數
年難以純熟是無其人而不能用也愚以為既准該國來習機
器將來必須代為購器代籌練兵皆事之連類而及缺一不可者
又該國匠工言語不通來局之後應如何設法教導俾獲漸窺門
徑擬請

敕下禮部揀派通事人員伴送該國使臣下元圭到津由臣督同
局員與之熟商辦法再行奏明請

旨施行至該國王原咨內所稱簡選解事人員或於邊外習教及
來學往教等語文義似未甚明晰臣就事理度之今如中國派員

奏稿三十八

五

往教該國既無機器匠工又無現成鎗礮斷難獲益自應先由該
國挑選匠工來廠學習并選聰穎子弟來津分入水雷電報各學
堂俾研西法本末兼營較有實際至練兵一事將來或選派熟悉
員弁往教或由該國派隊來從我兵操演購器一事或乘中國訂
購之便寬為籌備劃付均應隨時酌度情形妥商辦理臣比接李
裕元來書頗知戒備不虞以講戎殺械為兢兢並致送禮物甚厚
想因所圖之事關係頗重意在豫聯情誼從前李裕元以該國邊
事與臣通問每附土儀數種臣按古人贈帶獻衣之義兼仿
盛世薄來厚往之經必為加倍酬答此次禮物較多未敢擅便謹
將原函及禮單鈔呈

御覽應否收受由臣加倍酬答之處伏候

聖裁至朝鮮與西人通商一節實係謀國要圖與練兵製器相輔

而行其李裕元來函伏奉

諭旨後即當裁覆臣仍擬不憚苦口諄為開導冀其或有轉機庶
免為他國所兼併所有朝鮮講求武備遊

行妥籌緣由恭摺山驛密陳是否有當伏乞

皇太后

皇上聖鑒訓示謹

奏

奏稿三十八

五

謹將朝鮮國致仕太師李裕元來函並禮單敬繕清單呈

御覽

文華殿大學士肅毅伯翁前本年季春

貢使回得承永平游太守書盛傳前仁政布於國內威名施諸

海外莫非尊

主庇民有辭千秋小邦黎庶咸思霽愷之恩非不欲種種恭探鈞

節山海漠漠界疆有限末由展誠景仰結嚮曷有其極秋涼驟至

鈞體度對時萬康警蹕不動衛戍凝瑞瞻望津雲若拜床下小邦

日本之人稍似講好德源開港商舶來往江戶送使書契修謝姑

無圭角實賴留前左右之力實遵前指教之方而忽於春夏閒

佛國及米國書本自萊館要其送納小邦以非約條中事措辭退

卻蓋他國書之自日本精送不得施行曾有交鈐而然也若有意

外層節則不得不仰告於前更蒙乙亥冬斥退森有禮之澤此

舉國之所仰望也小邦國王此際憂虞宵旰靡弛文而崇儒重道

武而講戎殺械先選六條之士廣開百技之門惟我

上國是則亦惟我前是倚派定別咨官卞元圭前往

京都齋文陳白於禮部未知回施之如何而上年因游太守言已

知前之微意故敢將咨草先從永平以為轉達伏維慈惠之念

必有周全若或

非可則下次事無鉅無細專仰前稟定而不以卑鄙隨處戒飭

俾有實效奚特一邦之幸亦獲落屏之固矣小生依舊在林泉道

遙之閒老曠轉甚無足相問而今於茲事不敢辭為張皇恩衷兼

奉禮單庶或亮收不備謹呈直隸總督伯翁前

禮單

初九日

長庚

禮單

禮單

禮單

倭綉疋紐十端

曲生絹十端

土綳二十端

上黃細絨布十端

上白細絨布十端

加重生綳五十端

細棉布五十端

大漆篋二百把

芭蕉圓扇一百柄

大圓扇十柄

細簾子五雙

滿花席子十方

色紙二十紐

大摺厚紙三十紐

白楮二百束

上上製山極清心元一百九

紅仁參五十斤

白仁參三十斤

大鱸魚二百箇

江瑤珠一百貼

柚子清一缸

荔枝一缸

計二十二種

計二十二種

計二十二種

計二十二種

計二十二種

計二十二種

計二十二種

計二十二種

計二十二種

計二十二種

計二十二種

朝鮮國王移部咨文稿

朝鮮國王為請講究武備事竊以小邦久沐

聖化偏荷

洪私柔遠之

德每矜其不能字小之

恩多甚其不及無幽不燭有願必施當職恆與一國臣庶北向攬

祝隕越於下圖報萬一之念不忘跬步之頃矣今有區區切至之

願而徒恢嚴畏不思轉聞則是

皇慈視均內服而小邦還自疏外也惡乎可蓋聞兵可百年而不

用不可一日而無備矣謂之備即兵戎之具是已良兵良器以待

大用見於周制除戎器戒不虞著於易象良有以焉惟小邦屏翰

上國竭力禦侮何翅如子弟之衛父兄手臂之捍頭目而其捍衛

之要不亦在乎兵備歟矧又邇年強鄰窺覷憂殷伏莽正須戒不

虞待大用之時也若禮部有咨使小邦悉心籌畫計出萬全不得

稍涉疏虞可也云云職由是耳蒙此警示非止一再對證矻藥銘

肌難忘而第念小邦以樸拙其俗荒嬉成極武備講究徒憑古書

而無異談龍器械善修只依圖式而便聞刻為五兵飭材一任鈍

工其句則彈其刺則蝟其鍛則不摯每思器械不利以其卒予敵

之古語不覺寒心於是一國輿論咸以為

上國軍器精利以威天下者欽仰久矣而天津廠等處實四方巧

工之所會各國神技之攸萃也亟宜選送明幹人員情願學造器

械之意聞於

皇上恭候

誕綸為今急務當職仍伏念我

皇上聲教訖海醴郁錫世威輝達於四極視賦薄於萬區至若小

邦常飲醇和最被覆露荷此輿情之得徹庶幾

寵施之不靳而惟畏越是懼不敢直具奏本先茲悉陳情事於部

堂大人仰冀曲加恕察即為導達特降

降旨俾小邦匠工學造於津廠且飭選能事人員或於邊外極微

獲遂來學之願亦紆往教之道隨處方便竟能有成則內而竭屏

翰之職外而盡禦侮之方環東土數千里幾萬生靈永賴以安頌

戴

帝力豈特與穹壤而無窮也不任誠懇祈祝之至專差行副司直

卡元圭齋咨前去為此合行移咨請照驗轉

奏施行

奏稿三十八

三

操演水兵備用摺 光緒六年九月初四日

奏為酌調登榮水師艇船弁兵來沽操演以備碰快船購到配用恭摺仰祈

聖鑒事竊北洋定購英廠碰快船二號約於明春抵津所需水勇三百名亟應先事籌備操演以資配駕前擬預購練船選募北省丁壯上船學習惟輪船夾板購價頗巨經費支絀不得不設法節省通融酌辦因思山東原設登榮水師艇船身本小時巡緝附近海面為捕盜之用若遇強敵戰守皆未足恃且無得力陸軍依護有事適以資敵若令該艇駛入大沽口內就原有弁兵挑選操練則碰快船購到即可移駐庶化無用為有用當經咨商山東撫臣旋准覆稱除酌留數船分防汛地外飭派該營水師副將唐廷威等帶領艇船九號及隨船弁兵器械陸續駛到大沽口即

奏稿二十八

三

飭督操礮船記名提督丁汝昌總教習洋員葛雷森營務處道員許鈐身分別驗收挑選該員等於八月二十三日驗收船隻挑留千總袁培英等四名兵丁三百零六名該弁兵等曾經德弁瑞乃爾教操數年熟悉洋法再加練習可備碰快船礮手水手之用已責成丁汝昌葛雷森認真督練兵船技藝務使屆期可資分撥惟該弁兵原領口分無多不足贍養所有袁培英等四弁應於例支俸薪外由津局每名月給津貼銀六兩其兵丁口糧已在東省領至夏季止應自七月初一日起由津局每名月給銀四兩核與各營陸勇口分相符無庸再由東省給發又九船共用文案二名每名月給銀八兩亦自八月二十三日起支均由海防經費內籌發其挑撥弁兵一百三十餘名即酌給川資仍令唐廷威等帶回歸伍所有備練碰快船水手緣由理合會同山東撫臣周恆祺恭

摺具陳伏乞

皇上聖鑒謹

奏

奏稿二十八

三

何國荃力疾辦防片 光緒六年九月初四日

再山西撫臣何國荃過津晤商一切見其體氣面貌大不如昔兩
足痿跛步履維艱眠食短少憔悴可憐之狀儼屬均為驚詫實因
前在軍營多年受傷積勞氣血已虧又值營中頻歲大災肝脈經
營竭力拯救蒼生雖已託命心氣更加耗損茲以時事多艱遵
旨力疾勉赴山海關籌辦防務已由津起程忠
主憂國之忱老而彌篤惟兵力既甚單薄病軀久未復元
聖朝倦念勳舊知必有格外體恤優容之處臣目擊情形不敢壅
於上
聞伏乞
聖鑒謹
奏

奏稿三十八

臣

海防支應請銷摺 光緒六年九月初十日

奏為查明天津海防支應局光緒五年分收支餉需按款造冊請
銷恭摺仰祈

聖鑒事據天津海防支應局司道會詳津郡海防改設練軍並原
設海口礮臺通承鎮大沽協官兵雲字營馬隊應需餉乾等項向
在津海關六成洋稅洋藥釐捐東海關協餉長蘆鹽斤復價甯河
釐捐各項下隨時籌撥按照定章撥節支放所有光緒四年分收
支款目業經奏咨准銷在案查光緒五年分原調奉省之天津練
軍左後兩營添雇長夫口糧一項截至六月三十日停支改由奉
省接續支發其官兵正餉加餉仍由津按三箇月一次解濟大沽
北塘新城等處礮臺續設礮位照案支給操演經費此外支發款
項悉照奏定章程及歷年准銷成案按月核給造具細數清冊詳
請奏咨前來臣逐加覆核計自光緒五年正月初一日起至十二
月三十日止連閏計十三箇月共收款銀三十八萬八千六百二
十兩九錢六分六釐五毫內因原撥稅釐不敷開支截留保定練
餉酌提天津釐捐濟用其支款應歸戶部核銷銀三十五萬七百
三十三兩九分三毫一絲八忽六微應歸兵部核銷銀三千四百
九十四兩四錢應歸工部核銷銀三萬四千八百六十二兩八錢
九分九釐七毫九絲二微其應銷銀三十八萬九千九百三錢
九分一毫八忽八微除本案內扣收過平餘銀三百四十八兩六
錢二分八釐九毫九絲七忽八微儘數動支外計不敷墊支銀一
百二十兩七錢九分四釐六毫一絲一忽俟准部覆再行找給歸
墊除清冊咨部查照外所有天津海防收支餉銀造冊請銷緣由
理合恭摺具陳伏乞

奏稿三十八

臣

奏稿三十八
臣

皇太后
皇上聖鑒敕部核銷謹
奏

奏稿二十八

奏

安籌朝鮮製器練兵摺 光緒六年九月二十七日

奏為遵

旨詢問朝鮮一切情形安籌學習製造及練兵購器事宜恭摺

陳仰祈

聖鑒事竊臣承准軍機大臣字寄九月初六日奉

上諭李鴻章奏遵籌朝鮮請派匠工學造器械一摺朝鮮為東北

藩服唇齒相依該國現擬講求武備請派匠工前來天津學造器

械自宜俯如所請善為指引已諭令禮部揀派通事伴送該國衙

奏官卞元圭赴津著李鴻章詢問一切情形再行奏明辦理李裕

元致李鴻章書兩並著酌度情形作書答覆俾知領會等因欽此

仰見

聖主撫字濟邦有備無患至意欽佩莫名旋准禮部遵派通事伴

送朝鮮齎奏官卞元圭於九月十六日抵津臣即委令津海關道

鄭藻如永定河道游智開及辦理機器軍械各局候補道許其光

劉含芳候選道王德均等先行會同傳詢一切該道等連日與之

筆談稍知該國大概情勢復導往機器局製造局軍械所及西沽

儲備火器火藥各庫備加觀覽俾識端緒臣旋於九月二十二日

傳見卞元圭亦與筆談良久該使臣頗留心時局非固於一隅拘

執成見者可比玩其詞旨甚有憂國之心亟欲整練士卒購造利

器以備不虞其忱於外侮迫不及待之情與倚我聲援切求保護

之意時於言外見之茲督同鄭藻如等就時地之宜與該國力所

能逮者酌擬辦法蓋製器必求用器之人則與練兵相連練兵而

所用之器有非倉卒所能自製者則又與購器相連今為該國籌

畫製造一事當擇易辦而急需者行之如子彈火藥及修理軍械

奏稿二十八

奏

之機器必須酌量購備朝鮮王城現兵三萬應分礮隊馬隊步隊
 為用器之則礮隊擬購克鹿卜後膛鋼礮馬隊擬前後膛鎗各半
 步隊以三分之一用前膛鎗其餘均用後膛鎗而沿海要隘之需
 及水雷電機之學又在該國循次舉力而行不來學往教兩層該
 國君臣初意重在往教查朝鮮義州與奉天新設之安東縣僅隔
 鴨綠江彼意欲購取機器邀往教師由中國揀派明幹人員即在
 安東設局傳習製器操兵之要仍不時遣人到津通聲息而便觀
 摩惟機器購之西洋非經年不能運到應由該國先選聰穎藝徒
 來津就現成之器師取工之巧可以事半功倍俟其粗得門徑然
 後器匠同歸即教者亦易為力此製器之宜來學而後往教也鎗
 隊礮隊操法不同若先派數員往教恐言語不通即步伐止齊口
 令手法呼應不靈若先選該國弁兵數十人來津分隸各隊朝夕
 操演耳濡目染所得較多俟鎗礮購到然後隨同所派之員歸司
 幫教庶可遞相傳授此練兵之宜來學而後往教也該道等將此
 數端與該使臣往復籌議擬具節略均甚周妥惟舉辦之遲速購
 器之多寡視乎該國經費之優絀非該使臣所能預定應俟歸報
 國王與其大臣妥商定議臣飭局先選來福前膛鎗十桿酌配子
 藥銅帽各項毛瑟後膛馬鎗十桿連後門子二千箇交該使臣攜
 帶回國俾該國觀其式樣稍知梗概除已飭下元圭回京候
 旨外謹將擬具來津學習製器練兵各條鈔呈
 御覽擬請
 敕下禮部查照該國王相度便宜自行酌辦李裕元寄書兩亦
 即妥為答覆俾知領會所有遵籌朝鮮學習製造兼練兵購器事
 宜恭摺由驛覆陳是否有當伏乞

皇太后
 皇上聖鑒訓示謹
 奏

奏稿三十八

三

謹將朝鮮派人來學製器練兵分條擬具清單恭呈

御覽

製造一事所包甚廣不可分別難易緩急中國創立各廠十有餘年費用餉項約數千萬得入門徑始知有必須自造者有不必自造者茲為該國籌畫當擇易辦而急需者行之如鎗礮既購辦矣而子彈須源源接濟若專恃購辦必有緩急難恃之虞此必自行製造者一也軍械常有損壞修理必藉機器此必自行製造者二也蓋行造必自邇登高必自卑所用機器除造後膛鎗子須全分機器此外不必全藉汽機應以人力運動者為宜可擇汽機小者購一二具以運車床刨床鑽床而已軍械之中火藥為最要西藥佳處全在硝磺提淨壓至結實礮工與臼舂之工無異機器礮盤似可省也僅購提硝器具壓水機器皆用人力者則省費約十

奏稿二十八

單

之六七至於造鎗子銅壳非購全副機器不可如購辦各種軍械器具之議既定則擇該國年十五六以至年二十歲者數十人分入兩局學習各種技藝其選擇之人除畫圖汽機而外應於該國素業銅鐵木各工匠內心思靈巧者選派來學如欲驟效恐亦不能緣製造之學無窮盡也俟期年後略得要領及器具購到則隨之回國自有把握庶不致茫然無從下手矣

一畫圖本諸算學為製器之根源須擇年十五六聰明而有悟心能通文義者四人分隸學習工師之才由此出焉其學無止境
一木樣廠凡製一物必須先做木樣應擇該國木工有心思年二十內外者四人分隸學習
一翻沙廠此種工夫較易學習惟鑄化銅鐵習練眼力分別火色配合料作亦非易事須擇年力精壯有膂力有心思者四人分隸

學習

一鎗子廠捲銅廠機器繁多應選四人專入東局學習
一機器廠須覓為選派應擇年十五六者四人按照車床隨師教導但車床工夫是以機器製器能知換用車刀分配齒輪便入門徑惟執錘用鑿用錐以手製器工夫較難修鎗工夫亦應學習此四人應分隸兩局學習

一火器廠須擇年十五六者四人分隸學習配合拉火藥藥各料

一電氣房須擇年二十以內者二人專隸南局學習電引電機電表各種技藝為水雷引電之用蓋電學理極精微機關奧妙最難深造如聰明過人學之亦可漸入門徑

奏稿二十八

單

一製火藥應擇該國向習此藝者三人專隸東局學習不必年輕為其已入門徑自知慎重則進益較易

一製礮水應擇年二十內外聰穎者一人專隸東局學習
以上其計約三十八人分入兩局學習居住之處兩局各有工匠住房無庸贅言

練兵購器兩事該國習官書稱王城現兵三萬馬兵居其一步兵居其九此時既擬練兵應分礮隊馬隊步隊為用器之則除馬隊三千已有成額則步兵二萬七千之中應分三千為礮隊礮可少用而礮兵不可少練也馬兵三千應備馬鎗若全用後膛則經

費太鉅不用後膛則禦侮無資擬以前膛後膛各半後膛用德國毛瑟鎗前膛用英國恩費爾來福鎗其餘步隊二萬四千以四千人分執雜器應以二萬人執鎗即或用一半後膛其經費已恐難措應以三千桿為後膛鎗一萬七千桿為前膛鎗費用較省由漸而人力或能支礙位一項專宜求精與其購英法之前膛礙不若專購德國克鹿卜後膛鋼礙該國沿海要隘無從懸擬若以行仗論之至少亦須四磅窄輪後膛礙十八尊過山後膛礙十八尊連子彈價值費用已須六七萬兩合前後膛鎗子銅帽各款已約二十餘萬而沿海要隘之需仍不在此數之內是在將來循次量力舉行更及水雷電機之學至於練兵似宜先來學而後往教鎗隊礙隊操法各有不同若先派數員往教不但目前無器可習即步伐止齋口令手法殊難徧及且言語莫通事事倚仗通事是則教者之情難以周達而學者之心志亦無所適從必須先選該國精明強壯之弁兵數十人分隸天津鎗隊隊朝夕專習俟鎗礙購到亦將期年而一年之中該弁兵耳聞目見志求心得必能驟有規模然後隨同所派之員帶器同歸分司幫教則教者易教而學者易學矣此練兵一層必須先來學而後往教者也合將約議代購鎗礙經費附開於後

擬以三千人為礙兵用克鹿卜四磅後膛礙十八尊連車架每尊約價銀一千五百兩計銀二萬七千兩每礙配子三百筒共五千四百筒每筒約價銀一兩計銀五千四百兩用克鹿卜兩磅過山後膛礙十八尊每尊配子三百筒價與前相等

擬以三千人為馬兵用後膛馬鎗一千五百桿每桿約價銀六兩計銀九千兩每鎗配子五百粒共七萬五千粒每千粒約價銀二

奏稿二十八

聖

奏稿二十八

聖

十二兩計銀一萬六千五百兩用前膛馬鎗一千五百桿每桿約價銀三兩六錢計銀六千五百四十兩

擬以二萬人為洋鎗步兵用後膛鎗三千桿每桿約價銀九兩計銀二萬七千兩每鎗配子五百粒共一百五十萬粒每千粒約價銀二十二兩計銀三萬三千兩用前膛鎗一萬七千桿每桿約價銀三兩計銀五萬一千兩共配用銅帽一千七百萬粒每萬粒約價銀八兩計銀一萬三千六百兩

以上共計銀二十二萬一千四百四十兩

擬議朝鮮來學章程片 光緒六年九月二十七日

再臣督同津海關道鄭藻如等詢議朝鮮製器練兵事宜擬定大概規模已專摺具陳在案據該使臣卞元圭呈稱朝鮮武備早宜購求所以遲至今日者實因外濬私購戎器有干例禁迨時勢既迫始敢籲請猶恐緩不濟急又稱該國義州距營口僅六百里由營口附輪船直達天津不過數日或自津門航海東駛可徑泊該國黃海道之長淵豐川兩府將來領運器械來學員弁當從海道為便捷等語雖格於定例而軍需緊要未便過涉拘泥轉阻其嚮化之誠因飭鄭藻如等與該使臣酌議章程四條於通融中略示限制查外藩派人來華習武本屬創舉自應因時變通如選派人員一條令其自備資斧以免供億之煩仍許借給住房用示綏懷之誼往來道路一條惟來學之員弁兵匠及領運器械准其暫從海道此外朝貢及常行公事仍須恪遵

奏稿二十八

奏

成憲斟酌於經權之中似尚無甚流弊給發憑票一條所以備稽查而便約束至從人不必多派亦不得私帶商販貨物關稅可免短絀公文分咨一條若循向例朝鮮來文須由禮部轉行然練兵學藝購器諸物皆屬刻不容緩設事事由禮部核轉在該部既滋煩瑣兼恐有誤機宜今令該國分咨禮部及臣衙門以免迂折而昭迅速仍由臣隨時奏明辦理凡此四端皆已再三籌度不厭精詳謹將擬議來學章程鈔呈御覽是否有當伏乞聖鑒訓示施行謹附片具奏

謹將朝鮮齋咨官卞元圭與津海關道鄭藻如等擬議該國員弁來學製造操練章程錄呈

御覽

一擬選派三十八人分入東南兩局學習製造以兩員分管之通事傳語者東局用二人南局用一人又選派精明強壯弁兵四十人分隸親軍鎗礮營內學習操練亦以兩員分管之通事傳語者二人以上共以八十七人為額資斧火食等項皆朝鮮國自備惟住房由中國借給

一朝鮮國朝貢信使往來所經道路自必永遠成憲惟此次派人來學係屬破例之舉若得徑從海道更覺便捷且製造操練等事一二年內當可探討門徑為期不至過久擬請酌量變通奏咨立案暫由海道來往不在期請常行公事之列除來學之弁

奏稿二十八

奏

兵學徒委員通事從人而外別人別事不得援照辦理至朝鮮國請中國代購軍械機器等件俟購到後由中國咨照朝鮮方可派員從海道前來領運一委員弁兵學徒通事人等由北洋大臣衙門給發空白憑票交朝鮮國按名填給并造名冊呈送北洋大臣衙門及禮部備查到中國後遵守中國規矩專心聽教儻或不遵約束由中國官發交派來委員查核辦理至隨從之人數用為止不必多派亦按名給予憑票附列冊末一體遵奉約束不得私帶商販及一切貨物一凡屬練兵學藝購器軍務公文由朝鮮國王咨禮部及北洋大臣衙門以歸便捷

朝鮮通商西國片 光緒六年九月二十七日

再朝鮮與西人通商一事係其今日謀國要圖臣前奏明俟覆李裕元兩仍擬善為開導冀有轉機惟李裕元致仕家居雖尚得與聞朝政而一切謀議設施究由該國君相主持此次齎奏官卞元圭來津謁見臣與筆談良久觸類引伸俾徐悟保邦之大計即臣上年七月致李裕元一函彼亦知為忠告因與開誠布公迎機善導剴切而詳示之聞朝鮮與日本通商數年尚未收稅彼並不知稅額重輕臣告以西洋各國通例令勿為日本所蒙且知重稅之有裨國計朝鮮與法美有怨慮其見侵臣告以法美志在通商並無用兵強佔之意而俄人則窺伺甚急朝鮮東北海口與俄接界防禦太疏臣告以德源永興口既非日本開埠僅俄人以兵船闖入或先禮後兵應派員相機接應酌允通商議約免致動兵後格外喫虧朝鮮欲在德源埠築壘置礮恐為日本藉口臣告以東西各國通商口未有不築礮臺以自防護者乃係自主之權凡此皆所以破其惑而使之自強開其意而使之自悟該使臣似聞所未聞中心悅服一切俟歸報國王妥為酌度當不至如從前之扞格查朝鮮三面環海其形勢實當東止洋之衝而為盛京吉林直隸山東數省之屏蔽其民人能耐勞苦物產亦非甚絀五金煤鐵之礦未經開采儻為俄人佔踞與吉林黑龍江俄境勢若連雞形如拊背則我東三省及京畿重地皆岌岌不能自安關係甚重日本近與開埠陽為各國先容而陰嫉朝鮮堅拒其意亦甚臣測茲欲杜俄日之隱謀惟有與泰西各國一律通商尙可互相牽制子然常存然聞見以閱歷而始廣風氣山倡導而漸開該國於製器練兵既知加意講求商

務一端或終有擴充之望謹照錄卞元圭筆談問答節略恭呈御覽除咨總理各國事務衙門知照外謹附片密陳伏乞聖鑒謹奏

奏稿三十八

聖

謹將九月二十二日接見朝鮮齋咨官下元圭筆談問答照

鈔恭呈

御覽

問該國相臣何名

下答領議政李最應六十六歲今王叔父宗親封君初為興實君

問議政亦稱中朝之軍機大臣否其人中外政務兵事均洞悉否

下答議政即古之丞相中書令平章事也中外諸務均得與聞

問與日本通商兩口曾設關否歲增稅項若干

下答東萊口已有關德源口方設關未完稅額尚未一定

問東萊開口已數年何以稅額尚未定聞日本輪船常至豈能有

貨無徵

下答兩口俱完工程行將一併定稅

問中國初設洋關未知西國通例按貨值百抽五貴國定額擬值

百抽幾

下答此在兩國論定廟堂必有成算而陪臣位下無由預知敢問

抽幾庶可得中

告以泰西各國大率入口稅重出口稅輕土貨出口稅輕所以惟

又分別貨之貴賤銷之暢滯酌定等差有每百抽二三十者有每

百抽十數者故歲入較多中國初不知此例為西人所蒙進出口

概定為值百抽五條約既定至今一成不可易雖販運內地加半

稅二五然喫虧實多貴國甫開通商稅額必須加重可以自主否

則各國援例而來必有後悔

下答出入口稅參酌輕重實維石書指教敬當據以歸告思所以

恤吾民利吾產仰副德意之萬

問吾去年七月致李太師密面勸與西國通商蓋稔知各國見日

本開埠必有繼往來索者貴國主意見早自定若不得已而與各

國通商再加稅則利可在我安定條約害亦有限不圖貴國眾議

不以為然而各國覬覦終無已時兵力又恐不能自守為害甚大

下答此國之大事陪臣雖位下人微亦有所聞矣非不知前秋密

函下示備極忠告而特因與彼有怨未便遽和謹將尊教一一歸

告

問所謂與彼有怨想指法美兩國前事而言聞法美尚不欲遽加

兵但求通商而已俄界逼近實欲在東海開拓口岸土地目下兵

船腐集海參威圖們江一帶與貴國擊柝相聞貴國何以備之又

聞貴國民人在俄界貿易工作者甚多彼得藉以偵察虛實貴國

官府向與有文書往來否

下答俄之為虞浮於法美小邦之非陸即慶興慶源等地嶺巒逐

末之類種種越去為其藉備則偵探虛實想亦必然之勢也但犯

越者為本國所獲法不容貸故概一往不返邊民有爭桑之漸邊

臣或有文書開解云非有按例往來

問德源永興海口聞各國艦艇形勢險固為東海之最俄人有意

圖之貴國於該口有礮臺兵船否於此甚為焦系請以實告

下答海口要害雖有礮臺然船是木板礮皆舊製庸是憶憶從前

小邦之事全仗中堂維持今當艱危之秋伏願加倍留意仰紆

重宸東顧之憂俯慰編氓止拱之誠無任祈懇願祝之至

謂俄人詭詐異常吾曾詢有此意否答云無之然各國從旁窺探

船竟回貴國須早留意

下答武經云知彼知己百戰不殆所以寡君憂慮遠戶加偵刺
 來咨有疆鄰窺視之語即謂此事也苟非中堂視均一室誰肯明
 教而代籌其將來耶伏乞速加詢探而亦或有鎮壓排解之道更
 願隨機方便保無他患千萬至祝固知早蒙關垂無待陪臣縷白
 然情窮勢迫安得不屑瀆乎庶可原其心而有其罪矣
 問鄙意未與口既准日本通商俄人遂以兵船闖入或先禮後
 兵貴國須派委員與之接應相機酌允通商議約如何議法權仍
 在己此即排解之道若待動兵後議約喫虧甚矣
 下答敬當一一歸告而鎮壓之要在乎中堂伏願特垂終始之惠
 焉小邦咸鏡道即國祖康獻王肇基之地也四世仙蹤於是乎安
 且五金之類於是乎產其民勇而無謀習於騎射堪稱北方之剛
 惟是德源元山為陸海咽喉所以小邦多年祈禱竟萬不獲已
 而許其開埠矣儼或有事於此地則咸鏡一道非我之有何則扼
 其喉則呼吸豈能通乎握管焦心不知所裁
 告以中國陸軍向可自立水師仿造兵輪船隻僅能自護口岸
 剿辦土寇或與他小邦角勝若俄水軍強盛目下吾力尚未足與
 馳逐大洋其勢實未便遠顧東海即未敢云鎮壓貴土未與一帶
 也俟數年後鐵甲快船稍備鄙意令其出巡偶泊貴國海岸各口
 聊作聲援蓋本大臣北洋轄境與貴邦海岸毗連若一家本無
 畛域現今力量萬難兼營若俄意不測貴國委蛇待之騷擾勿絕
 亟圖練兵製器自強之策猶可為善國也泰西通例公法無無故
 稱兵奪人土地者若堅拒固閉彼得有詞不可不熟慮之
 下答先禮後兵先禮固當商敵為資未可預料而德源埠頭
 之役已自春開經始矣今忽添築礮臺多排大礮則日本之人必

將藉為口實若束手坐待尤非禦侮之策伏乞明賜指教俾有率
 從千萬祈懇
 告以東西各國通商口未有不堅築礮臺以自防護者日本似不
 能藉口果相詰問答以此係我國自主萬國通例但須約束弁兵
 不得滋事耳
 下答謹承明教辭旨鄭重披露無隱忝在下風曷任感激數年之
 後轉境巡泊咸鏡所被想足震懾而目下憂慮靡所止肩竄君智
 勇仁明諒有以善後而陪臣漆室之見自不免憧憧竊有鄰邦滋
 戚之事琉國為日本侵奪即公法所不許也天下各國其將公議
 而興亡繼絕乎
 告以日本之於琉球自謂前明中葉即為藩屬併球後以新聞紙
 徧告各國各國亦輕信之公法乃泰西所訂東土未必照行但各
 國通商公共之口一國不能獨佔佔之則必羣起而爭故去秋密
 商貴國酌允各大國通商亦慮俄日之將有事於朝鮮也
 下答無論鉅細歸候實君斟酌
 問貴國所求派人學自製器練兵各事業令諸位道臺與之妥議
 數日昨呈略摺大端已甚詳晰貴官能遵允否
 下答此事係前古所未行素意所不畜乃敢咨請者仰恃
 大朝之於小邦有顧必從無願不遂之
 德意亦維我中堂眷比之惠澤如有所教敢不奉遵
 告以茲有節略草稿一本望攜回細閱條議具覆或有疑難再與
 諸道酌商轉稟
 下答各條周密精核無庸更議若有事時乞從海道往來前布告
 於諸位道員諒蒙鑒燭

告以朝貢信使來往必須恪遵成憲此係破例之舉若徑從海道
自更便捷仍令諸道會商妥議章程憑票等事呈候具奏請
旨定奪
下答陪臣前日仰請本自如此而不必今日明日隨便裁處惟圖
濟事

奏稿三十八

至

鮑超赴防片 光緒六年九月二十七日
再湖南提督鮑超於九月初六日由武昌乘招商局輪船北來沿
途擱淺於二十三日行抵天津與臣晤商一切擬俟該軍馬步各
營陸續到齊調聚灤州認真操練以備游擊之師該提督即於二
十六日自津啟程前赴防所察度布置理合附片具陳伏乞
聖鑒謹
奏

奏稿三十八

至

李文忠公奏稿卷三十八

李文忠公奏稿

卷之三十九目錄

安籌球案摺 光緒六年十月初九日
 州縣兵差報銷摺 光緒六年十月十五日
 庫防仍請免調片 光緒六年十月二十四日
 劉銘傳力疾赴京片 光緒六年十一月二十六日
 機器局經費奏報摺 光緒六年十一月二十六日
 請提東省黃河協款片 光緒六年十一月二十六日
 派丁汝昌赴英收船片 光緒六年十一月二十六日
 續收賑捐數目摺 光緒六年十一月二十六日
 安議鐵路事宜摺 光緒六年十二月初一日
 議覆張家驥爭止鐵路片 光緒六年十二月初一日
 議覆梅啟照條陳摺 光緒六年十二月十一日
 議覆陳本植條陳片 光緒六年十二月十一日
 裁撤張家口糧臺摺 光緒六年十二月十一日
 籌辦察哈爾防餉摺 光緒六年十二月十一日

李文忠公奏稿卷三十九

全集一之三十九

安籌球案摺

光緒六年十月初九日

桐城吳汝綸編錄

奏為日本議結球案牽涉改約事宜緩允遵

旨切實安籌恭摺仰祈

聖鑒事竊臣承准軍機大臣密寄十月初四日奉

上諭前據總理各國事務衙門奏議結琉球一案又據右庶子陳

寶琛奏琉球不宜遽結舊約不宜輕改當經醇親王等酌議宜照

總理衙門所奏辦理業經允准旋據左庶子張之洞奏日本商務

可允球案宜緩復經醇親王等議以日本與俄深相要結又與福

建江浙最近今若更動已成之局未必甘心且恐各國從而構煽

卒至仍歸前說或併二島而棄之益為所輕等語自為揆時度勢

聯絡邦交起見惟事關中外交涉不可不慎之又慎李鴻章係原

議條約之人日本情事素所深悉該督統籌全局將此事應否

照總理衙門原奏辦理並此外有無善全之策切實指陳迅速具

奏總理衙門摺片各一件單三件陳寶琛張之洞摺各一件均著

鈔給閱看等因欽此仰見

聖主齊於馭遠慮衷采納不厭精詳曷勝欽服從前中國與英法

兩國立約皆先兵戎而後玉帛被其迫脅兼受朦蔽所定條款喫

虧過鉅往往有出地球公法之外者厥後美德諸國及荷蘭比利

時諸小國相繼來華立約斯時中國於外務利弊未甚講求率以

利益均霑一條列入約內一國所得諸國安坐而享之一國所求

諸國羣起而助之遂使協以謀我有固結不解之勢同治十年日

本遣使來求立約曾國藩始建議宜將均霑一條刪去及與該

使臣伊達宗城往復商訂並載明兩國商民不准入內地販運貨物限制稍嚴嗣後該國屢欲翻悔均經駁斥自是祕魯巴西立約亦稍異於前誠以內治與約章相為表裏苟動為外人所牽制則中國永無自強之日近聞各國駐京公使每有事會商日本獨不得與其尚未聯為一氣者未始不因立約之稍異也至內地通商西人以置買絲茶為大宗資本較富稍顯體面日本密運東鴨文宇諸商略同其人貧窘貪利無恥一開此例勢必紛至沓來與吾民爭利或更包攬商稅為作奸犯科之事明代倭寇之興即由失業商人勾結內地奸民不可不防其漸此議改舊約尚宜酌度之情形也琉球原部三十六島北部九島中部十一島南部雖有十六島而周迴不及三百里北部中有八島早被日本佔去僅存一島去年日本廢滅琉球經中國屢次理論又有美前統領格蘭武

與總理衙門商謂中國若分

近接總理衙門函述日本所議臣因傳詢在津之琉球官向德宏始知中島物產較多南島貧瘠僻隘不能自立而琉球王及其世子日本又不肯釋還遂即面商總理衙門謂此事可緩則緩莫免後悔此議結球案尚宜酌度之情形也臣接奉寄諭始知已成之局未便更動而陳寶琛張之洞等又各有陳奏正籌思善全之策適接出使大臣何如璋來書並鈔所寄總理衙門兩函力陳利益均霑及內地通商之弊語多切實復稱訪球王謂如宮古八重山小島月立三子不止五家不願開國臣民亦斷斷不服南島地瘠產微向隸中山政令由其土人自主今欲舉以界球而球人反不敢受我之辦法亦窮等語臣思中國以存琉球宗社為重本非利其土地今得南島以封球而球人不願勢不能不派員管理既始義始利終之嫌不免為日人分謗且以有用之兵餉守此甌脫不毛之土勢費正自無窮而道里遼遠音問隔絕實覺孤危可慮若憚其勞費而棄之不守適墮日人狡謀且恐西人踞之經營壘闢扼我太平洋咽喉亦非中國之利是即使不議改約而僅分我以南島猶恐進退兩難致貽後悔今彼乃議改前約儻能竟釋球王昇以中南兩島復為一國其利害尙足相抵或可勉強允許如其不然則彼享其利而我受其害且並失我內地之利臣竊有所不取也謹釋總理衙門及王大臣之意原慮曰本與俄要結不得不揆時度勢聯絡邦交洵屬老成持重之見然日本助俄之說多出於香港日報及東人恫喝之語議者不察遂欲聯日以拒俄或欲暫許以商務皆於事理未甚切當查陳寶琛摺內所指日本兵單餉項煩瑣人爭權自顧不暇倭人畏俄如虎性又貪狡中國即結以甘言厚賂一旦中俄有變彼必背

盟而趨利均在意計之中何如璋節次來函亦屢稱日本外強中乾內變將作讓之不能助我不讓亦不能難我洵係確論蓋日本近日之勢僅能以長崎借俄屯駐兵船購給煤米彼益貪俄之利畏俄之強似非中國力所能禁也豈惟日本一國即英德諸邦及日斯巴尼亞葡荷牙各國皆將伺俄人有事調派兵船名爲保護商人實未嘗不思藉機漁利是俄事之能了與否實關全局俄事了則日本與各國皆戢其戎心俄事未了則日本與各國將萌其詭計與其多讓於倭而倭不能助我以拒俄則我既失之於倭而又將失之於俄何如稍讓於俄而我因得借俄以懾倭夫俄與日本強弱之勢相去百倍若論理之曲直則日本之侮我爲尤甚矣而議者之謀若有相反者此臣之所未喻也至若江蘇之上海浙江之甯波福建之福州廈門均係各國通商口岸日本即欲來擾既無此兵力倘力亦必不敢冒罪於西人惟臺灣孤懸海外地險產饒久爲外人所窺伺荷經理得宜亦足控敵東南應請廟設加意區畫漸收成效中國自強之圖無論俄事能否速了均不容一日稍懈誠以洋務愈多而難辦外侮愈至而不窮不可不因時振作臣前奏明南洋須合購鐵甲船四號其數斷難再減所有請撥准商捐項一百萬兩僅在戶部議撥四十萬不敷尙多應請

旨飭令全數撥濟各省關額撥海防經費前經奏明嚴定處分章程仍未如額籌解備再延玩尙擬請

旨嚴催水師電報各學堂亦已陸續興辦數年之後船械齊集水師練成聲威既壯縱不必跨海遠征而未始無其具日本擴張之氣當爲之稍平即各國輕侮之端或亦可漸弭又總理衙門慮及

日本於內地運貨蓄意已久轉瞬修約屆期則彼必力請均霑之益或祇論修約不提球案恐前此南嶺而失之愚以爲南嶺得失無關利害兩國修約須彼此互商斷無一國能獨行其志者日本必欲得均霑之益儻彼亦有大益於中國者以相抵未嘗不可允行若有施無報壹意貪求此又當內外合力堅持勿允者也臣再三籌度除管理商民更改稅則兩條尙未訂定應俟後日酌議外其餘球案條約及加約會聲明由

御筆批在於三箇月內互換嗣謂限滿之時不在之權仍在朝廷此時似宜用支展之法專聽俄事消息以分緩急俟三月限滿儻俄議未成而和局可以豫定彼來催問換約或與商展限或再交廷議若俄事於三箇月內即已議結擬請

旨明指其不能批准之由宣示該使即如微臣之執奏言路之諫

諍與彼之不能釋放球王有乖中國本意皆可正言告之者臣料倭人未必遽敢決裂即欲決裂亦尙無大患

明詔既責臣以統籌全局切實指陳臣不敢因

朝廷議在在先出爲迴護亦不敢務爲過高之論致礙施行若照以上辦法總理衙門似尙無甚爲難之處所有日本議結球案牽涉改約暫宜緩允遵

旨妥籌緣由恭摺由驛五百里密陳是否有當伏乞

皇太后

皇上聖鑒訓示謹

奏

州縣兵差報銷摺

光緒六年七月十五日

奏為查明直隸各州縣自同治九年起至光緒四年年底止供應兵差各款循例案核實報銷恭摺仰祈

聖鑒事竊直隸各州縣供應兵差前已截至同治八年十二月底止造冊奏銷並將軍需報銷總局裁撤統令藩司經理以歸節省其時直隸雖已肅清而陝甘新疆各路軍務倥傯庫倫烏里雅蘇臺科布多一帶籌防緊要時有調撤官兵轉運軍火餉械采買戰馬駝隻等項過境皆飭各州縣供支並於上年八月奏明陸續造冊報銷並以其中有應酌量變通者如帶兵官弁廩給跟役馬匹等項本須按品級核計但各屬冊報往往參差歧異若必逐一查不特輾轉往還稽時日且各營或已遣撤或已改調更難查考應將原營送到銜名各起照舊辦理外其未送到者即按上下

站冊報比對有銜名參差則以最小之品級為準多寡不符則以最少之數為準毋庸各取各原營銜名又遣撤東三省察哈爾熱河密雲等處官兵如未經奏明咨回原處者舊章不支車輛廩給惟該官兵到境總以餉口無資紛紛索取並有傷病之人情甚可憫勢難概不應付且東三省官兵多有赴兵部請給護牌者尤不能不照牌應付自應無論遣撤時曾否奏明凡有兵部護牌者均准報銷又兵差車價應屆奏定章程每車每百里准銷實銀一兩守候一日實銀四錢外銷津貼銀票各半銀一兩惟鈔票業經停止應按停票章程一律改給六成實銀仍照舊於停攤捐廉籌補改攤軍需項下彌補又運送軍火照例以六百斤給車一輛餉銀六千兩給車一輛近年災歉頻仍車畜短少覓雇不易應照兵差車價章程每車每百里准銷實銀一兩守候一日實銀四錢併外銷

津貼實銀六錢又兵差銷案自奉行鈔票以後除車價外其官員廩給兵丁跟役口糧馬駝乾銀船腳米折各屬添設腰撥夫馬工料等項向按銀票各年造銷者應照停票章程概給六成實銀均經奏咨立案飭據藩司任道鎔檢齊各屬送到銷冊查照例章分別駁減詳細旬稽計自同治九年正月月起截至光緒四年十二月底止直隸各州縣供應征調遣撤各路官兵暨運送軍火餉械等項其例銷車價實銀十六萬八千四百九十四兩六分一釐三毫

津貼車價實銀六萬五千八百兩二錢六分五毫四絲馬駝乾折棚廠脚實銀二萬二千二百七十八兩八錢船脚米折實銀五兩六錢八分八絲廩給口糧實銀八千二百五十六兩四錢四分七釐官兵房租實銀二萬七百兩七錢三分五釐添設腰撥工料棚廠價值等項實銀六萬二千六百兩三錢六分二釐一毫四絲二忽

四微統共應銷實銀三十四萬三千五百一十一兩三錢四分六釐六絲二忽四微內房價一項均係隨時向民間租賃例定價銀殊屬不敷現仍按例價造報應照歷次准銷成案核給實銀庶免賠累至應銷銀兩有已經撥款給發者有各屬先行籌墊者統俟接准部復由司分別核扣撥發清款其津貼車價仍照案分年接續攤補等情具詳前來臣覆加查核無異除清冊分送戶兵工部查照外所有查明直隸供應兵差各款核實造冊報銷緣由理合恭摺具陳伏乞

皇上聖鑒敕部核銷施行至此大報銷係按各州縣已報者核造此外尚有未經造報及所報供應兵馬各差或無營分可稽或無斤重可核行查尚未覆到應俟查覆彙入光緒五年以後兵差案

奏 內列銷合併陳明謹

Blank area for the top document's main text.

奏稿二十九

八

庫防仍請免調片

光緒六年十月十五日

再臣欽奉十月初五日

旨諭奕榕等奏請飭調軍防守一摺據稱前經咨商李鴻章調撥宣化練軍二百五十名赴庫以資鎮攝嗣准李鴻章咨覆難以抽調現在防務緊要請飭或仍酌調宣化練軍或挑選各鎮原營步隊一二千名赴庫等語宣化練軍暨直省步隊能否調撥著李鴻章酌度具奏等因欽此遵查宣化邊防千餘里北口內外要隘甚多現僅練軍馬隊千人實屬自顧不遑無從抽調業於七月十四日詳細覆奏奉

旨允准此外各鎮步隊本屬有限因值海防緊要已陸續調赴津沽新城北塘一帶五千餘人存營之數益少向例冬令必須派隊分防內地東西南北各大道巡緝盜賊護送行旅直境幅員遼闊

奏稿二十九

九

各州縣紛紛稟請尙無以應委難調撥他往庫倫既有原調宣軍馬隊二百五十人就地選練蒙兵四千人聲威稍壯自不宜再調直軍轉致畿防空虛除咨庫倫辦事大臣知照外理合附片覆陳伏乞 聖鑒 謹 奏

Blank area for the bottom document's main text.

劉銘傳力疾赴京片 光緒六年十月二十四日

再疊奉

諭旨飭催劉銘傳迅速來京以備任使當即欽遵轉行去後茲劉銘傳於十月二十日由輪船抵津接晤之餘據稱左目尙形昏障須就洋醫調治臣因

國家需才孔急之際

清問屢及稱用方殷該提督於中外局勢瞭然於胸忠勇謀略冠越諸將治軍簡器務求精實退歸十載養精韜晦意氣頓平而談及時艱艱果剛勁之色猶時時見於眉宇實為干城腹心之選力勤其仰副

恩命迅速北上該提督感激奮發遂擬於二十六日力疾起程赴京理合附片覆陳伏乞

聖鑒謹

奏稿三十九

十

機器局經費奏報 光緒六年十一月二十六日

奏為天津機器局光緒四五年分動用經費各款循案開單奏報恭摺仰祈

聖鑒事竊查天津機器局經費奏明動撥津海東海兩關四成洋稅作正開銷截至光緒三年分止業經督飭局員將支銷款目查照歷屆成案開列清單具奏並經總理各國事務衙門奏准津滬兩局每年成造鎗礮及各項經費除照章開單報部外仍令每年詳細知照該衙門一次以資考證等因咨行遵照在案臣查津局承造軍火供給北洋海防諸軍兼備各省咨取均屬要需而近年四成洋稅支用不敷固當以動撥之款核製成之數俾無虛糜尤當於求精求速之中博節變通有應隨時增以資周備者有應相時緩急以劑盈虛者全賴局員等悉心籌畫斟酌得宜光緒四五年間該局添置提礮廠藥器及分製切藥等房又廠庫

奏稿三十九

二十餘間自造各新式機器逐項推廣其各項軍火照常製造外各營漸多後門鎗議令減造銅帽為多製後膛子彈之用所造林明敦鎗發管領操並稱精利合法以核費與購價懸殊當飭停止俾可兼顧他工分設電機水雷學堂其生徒已派赴海口各司電報水雷等事局內仿造電機及沈雷桿雷均足備用茲據承辦局員津海關道鄒藻如天津道吳毓蘭候補道許其光等詳稱光緒四年分製成各項火藥五十六萬五千三百五十五磅六兩銅帽三千八百九十九萬顆林明敦後門兵鎗三百二十枝格林後門子彈一百三十七萬六千顆前膛開花礮彈大小六萬三千四百二十二顆後膛鎗鉛來福礮彈五千四百四十四筒各式銅紙拉火十四萬八千一百二十枝大小水雷四十六筒鍋礮及車牀等器七十七

具五年分製成各項火藥六十五萬一千八百三十三磅銅帽二千八百三十五萬顆林明敦呔士得格林等後門子二百四十五萬二百顆前膛開花礮彈大小六萬六千五百七十四筒後膛礮鉛來福礮彈九千六百六十一筒各式銅紙拉火二十一萬三千五百十五枝一十磅至四十磅水雷一百四十九筒各式機器四十具又兩年以來製鍊礮水礮捲銅皮約成五十五萬餘磅添修各廠各營及輪船蚊船銅鐵器具約五萬六千餘件動用經費上屆報銷案內原存銀二萬三千九百七十六兩六錢二分六釐六毫九忽存料約值銀十五萬九千兩光緒四五年分其領海關四成洋稅銀三十三萬八千九百一十二錢三分二釐又收北洋海防經費協款項下沙平折實庫平銀十二萬二千六百三十二兩九錢八分六釐七毫計實其支用銀四十八萬二千五百三十九兩五錢一分二釐三毫七絲五忽仍存銀二千一百一兩三錢三分二釐九毫三絲四忽存料約值銀十六萬一千兩以上兩年用項委因成造日夥兼支應電機水雷局挖河機器船行營製造局等處動款較繁製成軍火有徑發各營月操之件有彙解海防軍械所儲放之件其存留該局廠庫者逐項清釐款目符合均係節慎支用涓滴歸公並無絲毫冒濫惟製造向宗西法料件購自洋商均無例價可循懇仍援照舊章開單請奏前來臣查光緒四五年分係現任天津道吳毓蘭駐局督辦該道補授實缺復委候補道許其光會辦均能與津海關道鄭藻如妥慎籌商力圖兼顧一以恪守成規一以殫求新製西洋機器之用日出不窮或同一子彈而機關迥異同一火藥而塊粒攸分海防各營各船既有此械即當接濟其應採之需近又訂購快礮鐵甲等船將來藥彈器物並應責

成該局承辦事宜繁瑣詳各節臣核其兩年用項毫無浮冒與上屆比較相符成件頗有增益當此有事之秋供億尙能取給存儲不致無餘具微該道等督率有方功歸實濟應援照向章繕具簡明清單恭呈御覽合無仰懇天恩敕部查照成案准銷除分咨戶工二部查照並遵造每年成件及撥用存留數目簡明清冊咨送總理各國事務衙門備查外所有天津機器局光緒四五年分動用經費據實開單緣由理合恭摺具陳伏乞皇太后皇上聖鑒訓示謹奏

奏稿三十九

七

請提東省黃河協款片 光緒十年十一月十二日

再直境黃河僅此一隅且地勢北高南下其利害全在東省是以
升任山東撫臣丁寶楨前於堵築買莊之役發給直民津貼勸築
東明南隄以資保衛直隸著名府若庫藏奇緝民力拮据前調各
軍加築隄身及頻年抽派練兵防汛雖用款格外撙節所費已屬
不貲此次漫口大工應用樁木枕槽草繩麻斤極巨附近存料早
因大汛搶險搜括一空須遠赴二三百里以外設法增價采購且
水陸運送不能盡資民力費又加倍隄外一片泥水取土更難練
兵本屬無多正值海防及內地冬防不得不添雇民夫寬給工價
其打樁鑿埽進占等項尤應多募河工熟手相助為理現漫口雖
勉期合龍計連本年防汛歲費銀二千餘兩已湊撥過保定練餉
局兵餉銀二萬兩大名道庫釐金及扣存綠營兵餉零星雜款銀
五萬餘兩共合七萬餘兩實在力盡筋疲無可搜索而官紳承辦
料物暫時設法借欠亟待歸還之款尙復不少又應補築大隄及
一切善後工程總共約需銀十數萬兩除已由直省竭力盡籌七
萬餘兩約不敷銀八萬兩山東撫臣周恆祺來函以事關東省利
害直力艱窘慨願助工款具徵公忠體
國力任其難東省庫儲情形雖非昔比但此次大工緊要既已不
分畛域必可迅速協籌應請
旨飭下撫臣周恆祺督飭藩運司糧道無論何款移緩就急剋日
湊提銀八萬兩星夜委員解東明工次交大順廣道劉盛藻兌
收及時濟用以全大局而免貽誤臣已飭劉盛藻吳廷斌等處
核實撥節嚴行督查不准工員絲毫浮冒此工係倉卒搶辦並非
預先勘估但求涓滴歸公亦不能牽引例價應照歷次成案事竣

李文忠公奏稿 卷三九

將用款數開單奏報免造冊報銷其東省協款直庫撥款均
即就案開除以免糜費理合附片陳請伏乞
聖鑒訓示謹
奏

奏稿三十九

五

三四一

派丁汝昌赴英收船片 光緒六年十一月二十六日

再臣於去冬飭總稅務司赫德由英國阿摩士莊商廠訂造碰快船兩號約明年春夏工成來華業經奏明在案查前購各蚊廠船係赫德金登幹由英國雇覓水師弁兵包送來華不特需費較多且沿途風濤沙澱情形駕駛要訣以及洋面如何操練機器如何快船兩號據赫德次呈稱船堅緻巨實為西洋新式利器臣已取名一曰超勇一曰揚威亟宜自派妥員前往英廠考察驗收並選帶弁兵水手續往督駕添募洋弁數名一同講求所到各處洋面隨事習練庶回華後駕輕就熟可期得力臣已派督操北洋礮船記名提督丁汝昌總教習洋員葛雷森總理兩船事宜督同管駕官林泰曾章帥收鄧世昌及弁兵舵水人等二百餘員名於十一月初航海赴滬丁汝昌葛雷森先於月內搭船赴英料理一切其餘員弁水手等先在吳淞官輪船操練俟丁汝昌等察看船成預寄電信到滬即令自行駕駛招商局輪船出洋馳往英倫升換中國龍旗管帶來華一面咨會總理衙門既出使大臣曾紀澤李鳳苞互相照料並屬赫德轉飭倫敦稅務司金登幹隨時與丁汝昌等會商籌備一切至出洋員弁兵丁應需加支薪糧盤費號衣等項飭局於海防經費項下從優籌發其船隻自英回華沿途燒煤食用各件由赫德金登幹照案妥備俾免缺乏將來該員弁等接帶碰快船到後如果沿途辦理妥協操練熟悉再由臣察核撥照出使各國人員優保之例據實奏請獎勵以昭激勸所有派撥官弁赴英驗收管帶新購碰快船回華緣由理合附片具陳伏乞

聖鑒訓示謹奏

奏稿三十九

七

續收賑捐數目 光緒六年十一月二十六日

奏為查報直省續收賑捐應獎數目恭摺仰祈

聖鑒事竊臣前因直境連遭災歉賑撫所需多賴外省集捐濟助

請將捐款按照部定新章給獎銜封兩項以資維繫欽奉

諭旨允准在案查自上年秋冬以來轉經東南各省官紳竭誠諭

勸而商富士民亦皆好義急公陸續捐湊賑撫得以舉辦民命實

多全活茲據籌賑局司道詳稱截至本年九月以前止共收過外

省本省捐款銀六十四萬五千八百五十九兩四錢五毫六絲九

忽津錢四萬四千零四十四文合銀一萬四千六百六十八

兩一分五釐大米三千二百三十六石合銀八千九百九十五

千六百五十二石六斗二升五合六抄合銀八千四百七十八兩

九錢三分七釐五毫九絲棉衣十六萬九千九百五十七件合銀十六

萬九百五十七兩統共銀錢米衣合銀八十三萬八千五百二十二兩

九錢五分七釐一毫五絲九忽去冬奏報之捐銀九萬八千兩棉

衣一萬餘件即在其內均經隨時分撥順直災區核實散放或以

工代撫所有動支數目另行循案開單彙報並即飭取捐生履歷

照章分給各部核獎其照例請建坊者如數開除現准部咨賑

捐應於何時停止查本年直境東非窪區積水未消五月間大雨

連降又增新漲六七月天氣久晴西南各屬高地被旱東明黃河

又於霜降後漫隄成口現雖將秋冬賑務將就敷衍漫口亦經堵

合而來春青黃不接災黎待哺嗷嗷並應辦大清河滹沱河各項

要工以工代撫統計所需甚巨直庫奇絀無從騰挪部帑拮据未

敢指請不得不勒捐集腋救民命一時實難停止至各省捐賑

紳民必須有以鼓舞現僅銜封兩項以虛榮得實銀無礙政體迥

與從前實官優獎不同本已不能踴躍若併此不給則絲毫無從
激勸繼驅賑務繁裝勢須另請庫帑更多窒礙自應循照奏定章
程接續勸辦俟災困漸舒再議停止合併恭摺具陳伏乞

皇太后

皇上聖鑒敕部查照謹

奏

奏稿三十九

九

奏議鐵路事宜摺

光緒六年十二月初一日

奏為鐵路為富強要圖亟宜試辦籌款立法尤宜得人豫為考究

臣等謹恭摺仰祈

聖鑒事竊臣承准軍機大臣密寄十一月初二日奉

上諭劉銘傳奏籌造鐵路一摺所請籌款試辦鐵路先由清江至京一帶與辦與本年李鴻章請設之電綫相為表裏等語所奏係為自強起見著李鴻章劉坤一按照摺內所陳悉心籌商妥議具奏原摺著鈔給閱看等因欽此仰見

聖主虛念時艱力圖振作周諮博訪不厭精詳曷勝欽服伏思中國生民之初九州萬國自為風氣雖數百里之內有隔閡不通者聖人既作剡木為舟剡木為楫舟楫之利以濟不通服牛乘馬

引重致遠以利天下自是四千餘年以來東西南朔同軌同文可謂盛事迄於今日泰西諸國研精器械創造火輪舟車環地球九萬里無阻不通又於古聖所制舟車外別出新意以奪造化之工而便民用邇者中國仿造輪船亦頗漸收其益蓋人心由拙而巧器用由樸而精風尚由分而合此天地自然之大勢非智力所能強遏也查火輪車之制權與於英之煤礦道光初年始作鐵軌以約車輪其法漸推漸精用以運銷煤鐵獲利甚多遂得擴充工商諸務惟長歐洲既而法美俄德諸大國相繼經營凡佔鄰疆界關荒地無不有鐵路以導其先迨戶口多而貿易盛又必增鐵路以善其後由是歐美兩洲四通八達為路至數十萬里微調則且夕可達消息則呼吸相通四五十年間各國所以日臻富強而莫與敵者以其有輪船以通海道復有鐵路以便陸行也即如日本

以區區小國在其境內營造鐵路自謂師西洋長技輒有藐視中國之心俄自歐洲起造鐵路漸近浩罕恰克圖等處又欲由海參崴開路以達庫倫中國與俄接壤萬數千里向使早得鐵路數條則就現有兵力儘敷調遣如無鐵路則雖增兵增餉實屬防不勝防蓋處今日各國皆有鐵路之時而中國獨無猶居中古以後而屏棄舟車其動輒後於人也必矣竊嘗攷鐵路之興大利約有九端江淮以北陸路為多非若南方諸省河渠貫注而百貨流通故每歲所徵洋稅釐金二三十萬兩在南省約十之九在北方僅十之一儼鐵路漸興使之經緯相錯有無得以懋遷則非民必化惰為勤可致地無遺利人無遺力漸臻殷阜之象其鐵路扼要之處徵收釐稅必漸與南方相埒此便於國計者利一也從來兵合則強兵分則弱中國邊防海防各萬餘里若處處設備非特無此

餉力亦且無此辦法苟有鐵路以利師行則雖滇黔甘肅之遠不過十日可達十八省防守之暇皆可為遊擊之師將來裁兵節餉併成勁旅一呼可集聲勢聯絡一兵能抵十兵之用此便於軍政者利二也京師為天下根本獨居中國之北與腹地相隔遼遠控制綦難緩急莫助咸豐庚申之變議者多請遷都率以事體重大未便遽行而外人一有要挾即欲滅我都城若鐵路既開萬里之遙如在戶庭百萬之眾剋期徵調四方得拱衛之勢國家有磐石之安則有警時易於救援矣各省仕商絡繹奔赴遠方糧貨轉輸迅速皆願出於其途誠於其市則無事時易於富庶矣不必再議遷都而外人之覬覦永絕自有萬年不拔之基此便於京師者利三也擬歲晉豫存備山西米價騰湧每石需銀至四十餘兩設有鐵路可運核以天津米價與火車運價每石不過七

兩左右以此例之各省遇有水旱偏災移粟金捷於影響可以
多保民命且貨物流轉自免居奇之弊此便於民生者利四也自
江浙漕糧改行海運議者常欲規復河運以防海運之不測鐵路
若成譬如人之一身血脈貫通即一旦海運有事百萬漕糧無虞
梗阻其餘如軍米軍火京餉協餉莫不應手立至此便於轉運者
利五也輪車之行較驛馬十倍之速從此文書加捷而頒發條教
查察事件疾於置郵他如偵敵捕盜賊皆朝發夕至並可稍裁
正路驛站以其費擴充鐵路此便於郵政者利六也煤鐵諸礦去
水遠者以火車運送斯成而銷路暢銷路暢而礦務益興從
此煤鐵大開修造鐵路之費可省而軍需利源更取不盡而用不
竭此便於礦務者利七也凡遠水之區洋貨不易入而土貨不易
出今輪船所不達之處可以火車達之出入之貨愈多則輪船運
貨亦與火車相為表裏此便於招商輪船者利八也無論官民兵
商往來行役千里而瞬息可到兼程而進費轉輕無寇盜之虞無
風波之險此便於行旅者利九也以上各端西洋諸國所以勃焉
興起者固不煩操此術而國計軍謀兩事尤屬富強切要之圖劉
銘傳見外患日迫兼憤彼族欺陵亟思振興全局先播風聲俾俄
日兩國潛消窺伺之心誠如
聖諭係為自強起見查中國要道南路宜修二條一由清江經山
東一由漢口經河南俱達京師北路二條宜由京師東通奉天西
通甘肅誠得此四路以為根本則傍路繁要之區雖相去或數百
里而地段較短需費較省即招商集股亦與情所樂就此由幹
達枝縱橫交錯不思鐵路之不振興惟統計四路工費浩繁斷難
並舉劉銘傳擬先造清江至京一路與臣本年擬設之電綫相輔

並行庶看守易而遞信漸捷洵兩得之道蓋先辦一路雖於中國
形勢尚偏而不舉然西洋諸國五十年前亦與中國情形相等惟
其刻意營繕爭先恐後故有今日之氣象劉銘傳之意蓋欲先創
規模以為後勦之端庶將來逐漸推廣不患無奮興之日也願或
謂鐵路若開恐轉使敵人來犯之途且洋人久思在中國興造鐵
路此端一起或致彼愈滋煩瀆不知各國之有鐵路皆所以徵兵
禦敵而未聞為敵用何也鐵路在我內地其臨邊處皆有兵扼守
彼豈能憑空而至萬一有非常之警則壞其一段扣留火車而路
亦無用而全路皆廢數十年來各國無以此為虞者客主順逆之
勢然也至洋人擅在他國造路本為公法條約所不准若慮其違
強爽約則我即不自造鐵路彼獨不能逞強乎況洋人常以代中
國與利為詞今我先自與其利且將要路占造庶足關其口而奪
之氣使之廢然而返矣或又謂鐵路一開則中國之車夫販豎將
無以謀衣食恐小民失其生計必滋事端不知英國初造鐵路時
亦有慮奪民生計者未幾而傍路之要鎮以馬車營生者且倍於
曩日蓋鐵路祇隔大道而州縣鄉鎮之稍僻者其送客運貨仍賴
馬車民夫鐵路之市易既繁夫車亦因之增眾至若火車盛行則
有駕駛之人有修路之工有巡視之丁有上下貨物伺候旅客之
雜役月賦工精皆足以仰事俯畜其稍饒於財者則可以增設旅
店廣以股分坐櫃子母故有鐵路一二千里而民之依以謀生者
當不下數十萬人況煤鐵等礦由是大開貧民之自食其力者更
不可數計此皆擴民生計之明證也或又謂於民間田廬墳墓有
礙必多阻撓不知官道寬廣鐵路所經不過丈餘之地於田廬墳
墓尚不相妨即遇官道稍窄之處亦必買地優給價值其墳墓當

道者不難稍折以避之劉銘傳勦捻數年於中原地勢民情固親歷稔知者也惟是事端宏大經始之初宜審之又審俾日後勿滋流弊始足資程式而行久遠臣嘗聞采眾議外洋造路有堅厥久暫之不同其價亦相去懸殊每里需銀自數千兩至數萬兩不等清江浦至京最為衝要之衝造路須堅實耐久所需經費雖未能豫定為數自必不貲現值帑項支絀之時此宗巨費欲籌之官則挪湊無從欲籌之商則散澳難集劉銘傳所擬暫借洋債亦係不得已之辦法從前中國曾借洋債數次議者恐各省紛紛援例致受洋人盤剝之累經戶部奏明停止願借債以興大利與借債以濟軍餉不同蓋鐵路既開則本息有所取償而國家所獲之利又在久遠也惟是借債之法有不可不慎者三端一恐洋人之把持而鐵路不能自主也宜與明立禁約不得干預吾

奏稿二十九

五

事但使息銀有著期限無誤一切招工購料與經理鐵路事宜由我自主借債之人毋得過問不如是則勿借也又恐洋人之詭謀而鐵路為所佔據也宜仿招商局之例不准洋人附股設立鐵路公司以後可由華商承辦而其政令須官為料理所借之債議定章程由該公司分年抽繳期於本利不至虧短萬一偶有虧短由官著追只在以鐵路為質信不得將鐵路抵交洋人界限既明弊端自絕不如是則勿借也又恐因鐵路之債或妨中國財用也往時所借洋款皆指定關稅歸償近則各關撥款愈繁需用方急宜議明借款與各海關無涉但由國家指定日後所收鐵路之利陸續分還可遲至一二十年繳清庶於各項財用無所牽掣不如是則勿借也凡此數端關係較鉅聞洋人於債項出納之間向最慎重若盡照所擬辦法或恐未必

肯借彼若肯借方可興辦與其速辦而滋弊端不如徐議而免後悔又聞各國鐵路無一非借債以成但特素有名望之監工踏勘估工之清單與日後運載之利益足以取信於人中國南北鐵路行之日久必可多獲盈餘誠設立公司名曰延一精練監工細為勘估由總理衙門暨臣等核明妥立憲單西洋富商或有願為稱貸者至鐵路應試造若干里如何選料募匠如何費省工堅非悉心考究無由握其要領一切度地用人招商借債事務繁曠非有特派督辦之大員呼應斷不能盡查劉銘傳年力尚強英氣邁往曾磨艱鉅近見各國環侮亟思轉弱為強頗以此事自任惟造端不易收效較遲儻值外患方殷朝廷或畀以軍旅之寄自應稍從緩議現既乞假養病別無所事若蒙

奏稿二十九

五

聖主授以督辦鐵路公司之任先令將此中款要專精考校從容商推即俄日各國驟聞中國於多事之秋尚有餘力及此所以示之不測未始非先聲後實之妙用且以其暇招設公司商借洋債雖能否借到巨款尚無把握然以劉銘傳之勳望中外合力維持措注較易於他人其舊部駐防直隸兩省不下萬餘人將來講求愈精或另得造路省便之法或以勇丁幫同修築或招華商巨股可以設法騰挪當與隨時酌度妥辦蓋劉銘傳以原議之人始終經理即待其效於十年以後九屬實無勞貸備更有要任相需仍可聞命即行獨當一面也再中國既造鐵路必須自開煤鐵庶免厚費漏於外洋山西澤潞一帶煤鐵礦產甚富若無殷商以巨本經理若鐵路既有開辦之資可於此中騰出十分之一仿用機器洋法

開采煤鐵即以所得專供鐵路之用是礦務因鐵路而益旺鐵路因礦務而益修二者又相濟為功矣所有籌辦鐵路力圖自強宜據為考究設法試行各緣由恭摺由驛覆陳是否有當伏乞

皇太后
皇上聖鑒訓示謹
奏

奏稿二十九

美

議覆張家驥等上鐵路片 光緒六年十二月初一日

再臣接准軍機大臣密寄十一月二十一日奉

上諭前據劉銘傳奏請籌造鐵路當經諭令李鴻章等妥議茲據張家驥奏稱開造鐵路約有三弊未可輕議施行等語著李鴻章悉心妥籌具奏原摺著鈔給閱看等因欽此竊思凡建一事必兼權乎利害重輕而後無疑畏拘牽之慮凡議一事必確得之閱歷攷校而後無揣摩影嚮之談臣於鐵路之利益大端與籌款之難防弊之法既詳陳之矣至張家驥所稱清江浦為水陸通衢若造成鐵路商旅輻湊恐洋人從旁覬覦借端要求等語臣謂洋人之要挾與否視我國勢之強弱我苟能自強而使民物殷阜洋人愈不敢肆其要求我不能自強則雖民物蕭條洋人亦必隱圖其狡逞即如越南國政不善經理以致民生凋敝日就貧弱法人乘閒侵奪其六省以洋法經營日臻富庶是其明鑒蓋強與富相因而民之貧富又與商埠之旺廢相因若慮遠人之覬覦而先遏斯民繁富之機無論遠人未必就範即使竟絕覬覦之謀國庇民之道古今無此辦法也張家驥又謂開造鐵路恐於田廬墳墓橋梁有礙民間車馬及往來行人恐至擁擠礙礙徒滋騷擾查外洋鐵路有雙單行之別雙行者佔地寬不過一丈二尺單行者佔地七尺今南北官道寬至二三丈及四五丈不等鐵路所佔不及官道之半既須填築加高與官道判若兩塗自於官道中車馬行人無所妨礙其十字午貫之路則有建旱橋之法有於兩旁設立柵門瞭望火車將至則閉柵以止行人俟火車既過然後啟柵之法至造路之費地價亦其大宗如有田廬侵礙官道者當不惜重價以償貧民輿情自可樂從萬一有民間墳墓及田廬不願遷徙者自

匪難設法繞避其他跨山越水建造橋梁外洋自自成法可稍未
 聞其不便於民也張家驥又謂水陸轉運及往來之人祇有此數
 若以鐵路奪輪船之利恐招商局數百萬款項一旦無著查近水
 之區運貨利用輪船其行稍遲而價較廉遠水之地運貨利用火
 車其行更速而價較鉅二者固並行不悖即或鐵路初成之時招
 商局生意略減然該局既將旗昌原價繳清復分年拔還官帑成
 本日輕每歲得消項津貼縱令運載稍分於鐵路亦尚可支持周
 轉數年之後商貨日多更可與鐵路收相濟之益且北方地非磽
 瘠而繁富之象遠遜南方益由運路艱阻而其民於所以殖貨之
 原亦遂不肯勤求若一旦視運銷之便則自耕織以外必更於藝
 植之利工作之利一一講求可無曠土游民之患即如江浙閩鄂
 等省自通商以後絲茶之出其地者倍於曩日則謂水陸轉運祇
 有此數者似又未盡然也以上張家驥所陳三弊臣逐細研求尚
 覺不甚確鑿大抵近來交涉各務實係中國創見之端士大夫見
 外侮日迫頗有發憤自強之議然欲自強必先理財而議者輒指
 為言利欲自強必圖振作而議者輒斥為喜事至稍涉洋務則更
 有鄙夷不屑之見橫互胸中不知外患如此其多時艱如此其棘
 斷非空談所能有濟我
 朝處數千年未有之奇局自應建數千年未有之奇業若事事必
 拘守成法恐日即於危弱而終無以自強語曰非常之原黎民懼
 焉及臻厥成天下安如也臣於鐵路一事深知其利國利民可大
 可久假令
 朝廷決計創辦天下之人見聞習熟自不至更有疑慮然臣不敢
 謂其事之必成者以集款之非易而籌借洋債亦難就緒也果使

巨款可集而防弊之法又恐能如臣所擬則此等大事固當力排
 浮議破除積習而為之若洋債未能多借商股未能驟集則雖欲
 舉辦一時亦尚無其力臣因張家驥所慮而遵
 旨妥籌略抒管見如此謹附片具陳是否有當伏乞
 聖鑒訓示謹
 奏

奏稿二十九

无

議覆梅啟照條陳摺 光緒六年十二月十一日

奏為海防要圖分別緩急道

旨安籌恭摺密陳仰祈

聖鑒事竊臣承准軍機大臣密寄十一月初二日奉

上諭梅啟照奏請整頓水師擬定各條開單呈覽一摺所稱請飭船政局及江南機器局仿造鐵甲船豫備購買外洋鐵甲船及鎗礮等件推廣招商局船赴東西洋各國貿易添設海運總督設立外海水師提督裁改海疆各種笨船嚴防東洋練習水戰長江水師添撥中號輪船各節係為自強起見著李鴻章劉坤一按照摺內所陳悉心籌商妥議具奏原摺單著鈔給閱看等因欽此仰見聖主整飭海防虛衷博訪至意曷勝欽服從來禦外之道必能戰而後能守能守而後能和無論用剛用柔要當修武備確有可

以自立之基然後以戰則勝以守則固以和則久自泰西各國競起爭雄陸兵以德國為最精水師以英國為最盛至其船堅礮利則無論國之大小莫不精益求精益外洋以戰立國分爭互峙實有不能不尚武之勢萃千萬人之心思才力以治戰艦鎗礮遂月異而歲不同日本雖最爾彈丸近亦思學步西人陵侮中國夫以中國風氣較遲地廣民眾為各國所環伺即使俄與日本暫弭戢端而濱海萬餘里必宜練得力水師為建威銷萌之策揆之事勢固難再緩梅啟照所謂講求船礮誠思豫防綢繆未雨之至計也查原奏單內第一第二條請令船政大臣及江南機器局仿造鐵甲船從前閩滬輪船多係舊式以之與西洋兵船角勝尚難得力閩廠後來所造揚武超武兩船則漸漸合用矣然欲仿造鐵甲船尚恐機器未全工匠未備不若西洋購材製料取攜較便廠肆

既多可以任意選擇惟是中國製造之法宜漸擴充果使所造行駛之速鋒棧之利不遜於洋廠雖需費稍多亦可免洋人之居奇開華匠之風氣擬請

救下船政大臣詳查該廠仿造鐵甲充須添借機器若干船長廣及喫水若干丈尺鐵甲厚若干仿照何項新式每點鐘能行若干里約須造價若干詳細酌估具覆如能合算即以應購鐵甲之費附入該廠期造辦至滬局製造鎗礮彈藥各項工器太繁經費支絀已飭停造輪船同治十三年試造小鐵甲船不能出海礮位布置亦不合法雖該局機器略備而無精熟此道之良匠於西洋新式隔閣尚多似可緩議也第三條請俟俄事定妥仍速購鐵甲船臣前奏明南洋與臺灣購鐵甲船二號北洋購鐵甲船二號合其四號斷難再少現據李鳳苞電報已在德國船廠訂造鋼面鐵

甲一雙彙集各國新式核開價目船礮兩宗約需銀一百四十萬兩而添購魚雷電燈及回國運費尚不在內蓋既購利器須擇其最新之式樣李鳳苞親歷英德各廠再三悉心考校始行定議自必確有所見惟臣初次請撥兩船之款僅得福建六十萬出使經費兩次借撥六十萬部餉三十萬本多短絀今需價稍昂計兩船不敷已一百數十萬兩至續請兩船所指淮南鹽捐及招商局官款即使如數撥濟尚短百萬焦灼莫名臣已函告李鳳苞商令此後定船如能較前價稍減或此開辦足款項方可續訂第已定之一隻除先匯英銀二十萬鎊合銀七十七萬五千餘兩外將來分期續匯只有儘借撥出使經費及部餉三十萬兩量勻湊若續訂一隻所短百萬以外應請

解日多臣於三月六月開兩次奏催請比照京餉章程豫定延欠處分經戶部議覆奉

旨俞允在案惟向無分別藩司督撫明文各省報解仍不及八成之數今梅啟照擬請將藩司照貽誤京餉例議處督撫於藩司處分上減一等議處實與前次部議相符且邊防海防無分軒輊陝甘既比例京餉則海防豈可政視擬請

旨敕下該衙門中明舊例知照各省自此定章以後儘再有拖欠遲逾均即照例議處惟原撥經費四百萬兩除去福建廣東留之款即使解足八成合南洋不過得二百萬餘兩每處僅得百餘萬目前添購後膛鎗礮及水雷電綫等項需用繁巨以後船隻到齊歲費實苦不支是欲購大宗船械非隨時籌不可鐵甲船尤非另籌不可也第四條請推廣招商局船赴東西洋各國夫

欲自強必先裕餉欲濟餉源莫如振興商務商船能往外洋俾外洋損一分之利即中國益一分之利創設招商局之初意本是如此近來該局和眾美富兩船已往舊金山檀香山等埠明春擬派海琛船運載兵弁赴英驗收確快船回華均足為商船出洋之先導然此事須逐漸擴充非倉卒所能收效至日本自設輪船公司關稅獨減中國商輪前往權稅加重故局船因虧耗而裹足所請酌派豐順保大試行東洋之處應從緩議第五條請添設海運總督查運河為黃水梗阻每歲止能運十萬石而百萬石斷不能運誠如梅啟照所言然往時河運費多弊重以有倉場有酒督上下各衙門層層鈐制也今海運百萬石招商局與沙船分運毫無貽誤經費較前流弊尚少若於煙臺添設總督多一衙門即多一重胥吏丁役需索之繁恐經費漸難籌節弊端仍難淨除如慮

海上有事固非空設一大員所能為力如令其節制沿海水師則既自南北洋大臣及各省督撫又有添設外海水師提督又設漕督未免號令紛歧事權不一應請無庸置議第六條請將海疆各種笨船一律裁改於同治十一年五月十三年十一月兩次奏請將各省紅單拖船船板等項分別裁併抵養輪船前福建撫臣丁日昌亦嘗奏稱裁併五十號艇船可養給一號大兵輪船裁併十號頭船板可養給一號根撥輪船於去年十一月議擬丁日昌條陳內奏稱艇船兵餉較儉開能捕盜於淺水之處以輔輪船所不逮雖未可盡裁請擇其廢敗無用者量加裁撤今梅啟照請將各種笨船除多樂可行逆風者暫留少半餘皆裁改與臣等前議大致相同意在騰出餉項化無用為有用實為救時要政擬請

奏稿二十九

臣

奏稿二十九

臣

救下沿海各省督撫悉心酌度力任怨謗認真辦理第七條請嚴防東洋查日本國小民貧虛橋喜事長崎距中國口岸不過三四日程揆諸遠近攻之義日本狡焉思逞更甚於西洋諸國今之所以謀創水師不遺餘力者大半為制馭日本起見至朝鮮為東三省屏蔽關係尤鉅臣前勸其與西人立約並導以練兵購器無非望其轉弱為強他日如該國有警或須派兵應援或別有救急之方固當惟力是視也第八條請設立外海水師提督從前丁日昌有設立北洋中洋南洋水師提督之議與前督臣曾國藩所陳沿海七省沿江三省歸併設防之說大旨略同北洋俟鐵甲二船購到海上可自成一軍擬請添設水師提督額缺其體制應照長江水師提督之例節制北洋沿海各鎮按期巡洋會哨以專責成南洋船隻亦尚未齊或如梅啟照所議暫將統領輪船之松江提

督改爲蘇浙外海水師提督節制蘇浙沿海各鎮擬請

救下南洋大臣察酌情形隨時妥辦惟閩粵臺灣與松滬相去甚遠勢難兼顧且福建統帥輪船之提督彭楚漢與松江提督李朝斌望均勢敵難相統攝似應與廣東聯爲一氣耳第九條請令海疆提鎮練水戰大致即是設立外海水師之說梅啟照謂水能兼陸陸不能兼水敵船可以到處窺伺我挫則彼乘勢直前彼敗則我望洋而歎洵屬確論夫水師所以不能不設者以其化呆若爲活善也今募陸勇萬人歲餉約需百萬兩然僅能專顧一路耳若非洋水師成軍核計歲餉亦不過百餘萬兩如用以扼守旅順煙臺海面較狹之處島嶼深隱之閒出沒不測即不遽與敵船交仗彼慮我斷其接濟截其歸路未必無徘徊瞻顧之心是此項水師果能以全力經營將來可漸拓遠島爲藩籬化門戶爲堂奧非

洋三省皆在扞衛之中其布勢之遠突倍陸軍即此以觀而南洋之利川水師亦可想見然所以議之數年尙無成者以無大宗經費購辦鐵甲快船也竊查定制各省綠營兵數六十餘萬歲餉約二千萬兩邇者直隸河南兩江閩浙湖北等省皆加餉練兵其餘歲發兵餉自五六成至七八成不等然自期辦髮捻回各逆專倚勇營迨內地肅清各省復不能不酌留防勇以資彈壓而綠營則竟無可調用其兵精則姑循守舊章是多一倍餉額也自海上防務興而築礮臺造戰艦購鎗礮練海軍厥費甚鉅原所以代綠營勇營之用而綠營勇營仍未少減是又多一倍餉額也中國財用本不甚裕而有此三倍之餉額所以愈形支絀今海上如有水軍一枝勝於陸勇數萬人陸勇一枝勝於綠營數萬人值此多事之秋勇營分防要地尙難裁減如欲實事求是整軍經武惟

有稍汰綠營積存餉項以爲購造船械創立海軍之經費擬請
救下各鎮臣查明該省綠營兵現存實數除加餉練兵省分及邊要各鎮或難驟減其餘酌度形勢通減二三成汰減之法凡老病死亡斥革之卒皆空其額不得挑補沿海營兵可挑入水師者亦如之每歲疆吏核明所減兵數與所節餉數咨報戶兵二部戶部即提出此款撥歸南北洋爲籌辦海軍之用如此數年後或有成數可稍夫今之議者頗謂勇營亦有流弊不如綠營經制之兵若汰經制之綠營而立經制之海軍一轉移間可收實用且所減僅二三成而又出之以漸措辦尙無窒礙裕餉強兵之道舍此似無他術也第十條請長江水師添撥中號輪船查前侍郎臣彭玉麟奏請添造十七八丈之中號輪船十隻爲江陰以下海防之用奉旨救下兩江福建廣東各省籌辦果使款項應手剋期趕造則江

防聲勢較盛惟需費已近百萬現在閩滬粵三廠餉項皆形竭蹶能否認定分辦尙難懸揣梅啟照擬撥長江提督輪船二隻沿江五鎮每鎮一隻計共七隻已稍減於彭玉麟所請之數與其無款而中輟不如少造而有成似宜俟閩粵各廠參酌會商量力分造必令仿兵船之式而不必豫定船數亦防務之一助也以上梅啟照所陳十條或亟宜與辦或暫可緩行或稍俟變通至梅啟照議創水師注意於鐵甲船所稱遴選武員有智謀而小心者文員有膽略而耐勞者爲之統將自係識時之論或謂敵本用此中國即有數號鐵甲豈能制勝不知西洋各國去中國數萬里其大鐵甲來者不過數號其餘均係快船兵船之類中國亦須逐漸添製但能利器與之相敵加以客主勞逸之勢我自可操勝算至日本地陬財賦近雖偏強東海之中其力量亦斷不能多購真鐵甲也所

有梅啟照條陳各件謹分別緩急遵旨妥籌恭摺由驛密陳是否有當伏乞

皇太后

皇上聖鑒訓示謹

奏

奏稿三十九

美

議覆陳本植條陳片

光緒六年十二月十一日

再奉十二月初二日

寄諭岐元代奏道員陳本植條陳邊防事宜一摺所稱奉天以朝鮮為屏蔽該國設被吞併則我之藩籬盡撤為患益深宜力籌保衛等語尚為明切惟請將洋稅專供防餉其勢有所難行者李鴻章將該員條陳悉心酌擬擇其可以施行者籌議具奏原摺著鈔給閱看等因欽此詳閱該道陳本植所陳各路戰守大局頗中窺要其言奉省屏障實藉朝鮮若被吞併則我之藩籬盡撤欲於東邊中江一帶厚積軍威精壯彼國聲援兼防鴨綠江口設狡焉思逞則我中江練卒可出朝鮮之背據險以邀之吉林勁旅可由海參崴之南伺間以乘之等語查自本年夏秋俄國調集大幫兵船東來遊駛長崎海參崴一帶形蹤詭秘各國公使提督多謂俄人將攻奪朝鮮海口以拊我奉天吉林之背迄今冬月凍封俄海部尚書來沙弗斯基由海參崴帶船折回長崎途次遇風傷足寂無動靜若必謂其乘機吞併朝鮮雖有此語實無此事且聞朝鮮海口形勝皆在東面距奉省尚遠俄即有意蠶食必先由通商入手臣前而論朝鮮使臣下元圭以俄船若遽闖入該國須派委員接待相機酌允議約並漸與各國立約以牽制之若果照辦一時似不至被人吞併陳本植請於東邊中江一帶厚積軍威藉壯聲援如有巨餉可指亦應先事籌維惟所稱各路集兵須二十餘萬每年需餉千餘萬未免張皇其詞不獨各關洋稅均有留支撥協之款無可抽撥此外亦斷不能於奉省年例協款外另增巨項只可就該省現有兵力認真整頓逐漸經營以自立不敗之地海參崴一帶俄軍置守甚嚴吉林兵力寡弱亦未能出境妄圖致啟邊

昨至所稱朝鮮兵單餉既與其糜巨帑以餌強鄰何如分犒資而
拯屬國所費甚微所益甚大等語朝鮮雖甚貧弱向無乞糴上國
之事將來設有意外警變則我分兵援助前明及
國初曾有行之者屆時量力度勢妥辦似無所謂分犒資而拯屬
國也所有酌撥籌議各節附片密陳伏乞
聖鑒謹
奏

奏稿三十九

奏

裁撤張家口糧臺摺 光緒六年十二月十一日
奏為裁撤張家口糧臺改給烏庫防兵月餉令其自行糴食以節
經費恭摺仰祈
聖鑒事竊查同治九年奉

旨於張家口設立糧臺辦運烏里雅蘇庫倫等處防兵口糧由
戶部按年撥給餉銀派口北道督同委員經理原因口外臺站不
齊各路調防兵丁較多難於糴食是以由口辦運近年陸續撤遣
統計在防不足千人而該糧臺開報米價運腳均較原辦時加增
雖市值未能強同經手人員究不無含混即如辦運烏庫軍米光
緒四年每石合價腳銀十一兩零五年每石合價腳銀十兩零其
糧臺員役薪工房租雜項尚不在內殊屬糜費且因俄商爭運茶
箱車駝多被雇夫往往軍糧稽壓或致中途霉變貽誤後期必須
斟酌變通以期撥實正飭查議開通准戶部來咨亦以糧臺辦
運軍糧於兵食未有益濟部餉難免虛糜現在口外臺站均已添
設兵丁領餉糴食不致為難奏請由臣察度情形改給該軍月餉
等因臣查張家口糧臺前係新任口北道奎斌創辦諸務尚能認
真當飭該道會同前口北道玉珩察核妥議加餉章程即可裁撤
糧臺旋據該道等稟稱烏庫在歸化城古城等處買糧運路較
張家口為近現存防兵僅五百餘名每年僅需粟米一千六百餘
石若每石折給米價運腳銀六兩每名月合銀一兩四錢九分四
釐可就近自行糴食其駐防庫倫之宣化練軍三百餘名亦即照
辦等情臣查烏庫既可就近購運軍糧自應查照部議改給月餉
令其自行糴食惟該兵遠戍邊荒須優給折價以示格外體恤若
每石合銀六兩或恐不敷因議每石米價運腳折給銀八兩每兵

每月例領粟米二斗四升九合應折米價運脚銀一兩九錢九分
 二釐計現存官兵五百五十二員名前經察哈爾都統奏明無論
 大小建每月運整數米一百三十六石每年十二箇月合米一千
 六百三十二石共應折價銀一萬三千五百六兩閏年十三箇月
 合米一千七百六十八石共應折價銀一萬四千一百四十四兩
 主駐庫宣化練軍兵夫每名每月應需米三斗向由保定練餉局
 於該兵夫應得底餉內扣出米價解交糧臺辦運由糧臺另支運
 脚每石需銀七兩左右今議每兵夫每月折給銀一兩五錢以為
 自行辦運米糧之費其底餉內原扣米價即無庸再扣計三百四
 十三名每月應折給銀五百十四兩五錢每年十二箇月共應折
 銀六千一百七十四兩閏年十三箇月共應折銀六千六百八十
 八兩五錢其小建仍照章核扣查張家口糧臺每年請領部餉銀
 四萬四千六百兩內有添練宣軍馬隊加餉銀三千六百兩由該
 糧臺撥歸練餉局支放其餘四萬一千兩作為烏城防兵米價運
 脚駐庫宣軍運米脚價餘賸無幾今變通辦理每年應由部撥給
 烏城防兵改折米價運脚銀一萬三千五十六兩駐庫宣軍改折
 辦運米糧及原有添練馬隊加餉銀九千七百七十四兩閏年應
 由部撥給烏城防兵改折米價運脚銀一萬四千一百四十四兩
 駐庫宣軍辦運米糧及原有添練馬隊加餉銀一萬二千八百八十八
 兩五錢統計每年只須銀二萬三四千兩較從前歲可省銀一萬
 數千兩實於部庫撙節不少惟此係防兵計口授食要需未能稍
 有緩欠應請
 旨敕下戶部按一年一次預行撥給俾得領回及時自行采辦所
 有烏城軍火現由糧臺運至來年六月底止應自光緒七年七月

起由部撥給折價銀兩即交該處領餉委員搭解回烏散放其駐
 庫宣軍米石已由糧臺運至本年十二月底止應自光緒七年正
 月起山部撥給折價及原有添練馬隊加餉銀兩即歸練餉局委
 員於頭年冬季領回分別轉解散放查該糧臺上屆報銷餘銀及
 今年請領部餉除用過外約計尚存銀二萬餘兩已飭奎斌查
 明確數月行專案報部即抵作光緒七八年駐庫宣軍辦糧折價
 及原有添練馬隊加餉以免領解之煩現在各路軍糧均已運出
 即飭將糧臺於十一月裁撤至此大變通章程於九月十月十
 一月三次飛咨烏里雅蘇臺將軍今尚未據咨覆未便再任延宕
 且烏城防兵現議每兵每月折給銀一兩九錢九分二釐較之駐
 庫宣軍每月領項一兩五錢及口北道原擬折給銀一兩四錢九
 分四釐可多得銀四錢有奇實已格外加優更較宣化派赴烏科
 各城換防官兵餉數倍厚必可敷用應請
 旨敕下該將軍即行照辦以節部款除分飭遵照外理合恭摺由
 驛具陳伏乞
 皇太后
 皇上聖鑒訓示謹
 奏

籌辦察哈爾防餉摺 光緒六年十二月十一日

奏為直隸察哈爾防軍需餉孔亟請將現辦口外廠地押荒租項分撥濟用恭摺仰祈

聖鑒事竊臣鴻章前奉本年二月二十六日

諭旨直隸張獨多三廳各旗官荒馬廠開墾已有成效若能認真查明責令按畝補交押荒銀兩比戶計日派夫訓練餉需既有著落練勇即可有裨尤為兩得之計著李鴻章遵員切實查明應如何籌辦之處由該督酌覈具奏等因欽此遵即奏派口北道奎斌督同印委各員認真查辦先就應墾報墾地畝酌擬章程十一條於五月間具奏聲明此外各旗官荒馬廠擬仿照辦理其各地押荒租項究有若干俟查明留充防餉分撥濟用等因奉旨戶部知道欽遵在案旋准戶部咨稱押荒租項擬令解部惟體

察防餉艱窘情形實有不得不留之勢查張家口一帶為京北門戶疊奉

諭旨先事籌防臣祥亨前於察哈爾八旗挑出官兵五千名原擬分路駐紮一體訓練祇以籌餉艱難僅能動支茶馬釐捐餘款先練千名實屬不敷分佈其墾地者皆係外來農民秋成各自歸里閒有散居附近不成村落勢難比戶出夫應於原挑八旗官兵向未訓練之四千名中再行酌量添練所需餉項並無別款可籌專指押荒銀兩應急臣鴻章前飭宣化練軍馬隊四營就近巡防北路並添調淮軍馬隊兩營扼紮宣郡聯絡聲援核計需餉甚巨近年各省關奉部指撥協款日增額解練餉准餉愈形短絀局庫乏點金之術軍士有枵腹之虞亦指押荒銀兩接濟至原設天津海防練軍尤關重要向賴津海東海兩關洋稅為的餉乃近年稅收

頓減又有部撥外協之款遂更入不抵出往往懸釜待炊每值北

河封凍之時稅無可收餉源益竭必須就地籌貼補應請將口外三廳各旗廠地每年所收租項撥充天津海防練軍月餉惟每頃每年只合租銀一兩零為數有限且地須次第勘丈然後計畝升科其升科年分亦有先後之別將來若遇水旱荒災又應照例酌緩非若押荒銀兩地戶每畝應交一二錢可現成必得著應俟勘丈清楚實計自某年起應徵租銀若干再由臣鴻章奏明立案至押荒一項按現在已經勘丈地戶應交之數約銀三萬兩已飭迅速催交連續收銀兩應請一併撥充察哈爾添練官兵及宣化邊防淮練各軍餉項各半分用臣祥亨自當妥酌就款添練節節動支以免後繼為難臣鴻章並飭局核實奏放將收支數目彙冊報部伏念時事多艱籌防孔亟直察情形又皆奇窘實不得不以就地籌出之餉留贖本境防軍免致月請部款且係欽遵餉需有

著練勇有神之

寄諭而行仰懇

特恩俯准照辦以裨大局等往返函商意見相同謹合詞恭摺

由驛陳請伏乞

皇太后

皇上聖鑒訓示謹

奏

李文忠公奏稿卷三九

李文忠公奏稿

卷之四十目錄

出洋肄業在事各員奏獎摺 光緒七年正月十九日

淮軍軍需報銷摺 光緒七年正月十九日

軍需交涉洋務片 光緒七年正月十九日

挑濬大清潭沱兩河下尾摺 光緒七年正月十九日

答覆朝鮮所問事宜摺 光緒七年二月初二日

唐仁廉不能赴吉摺 光緒七年二月初六日

查覆招商局參案摺 光緒七年二月十一日

東海關京餉分年核議摺 光緒七年二月二十五日

東明仍請改要缺摺 光緒七年二月初四日

瀝陳感悚下忱摺 光緒七年三月初四日

會國荃乞假南歸片 光緒七年三月初四日

額懇叩謁 梓宮摺 光緒七年三月十三日

請撥鄂漕摺 光緒七年三月十八日

請補造剝船二百隻片 光緒七年四月二十三日

資遣湘毅軍片 光緒七年四月二十三日

截留礮位解奉省片 光緒七年四月二十三日

直境開辦礦務摺 光緒七年四月二十三日

請減出口煤稅片 光緒七年四月二十三日

請開平泉銅礦片 光緒七年四月二十三日

吳仲翔辦理學堂片 光緒七年四月二十三日

滿三德請加副將銜片 光緒七年四月二十三日

請緩蘆課奏銷摺 光緒七年四月二十三日

營口練軍費成關道摺 光緒七年四月二十七日
鐵甲籌款分別續造摺 光緒七年四月二十七日
商局官款撥購鐵甲請緩撥還片 光緒七年四月二十七日

奏稿四十目錄

李文忠公奏稿卷四十

全集一之四十

桐城吳汝綸編錄

出洋肄業在事各員奏獎摺

光緒七年正月十九日

奏為前派船政生徒出洋肄業在事華洋各員始終勤奮擬懇天恩給獎以示鼓勵恭摺仰祈

聖鑒事竊臣等接准出使德國大臣兼肄業監督李鳳苞咨開前因福建船政選派駕駛製造生徒出洋肄業經該大臣偕同洋監督日意格隨員馬建忠文案陳季同繙譯羅豐祿等於光緒三年三月內到洋督率肄業三年陸續學成咨送回華其展限補習四

生徒在船時各限功課不令閒曠既抵英法專延洋師補教以充根柢一而偕同洋監督面商英法部臣將在英之駕駛生先派三

之洋員無所軒輊其製造者能放手造作新式船機及應需之物駕駛者能管駕鐵甲兵船調度布陣加之歷練應可不藉洋人其製造如魏瀚陳兆翱鄭清濂林怡游開采銘煉如羅臻祿林慶昇

品銜前船政監督日意格屢稱渥荷隆恩不敢再邀獎敘及隨員候選道馬建忠業經奏獎襄辦文案縣丞錢德培不及三年存記勞績外其文案陳季同繙譯羅豐祿出使德國二等參贊官徐建寅幫辦監督洋員斯

請照案功課兼習律例公法化學政治等事均能始終勤奮辦理有成應奏獎等因前來臣等伏查船政生徒派往英法各國肄業分入官學官廠於製造駕駛各事均有心得該監督等周歷查察調護維持實心實力使諸生學業進益已多而隨員等兼習各學疊經考試取中奔走照料亦著勤勞該生徒等既經學成回華自應照案給獎以示鼓勵此次出力之監督二品頂戴三品卿銜記名海關道李鳳苞擬請賞戴花翎留閣補用都司陳季同擬請免補本班以遊擊仍留原省補用並賞加副將銜候選主事羅豐祿擬請以同知不論雙單月歸部選用並

賞加四品銜候選道徐建寅擬請

賞加三品銜至三品銜一等寶星前福建船政副監督洋員斯恭

塞格擬請

賞給總兵銜洋員高氏耶擬請

賞給三等寶星並加四品軍功俾資觀感而策後效所有帶領船

政生徒出洋肄業在事華洋各員始終勤奮擬請獎勵緣由謹合

詞恭摺具陳伏乞

皇太后

皇上聖鑒訓示謹

奏

奏稿四十

三

淮軍軍需報銷摺光緒七年正月十九日

奏為淮軍軍需自光緒五年正月起至十二月底止收支款目造

冊報銷恭摺仰祈

聖鑒事竊照淮軍軍需前截至光緒四年十二月底止業經列為

第七案報銷於光緒六年七月十四日具

奏奉

旨該部知道單片併發欽此伏查光緒五年分淮軍除先後抽裁

及遣撤全營外分防直隸保定天津海口並各臺局護運糧餉軍

械共計二十七營又提督劉盛休所部銘字馬步十三營駐紮山

東張秋鎮一帶又福建陸路提督唐定奎統領銘武步隊十營與

調補廣東水師提督吳長慶所統慶字親兵六營分防江蘇沿江

南北兩岸礮臺並吳淞海口之武毅石軍五營徐宿馬隊五營共

計二十六營統歸淮軍軍需案內彙冊請銷所有營哨官弁員名

勇夫開收總數征防處所先經造冊分咨軍機處戶兵部備查其

應需薪費口糧正雜各款並柴薪斤重價值駝騾餵養車輛履價

均循前案楚軍營制與

奏定章程及准銷成案分別截清起止日期接續造報湖平折實

庫平仍扣雜款一分平餘又馬隊倒補馬價係照駐紮百分營驛

例價核給采辦製造工價水陸轉運糧餉軍火等項雇川車船夫

工價脚係核計斤重程途里數悉照軍需則例應屆准銷各案核

給飭據金陵報銷局司道等詳稱自光緒五年正月起至年底止

列為第八案舊管項下上屆截至光緒四年十二月底止實存銀

七十二萬三千四百三十七兩一錢有奇新收項下綜計浙江四

川湖北等省協餉並江蘇藩關釐局額撥軍餉兩淮鹽釐及本案

奏稿四十

四

扣存平餘等項共銀三百一十九萬六千五百六十九兩六錢有奇內登除撥解北洋籌辦防務購辦西洋鎗礮船塢等用應歸海防案內收銷銀五十萬兩又撥放金陵機器局製造工價應歸該局收銷銀二萬兩又附列專冊請銷補放淮軍各營光緒四年十二月月底以前欠餉銀七萬三千八百五十三兩七錢有奇又本案附請

奏銷洋鎗礮隊教習辛工礮費並操練後膛洋礮拉礮車馬餵養夫工倒補馬價及天津行營機器製造局工料用款采辦洋軍火價值等項計三冊共銀一十三萬八千七百一十七兩一錢有奇實計收用銀三百一十八萬七千四百三十五兩八錢有奇開除正雜各款遵照部議酌定軍需報銷章程各歸各部核銷計應歸戶部核銷銀二百一十一萬九千四百一十九兩三錢有奇應歸

兵部核銷銀四萬四千一百一十六兩二錢有奇應歸工部核銷銀六萬九千四十五兩九錢有奇統共請銷銀二百二十三萬二千五百八十一兩五錢有奇實存銀九十五萬四千八百五十四兩二錢有奇已接支光緒六年正月起淮軍馬步水師營哨正雜餉項並購製軍火器械價值工料等用歸於後案籌管項下滾接造報等情具詳請

奏前來臣查淮軍分駐直東江蘇等省籌辦江海防務實關緊要此次造報光緒五年正雜款項均係循照應辦成案實用實銷並無絲毫浮圖除收支各數分晰造具細冊咨送各部並飭將以後用款接續清理造報外謹會同南洋通商大臣兩江總督臣劉坤一專摺具奏並繕簡明清單恭呈

御覽伏乞
皇太后
皇上聖鑒謹
奏

奏稿四十一

六

軍需交涉洋務 光緒七年正月十九日

再查淮軍各營洋鎗隊教習通事工匠人等辛工金陵天津行營機器製造兩局工料及采辦外洋軍火等項截至光緒四年十二月底止業經附

奏准銷在案此次造報光緒五年正月截至是年十二月底止第八案內除金陵機器局係與烏龍山製造局併合為一事酌定每年准餉項下撥銀二萬兩自五年正月始由該局彙總造報詳請專案

奏銷外所有淮軍各營洋鎗隊教習通事工匠人等辛工廠費等銀四萬八百九十五兩八錢有奇又淮軍海防各營操練後膛洋礮拉礮車馬餵養人工倒補馬價等銀三萬五千二百兩五錢有奇又天津行營機器製造局委員薪糧工匠工食購買料物用

款並采辦外洋軍火價值等銀六萬二千六百二十兩七錢有奇以上總共請銷銀十三萬八千七百七十一兩一錢有奇茲據該司道等按款復加查核均係奉文核實飭發並無絲毫浮冒月造細冊詳請附

奏前來臣查前項各營洋鎗隊教習通事工匠人等辛工購買料物洋軍火價值各款皆與洋人交涉無例可循仍應照案據實請銷除將細冊咨送總理衙門戶兵工部查核外伏乞 聖鑒謹附片具

奏

挑濬大清河下游並尾摺 光緒七年正月十九日

奏為挑挖大清河下游並尾摺濬河以工代賑恭摺仰祈 聖鑒事竊直境之大清河上承西北羣流及西淀巨浸由雄縣會白溝諸水東經保定霸州文安而趨東淀本為五大河之一白溝道以後久失修治日就淤廢前因巨款難籌先於上游任邱地面開趙王減河以分洩西淀盛漲新城地面開蘆會減河以分洩白溝河盛漲並將清河隄工分別修築惟雄縣霸州保定境內河身限於地勢本難多容漲水其自文安左各莊至臺頭二十八里零係入淀尾閘處處高仰狹窄每屆汛漲停積不下上游亦因之壅潰近淀近河之安州高陽任邱雄縣保定霸州文安等處頻受其害必將尾閘挑挖寬深使河水暢洩東淀達津入海又五大河中之滹沱河自山西發源奔注直境滹流急湍趨向無定自來不設隄防

同治七年由藁城北徙經晉州深澤深州安平饒陽獻縣河間任邱雄縣保定霸州下趨文安大窪波及大城其藁城南入子牙河故道疊次勘查不能挽復而現行河身下游本無出水之路文安久成澤國獻縣以下沿河州縣亦受害甚深前於河間及文窪中先開引河秋後啟開消滅但來源極旺減水不多須於獻縣境內擇地另闢減河使其分歸子牙河達津入海臣於去冬調派助辦直賑浙江紳士候選道金福曾直隸候補道史克寬盛宣懷周金章分投前往詳細勘度並飭司道會同籌議旋據稟稱大清河下游擬從左各莊起挖口寬十三丈底以二五收分挖深一丈三四尺地勢漸去漸低挖深亦漸去漸減至臺頭淀邊挖深九尺上下可得順行之勢其挖出之土各在十丈以外分別培隄並先築壩截流挑挖攔水使船隻暫由勝芳河中亭河行走以便開挖惟近

淀之處兩面皆水且老燕窩密入土根深工程甚屬不易須臨時設法搶辦至淀身人力難施之處即以機器船接挖約需工費銀十五六萬兩又漳沱減河擬從獻縣朱家口起由半截河頭向東循舊有河形至野廠轉北入于牙河地勢水性皆順本係舊河無礙民居墳墓計工長三十三里零先築攔水埝壩挖口寬十一二三丈底寬五丈高處挖深一丈八尺最窪之區挖深七八尺於河身兩旁五六七丈以外出土堆隄惟上口適當水窪頗難措手中間須鑿開沙岡工更煩重亦應臨時設法搶辦並於沿河沿隄安設木橋渡船涵洞以便行人而復隄裏瀝水約需工費地價銀十萬兩等情具稟前來臣查所擬辦法均合機宜大清河下游既暢則消水可速上游淀河亦不致過於阻遏近淀州縣水患較輕漳沱有此減河雖不能全溜歸槽實添一大消路目前可減獻縣河間任雄新保文大一帶水災若將來新河衝刷寬深或冀北流截止文窪有涸復之日直隄應辦河工尚多此係擇要經營關係十餘州縣民生休戚必不可緩已派金福會督辦大清河下游工程史克寬督辦漳沱減河工程各將界址預行清理安籌一切俟春融凍解即便核實興辦期竣工仍集附近災民以工代賑一舉兩得惟兩河工費地價共需銀三十一二萬兩直隄庫本極支絀民力又甚拮据部款亦難指請惟有商懇東南各省勸捐解濟幸承各該省官紳士商顧念畿疆工賑緊要陸續設法集助約可得銀二十餘萬兩尚不敷銀約九萬兩再由臣督同司道竭力挪湊應急事竣仍歸賑案彙開清單奏報至南省官紳代集巨款拯救災區或更遠來勘辦不辭艱苦實屬無分畛域好義急公有裨大局擬俟事竣與實在辦工出力者查照河工章程擇尤酌懇

奏稿四十一

恩施以昭激勸其出費官民並照奏定賑捐章程核獎理合恭摺具陳伏乞
皇太后
皇上聖鑒訓示謹
奏

奏稿四十一

答覆朝鮮所問事宜摺 光緒七年二月初二日
奏為朝鮮委員來津請示對酌答覆相機開導恭摺仰祈
聖鑒事竊上年九月間朝鮮齎命官卞元圭來津奉

旨令臣等籌該國學習製造練兵各事業經詳晰覆陳在案嗣接
出使日本大臣何如璋函稱朝鮮外交一事近日廷議漸知變計
又准總理衙門函商隨時設法維持調護並奏請嗣後遇有關係
洋務緊要之件由臣與該國通遞文函相機開導等因奉

旨依議欽此欽遵密行知照前來適有朝鮮國王委員李容肅隨
今屆貢使來京於正月二十日赴津稟謁據稱專為奉辦武備學
書事而備呈該國請示節略一本內載有領議政李最應奏章頗
悔去年六月堅拒美國來使為非計未則歸重於及今之務莫如
懷遠人而安社稷等語又問他日不得已與各國相交先後早晚

之策又索中國與各國修好立約通商章程稅則帶回援照是何
如璋所稱朝鮮國王與執政大臣決意外交而未敢遽發固已確
有明證臣因其節略諸商事件繁瑣先令津海關道鄭藻如等傳
詢一切擬議大概旋准李容肅進見與之筆談良久該國軍額極
虛餉力極細誠慮無以自立而所據形勢實為我東三省屏蔽關
係甚重現其君相雖幡然變計有聯絡外邦之意國人議論紛歧
尙難遽決自應乘機開誠曉諭冀可破其成見固我藩離惟該國
於外交情事生疏即如與日本通商五年尙未設關收稅並不知
稅額重輕設再與西國結約勢必被其欺蒙無益有損臣因其來
牘有披露腹心願一一開誨碩畫之語出於至誠遂令前在西洋
學習交涉事宜之道員馬建忠與鄭藻如等參酌目前時勢及東
西洋通例代擬朝鮮與各國通商章程底稿豫為取益防損之計

交李容肅稱回俾該國遇事有所據依不至多受蒙蔽又聞該國
君相已漸回悟惟原任太師李裕元等不無異議臣於光緒五年
七月間曾遵
密諭轉致李裕元詳切開導嗣接覆書尙未敢遽爾信從此大李
裕元來書似仍有不欲遠交之意臣覆函又加敦勸使不至從中
作梗此後無論何國再派人往朝鮮議約當無堅拒之理但未便
由中國強為驅迫耳至其節略所詢各條內惟答覆日本國書稱
謂一節儻稍涉含混即於屬邦體例有礙臣查西洋各國稱帝稱
王本非一律要皆平等相交該國王久受我
朝冊封其有報答日本及他國之書應令仍用
封號國政雖由其自主應不失中國屬邦之名除將朝鮮寄呈節
略及代擬通商約章李裕元來往函稿鈔送總理衙門查核外謹
將酌覆朝鮮詢問各條照繕清單呈
御覽是否有當理合恭摺由驛密陳伏乞
皇太后
皇上聖鑒訓示謹
奏

謹將酌覆朝鮮詢問各條照繕清單恭呈

御覽

第一條

小邦今與日本開港通商然小邦素味商規恐被欺壓上下荷願備邀上國商人來會開港諸處互相交易情志既孚依賴必大云而又有黃參贊策略即奏請推廣鳳凰廳貿易令華商乘船來開港各口通商以防日人壟斷之句語此論恐未知如何伏候亮教具咨仰請而措詞主何妥當乎並望訓示

朝鮮向無海道貿易之例現既擬與外國通商則華商前往貿易亦所不禁至於黃參贊策略防日人壟斷之語果能與各國通商日人自無從壟斷將來如願華商前往貿易應由國王將實在情形咨請核

奏辦理

第二條

敢問小邦他日有不得已與各國相交之際自主自強利權在我不為他挾且不失先後早晚之策

此條已於上年九月二十二日曾與齋奏官下元圭詳晰言之當必於回國時面陳總宜先事豫防自主之權操之在我茲有馬道臺所擬與外洋通商約章節略一冊交付帶回以資采擇

第三條

小邦釜山元山兩港定稅既蒙大人訓示敢不即速議定第伊言非全權委任不可舉擬若值全權之來議值百抽幾當格遵指津隨機圖之各國修好立約通商章程稅則稅額條款稅關設官凡例伏想已有印行文字願蒙賜下各一件謹當帶回援照

奏稿四十

七

釜山元山兩港定稅宜由國王委任妥員予以議稅全權字據俾與彼國使臣互換觀看以資取信此乃各國遣使議事之通例也

至稅則值百抽幾不必援中國所定通商稅則為例緣前者中國於外國情形尚未深知僅為體恤商民而設進出口各貨皆係值百抽五若洋貨運入內地再抽二五子口稅其實未可執一而論上年亦面告齋奏官下元圭矣若外洋抽稅皆視貨物之暢滯以定稅則之多寡竟有值百抽三十以至值百抽百者若以各物統批論之大約不在值百抽十五以下今朝鮮國擬與外洋通商備各貨暢滯未能豫知則值百抽幾亦難豫定不若定一試辦統例進口貨估價值百抽十出口貨估價值百抽五至食用等物數滿十件者亦照則抽稅如此試行三五年貨物之暢滯可知即則例之多寡可定然後與外洋各國重定稅則洋人決無不從之理蓋

奏稿四十

七

和約與商約有異在不背和約決無開釁之端在我欲修商約斷無與戎之舉不然歐洲瑞士比利時蕞爾彈丸介於諸大國之間將商約不修稅則不加而國不足為國矣至中國各口稅關或設監督專管或飭巡道兼管從前初開通商口岸華人罕諳洋文洋語收稅事件雇用洋人司理仍歸監督巡道節制今朝擬與各國通商日本窺知朝鮮未諳西洋語言文字及稅務事宜難保不以管稅一職自薦充當但日本朝鮮僅隔一水往來商貨必多且間通商五年尚未收稅喫虧已甚僱雇日人司理稅務尤恐滋弊祇有暫雇西人之明白稅務兼通漢文者令其隨同朝鮮所派管關官員收稅較為妥當並一面速選聰穎子弟從所雇西人學習語言文字稅務事宜學成之後自無容再用西人矣日本初與各國通商於暫雇西人料理稅務兼司教習一節辦理甚妥

是以該國現在稅務辭退西人已能自行管理茲將中國所有通商章程稅則稅額條款飭津海關道檢交該員帶回以資考證

第四條

北洋咨式似依禮部咨式書至而內書北洋督署大臣外書一體繕寫恐未知如何
北洋咨式應與禮部相同內外銜稱應書
欽差北洋通商大臣衙門字樣

第五條

伏見禮部咨示中有委員弁兵學徒通事人等由北洋大臣衙門給發空白憑票交該國按名填給之語空白憑票許令此次帶回以為隨用之地伏望
據關道等面詢稱係先派學藝人來業由該道等詳請給發憑票

奏稿四十

十五

十張交該員領帶回呈收如學藝人分起前來應按每起填用一張交管領之員執持以憑查驗

第六條

學習人徒來往既蒙徑從海道自更便捷之教恐是質乘汽船吉利涉海當自何處賃船可以無礙亦蒙公文不致盤詰

據關道等面詢稱山朝鮮進鳳凰廳邊門計程一千一百餘里再到牛莊營口約三百餘里即從營口或附輪船或附帆船來津較為便捷應於進邊門時將憑票呈東邊道衙門查驗於到營口時將憑票呈奉錦山海關道衙門查驗均候加戳放行若遇有交涉事件仍由地方官約束訊斷

第七條

小邦船舶本無旗標今將議造而黃參贊有奏請襲用中國龍旗

之論敢問中國船上旗身書樣而小邦則用某色某畫是否行當乎
凡西國商船旗式皆係國主之旗因海上往來俾知為某國船隻今貴國王自用之旗據稱是畫龍方旗亦與中國龍旗相仿自可
以畫龍旗為國旗即作為船舶旗標應於定用之先將龍旗尺寸顏色繪具圖式咨明本大臣衙門以憑核
奏各行

第八條

卑職未渡鴨綠聞日本使花房義實齎其國書而來敝朝以為條約中曾有我禮曹與伊外務省書契往來而已無國書往來之規
今何遽變條約乎以此難之彼云現陸辦理公使不可持外務書
契且各國皆有國書然後益加親睦力懇不已國王特念鄰誼親
臨便殿召接彼使而受之書辭敬白等句頗恭非慢至若皇帝字
朕字極涉礙眼上下俱為不安且書中所請駐劄最難應從彼言
仁川開港亦不可輕許延議仁川開港強許以遷就幾年駐劄則
欲因仁川事彌縫然彼之從否姑未可知國書不可不答而稱他
日帝實所不願至於自稱又無援照往復之際如何撰措庶不失
國體而免笑於各國乎彼之意望又在專价修答非徒事力不敷
隨請隨行豈不損弱乎大人既垂厚念視均一室故茲敢膽上彼
之國書與口奏伏乞俯鑒指賜良策使我東藩得以固圉全安焉
使臣駐京西洋各國皆同蓋既通商必有交涉事件公使之駐京
猶之領事之駐口岸非此不能遇事互酌以聯兩國之誼以平兩
國之爭實有益而無損也特東西風氣各殊粹議駐京鮮不意存
顧慮中國從前初與西國通商開口時情形亦然揣度事勢既經

奏稿四十

十六

立約通商斷難始終拒絕與其勉從於後日似不如慨允於目前
況日本使臣駐京一節查光緒二年貴國與日本立約業於第二
款載明現彼據約而求備不允許即為背約其曲在己未免授人
以隙至仁川一港係由海道達王京必由之路如已允開即踐守
前諾似亦無礙至所云自稱又無援照往復之際如何措措庶不
失國體而免笑於各國等語茲日本遣使齎奉國書將來貴國答
以國書乃兩國禮尚往來之義答書如何措措想貴國自有討論
而簡色之者至於國書內所稱名號歷查西洋各國書籍內所載
聘問國書譯其稱謂本非一律如德意志俄羅斯奧斯馬加等國
主皆自稱為帝意大利口斯巴尼亞瑞典等國主皆自稱為王開
有譯漢文為君主及君王者英吉利國主則稱王女則稱后迨
前六年始加印度皇后之號如稱王之國致書於外洋稱帝之國
彼此亦各從其本稱本嘗以稱帝為尊稱王為小也貴國久受
中朝冊封如有報答日本之書理應仍用
封號將來傳聞各國衡以西洋通例當無笑貴國為失體者

唐仁廉不能赴吉摺 光緒七年二月初六日
奏為吉林請調總兵仍須在本任辦理海防急切難易生手恭摺
仰祈

聖鑒事竊臣欽奉光緒六年十二月二十五日

寄諭前據銘安奏請調總兵唐仁廉差遣旋據李鴻章奏該總兵
統帶所部駐防海口且有承辦要務未能派赴吉林茲據銘安喜
昌奏稱現聞該總兵修築礮臺業已告竣仍請飭調赴吉總統三
姓防營沿江礮臺亦令相度辦理等語著李鴻章即飭該總兵迅
赴吉林俾資防守等因欽此當經轉行遵照惟查唐仁廉係實任
通永鎮總兵飭統馬步五營駐紮北塘海口該處為畿境緊要門
戶實與大沽防務並重雖礮臺營牆逐漸修築苦於經費支絀尚
未完工應設礮位亦未齊備並應添造水雷地雷電鏡等房及儲
備軍糧子藥庫其煙頭沽調駐練軍一營亦歸該鎮節制尤宜及
時趕修礮臺俾資倚角唐仁廉素稱驍勇熟悉北塘沿海情形該
處防務工程購料甫齊春融興作須責令一手經理況靈軍馬步
各營分紮樂亭灤州一帶均係通永鎮汛地唐仁廉又為鮑超舊
部主客之交賴其照料聯絡唐仁廉辦理北塘防務數年兵將相
習若遽易生手誠恐呼應不靈致貽誤至吉林三姓江防亦關
緊要吳大澂前委直隸州知州戴宗騫募練馬步五營銘安等所
調副將劉超佩三營郭長雲一營現在併紮三姓該將領皆久在
直隸軍中於訓練紀律修築礮臺情形均尚熟悉又有吳大澂往
來督率但使餉械不至短缺號令無所紛歧籌防可臻穩固唐仁
廉與戴宗騫郭長雲等素未共事即強令前往統帶轉慮不能得
力於吉林江防無甚裨助而

畿輔海防亦乏替人除咨覆銘安等知照外理合恭摺陳伏乞
皇太后
皇上聖鑒訓示謹
奏

奏稿四十

九

查擬招商局參案摺 光緒七年二月十一日
奏為查明招商局員被參各款分別整頓辦理恭摺仰祈
聖鑒事竊臣欽奉光緒六年十一月二十六日
寄諭祭酒王先謙奏招商局務宜加整頓各摺片設立招商局原
期收回中國利權如果局員等營私害公敗壞局務亟應痛加整
頓李鴻章創辦此局責無旁貸著逐一嚴查認真整飭如唐廷樞
等實有侵帑把持並設計排擠各情即行從嚴參辦葉廷眷經理
是否確有成效其辦理章程有應變通之處及早設法該祭酒請
令商船出洋目下情形能否及此將來如何漸次開拓妥籌具奏
等因欽此遵經札派江海關道劉瑞芬津海關道鄭藻如將所參
各款逐節嚴查旋據該關道會同南洋所派之江南製造局道員
李興銳稟附招商局銀錢帳目向由駐滬道員徐潤一手經理當
向調冊前核並就原奏分條查覆如朱其昂等購船價貴均即沈
沒虧折殆盡一節該關道等查同治十一年已故道員朱其昂購
買伊敦福星水清三船於上海天津各立碼頭運漕攬貨因創辦
之始外洋及貿易情形未熟船價稍貴其用人濫而糜費多亦所
不免次年添派道員唐廷樞徐潤會辦增置輪船碼頭頗有餘利
將朱其昂虧折四萬餘兩分年提補其伊敦一船旋在大沽遭風
沈沒福星一船在黑水洋被英船撞沈令洋商賠結此皆事出意
外並非船不堅固該局厚生江長兩船亦在江海失事均歸保險
局償還於局本尚無虧損又原奏唐廷樞宣懷以公項私買旗
昌股票抵數扣帶人已旗昌原本已虧收買時仍照原本開報一
節該關道等查光緒二年處撥給官款係添購豐順保大江寬
江水四船之川唐廷樞等並無挪移私買股票是年冬收買旗昌

輪船等項由南洋撥給官款銀一百萬兩分期交付旗昌洋商取
有收據且係徐潤經手唐廷樞盛宣懷更無扣留入己之事惟應
付旗昌銀二百二十二萬兩除撥官款外應照盛宣懷等原稟由
各商湊集銀一百二十二萬兩乃係招商股四萬餘兩以之抵還
旗昌一百二十二萬兩所短甚巨遂由局借墊銀四十餘萬兩付
給旗昌尚短銀六十九萬兩係將官本緩息商股存息以及保險
餘費按年積存陸續歸楚未踐原稟之言致有疑為詭詐者洋商
房產交易向有五釐中金分給經手之人即盛宣懷等原稟花紅
是也則價至二百餘萬之多應提花紅銀數不少盛宣懷等主持
其事即使毫不沾染難免羣疑眾謗至旗昌股票唐廷樞徐潤或
有一二盛宣懷久在任途未必有此即有股票不難逕向旗昌取
銀何必刻扣付款且旗昌亦斷不肯將應收價銀任唐廷樞等割
扣入己其輪船等項買價二百二十二萬兩係照市價值並未
將旗昌虧折之數併入買價開報亦屬眾所共知又原奏侵虧之
銀加辦輪船各值之上葉廷眷接辦起色被唐廷樞盛宣懷排擠
畏咎引退唐廷樞等恣意侵挪一節該關道等查招商局木上屆
結帳計存官款銀一百九十萬兩有奇商股八十餘萬兩所置輪
船碼頭等項其實用銀三百六十五萬九千二百兩以存抵用短
銀九十二萬五千餘兩除以保險公積等款濟用外尚短銀七十
四萬五千餘兩係由唐廷樞徐潤等向錢莊借墊並無現銀存局
無從侵挪現將碼頭船棧等項核估市價尚屬相符可信其無加
攤各值之事至從前獲利無多未能即除船棧成本銀八十餘萬兩此
六年六月兩屆結帳均有盈餘共除船棧成本銀八十餘萬兩此
後若逐年得利陸續減折將可折成船料道員葉廷眷係光緒四

年秋開由唐廷樞等稟請奏委人局會辦因於生意未悉始則力
辭繼則稟明試辦一年到局後即赴蘇浙江鄂等省商辦酒務迫
回滬與唐廷樞等商議將總分各局用費責成經手之人包辦稍
得節省五年春赴津通交米至秋南旋中途感胃兼以老母多病
具稟乞退未准隨即請假侍奉歸調葉廷眷之入局係唐廷樞等
稟請決無排擠之事且局中結帳皆有餘利局務尚有起色亦何
至畏咎引退又原奏官款分年提還局務歸商而不歸官是以庫
帑供唐廷樞等營私之用一節該關道等查光緒六年臣與署南
洋大臣吳元炳奏定商局官款除還東海關等銀十二萬餘兩外
尚存銀一百七十餘萬兩自是年起分作五年將運酒應領水腳
全數抵還其輪船運酒用費取給攬載客貨之中以後生意盈虧
在商不在官使官帑先有著落等因蓋專指生意盈虧而言非謂
局務即不歸官也又查光緒三年奏案官款自是年起緩息三年
俟光緒六年起勻分五年緩息按本統計八年官款全清其緩收
息款以後或作官股或陸續帶繳屆期察看情形再議等因是至
光緒十一年官本還清之後尚有八年息銀約九十餘萬兩若存
局作為官股應由局按年繳利否則由局將原息陸續繳官斷不
能任唐廷樞等自肥私囊該關道等又查臣於光緒六年六月奏
准將各省借撥該局官款每年應還銀三十五萬餘兩酌提三屆
合銀一百餘萬兩以抵訂造鐵甲船之需與商局並無出入自應
逕解北洋無須如原奏由南洋收解其餘兩屆應否由南北洋分
收撥解請屆時酌定又查總分各局銀錢出入定章本應按船開
報若如原奏用關道三聯印票殊於商情體制有礙應無庸更張
並據該關道等籌議華商運茶華船出洋二事暨整頓商局事宜

具稟前來詳核該關道等查覆各節大致明晰但尚有錯誤之處查光緒二年冬盛宣懷等公稟南北洋原案據收買旗昌輪船等項合銀二百萬兩議由是年十一月十九日付頭批銀二十萬兩十二月十八日付二批銀二十萬兩次年正月十七日付三批銀六十萬兩即行交盤此外一百萬兩作為旗昌暫存商局八釐起息分期歸還又漢口等處碼頭等項連花紅合銀二十二萬兩於六箇月內交銀過戶惟商局並無餘力此項資本二百二十二萬兩除旗昌尚有華股二十萬兩可勒令仍充股分外請撥官本銀一百萬兩並飭兩淮運司會勸商每引一引搭股銀一兩可得銀七十九萬二千餘兩再通飭各藩司各海關道隨時勸諭商富搭股等情當經臣鈔咨總理衙門查核有案是原稟並無已集商股一百二十二萬兩之說不得謂其詭詐欺朦嗣因怡和太古兩行更相傾擠各司道既未幫同勸諭各商亦未即附本故僅集股銀四萬餘兩此則時勢使然未可苛責局員者至該局既難集股自不能不暫向錢莊借墊及以緩息等項應急係屬變通辦法亦不得怪其未踐原稟之言又花紅即是中金一節臣傳見當日經手之唐廷樞而加嚴詰據稱係上海金源輪船公司所得盡旗昌兼辦金源公司每年得行用銀十餘萬兩今將全幫輪船南給商局其公司生意即歸局經理該公司行主每年少十餘萬進項而各口所用辦事人等給予薪水盤費令其回國或另謀事是以於漢口等處碼頭等項價銀之內議及花紅以為該公司津貼彼先索漢口等處碼頭等項價銀二十五萬兩花紅銀二十萬兩商局僅共給銀二十二萬兩立有約據聲明此項價銀二十二萬兩其售於本局上海輪船公司之花紅亦在其內原經鈔呈轉

咨總理衙門有案所謂上海輪船公司者即金源也所謂上海輪船公司之花紅者即金源所得也開載本已分明不難調據查考此事雖盛宣懷徐潤朱其詔先至金陵請示而各項價值均由唐廷樞與旗昌行主面議既係兩家自行成交並無居間之人焉有中金之理盛宣懷於畫押之日已赴湖北礦局並未在場所有商局應付旗昌價銀二百二十二萬兩均已陸續交付明白不收鉅孔相對又有商局旗昌匯豐三處帳簿可憑若有分文花紅交付商局經手之人儘可查詢旗昌行主調核各處帳簿即在滬股商及本局所用華洋各夥千百人亦屬其見其聞斷難掩飾等語情詞甚為真切臣疊次訪察亦未聞有盛宣懷等沾染毫中金之事乃該關道劉瑞芬等於集股一節並未細查原稟於金源所得花紅一節又未調查收銀字據疑為商局經手人所得中金殊屬錯誤應即照案更正以昭平允至招商局為收回中國利權關繫大局甚巨臣於同治十一年定議創辦誠如聖諭責無旁貸是以疊經維持整頓嚴飭局員實心經理以期久遠不做隨時奏明有案事雖商辦官仍督察並非漫無鈐制斷不容其恣意侵漁該局本為洋商嫉妬從前旗昌怡和太古三行合力傾擠疊將水腳跌價有減至一半者有減至三分之二者商局不能不隨之俱減以致無利有虧商股亦多裹足迨收買旗昌後資本短缺又有修理船隻之用仍須出息借貸並飭運直督賑米多而且急局船不敷調用由局代雇洋商輪船貼水腳損割等費嗣經唐廷樞等與怡和太古設法議和生意順手意外虧賠之費亦少故自光緒四年七月至六年六月兩屆結帳皆有盈餘僅

借錢莊銀七十餘萬兩較之光緒三年缺本一百四十餘萬兩已
減輕七十萬兩又除船費等項銀八十餘萬兩其尾欠旗昌價銀
六十九萬兩亦經歸結清楚實係漸有起色盛宣懷早經到直候
補局務已不與聞其會議收買旗昌乃去一大勁敵洵屬借實定
主之謀劉瑞芬等稟覆亦謂其具有遠見於商局不為無功該員
與唐廷樞等既無侵帑害公把持排擠情事均應請
旨免其置議唐廷樞熟悉中外語言文字船務商務與徐潤辦有
成效應仍責令唐廷樞徐潤實心經理由臣等隨時稽查督飭其
一切出入帳目按期分晰開報俾供眾覽每年結帳時照章由滬
津兩關道就近赴局清查一次所有該局內外各項掛欠帳目十
餘萬兩即令唐廷樞徐潤分別催收追繳提還具報嗣後不得掛
欠轉致轉轉劉瑞芬等以攬載客貨難免代攬之人挪前壓後或
串通輪船司事以多報少銀兩延不解局其局中股票聞有巧滑
之徒減價收買另招新股更名抵給從中漁利擬請整頓兩條應
嚴飭唐廷樞徐潤認真釐剔防範力杜流弊凡用人一切不得稍
涉瞻徇浮濫糜費違則從嚴參辦至局存各省官款銀一百七十
餘萬兩臣前已奏定自光緒六年起由運漕水腳內分作五年扣
還內應酌提三屆銀一百餘萬兩抵作訂造鐵甲船之需其第四
屆第五屆銀約七十餘萬兩仍應歸還各省內如湖北省因上年
裝運軍軍來直輪船水腳無款可籌已擬將第四屆官本作抵浙
江省因海塘工程需款屢請提撥濟用此外各省情形略同自應
將第四五兩屆應還官本屆時於運漕水腳內照數扣出撥還各
省歸款以符原議而免紛更其八年緩息之款合銀九十餘萬兩
並照奏案或作官股生息或陸續帶繳屆期察商核辦至王先謙

片奏華商運茶赴俄照俄商稅則辦理並設宏遠公司華船運貨
赴外國兩節查俄國需用之茶向由華商專運獲利頗厚今被俄
商佔去據劉瑞芬等稟稱能將華商運俄之茶亦照俄商稅則只
完正半兩稅自可漸復華商舊業有裨大局不惟招商局轉運獲
益客臣咨商總理衙門核辦至黎兆棠前擬設立宏遠公司以巨
資難集尚未定議招商局船前曾駛往新嘉坡小呂宋日本等處
因該處各有公司輪船攬載未能與抗光緒五年派和眾船試走
夏威仁國之檀香山美國之舊金山該兩處華人雲集裝載客貨
尚旺六年添派美富輪船常川往來臣因訂購英廠快船將成
遊派員弁水手出洋驗收飭局派海琛輪船裝載駛往倫敦是華
船赴外國招商局已經試行劉瑞芬等謂應就局船相機逐漸推
廣藉資獲益自應照辦所有查明分別整頓辦理緣由謹據實恭
摺由驛覆陳伏乞
皇太后
皇上聖鑒訓示謹
奏

東海關京餉分年核議摺 光緒七年二月二十五日

奏為東海關洋稅奉撥京餉五年分業經解足六年分收數不敷報解擬請展緩免議恭摺仰祈

聖鑒事竊據東海關監督登萊青道方汝翼稟稱東海關六成洋稅光緒五年奉撥京餉銀五萬兩係於是年七月十二月兩次委解足額並無帶欠奉有印收批迴惟戶部仍奏請議處懇查案更正至六年分京餉五萬兩本應依限解足但稅款之旺衰視乎商船之多寡上年各商籌辦海防大軍雲集人心驚疑船貨頓少以致洋稅收數甚絀且天津為京城門戶練兵月餉甚關重要向指津東兩關洋稅不得不先其所急以維大局然亦不能按額解齊計自光緒五年十一月二十日第七十八結起至六年十二月初一日八十一結止實收六成洋稅招商局船稅及半稅銀十七

奏稿四十

萬三百餘兩連七十七結存銀二萬三千九百餘兩其合銀十九萬四千二百餘兩已批解部庫五年分京餉二萬五千兩抵作閩餉一萬兩又解津防練兵月餉五萬兩又出使經費一萬九千八百餘兩又稅務司薪水及本關經費六萬四千四百餘兩總共解支銀二十萬四千二百餘兩以收抵支實不敷銀一萬餘兩係暫時設法墊解是以除欠津餉外尚欠六年分京餉銀二萬五千兩委係無款可籌非敢藉詞延宕查洋稅向係儘徵儘解如本款徵數有限報解未能足額歷有展緩免議成案可循此次因各省辦防商貨減少稅收短絀實由時勢使然稟請

且已墊解萬餘金現在尚未歸補相應仰懇天恩俯准將下短六年分京餉銀二萬五千兩照案暫行展緩免其議處俟稅收稍旺即行補解以資周轉除咨明吏戶部外理合會同山東撫臣周恆祺恭摺具陳伏乞

皇上聖鑒訓示謹

奏稿四十

天

東明仍請改要缺摺 光緒七年二月二十五日

奏為直隸東明縣中缺現有黃河重大工程仍請改為沿河要缺恭摺仰祈

聖鑒事竊大名府屬之東明縣知縣本係二字中缺向無河道隄工自咸豐五年河南銅瓦鑲黃河決口改道北行該縣適當其衝遂阻於河之南岸歷年頻遭水患地方凋敝閭閻困苦獄訟滋多凡撫恤災荒緝捕盜賊審理案件頓增數倍光緒二年境內創築南隄一道縣互六十餘里又有修防之責非通曉吏治諳悉河務之員殊難勝任臣於光緒三年

奏請改為繁疲難三字沿河要缺遇有缺出由外揀員分別調補以期治理得人旋經吏部議覆應照例於本省繁缺內酌定一缺改為簡缺方可將東明縣缺互換改繁等因臣查中簡缺分改繁

奏稿四十一

五

須擇一繁缺改簡之例係指地方尋常員缺而言蓋或彼縣田賦村鎮改隸此縣或彼縣人民商貨遷移此縣此增則彼減故可繁簡互換今東明因河道隄工請改繁缺與尋常事體不同查黃河係由他省遷來直省之河並無遷去焉有互換缺分歷年各省添改員缺甚多即如山海關本係監督而改為道員天津縣本係沿河而改為海疆津海關本無道員營口本無同知而均添設並未議及互換可知因時因地以制宜不能拘泥常例也且黃河北徙從前南路各省沿河州縣皆已無工正可彼此相抵不必於直省互換直境為黃河經由古開州長垣東明三州縣開州長垣距河較遠工段不多尚皆平穩無須改為沿河字樣即亦置之不議惟東明逼近河脣工長責重近來大溜直刷隄根奇險疊出去歲霜溝後竟致高村漫口雖已堵築合龍而此後修防事宜萬分緊要

必須責令地方官會同委員相機妥籌經理若仍按班選補此項人員情形既多生疏河工更非素習況距省千餘里斷難於選補到任誤事後始行撤換據藩司任道鎔臬司方大澍查明現在本省丞倅牧令繁要沿河各缺中實無可改中簡之缺相應仰懇特恩俯念黃河工程重大准將東明縣知縣改為繁疲難三字沿河要缺免其互換嗣後遇有缺出揀員分別調補毋庸按班輪用以裨地方理合恭摺具陳伏乞

皇太后

皇上聖鑒訓示謹

奏

奏稿四十一

三十

懇陳感悚下忱摺 光緒七年三月初四日

奏為懇陳感悚下忱恭摺仰祈

聖鑒事竊臣恭閱邸鈔二月二十二日奉

上諭通政使司參議劉錫鴻奏疆臣不堪倚任臆款參劾各摺片披覽所奏殊堪詫異李鴻章久任封圻深資倚畀其平日辦事原不能一無過失朝廷隨時訓誡亦未嘗稍有寬假據劉錫鴻所陳各款如奏留藩司任道鎔入覲為蔑視綱紀覆奏籌備餉需一疏為藐抗朝廷腹非論旨優保委員黃惠和等為妄言欺謾等情深文周內已屬支離至謂其跋扈不臣儼然帝制並以荒誕不經之詞發諸奏臆肆意傾陷尤屬謬妄糊塗朝廷於馭下聽言一秉至公似此信口誣讒不可不予以懲處劉錫鴻著交部嚴加議處欽此跪誦

奏稿四十

五

綸旨戰慄悚惶罔知所措伏念臣本無學術又乏才能惟此報

國之孤忠所自盟於幽獨者始終未敢稍懈徒以久在軍中積受勞傷今已年屆六旬精力日憊衰病交侵責任過鉅政務過繁往往有精神疏漏之處偶不及檢輒叢咎謗祇緣受

恩深重時事艱難未忍乞一日之假偷一息之安致廢要公貽憂君父不圖劉錫鴻挾臣上年遊

旨奏撤出使德國之嫌橫生蜚語被以惡名若依所言生既無顏

監刑於朝班死亦未能塞責於地下自非我

皇太后皇上天地再造之恩察臣無他明臣無罪雖復肝腦塗地天下後

世誰喻臣心此臣所由感激

仁施不禁嗚咽自傷寢食俱廢者也惟是下之過失本在聖明涵覆之中曲宥微臣已為至幸聞及言者亦所難安以臣誤叨重寄積有愆尤清夜自維凡所設施愧未克仰副訓詞稍糜眾望就使指摘未及臣亦時切兢兢惟有益勵恪恭常存敬畏集眾思以攻闕矢小心以奉公不敢愛身不欲文過冀無

負朝廷倚畀保全之至意臣不勝犬馬怖懼謹繕摺懇陳伏乞

皇太后皇上聖鑒謹

奏

奏稿四十

五

會國荃乞假南歸片 光緒七年三月初四日

再新授陝甘督臣會國荃此次回津會商交卸山海關防務足疾困憊情形較前更甚屢往看視據稱與北方水土不合積受凝寒兼因從前軍營傷毒串入筋絡是以動輒牽痛步履維艱須趁此時赴南中溫和地方設法調治猶可漸冀痊愈業蒙
恩賞假就醫仰見
聖明體恤下情無微不至該督臣以病軀狼狽未敢附搭輪船再受顛簸眩暈之苦一面將經手事宜交替清楚即於三月初三日力疾登陸緩程南下理合附片陳明伏乞
聖鑒謹
奏

奏稿四十

三

願懇叩謁 梓宮摺 光緒七年三月十三日

奏為願懇
恩准赴京叩謁
梓宮仰祈
聖鑒事竊臣恭讀三月十一日邸鈔
哀詔
遺詔驚悉
大行慈安端裕康慶昭和莊敬皇太后仙馭升遐搶地呼天神魂
飛越痛念
大行皇太后前後垂簾臨御寰宇近二十年無日不在憂勤惕厲
之中值時局之多艱每潛移而默運
所宵勤政佑啟

奏稿四十

三

中興
聖德
神功隆古無比何圖一旦委棄臣民溥海含悲攀號莫及矧臣待
罪畿州久荷
知遇之隆
倚畀之重
高厚生成涓埃莫報粹問凶耗瞻望
闕廷五中摧裂罔知所措亟思就近叩謁一展哀戀之忱恭慰
皇上下大孝伏冀
節哀順變隨時珍衛並願請
慈福端佑康頤昭豫莊誠皇太后勉抑哀思藉資靜攝速臻康復
以慰中外億兆民人之望合無願懇

天恩准臣匍匐赴京叩謁
梓宮虔申哀悃並即瞻覲
天顏跪聆
聖訓不勝戰慄迫切待
命之至謹繕摺具陳伏乞
皇太后
皇上聖鑒訓示謹
奏

奏稿四十

三

請撥鄂漕捐 光緒七年三月十八日

奏為順直災區民情困苦懇懇

特恩賞撥鄂漕以應春撫急需恭摺仰祈

聖鑒事竊上年順直各屬東北窪地被水西南高地被旱其計災

歉六十二州縣經臣奏奉

上諭分別蠲緩糧租即就去春賑餘漕米及捐湊各款分撥散放

窮黎藉過嚴冬並於預籌今春接濟事宜摺內聲明屆時察看情

形懇

恩酌賞南漕等因在案茲查東北較高地面水漸消退其低窪之

處積水仍深麥收失望冬春雪雨稀少西南一帶益形乾旱春麥

未能布種其已種者待澤孔殷疊據災重之順天所屬文安大城

霸州寶坻保定武清直隸所屬河間雄縣任邱高陽肅甯天津等

州縣紛紛稟請撫恤雖經籌款集捐於文安縣開濬大清河下游

於獻縣戶開濬沱城河各數十里以消積患而興水利俾附近貧

民備趁餬口但災區窮黎較多值此戶少蓋藏青黃不接謀生之

術飢困堪憐必應設法撫綏庶免委填溝壑直隸當大稔之後庫

儲糶掘一空不得作發棠之請查湖北省本年仍辦漕米三萬

石業據招商局領價采購即可由輪船運津本屆江浙海運交倉

漕米已較往年加增此項鄂漕三萬石為數無多若被撥直賑於

京倉尚無所損而近畿飢民實資全活合無懇

天恩賞給湖北本年采運新漕三萬石即在天津就近截撥責成

天津道吳毓蘭會同賑局認真驗收由臣督同司道詳察順直災

區輕重及時分撥遴委妥員會同地方官確查戶口核實散放並

酌量以工代撫務使實惠及民不准絲毫弊混其隨漕剝船耗食

米石及由津運通船價等項請照案飭令該局核扣解交賑局津

貼運費如蒙

俯允所請

特旨賞示則

恩出自上益足固民志而廣

皇仁是否有當理合會同兼管順天府府尹臣童華府尹臣李朝

儀恭摺由驛具陳伏乞

皇太后

皇上聖鑒訓示謹

奏

奏稿四十

毛

請補造剝船二百隻片 光緒七年四月二十三日

再剝船之多寡必以米數為權衡從前江蘇起運漕糧僅五六

萬石浙江僅二三十萬石是以剝船一千八百隻按兩省米數分

成勻撥尚可敷用近年米數遞增上屆江蘇起運七十餘萬石浙

江起運四十餘萬石本屆又增八萬餘石較從前計多四五十萬

石剝船仍止此數實屬周轉不開雖疊飭天津道分派員弁節節

催提務令回空迅速但米多船少每有停解待運之虞現當規復

漕額必應添備剝船乃免貽誤查向例本有剝船二千五百隻核

計現短原額七百隻勢難全數補足擬請先行補造原額剝船二

百隻照例由江西承造一半湖南北承造一半均令於來年春間

解到天津在該省補造無多尙易為力在直隸轉運稍速藉濟要

需庶於漕務有裨擬請

奏稿四十

天

救下該三省督撫臣迅速籌辦至直東運司撥解天津道庫工食

油艙等項僅敷現有剝船用費其補造之剝船二百隻應請由部

添撥工食油艙等項銀兩以資應用所有現短原額剝船請另補

造緣由理合附片具陳伏乞

聖鑒訓示謹

奏

資遣湘毅軍片 光緒七年四月二十三日

再臣前與新任陝甘督臣曾國荃會奏分別撤留山海關防軍事

旨著照所議辦理務當悉心經理次第布置俾遣散撤回各營沿途安靜等因欽此查此次遣撤各軍以記名藩司劉連捷所統湘毅軍七營福祿壽三營為大枝本擬五月初開飭該藩司帶至長沙六月下旬遣散即以五六月之餉作為川資惟該十營人數既眾山海關距湖南三四千里若由陸路行走深恐長途難於約束復經會同商酌即調招商局輪船由附近關門之秦王島海口分批裝送上海酌換長江輪船送至漢口再雇民船駛赴長沙遣散歸農俾臻妥速但須提早起程騰出月餉以作輪船水腳議定後即分飭該藩司劉連捷暨招商局遵照旋據該藩司稟稱招商局

奏稿四十

奏

派永清日新漢廣鎮東輪船四號於三月十八二十一等日先後抵秦王島即令記名提督葛清泰總兵朱連勝袁大陞王其章等分船管帶連行李軍裝等項作為兩批裝送其山西晉所募伙勇工役前已遣歸至中營馬隊衛隊交記名提督劉崑崑參將張其益帶領先由陸路開拔其餘各營弁勇概登輪舟南駛該藩司與郎中劉鴻年分批督率前進並據招商局員稟稱頃批兩船於三月二十二日到滬仍由原船轉運漢口後批兩船於二十五六等日到滬即換江輪赴漢沿途均稱靜謐等情具報前來所有湘毅軍等十營全數遣撤緣由除咨查照外理合附片具陳伏乞

奏 聖鑒謹

截留礮位解奉省片 光緒七年四月二十三日

再欽奉三月二十三日 上諭岐元等奏請將郭寶昌撤回各營內兩磅後膛礮六尊格林礮兩尊馬梯呢後門洋鎗五百桿並火藥鉛丸全數截留等語江南本有應解奉省軍械現在尚未解到著李鴻章飭令郭寶昌將該營礮位等項照數截留其應如何運解及酌留員弁兵丁俾資訓練之處並著李鴻章查明辦理所有此次截留礮位等項著劉坤一於機器局如數撥給由裕祿知照郭寶昌領用以利操防等因欽此其時已據郭寶昌呈報開拔頭隊回皖業將鎗礮等項裝船運津僅有兩磅後膛礮六尊尚存山海關防所經臣飛飭該鎮截留解奉即據郭寶昌將兩磅後膛礮六尊委員廉誠由關運解奉省一面揀派諳練鎗礮弁勇陳富超等六人隨往教練由郭寶

奏稿四十

奏

昌籌給運腳川資至馬梯呢後門洋鎗本係營勇逐日操練之件查明到津後業經各營自行攜帶南下難再追回其格林礮二尊及礮子七萬九千粒兩磅後膛開花礮子二千六百六十五筒拉火三千枝洋藥五千斤鉛丸五千斤銅帽二十萬粒銅五件八百四十副均由津截留飭據郭寶昌委員吳明鏡杜濬魁管解雇裝海船運赴營口交山海關道續昌驗收再由岐元派員提解應用所需由津至營口船價川資銀三百二十兩飭天津支應局墊發仍由奉省解還歸款至截留礮位各件即由江南照數撥給郭寶昌領用除咨查照外理合附片覆陳伏乞

奏 聖鑒謹

直隸開辦礦務摺 光緒七年四月二十三日

奏為直隸招商購器仿用洋法開辦礦務疏通運道漸有成效恭摺仰祈

聖鑒事竊惟天地自然之利乃民生日用之資泰西各國以礦學為本圖遂能爭雄競勝英之立國在海中三島物產非甚豐盈而歲出煤鐵甚旺富強遂甲天下中國金銀煤鐵各礦勝於西洋諸國祇以風氣未開菁華闕而不發利源之涸日甚一日復歲出鉅款購用他國煤鐵實為漏卮之一大宗從前江西之樂平及山西湖南等省皆以土法開采煤鐵等礦工力較繁而所得較微無裨大局近來如臺灣之基隆湖北之荊門安徽之池州經營煤礦漸用洋法然或因創辦伊始或因經費未敷尙難驟得大效臣於光緒元年四月間欽奉

奏稿四十一

聖

寄諭著照所請先在磁州試辦派員妥為經理等因欽此仰見朝廷恢拓遠圖至意旋經屢次委員往查磁州煤鐵運道艱遠又訂購英商鑄鐵機器不全未能成交因而中止旋聞灤州所屬之開平鎮煤鐵礦產頗旺臣飭招商局候選道唐廷樞馳往察勘攜回煤塊鐵石分寄英國化學師鎔化試驗成色雖高低不齊可與該國上中等礦產相仿采辦稍有把握三年八月臣檄派前任天津道丁壽昌津海關道黎兆棠會同唐廷樞熟籌妥辦旋據酌擬設局招商章程十二條批令刊刻施行迨丁壽昌黎兆棠先後離津現任津海關道鄭藻如復會辦局務查初定章程擬招商股銀八十萬兩開采煤鐵並建生熟鐵鑪機廠就近鑄化繼因招股難足額鑄鐵鑪廠成本過鉅非精於鐵工者不能位置合宜遂先專力煤礦采煤既有成效則鍊鐵必可綱籌也唐廷樞奉檄設局

後勘得灤州所屬距開平西南十八里之唐山山南舊煤穴甚多土人開井百餘口只取浮面之煤因無法取水而止光緒四年鐵地探試深六十丈得有高煙煤六層第一層厚十八寸第二層二尺第三層七尺第四層三尺第五層六尺第六層八尺其第六層之下尚有一二層但計所得之煤已足供六十年之用因是不復深探旋於五年購辦機器按西法開二井一提煤一貫風抽水其提煤井開深六十丈貫風抽水井開深三十丈地下開橫徑三道一在提煤井二十丈開洞門作旋風之用一在三十丈一在五十丈兩道係取煤之用所有地下橫徑直道均與兩井相通其第一條橫徑南開四丈得見第一層煤質略鬆煤層過薄豫備不用北開八丈得見第二第三層煤兩層相隔只有一尺其質堅色亮燃燒耐久性烈而蒸氣易騰燒燼之灰亦少就目下二十丈深之

奏稿四十一

聖

煤論之可與東洋頭號煙煤相較將來愈深愈美尤勝東洋惟煤產出海銷路較廣由唐山至天津必經蘆臺陸路轉運維艱若夏秋山水漲發節節阻滯車馬亦不能用因於六年九月議定興修水利由蘆臺鎮東起至胥各莊止挑河一道約計七十里為運煤之路又由河頭接築馬路十五里直抵礦所共需銀十數萬兩統歸礦局籌捐非但他日運送煤鐵諸務便利抑且窪地水有所歸無虞積澇而本地所出鹽貨可以暢銷是一舉而商旅農民皆受其益所佔地畝均照民價購買本年二月興工挑挖五六月可一律告成從此中國兵商輪船及機器製造各局用煤不致遠購於外洋一旦有事庶不為敵人所把持亦可免利源之外洩富強之基此為嚆矢據總辦開平礦務局員唐廷樞將大略情形具稟前來臣查唐廷樞熟精洋學於開采機宜商情市價詳稽博考胸有

成竹經理數年規模備當夫籌辦之始因事端宏大難遽就緒未經具奏今則成效確有可觀轉瞬運煤銷售實足與輪船招商機器織造各局相為表裏開煤既旺則鍊鐵可以漸開開平局務振興則他省人才亦必聞風興起似於大局關係非淺所有直境招商購器開辦礦務疏通運道緣由理合恭摺具陳伏乞

皇太后
皇上聖鑒謹

奏

奏稿四十

呈

請減出口煤稅片 光緒十七年四月二十三日

再據候選道唐廷樞稟稱開辦礦務局以來購備機器延訂洋匠工司及買地築路挑河經費約共銀七十餘萬兩成本既重煤價亦因之而昂若再加現定之稅額即難敵外洋之煤其勢必不能暢銷而關稅亦鮮有實獲與其稅重而少所收不若減輕而多所納中國原定洋貨稅則過輕土貨稅則較重以致華商疲累難與洋商頡頏查西洋各國通例於外來進口貨稅無一不重於本國出口貨稅無一不輕所以徵外人之利而護本國之商斟酌損益實有至理乃中國初定約時為外人所蒙轉使外洋進口之貨稅輕內地出口之貨稅重不啻抑華商而護洋商此通商後數十年之流弊隱受厥累而不覺者也即以煤斤而論洋煤每噸稅銀五分土煤每担稅銀四分合之一噸實有六錢七分二釐若加復進口半稅已合每噸銀一兩有奇盈絀懸殊至二十倍之多前兩江督臣沈葆楨於臺灣基隆開煤時奏准土煤每噸徵稅一錢較洋煤業已加重嗣湖北用機器開采亦奉

奏稿四十

呈

諭旨准照臺灣稅則在案揆從前嚴定土煤稅章之意或恐煤稅減輕則土煤出口日多內地煤價必長故特重其稅以示限制惟是土法采煤只能售於近地若從陸路車運出口腳價太重斷不合算況其所采浮面之煤實不足供輪船製造等用如直隸西山等處煤產專濟五城內外之需並無轉運來津者是其明證似多運出口一節本可無慮今開平煤礦全用西法每日出至五六百噸之多據洋師測量足供六十年采取除運往要口分供各局及中外輪船之用並可兼顧內地民閒日用刻下運道疏通腳價既省若再將稅則減輕煤之售價必廉可以暢銷無滯而運售於各

局者不致再用洋商昂貴之煤其有裨於公款不少等情前來臣
 復飭津海關查取歷年洋煤土煤進口數目開具清單自同治十
 年起至光緒六年止洋煤進口計八萬一千五百餘噸土煤進口
 僅五千五百餘噸而出口土煤則天津向所未有蓋由稅則厚薄
 不一土煤壅滯難銷遂使厚利為洋商所壟斷若不變通設法更
 定章程殊非通籌理財之大計合無仰懇
 天恩俯准開平出口煤斤按照臺灣湖北之例每噸徵收稅銀一
 錢以恤華商而敵洋煤庶風氣日開利源日旺而關稅亦必有
 起色矣理合附片具陳伏乞
 聖鑒訓示謹
 奏

奏稿四十

呈

請開平泉銅礦片 光緒七年四月二十三日

再天津機器各局製造子彈藥帽等項所需銅料購自外洋轉運
 艱而價值貴且恐不可常恃自應就中國自有礦產設法開采以
 期費省用便前據儘先題奏道朱其詔查得承德府平泉州屬鉛
 銅子溝地面本有銅礦於咸豐三年招商采辦旋以硃老奏明封
 閉實則當時僅用土法不能抽去硃水遂遷停歇並非硃老砂空
 今檢取砂石交機器局分化其中確有銅質成色尚佳可合製造
 之用當飭該道帶同熟習礦務之職員會同前往詳細察勘籌辦
 並與臣崇綺分飭地方官彈壓照料茲據該道覆稱該處銅苗頗
 旺雖硃水較深只須機器抽去仍可開采應在二十里外之了頭
 溝起造廠房安設鍋爐融鍊無礙民居慮已將礦山廠地向業
 戶租定酌雇工匠及附近民夫開挖一面訂購西洋抽水起重吹
 風等項機器陸續運往應用由該道招股集資試辦等情到稟前
 來臣查鉛銅子溝既有銅礦可資采鍊其成色甚合製造之用自
 應照議試辦即歸機器局收買以興地利而濟軍需俟確有成效
 再行妥定章程所有委員試辦平泉州銅礦緣由理合會同熱河
 都統臣崇綺附片具陳伏乞
 聖鑒謹
 奏

奏稿四十

呈

吳仲翔辦理學堂片 光緒七年四月二十三日

再北洋陸續購蚊快鐵甲等船所有管駕大副二副管理輪機
礮位人員需材甚眾其作養造就之法以練船為基址尤必以學
堂為根源臣於去年七月奏請

飭派前船政大臣光祿寺卿吳贊誠駐津督辦水師學堂練船事
宜奉

旨允准在案旋經吳贊誠於天津機器局河東一帶勘定學堂地
基選派局員繪圖估料刻日興工一面酌定規條招考學生入堂
肄業吳贊誠於去冬回南就醫順便赴滬選募學童茲據咨稱舊
疾增劇不能轉動難期痊愈學堂事務繁重為造就水師人才張
本關繫海防要務若以病軀從事恐致貽誤懇代奏開去差使另
派能員接辦以重要公等情前來臣查水師學堂創辦伊始吳贊

奏稿四十

聖

誠既因病篤不能前來亟須遴員接替查有二品銜分發補用道
吳仲翔久充福建船政提調條理精密任事勤能熟諳製造及駕
駛學堂事宜昨經船政大臣黎兆棠奏明給咨赴部引

見道出天津臣稔知其於兵船規制諳練已深擬暫留津差遣派
令總辦水師學堂練船事宜以資傳助俟籌辦就緒再由臣奏咨

赴部是否有當附片具陳伏乞

聖鑒訓示謹

滿三德請加副將銜片 光緒七年四月二十三日

再據山海關道續昌稟稱稅務司滿三德從前幫同戈登帶兵隨
官軍打仗出力蒙

恩賞給二等寶星該稅司感佩激圖報本關募設洋鎗隊經該
稅司督飭操練自在關當差以來已蒙

天恩賞給三品銜惟西洋風氣以武職為尤榮可否懇給武官虛
銜等情前來臣查山海關稅務司滿三德既曾效力行間又嘗教

練鎗隊著有微勞值此時事多艱正宜牢籠超人以備任使可否
仰懇

恩施賞給稅務司滿三德副將銜用示激勵理合附片陳請伏乞
聖鑒訓示謹

奏稿四十

吳

請緩課奏銷摺 光緒七年四月二十三日

奏為援案請緩長蘆本屆正課奏銷以恤商艱恭摺仰祈
聖鑒事竊據長蘆鹽運使如山詳稱蘆商正課例限五月奏銷自
同治十年後商情艱窘節經詳請

奏准緩至十月啟徵茲以例限將屆催令各商完納據通綱商人
薛有字等稟稱如果銷路漸暢積困稍舒自應依限輸將何敢瀆
求展緩無如前數年直豫大災人民流徙未復各岸銷數減少上
年冬雪未透今春雨澤愆期遂致硝鹽偏地官引益滯標項更絀
河路亦復淺阻現正竭力設法籌辦春運其去歲未完幣利及帶
徵正課亦均到限於辦運喫緊之際又須完此數款情形甚屬拮
据本屆正課奏銷實難依限籌措懇援案展緩該運司詳加體
察委係實情仍請緩至十月啟徵等情具詳請

奏前來臣查長蘆正課前因商情艱窘疊請展緩均經奉
旨允准現值餉需支絀但可依限催納不容稍事稽延實緣災荒
之後元氣未復又值冬春雪雨稀少地產硝鹽各岸銷數益滯課
運同時併辦力有難支自應援照歷屆成案懇懇

天恩俯准將光緒七年正課奏銷緩至十月辦理屆時當督飭運
司認真催徵以濟京奉各餉不致貽誤理合恭摺具
奏伏乞

皇太后
皇上聖鑒訓示謹

營口練軍實成關道摺 光緒七年四月二十七日

奏為營口原設練軍仍應實成山海關道統帶以重口岸而一事
權恭摺仰祈

聖鑒事竊據山海關道員昌稟稱營口練軍洋鎗隊五百名原為
通商口岸彈壓巡防而設向歸該關道統帶今因照章挑放隊官
名缺奉將軍岐元副都統富陞會副以該軍已有副都統博崇武
統帶協領依克津布管帶其公事須由依克津布呈由博崇武核
轉該關道既未移交營務又擅自放缺公文內仍有統帶字樣謂
不成事現仍依克津布回省將該關道改為管帶仍歸博崇武統
帶等因該關道因另派統帶與奏定章程不符且各營管帶應歸
統帶官統屬而副都統向無統屬可道體制但既奉旨會副請責已
將營務移交博崇武接統等情稟報前來臣查同治五年營口添

設練軍洋鎗隊五百名曾經總理各國事務衙門奏稱專為防護
營口之用與奉省地方原有各營絕不相涉應令改設之山海關
兵備道統帶調撥歸通商大臣督飭妥辦並謂該處中外交涉事
繁有此兵隊既可鎮壓賊匪亦可鉗制外侮且練兵以籌餉為先
該關道管理稅課正可兵餉兼籌事權不致紛歧等因奉

旨允准欽遵在案嗣經三口通商大臣崇厚奏加該道海防練兵
翼長名目督練官兵並據前關道俊達議定章程二十六條所有
營總管帶等官即以防守尉等充當尋常營務悉由關道主持緊
要事件該關道稟請通商大臣將軍核示是此項練軍統帶係奏
明隨道缺而設具有深意迄今循辦十餘年並無貽誤上年八月
欽奉

諭旨僅令岐元酌撥旗營練兵派員往營口扼紮交博崇武統帶

岐元已撥給博崇武原練捷營旗兵六百名今當陸續改定
置將該關道所統練軍亦交博崇武統帶凡挑放隊官等事皆不
許該道與聞不特與總理衙門原奏迥不相符且營口為通商要
區人情本極浮動關道乃華洋觀瞻所繫向須預以備兵除此練
軍五百名又無他兵可調無端撤其統帶必致駭人聽聞遇事掣
肘呼應不靈實屬有礙大局臣統轄三口商務防務欽遵本年四
月初八日

諭旨安籌兼顧勢難聽其隨意更變致誤事機該關道續昌明練
樸誠辦事穩妥到任後察知官兵頗有習氣已設法逐漸整頓並
刪除浮費樽節餉需尚稱得力所有營口原設練軍洋鎗隊五百
名應仍責成該關道續昌統帶認真督飭營總管帶各官實力訓
練務除積習用備緩急老弱弁兵隨時裁汰節出餉項另備籌築

奏稿四十一

五

廠臺之需其尋常營務照章歸該關道經理分報通商大臣將軍
衙門遇有緊要事宜稟請核調度至博崇武應令專統捷勝
營旗兵隨時與該關道會商聯絡以符定制擬請

旨敕下岐元轉飭博崇武一體遵照理合恭摺具陳伏乞

皇太后

皇上聖鑒訓示謹

奏

鐵甲籌款分別續造摺 光緒七年四月二十七日
奏為訂造鋼面鐵甲第一號船按期匯價辦有端緒現擬分別續
造豫籌要款恭摺仰祈

聖鑒事竊臣前經疊次奏明西屬出使德國大臣李鳳苞訪查各
國船廠酌定新式訂造鐵甲船二隻所需船價計得福建解存上
海銀六十萬兩部餉三十萬兩出使經費兩次借撥六十萬兩合
共一百五十萬兩所短之數擬再陸續籌撥又以中國洋面將及
萬里鐵甲兩隻不敷分布向應續造二號請撥准商捐項一百萬
兩招商局分年拔還官款一百萬兩抵作訂造鐵甲之需均奉
旨俞允上年六月十月間准戶部兩次議覆令將准商捐銀四十
萬兩先行撥給應用其餘訂船不敷之數俟酌定船價應分幾次
勻付奏報到日再行酌撥總期無誤要需等因奉

奏稿四十一

五

旨依議欽此行知遵照各在案臣即電屬李鳳苞悉心考校迅速
定議疊據李鳳苞面報在德廠訂造鋼面鐵甲一隻核計初次請
撥兩船之款本多短絀今因新式價昂不敷之數更鉅臣於上年
十二月議覆海防條陳摺內請

旨飭下總理衙門戶部迅為籌撥的款迄未奉有覆准明文伏查
各國鐵艦之式日出日新與其價廉而得已舊之船臨事難操全
勝不若價昂而求最新之式先聲已足奪人今核李鳳苞所訂德
國伏耳鏗廠船式為交戰大洋及守護海口之用兼有水下碰船
之鐵角喫水深十九尺每點鐘行十四海里半合中國四十六
里有奇中腰水綫處鋼面鐵甲厚十四寸前後至首尾皆用鐵甲
其船面對角處有兩圓臺亦鋼面鐵甲厚十二寸約十八筒月造
成李鳳苞復與參贊徐建寅彙集各國新式詳稱博訪去短取長

如轉動之靈捷衝碰之猛利浮力之寬裕礙位之合宜隔堵保護之周密引水導氣之流通下至一板一釘厚薄疏密無不精益求精蓋在中國海面所用之鐵艦斷推此種為上等矣又據李鳳苞函稱如南北洋合購四船約估價日第一船於光緒六年十一月在德購定勻分四期付價至光緒八年六月交船付訖該船配克鹿卜十二寸口徑後膛礮四尊八九寸口徑後膛礮首尾二尊又分兩期付價加配雷艇電燈連珠礮魚雷裙網等件及驗工查料雇員駛回保險及生徒舵水各薪費約共需八百七十萬馬克即四十三萬英鎊以每鎊三兩八錢折算合銀一百六十三萬兩有奇其第二船現方屬英法廠主赴德面議但英法工價價必較昂如果太昂擬仍在德廠續訂以節糜費籌備亦不可再遲合計第一第二兩船之價需費已在三百二十六萬兩以外至第三第四兩船將來須赴英法廠另造其價稍浮惟南北洋各備兩艘數已至少或可稍為改易萬不可減小其式大約照式續造兩艘並一切隨件薪費約共需九十萬英鎊合計銀數又在三百四十一萬兩以外各等語臣查上年六月初五日欽奉

奏稿四十

至

聖明洞鑒之中惟值此籌款維艱再四籌思必須分年續造以紓餉力現計初次擬造二船僅得有著之款一百五十萬兩核以李鳳苞所開款目尚短一百七十六萬餘兩除已定一船業飭江海關道劉瑞芬於上年九月本年三月兩次電匯英銀二十六萬

鑄約合銀九十七萬餘兩外臣頃又懷避不可耽延之諭旨電致李鳳苞屬照現定鋼面鐵甲原式再訂一船洋廠合同一經議定價銀即須如期分匯未便失信於人使承辦之員稍有掣肘而上海鑄價時有漲落必先儲備實銀俟鑄價稍低或電匯現銀或豫買鑄票分起匯寄乃免喫虧擬將准商捐項四十萬兩挪後就前作此次購船之用其應繳六十萬兩依限於五月內可以交清擬請

旨敕下戶部全數撥作船價以符原議並請

救下兩江督臣轉飭兩淮運司委員解交江海關道收存以便隨時匯寄又屢接四川督臣丁寶楨來函每以東北海防為念亦勸速購鐵甲練成外海水師去歲俄約未定聞丁寶楨會奏請籌餉三十萬兩撥解臣處募勇操練防護

奏稿四十

至

京畿事雖未行而其公忠體國之忱令人敬服今購利器以治水師實於中國自強之機關係尤鉅可否

救下丁寶楨就川鹽官運局分批籌撥船價銀三十萬兩解交北洋助成盛舉以上二款如蒙

准撥約向短銀四十六萬餘兩容臣再於北洋海防經費及淮軍額餉內先其所急通籌挪湊隨時補苴如此則初造二船可刻期

告成矣至續次擬造二船除將照捐百萬兩挪用在內僅有招商局繳款百萬兩臣初擬該局每屆可拔還官款三十五萬兩則收

至第三屆可以足數嗣據局員唐廷樞等詳報承運本屆各省漕糧應支水腳等項解還官款共僅銀二十九萬餘兩約略計算須

至第四屆方能收足百萬之數是一時尚難就緒擬俟二三年後

伊率償款歸清各省財力稍寬屆時再酌度情形奏明請

旨敕下總理衙門戶部籌撥的款定期續造庶水師之規模漸擴
稍可禦外侮而壯聲援除將李鳳苞寄到第一號鐵甲台同船式
章程鈔咨總理衙門查核外所有現擬分別續造豫籌要款緣由
恭摺由驛馳陳伏乞

皇太后

皇上聖鑒訓示謹

奏

奏稿四十

呈

商局官款撥購鐵甲申請緩撥還片 光緒七年四月二十七日

再欽奉三月十二日

寄諭譚鍾麟奏招商局借撥浙江塘工生息經費銀三十萬兩每
年應還銀六萬兩請飭扣還等語著飭招商局於本年承運浙
腳價項下由浙省糧道扣還本銀六萬兩等因欽此遵查輪船招
商局原存各省官本銀一百七十八萬一千五百兩前經奏明於
該局承運蘇浙江鄂漕糧應得水腳項下勻分五屆每年撥還一
屆銀三十五萬六千三百兩係按該局每年運米六十六萬石而
言現在江西停運本屆只承運蘇浙湖止漕米五十餘萬石共得
水腳漕平銀二十九萬餘兩按各省原撥官本銀數分攤浙江只
應攤還銀四萬九千餘兩並無六萬兩之多且購辦鐵甲船需款
緊要臣已於上年六月奏請酌提招商局三屆還款銀一百萬兩

奏稿四十

奏

零抵作訂造鐵甲之需奉

旨允准欽遵在案查鐵甲船為南洋海防要需關繫軍國大計
本應由各官協力籌措因現款難籌不得不酌提招商局還款應
急臣業將現訂兩號並擬續訂兩號情形價目另摺詳陳計續訂
兩號約需銀三百四十餘萬現僅指招商局還款一百萬兩其餘
二百四十餘萬尚無著落若再將此款撥還各省則船價更無所
出自應仍遵上年六月
俞旨酌提以符原案現計該局運漕水腳每屆既無三十五萬餘
兩約須四屆方能提足百萬所有浙江塘工現請歲修經費應由
該撫暫行月籌濟用俟提足船價百萬後再行扣還各省歸款
庶海防利器稍資購辦而各省借撥局款亦不至全虛除分咨查
照外理合附片覆陳伏乞

奏稿四十

至

李文忠公奏稿卷四十

李文忠公奏稿

卷之四十一目錄

- 擬陳直隸河工情形摺 光緒七年五月二十日
- 酌改三廳移兵控扼摺 光緒七年五月二十日
- 堵築東明黃河決口摺 光緒七年六月初九日
- 東明移設廳汛協撥經費片 光緒七年六月初九日
- 大清潭沱各工完竣摺 光緒七年六月初九日
- 請龍河並千里隄工片 光緒七年六月初九日
- 李鳳苞仍賞花翎片 光緒七年六月初九日
- 請獎王得勝片 光緒七年六月初九日
- 兵差報銷酌議章程摺 光緒七年六月初九日
- 遵議鴉片釐稅事宜摺 光緒七年六月十六日
- 議設洋藥公司片 光緒七年六月十六日
- 創設公司赴英貿易摺 光緒七年六月二十日
- 王德均暫緩赴吉片 光緒七年六月二十日
- 職官勾串洋人強詐摺 光緒七年六月二十日
- 修竣津城濠牆摺 光緒七年七月十五日
- 飛虎船救護壞船請獎片 光緒七年七月十五日
- 籌濟吉林機器片 光緒七年七月十五日
- 李朝儀政績摺 光緒七年七月十五日
- 裁遣霆營片 光緒七年七月二十九日
- 巴西增刪條約摺 光緒七年閏七月初八日
- 請催粵海關欠解海防經費摺 光緒七年閏七月初八日
- 熱河圍場移駐弁兵摺 光緒七年閏七月初十日

釐定商船津貼摺 光緒七年閏七月初十日

李文忠公奏稿卷四十一

全集一之四十一

擬陳直隸河工情形摺

光緒七年五月二十日

桐城吳汝綸編錄

奏為擬陳直隸河道地勢情形節次辦法恭摺仰祈

聖鑒事竊臣欽奉光緒七年二月三十日

寄諭左宗棠奏擬調馬步各營興修水利等語據稱順天府山直

隸正定等處近年地勢迥異從前不修水利則旱潦相尋民生日

蹙治水之法下游宜令深廣上游宜多開溝洫擬令所帶現紮張

家口各營移治順天直隸上游水利其下游津沽等處仍由直隸

總督經理著李鴻章董華李朝儀將各該處地勢情形及應如何

辦理之處會同籌議具奏等因欽此並准順天府尹臣咨請主稿

會奏前來伏查近畿水利關係

奏稿四十一目錄

一一

奏稿四十一

一

國計民生興修無待再計臣查直以來曾經繁酌籌辦未敢稍涉

漠視惟限於地勢財力河淀又受病過深有難盡利無害者湖自

宋元迄明代有興作實效鮮聞惟北宋何承矩就雄霸等處平曠

之地築堰為障引水為塘率軍屯墾以禦戎馬專為設防起見今

之東西淀皆其遺址維時河朔本多曠土堰外即屬敵境聽其旱

澇無關得失故可專利一隅厥後人民日聚田疇日闢野無棄地

不能如前之佔地曲防故治之之法亦復不易我

朝康熙雍乾年間屢蒙

聖祖仁皇帝

高宗純皇帝巡行規畫捐授機宜

命賢王重臣董理其事先後歷時數十年官民用費千百萬濬築

兼施節宣備至始克奏功然旱澇仍不能免即如雍正四年甫報

工竣而五年夏秋水定等河漫決多口各屬被水者三十餘州縣其營成之水田又因缺雨難資灌溉未幾而多改旱田蓋河道本來狹隘既少餘地開寬土性又極鬆浮往往旋挑旋塌且渾流激湍挾沙壅泥沙多則易淤土鬆則易潰其上游之山槽陡峻勢如高屋建瓴水發則萬派奔騰各河頓形壅漲汛過則來源微弱冬春淺可膠舟迥不如南方之河深土堅能容多水源遠流長四時不絕也伏讀乾隆二十七年十一月

高宗純皇帝諭曰從前近畿議修水利營田未嘗不再三經畫始終未收實濟可見地利不能強同等因欽此

聖謨燭照洞見本原此往事之可考而知也乾隆以後未興大役道咸以後軍需繁巨更兼顧不遑卽例定歲修之費亦層疊折減於是河務廢弛日甚凡永定大清滹沱北運南運五大河又附麗

五大河之六十餘支河原有閘壩堤埝無一不壞滅河引河無一不塞其正河身淤墊愈高永定河在雍乾時已漸高仰今視河底竟高於隄外民田數丈昔人營之於牆上築夾牆行水非一日已而節宣西南路諸水之南泊北泊節宣西北路諸水之西淀東淀又早被濁流填淤或竟成民地其河淀下游則僅恃天津三岔口一縷海河迤邐出口不時既不能暢消秋冬海潮頂托倒灌自胸膈腸腹以至尾閘節節皆病是以每遇積澇盛漲橫衝四溢連成一片順保津河各屬水患特重此同治十年前後之情形也曾國藩莅直時首以治河為務而未克興辦大工臣接任後適值連年大水疊次迭員周歷勘驗並隨時親自察度詳稽往贖博采羣言求所以修治五大河東西淀之法蓋五大河為一省之綱東西淀為各河之匯須先從此入手若房山正定一帶倘非急切者五大

河中以永定河之害為最深然盧溝以上東於兩山之間向無工程其病實在盧溝以下須挑去二百餘里中淤一二丈之積沙方能順軌否則以南隄為非隄而改河使南戶築南隄以障之亦可安流弭節而去此二策者勞費皆不可勝計若挑去全河極厚之積沙自來無此辦法亦無出沙堆積之處若改南隄為非隄則固安永清兩縣城近靠南岸須議遷建尤於民情不順其大清北運南運則須分別挑濬河身加築隄埝修復閘壩減河始保安瀾統計工程皆極繁巨萬萬無此財力濶沱趨向無定自來不設隄防同治七年由薊城北徙以文安大窪為壑其故道之難復上游之難分下游之難洩曾國藩與臣均詳陳有案東西淀寬廣百數十里淤泥厚積人力難施此費鉅工艱不能大辦之情形也考之往事既如彼揆之今情又如此臣日擊時艱既不敢懇求巨帑於

君父又不忍坐視顛沛於民生只有逐漸設法量力補救豈有畏難苟安任其自盈自涸之理頻年以來修復永定河金門閘及南上北三次壩以資分洩裁濬切灘以紓潮勢加築隄段添備麻袋土車以助搶險大清河則於新雄境內開釐何滅河於霸州文安境內接開中亭河勝芳河以分洩上游盛漲於任邱開趙王滅河以分洩西淀盛漲並將隄埝分別修築今年又於文安左各莊至臺頭挑挖河身二十六里寬十餘丈深丈餘以暢下游去路滹沱河則於河開及文安窪附開引河兩道今年又於獻縣朱家口月關滅河三十餘里均歸于河達津以輕河賦任雄保文大積患北運河則於通州築壩挽復潮白河歸槽不使橫溢於香河王家務武清筐兒港修復石壩以減漲水於天津窪家嘴疏濬引河以通下口今年又於武清寶坻境內挑挖筐兒港王家務兩滅河

河身以資暢洩南運河則於青滄靜海等處修復隄工二百餘里
 因東境四女寺哨馬營直隄地處濟四處滅河久廢遂於靜海
 之新官屯另開滅河六十餘里使別途出海不併注於津河又於
 天津城東永定大清滸范北運交會之陳家溝開河百餘里以分
 洩四大河之水運達北塘入海庶免海河過於壅滯其無深蘇博
 高陽一帶則築滸龍河隄以防滸范北越任邱至天津一帶則
 加築千里隄格滸龍河使河自滸范西沽縣家樹上至東淀
 則用西洋機器船節節挖淺水路已通又於廣平開沽河順德挑
 漕河趙州滸河槐午河及此外各屬河道隄壩受害較深者亦隨
 時酌量疏築並令地方官民於無礙運道官隄之處或擇開溝洫
 或屏水灌地有泉源者察看疏濬距河道者開鑿井眼若河開府
 屬井工則係專案辦理以上歷年所需工費除勻撥賑款捐項以

奏稿四十一

未補之隄埝淤廢未復之滅河分別加修東西淀南北泊及津東
 之塌河等處為節宣諸水之區尤宜設法疏濬使可容受蓄洩並
 將西淀上游淤高境內之滸龍河淤窄挑濬寬深再次酌修各
 屬支河及畿東之滸運等河務使脈絡貫通經緯畢具悉去胸膈
 腸腹尾閘之病然後廣開溝洫相濟為用庶水害既除而水利可
 興不致此旱彼澇此盈彼涸惟統計最要各工甚巨即如永
 定一河若照議興辦土方不知凡幾其一切開墾物料工用器具
 佔用旗民地等項為費亦復不貲實非數營兵勇所能辦到臣部
 淮練各營僅二萬餘人分紮海防邊防及內地各要隘修築礮臺
 彈壓地面緝捕盜賊各有專司只能抽暇就近酌助役勢難全
 撤要防停能操巡以致顧此失彼今年濟文安之大清河開獻縣
 之滸范滅河挑寶坻武清之北運滅河並於高陽修滸龍河隄任

奏稿四十一

工代無外並抽調淮練各軍分助挑辦淮軍統領周盛傳更於津
 東之興農鎮至大沽開新河九十里上接南運滅河又於滅河
 兩旁各開一渠以便農民引灌其興農鎮以下又開橫河六道節
 節挖溝引水營成稻田六萬畝且耕且防海疆有此溝河亦可限
 戎馬之足此項頻年就賑捐兵力竭蹶經營之情形皆有奏牘可
 稽者也自來河道必須上下游並治是以臣於各河上游或修復
 開墾附開滅河以資分洩下游或挑濬正河添開滅河以暢去路
 近年順保津河各屬水患較輕尚不致橫衝四溢連成一片但值
 廢弛已甚之後官民交窘之時迥與康熙乾隆年間情事不同僅
 能量力補苴實無從更舉若欲使各河一律順軌則必籌定
 鉅費先將永定河白盧溝以下二百餘里改河築隄可保數十年
 無患又將大清河雄縣一帶之淤窄挑寬濬深北運南運河卑

邱修千里隄全賴東南各省官紳集捐協助始克就緒然已竭忠
 盡歡此後斷難為繼本省向係缺額入不敷出更無餘款可籌儻
 能如康熙年間故事約計現在應辦工程先行由部按年撥給銀
 百餘萬兩自可分投勸議招雇民夫助以兵勇及時擇要辦理次
 第興作惟部庫拮据外省支絀伊等項尚待籌付竊恐一
 時難集鉅款似仍只能量力籌辦未便勉期奏效左宗棠以所帶
 各營移治上游止可輔直力之不逮前已咨請飭挑涿州北關外
 拒馬河淤沙以試其端並經左宗棠不辭勞瘁親履察勘惟本屆
 伏汛將臨盛漲即至難再別施畚鍤此後應修何處即由左宗棠
 察酌隨時會商當飭地方印委實力襄助相與有成臣等司守
 土兼任河工實無旁貸昨已督飭司道詳確勘議無論上游下游
 仍當統籌兼顧盡其力所能行以期逐漸補救惟賑捐既已停止

本省又無款項可籌將來必不可少之工需只可奏懇山部酌撥以資接濟此現時統籌酌辦之情形也正在具摺開接准部咨以左宗棠前奏水利事宜業經醇親王遵奉
懿旨覆奏派恭親王醇親王會同左宗棠及臣等妥議奏辦等因仰見

朝廷慮念民生慎重水利至意除鈔摺咨呈恭親王醇親王並咨左宗棠酌核仍隨時會籌議辦外所有臣等原奉
寄諭統籌酌辦緣由先會同兼管順天府府尹臣章華署順天府府尹臣張凱嵩恭摺由驛陳陳是否有當伏乞
皇太后
皇上聖鑒訓示遵行謹
奏

奏稿四十一 六

附改三廳移兵控扼摺 光緒七年五月二十日
奏為口外張獨多三廳地方甚關重要今昔繁簡情形不同請將理事廳員酌改撫民要缺並於多倫移駐武職大員添設三廳捕盜兵弁以資控扼恭摺仰祈
聖鑒事竊照宣化迤北之張家口獨石口及塞外之多倫諸爾向設理事同知各一員管理滿蒙漢民事件縣丞巡檢數員或分防地面或經理獄務張家口獨石口各設副將一員佐以都司千把等官多倫則僅都司一員千把總三員其原定廳員缺分及多倫營制本從簡約在地方無事之時已覺不甚得力自口外荒地漸開遠近流民日益趨附馬賊亦出沒靡常近年盜劫獄訟之繁數倍往昔張獨兩廳所管地面皆在口外本甚遼闊東通熱河圍場西北接連察哈爾及蒙古各游牧而多倫諾爾更在張獨之北距

奏稿四十一 七

宣化五百里所屬之白岔經棚且距宣化千里鎮道皆駐口內勢難兼顧其地界與圍場游牧處處犬牙相錯白岔經棚西北兩面又有至庫倫潘陽之商路及吉林黑龍江入關必由之大道路徑分歧四通八達控制極難圍場素為盜藪原設各滿蒙卡倫又久廢棄於是盜賊橫行劫財傷人之案無時不有商民深受其害臣於去夏商派前甘州提督曹克忠前往該三廳察勘形勢飭宣化鎮總兵王可陞暫撥練軍馬隊兩營分往獨石口至多倫為一路多倫至白岔經棚為一路擇要巡緝搜剿賊蹤漸戢然必地方文武得人乃可常資整理查張獨多三廳均屬京北邊外緊要地方外防先宜內治近既荒地日闢民居日多撫字催科聽訟捕盜極應慎重且現定中俄新約張家口准俄民建造鋪房行棧此後交涉事件益繁並准俄商由尼布楚運貨至張家口據曾紀澤爾稱

凡布楚人邊後必從喇嘛喇即多倫諾爾行走是該處緝捕巡防尤為當務之急庶免滋生事端貽人口實臣悉心籌度並據清臬兩司口北道員詳約有應行變通者三端一擬將該三廳改為撫民同知要缺向例張家口獨石口同知缺出以候補理事同知請補如候補無人由吏部於記名理事人員內揀補多倫諾爾同知缺出於現任候補理事人員內調補惟此項候補記名理事人員往往僅能繕譯清漢文字而於地方之利弊民生之休戚茫然不知並有因精力就衰才具平庸改途此職者以未請民事之員遽令理繁治劇貽誤實多該廳近年情形實係衝繁疲難非素有歷練通曉政體民情長於緝捕之員斷難勝任應請嗣後均改為撫民同知要缺並酌照熱河奉天各州縣滿漢兼用成案遇有缺出於直隸道省滿漢同通州縣實缺候補中擇其人地相宜者分別

升調請補仍令該管口北道嚴加督飭隨事認真整頓庶吏治漸有起色其原有佐雜等官應循其舊一擬於多倫廳移駐武職大員該廳孤懸塞外幅輿廣非係山溝即屬草地前據曹克忠勘覆其間要隘甚多自多倫北至樺木溝大小克圖口岔經棚劉家營子一帶較張家口一路尤為喫緊且與滿蒙各旗時有交涉事件非都司所能聯絡查張家口距宣化僅六十里宣化係總兵駐紮之所儘可就近兼管該口營伍且該口向有察哈爾都統督率旗營駐紮不必再有副將分防應請將張家口副將移駐多倫作為協守多倫諾爾等處副將會同該廳詳察地勢要隘酌撥分汛往來彈壓嚴緝盜匪保護商民仍歸宣化鎮統轄副將品秩較崇凡遇緝匪等事應令與滿蒙各旗會商安辦勿任此舉被其具原設多倫營都司本歸獨石口副將管轄今應作為多倫副將中軍

無庸再屬獨石口協標至張獨兩協汛地本屬昆連今張家口協改駐多倫應將該兩協原管營汛距多倫較近者歸多倫協副將管轄距獨石口較近者歸獨石口協副將管轄統令宣化鎮會商口北道督同該兩協酌量勻撥其原設多倫兵弁不敷即由該兩協簡僻營汛內抽撥移駐或酌撥宣化練軍馬隊交該副將管帶駐防所有張家口協原有中軍都司即作為張家口營都司改隸鎮標統俟移撥事竣各部立案應換文武各員印信並俟各部換鑄應需多倫協副將衙署責成道應節節估辦至多倫協副將都司獨石口協副將張家口營都司均係要缺嗣後遇有缺出並請滿漢兼用由外揀選明幹耐勞巡防得力之員分別升調請補以期人地相宜一擬添設三廳捕盜弁兵查口外與內地情形不同非州縣馬快等役所能濟事是以張家口獨石口兩廳向例各設捕盜營經制千總一員把總一員外委一員馬兵三十九名歸廳員管轄專司捕盜惟草地寬廣不敷調撥應請添給張家口廳外委一員馬兵三十九名獨石口廳馬兵二十名多倫廳從前未設捕盜兵弁應請添設經制千總一員把總一員外委一員馬兵三十九名仍各歸廳員管轄調遣酌添營房器械擇要扼紮令與綠營弁兵認真巡緝懲賊殃民即按軍法從事遇有考拔弁兵額缺照舊由廳員詳道驗補咨司核轉應添俸廉糧乾等項由藩司照章核撥即於各該廳經徵升科地糧內留支劃抵以免遠道請領跋涉之煩以上三端皆係因時制宜變通辦法期於邊要地方有裨是否當理合恭摺具陳伏乞

皇太后
皇上聖鑒敕部迅速核撥施行謹

1. 續修四庫全書 第 26 版反內

奏

奏稿四十一

十

堵築東明黃河決口摺 光緒七年六月初九日

奏為堵築東明高村黃河南隄漫口大工及搶辦上下游險要工
段一律完竣並遵保出力員紳恭摺仰祈

聖鑒事竊直隸東明縣黃河南隄於上年九月三十日霜清後高

村奇險疊出漫刷成口當經分別參辦奏派道員用候補知府北

運河務關同知吳廷斌前往會同大名鎮總兵徐道奎大順廣道

劉盛藻安速勘籌堵築其時口門已及二百丈中有刷成串溝五

六道水深五六尺及丈餘且大溜逼近口門勢甚洶湧日益衝刷

必須挑開溜勢趕堵串溝並於隄裏先築套隄以期迅速合龍然

後補築大隄即據各該員親駐工次督率練兵民夫分投趕做於

十一月初一日合龍其漫出之水僅由東明至東省荷澤鉅野嘉

祥而止距運河南陽等湖尚遠絕無衝溢之患東明以下沿路水

勢微弱亦無損傷人口並接山東撫臣周恆祺函稱平地漸次涸

復窪處不過二三尺無礙大局當於十一月十二日

奏報聲明俟隄外泥水稍乾有土可取即將補築大隄及一切善

後事宜妥籌辦理其在事員弁紳董俟全工告竣查明保獎等因

奉

旨允准欽遵在案臣飭該鎮道與吳廷斌詳加勘估應補築高村

大隄二百四十五丈七尺六寸底寬連埽靠十九丈六尺頂寬十

丈高一丈六尺北首接築戧隄一百一十一丈六尺底寬二丈八尺

至七丈二尺頂寬一丈八尺至六丈二尺高一丈二尺五寸連北

加築攔水斜埽二百四十七丈底寬九丈頂寬四丈高一丈南首接

築戧隄一百五十五丈底寬三丈至七丈八尺頂寬二丈二尺至六

丈八尺高一丈一尺八寸至一丈四尺大隄後身加築月隄一千

五百四十五丈底寬九丈頂寬三丈高一丈又前而南首加築頂道挑水壩三百丈底寬十一丈頂寬六丈高一丈二道挑水壩七十丈底寬九丈頂寬四丈高一丈又沿隄做水壩六十三段計長三百七十八丈寬四丈至六丈鑿出水面一丈頭道挑水壩做水壩九段計長四十五丈六尺寬二丈四尺至三丈鑿出水面一丈二尺旱壩五十九段計長二百九十五丈寬一丈六尺至二丈鑿高一丈二尺二道挑水壩做裏頭水壩三段圍長十五丈寬二丈鑿出水面八尺此高村新工辦法也上游李連莊下游黃莊皆溜偏隄根黃莊尤形危險應於李連莊大隄後身加築月隄二千八百丈底寬七丈五尺至十丈頂寬三丈至五丈高九尺至一丈前面河灘築欄水埵四百五十丈底寬八丈頂寬四丈高八尺其黃莊大隄後身原有月隄一千一百二十丈日久卑薄今加培底寬十丈頂寬四丈高一丈一尺前面北首做挑水護隄壩二百六十六丈底寬八丈頂寬四丈高八尺南首築欄水埵三百九十九丈底寬五丈至八丈頂寬一丈五尺至四丈高五尺至八尺沿隄做水壩九十一段計長五百四十九丈八尺寬四丈至六丈鑿出水面一丈此上下游李連莊黃莊加築工程辦法也去冬擇要趕辦之後今春開凍復調集練軍民夫分投興辦至四月初旬全工報竣臣委令候補道萬國順馳往逐細驗收據報丈尺有盈無絀築做均甚堅固層土層礮毫無草率偷減並據鎮道等查明出力員弁紳董請獎前來除酌定修防事宜另行具奏並將用過銀兩俟查核明確開單奏報外臣查東明黃河南隄關係東南運道民生甚巨若不即時堵合一經春融水漲勢必泛濫橫流為害滋大是以嚴飭各員趕

緊搶辦甫及一月即報合龍然其時正值西北風大作波浪翻滾水益擡高溜勢愈挑愈猛埽段隨鑿隨壅串溝此堵彼陷情形甚為喫重口門陡閉後大河全身側注幾有復潰之虞今年凌桃二汛大塊冰凌衝下河水屢次增長壩壩被塌沒各工岌岌可危幸經各員親率兵夫加勁趨做不分曉夜風雪出死力以相爭故能剋期啟事一律完固各該員督率兵夫於寒天冰凍之中露體塗足力挽狂瀾開春後又搶辦該處及上下游隄壩埵數千百丈其中水壩幾及千丈皆鑿出水面一丈鑿入水底二三丈統計工極繁重且甚艱難在事員弁及開東長三州縣紳董數百人兵夫萬餘人經歷七月餘之久日無休息肩裂趾腫履險蹈危罔惜身命實屬異常勞苦與躬冒鋒鏑者無異其所用經費皆核實摺節除練軍二千八向例不領工價外開用民力幫築月隄統計所省不少大名本無河工是以調用地方員弁而附近紳董亦皆奮勉趨公始終罔懈自應一併擇尤請獎謹分別開單恭呈御覽仰懇天恩俯准照擬給獎以示鼓勵至道員用候補知府北運河務關同知吳廷斌搶辦全工力籌補救躬親督率倍著勤勞擬請旨俟同知開缺後以道員補用其應給千把及五六品頂戴者咨月咨部註冊所有堵築東明高村黃河南隄漫口大工及搶辦上下游險要工段一律完竣並遵保出力員紳緣由理合恭摺具陳伏乞皇太后皇上聖鑒訓示謹奏

東明移設廳汛協撥經費片

光緒七年六月初九日

再東明黃河地勢本係北高南下近年大溜愈趨愈南緊逼堤根以致高村李連莊黃莊頓成巨險今年二三月間屢次水漲蟄

王廟今尙賃屋而居漳河本無工程應令該同知仍回東明即駐高村南岸適中之地作為廳官專管東明全境黃河隄工並令漳

縣知縣應協同防守並經辦派撥汛夫等事仍歸大順廣道統轄

節制認真督率廳汛營哨實力經理務於要工有裨儼大汛期內險工增多現有兵夫不敷應用即由鎮道會商添調練軍馳往協

於頭年秋冬間就近解交大名道庫以便乘料價平減道路乾燥之時購運工次其餘一半銀二萬兩即由督飭司道設法挪湊

大清源池各工完竣
奏為挑挖大清河下游並片關源池減河修濬北運減河各工均已剋期完竣恭摺仰祈

聖鑒事竊臣前因大清河自文安縣左各莊至壘頭係入淀尾間高仰狹窄每屆汛漲停積不下上游因之壅潰近河州縣頻受其害必須挑挖寬深使河水暢洩東淀達津入海又源池河自北徒後故道難於挽復其現行古羊河下游本無出路沿河州縣受害甚深文安窪久成澤國經設法籌度須於獻縣朱家口古羊河東岸片關減河使其分歸子牙河達津入海當於去冬派員分往詳細察勘議定工程做法大清河下游委助辦直賑之浙江紳士候選道金福曾督辦源池減河委候補道史克寬督辦所需工費商懇東南各省官紳集用濟助不敷之數飭司道竭力挪湊仍集

附近災民以工代賑業於今年正月奏報在案又實抵縣境內有王家務減河上自香河入境下達甯河七里海武清縣境內有篋兒港減河下入天津塌河淀該兩河皆分減北運河盛漲實抵一河年久失修節節阻滯亦坍塌兩岸數百村連年被水武清一河早為居民佔種前於同治十三年月開新河復被民開盜決堤防填淤河道皆應擇要修濬當派候補道周金章候補道袁遂分往勘議興辦實抵約需漕米二萬三千餘石銀二千兩武清約需漕米二千九百石銀二百兩一併以工代賑均自二月中旬起次第開工五月初旬陸續報竣計大清河下游從左各莊至壘頭二十八里零挖口寬十二丈至十四丈底寬五丈五尺至八丈七尺挖深一丈三四尺河形漸去漸低挖深亦漸去漸減至壘頭旋挖深八九尺其挖出之土送至上

丈以外分別培壘開水又因左各莊以上任莊河流偏束酌展河身二百丈又因非而中亭河淤淺就便挑挖七百八十餘丈並裁去淤灘一百九十餘丈堵築決口七處此大清河下游工程里數丈尺辦法也源池減河自獻縣之朱家口起至子牙河長三十三里零挖口寬十一丈至十五丈底寬五丈至十二丈高處挖深一丈九尺最窪處挖深七尺於兩旁五六七丈以外出土堆築南北新隄底寬五六丈頂寬二丈二三尺高一丈三四尺又於南隄修砌涵洞五道以洩隄裏滙水其當窪心之處空留三百餘丈引河以收南窪漫流歸河李謝留鉢野廠三村共建木橋三道並將舊有賊家橋修建完整以便行旅其附近子牙河古羊河隄決口一併堵築此源池減河工程里數丈尺辦法也實抵北運減河自大白莊起至張口嘴長三十一里零挖口寬十三四丈底寬五

六七丈因地勢低窪下游七里海高仰恐致倒漾只能挖深二三尺至五六尺兩面出土各於二十丈外築成長隄底寬五丈頂寬一丈六尺高七尺中段舊有遙隄不能束水亦移近改築又減河之東有袖針河隄工自黃莊至楊岡莊兩岸各長三十三里零亦已廢壞遂於河中取土加培底寬三丈頂寬一丈一二尺高四尺至六尺裁去河邊蘆灘十餘里並修楊岡以外窩頭河東埝五百餘丈武清北運減河自王老莊至楊家河長十七里零挖口寬三丈至七丈底寬三丈至五丈因經費支絀先加深一尺至四尺即以挖出之土加培南隄月修沈莊等處南隄一千一百餘丈六小莊等處北隄一千六百餘丈於吳辛莊大康莊各建木橋一座此實抵武清北運減河工程里數丈尺辦法也臣於工竣後親往大清河下游並委清河道葉伯英候補道萬國順候補知府吳中彥

分往漳沱減河北運減河逐一驗收丈尺均過原估毫無草率偷減用費亦均核實應俟截數仍歸賑案彙開清單奏報北運減河有此柵道隄工汛漲水至可資約攔分洩尙有應行加深及上下游疏濬工程來年續籌辦理大清河下游自開壩後溜勢甚爲迅疾上游河水驟落尺餘新開河道刷深自左各莊至臺頭皆水深一丈以外有遊流直下之勢現又將新河兩灘及臺頭淀邊蘆葦分別刈除以免阻礙河流其入淀淤淺之處人力難施再飭西洋機器船逐漸接挖至漳沱新減河地形極順深得吸川之勢自開壩後大溜滔滔東去衝刷河灘不少已將原走古羊河之渾水全行奪入新減河其漫流南窪之渾水亦由引河洩入新減河併注于牙刻下古羊上游河底吸深尺餘渾水驟落五尺古羊下游渾水竟已斷流據文安縣稟報該縣窪水日落現在深者四尺餘淺者僅七八寸可種稻者一百二十餘村已成旱地者七十餘村不能種者一百十餘村等語若新減河再衝刷寬深伏秋盛漲必能奪古羊全溜則獻縣以下八州縣從此積患可除文安窪有涸復之日獻縣以上州縣亦獲暢消之利殊於大局有裨除分飭籌議修守章程核定飭遵外至此大工程多於水中開挖且有老蘆叢密不堪駐足之處在事人員胼胝經營力任艱苦剋期告成其南省官紳不分畛域代集巨款遠來挑辦尤屬異常奮勉殊堪嘉尙容臣遵照前奉

俞旨擇尤酌請獎敘以昭激勸所有挑挖大清河下游並月開漳沱減河修濬北運減河剋期工竣緣由理合恭摺具陳伏乞
皇太后
皇上聖鑒謹

奏

奏稿四十一

十九

光緒七年六月初九日

再保定府屬之潞龍河上承唐沙滋三水會於邢州三岔口經安平博野蠡縣高陽而入西淀此河亞於五大河而水性湍悍奔騰盪決往往衝塌民田於莅直後已飭修復南北兩隄逐年加修督民防險前查蠡縣社甲公隄高陽駝灣一帶河身淤曲南隄卑薄盛漲每易衝塌因飭清河道葉伯英察勘估辦惟展寬河身需費甚巨無從籌措只可擇要培隄以資抵禦酌挑淤灘以紓滯勢遂於今年三月初十日開工上自社甲公隄起經駝灣下至黃新莊止隄長七千四十丈加培底寬七丈至七丈四尺頂寬一丈四尺至二丈築成內外兩坡高九尺至一丈二尺其間團丁村險工一百十丈格外加培底寬九丈並於社甲公隄加築套隄九十丈駝灣中灣加築套隄八十丈均底寬五丈頂寬一丈高九尺其緒口村團丁村連城村隄根舊有水坑串溝均即填實王氏墳歸還村串溝密築土格二十五道布里橋以上北岸淤灘一段遮蔽橋孔阻遏河流挑去上坎長六十丈下坎長八十三丈寬五丈至十五丈深一丈暨將橋座加寬升高共需工費銀二萬餘兩又前修任邱千里隄所以分格河淀保衛田廬極關緊要上年大汛間被衝刷今自白石碑起至里長灣止開段湊長四千五百八十餘丈照舊式培成底寬五丈頂寬一丈高九尺並於險要處添做埽工一千二百十餘丈計需工費銀八千餘兩均令該道葉伯英駐工認真督辦是皆層土層礮築厚一尺打成七寸錐不易入統於五月十八日工竣飭候補道史克寬前往量驗各工丈尺有盈無絀做法亦甚堅穩所需工費係於賑款內撥給招集附近窮黎以工代賑除截數開單彙報並飭實力防汛外所有修培高

潞龍河南隄酌挑北岸淤灘並修任邱千里隄工竣緣由理合附片具陳伏乞
聖鑒
奏

奏稿四十一

三

李鳳苞仍賞花翎片 光緒七年六月初九日

再出使德國大臣兼肄業監督李鳳苞前因督率福建船政生徒出洋肄習期滿學成經臣照案奏獎請

賞戴花翎欽奉

批旨允准旋經吏部議駁以出使外洋不准保獎翎枝應片核請獎等因查吏部奏定章程內開軍營打仗出力始准保獎翎枝又出使外洋隨帶各員請獎照異常勞績辦理仍不得保獎花翎各等語似專指出洋隨員三年後回華給獎者言之李鳳苞監督生徒派往英法兩國鐵甲船及官民各廠學習駕駛製造之法周歷督查實心實力俾諸生學業日進凡兵船操防布陣迎禦之機以及電氣水雷鎗礮礦學藝學靡不研求理法確有心得於以開風氣而振武備論其勞績非僅一時打仗出力者可比而較之尋常

奏稿四十一

三

駐洋各員責任更自不同值此講求船學力圖自強之日非稍示優異不足以鼓勵人才況李鳳苞現充德奧義荷蘭四國使臣前

請

賞花翎業蒙

恩允若復行撤銷觀瞻所繫體統攸關擬請仍照原獎仰懇

特恩賞戴花翎以昭激勸理合附片具陳伏乞

聖鑒訓示謹

奏

李鳳苞仍賞花翎片 光緒七年六月初九日

再出使德國大臣兼肄業監督李鳳苞前因督率福建船政生徒出洋肄習期滿學成經臣照案奏獎請

賞戴花翎欽奉

批旨允准旋經吏部議駁以出使外洋不准保獎翎枝應片核請獎等因查吏部奏定章程內開軍營打仗出力始准保獎翎枝又出使外洋隨帶各員請獎照異常勞績辦理仍不得保獎花翎各等語似專指出洋隨員三年後回華給獎者言之李鳳苞監督生徒派往英法兩國鐵甲船及官民各廠學習駕駛製造之法周歷督查實心實力俾諸生學業日進凡兵船操防布陣迎禦之機以及電氣水雷鎗礮礦學藝學靡不研求理法確有心得於以開風氣而振武備論其勞績非僅一時打仗出力者可比而較之尋常

奏稿四十一

三

駐洋各員責任更自不同值此講求船學力圖自強之日非稍示優異不足以鼓勵人才況李鳳苞現充德奧義荷蘭四國使臣前

請

賞花翎業蒙

恩允若復行撤銷觀瞻所繫體統攸關擬請仍照原獎仰懇

特恩賞戴花翎以昭激勸理合附片具陳伏乞

聖鑒訓示謹

奏

賞換花翎以示優異理合附片具陳伏乞
聖鑒訓示謹
奏

奏稿四十一

五

兵差報銷酌議章程摺 光緒七年六月初九日
奏為查辦各屬兵差報銷酌議章程分別奏咨立案恭摺仰祈
聖鑒事竊直隸各州縣歷年供應各處征調遣撤過境官兵應需
廩給口糧馬乾車價房價並運送軍裝器械火藥糧餉等項業經
截至光緒四年十二月底止分年分起造冊奏銷在案其四年以
後應辦銷案擬請兩年彙報一次今查自光緒五年正月截至
六年十二月底止已由升任藩司任道鎔檢查各屬送到銷冊詳
細句稽分別核准駁核實造報其中有應循舊章者有應酌量變通
者詳請奏咨立案前來臣覆核無異除咨戶兵工三部外所有應
行奏明立案事宜理合繕摺具陳伏乞
皇太后
皇上聖鑒謹
奏

奏稿四十一

五

請將查辦各屬兵差報銷酌議應行奏明立案事宜繕單恭

呈

御覽

計開

一帶兵官弁履給跟役馬匹等項應按品級照例核計但各屬冊報往往參差歧異若必逐一咨查不特曠轉往還行稽時日且各營或已遣撤或已改調更難查考擬請量為變通除原營已有帶兵官弁銜名送到者仍核實辦理外其未送到者即按各屬冊報以上下站比對其銜名參差者以最小之品級為準其多寡不符者以最小之數目為準毋庸咨取各原營銜名以歸簡易

一兵部奏定章程遣撤東三省察哈爾熱河密雲等處官兵如未經奏明咨回原處者車輛履給概不支給惟近年遣撤官兵到境總以糊口無資紛紛索取並有傷病之人情甚可憫勢難概不應付且遣撤東三省官兵多有赴兵部請給護牌者州縣尤不能不照牌應付應請凡遣撤東三省等處官兵如有兵部護牌飭令應付者無論遣撤時曾否奏明俱准報銷以歸劃一

光緒七年六月十六日

奏為遵議洋藥土煙加增內地釐稅事宜恭摺仰祈

聖鑒事竊臣欽奉光緒七年五月初九日

寄諭左宗棠奏禁食鴉片請先增洋藥土煙稅捐一摺著南洋大臣福州將軍各省督撫粵海關監督各就關口地方情形詳細體察將稽查徵收章程悉心妥議覆奏候旨定奪此事務在必行該大臣等當熟籌辦法期於大局有裨等因欽此當即分行北洋各關道一體欽遵籌議在案竊維洋藥流毒甚深既難驟然禁止只可先加釐稅藉以稍濟餉需而煙價較增吸者或漸減其癮未始非徐禁示罰之意臣於同治十三年海防事宜案內業經議及惟釐稅加增太重恐致偷漏愈多亦須統盤籌計查洋藥係由印度先到香港然後分運進中國各口香港為英國屬地中外奸商

即於該處私相授受檢閱總稅務司開呈各關華洋貿易總冊同治十二年至光緒四年所到香港洋藥每年八萬四千餘箱至九萬六千餘箱運銷各口有稅者則止六萬五千餘箱至七萬一千餘箱光緒五年所到香港洋藥十萬七千餘箱運銷各口有稅者則止八萬二千餘箱實計每年香港私銷洋藥二萬數千箱除分運新嘉坡舊金山各埠外餘皆不經新關不收稅釐而由沿海各項民船漁艇零星潛運內地且多不入有關卡之正口各省濱海之區蔓延萬餘里河港紛錯沙岸無垠勢難處處設卡節節防查其偷入內地之後路徑四通八達或假借口鑰軍官差或附搭各船行李狡謀詭計百出不窮即使經過關卡亦不能逐人逐件一一

搜檢致生事端至賣放包庇之弊在所難免巡丁竟知大獲洋藥價值甚昂走私者即偶被查出但分給時值十中之一二巡丁得

此已足償數月之辛金未有不縱放者更有豪強之徒糾合亡命
執持兵器包攬越結幫與販關卡巡役卑弱往往熟視而無如
何自來私鹽最干例禁巡緝亦較嚴密然販私者無省不有或竟
聚夥數十百人公然駛載到處避官捕兵役雖峻法嚴刑無以
敢其心志蓋利之所在身命有所不惜也洋藥拆箱之後包件輕
小取攜甚便隨身可以夾帶非私鹽笨重可比其獲利更厚於私
鹽什倍百密一疏則騙釐者得計而報捐者向隅此杜絕偷漏不
易之實在情形也凡事清其源則用力少而程功易截其流則需
費多而收效寡洋藥偷漏之源實在香港惟難於該處稽徵不得
不就各省自立章程以為截流之助督飭津海關道鄭藻如查
得津關進口洋藥從前每年可銷七千箱近因釐數稍加止有四
千箱左右或三千數百箱緣山東河南與直隸昆連地而向皆由

奏稿四十一

津運往今則漸從鎮江煙臺分運天津銷數遂減至洋商運洋藥
進口應先赴新關納稅將貨起存洋行鈔關不再徵稅凡華商買
取者向赴洋藥釐捐局請領聯票逐箱秤驗照章每百斤完正加
釐捐銀二十四兩地方善捐耗羨等銀八兩零其由津運赴內地
聞崇文門按洋藥每包收稅銀一兩零此外如通州居庸關張家
口固關大名府亦各有稅釐數目崎零並無大宗茲擬稅釐兩項
每箱共加至一百五十兩除進口稅三十兩仍由洋商完交外其
內地稅釐應合一百二十兩較前增數甚巨自應設法嚴防偷漏
據鄭藻如詳稱擬由海關戶設關棧洋藥進口立即起儲棧內勿
再分存洋行以免散而無紀遇有華商購買先赴總口釐局交足
捐項方准出棧惟關棧之設固能防弊尤貴便商應令總稅務司
妥籌辦法應否知照各國公使俾免阻礙由總理衙門察酌辦理

至棧租一切與洋商無涉惟火險須洋商自保所有口岸轉販洋
藥之華商字號擬令先領部帖方准開設部帖由關道核給每張
令繳費銀五百兩十年一換既須領帖又重其費庶開設較少稍
查較易並令各家聯保一家偷漏四家同罰其餘行戶及舊日號
商現未領帖者一概不准私販洋藥上煙犯者全貨充公該商出
資領帖利歸獨擅遇有私販自必尋蹤稟拿亦足助局卡之耳目
其由沿海各口岸呈偷進者擬酌設小輪船二隻專在海面巡緝
並飭近海州縣營汛出示曉諭協同稽查倘有私帶洋藥進口被
人指報者擊獲後全貨充公以其半賞給指報之人不必再科私
運之罪以免挾嫌報害惟海面攪裝之船隻內地私囤之舖戶一
經查獲必予重懲州縣營汛如能緝獲私販洋藥積至一百斤以
上者記功一次積功五次奏請議敘十次准保升階升銜以資鼓

奏稿四十一

勵至三聯印票係為互相比對而設稅務司專管口岸之稅不啻
內地之釐既於總口設釐捐總局應即由總局刊發三聯票以一
聯留局存根一聯送總理衙門一聯給華商為已完內地稅釐
驗據貨到所銷之地將票呈官查收仍申送總局備核此擬洋藥
進口稽查防弊之辦法也洋藥惟海關有一定稅則其餘內地稅
釐各省輕重不一若照左宗棠所擬加增捐數必須各省議定統
歸一律並俟奉
旨後定准日期南非同時開辦勿使有多寡遲早之分庶免一口
獨重奸商趨避而餉源立竭至天津所收洋藥釐金向供海防練
軍兵輪船薪糧及地方善舉之用本已入不敷出其業文門通州
各處亦藉稅釐以濟公需今統在總口捐交任其分販內地概不
重捐則凡向有釐稅之處進款全無必至辦公竭蹶擬此後洋藥

進口除海關每百斤收稅銀三十兩外應按總口釐局所收之數分作十成以六成劃補天津從前收款解交津海關庫仍為軍餉船糧善舉等用其由津分販內地者如係運經本省向有稅釐地方應按該處向來洋藥百斤徵銀若干照數劃出由局按月移解濟用別省稅關釐局不得援請劃解除分別劃交各處及巡緝火輪關棧局用經費外其餘存候捐撥或解部充餉此洋藥加徵釐捐須各省統歸一律及就津口收數分劃應用之辦法也天津土煙無多稅釐收數甚少每年不過一二百兩或三四百兩其運銷各州縣者皆不入津境各路土煙似亦不一茲就天津售價計之最貴者山西所產每百斤值銀三四百餘兩其次山東河南奉天所產每百斤值銀三百兩上下又次四川所產每百斤值銀一百餘兩若就價值之高下遞分稅釐之等差實開滋弊之端今擬不分何處出產統照洋藥內地稅釐之數減成徵收土煙無進口之稅暫按一百二十兩三分減二定為每百斤其徵稅釐銀四十兩此口徵則彼口免彼處徵則此處免完過稅釐之後領有執照無論運往本省何處均不重徵蓋土煙路路可通人人可帶更屬防不勝防捐收稍減或偷漏較少且土煙之毒究比洋藥為輕而民財亦不外耗儻將來洋商無利可圖洋藥漸不來華再增土煙稅釐益加厲禁尚未為晚所有稽查防禁事宜應酌照洋藥辦理惟直隸地方平坦遼闊頭道是道斷難備設局卡徒糜不費之費轉添無事之擾只有擇要責成地方官如督豫東奉入直要道即責成該管道府州縣就近認真經理如能緝獲私販一體記功給獎此土煙擬加稅釐稽查防禁之辦法也總之加捐易辦偷漏難防洋藥來自外洋洋人利在多銷必多方以撓我查禁之法土

煙產自各省官役力難備及必多方以求其繞越之途臣熟籌辦法但盡其力所能為未敢謂確有把握至臣所轄山海東海兩關現向未據撥到該兩省情形雖未盡同大致無甚區別如將來南洋各口一律照加該兩口自可酌照直省章程會商核辦其藥釐內向有解津之款仍應核數劃解除將津海關道擬設關棧稽查大概章程咨送總理衙門查核外所有遵議緣由理合恭摺由驛覆陳伏乞

皇太后

皇上聖鑒訓示謹

奏

議設洋藥公司片 光緒七年六月十六日

再近有粵商何獻輝等擬於香港設立洋藥公司據瓊州鎮總兵彭玉翰林院編修鍾德祥先後代呈節略大致謂該商等擬集銀二千萬圓以作公司資本先與印度妥訂章程合同每年限定運赴香港洋藥若干箱每箱價值若干統歸公司承買繳價再由該公司發售中國各口不准印度洋藥徑運他處俾與他人如於定數外尙可多銷再由公司寄信印度添運該公司於賣出後每箱統交中國稅釐銀一百餘兩四月開適有英官沙苗奉派前來中國查考各口每年售銷洋藥數目何獻輝等與之相見議論創設公司之事沙苗允為留意謂若中國與印度肯照承辦再行函知各等語該商等遂屬彭玉轉言於臣鍾德祥假旋游粵素悉洋情深明大局亦將此意函達前來臣維印度洋藥之來中國必須先到香港而私銷即在該處為多按總稅務司開呈總冊每年私銷者約有二萬數千箱以現議每箱稅釐百五十兩計之是每年偷漏銀已三百數十萬兩將來南北各口驟加捐數難保各省奸商不徑赴香港私運至沿海無關卡之處灑賣私銷則成本愈輕獲利愈厚所謂為淵駸魚為叢毆爵患生於所備之外即法令有時而窮誠能於香港設立公司專歸公正殷富華商經辦仍聽官主持一切務使全綱在握毫無偷漏不但歲餉頓增數百萬而各省口岸內地之局卡及各路之巡船均可裁撤節省糜費尤屬不少聞何獻輝等多係殷富久在粵省香港一帶貿易熟悉華洋商情其他富民聞有此舉亦願出資附股蓋買賣洋藥統歸公司咸知有利無害是以集本不難其應交釐稅則立保結股定章程特派大員前往監收按照各省關稅釐收數分別批解具有盈餘

提撥部庫亦尙無慮虧缺惟香港為英國屬地有該國總督駐紮必須該商等先與該總督及印度總督熟商俾英廷君臣均無扞格如能允其照辦給予憑約勿任洋商爭奪阻撓偷運私售此議乃可有成事既關乎大局權非自我獨操英員沙苗前曾過津謁晤旋即回國未知該國及印度部主見究竟若何臣於彭玉展覲回粵時已屬其傳諭該商等自行與英官設法疏通俟有定議切實稟知再咨商總理衙門暨兩廣督臣核酌妥辦茲因議加各省洋藥稅釐誠恐偷漏愈多終致有名無實不得不就彭玉鍾德祥之論聊備一說其成否尙未敢預定除先咨總理衙門主持商辦外合再附片懇陳伏乞
聖鑒訓示謹
奏

奏稿四十一

聖

創設公司赴英貿易摺 光緒七年六月二十日

奏為招集華商創設公司專赴西洋貿易以立富強之基恭摺仰

祈
聖鑒事竊查光緒六年十月祭酒王先謙奏請令商船出洋片內聲明船政大臣黎兆棠前議創立宏遠公司運貨出洋請咨商舉行湊集商股作速開辦欽奉

寄諭目下情形能否及此將來如何漸次開拓興辦善安籌具奏等因旋經臣等先後覆陳擬暫就招商局現有輪船酌量試辦逐漸推廣並緘屬黎兆棠請其勸諭粵商設法倡導茲准黎兆棠咨據廣東職員梁雲漢劉紹宗梁紹剛等稟稱泰西以商立國商務之盛衰即國勢強弱所由判凡有益商務者必竭全力以圖之年來日本步趨泰西亦四出通商以為利國利民之本中國地大物

奏稿四十一

三函

博商務為四洲之冠洋人視為利藪紛至沓來有可以從中國圖利者鮮不多方要挾實由彼來而我不往也即有到金山古巴秘魯等處者亦僅貧民傭工並無殷商前往似未足以立富強盛業現已招集殷商湊成鉅款名曰肇興公司擬往英國倫敦貿易以為中國開拓商務之倡該員梁雲漢在粵東總理劉紹宗梁紹剛往倫敦管事不領公帑不准洋商附股一切進出口貨完稅章程請照洋商一律辦理以昭平允惟事屬創始必須官為維持請由通商大臣給諭前往並轉咨中國駐英大臣隨時主張俾得與各國在英商人一體優待等情請奏前來竊維西洋富強之策商務與船政互相表裏以兵船之力衛商船必先以商船之稅養兵船則整頓通商尤為急務邇者各國商船爭赴中國計每歲進出口貨價約銀二萬萬兩以外洋商所逐什一之利已不下數千萬兩以

十年計之則數萬萬兩此皆中國之利有往而無來者也故當商務未興之前各國原可閉關自治逮風氣大開既不能拒之使不來惟有自擴利源勸令華商出洋貿易庶土貨可暢銷洋商可少至而中國利權亦可逐漸收回前此招商局輪船嘗駛往新嘉坡小呂宋越南等埠攬載近年和眾美富等船分駛夏威仁國之檀香山美國之舊金山載運客貨究止小試其端尚未厚集其力英國倫敦為地球內通商第一都會並無華商前往黎兆棠志在匡時久有創立公司之議盡心提倡力為其難現既粗定規模自當因勢利導期於必成惟草創之初能否獲利尚無把握祇有官商上下合力維持以期漸推漸廣所有該公司出進口貨物在中國通商各口者應准照洋商一律辦理其出洋後沿途及抵倫敦一切貿易章程應得與各國在彼商貨一律辦理等擬即咨商駐英大臣曾紀澤隨時設法主持保護俾該商等遇事有所稟承並給諭與該公司仿照泰西通例五年之內只准各處華商附股不准另行開設字號免致互相傾軋貽誤大局除俟開辦後各口分支設棧及未盡事宜隨時酌核咨行查照外所有招集華商創設公司前往英國倫敦貿易緣由謹會同南洋通商大臣劉坤一船政大臣黎兆棠合詞恭摺具陳伏乞
皇太后
皇上聖鑒訓示謹
奏

奏稿四十一

三函

王德均暫緩赴吉片 光緒七年六月二十日

再臣承准軍機大臣字寄六月初一日奉

上諭吉林地方緊要現在整頓邊防所有製造軍火修築礮臺均屬目前要務吳大澂擬於省城開設機廠製造洋藥彈子等件即著照所請行片奏請暫調天津機器局道員王德均來吉差委著李鴻章即飭該員前赴吉林等因欽此遵即轉飭候選道王德均知照旋據王德均稟稱凡事創始維艱製造門類紛繁尤難罄述惟有緊要數端不能不為代籌者一須因地制宜吉林水道不能直達陸路運重艱費稽時一機器重過數千斤者即難運行吉省購器應擇輕小之件為宜一須預籌經費滬津各局皆有指定鉅款積久經營規模始見宏敞吉省無此物力器料驟難全備只可酌量購用如足踏手搖及汽爐之類僅備隨時修理軍械他如

奏稿四十一

奏

儲料造藥建廠用匠各事宜已會同津海關道鄭藻如及機器局員酌擬辦法開摺寄達吳大澂察核並稱由津局就近照料較易設法即親自前往亦不過如此辦理等語臣查王德均老成練達研精機器經臣委辦行營製造局十有餘年用費較他處節省而造成各件亦蔚然可觀蓋以該局與機器局互相附麗諸務均可通融而王德均又能精心學畫也誠如吳大澂所稱為臣處得力之員未能久離津局因思吉林經費既形支絀運路又極艱難經始之初尙難倉猝就緒王德均所擬各條切中事理吳大澂循照籌辦當可漸入門徑況吉林運器購料必由天津王德均在津代籌儘可隨時照料俟各種緊要機具物料稍備再令王德均等選派熟悉委員工匠前往不致誤事除咨明吳大澂查照外理合附片覆陳伏祈

聖鑒 奏

奏稿四十一

奏

職官句串洋人張詐摺 光緒七年六月二十日

奏為審明職官句串洋人鄒空強詐華商巨款按律定擬恭摺仰

聖鑒事竊查前據津海關道鄭藻如稟報職官吳樾等句串洋人米若士等駕空強詐京都裕豐金珠店銀六萬兩一案經臣將吳樾等

奏參革職即交津海關道鄭藻如天津道吳毓蘭督同天津府知府宜霖認真提究茲據審明擬議具詳前來臣親提吳樾何連及原告段盛藻逐一核訊緣吳樾即吳蔭庭籍隸浙江鄞縣報捐知府銜同知保舉花翎分發直隸試用何連即何鼎壽又名夏珍籍隸浙江上虞縣報捐花翎候選同知保加四品銜何連前領浙江候補道朱其昂成本於天津上海廣東開設華裕豐匯銀票號與

奏稿四十一

原任江蘇糧道英樸在京所開之裕豐金珠店曾有銀錢往來嗣因朱其昂病故本銀提盡裕豐金珠店即不與交易其原存華裕豐票號銀二萬六千兩經裕豐掌櫃人段盛藻設法取回何連因段盛藻取回存款致華裕豐益難周轉陸續歇業遂深恨段盛藻意圖陷害在京涉訟未結此光緒六年七月以前事也適有廣東華裕豐未銷廢票五紙計銀六萬兩何連起意借此訛詐並欲借洋人之勢控追遂與吳樾商量吳樾即為其設謀句串在津開設裕順和洋行之俄人米若士將此廢票捏作華裕豐欠裕順和洋行實在銀款又以裕豐金珠店與華裕豐票號前有往來指為同一東家謂華裕豐倒閉應由裕豐給還又檢出英樸前因兩號通融銀兩致蘇州人張芝芳之信一併交給米若士令米若士冒認張芝芳以為向英樸家索討憑據希冀英樸家屬與段盛藻見有

洋人畏懼付銀彼此分贖米若士旋遣英人恆德生於上年十二月持票進京討要領有俄領事官章貝印據段盛藻未與見而具鋪夥言此係廣東華裕豐之票與裕豐金珠店無涉恆德生本不知中詳細情遂帶票回津本年正月段盛藻有事來津借住候補同知鄭煥寓內何連等告知米若士復遣恆德生往索段盛藻仍未見面旋即回京行至津郡非門外即被米若士帶同跟人邵姓圖充俄國領事公差將其攔回段盛藻情急赴津海關道衙門呈控該關道鄭藻如函詢俄領事官章貝據復廣東華裕豐應付天津裕順和洋行銀六萬兩有票為據須由京號裕豐金珠店掌櫃段盛藻付給請飭段盛藻與洋商會面妥商該關道訪係華官串詐隨提到何連吳樾並搜獲吳樾親筆信據究出實情稟經臣將吳樾何連

奏稿四十一

完

奏參革復在吳樾寓所起獲何連親筆信件及米若士洋文信件內有事後米若士應得銀一萬兩之憑據並據吳樾供明米若士知係廢票等語經臣添委通曉洋文洋語之候選道馬建忠提同洋商與領事官會訊乃俄領事章貝初則託詞延宕繼因吳樾不肯指證米若士知為廢票章貝即不再訊其為該領事袒護洋商已可概見事關中外交涉應將米若士等受屬詐銀希圖分贖一節由關道與領事官核辦其吳樾何連二犯供證已甚確鑿應即擬結查例載兇惡棍徒屢次生事行兇無故擾害良人所共知確有實據者發極邊足四千里安置凡係一時事實有情兇勢惡者亦照例擬發等語此案何連因挾裕豐金珠店不與通融之嫌輒敢以廢票圖詐數至六萬兩之多吳樾竟為設謀句串洋人冒認欠項恐嚇強詐查吳樾親筆致何連信內謂已託洋

人安頓妥當由伊先給洋人盤費進京追討隨後用洋官公文向總理衙門控追屬何連務須照伊前信說法萬勿改口伊當竭力周全斷不使何連喫虧並謂洋人事件到總理衙門雖值元且亦是要辦令何連放心何連親筆致吳樾信內令吳樾託洋人找一箇假芝芳造一箇洋行招牌要米若士有香港認識洋行以備總理衙門行查並謂廣東帳簿已經做好不怕總理衙門查帳又言英樸家及段盛藻非做到十分嚴緊不肯付銀務限總理衙門五日多則十日速向英樸家及段盛藻要銀等語雖賊未入手而歷次商謀各節實屬驚空擾害兇惡狂妄膽大已極此風斷不可長該兩犯皆情無可貸厥罪惟均應將革員吳樾何連俱依棍徒擾害例擬發極邊足四千里安置吳樾係到省候補職官應發黑龍江充當苦差何連以商人捐職候選尙係常犯應定地解配杖一百折責安道照例刺字冒充公差之華民邵姓飭緝獲日月結其餘牽涉人證或因何連討要帳目被何連愚弄或本屬無干即何連信內所稱段盛藻騙銀一節亦無其事應免提質以省株連廢票五紙業經追出句銷存卷除錄具各供并鈔信件分咨總理衙門刑部查照外所有審明定擬緣由理合恭摺具

奏伏乞

皇太后

皇上聖鑒訓示謹

奏

修竣津城濠牆摺 光緒七年七月十五日
奏為津郡城外濠牆關係一方保障現經官商捐修完竣恭摺仰祈

聖鑒事竊天津郡城規模狹小城內民居無多且井少水鹹難供汲飲是以富家大賈多在城外其東北關廟一帶尤為精華萃聚必須嚴設關防用資保障咸豐九十年間前親王僧格林沁已令官商捐修外城濠牆同治七年捻逆竄至兵民協守甚資其力迨十年十一年疊被大水衝塌已成平地於去秋商飭長蘆運司如山津海關道鄭藻如天津道吳毓蘭會同詳細勘議集捐興辦應仿舊址酌加展寬從新修築素土圍牆一道計長六千七百餘丈高一丈一尺頂寬一丈二尺底寬三丈六尺至四丈五尺牆頂靠外加築垛牆一道高四尺頂寬二尺底寬四尺牆腳一二丈外挑濠一道計長六千九百餘丈而寬三丈至八丈底寬一丈至五丈深五尺至九尺即以挑出之土築牆有不敷者於他處取土加築又土牆周圍建營門十四座兵房二十一間以便看守啟閉牆上修土礮臺二十八座以扼形勢牆裏開馬道三十四條以便登陟牆外建木橋五座以通行人牆根置水關六座涵洞六座石閘一座以宣洩水勢即將通工分作三大段北運河西岸至南運河

北運河東岸為一大段由如山鄭藻如吳毓蘭各督府縣委員雇募民夫分段承辦去冬未凍以前先將濠牆上工趕築就緒今春開凍以後接辦堆礮礮營門兵房馬道橋閘於六月初十日一律竣事臣即親往督同道員朱福榮萬國順周歷逐細驗收礮臺均係層土層礮築厚一尺打實七寸濠身深廣水關用外洋鐵鈔

木作成樑柱堅結異常其餘各工亦均穩固經久所需工費樽節
動支計共銀七萬九千四百餘兩如山鄭藻如各捐銀一萬兩
吳毓蘭捐銀一千兩天津府知府宜霖捐銀六百兩天津縣知縣
郭奇中捐銀四百兩長蘆鹽商公捐銀二萬兩其不敷銀三萬七
千四百五兩九錢六分二釐已於加增洋藥釐捐項下撥補竊維
津郡為海疆重地城外商戶民居日益繁盛勢難聽其四通八達
毫無屏蔽臣屢擬修復圩牆苦於經費無出今幸官商合力通籌
已將牆濠三十餘里剋期告竣更於扼要之處增築礮臺以相策
應設有緩急洵足禦外侮而固人心又相度地勢高下建置水關
閘座涵洞不特宜洩潦水而環濠民田亦可就近引灌洵於地方
形勢民閒生計有裨現已飭派弁兵常年看守遇有坍塌淤墊仍
由該司道各按原辦段落自行籌款認修若值交卸應驗明各工
是否完善令接任司道出具收管照章修辦務使歷久不廢永資
捍衛除商捐款係通綱商人分作五年按引零星攤繳無庸議
獎辦工出力委員由臣酌給外獎外惟該司道等倡捐銀兩力成
要工實屬保衛地方盡心民事如山鄭藻如各捐至一萬兩之多
尤堪嘉尚擬請
旨敕部將該司道府縣分別從優議敘以昭激勸此項工費大半
係屬捐款且辦理甚為核實並請免其造冊報銷俾省繁費所有
津郡城外牆濠現經官商捐修完竣緣由理合恭摺具
奏伏乞
皇太后
皇上聖鑒訓示謹
奏

飛虎船救護壞船請獎片 光緒七年七月十五日
再上年四月開派蚊船兵船出洋操巡由大連灣駛往海洋嶼鎮
南船底誤觸暗礁情形危險總教習葛雷森親督各船弁兵並飛
虎船水手設法救護拖帶進口業經臣奏奉
俞旨賞給葛雷森二等寶星並將鎮南船大副李和峻勇李貴等
分別獎敘在案臣因飛虎輪船已回粵海關當即飭行總稅務司
赫德查明該船出力員弁酌請獎勵茲據赫德呈稱鎮南船底
之時飛虎船管駕官哥嘉開警立派葛雷森乘小艇先往自督飛
虎船隨行既知鎮南船底穿挂於礁石之上不能轉動哥嘉與葛
雷森商定將鎮南船中應行啟閉料理各事妥為布置一面督飭
水手掘出艙水待潮信漸至哥嘉即回飛虎用繩拖帶鎮南駛行
不遠繩忽中斷哥嘉片備繩索拴繫預飭大副章師敦在進口要
路懸燈照耀始得進口停泊厥後在海洋嶼暫為修理遂獲送赴
煙臺則哥嘉屬葛雷森專主其事此外最出力者尚有管輪副堪
士耶大副章師敦水手首領史類白皆視鎮南事為己事奮不顧
身齊心救護可否酌請給獎等情前來臣查稅關巡船代北洋礮
船出力赫德與該船員弁等皆視為分所當為並非望格外得獎
惟值此整頓海防之際各洋將能爭先效命非酌予優獎不足以
示鼓勵所有前管駕飛虎船遊擊銜哥嘉擬請
賞給頭等寶星並加參將銜管輪副堪士耶及大副章師敦擬請
賞給二等寶星水手首領史類白擬請
賞給三等寶星並由該總稅務司普加飛虎船水手人等一月薪
水銀兩藉資激勸理合附片陳請伏乞
聖鑒訓示謹

籌濟吉林機器片 光緒七年七月十五日

再吉林邊防緊要所需洋藥及後膛子彈等件業經吳大澂

奏准於省城開設機器廠製造前擬暫調天津製造局道員王德

均赴吉臣以王德均研精機器為處得力之員未能久離津局

吉林運器購料必由天津

奏明飭王德均在津代籌隨時照料緊要機具物件稍備再派

熟習委員工匠前往在案竊維吉林創設機廠理大物博經費甚

形支絀應需機器勢難全在西洋訂購且恐緩不濟急查上年四

月臣議擬吉林設廠創辦小輪船請調廣東道員溫子紹製造案

內欽奉

諭旨將粵海關監督俊成代購神機營設廠之機器選擇合用者

由海道運至奉天營口再由陸路運吉溫子紹暨隨帶工匠機器

赴吉川資考該督撫督籌給等因欽此旋因溫子紹未能前往

機器仍存廣東今吳大澂設廠製造軍火情事相同器具亦可通

用應令將前項機器運解應急其餘應添各件容飭王德均察酌

代購將來如經費較允厥務逐漸開拓再由臣隨時緘商吳大澂

籌造輪船後現已任滿離粵應即由兩廣督臣張樹聲查明所

存各種機器委員迅速儘數解津交王德均驗收分別轉解吉省

其自粵至津運費仍請遵

旨由該省籌給除分咨張樹聲吳大澂查照辦理外理合附片具

陳伏乞

聖鑒謹

奏

奏稿四十一

臣

李朝儀政績摺 光緒七年七月十五日

奏為已故順天府尹歷官政績懋著賢勞請

旨宣付史館以勸循良恭摺具陳仰祈

聖鑒事竊維求治以察吏為先課吏以得民為本

畿輔為首善之區徭重政繁甲於天下非周知利病不能勤恤民

依非久歷艱難不能諳通治術查有已故順天府府尹李朝儀貴

州貴筑縣人由道光乙巳科進士簽分直隸知縣累薦遷擢先後

官

畿甸者三十七年潔己勤民始終一致臣請將其歷任政績為

聖明縷晰陳之李朝儀初任平谷饒陽三河等縣升大興縣知縣

署南路廳升東路廳同知署順德廣平二府升大名府知府其在

饒陽巡緝四鄉盜風斂戢在三河建置書院文教蔚興在南路廳

創辦民團在東路廳督捕蝻蝻凡親民應為之事無不悉心體察

實見施行其在通州值咸豐庚申之役外侮憑陵土匪竄起李朝

儀自天津防所星夜馳歸聯紳董除奸宄內修城守外訶敵情通

州賴以不擾有

賞加道銜之

命其在順德以民兵五百禦捻匪萬人於沙河境上相持一晝夜

援軍至而賊遁防堵撫輯保全實多有

賞戴花翎之

命並經前科副沁親王價格林沁督臣劉長佑奏報在案同治七

年十月初督臣曾國藩下車伊始振新吏治薦舉賢員以李朝儀

居首謂其明練耿介表率有方辦理地方事宜不懈弛亦不苛刻

士民稱之欽奉

諭旨該員才具政績均有可觀實為直隸出色人員深堪嘉獎飭

令益加策勵勉為循良等因欽此旋蒙

特擢永定河道永定素稱難治遇滂輒潰李朝儀在任十年籌備

料採搶護險工請修金門閘及次壩分洩汛漲每遇狂瀾驟至董

役於深宵風雨之中員弁兵夫無不爭勸慎核官帑裁減陋規將

道署公用詳定章程至今遵守臣與李朝儀共事最久見其積勞

求退必以公義私情相勸李朝儀力圖報稱亦遂不忍言歸光緒

三年三月奏署直隸按察使五年補授山東鹽運使上年晉秩京

尹方將隨事整釐盡心規畫用副

朝廷倚畀之隆不意年力未衰遽以憂勞病故身後蕭然賴京外

同官賻助始得歸櫬歸中臣維自古循吏不必皆有赫赫之功惟

其久任一方知民疾苦當時服其教令後世傳其設施李朝儀廉

明正直為僚屬士民所共知核其一生治行不離直順兩屬而公

論所在久而益彰既邀

褒勉於

溫綸宜荷昭垂於史策合無仰懇

天恩俯准將已故順天府府尹李朝儀歷官政績

宣付國史館立傳以示楷模而資觀感出自

聖主鴻施為此恭摺具陳是否有當伏乞

皇太后

皇上聖鑒訓示謹

奏

裁遣靈營片 光緒七年七月二十九日

再臣欽奉光緒七年五月十四日

寄諭鮑超各營駐紮樂亭一帶著裁撤步隊十一營馬隊二營派員分起管帶回籍安為遣散該勇丁籍隸湖廣程途較遠當仍由輪船行走著李鴻章劉坤一即為豫備知照鮑超飭令各營陸續起程應需輪船經費著李鴻章籌款應付其軍火器械派員點收存儲備用等因欽此遵即札飭招商局道員唐廷樞等妥速籌備輪船俟鮑超派定裁撤何營暨赴部領回餉項知照開拔日期即分起駛赴撫甯縣洋河口候裝運至漢口卸載並令署永平府知府陳慶滋及各該州縣妥為照料起行於洋河口多備民船以便剝運片派道員楊嘉善與陳慶滋點收軍械馬匹旋准鮑超咨商一切即據招商局陸續派往海定口新海晏永清興盛利運鎮東

奏稿四十一

又

輪船七號利運鎮東兩船裝運一次海定等五船裝運兩次自六月十五日起至七月十四日一律裝竣均赴漢口交卸沿途安靜行走並未滋事應需輪船經費飭令樽節開支由臣於北洋海防經費內籌款墊付其洋河口剝運民船亦核實給價由藩司彙案覈銷至軍械挑留分給未撤各營外其餘劈山礮洋鎗腰刀長矛等械照單點收解津存儲又馬匹除陸續倒斃實收四百匹多已口老疲瘦只能就地酌量變價以資農民耕作之需所有裁撤靈軍十三營備船裝運完竣緣由理合附片覆陳伏乞

聖鑒謹

奏

巴西增刪條約摺 光緒七年閏七月初八日

奏為巴西使臣商請增刪原訂條約經臣酌量相機議辦恭摺具奏仰祈

聖鑒事竊臣於光緒六年六月間遵

旨與巴西國使臣喀拉多穆達議立通商條約已於上年八月初一日定稿繕本畫押鈐印專摺具

奏並將條約正副本及照會稿分送軍機處及總理各國事務衙門備查在案臣因從前中國與各國立約多倉猝定議又未諳西洋通例受損頗多是以與該使往復駁辨按照各國約章酌量變通冀可收回權利亦乘巴西有求於我先就一國稍倡其端將來各國續來議約即可逐漸設法轉移該使等遵允畫諾喀拉多於去年九月出都穆達齋約回國方謂條約已定計期即可互換詎

奏稿四十一

又

本年三月十九日喀拉多自滬至津據稱接伊國電報禁販洋藥已允照辦請即添入條規並酌擬增刪原約各節如第一款與別國民人句請改為與相待最優之國民人字樣第十一款案內華巴民人有未甘服應聽照會覆訊一節恐兩國國民人藉此延滋訟案難了結務求准刪臣以已定之約向不能於未換以前另議刪改惟彼國既願將禁販洋藥添入條款似於中國有益該使復聲請原約第三款領事官不得以商人兼充擬改作商人亦可兼充第四款游歷印照須領照會關道請領擬改照各國條約仍由領事發給地方官蓋印臣查當日訂約此二款原為防弊起見斷難允改其第一款第十一款無關緊要字句未始不可酌刪喀拉多旋即回滬五月杪該使復派繙譯官微席葉來謁謂穆達回國後議院查出原約第十款內華人有本身犯案或牽涉被控凡在巴

人公館寓所行棧商船者均聽中國官派差徑往拘傳此與各國條約照會領事官交出者頗有區別去冬美國修約在巴國訂約之後美約並無此議巴西礙難獨遵力懇改照布約第三十二款以全巴國體面等語臣思華民在各口行棧商船備工者每恃洋人為護符遇有犯案不聽傳喚難行交領事飭交往往庇縱成習由於前此立約未妥一時驟難更改以致流弊甚多今欲藉巴西議約漸收中國自主之權於約內聲明派差徑往拘傳具有深意堅不允行微席葉去後喀拉多函託津海關稅務司德維琳屢來懇商均以嚴詞拒絕七月二十日該使自滬來津面遞辨論第十款節略一紙謂出自該國朝廷之意若不准改必將該使調回月行派員來華從新議約情詞甚為迫切臣反覆開導該使總謂此條不改全約俱作罷論該國絕不肯互換並引中俄新約改訂為辭如堅執不改即索一答覆節略回國覆命臣於閏七月初一日擬具答覆四條節略面交葉未鬆口該使遂於初二日來署辭行勢將決裂臣因思巴西已成之約照西國各約挽回不少今又允將禁販洋藥添入約款洵於大局有裨彼既出於甘讓我亦當略為酬報所議增刪各節尚覺無甚關係惟第十款末節稍重若遽改照各國條約華犯由領事交出何能漸收自主之權若全不通融如滬津等處各國租界早定巴人來必借為僑華官徑往擊犯巴官雖不敢阻他國領事必出頭阻抗則華巴兩面均有礙且公館商船皆有巴西國旗號巴人可以自主亦未便不知照巴官徑往擊辦况第三款已聲明領事等官必須奉到中國批准文憑方得視事如領事官辦事不合可將批准文憑追回此層最為緊要關鍵儻巴官庇縱華犯何可照約追回文憑是操縱仍屬在我

謹將巴西使臣喀拉多面遞辨論第十款末節四條節略並答覆該使臣四條節略照繕清單恭呈

御覽

巴西使臣喀拉多面遞節略

兩國條約載有巴國民人遇有詞訟案件並不歸中國地方官審辦僅歸其本國官員辦理故此巴國人民房屋棧房商船等處中國官役不得強入一事不過係條約上之意推而論之巴西國家之欲如此者不過欲巴國民人之在中國者比之凡與中國有和約之國其看待民人地位不得較輕

又巴國無論何國民人在巴國所沾之利益已准中國人民一體均沾然中國看待巴國人民欲有異於看待凡與中國和約之國之人民未免有辱於巴國此生事之根也不如先時除去以保將來永遠和睦

大清國

又中國與他國公同立定條約其商訂之地無論或在天津或在中國京都中國之意宜歸一律然德國及美國近修條約已奉

大皇帝允准內中並無中國官員憑其差役至該國民人房屋查擊犯人一款况且美國修約在巴國定約之後明顯中國所准他國得沾之利益不准巴國一體均沾則中國未免於公平有礙矣又中國欲禁止販運洋藥一事乃緊要大有關係之事巴國知此事有益於中國立即允許是巴國大有功於中國也則第十款內所載凡在巴人公館寓所行棧商船等處者均聽中國官員派差徑往拘傳審理等語亦可除去矣

答覆巴西節略

似未便因擊犯一事致將全約所得便利盡行廢棄遂與該使商改訂地方官一面知照領事官一面立即派差協同設法拘擊不得庇縱稍留等語較各國約款文義稍變蓋由地方官派差仍不失中國自主知照領事官則巴國體面亦無所礙該使允即照改並將禁販洋藥照美國新約全文添作第十四款共成十七款此臣與巴西使臣喀拉多酌議稍改原約之情形也喀拉多已於初三日回滬據稱電覆本國俟接回信於三禮拜後來津騰寫約本月與訂期畫押專用喀拉多一人銜名其前次已定條約正副本即作為廢紙事關改訂條約於原議微有參差而大致無甚出入亟應先事具

奏謹照鈔巴西改訂約款分別黏簽貼說並照錄該使喀拉多面遞節略及臣答覆節略恭呈

奏稿四十一

至

御覽除緘商總理衙門外所有巴西使臣商請增刪原約經臣酌議辦理緣由謹繕摺由驛據實具陳伏乞

皇太后

皇上聖鑒訓示遵行謹

奏

一約內訂明巴國民人案件並不歸中國地方官審辦可見中國絕未輕待巴人至第十款載中國民人本身犯案是專指中國人犯中國法者言之中國有自行拘傳審理之權與巴人毫不相涉實無所謂輕待也

一巴人來中國通商中國必視同凡有和約之國人民無異約內第一款已載明與相待最優之國民人同獲恩施利益至在行棧商船傳人與否所傳乃係中國之民人無關於巴國商務如以行棧商船聽中國自傳本國犯罪之人為有辱巴國則在行棧商船藏匿中國罪人巴國先自取辱矣巴國肯列此條足見與中國倍敦交睦何至因此生事

一各國每遇修約之期均係擇要先修不能將各條一時全改德美兩國近來修約雖未議及此節日後再遇修約未必不載入約

奏稿四十一

至

內況美國此次在總理衙門修約專為華工一事而來因及洋藥商稅等條其餘尚未全改蓋議修多年已成之約與創立向來未有之約情形本自不同即以禁運洋藥而論貴大臣上年不肯於約內載入此條以為多有窒礙而美國竟肯首先載列則將謂美國自棄其利益乎如美國亦謂販賣洋藥係中國所准他國得沾之利益必欲一體均沾此條恐終無列入約內之日矣運洋藥為有礙中國民生之事美國肯列約嚴禁洋商行棧徑行傳人為有關中國政令之事巴國不肯照行較之美國之待中國恐亦未可謂公平也

一禁販洋藥一條上年貴大臣未即允定今見美國列入約內始允照添並非立即允許此次議定畫押之約本大臣已准通融改易不少與禁販洋藥一款亦足相抵未便再將第十條末節刪除

請催粵海關欠解海防經費摺

光緒七年閏七月初八日

奏為粵海關應解北洋海防經費積欠四結之多請

旨嚴催以警玩泄恭摺仰祈

聖鑒事竊粵海浙海等關徵收四成洋稅招商局稅前經戶部會同總理各國事務衙門奏定章程除額撥軍餉外即儘數分解南

北洋專作海防經費必須按結解清不准挪移短欠又奉光緒六

年六月二十七日

上諭北洋防務極關緊要需餉尤殷各省關應解經費著嚴飭趕

緊撥解大批濟急釐金必解足八成關稅必照章提前儘再延欠

即著李鴻章覈參照延誤京餉例議處等因欽此節經咨行欽遵

在案近來關稅一項江海浙海等關尚能依期報解惟粵海關自

上年五月二十四日第八十結起至今年六月初五日第八十三

結止徵收四成洋稅招商局稅應解北洋海防經費計歷一年之

久迄未解到絲毫似此貽誤事機實為向所未有查此四結銀兩

係前任監督俊啟現任監督崇光徵存俊啟既宕緩於前追崇光

到任接收交代即應趕緊報解乃既不將前任銀兩補解清楚其

本任徵起銀兩亦復任意延欠經臣查函疊催輒謂號商湊解京

餉未能周轉僅允解銀三萬兩仍係空談尚未解到約計四結徵

存北洋銀十餘萬兩並未開報收目且海防經費本係指定四成

關稅與京餉應由六成稅內撥解者毫無牽涉何得混稱湊解京

餉憑空套搭顯係飾詞搪塞玩視要需北洋屏蔽

京師海防關繫全局各省關應解經費實與京餉並重是以期限

處分皆同臣前在西洋訂購快船水雷艇及鎗礮等項應需價

值甚巨亟待現銀匯付又因新定鐵甲船價不敷奏明由北洋經

費內湊撥以免他省戶指為難原係統籌兼顧之意乃該關竟積

欠至四結之多一若歷次奏案

諭旨全未寓目儻他處相率效尤防務將致停罷尙復成何事體

況此係按結徵收洋商現銀並不煩該監督月行籌措久存不解

恐有虧挪情弊相應請

旨嚴飭粵海關監督崇光迅將徵存四結北洋經費銀兩勒限一

月分兩批掃數解清一面將數目據實咨報查核嗣後務當恪遵

前奉

上諭按結提前報解以濟要需而全大局儘再延欠即由臣奏參

照貽誤京餉例議處並懇

敕下廣東督撫臣一體飭催勿任支展理合恭摺由驛具陳伏乞

皇太后

皇上聖鑒訓示施行謹

奏

熱河圍場移駐弁兵摺 光緒七年閏七月初十日

奏為熱河圍場地而酌撥綠營弁兵移駐以資協守恭摺仰祈
聖鑒事竊熱河圍場克勒溝等處前設同知司獄巡檢各員經管
錢糧緝捕等事應有弁兵協守當於河屯八溝兩營內撥兵四十
名先行移駐一面會同奏報旋經兵部議覆應於圍場駐防滿營
內就近移撥如滿營官兵不足彈壓即於河屯八溝綠營內酌量
移撥等因經臣等飭查滿營官兵不敷移撥其河屯八溝等綠營
汛地遼闊周圍至三四千里本亦難於抽調惟圍場地方緊要既
經添設文員自應於綠營內酌撥弁兵移駐以期兼顧據圍場同
知擬撥千總等四員兵一百名當經知照提臣飭於河屯協三營
內撥給馬步守兵五十四名八溝四營內撥給馬步守兵四十六
名除先撥四十名應再找撥六十名又撥八溝營千總一員惟把

奏稿四十一

總外委無可移撥若格外添設又須增費擬於現撥兵一百名內
裁去馬兵四名步兵二名添設經制外委三員額外外委一員即
以裁去六兵之餉作為添設四弁餉米養廉之需以上共合千總
等五員兵九十四名應於圍場克勒溝同知公所附近地面駐紮
千總一員協防額外外委一員馬步守兵四十名鑲黃旗地面駐
紮經制外委一員馬步守兵十六名正紅旗地面駐紮經制外委
一員馬步守兵二十三名罕特莫爾川地面駐紮經制外委一員
馬步守兵十五名統歸唐三營守備管轄責令各按汛地協同文
員防守實力巡緝盜匪保護商民不得玩愒應否添設營房飭由
該同知等察酌就近稟請都統臣核辦至馬步守兵內先撥之四
十名前經量加口糧候撥定停止今既撥定應仍令統按原營
底餉支食無庸再加以歸一律除分飭遵照外所有圍場地而酌

撥綠營弁兵移駐緣由理合會同熱河都統臣崇綺直隸提督臣
李長樂恭摺具陳伏乞

皇太后

皇上聖鑒敕部知照謹

奏

奏稿四十一

謹

釐定商船津貼摺 光緒七年閏七月初十日

奏為安州等處過往船隻向有津貼要差現經申明定章嚴禁額
外勒索以綏商旅恭摺仰祈

聖鑒事竊准部咨光緒七年四月二十九日奉

上諭給事中樓舉善奏直隸安州雄縣新城地方近有匪徒勾結
蠹役私設卡局抽收船戶錢文名曰船頭勒索行旅大為地方之
害請飭嚴禁等語該處為往來通衢豈容匪徒私立船頭名目擾
害地方著李鴻章飭屬查明一律嚴禁以恤商旅欽此當飭清河
道葉伯英於出省防河之時認真查辦茲據該道詳稱安州北關
雄縣南關新城縣白溝河為津省水路要衝每年有承運

西陵米石並經管漕運官剝船隻

陵米例領水腳無幾官剝工食亦微均須片籌貼補且夏秋陸路

奏稿四十一

奏

被水往來文報及餉鞘人犯均應改由水路遞送船差絡繹供億
甚繁該州縣並無例設水驛不能開支工料而運米等項又屬要
差勢難延誤是以向章借資過往商船津貼派撥船頭常川伺應
以期上不誤差下不累民並非私設卡局亦與任邱趙北口情形
不同同治十一年船戶馬萬福呈控安州船頭訛索飭據保定府
查訊將向章所收錢數酌量減凡大貨船每隻津貼制錢四百
文小貨船每隻津貼制錢一百文煤船每隻津貼制錢二百五十
文其餘商貨同空及官民坐船概免津貼又雄縣新城於光緒二
年文安縣船戶張萬成等呈控案內飭據司道查明酌議津貼錢
數凡滿載貨船如願包年每歲不論往來次數多寡大對子船津
貼制錢二千文小對子船津貼制錢一千四百文廠船津貼制錢
一千八百文如願按次津貼大對子船津貼制錢四百五十文小

對子船津貼制錢二百五十文廠船津貼制錢四百文逢船等船

津貼制錢二百文其餘貨船回空及官民坐船概免津貼均經臣
核定批准榜示河干其雄新二縣並已刊立碑石在案該道以該
船頭等果皆照章收取津貼供應差務何至擾累商旅噴有煩言
乃訪聞商船於交納津貼之外尙有規費顯係船頭書役從中勒
索即經督飭各州縣將船頭書役人等提案責革一切浮費盡行
裁除由該道刊刻原定津貼章程嚴禁需索告示在於省城南關
安州北關雄縣南關新城縣白溝河及商船往來停泊埠頭徧行
張貼並飭該州縣重泐碑石樹立河干一面將告示移送天津官
船局曉諭船戶一體遵守倘該船頭等再敢額外需索許船戶即
赴所在地方衙門喊控立拘該船頭等嚴行究辦柳示河干該管
州縣稍存徇庇或漫無查察別經發覺亦即從嚴參辦等情具詳

奏稿四十一

奏

前來臣查直隸賦額甚輕原因
畿輔重地徭役較繁須藉商民之力以資挹注船差亦其一端從
前沿河州縣曾有匪徒勾通書役索詐商船疊經臣與司道等訪
聞查辦將並無差務各處私設船頭卡局禁革殆盡並於天津設
官船局均平差徭照民價雇用不准絲毫擾累安州雄縣新城既
有年例剝運
陵米等項要差地方又皆瘠苦勢難加派民間是以向借過往商
船津貼係為體恤閭閻免誤差務起見歷就該州縣因差輕重議
定津貼章程酌減收數向屬公允惟該船頭等藉端格外勒索殊
堪痛恨現經葉伯英督飭該州縣提案責革除盡浮費將津貼章
程徧行曉諭重泐碑石應飭該司道等隨時認真督察嚴禁永遠
不准浮收分文以綏商旅儆州縣及吏役稍存擾害即分別從嚴

參辦理合恭摺陳伏乞

皇太后

皇上聖鑒謹

奏

奏稿四十一

李

李文忠公奏稿卷四十一

李文忠公奏稿

卷之四十二目錄

覆陳奏調各員摺 光緒七年八月初二日

機器局請獎摺 光緒七年八月初二日

巴西條約修改重繕摺 光緒七年八月十一日

驗收新購蚊船摺 光緒七年八月二十日

建造船塢請獎摺 光緒七年八月二十日

籌議三廳改缺事宜摺 光緒七年九月三十日

奉旨籌辦礮臺片 光緒七年九月三十日

訂購快船來華摺 光緒七年十月十一日

丁汝昌統領海船片 光緒七年十月十一日

請裁金州艇船片 光緒七年十月十一日

請獎洋員片 光緒七年十月十一日

續選學生出洋摺 光緒七年十月十一日

吳熾昌調辦礦務片 光緒七年十月二十六日

吳嘉善等請獎片 光緒七年十月二十六日

表揚義賑人員片 光緒七年十月二十六日

湖北捐賑獎敘片 光緒七年十月二十六日

李秉衡處分請抵銷片 光緒七年十月二十六日

議覆盜犯就地正法章程摺 光緒七年十月二十六日

近省隄河工費摺 光緒七年十一月十五日

密議朝鮮外交摺 光緒七年十二月初二日

朝鮮來學製造摺 光緒七年十二月初二日

使臣擬開底缺摺 光緒七年十二月初二日

保定徐建寅引 見片 光緒七年十二月初二日

湖南捐賑請獎片 光緒七年十二月初二日

永定河改設官渡片 光緒七年十二月二十日

三應請添學額摺 光緒七年十二月二十日

淮軍軍需報銷摺 光緒七年十二月二十日

軍需交涉洋務片 光緒七年十二月二十日

續收賑捐數目摺 光緒七年十二月二十日

江蘇捐賑請獎片 光緒七年十二月二十日

奏稿四十二目錄

李文忠公奏稿卷四十一 全集一之四十一

桐城吳汝綸編錄

覆陳奏調各員摺 光緒七年八月初二日

奏為遵

旨覆陳仰祈

聖鑒事竊臣承准軍機大臣字寄光緒七年閏七月十四日奉

上諭前據御史秦鍾簡奏李鴻章奏調編修章洪鈞道員金福留

袁保齡跡涉徇私請旨撤回等語著李鴻章隨時察看如該員等

不能得力即行撤回原摺著鈔給閱看等因欽此臣查吏部奏定

章程各省督撫辦理中外交涉事件奏調候補候選人員應遵

旨准其調往差委等語秦鍾簡原摺乃謂向章京職人員外省督

撫不得率行奏調顯與部定章程歷辦成案不符又謂直隸屢請

停止分發該省道府正處擁擠何猶另調候選人員不知請停分

發係因地方候補人員過多且指發來省者不必皆賢才也臣奏

調章洪鈞等片內聲明臣督辦北洋海防及中外交涉事件頭緒

繁多亟須求賢助理是於地方無涉且為求賢起見實與請停分

發兩不相妨至秦鍾簡謂章洪鈞與臣係屬同鄉早與有約相機

奏調尤屬謬論孔子曰舉賢才舉爾所知未有不知而舉者同鄉

則知之尤真自無避嫌不舉之理咸同軍興以來以同鄉而轉相

薦引滅賊立功蔚成

國家中興盛業何可枚舉秦鍾簡豈無見聞而獨疑章洪鈞有

營謀請託之事章洪鈞籍隸皖南距臣籍六百餘里素無瓜葛同

治四年臣於署兩江總督任內考試書院始識拔章洪鈞於諸生

中早相器許近年知其留心經世之學識力堅卓志趣不凡故特

疏調來津以資贊助章洪鈞守道自重臣亦因以重其人實非由
請託而來也溯查咸豐初年微臣即由編修奏調在外歷練時事
始克稍有知識嗣在江蘇巡撫任內奏調中允馮桂芬編修王凱
秦劉秉璋勦捻軍務奏調中書何慎修主事倪文蔚從未有議為
褻體者今因海防洋務責任過重微臣精力日衰急求賢才為啓
指之使且恪遵部章罔敢踰越而轉貽局外之譏彈未免令任事
者寒心矣秦鍾簡又副金福曾袁保齡向無聞望並非熟悉洋務
必不可少之員夫論人才須實按其品行事蹟未可專采虛聲其
盜虛聲而鮮實濟者向所不取金福曾久在上海差委上年自
行集捐往晉豫直境散賑廉惠公明窮民多感其德袁保齡曾隨
其父袁甲三軍中諳習戎機久任內閣熟於掌故考其平日品行
事蹟均屬有用之才臣奏調原片聲明積資造就亦非謂洋務必

不可少但質地可取將來學習歷練冀備
朝廷異日之用固非別有私意也欽奉
諭旨令臣隨時察看如該員等不能得力自應遵即撤回若其造
就練達堪勝繁劇臣亦未便壅於
上聞致昧以人事

君之義理合據實恭摺陳伏祈
皇太后

皇上聖鑒謹
奏

機器局請獎摺

光緒七年八月初一日

奏為天津機器製造局辦理已逾十年著有成效謹將尤為出力
員弁匠目援案酌請獎敘恭摺仰祈
聖鑒事竊查同治五年總理各國事務衙門奏令於天津設局購
置外洋機器製造軍火前通商大臣崇厚甫經册有端緒同治九
年臣抵津接任欽奉

寄諭開辦務裨實用並以牽涉洋人殊多窒礙總須內地員
匠銳意推求能自運用傳習方為經久之道等因欽此遵即遴派
熟悉機器之大員總理一切督飭悉心籌度釐定章程精練華工
酌裁洋匠並將主持局務之洋員密委士撤退頻年添建大廠十
餘座選購新器數百分規模日臻開擴製造日見精能考課嚴明
條理周密工作則絲髮人穀經費則涓滴歸公緩急所需無不應

手每歲所出軍火除供支本省淮練各軍輪礮各船外如吉林奉
天熱河察哈爾及江南分防水陸淮軍皆按時撥濟其河南等省
需用火藥銅帽亦向津局取給上年俄事驟起邊海兩防同時喫
緊山海關樂亭牛莊煙臺等處均駐多營吉林亦增勁旅津局為
洋軍火總匯屹處海濱需傳不一仍不動聲色星夜趨造外以給
各軍月操之用內以備有事攻剿之需各路軍營恃以無恐洵於
大局有裨查天津機器製造局分兩局一在城東賈家沽名為東
局分造洋火藥銅帽洋鎗礮各式子彈水雷等項一在城南海光
寺名為西局分造軍用西洋器具添配雜項物件兼造開花子彈
等項計東局歷年製成軍火截至光緒六年底止其洋火藥四百
三十七萬餘磅銅帽二萬三千八百六十萬五千餘顆前後膛大
小炸礮彈三十六萬四千七百餘顆林明敦中鐵鎗五百二十枝

條理周密工作則絲髮人穀經費則涓滴歸公緩急所需無不應
手每歲所出軍火除供支本省淮練各軍輪礮各船外如吉林奉
天熱河察哈爾及江南分防水陸淮軍皆按時撥濟其河南等省
需用火藥銅帽亦向津局取給上年俄事驟起邊海兩防同時喫
緊山海關樂亭牛莊煙臺等處均駐多營吉林亦增勁旅津局為
洋軍火總匯屹處海濱需傳不一仍不動聲色星夜趨造外以給
各軍月操之用內以備有事攻剿之需各路軍營恃以無恐洵於
大局有裨查天津機器製造局分兩局一在城東賈家沽名為東
局分造洋火藥銅帽洋鎗礮各式子彈水雷等項一在城南海光
寺名為西局分造軍用西洋器具添配雜項物件兼造開花子彈
等項計東局歷年製成軍火截至光緒六年底止其洋火藥四百
三十七萬餘磅銅帽二萬三千八百六十萬五千餘顆前後膛大
小炸礮彈三十六萬四千七百餘顆林明敦中鐵鎗五百二十枝

條理周密工作則絲髮人穀經費則涓滴歸公緩急所需無不應
手每歲所出軍火除供支本省淮練各軍輪礮各船外如吉林奉
天熱河察哈爾及江南分防水陸淮軍皆按時撥濟其河南等省
需用火藥銅帽亦向津局取給上年俄事驟起邊海兩防同時喫
緊山海關樂亭牛莊煙臺等處均駐多營吉林亦增勁旅津局為
洋軍火總匯屹處海濱需傳不一仍不動聲色星夜趨造外以給
各軍月操之用內以備有事攻剿之需各路軍營恃以無恐洵於
大局有裨查天津機器製造局分兩局一在城東賈家沽名為東
局分造洋火藥銅帽洋鎗礮各式子彈水雷等項一在城南海光
寺名為西局分造軍用西洋器具添配雜項物件兼造開花子彈
等項計東局歷年製成軍火截至光緒六年底止其洋火藥四百
三十七萬餘磅銅帽二萬三千八百六十萬五千餘顆前後膛大
小炸礮彈三十六萬四千七百餘顆林明敦中鐵鎗五百二十枝

林明敦鎗格林礮子八百四十六萬八千餘顆各式拉火九十五萬餘枝其紙引木引等項製存數目亦鉅除撥用外現存洋火藥一百餘萬磅他物稱是西局除造克鹿卜礮彈改造土乃得後門鎗及彈子以及各種礮車器具供給各軍外並辦造新式機器自製電綫電機電引百發百中上年造成行軍橋船一百三十餘隻百丈之河頃刻布成平地近又造成一百三十四匹馬力七丈螺輪船二隻專備海口布置水雷並作小戰船之用此皆局員匠目銳意研求故能不藉師承自成利器至水雷為海防必需之物從前發火電氣機皆購自西洋現於東局仿製電綫電箱撥動燃放不差累黍又仿製五百磅礮雷二十八枚一千磅礮沈雷三十枚七百磅至一百五十磅礮撞雷一百二十二枚礮放皆能應手其小水雷隨時試演者不在此數另製棉花火藥以鑄水浸澆而成較前礮力大三倍用棉藥七兩可轟碎四寸厚鐵板與外國新製者一律其各項機器局中工匠亦能出手製造不下數萬餘件前於東局分設電報水雷學堂已將教成學生派赴大沽北塘海口應用現又接續教練並就地另蓋水師學堂選募生徒為作養輪船將材之計此十餘年來辦理情形甚著成效者也臣查上海機器製造局出力人員曾於同治七年光緒二年奏保兩次均奉

旨允准有案天津事同一律該員等衝寒冒暑早作夜思寢饋於刀鋸湯火之側出入於礮鏑毒物之間性命所關如對強敵實非辦理尋常局務可比事逾十年之久卓著勤勞現准神機營王大臣奏派員弁兵丁來局習學新製朝鮮國亦奏懇派人來津學藝臣密飭該局員匠殫精竭慮盡所知能互相傳習以為自強經久

張本事關軍國要政若不懇
恩擇尤量予獎敘實無以鼓勵人才除已有實缺及事故各員均
無庸議外謹援滬局成案查其尤為出力者按照部章酌擬升階
升銜等項繕具清單恭呈
御覽仰懇
天恩俯准照擬給獎以彰成效而勵將來其應給予把總等武弁
月行咨部注册理合恭摺具陳伏乞
皇太后
皇上聖鑒訓示謹
奏

奏稿四十二

五

巴西條約修改重繕摺 光緒七年八月十一日

奏為巴西使臣商請增刪原訂條約現已修改妥協重繕約本會同畫押蓋印恭摺仰祈

聖鑒事竊臣於光緒六年八月初一日遵

旨與巴西使臣喀拉多等議立通商條約彼此畫押鈐印嗣因禁

販鴉片一節尚未列入約內喀拉多旋接該國電報商請添作條

款並欲將原約少加更改以期兩國有益屢次會議及各條酌改

字句情形經臣於本年閏七月初八日照鈔約稿詳細

奏明在案喀拉多八月初二日由滬回津函稱接到本國外部電

覆謂此次所改各節可以允行即將新約畫押嗣據照會禁販鴉

片添作條款現已重繕約本酌改妥協請定期彼此畫押蓋印應

將前次之約作為廢紙等因臣即照覆以中國與各國已訂之約

向不能於未換以前另議刪改今因於兩國有益且為通商和好

起見通融辦理並聲明儻非該國允將禁販洋藥添入條款臣亦

未便曲徇所請等語以備將來他國或有援引可以設詞抵制遂

訂於八月十一日臣督同署理津海關道周馥等會同巴西使臣

喀拉多在公所畫押蓋印即將原約作為廢紙其改定條約仍配

用中國文巴西文法國文各四紙校對無訛彼此各存正副本二

分以便屆時互換除將存留條約正本及照錄來往照會備文封

送軍機處代為進呈

御覽並將條約副本咨送總理各國事務衙門查核仍請該衙門

將上年咨送巴西約本發還臣處注銷外所有巴西商改原訂條

約會同畫押蓋印緣由理合恭摺由驛馳陳伏乞

皇太后

皇上聖鑒訓示謹

奏稿四十一

七

籌議三廳改缺事宜摺 光緒七年九月三十日

奏為口外張獨多三廳遵改員缺營制事宜分條籌議妥辦恭摺仰祈

聖鑒事竊臣前因口外張獨多三廳地方重要今昔繁簡不同請將理事廳員改為撫民要缺張家口副將移駐多倫並酌撥營汛添設三廳捕盜弁兵以資控扼業經吏兵等部覆在奉

旨依議欽此當即轉行口北道奎斌宣化鎮總兵王可陞遵照迅將應辦事宜分條籌議茲據該鎮道會同議覆由藩臬兩司轉詳前來

前來復加核酌計列六條於左
一三廳循舊兼管旗蒙事務查張獨多三廳所屬疆界多在察哈爾各旗蒙游牧地面多倫廳兼有熱河克什克騰旗蒙古地面現改為撫民同知而向有蒙民交涉事件責無旁貸應令廳員循舊

兼管至察哈爾都統駐紮張家口所有駐防營糧餉商都太僕寺牧羣生息達里崗蓋等差費收支各款以及都署會審案件亦應令張家口同知循舊經理以符定制

一張獨兩廳酌添辦公經費查多倫廳額設養廉銀一千兩辦公銀二百兩又兼管稅務書吏役食等項另有作正開銷尚可敷

行張家口廳額設養廉銀八百兩無閩之年辦公銀二百二十一兩獨石口廳額設養廉銀八百兩無閩之年辦公銀七十五兩四

錢九分照藩庫放款章程減成給領所得無多該兩廳缺分較苦現既改為撫民同知衝繁疲難四字要缺政務繁重倍於往昔若不酌添經費不足以資辦公應請將張獨兩廳每年各添給辦公

實銀五百兩在於經徵升料廠地糧銀內留支仍扣六分平解還藩庫其與多倫廳舊設養廉辦公俸薪役食等銀悉循其舊由司

給領

一移設多倫協營酌定營制兵數查張家口副將協標原有左右兩營守備兩員管轄馬步兵六百七十一名內除已拔經制額

外馬兵五名又調赴烏科兩城換防及調入練軍馬步兵二百一十七名現存馬兵三十二名步兵二百二十六名守兵一百九十一名其四百四十九名又千總把總經制各二員額外委三員

應令該守備兩員千把總經制額外九員馬步兵四百四十九名均隨副將移駐多倫即以多倫原有都司一員與移往守備兩員分為多倫協標中左右三營遇有都司守備缺出一體由外不

論滿漢分別升調請補中營都司應兼防閃電河二道泉兩汛右營守備應分駐經棚其土城子等處應分駐千把等弁俟撥定分汛另行咨部多倫原有馬步兵二百六十三名運移往之兵其合

七百一十二名再酌撥宣化練軍馬隊一營交多倫副將管帶擇要駐紮分段梭巡即責成該副將督率綠營練軍嚴拏盜賊搜查窩

家保護商民毋得玩懈其烏科兩城換防等兵二百七十七名應撥歸張家口營都司管轄又張家口協屬原有萬全營膳房堡新河

口堡洗馬林堡四營守備弁兵應就近改歸張家口營都司管轄柴溝營西陽河堡兩營守備弁兵應就近改歸懷安路都司管轄

毋庸再歸多倫協副將兼管至獨石口協標除多倫一營閃電河二道泉二汛撥歸多倫協標外其餘營汛均循其舊毋庸更議

一守兵酌改步兵米折仍給十成查多倫原定營制應設馬兵步兵不設守兵蓋因邊外要地守兵口糧太少不能得力也今將張家口協標左右兩營兵丁移駐多倫內有守兵一百九十一名既與多倫營制不符內地又無可抽換自應酌量更改若改為馬

兵則增餉較多應請將此項守兵一百九十一名均改步兵每月
 僅加餉銀一百三十三兩七錢仍由藩庫給發以裨操防至多倫
 距宣屬州縣五六百里不能遠支領月米所有移駐各兵應照
 多倫原營定制均給米折銀兩俾歸簡便亦由藩庫撥給同所改
 步兵加餉統歸宣化鎮兵餉案內題撥惟現在藩庫放欸章程每
 米一石折銀一兩又按七折計算僅給實銀七錢不敷買米之用
 且邊外寒苦迥與內地情形不同勢難過於剋減致令枵腹應請
 自光緒七年冬季起多倫協標新舊兵丁米折仍復舊章以十成
 實銀給發以示體恤

一三廳捕盜弁兵酌撥分駐查張家口廳原設烏里雅蘇臺太平
 莊兩汛現在開地甚廣以興和城為要隘應將烏里雅蘇臺汛干
 總改駐興和城作為興和城汛干總烏里雅蘇臺汛即以新添經
 制外委駐紮其太平莊汛仍循其舊所添馬兵三十九名分汛派
 撥又獨石口廳原設黑河丁莊卯鎮三汛現開庫倫諾爾廠地係
 丁莊汛把總所管惟汛署距新開地五十里照管難周應將把總
 移駐庫倫諾爾即將該處草商入官房屋一所作為汛署毋庸另
 建仍名丁莊汛所添馬兵二十名與各汛酌量分添又多倫廳諾
 營以外均係各旗游牧地而且有多倫協分設營汛無須再撥捕
 盜弁兵應將新設干把總外委各一員馬兵三十九名駐紮諾營
 遇有盜案責令隨印往擊平時分投巡緝至此項新設干把總外
 委印在張獨兩廳捕盜營把總外委員兵內拔補馬兵就地招募
 惟捕盜營與綠營情形不同嗣後遇有缺出應以捕盜營弁考拔
 新添弁兵均自光緒七年十月初一日補募齊全即於是日起支
 廉俸餉乾

一酌給移駐官兵盤費並建蓋衙署兵房經費查張家口協左右
 兩營備弁兵丁移赴多倫計程五百餘里該弁兵等所領俸餉僅
 敷餬口情形均甚困苦一旦攜眷遠徙盤費無出其日用器物有
 不能帶往者並須到防添置自應酌給盤費以示體恤今擬守備
 二員各給銀四十兩千總二員各給銀三十兩把總二員經制外
 委二員各給銀二十兩額外委兵丁四百五十二員每名給
 銀十兩統計官兵盤費銀四千七百四十兩又多倫等處移駐官
 兵及添設捕盜弁兵必有衙署兵房以符體制而資棲息應建副
 將衙署一所估銀六千兩守備衙署兩所其估銀二千兩干把總
 署房四所其估銀二千四百兩兵丁四百數十名多係攜眷同往
 不能不分給住房應先酌蓋兵房三百間如有不敷再議添蓋每
 間估銀十四兩共合四千二百兩至多倫廳應建捕盜干總把總
 署房二所張家口廳應建捕盜干總署房一所其估銀一千八百
 兩張獨多三廳酌添捕盜兵房四十間其估銀五百六十兩三廳
 新添捕盜外委兵丁一百名每名給馬一匹每匹例價銀九兩其
 銀九百兩添置刀矛弓箭號衣等項需銀三百兩統計衙署兵房
 馬匹器械銀一萬八千一百六十兩連官兵盤費均請於現辦升
 科廠地押荒銀內支用惟建蓋衙署兵房工料銀兩均係約估邊
 外工料昂貴尤與內地情形不同應飭定期核實樽節興辦工竣
 再行截數咨部以上六條均係因時制宜期於邊要地方有神除
 飭次第妥辦外理合恭摺具陳伏乞
 皇太后
 皇上聖鑒敕部迅速核覆施行謹
 奏

奉旨籌辦砲臺片 光緒七年九月三十日

再營口為奉省沿海緊要門戶口岸甚屬空虛亟應擇要修築砲臺以資扼守前飭據山海關道續昌於東岸第二道標杆處所試修土壩培墊登道挖濠築圍創立營盤其址擬建造平砲臺一座大砲臺一座並砲房藥庫兵房約需銀六萬兩經臣於本年六月奏明請將該關徵存上年常稅加增盈餘銀二萬餘兩留作築臺經費其不敷之項再飭該道陸續籌湊欽奉
批旨允准轉行遵辦在案惟築臺必須設廠防務方有藉藉約計應購大小洋砲二十餘尊需價甚巨前奏已聲明砲價不在築臺經費之內自應另行籌措查該關徵收常洋各稅均有解支專款本無多餘但值部庫未充未敢籲請奉省又別無可撥之項不得不仍就關庫竭力設法陸續濟急茲擬於該關六成洋稅項下自

奏 聖鑒訓示謹

本年起每年勻提銀二萬兩專作該口砲臺應購洋砲子彈等項經費俟三四年後購足奏明截止如此分年購辦逐漸布置防務可免貽誤財力亦稍展舒據該道續昌具稟前來相應仰懇
天恩俯准照辦以固要防理合會同署盛京將軍 臣恩福附片陳請伏乞
聖鑒訓示謹

訂購快船來華摺 光緒七年十月十一日

奏為前在英國訂購巡海快船兼砲船二隻現由中國員弁駕駛來華 臣親赴海外驗收乘往旅順口巡閱情形並照案將在事出力人員籲請
恩賜恭摺仰祈
聖鑒事竊光緒五年冬間 臣與總理衙門緘商籌備海防訪購英國新式快船當飭總稅務司赫德在阿摩士莊商廠訂造快船兼砲船兩號一名超勇一名揚威旋以船工將成向例由赫德金登幹雇覓英國弁兵包送來華沿途挂用英旗實非
國體所宜因奏派督操砲船之記名提督丁汝昌與總教習洋員葛雷森督帶管駕官及弁兵舵水等二百餘名分起馳往英都俟船成驗收升換中國龍旗自行駕駛回華於五年十月六年十一月

一月奏奉

俞旨欽遵在案本年八月屢據出使英法大臣曾紀澤及提督丁汝昌報稱七月初八日該船在英埠試駛勘驗船殼製造均屬堅利初九日曾紀澤親引龍旗懸掛升砲如儀英官賀客三十餘人均各稱慶曾紀澤照會外部轉咨兵部海部飭行沿途英屬各埠妥為照料以免疏虞旋接電報該二船於七月二十三日放洋起程經過大西洋地中海埃及蘇彝士河新嘉坡各處駐口英員均相關照毫無阻滯八月二十三日行抵香港在兩廣督 臣張樹聲邀往省河驗視該船遠道而來船底泥苔沾滯亟須修洗油漆又在上海進鵬整理一切略有耽延九月二十六日駛抵大沽攔港沙外因船身喫水過深不得進口 臣恭辦
陵差甫回津署聞信後督同署津海關道周馥水師營務處道員

謹將出洋船駛快船來華尤為出力之員弁酌擬獎勵開列
清單恭呈

御覽

記名提督協勇巴圖魯丁汝昌擬請

賞換清字勇號並正一品

封典

總教習四品銜副稅務司英員葛雷森請

賞加二品銜

花翎留閣儘先補用遊擊林泰曾擬請免補游擊以參將仍留原

省補用並

賞加勇號

都司銜留閣儘先補用守備鄧世昌擬請免補守備以都司改留

奏稿四十二

二十

廣東遇缺前先補用並

賞戴花翎

五品軍功儘先補用把總李和擬請免補千把以守備儘先補用

並

賞戴藍翎

五品軍功藍建樞請以把總留閣儘先補用並

賞戴藍翎

五品軍功留閣儘先外委楊用霖請以千總仍留原省補用並

賞戴藍翎

五品軍功黎星橋請以把總留廣東儘先補用

六品軍功王齊辰請以把總留閣儘先補用並

賞戴藍翎

藍翎儘先千總陳學書請以守備儘先補用

五品軍功陸保請以把總儘先補用

都司銜江蘇補用守備虞慶堂請補缺後以都司升用

藍翎儘先把總張邦元請免補千總以守備儘先補用

六品頂戴記名把總袁培英請以千總留山東儘先補用並

賞戴藍翎

六品頂戴儘先補用外委何桂福請免補把總以千總留山東儘

先補用並

賞戴藍翎

六品頂戴記名外委廖雲瑞趙增盛均請以千總儘先補用

北河候補縣丞馬毓藻請免補本班以知縣仍留直隸歸候補班

前先用

奏稿四十二

三

監生解茂承請以鹽知事分發省分歸候補班前先用並

賞戴藍翎

文童馬元愷請以鹽知事分發省分歸候補班前先用並

賞戴藍翎

附生江永池仲祐均請以主簿分發省分儘先補用

候選教諭陳錫周請

賞加五品銜

花翎留閣儘先補用遊擊劉步蟾請

賞加副將銜

駐英參贊道銜候選員外郎陳道濟會同丁汝昌籌辦接收船廠

與英外部海部交涉各事照料周妥擬請

賞給三品銜

丁汝昌統領海船片 光緒七年十月十一日

再此次記名提督丁汝昌赴英帶船升旗回華歐洲諸國始知中國亦有水師羣起而尊敬之據山使大臣曾紀澤李鳳苞而稱該提督在英隨班謁見君主待以優禮因與各部尚書各國公使往復周旋並游歷英法德各營壘廠局各提督總管監督等均殷勤接待討論軍實藉擴見聞所帶弁兵二百餘人駐英半年訓練約束和輯商民傳播新聞紙津樂道洵足尊國體而固邦交該提督曾在長江水師管帶礮船嗣隨劉銘傳統帶銘軍轉戰南北功績卓著幹局英偉忠勇邁倫自五年十月臣奏派該員督操蚊船與中西各員研究觀摩頗有心得今又出洋多增歷練臣詳與諮詢於西國船礮製造運用之妙體會更深頃委以統領北洋水師重任督同員弁切實講求操練以期漸成勁

奏稿四十二

三

旅可收指臂之助目今水師人才尤為難得該提督久經大敵遠涉重洋謀略機宜均臻妥洽合無仰懇

天恩另單存記破格擢用遇有水師提督缺出即予

簡放以備折衝禦侮之選謹附片據實密陳是否有當伏乞

聖鑒謹

奏

請裁金州艇船片 光緒七年十月十一日

再臣前往旅順口見有水師艇船數隻膠棚沙灘並無帆檣位勢朽朽多年未出海詢之旗營協領即該處兵船隸於金州副都統者也例以旗兵五百額之僅每歲夏間出洋巡哨一次初因旅順口無工料奏派浙閩兩省每年各造新船一隻歲送修理舊船油麻料若干所費不貲而此項師船行海笨滯不堪用旗營弁兵疲弱久廢操演有名無實於義何取旅順瀕臨遼海誠為緊要口岸今既派提督丁汝昌統領快船礮船駐紮該處隨時出海梭巡足壯聲勢若仍留此廢壞無用之水師不獨將弁所輕視即輪船內教習洋人見之無不竊笑近來內外臣工多建議裁撤沿海各種笨船抵養輪船經費洵為救時要政各該省將軍督撫一味因循擱置不辦臣目擊旅順口原設師船實屬虛糜無益應

奏稿四十二

三

旨敕下戶兵二部暨

盛京將軍實事求是立予裁撤其擱置沙灘之廢船即交丁汝昌

體察情形或酌留為練船裝存軍火之用或量予拆變至旅順口

巡海防務嗣後即責成駐泊該處之兵輪船兼顧不致貽誤所有

原定駕船之旗營弁兵仍令照管陸路巡防較有實際伏乞

宸斷訓示施行謹附片具

奏

請獎洋員片 光緒七年十月十一日

山總稅務司布政使銜赫德於光緒初年籌辦海防之際凡遇英
國有製造新樣船廠必代為訪求稟知總理衙門緘商處設法
購辦先後承購蚊子礮船十一隻快船兼礮船二隻於各船工竣
時轉請英國水師衙門派員勘驗立據其蚊船以小船而載數萬
斤大礮艦渡數萬里重洋安然無恙實各國所未曾有最後所到
快船在英國海口懸示中國旗號其來華一路係中國員弁水手
駕駛該總稅司幫同籌畫事事盡心經費亦甚博節實屬有裨軍
國其勞勩殊未可泯可否請

旨賞給該總稅務司頭品頂戴以示優異駐英稅務司金登幹代
訂船廠實心實力織悉無遺光緒五年六月間據赫德申呈該稅
司等皆食中國薪俸分應效力將船廠送到酬勞中費規平銀一
萬七千四百六十兩繳還 臣處飭局存備公用尤屬深明大義廉

介可風可否請
旨賞給三品銜英商阿摩士莊製造精能出奇制勝馳名各國歷
次承造蚊船快船不惜工料照本國訂造兵船一律精堅信義可

嘉可石山臣傳
旨頒給三等寶星以昭榮寵理合附片具陳伏乞
聖鑒訓示謹

奏

續選學生出洋摺 光緒七年十月十一日

奏為續選副廠學生出洋肄業以儲人才而擴進境恭摺仰祈
聖鑒事竊 臣鴻章於光緒二年十一月會同前南洋大臣沈葆楨
等

奏明選派副廠前後學堂製造學生十四名藝徒四名駕駛學生
十二名分赴法國官廠及英國水師學堂鐵甲兵船學習製造駕
駛之方及推陳出新練兵制勝之理所需經費由閩省撥南非
洋海防經費內酌提動用旋議定閩省釐金項下籌銀四分之一
閩海關四成洋稅及船政經費項下各籌撥銀四分之一按照章
程分年匯解該學生等出洋後均能悉心考究窺見門徑雖所造
深淺不同尚不為故步所域多已學成則滿陸續回華其駕駛學
生出色者則有劉步蟾林泰曾等製造學生出色者則有魏瀚陳

兆翔等經 臣等量材器使或派管駕蚊船快船或在船政差遣及
派往外洋為鐵甲船監工其餘亦分任要務各效所長惟現值整
頓水師研精船械規模日擴事事需才猶覺不敷分布 臣鴻章於
光緒五年九月會同沈葆楨

奏明閩局出洋生徒應予蟬聯就學以儲後起之秀而備不竭之
需奉

旨允行在案查船政前後學堂生徒初次選擇三十人出洋已拔
其尤其續入學堂者年資稍淺遴選較難然育才之要宜使迭出
而不窮日新之功不可一得而自盡 臣鴻章與 臣兆棠往返咨商
擬定續選前學堂學生八名後學堂學生六名出洋肄業並擬分
撥經費銀十萬兩陸續匯解出使大臣兼肄業監督李鳳苞收支
並請由出使英法大臣會紀澤會同督率照料惟查後學堂學生

內有許兆賢等四名先經臣鴻章調赴天津派充水師學堂教習及威遠練船教練水手皆自要差礙難遽令出洋現計後學堂學生僅有二名合之前學堂學生八名其得十名先行備數派員送至香港登舟出洋餘俟選擇得人續派前往所需經費仍應由福州將軍及福建督撫臣與臣兆榮查照成案分年勻撥接濟所有續選開廠學生出洋肄業緣由理合會同福州將軍臣穆圖善閩浙督臣何璟福建撫臣岑毓英恭摺陳伏乞

皇太后
皇上聖鑒訓示謹

奏稿四十二

奏

吳熾昌調辦礦務片 光緒七年十月二十六日

再灤州開平礦局招集商股試采煤鐵曾經臣專摺奏明並派津海關道暨招商局道員唐廷樞會同經理在案茲查該局參用西法開辦數年煤產甚旺目前籌布海防機器製造各局及購到快碰蚊子等船需用煤鐵甚鉅煤礦既辦有成效附近鐵礦擬設法一併開采以資利川飭由唐廷樞親赴遷安縣屬清涼山灤州之馬子溝陳家嶺風山一帶勘驗均有鐵苗形質甚佳業已得百擔寄往英國試鍊如果合用來春即逐漸開采惟該局煤鐵兼營工程較大必須有駐局大員督率經理津海關道政務較繁唐廷樞又有承辦輪船招商事件均未能常川駐局查有廣西候補知府吳熾昌老成幹練樸實精詳通曉西國語言文字於礦務商務尤為熟悉相應請

旨飭下廣西撫臣飭令該員吳熾昌迅速來直由臣酌委會辦開平礦局以資得力理合附片陳請伏乞

聖鑒訓示謹

奏稿四十二

奏

吳嘉善等請獎片 光緒七年十月二十六日

再中國派員攜帶幼童山洋赴美國肄業經前大學士兩江督臣
曾國藩會同臣專摺具奏聲明辦有成效由臣等從優酌保嗣因
總辦駐美肄業局主事容增祥丁憂回籍經出使大臣陳蘭彬奏
派日國參贊侍講銜翰林院編修吳嘉善前往接辦並派隨員江
蘇試用縣丞沈金午隨同赴局充當教習各在案本年五月內經
總理各國事務衙門議將該局裁撤並將幼童一律調回奏奉
俞旨咨行遵照吳嘉善等遵將各童分批委員伴送回華先後抵
津由臣派員逐加考試各童學業尙堪造就現經分撥津滬各機
器局暨水師電報各學堂督令認真學習以期漸收實用吳嘉善
現無經手事件由臣給咨回京供職查奏定章程山洋人員往照
異常勞績保獎本年陳蘭彬奏保隨帶人員摺內聲明吳嘉善沈
金午二員獎敘應由南北洋大臣核擬具奏等因吳嘉善博通中
西學術物望素孚此次遠涉重洋襄辦使事綜理局務均能認真
覈實勞瘁不辭擬請
賞加四品頂戴江蘇試用縣丞沈金午由隨員改充教習出力最
久又該局教習同知銜容思濟當差已逾三年均與請獎之例相
符沈金午擬請免補縣丞以知縣仍留原省歸候補班儘先補用
並加同知銜容思濟擬請以府經歷不論雙單月儘先選用仰懇
天恩俯准照請分別給獎以示鼓勵理合附片陳請伏乞
聖鑒訓示謹

表揚義賑人員片 光緒七年十月二十六日

再江蘇蘇州文生謝家福鎮江廩生嚴作霖淡於榮利見義勇為
前值直督豫旱荒備集巨貲分往賑濟光緒五年直境又彼水災
嚴作霖即與楊培等由首攜銀來直親往文大任雄等縣備歷災
村查戶散放撫問疾苦寒暑無間纖悉不遺官民皆敬而愛之謝
家福與凌淦等則於南省力籌捐款源源接濟多方告貸口瘠足
蘭其富紳大賈固多好善之人甚至貧士捐薪火婦女脫簪珥百
工減儲蓄皆由該生等宣布
朝廷德意竭誠救民辦理又甚核實故能感動人心也統計歷年
經勸分解各省捐款數十萬全活災黎亦數十萬一介書生而有
民胞物與之量固今世之所稀隔百紳士而行救災恤鄰之事亦
向來所罕有謝家福才識闕通心精力果嚴作霖品詣端方堅苦
有為若出居民上必可為民造福茲以賑捐竣事擬專疏列保乃
該生等推賢讓功謂若蒙獎敘無以對捐戶而自明本心情詞真
摯出於至誠臣既未便違其素志又不忍壅於
上聞自應據實表揚以彰義行理合附片具陳伏乞
聖鑒謹

湖北捐賑敘片 光緒七年十月二十六日

再上年直隸水災較重工賑需款本省無可籌畫不得已商懇東
 南各省量力集捐即經各督撫臣督飭司道官紳無分畛域多方
 勸募源源解濟俾飢黎稍可存活河工亦得擇要修濬於大局
 有裨業將浙江勸辦出力人員擇尤奏獎經吏部照河工海運章
 程議覆奉
 旨允准欽遵在案茲查湖北省捐解銀至十一萬四千餘兩之多
 實為始念所不及事在停獎實官及首豫魯次籌捐之後本屬力
 難為繼乃復踴躍輸將以濟鄰省之急臣何敢沒其微勞據該省
 司道稟請將勸辦出力人員照案擇尤請獎前來查有三品銜道
 員用荆州府知府蔣銘勳擬請俟離知府任歸道員後加二品銜
 分省即補知縣宗能逃擬請俟補缺後以同知直隸州知州補用
 試用州判王奎照擬請俟補缺後以知縣補用候補直隸州知州
 戴昌言候補知州吳同均均擬請加四品銜知州用候補知縣朱
 希白擬請俟補知縣開缺歸知州班後加四品銜候選直隸州州
 判顧森書擬請加五品銜鄧陽府知府承祿候補直隸州知州嚴
 鷺昌興國州知州李岍沔陽州知州鍾廷瑞候補知州伍佩欽松
 滋縣知縣秦家械候補知縣葉樹南徐士彥候補州吏目林文淦
 均擬請加隨帶二級合無仰懇
 天恩俯准照擬給獎以示鼓勵至湖北布政使王大經署鹽法武
 昌道卞祖與漢黃德道何維健候補道楊宗濂等體念畿疆災患
 勸集巨資聲稱不敢仰邀議敘尤見好善急公之誠理合附片陳
 明伏乞
 聖鑒訓示謹

奏稿四十一 呈

李秉衡處分請抵銷片 光緒七年十月二十六日

再准吏部咨稱冀州民高正淋被劫一案現已四參限滿應將前任冀州直隸州知州已升永平府知府李秉衡降一級調用係公罪例准抵銷其前在京局捐加二級已於升任後改為紀錄不敷抵銷應降一級調用依限開缺等因於十月十九日奏明知照前來臣查升任人員凡有前任內捐級惟不得抵銷升任處分並無不准抵銷前任處分又吏部章程各項升補人員尚未引見概不准將任內加級改為紀錄是甫經升授尚未前赴新任亦不應將其任內捐級改為紀錄也李秉衡前蒙
簡授永平府知府係於本年八月到任其冀州民高正淋劫案係本年七月四參限滿其時尚未交卸冀州既有冀州任內捐加二級自應照例准抵冀州劫案降一級調用處分今吏部將其冀州捐加二級於未到新任之先均改為紀錄而將冀州任內處分於永平府任內實降一級調用聲請開缺殊與例義章程未符該員歷任繁劇勤政愛民循聲卓著眾論咸孚實為不可多得之賢員是以蒙
恩擢任知府永平係畿東要郡方慶表率得人不可期遠望吏議尤為可惜伏讀嘉慶二十五年十月
宣宗成皇帝諭曰六部律令務持大綱外省庶務原責成地方官此在督撫分別賢庸劣舉錯公明部中多列科條於事何益而公罪繁多賢吏因之廢黜不肖者巧於規避部書得以舞文納賄又
諭曰公罪從嚴則中材以下之官益多巧避故曰徒法不能以自行其公罪有至降調革職非事關重大者酌改從寬各部煩苛無

當處分例文互商裁汰等因欽此

聖諭剴切詳明仰見

保全賢能釐正科條之至意內外臣工永當遵守茲李秉衡疏防高正淋劫案已疊獲首夥盜犯五名僅有餘犯未獲既係公罪更非事關重大即無加級尚應遵

諭從寬冀州本有加級可抵合無仰懇

特恩准將李秉衡冀州任內捐加二級仍照例抵銷冀州劫案降一級調用處分免開永平府知府員缺以昭平允而裨地方理合

附片陳請伏乞

聖鑒訓示施行謹

奏

奏稿四十二

三

議擬盜犯就地正法章程摺 光緒七年十月二十六日

奏為直隸情重盜犯就地正法章程一時礙難停止恭摺仰祈

聖鑒事竊准刑部咨開御史胡隆洵奏請將盜案仍照舊例分別

首從辦理一摺部議欲復情有可原舊例莫若將就地正法章程

先行停止應由各省體察地方情形妥議具奏等因奉

旨依議欽此當經督飭臬司葉伯英體察妥議茲據詳覆前來

查直隸近年擊獲盜犯如係尋常搶劫人數無多並無殺人放

火等項情節悉照定例解勘分別題咨聽候部覆辦理其迫於飢

寒被人誘脅情有可原者更量予末減用廣

皇仁而重民命惟情重之馬賊海盜梟匪游勇不得不嚴懲辦

以遏亂萌誠以此等匪徒目無法紀獷悍性成習慣為盜動輒嘯

聚多人橫行村市倚強肆掠或騎馬持械中途截搶或駕船出海

經劫巨賊甚至炮烙事主強姦婦女燒燬房屋拒傷捕人劫掠官

衙餉稍凡此種種凶惡實屬罪不容誅若復輒轉遷延久稽顯戮

不特解審在途羈禁在獄慮滋事變而被害商民只見其犯法不

見其伏法殊不足以平怨憤而儆效尤且就地正法之犯必令該

地方官詳細研究錄取切實證明白再由原飭派本管道府或

另委委員確加審果係情真罪當方始處決絕無冤濫之虞直

隸幅員遼闊西北臨邊東路濱海時有馬賊海盜勾結為患塞外

之張劉多三廳廣袤千數百里匪徒橫行肆無忌憚西南路之深

黃正道順廣大名一帶與東豫大牙交錯素為梟盜出沒之區恐

經派撥練軍分投巡緝擊辦伏莽尚多盜風實未靖息夫重懲強

暴正所以保全良民培養元氣況

畿輔重地尤宜防患未然原定就地正法章程一時礙難停止約

計直隸盜案照例題咨者居其大半僅就情重者酌量嚴辦本屬

並行不悖應請仍循歷年奏案尋常搶劫盜犯照例解勘分別題

咨其情重之馬賊海盜梟匪游勇審明就地懲辦以示區別而綏

地方理合恭摺據實覆陳伏乞

皇太后

皇上聖鑒訓示謹

奏稿四十二

五

近省隄河工費摺 光緒七年十一月十五日

奏為光緒七年附近省城隄河歲搶修工段丈尺動支銀數循案開單奏報仰祈

聖鑒事竊照附近省城河道隄工如深澤無極邢州安平博野益縣高陽等境滋河豬龍河隄安州南非隄雄縣南隄西槐支河隄趙村壩保定縣清河堤或工段縣長或地居險要皆關民生利害又新開趙王河工長六十餘里節宣西定漲水慮僧河工長一百三十里分減大清河水勢均須認真修防前經奏定每年在於清河道庫河淤地租項下撥銀三千兩以為各工采購物料搶修之用免其造冊報銷經工部覆准仍令工竣時開單奏報嗣因河淤地租不敷動支又經奏准在於清河道庫船稅夫生息項下按年動撥在案光緒七年開凍後即飭照數撥給銀兩購備椿料

成前任清河道葉伯英現署道史克寬先後駐工督辦夏秋頻經盛漲各處疊次出險經該署道史克寬督率印委竭力搶護秋後西淀水勢尚未消落任邱千里隄雄保大清河隄蠡高潞龍河南隄仍形喫重復飭加防一月得以一律平穩茲據史克寬會同藩臬兩司將工段丈尺動用銀數遵照定章詳報前來除民夫土方等項仍歸民辦外所有搶修椿料用款逐一確核無浮理合開具簡明清單恭摺具

奏伏乞

皇太后

皇上聖鑒敕部知照謹

奏

密議朝鮮外交摺 光緒七年十一月初二日

奏為朝鮮陪臣金允植密陳該國王議商外交情形相機開導恭摺仰祈

聖鑒事竊查光緒五年七月初四日奉上諭總理各國事務衙門奏泰西各國欲與朝鮮通商著李鴻章查照丁日昌所陳各節作為該督之意轉致朝鮮等因欽此當經臣欽遵函致朝鮮前任太師李裕元密勸其與泰西各國立約通商以牽制俄日各情並鈔函具奏在案本年正月二十五日總理衙門因屢接出使日本大臣何如璋函述朝鮮近日漸知變計商與美國立約請由中國代為主持擬變通舊制嗣後遇有朝鮮關係洋務緊要之件由北洋大臣及出使日本大臣與該國通遞文函相機開導等因奉

旨依議欽此專函知照前來五月間適有美國水師總兵蕭孚爾來津面稱該總兵上年乘兵船赴朝鮮投遞國書欲與結約通好朝鮮堅拒不納今奉該國密諭求為之轉達並出示該外部原函臣知朝鮮廷議尚未甚洽密屬蕭孚爾留津緩待機會六月間朝鮮委員副司直李應浚齎文來津臣即令津海關道鄭藻如繕具節略力勸朝鮮派員赴津就便與美總兵蕭孚爾商議俟有頭緒再

奏派人員同往面訂條約各等情交李應浚帶回已由鄭藻如於七月間在京密致總理衙門王大臣矣茲朝鮮國王派領選使金允植帶領學徒來直又別遣去冬使員卞元圭同赴保定謁見據稱李應浚帶到密函該國王深相契合奈國中論議不一有難調停總求

大皇帝作主先期宣諭則請般難便之端自歸妥貼旋據金允植呈遞密書一件詳布原委並以聯美之計日俄及本國人所不樂問擬請

明降詔旨於明春貢使之回應遣派員協美議約該國得以悲仗皇靈隨宜酌辦等語情詞雖甚恭順究於事體非宜臣與筆談開誠曉譬以向來中國於外交各事必先由大臣等與各國商定然後請

旨遵行若事未辦而先奉旨轉于外人以挾持之柄汝國王此論似未深知馭外情勢鄭藻如前議該國借學生赴津為名派員協同前來與美總兵商辦尤無痕跡況昨接何如璋十月杪由日本函稱朝鮮近遣使臣趙秉鎬李祖淵赴日修改通商章程議立稅則日本不允業經辭歸欲

於明年三四月奉使來津與美總兵蕭孚爾晤商如能與美國結一善約日本亦可仿照定議與臣所見相同幸蕭孚爾經臣留住或者其事易成該陪臣等聞知均尙領會謂此行不專在學造一事而承國王密諭深以此事為重專望臣設法方便隨機指教下元圭擬即由津回國稟商該國王酌辦金允植亦赴津照科學徒

靜候本國消息臣維朝鮮久隸外藩實為東三省屏蔽與琉球孤懸海外者形勢迥殊今日本既侵滅琉球法國又割據越南沿海六省中國已有鞭長莫及之勢我藩屬之最親切者莫如朝鮮日

本苟令通商復不允訂稅則抑勒把持計甚陰狡非先與美國訂一妥善之約則朝鮮勢難孤立各國要求終無已時東方安危大局所係中朝即不必顯為主張而休戚相關亦不可不隨事維持多方調護保茲屬土即以固我藩籬除俟元圭回國後該國如

何等派明春臣到津後美總兵如何進止再行察辦具奏外所有朝鮮陪臣金允植密書謹照鈔恭呈御覽並與相機開導各緣由理合繕摺由驛密陳是否有當伏乞

皇太后 皇上聖鑒訓示謹奏

奏稿四十一

五

謹將朝鮮陪臣金允植投遞密書照鈔恭呈

御覽

朝鮮國領選使吏曹參議金允植謹再拜上書於中堂爵前伏以
小邦情形惟中堂燭照纖悉勝於小邦之自知前後代籌時宜提
斯弊覺無所不用其極非知明仁深何以至此我寡君深感中堂
之德欽誦靡已此次專差陪臣前赴天津恭聽指使允植辭朝時
承寡君面諭諄復鄭重使之代送景仰之忱且曰營陳衷私無有
所隱允植受命以來不敢違安夙夜趨程既到京城即開節節保
省透迤前進敬致國書仰蒙中堂慰藉備至誨諭拳拳萬其如春
頭忘羈旅之苦然初筵賜接嚴以在心敬勝於情辭不能達恐負
寡君而命之意茲敢書陳所懷仰塵崇覽伏願垂察焉小邦山川
險隘聞見局滯往在羅麗時疆場不靖頗尙武備自小邦開國以

奏稿四十二

單

來境內又安民至老死不聞金鼓或數百年一見兵革而輒復忘
廢現今武庫所存皆數百年前無用之器仗而國人猶恃而自壯
曰何苦費財勞眾遠學新製大器仗猶不欲學遠欲交遠人乎往
者法國除遣教士煽布邪學其為教大抵瀆倫廢祭惟利是趨小
邦立法嚴禁誅夷相續猶不滅息國中士民莫不痛心疾首誓不
與此夷其戴一天伊後西勢日壯氣運大變治兵護商旁洋天下
察其意趣不專在行教一事設為條約網羅四海入者相與出者
孤立互相連合如七國之時此與往日局面又大不同矣夫有國
有土者惟以保存宗社奠安生民為務春秋二百四十年之間通
聘會盟殆無虛日不第諸夏衣裳之會即蠻越鱗介之國王帛相
踵此豈不知義理而然哉惟小邦則不然不問時勢可否惟以守
經為正理斥和為清議與其通洋而存不如絕洋而亡語涉交際

輒以邪學口之為世所棄自丁卯以後日本投書求好朝議以為
近日日本變川洋制通倭即通洋之漸卻而不受及乙亥秋日本
兵船入江華眾論沸騰幾致生事我寡君靜鎮於上故相臣朴珪
壽調停於下復修舊好立約通商國受和平之福而論者猶至今
咻咻上自朝廷縉紳下至巖穴草茅以及市井屠販之流所見皆
同以為不必交鄰恐納侮也不必講武恐滋事也閉境自守無如
我何惟我寡君超然遠覽卓然不惑念孤弱之不可久支也知凡
愚之難與慮始也又慮眾論之殆難力勝也撫循含容默運獨斷
交鄰練兵等許多事務次第籌度將欲舉以措之昨秋令中外
廣薦人才量加收用今年春設統理衙門分治機務又令擇文武
子弟年少者使習語學兵技今又選徒遠赴學習製造我寡君之
有猷有為皆吁嗟念欲保民社之苦心斷可知矣奈獨勞於上而

奏稿四十二

單

無將順之人雖有一二臣同姑無老成鎮物之望是以寤寐英賢
託情遠交乙亥春相臣李裕元奉使人人都得達姓名於榮戟之下
中堂為陳保邦固圍之道賜以手書李相歸獻寡君寡君一見契
悟傾慕不已自後連年書幣皆出寡君之意然李相亦不無贊襄
之事漸見清議不與陰為自貳之計露出中堂密爾播人耳目私
相譏侮傳及於日本往來之人今年有悖儒投進斥和之疏其中
並論李相不當與中堂往復李相急於自明頓改前見自附清議
寡君赫然發怒即日竄逐於嶺南之巨濟府且念中堂為我謀忠
以德取怨片致日人之憾不勝慨惋分送朝上游歷於日本語及
書兩事必令到底發明無使貽累於中堂朝士之回果奏日人詳
聞其事幾釋初憾寡君猶為之憤憤不安臨朝屢歎今年八月又
有逆臣安曠泳等聚不逞怨國之徒託言伐倭實謀犯闕事發

治渠魁雖已就戮餘黨迄未盡殲以致領選之行派定已久而國內多故不能即程遂致奄迫深冬者也竊伏念小邦處環海之中向孑然特立於萬國之外久為眾手所指觀其成敗而止俄東日形勢相逼燕雀之處堂猶未足以喻其急也從前每有緩急悉仰上國若今日則駭機一發水陸電迅四面受敵所謂雖鞭之長不及馬腹所以中堂屢示警告丁甯反覆使之先事周旋冀或舒東顧之憂者也雖然小邦積弱之餘急難自振縱云通商練兵非可時月見效為今之道惟有擇邦善交講信修睦從以彌縫疏失以備陰雨庶幾為目下之急務而泰西諸國中久聞美邦國富兵強心公性和國富則少貪兵強則可恃心公則處事平性和則執禮恭且聞近日頗盛慕華風購置書籍周孔之道未必無西被之理先通美國公平立約俾嗣後來款者一遵成式無害我自主之權

奏稿四十二

此又急務之所當先者也凡此數畫皆不出於中堂之成算辛勤曠迷若恫在己使小邦之人幸得一二開悟者實中堂之賜也雖然邦人之最惡者洋人也我君重遠民情姑未嘗顯言通洋若美船一朝來泊則美亦洋也國內橫議必將歸咎於寡君迎接之際事事掣礙反有起釁之慮觀於安驥泳之事可知矣欲倚中堂之重以鎮服羣情則中堂威著四裔誰不敬慕獨小邦愚俗不知畏憚觀於李相之事亦可知矣今此小邦聯美之計環瀛各國不應不心許而惟日俄及本國人所不欲樂聞者也日俄若知其機則必伎害沮撓事未可知國人若知其機則必誣然蘇動功難順就此事宜速不宜遲宜密不宜疏宜事體重大彈歷國人之心宜名正言順以消狡鄰之謀惟行我

皇上明降詔旨先期曉諭於明年貢使之回順道派員協美議

約則寡君得以憑仗
皇靈隨宜酌辦保合東洋永固藩屏庶其在此惟願中堂默運元機與神為謀俾事成之後渾然無形跡之可尋如泰山喬嶽不見運動而功利及人使小邦愚民獲福而不自知豈非盛德之事乎嗣後凡干事務更煩指教克圖有終亦惟中堂之惠我寡君深有望焉允植受命專來不敢不盡其所蘊言所難言張皇冒瀆死罪死罪拙手自書辭完錄荒伏望鑒察尤增惶恐領選使吏曹參議金允植謹白

光緒七年十一月二十九日刊

奏稿四十二

朝鮮來學製造摺 光緒七年十一月初二日

奏為朝鮮委員率領匠徒來津學習製造現已分派各局妥辦情形恭摺仰祈

聖鑒事竊朝鮮懇請派人來津學習製造及練兵購器事宜前經臣督同委管軍械製造各員妥議節略章程於上年九月具奏請旨飭由該國相度便宜自行酌辦本年三月該國王擬派陪臣趙龍鎬帶匠徒赴津先令副司直李應浚齋咨來謁旋據李應浚呈稱趙龍鎬病故該國復有事就誤九月開始據改派陪臣吏曹參議金允植等率領學徒人等共六十九員先行學習製器因值海道封凍仍從旱路入關業由禮部奏明在案十一月二十八日據朝鮮陪臣金允植等來保定稟到齋呈該國王咨臣文件頗能洞悉時艱講求武備以圖自強之計經臣傳見金允植下元圭等

奏稿四十二

奏

詳詢一切令將帶來隨員匠徒同赴天津分派機器製造兩局查照前次議定章程規條認真學習並飭各局委員督飭工匠盡心教導以期技藝速成俾得回國轉相傳授仍由金允植等約束各匠徒務須恪遵局規講求製造不得出外滋事及稍有懶惰荒誤除咨總理衙門禮部查照並咨該國王知照外謹照錄朝鮮國王兩次來咨清單恭呈

御覽伏乞

皇太后

皇上聖鑒謹

奏

謹將朝鮮國王兩次來咨照鈔恭呈

御覽 朝鮮國王為咨報事光緒六年十一月初一日承准齋咨官行副司直下元圭回自

京師齋到禮部咨照得傳宣

聖旨製器練兵

曲紆籌策竊伏念弊邦僻處鯨域厚沐

鴻造每荷

覆燬之仁偏被

陶甄之德今茲津廠利器即係武庫祕藏

特令選士而來學繼

紆派員而往教當職與一國臣庶北望攬頌已於節价之行略伸

奏稿四十二

奏

叩謝之忱而學造一款不容少緩現差陪臣吏曹參議趙龍鎬領率匠工送赴天津外專差司譯院副司直李應浚齋咨前往探察海道轉詣天津預講奠接之方為此先行咨報煩乞貴衙門照詳轉奏施行須至咨者光緒七年三月初一日到朝鮮國王為派選匠工赴廠學造事上年冬齋咨官下元圭之回

京師傳宣

皇旨

頒降節略章程等件許令酌辦微私乎遠

隆渥誕敷北望攬頌隕越於下竊念弊邦至誠事

大厚蒙

字小亦惟中堂大人推廣

聖朝均視之

德善諒友邦同仇之義先事而慮當務之勉雖使弊邦自為之謀無以及此庶寐衛戍思有以舉而行之而就事審勢又不容不執其要而先其急願今所慮戎備之疏由於器械之不利而器械之不利職由工技之無學也故現在之兵無器可習已購之器有壞輒棄是以舉國之論咸謂選工學造為今務之最要而宜先者也川是專差陪臣吏曹參議金允植率領匠員前赴貴衙門恭聽指揮煩乞轉

達

天陛訓賜施行區區幸甚一行人員數目另具別錄外為此合行

移咨請照驗轉

奏施行須至咨者

光緒七年九月二十六日發十一月二十八日到

奏稿四十二

吳

使臣擬開底缺摺 光緒七年十二月初二日

奏為津海關道奉使外洋勢難兼顧本任擬請開關道底缺另行揀員請補恭摺仰祈

聖鑒事竊二品銜直隸津海關道鄭藻如前奉

諭旨賞加三品卿銜充出使美國日國祕國欽差大臣等因欽此

當飭候補道周馥暫行接署關道業經

奏報在案查天津為各國通商總匯近來洋務日繁津海關道專

管中外交涉事件及新鈔兩關稅務責任綦重必須實任人員隨

時隨事專心考究方足以裨治理鄭藻如現由出洋計回華須三

年以後為期甚遠勢難兼顧似要缺未使久懸擬請

旨開去鄭藻如關道底缺容臣照章揀員請補俾專責成而資臂

助再查前出使美日祕三國陳蘭彬係由四品銜候選郎中蒙

奏稿四十二

聖

特恩賞給二品頂戴以三四品京堂候補充出使大臣今鄭藻如

係實任監司大員奉派出使三國事繁任重應如何酌量加

恩以崇體制之處出自

聖裁理合恭摺陳請是否有當伏乞

皇太后

皇上聖鑒訓示施行謹

奏

保送徐建寅引 見片光緒七年十二月初二日

再三品銜候選道徐建寅前於光緒元年五月經總理各國事務衙門奏保堪備出使外洋之選奉

旨依議欽此該員先在上海機器局歷練有年熟諳製造嗣調赴山東總辦機器局二年十月經升任山東撫臣丁寶楨以該員綜覈名實條理精詳奏懇

恩施錄用奉

旨著俟經手事竣送部引見欽此五年閏三月將東省製造軍火等事辦理完竣經前山東撫臣文格給咨北上行抵天津適出使德國大臣李鳳苞奏調該員出洋充當二等參贊欽奉五年七月二十一日

寄諭著臣飭令迅速起程前赴德國等因欽此當即轉飭遵照並

奏稿四十二

哭

將原領山東咨文由臣咨送吏部科存查聲明俟回華再行給咨赴部在案該員在德二年因水土不服致病稟由李鳳苞批准銷差回華道出法國巴黎都城經出使英法德俄大臣曾紀澤委令齎送俄國新換約本進京投遞該員於十月間回抵上海醫治病痊茲已來直稟由臣照案給咨前來查該員徐建寅熟悉洋務於船廠製造之學研究尤精前由道銜候選郎中經丁寶楨奏保奉旨送部因遵往德國充當參贊不克赴京該員曾在晉賑案內加捐道員並於閩廠生徒出洋肄業案內出力保加三品銜現既銷差回華自應以三品銜候選道仍遵前奉諭旨送部引見候

旨錄用除咨吏部外理合附片具陳伏乞

聖鑒 奏

奏稿四十二

哭

湖南賑請獎片 光緒七年十二月初二日

再上年直隸水災較重工賑需款本省無可籌畫不得已商懇東
南各省量力集捐即經各督撫督飭司道官紳無分畛域多方
勸募源源解濟俾飢黎藉可存活河工亦得擇要修濬業將浙江
湖北兩省勸辦出力人員遵照部議按河工海運章程擇尤奏獎
在案茲查湖南本非殷富之區又值停獎實官及晉豫疊捐之後
加以該省積穀等項正在勸辦乃聞

緩輔偏災不分畛域力籌兼顧其計捐解銀六萬一千餘兩實屬
急公好義臣何敢沒其微勞在湖南撫臣李明墀將賑捐出力人
員擇尤咨請奏獎前來臣覆核無異謹繕單恭呈
御覽仰懇

天恩俯准照擬給獎以示鼓勵至會督籌勸之前湖南布政使崇

福按察使孫翹澤候補道陳寶善並請

救部從優議敘所有湖南勸辦直賑出力人員擇尤請獎緣由理

合附片具陳伏乞

聖鑒訓示謹

奏

永定河改設官渡片 光緒七年十二月二十日

永定河為南省進京往來通衢向未設有官渡客商經過該處
即被私渡任意留難訛索遂皆視為畏途必須革除積弊改設官
渡加惠行旅據該河道游駕開查明具稟擬於固安永清之十里
鋪雙營辛安莊三處各設官渡船二隻每隻需排造工料銀一百
兩每年小修一次每隻修費銀十兩用過三年大修一次每隻修
費銀三十兩用過六年另行排造一次每船應募夫八名每名
照例月給工食銀五錢每船八人中擇一人充當船頭每年每名
加給工食銀二兩冬令船頭夫各給皮襖褲一件合銀四十八
兩夏令各給短布褲一件合銀七兩二錢冬令結冰船不能用應
搭浮橋三座仍令船夫經管每座需工料銀一百二十兩統計每
年應需夫船頭工食皮襖褲短布褲及搭浮橋工料共銀七百
十五兩二錢每六年排造新船月加船價銀六百兩每屆大修之
年另加修費銀一百八十兩小修之年另加修費銀六十兩查各
該縣並無款項可籌惟該河道有歲收河淤租一項本為加培土
工之用擬即於此款內按年設法勻撥以濟官渡要需免再任意
訛索實於南北商旅有裨今冬已官搭浮橋募夫經理明春即排
造船隻設渡除飭該河道安章程督飭該管印汛各官隨時認
真查察務期經久無弊外所有永定河改設官渡按年動撥河淤
租緣由理合附片具陳伏乞
聖鑒敕部知照謹

奏

三廳請添學額摺 光緒七年十二月二十日

奏為張獨多三廳擬請添設學額以廣教化恭摺仰祈

聖鑒事竊宣化地非之張家口獨石口多倫諾爾三廳地而本係
塞外荒區從前經商種地之人皆自他處遷往戶口甚少來去靡
常是以向無學校近年荒地日闢生聚日繁白草黃沙變為阡陌
望衡對宇漸有市廛臣前派員清查墾地升科諮詢民間疾苦其
民之秀良者亦有志讀書蒸蒸日上已奏准將該三廳理事同知
改為撫民要缺並於多倫移駐武職大員添設三廳捕盜兵弁保
護商民在案惟學校缺如士子向乏進取之路且塞外民多強悍
尤宜澤以詩書誘以禮教俾可化氣質而格愚頑據藩司崧駿口
北道奎斌以因時制宜設學誠不可緩酌擬應辦事宜詳請核奏
前來臣查熱河承德府屬之平泉豐寧灤平建昌赤峯朝陽六州

奏稿四十二

縣初無學校嗣於乾隆四十一四十三等年議准添設漢民學額
每州縣歲科考各取進文童四名歲考各取進武童二名平泉豐
甯文風較盛各設廩生四名增生四名灤平建昌赤峯朝陽各設
廩生三名增生三名二年一貢因未建設學宮教官統歸承德府
教授兼管其先在密雲等處原籍入學各生改歸寄居平泉等州
縣管轄內有現係廩生令其各保寄居州縣童生如該州縣中現
無改歸廩生暫取地鄰保結收考等因今張獨多三廳議設漢民
學額與熱河情事相同擬援照成案即自光緒八年科考為始每
廳歲科考各取進文童四名歲考各取進武童二名如佳卷不敷
姑缺無濫該三廳亦比照灤平建昌等縣之例擬各暫設廩生三
名增生三名二年一貢現值經費支絀勢難建設學宮教官擬將
張家口廳考試事宜歸附近之萬全縣教官兼管獨石口多倫兩

廳考試事宜歸附近之赤城縣教官兼管府試事宜即歸宣化府
知府收授管理該三廳本少士著民人多係他處流寓應查明已
在該三廳屬寄居二十年者准其改歸各該廳考試其先在宣化
等州縣原籍入學各生今改歸寄籍者即不再回原籍應考內
有現係廩生令其各保該廳童生如該廳現無改歸廩生暫取該
童生地鄰保結收考俟補有廩生再由廩生保結仍嚴杜原籍寄
籍兩處跨考及附近州縣居民赴該三廳冒考之弊如此分別辦
理庶邊外文教振興漸知孝弟忠信之義殊於地方風俗有裨其
有未盡事宜容飭該道應隨時察議詳辦所有張獨多三廳擬請
添設學額緣由理合會同順天學政臣孫詒經恭摺具陳伏乞
皇太后
皇上聖鑒敕部迅速議覆施行謹

奏稿四十二

奏

Table with multiple columns and rows, mostly blank or containing faint text.

淮軍軍需報銷冊

奏為淮軍軍需自光緒六年正月起到十二月底止收支款目造冊報銷恭摺仰祈

聖鑒事竊照淮軍軍需前截至光緒五年十二月底止收支款目業經列為第八案報銷於光緒七年正月十九日具

奏奉 旨該部知道單併發欽此欽遵在案伏查淮軍分防直隸保定及

天津北塘各海口並各臺局護運糧餉軍械共計二十七營又前

駐山東張秋之提督劉盛休所統銘字馬步十三營與原部楚軍

馬隊二營先後移紮直隸天津宣化等處控扼海防邊防以拱衛

畿輔又廣東水師提督吳長慶所部慶字親兵六營移駐山東登

州沿海一帶分布要隘並將銘慶親兵步隊內前裁二成勇丁仍

照楚軍營制募足五百人為一營其護衛親軍一營改操德國

陣法亦將前裁勇丁招復原額月調副將徐耀廷所帶礮船十號

於清江後路護運此外福建陸路提督唐定奎統領銘武步隊十

營駐江蘇江陰南北兩岸分守沿江礮臺並分防上海吳淞海口

礮臺之武毅右軍五營徐宿之馬隊三營統歸淮軍軍需案內彙

冊請銷所有營哨官弁員名勇夫開收總數征防處所先經造冊

分存軍機處戶兵部備查其應支薪費口糧正雜各款並柴薪價

值駝騾喂養車輛雇價均循照楚軍營制與

奏定章程及准銷成案分別截清起止日期接續造報其湘平折

實庫平仍扣雜款一分平餘又購拉西洋後膛開花礮車之馬同

馬隊倒補馬匹俱照駐紮省分營驛例價並領解察哈爾等馬官

役盤費分別核實支給至於采辦製造工價水陸轉運糧餉軍火

等項雇用车船夫工價腳核計斤重程途里數悉照軍需則例歷

屆准銷各案核給飭據金陵報銷局司道等詳稱自光緒六年正

月起至年底止列為第九案舊管項下上屆截至光緒五年十二

月底止實存銀九十五萬四千八百五十四兩二錢有奇新收項

下綜計浙江四川湖北等省協餉並江蘇藩關釐局額撥軍餉兩

淮鹽釐及本案扣存平餘等項共銀三百一十七萬八千三百八

十二兩七錢有奇以上管收二項共銀四百一十三萬三千二百

三十七兩有奇內除撥解北洋籌防購辦西洋鎗礮輪船等用應
歸海防案內收銷銀五十萬兩又撥放金陵機器局製造工價應
歸該局收銷銀二萬兩又附列專冊請銷補放淮軍各營光緒五
年十二月以前欠餉銀十萬三千三百六十四兩二錢有奇又附
請專案

奏銷洋鎗礮隊教習通事人等辛工輪船薪糧並購買外洋軍火

價值運津輪船水腳與天津行營機器製造局工料用款及操練

後膛洋礮拉礮車馬喂養夫工倒補馬價等項計四冊共銀三十

六萬三千九百九十七兩七錢有奇實計收用銀三百十四萬六千七百

八十一兩八錢有奇開除正雜各款遵照部議酌定軍需報銷章

程各歸各部核銷計應歸戶部核銷銀二百六萬四千五百四十四兩

二錢有奇應歸兵部核銷銀四萬七千六百二十二兩四錢有奇應

歸工部核銷銀八萬六千八百二十八兩三錢有奇統共請銷銀

二百十九萬四千九百三十三兩有奇實存銀九十五萬一千八百七

十八兩七錢有奇已接支光緒七年正月准軍馬步水師營哨

正雜餉項並購製軍火器械價值工料等用歸於後案舊管項下

滾接造報等情具詳請

奏前來臣准軍分駐直隸山東江蘇等省籌辦江海防務實關大局上年適值俄事喫緊籌備綏綏調撥紛煩所有造報光緒六年正雜款項均係循照歷辦成案實用實銷並無絲毫浮冒除收支各數分晰造具細冊咨送各部並飭將以後用款接續清理造報外謹會同南洋通商大臣兩江總督臣劉坤一專摺具奏並繕簡明清單恭呈

御覽伏乞

皇太后

皇上聖鑒謹

奏

奏稿四十二

五

軍需交涉洋務片 九緒七年十一月二十日

再查淮軍各營洋鎗礮隊教習通事工匠人等辛工等項截至光緒五年十二月底止業經附

奏在案此次造報光緒六年正月起截至是年十二月底止第九案內淮軍各營洋鎗礮隊教習通事人等辛工礮費輪船薪糧等銀三萬八千二十九兩七錢有奇又購買外洋軍火價值並運津輪船水腳等銀二十二萬二千一百四十四兩八錢有奇又天津行營機器製造局委員薪糧工匠工食購料物價值及補放金陵機器局找款等銀六萬二千九百二十二兩一錢有奇多與洋人交涉無例可循至海防各營操練西洋後膛開花炸礮拉礮車馬喂養夫工倒補馬價等銀三萬九千九百九十四兩有奇係照

奏稿四十二

五

奏明章程分別核給茲據該司道等按款復加查核俱經奉文核實飭發並無絲毫浮冒另造細冊詳請附

奏前來臣查前項各營洋鎗礮隊教習通事工匠人等辛工購買料物洋軍火價值運腳各款皆與洋人交涉無例可循仍應照案據實請銷除將細冊咨送總理衙門戶兵工部查核外伏乞

聖鑒謹附片具

奏

續收賑捐數目摺 光緒七年十二月二十日

奏為查報直省續收賑捐應獎數目現已停止收捐恭摺仰祈
聖鑒事竊臣前因直境災區上年被水成災賑捐所屬東南各
省集捐濟用請將捐款按照部定新章給獎銜封兩項欽奉

諭旨允准業將光緒六年九月以前收捐應獎數目奏報在案茲
查自上年九月起分勸各省官紳商富竭力輸助並有於已捐之
外復願加捐貧民藉以接濟口食河工亦得擇要舉辦洵屬好義

急公截至本年秋成以前止續收實銀二十四萬一千五百二兩
五錢九分一釐九毫八絲六忽棉衣七千二百二十五件合銀七

千二百二十五兩共合銀二十四萬八千二百七十七兩五錢九
分一釐九毫八絲六忽均經隨時酌撥順直災區核實散放並以

工代賑所有動支數目另行循案開單彙報並飭查取捐生履歷
照章造冊分批咨部給獎其照例聲請建坊者如數開除今歲災

歉之處無多秋成尙屬中稔已照部議將賑捐停止據籌賑總局
司道具詳請

奏前來臣覆核無異理合恭摺具陳伏乞
皇太后

皇上聖鑒敕部查照謹
奏

江蘇捐賑請獎片 光緒七年十二月二十日

再上年直隸省區被水成災工賑需款煩鉅本省無可籌畫不得
已商懇東南各省量力集捐即經各督撫督飭司道官紳無分
畛域多方勸募源源解濟俾飢黎藉資全活河工亦得擇要修濟

業將浙江湖南北尤為出力人員循照部議按河工海運章程奏
獎在案茲查江蘇官紳勸捐直賑實銀十餘萬兩洵屬救災恤

鄰不遺餘力未便沒其勤勞現經護理江蘇撫臣譚鈞培擇尤咨
請奏獎前來臣覆核擬請將候選郎中王瀛加四品銜錢塘

縣優增生項兆麟加國子監典籍銜錢塘縣優廩生項兆驥以訓
導不論雙單月選用江蘇候補縣丞唐方玉俟補缺後以知縣用

通判銜王熾昌以通判雙月選用指分江西試用同知秋葆勳加
運同銜仰懇

天恩俯准照擬給獎以示鼓勵至護理江蘇巡撫布政使譚鈞培
體念畿疆災患頒示發冊諄飭勸籌使士民聞風嚮義捐集巨貲

具徵關懷大局若江蘇布政使按察使許應鑾幫同勸籌亦甚出
力均擬請

旨交部從優議敘出自逾格
鴻施所有江蘇省勸捐直賑尤為出力官紳請獎緣由是否有當
理合附片具陳伏乞

聖鑒訓示謹
奏

李文忠公奏稿卷四十二

李文忠公奏稿

卷之四十三目錄

請派巴西換約大臣摺 光緒八年正月十四日

清理東淀摺 光緒八年正月二十日

滹沱入子牙辦法摺 光緒八年正月二十日

籌辦東淀河道摺 光緒八年正月二十日

各軍承辦永定南運河工片 光緒八年正月二十日

李朝儀捐建專祠片 光緒八年正月二十日

東海關緩解京餉片 光緒八年正月二十日

遵撥塔城礮彈摺 光緒八年正月二十五日

查覆盛慶兩軍摺 光緒八年正月二十五日

量減旗租經徵處分摺 光緒八年二月初四日

三廳荒地查辦完竣摺 光緒八年二月初四日

請假省母摺 光緒八年二月三十日

覆陳駕駛兵船回華獎案片 光緒八年三月初三日

承屬官鹽督銷摺 光緒八年三月初三日

籌辦朝美議約摺 光緒八年三月初六日

創設廣仁堂摺 光緒八年三月初六日

查明買併旗昌花紅摺 光緒八年三月初六日

覆查盛宣懷片 光緒八年三月初六日

試辦織布局摺 光緒八年三月初六日

查覆津關常稅摺 光緒八年三月初六日

馳報丁憂摺 光緒八年三月初七日

謝賜祭摺 光緒八年三月十一日

懇請終制摺 光緒八年三月十一日
再懇終制摺 光緒八年三月二十一日

奏稿四十三目錄

李文忠公奏稿卷四十三

全集一之四十三

桐城吳汝綸編錄

請派巴西換約大臣摺 光緒八年正月十四日

奏為請

旨欽派大臣與巴西國互換條約恭摺仰祈

聖鑒事竊查巴西國前派使臣喀拉多穆達等來華議約於光緒

六年六月內奏奉

諭旨派臣為全權大臣與該使臣等會議商訂嗣因原訂約款內

有應行商改之處復於光緒七年八月內經臣遵

旨與喀拉多穆將兩國和好通商條約會議增改畫押蓋印並於約

內第十七款載明俟兩國

御筆批准或在上海或在天津彼此即行互換疊經專摺奏明在

奏稿四十三

案茲准巴西國使臣喀拉多照會兩國條約今奉本國外部電咨

業經批准擬度本國約本不日到照請訂明互換條約宜在何

處等情前來臣溯查同治年間丹荷比義奧各國先後遣使來華

均蒙

欽派全權大臣在天津與之議約嗣奉

御筆批准後有在上海互換者隨時請

旨遵辦茲查喀拉多現在上海應否

特派大員即在上海與之互換抑應飭令來津恭候

欽派大臣互換之處臣未敢擅擬相應據情請

旨伏候

命下即由臣照覆該使臣欽遵辦理並由總理各國事務衙門照

案將條約原本發交換約之員祇領遵辦除照錄巴西使臣照會

恭呈

御覽外所有擬請

派員互換條約緣由理合恭摺由驛具陳伏乞

皇太后

皇上聖鑒訓示謹

奏

奏稿四十三

清理東淀摺 光緒八年正月二十日

奏為東淀水道多被民間侵種亟須設法清理恭摺仰祈
聖鑒事竊臣欽奉光緒七年十一月十二日

寄諭有人奏直隸卸署文安縣知縣陳紹誥在署任時妄議加增
稅銀藉端勒捐因案納賄盜為竊各等語著李鴻章華游百
川按照所參各款秉公查明據實參辦等因欽此除原奏陳紹誥
藉端勒捐因案納賄盜為竊各款或有案可稽或須提訊人證
俟臣等詳細查明另行據實奏辦外其所參加增稅銀一款係指
現議清查東淀地畝而言查東淀本甚寬廣東西一百四五十里
南北六七十里係為大清等河尾閘蓄洩之區關係至重乾隆三
十七年奉

上諭淀泊利在寬深其旁闢有淤地不過水小時偶然涸出水至
仍當讓之於水方足以暢蕩濼而資蓄蓄嗣後毋許復行佔墾違
者治罪等因欽此煌煌

聖訓極應永遠遵行乃附近鄉民逐漸侵種百數十年來竟已佔
去淀地大半現存者不及三分之一臣往來津沽親見叢蘆密葦
彌望無涯不特難容多水即淀中舊有河道亦因而淤墊重煩官
款挑挖該淀既節節壅滯上游各河遂泛濫為災動關全局及今
不治再閱數十年將東淀胥為平陸矣乾隆年間前督臣高斌雖
有河淀淤地准民墾種之奏然只准墾種無礙水道之地又聲明
已報升科者應改為租息分別上中下等次每畝定為租銀八分六
分三分以充河工歲費每戶種地不得過百畝仍嚴禁紳衿胥役
豪強詭名佔墾今則不論有無關礙水道概行侵種且多係豪強
佔墾每戶竟至數十頃所呈契串大半假借隱射其糧額則從他

處割裂飛灑並非現種淀地之糧該業戶等既佔淀地又飛灑
糧額實屬有心朦混本應照例治罪撤地入官惟念愚民不知例
禁相沿已久或輾轉佃買衣食所資未使一律禁絕不得不變通
辦理當於去秋飭派委調差委道金福曾天津道吳毓蘭督同沿
淀衛州文安大城靜海四州縣勘查辦令將實係礙水之地仍
讓於水其餘飭各業戶將種地若干完糧若干自行據實報出聽
候派員勘丈其有糧額者雖不免飛灑情弊暫先就糧核地仍歸
原業戶承種其無糧額者亦仍歸原戶並援照前督臣高斌奏案
酌改租息以充治河經費旋據金福曾等酌擬章程四條一曰定
界址凡有礙水道及現在水深數尺尚有淀形之處應留出以資
蓄水永遠不准栽葦墾種其中有完納葦課水泊等糧者查明奏
請豁免若稍礙水道而久被淤墾難收回者令於地中多開溝

渠使水至仍可流貫一曰設墾船淀中須藉墾船夫撈泥挖淺
凡礙水之蘆葦葦草隨時芟刈以期日久見功應就所收租息多
寡以定船數一曰議租租息凡不甚礙水道地畝有糧額者就糧核
地照舊完納無糧者從輕議租上等以每畝三分為率次則遞減
惟淀中漲涸無定無庸升科此後若礙水道仍應停種免租讓地
於水所收租息即作墾船經費一曰均差務淀地皆在水濱升科
尚且不便何況差徭乃州縣苛派書役需索大戶則隱射免盡
累貧民應體察分別裁減均平以昭公允以上各條實係因時制
宜格外從寬查霸州文安大城靜海舊例葦課自數釐至六分不
等文安淀地租自三分至八分不等靜海有至一錢六分者乃原
奏謂舊例自數釐至一分八釐而止並未考查明確現議有糧之
地照舊完納無糧之地上等每畝租銀三分次則遞減並無將人

經奏定之租額加納八分六分之事且侵種者並未遵照
 列聖諭旨撤地治罪亦未限以畝數轉子輕議租息尚得謂為加
 稅聚斂耶此案係臣派員查辦亦非陳紹謨所能妄議前聞各戶
 中有刁劣之徒侵種多頃久不完糧因而造謠煽惑希冀把持罔
 利是以傳聞失實事關清理東淀水道斷難中止致誤全局臣飭
 金福曾等督同印委各員悉心體察持平核辦如有造謠阻撓
 及任意隱佔者應查實分別革究並將無糧之地入官庶淀地可
 漸疏通水道不致阻滯所有東淀多被侵種設法清理情形理合
 會同兼管順天府府尹臣董華順天府府尹臣游百川恭摺獲陳
 伏乞

皇太后
 皇上聖鑒謹

奏

奏稿四十三

五

（此處為奏文內容，因字跡模糊，無法逐字辨認，僅能辨識部分詞句）

聖鑒事竊上年十一月欽奉
 皇太后懿旨恭親王醇親王奏察看河工情形一摺此外應行修
 築處所著李鴻章等查勘奏明辦理以興水利而裕民生等因欽
 此遵查漳沱為直省五大河之一向稱巨浸本由于牙河達津歸
 海自同治七年由築城北徙汎濫橫流經晉州深澤深州安平饒
 陽灌入古羊河下穿獻縣肅甯河開任邱雄縣保定霸州大城境
 內而歸文安大窪其築城南入于牙河故道歷次勘查沙淤極深
 不能挽復而現行古羊河下游並無出路沿河州縣受害甚廣文

安一帶久成澤國臣幾經設法籌度須於獻縣朱家口古羊河東
 岸另闢減河使其分歸于牙前派道員史克寬詳細察勘妥議即
 於去春開工自朱家口起至于牙河止計長三十三里零平地挑
 挖口寬十一丈至十五丈底寬五丈至十二丈高處挖深一丈九
 尺最窪處挖深七尺於兩岸五六丈外出土堆築南北新隄底寬
 五六丈頂寬二丈二三尺高一丈三四尺地形極順深得吸川之
 勢夏閒工竣開闢大溜東趨竟將原走古羊河之潯水全行奪入
 新河復歸于牙故道古羊河下游即已斷流獻縣至文安九州縣頓
 除十餘年之積患即獻縣以上州縣亦獲暢消之利實為始念所
 不及官民同深慶幸已疊次奏蒙

聖鑒在案惟原開獻縣新河木擬分減潯水未克展寬河身今既
 奪潯沱全溜勢兼力猛誠慮水大難容復蹈傳轍必將新河加寬

奏稿四十三

六

俾得暢洩而資經久又獻縣河內青縣靜海大城文安等六縣原有子牙河兩岸隄工五百餘里為各縣田廬保障因濬沱非徒年久失修大半塌廢今濬水既歸子牙故道必將通工重加修築庶免旁溢之虞復飭清河河道史克寬天津道吳毓蘭候補知府桂孫等分投履勘妥細籌議據史克寬稟稱獻縣新河應就北而酌量開寬三四五六丈地勢高者挖深丈餘窪者挖深五六尺原出廢土離河五六丈今再於非而移出十丈除挖寬河身三四五六丈外河岸離隄尚有十丈之遠設遇汛漲出槽可使暢流仍以廢土為隄與南岸之隄對峙其兩隄之遠近較上游古羊下游子牙兩隄相等上下形勢聯絡一律計挑河移隄合土六十六萬餘方至原建李謝留鉢野廠三村橋座應拆修加長以免河寬橋窄阻扼水路其宋家房土壩係堵截濬水不復下趨古羊最關緊要應加高培厚並於宋家房之南新河頭之北酌添重壩俾資捍衛約共需方價物料雜用銀七萬兩又據吳毓蘭等稟稱獻縣以下子牙河兩岸隄工東岸自獻縣賈莊橋起歷河開大城青縣至靜海獨流鎮大橋當城止西岸自獻縣新河尾起歷河開大城至文安豐樂橋天津格定隄止共合工長八萬五千三百六十四丈擬就原隄基址修築頂寬一丈二尺底寬五丈二尺高八尺青靜文大地勢較低之處應築頂寬一丈五尺至一丈八尺底寬五丈五尺至六丈三尺高八九尺其隄基偏近河身及無隄而只有河督之處應展寬二三十丈築隄使溜勢舒展其計原隄舊土七十三萬餘方應加新土一百七十三萬餘方從前該隄本資民力協修今勸諭六縣紳民認修土一百十六萬餘方尚稱踴躍仍體察情形令以遠村補近村之不足此縣補彼縣之不足酌盈劑虛通力合

作其不敷之土五十七萬餘方劃歸官辦並修築各段缺口車道約需方價及險工椿料雜用銀七萬兩等情具稟前來臣查獻縣新河加開寬深則全濬悉歸子牙故道下游九州縣可永除濬水之患子牙河隄加築完固則歲時督民修防沿河六縣可永獲保衛之益實於地方水利有裨直庫人不敷出平時難議大工今幸南省官紳前捐賑款經臣節縮文放尚餘銀二十萬餘兩以之添撥此項隄河及月捐奏辦之大清河下游東淀河工尚可敷用自應及時興辦已責成史克寬督辦加開濬新河工程吳毓蘭桂孫等督辦子牙河兩隄工程均於年前籌商布置現已春融即令招集民夫分段認真工作務期安速告成所需工費飭籌賑局照數撥給仍令籌節動支事竣照案彙開清單奏報至此項隄河與東淀河道工程均關重要擬俟事竣將實在出力官紳查照河工章程擇尤酌懇
恩施以昭激勸除咨呈恭親王醇親王查核外理合恭摺具陳此
工關係新開河道並繪具圖說敬呈
御覽伏乞
皇太后
皇上聖鑒訓示謹
奏

籌辦東淀河道摺

光緒八年正月二十日

奏為文安縣臺頭以下及天津縣韓家壩以上東淀河道年久淤墊現擬助籌開挖以暢大清河達津入海之路恭摺仰祈聖鑒事竊直隸之大清河為五大河之一上承西非羣流及西淀巨浸由雄縣會白溝諸水經保定諸州文安而趨東淀白溝道以後久失修濬尾閘不暢則胸膈壅阻為害滋深臣疊於新城任邱地面開挖減河分洩盛漲並將隄工逐年修築上年又將文安縣左各莊至臺頭入淀之處挑濬寬深使河水駛流無滯均經奏蒙聖鑒在案伏查東淀向係瀦水之區木甚寬廣乃百數十年來被附近村民侵占艱種遂狹難容多水臣已派奏調差委道金福會天津道吳毓蘭督同印委確查清理其淀中河道係大清河達津入海之路亦久經淤墊前飭西洋機器船逐漸接挖惟機器船僅止兩號送泥不道工段又長自應兼用人力迅速開濬因飭金福會吳毓蘭等節次履勘相度計自臺頭入淀以下至猴山河工長一千九百二十丈應開口寬十一丈至十三丈底寬七丈深八尺至一丈二尺與機器船所開河道上下相接其淀心尚可蕩漾應從緩議又自盧家口東經官亭子白塔寺五鋪鋪鐵店王家房至趙家房東淀下口止工長三千四百九十丈應開口寬十一丈至十三丈底寬七八丈深八尺至一丈即沿格淀邊開濬一面出土幫築堤身統計工長五千四百一十丈合三十里零應挑土三十八萬一千餘方以上各工均在東淀水中須節節築壩屏水即由水中撈挖施工倍難方價昂貴約需工費銀七萬五千兩經此次疏濬後庶大清河諸道之水滾滾東趨下與永定渾流交滙於韓家壩衝刷常吏得力達津入海之尾閘既較暢通上游亦免

壅滯之患實為必不可緩之要工已飭金福會吳毓蘭先於年前籌商布置現屆春融即責成該道等趕緊集夫安費督辦定期告成所需工費於南省捐助賑餘款內撥給仍令節節動支事竣照案彙開清單奏報除咨呈恭親王醇親王查核外理合恭摺具陳伏乞

皇太后

皇上聖鑒訓示謹

奏

奏稿四十三

十

各軍承辦永定南運河工片 光緒八年正月二十日

再上年六月左宗棠來天津會商永定河下游應挑河道擬將所部湘軍與津防淮練各營分段承挑經臣疊飭該河道游智開勘定自南八上汛三號至安家墳止向東斜開新河一道與南首舊河並行免致趨重南隄嗣因安家墳以下尚有淤阻又飭酌估接挑遂議以南八上汛三號起經霍家場盧家鋪張家場至六道口村止計工長三千八百三十五丈其合土二十五萬四千三百九十餘方分歸淮練軍挑挖又接六道口村經西蕭莊曹家場二光村至安家墳止計工長二千三百四十四丈五尺其合土十二萬五千三百六十餘方劃歸湘軍挑挖又接安家墳經魚壩口雙口村入大羣廠止計工長二千一百九十丈其合土四萬五千餘方亦歸淮練軍挑挖均於三十丈外出土平鋪兩岸酌留缺口以消

盛漲統計原續估工長八千三百六十九丈五尺合土四十一萬九千八百十餘方查湘軍分挑土十二萬五千三百餘方工段較少先由左宗棠派道員王詩正於八月杪督軍興挑該軍因左宗棠奉

命總督兩江亟須相隨南下曉夜趕辦於十月初完工業經左宗棠奏報並經臣委員驗收在案此外淮練軍分認土工二十九萬四千四百餘方較湘軍多至兩倍有餘其時月有開濬塌河泥文河工程又去冬冰凍較早未便草率從事俟今春凍解及時興辦茲已檄令記名提督劉盛休率所部銘軍記名總兵黃金志率所部天津練軍拔赴工次分段如式承挑仍飭營務處道員萬國順提督吳殿元與游智開等妥為照料務於伏汛以前一律完工以資盛漲分洩又前派海防淮練各軍自靜海斬官屯天津興農

鎮新開南運減河六十餘里上年洩水極暢其與農鎮下至大沽先由統領盛軍記名提督周盛傳自督所部創開新河九十餘里接駛入海沿河農田咸資灌溉實屬有裨地方茲查內有四十五里尚嫌淺狹擬於春閒督率盛軍弁勇統行挑挖加寬三丈所出廢土即於十丈外添築兩隄使與減河上游兩隄銜接一片並於隄外酌量開溝分洩引灌俾津郡東南斥鹵之地可種稻田計合土五十九萬餘方工程甚巨周盛傳復獨力認辦妥速經營以竟全工而興水利所有分派淮練各軍承挑永定河下游並南運減河下游各工緣由除咨呈恭親王醇親王查核外理合附片具陳伏乞

聖鑒訓示謹

奏稿四十三

土

李朝儀捐建專祠片 光緒八年正月二十日

再原任順天府尹李朝儀服官順直三十七年勤政愛民始終一
致有古循吏之風臣已將其歷官政績縷晰奏陳蒙
恩宣付史館立傳欽遵在案茲據固安東安永清武清涿州涿州
良鄉宛平等八州縣紳士劉照等稟稱李朝儀前任永定河道憫
念沿河被災疾苦實力整頓修防請復金門閘南上灰壩及求賢
灰壩以洩盛漲令河兵常年駐隄酌加口食以資工作民夫積土
安定章程飭於農隙上隄挑築事竣即遣歸農既有裨於隄工並
無妨於民業慎核官帑裁汰陋規多備椿料每遇狂瀾驟至積役
於深得風雨之中員弁兵夫無不爭勸是以水患輕減民慶更生
該紳等目覩勤勞追思遺愛請准於固安縣地方捐建專祠以伸
報譽等情由固安縣知縣楊謙柄及永定河廳汛各官轉詳前來

臣查該紳民所請出於至誠合無仰懇
天恩俯准在於固安縣地方捐建李朝儀專祠以順輿情伏乞
聖鑒訓示謹附片具
奏

奏

東海關緩解京餉片 光緒八年正月二十日

再據東海關道方汝翼稟稱光緒七年六成洋稅項下奉部指撥
京餉銀五萬兩抵關京餉銀二萬兩又額解津防練軍月餉銀六
萬五千兩本應依限解足惟稅款之旺衰視乎商船之多寡上年
俄議雖成而商船進口無多兼之洋藥銷路擁滯以致收數短絀
且六成稅內自添提一成半出使經費留關備撥之銀益少度支
更形竭蹶今查光緒六年十二月初二日起至七年十一月十一
日止係八十二結至八十五結期滿僅收六成洋稅招商局船稅
暨半稅銀十四萬三千九百餘兩除撥還上屆墊解京餉銀一萬
三十餘兩撥解七年京餉銀二萬五千兩抵關京餉銀五千兩天
津海防練軍月餉銀五萬兩稅務司薪水並本關各項經費銀六
萬一千七百餘兩總共解支銀十五萬一千七百餘兩以收抵支

計不敷銀七千八百餘兩尚由船鈔項下暫挪應急是以除欠解
津餉外仍欠七年分一半京餉及抵關京餉實屬無款可籌洋稅
向係儘徵儘解毫無弊端如本款徵數無多報解未能足額歷蒙
特准展緩免議有案稟請奏咨前來臣覆加查核委係收不敷解
並非無故延欠且已墊過銀七千餘兩刻下尚未歸補相應仰懇
天恩俯准將該關下短七年分一半京餉及抵關京餉銀四萬兩
援案暫行展緩免其議處俟稅收稍旺即行補解以資周轉而不
區別理合會同山東撫臣任道鎔附片具陳伏乞
聖鑒訓示謹
奏

奏

奏

遵撥塔城礮彈摺

奏為遵撥塔城礮位子彈等項恭摺仰祈

聖鑒事竊臣欽奉光緒七年十二月十二日

寄諭錫綸奏請飭撥防軍應需鉛藥礮位一摺塔城防軍需用利

器目前天津機器局礮彈等物能否勻撥若干每年約可撥濟藥

鉛等項若干著李鴻章酌量撥給所請派人教演之處並著揀派

前往知照錫綸查照辦理其製造經費及運解川資准由該督核

實報銷等因欽此遵查天津機器局製造經費向來僅指海關四

成洋稅人不敷出所造礮子彈等項專供直東淮練各軍操防

之需近年因海防增設輪船水師征調日繁而盛京吉林黑龍江

熱河察哈爾庫倫各處又疊次奏咨指撥前經臣奏准由部庫東

北邊防經費項下每月撥給銀一萬兩以資添造分撥在案茲塔

爾巴哈臺請撥十二磅開花礮五尊並歲撥開花礮子五百出洋

火藥五萬斤來福鎗鉛子五十萬出大小銅帽各三百萬粒為數

頗巨本屬力難兼顧惟該城為新疆極邊重鎮切近俄界錫綸整

頓操防實關重要不得不設法勻濟其維大局今擬撥給英式十

二磅開花長銅礮五尊四輪車架及器具零件各五副十二磅開

花礮子五百顆十二秒紙引五百五十箇英式銅拉火一千枝火

藥向以磅計前門鎗銅帽不用小者應撥給洋火藥五萬磅來福

鎗鉛子五十萬出大銅帽六百萬粒其子藥銅帽拉火等項仍可

按年酌量籌撥以濟要需而備緩急所需價銀即在部庫月撥款

內彙單報銷儼此後部款欠缺不特塔城軍火未能協濟即東三

省熱河察哈爾庫倫各處亦無從籌應矣所有現撥塔城炸礮子

藥等項應請

救下該大臣迅速派員來津請領經過直境州縣由臣飭給車輛
運送其張家口以外應由臣與錫綸分咨兵部察哈爾都統轉行
稟站應付車駝以利遊行解員所需川資及運費並由錫綸自行
籌款核給以免轉輸至施放礮位弁兵已飭礮隊營員揀派屆
時隨同前往以資教演所需川資新水月行核定分別知照理合
恭摺由驛擬陳伏乞

皇太后

皇上聖鑒訓示施行謹

奏

奏稿四十三

六

查獲盛慶兩軍掛光緒八年正月二十五日
奏為遵

旨確切查明據實覆陳仰祈

聖鑒事竊臣欽奉光緒七年十二月二十四日

寄諭有人奏准軍統將周盛傳周盛波帶所部盛字營剋扣乾沒
米鹽等物悉由該統領轉販分派各營領受勇丁合怒蓄怨羣思
得而甘心又吳長慶唐定奎等軍刻待勇丁分駐江南一帶鼓噪
時間上年吳長慶所部調駐山東行至清江一聞而散等語究竟
有無其事著李鴻章按照所參各節確切查明據實具奏不准迴
護掩飾原片著鈔給閱看等因欽此臣伏查准軍盛字營係同治
元年臣於蘇撫任內任在上海募練成營諭知周盛波周盛傳兄弟
於咸豐年間在合肥西鄉團練鄉勇屢擊敗大股髮捻素稱敢戰

奏稿四十三

七

因檄令該員等統帶協辦蘇浙各郡縣剿復調勦東豫鄂皖
直五省捻匪以次蕩平實盛軍之力居多同治七年賊平後周盛
波乞歸養母該軍遂交周盛傳統領周盛波久不在營而言者猶
撫及之則其餘之毫無影響概可知已周盛傳所部自同治九年
由陝西隨臣移直布置海防歷年築新城造礮臺操練各種後膛
鎗礮精益求精盛軍利器足與西洋相埒遂為各省防軍之冠又
以其暇督勇挑挖南運減河至海口百數十里添開溝渠百數十
道屯田數萬頃使津東斥鹵不毛之地可治稻田於地方民生水
利大有裨益尚不僅防務得力已也儻該營有剋扣乾沒之事勇
丁有合怒蓄怨之情豈能踴躍赴功若此至原片稱米鹽蔬菜煙
紙等物悉由該統領轉販分派貴逾時價或假小故責革乾沒其
餉等語查准軍定章各營食米向由統領派員赴他處采辦運營

俾臨敵行軍不至乏食盛軍米糧須赴南省購運前經奏明有案
即連運腳核計扣銀並無貴逾時價之說鹽蔬煙紙等物均係弁
勇自購實無由統領轉販分派者勇丁犯規責革必補給應得之
餉從未有以營官乾沒控訴者至原片稱周盛傳周盛波見時形跋扈
臣為優容羈縻等語查周盛傳老於軍事性情懇直講求洋人練
兵製器格物之法每與臣言輒憤時嫉俗侃侃不撓臣亦諒其無
他隨事勸誡該提督素守禮法絕無違悖教令之時近因其母年
屆九旬屢次懇解兵柄回籍侍養臣以津防至重良將難得曲意
慰留若以此為優容羈縻則是公心而無私意也至原片稱吳長
慶所部上年調駐山東行至清江一聞而散唐定奎刻待勇丁鼓
噪時間等語查吳長慶素得兵心前年調往山東勇丁開有久役
思歸准假月兩本係軍營常事並無行至清江一聞而散之說唐

奏稿四十三

六

定奎取軍仁厚所部前經沈葆楨由臺灣調駐江陰一帶分守沿
江礮臺並無刻待勇丁鼓噪之事如有其事應任江蘇督撫臣豈
能徇隱姑容凡為是言者大都湘楚嫉忌之流造謠傾軋遂至傳
聞失實臣受
國厚恩忝膺重任選將練兵是其專責惟有督飭在防各將領嚴
明約束固結軍心實事求是力圖自強之策以備干城之用如查
有肥私剝下情弊必即嚴參重懲斷不敢稍有迴護掩飾致誤事
機所有遵
旨查明緣由理合據實詳晰覆
奏伏乞
皇太后
皇上聖鑒謹

奏

奏稿四十三

九

量減旗租經徵處分摺 光緒八年二月初四日

奏為滙陳直屬旗租科則過重閭閻無力全完擬請量減州縣經徵處分稍示區別藉輕民累恭摺仰祈

聖鑒事竊近畿向有人官旗地分為存退莊頭屯莊片案三次四次奴典公產八項坐落通州等八十四州縣責成各該州縣徵租本係恭備

恩賞之需嗣將順天府屬經徵者就近解部其餘各屬經徵者解歸藩司撥充本省用項因非地丁正供額賦是以原定經徵處分較地丁為輕乾隆四十七年前督臣以民欠屢稟始請加重經徵督催處分至嘉慶六年遂與地丁一律議處其時承平日久物力豐富應可年清年款然民欠之數反致有增無減其故何也蓋八十四州縣旗租地畝與民地處處混連民地每畝徵銀在四分八釐以下者十居八九在四分八釐以上者十僅一二且有每畝祇徵銀數釐數毫者而旗租地每畝須徵銀一二三錢雖於道光五

年奉旨酌減每畝仍有八分及一錢七分五釐至二錢一分之多較民地糧額增至倍蓰地之所出彼此相同而徵銀則輕重懸遠小民終歲勤動不足應上供之需此歷來無力全完之實情非盡由於催科不力也或謂民地尚有差徭是以糧額輕減殊不知旗租地亦係民人佃種並非一律無差且民地原來弓丈較大有折畝半及數畝作一畝者其糧差仍按一畝之數交納其中實有便宜不若旗租地之偏枯太甚或又謂旗租地因係官產是以租額較重但戶部奏定章程直屬未經議租各項旗地凡議租在二分以上者悉予照准並免前欠花利是續增官產徵銀以二分餘為率戶

部已有定章而原有旗地現仍徵銀八分至二錢一分實屬多寡兩歧難昭公允溯查從前入官旗地未照四圍鄰地科則酌中議租係按契價十成之一定為租則或以私租之數定為租則而售主即有浮報契價私租漁利之弊遂致租則過重迫加重徵處分牧令懼干嚴議往往設法官墊然所墊者難免藉他事取償於民流弊滋甚自咸豐初年軍興以後地方彫敝差務紛繁官累日重無從代墊其不恤民隱之員功令所迫嚴刑比追血手狼藉各佃戶中有棄家逃避而地畝荒蕪者有情願每畝出錢若干推與他人承佃認租而無人敢應者愁苦情形目不忍觀臣節次留心體察訪得實情亟思正本清源請減租額惟前以兵部馬館鑾儀衛廣恩庫等雜租科則較重奏請減徵部議均未准行則旗租請減竊恐更有窒礙今與藩司松駿再四籌商只有分別量減經徵處分之一法除撫甯昌黎獻縣鹽山正定獲鹿平鄉曲周廣平蔚州翼州新河武邑定州等十四州縣或地利尚好或額數無多仍照地丁處分外其餘通州三河武清寶坻薊州香河甯河霸州保定文安大城固安永清東安大興宛平房山良鄉涿州昌平順義懷柔密雲平谷廣龍灤州樂亭遷安臨榆清苑滿城安肅定興唐縣博野蠡縣安州新城容城雄縣高陽望都完縣河間肅甯交河任邱景州故城天津靜海青縣滄州南皮鉅鹿永年雞澤清河宣化延慶萬全赤城懷來懷安遵化玉田豐潤易州涿水等七十州縣或地土瘠薄或租額過重擬請自光緒八年起凡徵至七分以上者免其議處不及七分者仍照例開參如此量予變通仍定有限制庶州縣考成稍輕不致徒事敲撲所損於庫款者有限所裨於民生者實多亦與原定經徵旗租處分不照地丁之意

符合伏念直隸地瘠民貧經兵燹承平以後闕闕元氣大傷必須加意撫綏冀紓積困我

皇太后

皇上勤求民瘼

加惠畿疆凡可體恤之端無不

恩施曲逮茲旗租科則過重民困實深臣等敢懇於

上聞合無仰懇

天恩俯准照擬量減州縣經徵處分俾可稍緩追呼以廣

皇仁而輕民累理合恭摺陳伏乞

皇太后

皇上聖鑒訓示施行謹

奏

奏稿四十三

三

三廳荒地查辦完竣摺 光緒八年二月初四日

奏為口外張獨多三廳官荒馬廠地畝現已查辦完竣恭摺仰祈
聖鑒事竊口外張獨多三廳各旗報墾官荒馬廠前於光緒六年
二月欽奉

寄諭飭臣派員查明籌辦遵即
奏派口北道奎斌督同印委認真經理並就惠鑑地畝剔除商人

蠹

國害民積弊循照戶部改歸官辦奏案酌議章程十一條專摺詳
陳旋經戶部核准轉行遵照一面預請部照六千張發交奎斌填
用在案茲據該道奎斌詳稱自光緒六年六月設局分派委員馳
赴三廳邊外地方會同旗民各官逐細清丈查得張家口廳所屬
舊地四處一為宗室奎煥即公爵奕興坐落蘇魯克廠地先於同

奏稿四十三

三

治二年勘丈徵糧繼因涉訟荒棄迨同治十一年查丈其墾地一
千六百九頃九十四畝三分即以此數徵糧一為鑲黃旗蒙古世
襲三等子爵恩裕坐落臺子溝地五百四十四畝內二百七十一
頃四十畝自同治十年徵糧又二百七十二畝六十畝自同治十
二年徵糧一為鑲黃旗滿洲一等公寶全坐落興和城地一千三
百五十六頃四十九畝內三百五十一頃三十八畝八分自同治
十一年徵糧又一千五頃十畝二分自同治十二年徵糧一為鑲
黃旗蒙古世襲三等男爵榮奎坐落白廟子灘地九百十二頃五
十畝內五百六十三頃八畝自同治十二年徵糧又三百四十九
頃四十二畝自同治十三年徵糧前因各地戶呈墾免交押荒銀
兩經藩司駁查尙未達部升科今查各地開墾日久地勢變遷內
有水衝沙壓城壞不堪耕種者亦有先係沙荒現經墾熟者此次

既令補交押荒填給部照自應核實勘辦其不堪耕種者悉為刪
減續行墾熟者按數加增統以現丈之數為斷遂丈得蘇魯克除
去荒城實有地一千五百十六頃十畝臺子溝除去荒城實有地
四百三十五頃六十三畝一分興和城除去荒城實有地一千二
百六十頃五十一畝並新墾熟地一百八十頃內有草商分收地
三十頃白廟子灘除去荒城實有地八百三十四頃五十二畝均
即按戶填給部照除興和城新墾地一百八十頃查係光緒五年
開墾照例試種三年以光緒八年升科其餘四處地四千四十六
頃七十六畝一分統歸光緒七年升科其六年以前徵起糧銀均
解藩庫內有徵不足額者係因地多荒蕪鄉民不知報荒除糧所
致應作為儘徵儘解以免民累飭廳開造細冊詳送藩司核明月
請奏結至該廳屬近年新開之世襲公嵩山坐落蘇濟梁地一千

奏稿四十三

三

六百七十一頃二十三畝二分世襲侯希蘭坐落雲頭壩地九百
十四頃十二畝樂亭縣典史榮桂坐落板深岡地三百六十頃八
十九畝續墾蘇魯克四村地一百四十四頃三十一畝世襲輕車
都尉佐領吉勒罕保坐落花臺壩地三百二十八頃九十一畝馬
甲納勒和坐落新河口地四百四十五頃三十五畝除蘇濟梁地
四百八頃三十一畝五分雲頭壩地九十五頃新河口地一百三
十一頃十一畝均係五年開墾應以光緒八年升科其餘地三千
二百三十頃三十八畝七分多係四年開墾統歸光緒七年升科
又獨石口廳屬正白旗蒙古一等義烈公惠鑑坐落庫倫諸爾廠
地先由藩司委員查勘其地六百二十八頃九十畝續經查出地
二十四頃十六畝原議光緒六年升科乃六年以秋該處亢旱委
員查勘歉收已在五分以上各地戶又皆指交押荒若再徵收糧

銀民力實有未逮應改自光緒七年升科以示體恤又革商分收地六十六頃二十一畝於七年給佃認領詢係五年甫經開墾照例試種三年以光緒八年升科又多倫廳屬宗室薄份坐落新開地共地一百五十八頃十一畝二分八釐一毫內二十三頃二十三畝係五年開墾應以光緒八年升科其餘一百三十四頃八十八畝二分八釐一毫因爭商涉訟種稟定現始一律領照認種應以光緒七年升科此查明三廳舊墾新墾地畝分別升科之情形也總計三廳地八千九百六十八頃九十五畝五分八釐一毫由商人放出收過地價者十之八九所有押荒銀兩遵照奏案已交地價之民戶每畝交銀一錢未交地價之民戶每畝交銀二三錢不等其收民戶押荒銀九萬二千六百九十九兩七錢六分七釐八毫填給部照四千九百五十四張另有填寫錯誤廢照四張

奏稿四十三

奏

一併截角繳銷至革商應交一半押荒除蘇魯克臺子溝白廟子灘板深圖商人或已物故或逃匿無踪及花臺壩並無商人皆不計外其餘蘇濟梁興和城雲頭壩庫倫諾爾新開地五處革商並新河口馬甲訥勒和其應交每畝一錢押荒銀四萬五千四百七十七兩七錢三分八釐四毫已收過銀一萬八千七百八十一兩一錢九分又收興和城革商分收地內糧石變價抵作押荒銀二百二十三兩八錢七分又收庫倫諾爾革商分收地內糧石變價抵作押荒銀五百五十一兩三錢四分查分收地畝僅止與和城庫倫諾爾兩處其餘均無分收之地現已給佃認種仍照荒地之例由佃戶每畝交押荒銀二錢試種三年以光緒八年升科是官辦仍與開荒無異不必收其餘利該革商等均欠押荒應將分收花利抵作押荒以昭公允統計收納民戶並革商押荒銀十一萬二千二

百五十五兩一錢六分七釐八毫又庫倫諾爾商人官房屋改作衙署估抵銀一百六十兩尚計革商短交押荒銀二萬五千七百二兩三錢三分八釐四毫本應照數追足惟該革商等從前所得地價半由侵蝕浪費半係交給地主以作充商之資其侵蝕浪費者固難盡數追繳其交給地主者尤未便勒令地主賠完疊將革商等遞回原籍保東不許還遼滋事此民戶革商應交押荒分別完免之情形也原議各地升科後每畝應徵給地主私租銀四釐除獨石口廳之惠鑑廠地多倫廳之宗室薄份新開地因土脈尚好均已照徵外其餘家口廳所屬各地歷據地戶聲稱地土瘠薄收穫無多每畝徵正銀一分四釐已甚竭蹶實難再交私租因查徵給私租之例係指各王公將廠地呈報歸公未得地價者而

奏稿四十三

奏

言今查各地於呈報後均由地主自行招商開墾地主得銀始行派商商人得價始行放地農戶所出地價已歸地主商人分受各雖報效歸公實與民間自地無異在地主本無喫虧而地戶現又重出押荒已覺苦累所領地畝既皆瘠薄應請將地主私租免其交納以示區別其佐領吉勒罕保花臺壩地畝並無商人係吉勒罕保自行得價放地若按商佃各半分交之例吉勒罕保應交押荒銀三千二百八十九兩一錢第地主自收地價核與商人侵人肥己者不同且私租既已免徵吉勒罕保應交押荒亦請寬免此地主私租應分別徵免之情形也以上各段地畝界內尚有零星未墾荒地多係沙城應飭各該廳隨時招佃實力勸墾分別收納押荒照例升科所剩部照一千四十二張暫存道庫以備隨後填用至地局自開辦以來事務紛煩委員書役分往邊外勘查需費

不實仍將用款力求樽節截至七年十二月底撤局共用薪工盤費飯食房租等銀一萬一千五百四十四兩四錢核與各省釐局報銷准支十分之一章程相符以後地事即責成各廳員辦理造具徵收押荒銀兩填給部照清冊同截存照根暨革商未完押荒銀數清摺具詳前來查該三廳所屬各旗報墾官荒廠地向係招商承辦枝節橫生不特

國課虛懸且商人充革靡常民戶受累無盡今部議不准地主與開革去商人悉歸官辦經臣飭據口北道奎斌督同印委妥定章程認真清理現已一律辦竣計得地八千九百六十餘頃分別年限給照升科統收押荒銀十一萬二千餘兩此後每年可收糧銀一萬二千餘兩積弊盡除閭閻無擾辦理甚為妥速洵於額賦民生有裨據詳免追革商未完押荒及疴地免徵私租各節均屬因

奏稿四十三

毛

時制宜自應照辦至所收押荒銀兩除開支地局經費銀一萬一千一百餘兩又循照奏案留充直察邊防軍餉已撥給直隸練餉局銀四萬二千兩察哈爾都統衙門銀三萬兩應再撥給察哈爾銀五千兩尚存銀二萬四千一百兩七錢六分七釐八毫前經奏明添建多倫協將弁衙署兵房及移設官兵盤費約需銀二萬數千兩應在此款內核實動用如有續徵押荒銀兩仍分撥直察充餉其每年所收升科廠地糧銀並照案撥充天津海防練軍月餉再查此次勘辦之地均係王公已開馬廠經察哈爾都統委員查明界址無礙游牧取有旗員甘結存案此外游牧地方多有蒙民句串私墾私佃擬請

敕下察哈爾都統查明已墾之地若下是不無礙游牧知會直隸照章飭交地方官勘辦分別升科惟蒙古以游牧為根本誠恐開

開日廣轉礙生計嗣後宜劃清界限禁止蒙民私相放墾以符定制除冊冊照根咨送戶部並飭各廳開造升科冊結冊咨外所有張獨多三廳官荒馬廠地畝現已查辦完竣緣由理合恭摺具陳

伏乞

皇太后

皇上聖鑒訓示謹

奏

奏稿四十三

元

請假省母摺 光緒八年二月二十日

奏為近接家信母久病不愈

恩賞假馳往省視恭摺陳仰祈

聖鑒事竊臣母李氏迎養在

臣兒瀚章湖廣督署先後已閱十年

現已八十有三歲平日氣體尚健自去冬感患使血之證延醫診

治血止而夜熱未清春初稍愈臣前遣長子經方赴鄂代臣侍奉

湯藥頃接來信痰欬時發飲食難以多進老年氣血久虧思子愈

切病情增劇臣聞之心急如焚寢食俱廢念自同治九年春間督

師赴陝叩別臣母不見顏色十三年於茲矣報

國日長而報親日短今母病久未痊愈中夜輾轉刻難自安相應

懇懇逾格

天恩賞假一月俾臣即乘輪船航海溯江而上如期馳往武昌省

視臣母病狀稍盡烏私忱感激

隆施曷有既極備蒙

皇太后

皇上福庇臣母得見游子歸侍可以調理復原臣當迅速回任以

供職守至北洋海防及中外交涉事件並直隸地方政務均關重

要應請

簡派重臣來津署理俾無曠誤所有請假省親緣由謹繕摺由驛

具陳伏乞

皇太后

皇上聖鑒訓示臣不勝迫切屏營之至謹

奏

擬陳駕駛兵船回華獎案片 光緒八年三月初三日

再回前因籌辦海防由英國訂購新式快船兼砲船兩號派記名

提督丁汝昌督率員弁出洋駕駛回華上年十月臣親赴海外驗

收專摺奏報並將尤為出力人員請獎奉

旨允准在案嗣准吏部咨該員等自出洋至回華核計未及三年

未便援照出使各國異常勞績請獎應月核奏辦等因臣查西洋

弁兵管駕新船來華沿途須費保險重賞此次該員等遠越重洋

數萬里之外駕駛戰艦巨砲回華總稅務司赫德初向稟請向洋

行保險臣密飭丁汝昌督同員弁格外慎重勿庸再糜保險巨費

西人愈以為至險至難乃行經地中海紅海印度海南洋風浪險

惡異常卒能保護平穩實較出使隨帶人員僅有筆舌之勞而無

駕駛保護船砲之責者尤為難得其艱苦卓絕勞績實未可泯祇

以係中國從前未有之事兵船向來未到之境並無定章可循是

以請照出使各國一例給獎未便再扣年限轉致向隅且各員中

有久在海防積功記獎者今因出洋接帶船砲併案議敘亦不得

不稍示優異俾昭激勸所有候補縣丞馬毓藻監生解茂承文童

馬元愷附生江永池仲祐等五員原請官階班次翎枝均係論功

行賞毫無冒濫合無仰懇

天恩俯念該員等出洋駕駛船砲回華異常勞績

敕部仍遵前奉

俞旨給獎註冊至道銜候選員外郎陳遠濟原請加三品銜候選

教諭陳錫周原請加五品銜核與限制未符應請將陳遠濟改為

俟得缺後以郎中用陳錫周改為俟得缺後以知縣用以符定章

理合附片具陳伏乞

聖鑒訓示謹
奏

奏稿四十三

三

光緒八年二月初三日

永屬官鹽督銷摺
奏為永屬官辦引岸應循舊以緝費扣抵課款仍令各州縣按年照額領引督銷恭摺仰祈

聖鑒事竊准戶部咨開永平府屬官辦引岸以緝費扣抵課款置緝私於不問每有片引不行之處虛綱全局亦被牽掣多受私鹽浸灌之害應令將緝費按季如數發給州縣設卡添巡其鹽課費令認真督收埽數完繳各歸各款等因奏明知照前來當飭長蘆運司如山會商藩司松駿督同前永平府知府李秉衡體察鹽務地方情形妥細籌辦茲據覆稱永屬濱海臨關地方遼闊居民慣食賤鹽引岸本難措手是以前商屢因虧課參革無人敢認道光二十六年改歸各該州縣官承辦每年由通綱商人捐給緝費銀二萬兩旋減為一萬六千兩向係扣抵應交鹽課無須一領一解

奏稿四十三

三

徒滋煩費蓋州縣應交鹽課未必徵解如期既有應領緝費儘可扣抵正供以免拖欠其應需緝費亦隨徵隨即劃用此實簡便辦法如果緝務因之廢弛永私浸灌蘆岸則此一萬六千兩之緝費通綱商人何肯歲歲輸捐迄無異議永屬引岸與通綱商辦各岸情事不同通綱皆領運鹽局則就地煎曬月案奏銷以本境之所產供本境之所需督銷則權歸於官買食則聽從民便歷久相安私梟不起遵化以西並未受私販浸灌詢據綱商等所言皆同實係因地制宜並無礙於全局也同治六年會委運判王鍾霖試辦永屬引岸未及一年即以鹽禁太嚴大拂輿情梟盜蜂起幾至擾亂地方可為鑒戒自仍歸官辦以來擇要巡緝就地督銷民皆樂業既無淡食之虞亦無縱私及侵蝕緝費之弊若緝費按季全發將鹽課費令州縣徵解必更添設巡卡假手胥吏稍涉煩苛

即釀事端又踏王鍾霖覆轍而州縣應交鹽課局限未能完解正
供必致虛懸是名為整頓轉多騷擾而無實濟不如循舊為妥應
請永遠照辦無庸更議至各屬欠領引目只須責令按年請領照
額督銷即與定章符合其巡緝事宜應就該處情形察酌妥辦方
無窒礙前已催據臨榆昌黎請領光緒五六年引目樂亭請領五
年引目灤州請領六年引目盧龍請領七年引目是按年照額領
引已有就緒嗣後認真嚴催如延不領引即由該司等詳請撤參
庶考核嚴而督銷可期得力等情會詳請

奏前來臣查部議設卡添巡原為整頓緝私起見惟永屬濱海
產鹽之區買食向從民便非他岸須由別處運往者可比禁令稍
密則與情不順必致滋生事端是以從前屢議更張皆經中止今
幸官民相安課無短絀遵化以西亦不受浸灌之害自應如該司

奏稿四十三

等所議仍以商捐緝費扣抵課款嚴飭各州縣按年照額領引擇
要巡緝就地督銷以期保課便民於鹽務地方均有裨益理合恭
摺覆陳伏乞

皇太后

皇上聖鑒敕部知照謹

奏

籌辦朝美議約摺 光緒八年二月初六日

奏為遵

旨籌辦朝鮮與美國議約事宜現經商定約稿並擬請

旨派員前往會辦恭摺仰祈

聖鑒事竊查美國欲與朝鮮結約通好經臣勸令朝鮮派員赴津

與美總兵蕭子爾商議適朝鮮國王派陪臣金允植為領選使帶

學生來津就便籌議外交臣於光緒七年十二月初二日奏奉

上諭朝鮮久隸藩屬自應隨時維持調護即以固我邊陲該國如

與美國訂約則他國不至肆意要求於大局實有關係仍著李鴻

章隨時相機開導妥為籌辦等因欽此仰見

聖謨廣運綏撫屬邦莫名欽服臣於歲杪即聞美國派定水師總

兵薛斐爾即蕭字爾為朝鮮議約全權大臣催令今春乘兵船東

駛朝鮮陪臣金允植亦來保定謁見謂續奉該國王密諭求臣代

為主持速與美使商議並寄呈該國機務大臣擬具約稿屬為鑒

定當即密飭津海關道周馥設法婉留薛使俟臣會商臣二月初

抵津薛使訂期謁晤先將伊所擬約稿由周馥譯呈其意欲以日

本條約為藍本臣將兩稿比較所差甚遠且於中國屬邦一節均

未提及將來各國效尤久之將不知朝鮮為我屬土而萬國公法

凡附庸小國不得自主者又未便與各大邦立約是彼此均有為

難之處臣屬周馥諷示薛使謂約內須提明中國屬邦政治仍得

自主字樣臣亦與金允植等議及該陪臣翁服無異詞因與酌量

刪增約稿將各項應防之流弊應獲之權利一一包括在內分周

馥及道員馬建忠密交薛使閱訂該使於各款頗有增改大致尚

無甚出入惟於第一款聲明朝鮮為中國屬邦堅不允從意甚決

無甚出入惟於第一款聲明朝鮮為中國屬邦堅不允從意甚決

無甚出入惟於第一款聲明朝鮮為中國屬邦堅不允從意甚決

絕適美國署使何天爵在京與總理衙門議添認明屬邦一節經
總署王大臣將何天爵擬改第一款照錄專函知會前來何天爵
旋於二月二十五日來謁乃謂薛斐爾堅執原議應於兩國平行
體統有礙且他日國會紳員亦必議駁是以該署使在京擬改第
一款未能增入臣謂既經議定豈可復行翻悔該署使力稱此事
本國專派薛斐爾王政伊僅可商辦臣以該兩人既未敢擅允令
先電請本國核示該署使允為發電請示至今尚無回報二十七
日三月初一日薛斐爾復借何天爵來署商訂此外各款有臣處
續增而該使酌改者有該使續增而臣處酌改者較原本似更周
密於一切取益防損之道再三斟酌總期於朝鮮商政有裨將來
不致為他國肆意要求以冀仰副
朝廷軫念屬藩維持調護之至意此事與薛斐爾何天爵商四

奏稿四十三

五次辨論二十餘日始有成議所訂約稿擬暫空第一款俟美國
回信再議去留臣於稿本紙尾鈐一圖章並邀薛斐爾簽字畫押
為據先交朝鮮陪臣李應浚迅齋回國以為該國月派大員與薛
使商辦之依據並傳見金允植諭知現辦情形告以美國若不肯
將第一款添入須於定約後另行設法聲明以符初議此臣疊次
與薛斐爾等議辦朝鮮立約之實在情形也朝鮮今春續派陪臣
魚允中等尚未到津薛斐爾已赴煙臺與該國水師提督會商約
於三月二十日開駛東行諄請臣處派員借往而朝鮮屢次來員
亦懇派員同美使前去頃又接朝鮮國王之叔父總理機務李最
應來書內言美使東來惟臣處是仰是依等語臣反覆籌維該兩
國約稿既經議有頭緒若不派員同往恐主客之閒形跡隔閡易
生疑衅或再有人從旁唆使約事無成而日俄強鄰轉得遂其

離間侵陵之詭計亦東方大局之憂關係實非淺鮮查有二品銜
候選道馬建忠精明幹練於交涉公法研究素深此次與薛斐
爾議約該員皆在座詳悉頭末堪以派往會同朝鮮國王所派議
約大員相機妥辦應即請

旨特派前往襄助由臣咨明朝鮮國王知照再薛斐爾乘坐該國
兵船前赴朝鮮臣處北洋水師兵輪船本擬於春夏之交飭赴東
洋等處游歷藉以測量沙綫練習風濤擬即派統領北洋水師記
名提督丁汝昌於三月望後與馬建忠會於煙臺酌帶兵船偕同
薛斐爾東駛以壯聲勢而杜要挾除將議定約稿暨臣與朝鮮總
理機務丞相李最應來往函件及與金允植筆談底稿照鈔清摺
恭呈
御覽外所有臣遵

奏稿四十三

旨籌辦朝鮮與美國議約事宜並請
旨派員前往會同商辦各緣由理合恭摺由驛五百里密陳伏乞
皇太后
皇上聖鑒訓示遵行謹
奏

創設廣仁堂

光緒八年二月初六日

奏為津郡創設廣仁堂收恤婦孺分別教養已著成效恭摺仰祈
 聖鑒事竊天津河間等屬地瘠民貧屢遭災歉孤兒殘婦往往無
 以自存情甚可憫必須創設善堂兼籌教養前於光緒四年旱災
 後據南省勸賑紳士前署陝西藩司王承基候選道鄭官應主事
 經元善等集捐洋銀一萬圓經臣商屬前督辦河間賑務今太僕
 寺卿吳大澂候選知府李金鏞先於津郡東門外南斜街暫設廣
 仁堂收養天津河間兩府屬遺棄子女貧苦節婦一面倡勸捐資
 多多益善飭道員盛宣懷等督同紳董妥籌經久之策嗣因經費
 集有成數遂於西門外太平莊下地建堂其蓋屋二百八十餘間
 將南斜街原收婦孺歸併太平莊於堂中分設六所一曰慈幼所
 收養男孩初收則為滌垢治病繼則分撥各所授事二曰蒙養所
 設義塾五齋擇聰俊者延師課讀三曰力田所於堂之左右購置
 地畝種植木棉稻黍菜蔬擇粗笨者雇老農教習四曰工藝所擇
 不能耕讀者令習編藤織蓆刻字印書俟年長業成聽其出堂自
 謀衣食五曰敬節所收養青年節婦及無依幼女仍令各勤女工
 不使閒逸幼女無家可歸俟長成爲之擇配六曰戒煙所專延良
 醫安置方藥療治鴉片癮病使吸食者有自新之路庶煙禁不致
 徒設各所均派誠實司事專管其敬節所均係婦女終日局鎖以
 慎關防飯食等項悉由轉桶出入公舉年高有德之節婦在內管
 束俟守節年例相符由在堂紳董出結移縣轉請
 旌表現計開辦三年屋宇一律竣工
 效昭然而戒煙除癮者已有二千餘人實於風俗人心大有裨助
 嗣後應責成紳董遵照定章實心經理務垂永久溯查道光年間

保定省城創設全節堂其時只收養婦女五十名今津郡廣仁堂
 定額七百五十名之多各所收養窮民亦眾歲需教養費用甚鉅
 而存本生息之款無幾誠恐未能持久除督同官紳隨時設法募
 捐接濟外查上年京城仿照津章新設廣仁堂經順天府尹奏奉
 諭旨每年賞給米三百石欽遵在案津郡創設廣仁堂實爲北省
 賑撫善後一大義舉與京城善堂情事相同相應奏明
 敕部立案並撥案銀懇

天恩准自本年起每年賞給南米三百石於江蘇海運漕糧項下
 在津就近撥領以廣

皇仁是否有當理合恭摺具

奏伏乞
 皇太后

奏稿四十三

奏

皇上聖鑒訓示謹

奏

查明買併旗昌花紅摺 光緒八年三月初六日

奏為查明招商局買併旗昌案內實係旗昌公司洋人提得用銀局員並無沾染恭摺仰祈

聖鑒事竊上年招商局員被參各款當由臣與前南洋大臣劉坤

一查覆具奏業經總理各國事務衙門會同戶部議結惟買併旗

昌花紅即中金一節總理衙門因南北洋所奏異詞請

救下該大臣等調齊該局一切卷宗帳據再行詳細確查會同奉

明辦理等因光緒七年四月十五日奉

旨依議欽此查招商局買併旗昌一切情形均據稟詳前非洋

大臣衙門有案其價銀二百二十二萬兩究竟是否交付足數必

以該局歷次兌銀帳據及旗昌收字為憑當飭經手銀錢帳目之

道員徐潤逐一調齊呈閱並以旗昌收到此項銀兩如何分給股

商如何提分中金招商局有無得項該洋行公司必有底帳尤為

案中緊要關鍵旗昌係美國商人歸上海美國總領事德尼管理

德尼前充天津領事曾有函牘往來因託詞密爾譯屬德尼即往

旗昌細查帳目取具旗昌行主簽字筆據呈核並未告知局員被

參情由旋據徐潤等稟稱該局於光緒二年冬買併旗昌價銀二

百二十二萬兩係截至光緒六年八月止分二十四批陸續交清

又出息銀十一萬餘兩分四次交清該局兌交銀兩均由上海各

錢莊經手旗昌收銀則由匯豐銀行經手該局與各錢莊及旗昌

匯豐皆有帳簿可考實係互相鈐制絲毫不能隱瞞鈔錄該局付

價由各錢莊經手帳據並檢旗昌歷次收銀洋文字據三十四紙

一併稟呈當派通曉洋文之員將旗昌洋文收據與局帳詳細核

對實係交清銀二百二十二萬兩鉅孔相符又據美總領事德尼

洋文覆函並取旗昌公司洋文簽字節略一紙呈閱譯稱該總領

事已將旗昌公司帳目查訖該公司股分共銀二百萬兩又漢口

等處地基棧房等項為旗昌公司之私產者共銀二十二萬兩以

上兩款該公司全行收到毫無折扣該公司可以停止生意故於各

股分之二百萬兩內自取三分半以為用銀即於三分半內提付

外國經紀人白克昔司實用銀二萬兩總之二百萬兩股分內除

付旗昌公司三分半用銀毫無他項開支旗昌公司除付白克昔

司實一分用銀亦毫無他項開支至旗昌公司私產之二十二萬

兩全係該公司所得未提用銀等情臣又節次密派委員於上海

等處確細察訪會稱當日旗昌兼辦金和源公司於股分內提取

用銀係分給白克昔司實及該公司津貼實無招商局員分潤花

紅即中金之事當將洋文字據存案照錄帳目及德尼覆函旗昌

公司節略咨請總理衙門查核一面咨商劉坤一去後旋接該大

臣來咨以旗昌公司於二百萬兩內提三分半用銀七萬兩除給

外國經紀人二萬兩仍實得用銀五萬兩聞該公司亦有華人合

股此五萬兩中金是否華人與洋人一律均分其得銀華人係何

姓名飭江海關道劉瑞芬再行查覆會奏劉瑞芬復函屬美總領

事德尼查得旗昌行股東均係美國人其賣去輪船公司用銀除

二萬兩付給白克昔司實外其餘五萬兩皆為旗昌洋行所得並

未分與華人一文等語經劉瑞芬鈔兩稟覆在案查此案係臣與

劉坤一經手之事劉坤一於劉瑞芬稟覆後即行交卸現已奏

奉

俞旨給假赴鄂省親亦須交卸既將案情一再確查已無疑義自

應由臣據實覆奏以免稽延所有查明招商局買併旗昌案內實

係旗昌公司洋人提得川銀局員並無沾染緣由理合恭摺具陳

伏乞

皇太后

皇上聖鑒謹

奏

奏稿四十三

呈

覆查盛宣懷片

光緒八年三月初六日

再直隸候補道盛宣懷前於招商局員被參案內經總理衙門議令嚴加考察據實具奏等因臣查盛宣懷前派會辦招商局訂明不經手銀錢不支領薪水遇有要務則與局員唐廷樞籌商會稟嗣因商局屢次代人受過堅辭會辦已於前年秋准其不預局務臣疊經嚴加考察該員勤明幹練講求吏治熟習洋情在直有年於賑務河工諸要端無不認真籌辦洵屬有用之才未敢稍涉迴護該員現已稟請假歸應俟回直照例補用謹據實附片覆陳

伏乞

聖鑒謹

奏

奏稿四十三

呈

試辦織布局摺 光緒八年三月初六日

奏為招商在上海試辦機器織布局以擴利源而敵洋產恭摺仰祈

聖鑒事竊查光緒四年十月二十四日奉

上諭御史曹秉哲奏請仿用西法開采以利器用一摺據稱近來各省開設機器等局需用煤鐵甚多請由內地仿照西法用機器開采轉運鼓鑄製造既省買價並濟財源等語所稱招徠殷商聽其開辦酌量徵收釐稅是否可行著李鴻章體察情形斟酌妥善奏明辦理原摺著鈔給閱看等因欽此臣查該御史原奏內稱方今之務以海防為最要泰西各國凡織布疋製軍械造戰艦皆用機器故日臻富強又謂中國若用機器開采轉運鼓鑄製造其價比來自外洋為賤更可宏拓遠謀等語所論均屬切要臣維古今

國勢必先富而後能強尤必富在民生而國本乃可益固溯自各國通商以來進口洋貨日增月盛核計近年銷數價值已至七千九百餘萬兩之多出口土貨年減一年往往不能相敵推原其故由於各國製造均用機器較中國土貨成於人工者省費倍蓰售價既廉行銷愈廣自非逐漸設法仿造自為運銷不足以分其利權蓋土貨多銷一分即洋貨少銷一分庶漏卮可期漸塞查進口洋貨以洋布為大宗近年各口銷數至二千二百餘萬兩洋布為日用所必需其價又較土布為廉民間爭相購用而中國銀錢耗入外洋者實已不少臣擬遴派紳商在上海購買機器設局仿造布疋冀稍分洋商之利營經飭辦均以經費不充稅釐太重相率觀望久無成議復飭據三品銜候選道鄭官應三品銜江蘇補用道龔壽圖會同編修戴恆安細籌擬據稟估需成本銀四十萬

兩分招商股足數議有合同條規尙屬周妥當經批准先在上海設局試辦派龔壽圖專辦官務鄭官應專辦商務又添派郎中蔡鴻儀主事經元善道員李培松會同籌辦該道等延聘美國織布工師丹科到滬據稱中國棉花抽絲不長恐織不如式必須就花

性改製織機已與訂立合同令其攜帶華花赴英美各廠試織酌購機器本年夏秋之交即可回華開辦查泰西通例凡新辦一業為本國未有者例得畀以若干年限該局用機器織布事屬勦舉自應酌定十年以內祇准華商附股搭辦不准另行設局其應完稅釐一節該局甫經倡辦銷路能否暢旺尙難預計自應酌輕成本俾得踴躍試行免被洋商排擠擬俟布疋織成後如在上海本地零星銷售應照中西通例免完稅釐如由上海運內地及分運通商他口轉入內地應照洋布花色均在上海新關完一正稅

概免內地沿途稅釐以示體恤如日後運出外洋行銷應令在新關完一出口正稅若十年後銷路果能漸暢洋布果可少來再行察酌另議此係中國自主之事自可特定專章無虞洋商藉口除未盡事宜再由南北洋大臣隨時督飭辦理外所有上海招商試辦機器織布以敵洋產緣由理合恭摺具陳伏乞

皇太后
皇上聖鑒謹
奏

查復津關常稅摺 光緒八年二月初六日

奏為查明津海關徵收常稅實在情形恭摺仰祈

聖鑒事竊准戶部咨開御史鄧承修奏請飭查關稅侵蝕以裕國

用一摺光緒八年正月十六日奉

上諭著督撫監督等就徵收實在情形和盤托出遵照部章於
正額盈餘外按年溢解等因欽此當經轉行遵照茲據津海關道
周馥稟稱天津未設新關以前凡內河外海以及陸路商販貨物
皆歸鈔關完納常稅收數頗旺自各國通商火輪夾板往來便捷
客貨多裝洋船皆歸新關完納洋稅其運入內地之洋貨復准華
洋商人一律完納半稅請領子口稅單免徵鈔關常稅及內地釐
金洋船既便於華船洋稅又輕於常稅商人利析毫芒孰肯舍彼
就此近年鈔關應收稅項惟以土貨為大宗而洋商采買土貨出

奏稿四十三

聖

口又准請領運照僅完新關半稅且江浙漕船所帶二成貨物例
准免稅以致去路太多常稅日形減色此今昔情形不同昭昭在
人耳目也北地貨稅自來遠遜東南況每年洋稅佔去三十餘萬
兩彼盈此絀事理顯然每遇災歉之年商貨較少常關稅額尙難
定數前兩屆設法招徠各有額外溢徵銀一千餘兩均經儘數報
解該道自上年六月抵任督飭委員認真整頓杜奸偷之偷漏嚴
憲吏之侵漁以冀額外多徵一分即可多解一分無如貨物只有
此數本屆關期報滿能否溢徵若干殊難預料至天津為北洋總
匯各省冠蓋往來並與各國洋人款接投縞贈紵宴會犒勞酬應
紛煩無非取資向有之公費此人情所常有亦事體之當然方今
時局多艱度支未裕該道職司關權敢不激發天良處處覈實如
有額外贏餘當儘數溢解稍裨庫款等情稟覆前來臣查津海關

局面遠不如粵閩等關之寬裕而貨物多歸新關完納洋稅每年
須佔去銀三十餘萬兩常稅內而有限本屬實情然常稅洋稅皆
係正課在關雖有常洋之分於

國用實無虧損

朝廷意存寬大但助將來臣當嚴飭該關道慎遵

諭旨實力稽徵務於正額盈餘外按年溢解其濟時艱勿任隱匿

滋弊理合恭摺據實覆陳伏乞

皇太后

皇上聖鑒謹

奏

奏稿四十三

聖

馳報丁憂摺 光緒八年三月初七日

奏為 微臣現丁母憂恭摺馳報仰祈

聖鑒事竊 臣奉

俞旨賞假一月赴鄂省親正在部署經手事宜預備交卸忽接臣

兄由輪船轉寄電信臣母已於三月初二日申時在湖廣督署病

故臣係屬親子例應丁憂開缺溯自叩別庭闕於今十有三年生

不能躬自奉養歿不能親視合斂罪咎山積負疚何窮泣血椎胸

百身莫贖所有直隸總督兼通商大臣員缺應請

旨迅賜簡放目前地方政務及非洋中外交涉事宜遵例委藩司

崧駿津海關道周馥分別代拆代行著督臣張樹聲未到之先臣

雖居苦次遇有洋務重要事件當隨時指示機宜暫資鎮鎮但日

久實懼貽誤應懇

恩飛催張樹聲趕緊乘輪北上計由粵至津不過旬日臣仍懷

遵

寄諭俟張樹聲到後交代妥協即行起程奔喪回籍守制所有

臣丁憂開缺緣由謹繕摺由驛馳報伏乞

皇太后

皇上聖鑒訓示謹

奏

謝 賜祭摺 光緒八年三月十一日

奏為恭謝

天恩仰祈

聖鑒事竊 臣接准兵部火票遞到光緒八年三月初九日內閣奉

上諭大學士直隸總督李鴻章湖廣總督李瀚章之母秉性淑慎

教子義方今以疾終深堪軫惻朝廷優禮大臣推恩賢母靈柩回

籍時著沿途地方官妥為照料到籍後賜祭一壇以昭恩眷欽此

跪聆之下感激涕零當即恭設香案率領家屬望

闕叩頭並恭錄

諭旨電致臣兄瀚章即於臣母柩前焚黃宣讀祭告先靈微臣兄

弟自顧何人迺蒙

錫類之

仁備極飾終之典

溫言褒獎重泉而

綸綽銜

恩

明德馨香九壤而栝栳增慟在臣母死且不朽遠逾華袞之榮在

臣等有忝所生敢忘義方之訓惟有著捐頂踵圖報涓埃呼天搶

地益懷戴

高履

厚之恩柴骨樂心永矢結草銜環之志所有微臣感激下忱理合

會同臣兄瀚章合詞恭摺叩謝

天恩伏乞

皇太后

皇上聖鑒謹奏

奏稿四十三

吳

懇請終制摺 光緒八年三月十一日

奏為恭謝

天恩瀝陳下情仍願請開缺終制恭摺仰祈
聖鑒事竊臣接准兵部火票遞到光緒八年三月初九日內閣奉
上諭大學士直隸總督李鴻章現丁母憂本應聽其終制以遂孝
思惟念李鴻章久任畿疆籌辦一切事宜甚為繁鉅該督悉心經
畫諸臻妥協深資倚任且駐防直隸各營皆其舊部歷年督率訓
練用成勁旅近復添練北洋水師規模創始未可遽易生手各國
通商事務該督經理有年情形尤為熟悉朝廷再四思維不得不
權宜辦理李鴻章著以大學士署理直隸總督俟穿孝百日後即
行回任際此時勢多艱該督當以國事為重勉抑哀思力圖報稱
即以慰伊母教忠之志有厚望焉欽此仰見

皇太后

奏稿四十三

平

皇上深仁渥澤既俯鑒臣子之隱曲示矜憐復不棄鷲下之材優
加器使凡屬旁觀猶為感泣矧在身受能無奮興惟微臣下情有
不得不瀝陳於

聖主之前者臣承乏

畿疆十有二年過多功寡應侍

聖慈格外保全不加譴責臣亦勉竭庸愚但有馳驅感激之心從

無瞻顧畏難之念自聞臣母病棘神思昏替方

賞假而遠道未歸忽聞訃而終天抱恨在臣心有一息難安之狀

在

國家為絲毫無補之人忠孝大闕進退失據我

朝奪情之索屣見彈章咸豐初年曾國藩勦賊江右適遭父憂其

時軍務正急律以金革無避之義宜可墨經從戎然猶抗疏再三
堅請終制近年李鴻藻丁母憂奏請終喪亦蒙

聖恩俞允直隸現甚平靜並無軍事督臣張樹聲於地方情形
素所熟悉淮軍將弁皆有布衣昆弟之歡但使江蘇各省額餉照

常籌解必能聯絡拊循為海口屹然重鎮北洋中外交涉事宜頭
緒雖多頻年宣布

皇仁諸臻帖服只須隨事謹守約章操縱得宜可無齟齬之慮至
於越南垂危琉球未復此則仰勞

廟算隱繁
天心尤賴總理衙門與出使諸臣迎機善導亦非臣之輪材緣力
所克策其萬全者也臣母死生契闊相見無期臣即廬墓三年已

無解於不孝無涯之隱痛若復以儼然衰經之身強起視事不獨
上累

聖朝孝治之隆下滋名教罪人之議且台輔崇班封疆重任而以
痛心疾首負罪不祥之人濫廁其間雖蒙

聖主信任不疑微臣豈能無愧於心伏懇
皇太后

皇上矜鑒愚誠收回
成命俯准開缺終制俾秋霜春露稍展歲時愴慕之忱即枕塊寢

苦仍在
天地帡幪之內臣年甫六十屆廬之時有限報

國之日無窮縷縷哀悃號泣上訴不勝迫切待
命之至所有微臣願懇開缺終制緣由謹繕摺具陳伏乞

皇太后

皇上聖鑒訓示謹
奏

奏稿四十三

至

再懇終制摺 光緒八年三月二十一日

奏為瀆陳愚悃仍懇開缺終制仰祈

聖鑒事竊臣恭閱邸鈔光緒八年三月十四日內閣奉

上諭李鴻章奏瀕陳下情仍懇開缺終制一摺情詞懇切覽奏良

用惻然朝廷以孝治天下本不忍重違所請強人子以所難惟念

李鴻章久任畿疆值此時勢艱難一切措置機宜動關全局實非

尋常疆事可比雍正乾隆年間大臣如孫嘉淦朱軾稽曾筠蔣炳

于敏中等皆奉

特旨任守制近今如曾國藩胡林翼亦皆舉情起用李鴻章惟

當仰體朝廷不得已之苦衷勉抑哀思仍遵前旨俟穿孝百日後

即回署任毋得再行固辭欽此仰見

奏稿四十三

皇上宵旰憂勤塵念全局凡此從權之舉皆非得已之為

聖訓周詳嘉矜備至雖在大馬猶有戀

主之忱臣獨何心敢申前請惟以臣之愚處臣之地艱難竭蹶未

敢仰希先代諸臣於萬一在

聖主固厚以相勸而微臣卒難援以自寬瀆查雍正乾隆年間大

臣如孫嘉淦朱軾稽曾筠蔣炳于敏中等綜其治績各有專長近

今如曾國藩胡林翼亦皆身在行間故凡奪情起用者非為

國家必不可少之人即屬事勢無可如何之會方今賴

聖主威德四彝賓服九塞清塵固尚晏然無事也而臣待罪畿疆

略無寸效可比前賢數年以來調停於中外交訂之幾經營於兵

餉兩細之際雖

李文忠公奏稿卷四十三

廟堂之上計從言聽而不敢望之僚采之間積誠既不足動人省

愆宜莫如用晦茲以縉經之身例應終喪可已而不可已值此時勢

臣自揣才力實不能負異夫人為其事而無其功固無解於妨賢

誤國之譏評更難免於貪位忘親之咎責若至指摘交加既負

朝廷知人之明尤失臣母教忠之意則臣之獲罪更大再四籌思

臣之進退實為狼狽與其含詬貽羞於日後曷若瀝誠控辭於事

先惟有願懇

天恩俯加原諒收回

成命准開大學士署直隸總督之缺俾得在籍終制稍安愚拙之

分曲全母子之情感戴

皇仁曷有既極再昨接署督臣張樹聲電信准於三月二十三日

起程由輪船北上計四月初必可到津臣一俟交卸清楚即航海

入江奔喪回籍合併聲明所有微臣瀆陳愚悃懇懇開缺終制緣

由謹繕摺具陳伏乞

皇太后

皇上聖鑒訓示施行臣無任冒死泣血懇求祈望之至謹

奏

李文忠公奏稿

卷之四十四目錄

- 王尚書代奏陳情摺光緒八年四月初八日
- 遵旨赴津辦防摺光緒八年七月初八日
- 官軍平定朝鮮摺光緒八年七月二十七日
- 謝署通商大臣摺光緒八年七月二十七日
- 會問李是應摺光緒八年八月初十日
- 安置李是應片光緒八年八月初十日
- 議覆鄧承修駐軍煙臺摺光緒八年八月十六日
- 朝鮮王妃還宮片光緒八年八月十六日
- 創辦電綫報銷摺光緒八年八月十六日
- 催提粵海協餉摺光緒八年八月十六日
- 議覆張佩綸靖濤服摺光緒八年八月二十二日
- 朝日定約據咨轉奏摺光緒八年八月二十二日
- 妥議朝鮮通商章程摺光緒八年八月二十九日
- 遣撤鄂軍片光緒八年八月二十九日
- 周壽昌赴任片光緒八年八月二十九日
- 援護朝鮮請獎摺光緒八年八月二十九日
- 奏保丁汝昌馬建忠片光緒八年八月二十九日

李文忠公奏稿卷四十四

全集一之四十四

王尚書代奏陳情摺光緒八年四月初八日

奏為恭摺

命據情代奏事竊臣

陸辭後於三月二十九日行抵天津即至李鴻章行館

旨訓切宜諭慰勉該大臣匍匐跪聆感激涕零罔知所措旋准該

大臣咨稱竊光緒八年三月二十四日內閣奉

上諭前因李鴻章久任畿疆事煩責重未可遽離疊經諭令俟穿

孝百日後即回署任茲復據奏瀆陳愚悃懇收回成命准予開

缺終制一摺披覽之餘深為軫惻在李鴻章陳情固請原為人子

至情而朝廷履念疆事倚任需人實出於不得已然若仍令照

常供職度李鴻章之心終必不安亦非所以示體恤李鴻章著准

開大學士署直隸總督之缺仍俟穿孝百日後駐紮天津督率所

部各營認真訓練並籌辦理通商事務大臣該大臣既經開缺留

營撥之金革無避之義亦不肯於禮經此係曲鑿其懇切之忱從

權酌辦俾得忠孝兩全可無遺憾當亦天下所共諒該大臣其仰

體宵旰之勞自念責任之重勉圖報稱宏濟艱難以副厚望並著

派軍機大臣署戶部尚書王文韶前往天津切實諭慰俾知

朕意毋許再行固請欽此旋經貴大臣來津而宣

慈諭開導愚蒙

恩稠義重鴻章何人乃承

聖明睿注若此呼天

闕但有涕淚伏念時事多艱

臣等勤政鴻章受

恩至重今茲解職豈能忽然果其出而有補於時斷不敢拘泥禮

經抗違

明詔惟自少壯馳驅戎馬年甫六十衰病已形冬春之間老母疾

作論以

國事為重不准乞假省親鴻章上戀

君恩下迫母訓未敢遽爾陳情听夕憂煎漸成肝鬱之證乃甫治

歸裝即聞噩耗忽忽逾月尚未叩棺一慟神思昏亂目甫交睫如

侍親旁徒以不能奮飛為憾更復疊承

恩命責令強起視事五中焦急難為懷此次欽奉

諭旨准開各缺但令督率所部辦理通商並蒙

特派重臣來津宣

諭慰勉在

聖人體恤之心

眷顧之隆實已無微不至鴻章雖捐糜頂踵不足報答於萬一第

以哀毀骨立之狀負疚不祥之身激勵軍士聯絡邦交恐非

國體所宜孟子有言親喪固所自盡縱天下聞而曲諒問心終不

自安也現在張樹聲調督直隸

朝廷簡畀固已得人商務防軍儘可責成兼管鴻章交卸疆符應

即星奔就道回籍治喪忠孝大倫素無矯飾如百日假滿後海上

或有警報畿疆亟須保衛鴻章案叨

殊遇具有天良何忍以居喪守禮為名遂其偷生避難之計定即

遵

旨赴津籌辦一切若託

聖主洪福海波不揚中外無事屆期如營葬需時再行續求

賞假稍遂烏私務懇貴大臣於回京時委婉據情代

奏賜勝感激悲咽之至等情到臣理合據情代

奏伏乞

皇太后

皇上聖鑒謹

奏稿四十四

三

遵旨赴津辦防摺光緒八年七月初八日

奏為疊奉

寄諭遵即起程馳赴天津恭摺陳仰祈

聖鑒事竊臣於四月十四日自津起程奔喪之先恭奉四月十一

日

寄諭著俟百日假滿後仍遵前旨駐紮天津辦理通商事務等因

欽此是月二十六日迎扶母柩到籍呈由安徽撫臣裕祿據情代

奏在案六月三十七月初五日疊奉六月二十四二十九等日

上諭朝鮮內亂情形危急日本已有兵船前往著即行起程馳赴

天津部署水陸各軍前往查辦以期無誤機宜等因欽此並經裕

祿咨送六月十九日

寄諭傳知兩催起程前來跪讀之下仰見

奏稿四十四

四

聖謨廣運

宵旰焦勞微臣雖在苦塊之中瞻懷

君國默念時局憂煎踴躍不能自安本擬懇展假安營葬事惟

金革無避禮有明訓當此中外多事之際朝鮮密邇東邊關係大

局何敢顧恤其私遷延推諉致負

聖明倚任之重屢接署督臣張樹聲兩報已派丁汝昌馬建忠酌

帶兵船前赴朝鮮訪查確情並擬調提督吳長慶所部陸軍乘輪

繼進少助聲勢該將領等智慮穩慎當能相機妥商彈壓調停之

法臣辭處鄉隅勢難逾度聞

命以來遵即趕緊部署定於七月十二日起程由巢湖出江順過

金陵與兩江督臣左宗棠籌商水陸兵餉後路接濟各事宜並至

上海查探近日洋情即乘輪船航海北上抵津後仍照例素服辦

事殫竭庸慮力圖安攘以期稍紓

慈慮於萬一俟下葬有期再求

賞假回籍以襄大事所有遵

旨起程赴津日期繕摺由驛五百里馳奏摺封借用合肥縣印合

併聲明伏乞

皇太后

皇上聖鑒謹

奏

奏稿四十四

五

官軍平定朝鮮 光緒八年七月二十七日
奏為官軍捕治朝鮮亂黨大勢粗定朝鮮派員抵津妥商善後事宜恭摺仰祈

聖鑒事竊臣承准軍機大臣字寄七月二十三日奉
上諭張樹聲奏吳長慶等統領官軍馳至朝鮮國都將李景應獲
致現已解送到津著暫行妥為安置俟李鴻章到津後會同張樹
聲向李景應究出該國變亂緣由及著名亂黨詳細具奏候旨遵
行吳長慶現派隊伍圍攻在尋利泰兩村著飭令該提督穩慎進
攻將亂黨渠首迅速捕除一面妥籌防範鎮定人心以安反側吳
長慶所統各營不敷分布現已添調黃金志帶隊前往將來應否
添調重兵著李鴻章等隨時體察情形酌量辦理等因欽此仰見
聖謨廣運綏靖藩邦至意曷勝欽佩臣於煙臺行次接據提督丁

汝昌道員馬建忠十六十八日稟報自獲送李景應登舟後馬建
忠隨請朝鮮國王由其政府將願修僑好之意函達日本使臣花
房義質即派全權大臣李裕元副官金宏集馳赴仁川港會議其
亂黨之聚居在尋利泰二里者約數千人世隸兵籍跋扈難制與
李景應句結一氣疊為變亂今李景應雖已就拘而其長子載寬
以大將新握兵柄仍恐該黨奉以為亂爰於十五日傍晚先將李
載寬誘拘南別宮以水兵數十人守之是夜吳長慶調派副將張
光前何乘繼總兵吳兆有率領親兵慶宇三營往捕在尋里亂黨
窮搜巢穴短兵接戰直至天明生擒一百五十餘人其餘悉由屋
後竄去我軍帶傷者僅二人其利泰里亂黨吳長慶親往掩執以
地近營址已先期聞風遠颺僅獲二十餘人是役共獲一百七十
餘人當經訊明戮其魁首罪狀較著者十人其餘概交朝鮮酌予

奏稿四十四

六

奏稿四十四

七

釋放俾從者知為法所不誅藉以潛消反側此次
天威震疊羣凶奔竄老巢既破則散處四方者不難隨時緝捕而
李載寬不安於位亦即於是日請釋兵柄此朝鮮亂黨已被剿散
國勢粗定之大略情形也至日本於中國勘辦朝鮮內亂始終未
敢撓越尚屬恪遵公法惟與朝鮮議約以焚館逐使為言藉端要
挾多開條款朝鮮既自行派員赴京八十里之仁川議事馬建
忠因朝日為多年有約之國其交涉之案未便由中國顯與主持
但將其可許不可許各條豫為指示又適在王京與吳長慶謀靖
內亂不遑他顧而朝鮮大臣李裕元等已於十七日與日本定議
簽押核計約款八條尚屬無甚流弊惟填補日本各費至五十萬
圓為數較多該國王以外患內憂事機危迫特命其臣迅速了事
冀消鄰釁遂有不能不甘讓之勢猶幸中國水陸各軍聲勢較盛

日本隱有所憚未遂將割地開礦及陸路通商各事強朝鮮以必
從此朝日和約既定暫弭齟齬之大略情形也臣抵津後晤商張
樹聲以朝鮮事大致就緒續撥黃金志三營自可暫緩前往稍省
煩費惟李景應已起解赴京旋奉暫行安置之
旨經張樹聲派員追令折回俟其到津臣當會同張樹聲詳細究
問再行

奏明辦理刻下朝鮮王鑒於積弱力圖振作已派全權大官趙甯
夏副官金宏集從事李祖淵等隨同馬建忠丁汝昌於二十五日
抵津商一切查朝鮮善後各事關係重要頭緒尚繁容臣與之
悉心商度次第酌辦日本兵船陸軍未撤之先我軍應暫留坐鎮
俾朝鮮有隱然可恃之資現仍留吳長慶統率各營續捕亂黨並
令丁汝昌馳回會商相機妥辦除將丁汝昌等稟單二件馬建忠

一 子 黃 參 日 臣 奏 稿 第 一 江 反 文 卜

所錄筆談及朝日約款鈔送總理衙門備查外所有官軍捕治朝鮮亂黨及該國派員抵津緣由理合會同督直練督臣張樹聲會詞恭摺由驛具陳伏乞

皇太后

皇上聖鑒訓示謹

奏

奏稿四十四

八

謝晉通商大臣摺 光緒八年七月二十七日

奏為抵津接署通商篆務恭謝

天恩仰祈

聖鑒事竊臣疊次欽奉

寄諭敦迫赴津業將由籍起程日期恭摺馳報嗣於煙臺舟次接

准兵部火票遞回原摺後開軍機大臣奉

旨李鴻章聞命即行力顧大局覽奏實深欣慰該大臣抵津後著

將籌辦情形即行具奏欽此仰見

皇太后

皇上安邊字小無日不在憂勤瞻顧之中感荷

哀嘉彌增愧悚茲於七月二十三日馳抵天津二十七日准署督

臣張樹聲將

奏稿四十四

九

欽差大臣關防並通商軍需各案卷派員齎送前來臣當即恭設

香案望

闕叩頭祇領任事伏念臣衰朽餘生浮羅憂患艱鉅之任慮弗克

勝前以朝鮮密邇北洋深懼內外交訕搖動全局是以奉

詔即行不敢因窳多未成稍涉濡滯茲幸

廟謨廣運藩服粗平

宵旰憂勞或少釋而微臣迴望鄉國松楸杳然論子職則缺陷

已多於時局復消埃無補夙夜捫心負疚極深縱蒞事不知涕

泗之何從滄海安流敢謂綢繆之可緩惟有講求軍實謹守約章

既不敢弛武備以啟戎心又不欲玩邦交而開邊衅庶幾仰慰

宸廑於萬一所有微臣感激下忱理合繕摺恭謝

天恩伏乞

皇太后
皇上聖鑒謹
奏

奏稿四十四

十

會問李是應摺

光緒八年八月初十日

奏為

旨會同究問朝鮮亂首李是應情形恭摺詳細覆陳仰祈

聖鑒事竊臣等節次欽奉

諭旨著會同向李是應究出該國變亂緣由及著名亂黨詳細具

奏候旨遵行等因欽此臣等連日遵

旨會同傳見李是應究問該國變亂緣由及著名亂黨語多狡展

堅不吐實當將究問及擬議處置各情先行函達總理各國事務

衙門一面復飭津海關道周馥候選道袁保齡馬建忠等再行詳

細根究去後茲據該道等稟稱公同傳詢李是應反覆詰問據稱

是應癸酉以前輔政十年各營軍兵按月放餉自閔謙錡執掌財

賦近者軍米十餘朔不發六月初間頒下一朔米劣斗小軍兵不

受閔謙錡不思安撫擬因濫殺諸軍憤聞是應聞亂入城挺身曉

諭亂軍因殺國相宰臣等三四人詰以伊兄李最應既不管餉又

不管兵何以被殺則謂李最應執政數年自失人心當日恐喝軍

民以致遇害詰以汝既能定亂當知亂首何人持械先入王宮是

何隊兵卒環訴於汝係何姓名則謂初九日軍兵來訴於家幾千

百人不知其首圍備王宮五營咸動不知孰先孰後詰以初九以

後汝總持庶務罷機務衙門改武衛營制何以未聞捕治亂黨則

謂庶務因國王之託亂黨姓名百方開導絕不供指查朝鮮領選

使金允植致周馥書云李是應素日結黨蓄謀圖奪政柄甲戌以

來形迹屢著昨午逆魁李載先即李是應之子諸囚供案屢發是應

陰謀國王置不欲聞止誅餘黨此大亂起之源由於是應激變乃

自稱國太公總攬國權朝鮮侍讀魚允中致周馥書亦言國政現

自稱國太公總攬國權朝鮮侍讀魚允中致周馥書亦言國政現

自稱國太公總攬國權朝鮮侍讀魚允中致周馥書亦言國政現

自稱國太公總攬國權朝鮮侍讀魚允中致周馥書亦言國政現

自稱國太公總攬國權朝鮮侍讀魚允中致周馥書亦言國政現

自稱國太公總攬國權朝鮮侍讀魚允中致周馥書亦言國政現

自稱國太公總攬國權朝鮮侍讀魚允中致周馥書亦言國政現

自稱國太公總攬國權朝鮮侍讀魚允中致周馥書亦言國政現

歸是應亂魁即是此人金允植又曾與周敬筆談言李是應秉政
十年壽生民國王年長無意反政舉國不遵如崇用親屬以
分其權自是憤毒日增馬建忠與朝鮮吏曹判書趙甯夏筆談據
云今王人承國統後李是應總理國事國王欲親事務相持許久
國政始出於王王妃亦多與聞至閔謙鎬分給軍餉之日米不滿
斛軍士與胥役詰鬪謙鎬擊囚軍五人欲置於法軍人奔訴於是
應是應以言激之致變初九日殺閔謙鎬金輔鉉是應入關曉諭
諸軍即總庶務各等語李是應所言如彼朝鮮諸臣所述如此參
稽實證此次之變發於亂軍而成於是應昭昭在人耳目稟請鑒
核等情前來等語加察核該道等所稟李是應之言與上等傳
問時所對略同至朝鮮諸臣所述並接廣東水師提督吳長慶來
函證以該國事後輿論均無異辭此次變亂緣由雖因軍卒索餉
而起惟李是應乃國王之本生父昔當國王冲年專權虐民勉强
歸政非其本懷近來怨望益深上年即有盜火王宮及其子李載
先謀逆情事此次亂軍赴伊家中詎如果正言開導何至遽興大
難朝鮮臣庶皆謂是應激之使變實非無因即謂此無左證而亂
軍圍擊宮禁王妃與難大臣被害兇談已不可辯邇李是應既能
定亂於事後獨不能遏亂於方萌五尺之童亦知其心叵測況乘
危竊柄一月有餘擅作威福樹置私人顧於作亂犯上之徒未嘗
一加捕治春秋之義入不討賊其意何居迨臣等傳
旨詰責猶曉曉歸罪於被殺之宰執絕不思軍卒非可殺宰執之
人雖亂黨姓名始終不肯供指而眾論確鑿遁辭窮黨惡首禍
之情人臣無將之義片言可折百喙難逃設非
朝廷命將出師赴機迅速則該國宗社骨肉之變將有不忍言者

惟現據趙甯夏等來津面陳該國王欲籲求
天恩曲予寬宥若必執法嚴懲在李是應固罪無可辭而該國王
亦情難自處第李是應積威震主黨羽繁多業與國王王妃及在
朝諸臣等久成嫌衅儻再釋回本國奸黨構煽怨毒相尋重植亂
萌必為後患屆時煩煩
天討寬典轉不可屢邀況茲貧弱小邦變故亦豈堪再遇是應
不歸猶可保其家安其國全其父子是應一歸則父子終傷必至
害於家因於國而後已也伏查朝鮮史略元代高麗王累世皆以
父子構衅延祐年間高麗王源既為上王傳位於其子燕交播
隙元帝流源於吐蕃安置王父具有前事又至元年開燾子忠惠
王名禎亦經元帝流於揭陽縣其時高麗國內晏然徒以宵小浸
潤遠竄窮荒今李是應無蒙業垂統之尊有幾危社稷之罪較源
禎等情節尤重惟處人家國父子之間不能不為兼籌並顧儻蒙
聖朝寬大
特頒明詔但責其僭稱國太公自行專政既不能於軍人往訴時
曉諭禁斥又不能於入總庶務後討捕亂黨實屬謬妄格外
加恩敕下等將李是應安置近京之保定省城永遠不准復回
本國優給廩餼議其出入嚴其防閑仍准該國王歲時派員省問
以慰其私於弭該國禍亂之端亦即以維該國王倫紀之變則
聖主義問仁聲洋溢於海外矣謹陳愚淺以備萬一之慮是否自
當伏候
采擇施行除將究問李是應節略及金允植等函件咨送軍機處
查核外所有等遵
旨會同究問李是應詳細情形謹會詞繕摺山驛馳

奏伏乞
皇太后
皇上聖鑒訓示謹
奏

奏稿四十四

十四

安置李是應片 光緒八年八月初十日

再據朝鮮國王遣派陪臣趙甯夏金宏集等來津謁商善後事宜臣等傳見之頃面呈該國王咨文二件一謝調兵援護一為本生父李是應乞恩釋回並稱另有表奏及分咨總理衙門禮部文件與臣處咨文大旨相同臣等因與筆談往復辨詰趙甯夏等始稱李是應此次乘政非出自國王之意論寡君情私當以釋回為是若論公義則不能顧情私等語夫該國王奏咨代為乞恩本屬父子至情義不容已而李是應兇狡險躁惡跡顯著若縱令回國斷難望其悔罪自新亦非該國王所能鈐制朝鮮密邇陪都關係大局自宜妥為設法豫弭弊端繕朝廷東顧之虞以示綏靖藩服之意除臣等擬議辦法片摺具陳外謹照鈔該國王咨文恭呈御覽趙甯夏等齎呈表奏於初八日起程赴京由禮部轉進計尙需時可否先賜明降諭旨酌定安置則該國王奏到後批駁亦易有辭至趙甯夏金允植魚允中等人尙平正素畏李是應應權勢兼以國王私親未敢顯為質證經臣等督同周馥馬建忠等再四誘之使言始肯吐露李是應罪狀然猶懼有後禍可否於諭旨中渾括其詞俾日後該國君臣稍免猜嫌斯保全者多矣愚昧之見是否有當伏乞聖鑒謹附片具

奏稿四十四

十五

議鄂承修駐軍煙臺周光緒八年八月十六日
奏為備服鄰邦先圖自強酌籌緩急機宜遵
旨覆陳仰祈

聖鑒事竊臣等承准軍機大臣字寄八月初三日奉

上諭給事中鄧承修奏朝鮮亂黨已平球案未結宜乘此聲威特

派知兵大臣駐紮煙臺相機調度厚集南北洋戰艦分撥出洋梭

巡為扼吭拊背之謀其駐朝鮮水陸各軍暫緩撤回以為犄角責

日本以擅滅琉球肆行要挾之罪日人必有所憚球案易於轉圜

等語所奏不為無見著李鴻章張樹聲酌度情形妥籌具奏等因

欽此仰見

聖主恢擴遠謨周諮博訪至意曷任欽佩竊惟跨海遠征之舉莫

切於水師而整練水師之要莫先於戰艦中國閩滬各廠自造之

輪船與在洋廠訂購之輪船除商輪僅供轉運外如北洋之鎮東

等六船南洋之龍驤等四船福建之福勝廣東之海鏡清海

東雄俱係蚊船式樣專備扼守海口難以決戰大洋此外北洋之

船凡七分駐旅順天津者曰揚威曰超勇曰威遠曰操江曰鎮海

駐煙臺者曰泰安駐牛莊者曰湄雲南洋之船凡十五駐江甯者

曰靖遠曰澄慶曰登瀛洲駐吳淞者曰測海曰威靖曰馭遠駐浙

江者曰元凱曰超武分駐福建之臺灣廈門各口者曰伏波曰振

威曰藝新曰福星曰揚武近因越南多事由船政派赴廉瓊洋面

巡防者曰濟安曰飛雲合計兵輪二十二號其中有馬力僅一百

匹內外未可充戰船者如泰安操江湄雲等船祇可轉運糧械馭

遠則已朽敝須加修理惟北洋之超勇揚威兩快船南洋之超武

揚武澄慶等船較為得力此中國戰艦之大略也自本年六月初

鮮亂黨滋事日本與兵報怨臣樹聲遵旨迅派揚威超勇威遠三船東渡復調澄慶威靖登瀛洲與泰安等船陸續前往今朝鮮雖事局暫定一時尙難撤回鄧承修之意

特派知兵大臣進駐煙臺相機調度厚集戰艦更番出巡自爲整軍經武等服強鄰起見然既思厚集其力則必有得力戰艦十餘號乃足壯聲勢而敷調撥近日南洋僅有測海馭遠靖遠三船臣鴻章前過江甯晤左宗棠而稱長江要口之船分布礙難再調自係實情北洋天津等處僅有操江鎮海兩艘往來探送文報煙臺則無駐守之船均甚空虛今中國所有戰艦惟閩浙兩省七號之中或尙可抽調一二然彼所駐皆屬要地實虞顧此失彼且所謂知兵大臣者無夙練之水師無經事之將領以爲之用船少力孤

奏稿四十四

情見勢絀不能服遠轉恐損威萬一日本窺我虛實悉簡精銳轉向他口蹈開抵瑕爲先發制人之舉尤宜豫籌所以應之此臣等所不能不躊躇審顧者也查日本兵船在二十艘以外而堅利可用者約十餘艘其中扶桑一艦號稱鐵甲比叻金剛兩艦號半鐵甲東艦一船號次等鐵甲雖非上品究勝木質以彼所有與中國繫長校短不甚相讓況華船分隸數省畛域各判號令不一似不若日本兵船統歸海軍節制可以呼應一氣萬一中東有事勝負之數尙難逆料是欲制服日本則於南北洋兵船整齊訓練之法聯合布置之方尤宜豫爲之計也自古兩國相持或乘藉勝勢專以虛聲相恫喝或隱修實政轉恐密議之彰聞務虛者聲揚而實不副終有自絀之時務實者實至而聲自遠必有可期之效從前日本初行西法一得自矜輒敢藐視中國臺灣一役劫索恤

款後更廢滅琉球中國方以船械未齊水師未練姑稍含忍以待其敝然比年以來鴻章與內外諸臣熟商禦侮之要力整武備雖限於財力格於浮議而購船製械選將練兵隨時設法物其規模復創設電綫以通聲息茲值朝鮮有變臣樹聲欽承廟謨調派水陸雄師颯電邁既精電報之力事事得占先著遂能綏靖藩服日本見中國赴機迅捷不似曩時之持重亦稍戢其狡逞之謀與朝鮮議約尋盟言歸於好雖所索償款略多然日人初意實尙不止此其所以知難而退者未嘗不隱有所憚至彼國

議論洶洶羣疑滿腹恐中國乘機責問球案聞初議募債洋銀二千萬國添購船艦此事尙未舉行敵情豈云無備中國地大物博但能合力以圖之持久以困之不患不操勝算若竟欲於此時揚兵域外彼或鋌而走險以全力結納西人多借洋債廣購船礮與

奏稿四十四

我爭一旦之命猶非策之上者固不如修其實而隱其聲之爲愈也臣等再四籌商德廠所造之定遠鐵甲船今冬可以來華第二號鐵甲船亦儘明年可到容俟二艦到後選將募兵精心教練而新式快船所以輔護鐵艦者尤不可少或在洋廠訂購或在閩廠仿造必須酌籌鉅款陸續添備鐵甲船如有餘力亦宜添製此則全賴聖明主持於上樞臣部臣擬臣合謀於下庶水師乃有成局海防乃可用兵軍實益蒐威聲自播儻能不戰屈人使彼帖然就範固爲最善若猶器張不靖則聲罪致討諸路並進較有實際前歲突戶磯回國顯肆要求中國聽其自去彼終未敢決裂今又遣親本武揚前來駐京或可相機辦其球案未結以前進止遲速權自我操似可毋庸汲汲也 鴻章此次奉

命出山持喪僅逾百日隱疾實多儻以進國東瀛為名移駐煙臺
果能於事有濟亟願效此馳驅惟煙臺本是北洋轄境距津沽海
程僅一日餘若論控馭海防調度兵艦則駐津駐煙固無二致即
欲震懾日本而彼亦深知我之虛實煙臺無礮臺無陸軍又無兵
船先無自立之根本轉恐無以制人臣積年指注所有支應局水
師學堂及廠局所准軍大隊全在天津若挈以俱行則煩費既
多挪動不易若獨自前往將何所憑藉以張聲威何從分撥以資
調度況自津至滬遠隔粵電報迅捷軍情頃刻可通煙臺則水陸
電綫俱無南北各省即有可商調之事旬日不得回信呼應尤覺
不靈等語愚見欲圖自強之實事當以添備戰艦為要不以移駐
煙臺為亟中國戰艦足用統馭得人則日本自服球案亦易結矣
至吳長慶所部陸軍遵

奏稿四十四

旨暫留朝鮮彈壓亂黨免致再有蠢動丁汝昌帶往各兵船仍留
朝鮮南陽海口與相依護聞日本陸軍分布王京內外兵船五號
留駐仁川港者亦均未撤退在日人方謂朝鮮後患之須防而我
軍亦為朝鮮善後之久計互相牽制即以潛消敵謀容臣等隨時
相度情形奏明辦理所有備服鄰邦先圖自強遵
旨酌籌緩急機宜謹合詞恭摺具陳是否有當伏乞
皇太后
皇上聖鑒訓示謹
奏

朝鮮王妃還宮片 光緒八年八月十六日

再據廣東水師提督吳長慶咨呈七月二十日據朝鮮前任縣監
沈宜亭密報本年六月初十日亂軍圍逼王宮王妃閔氏負創潛
逃賴左翊贊閔應植匿避於陰竹長湖院村以免於難亂軍散後
求妃不得遂以與難發喪詢之朝鮮禮部參判金允植宏文館侍
講魚允中所言略同旋由國王商請派隊迎還先命魚允中前往
布置二十五日夜派哨官陳雲龍吳長純挑選精銳鎗隊百人協
同國王所派文武官吏兼程往護計王京去長湖院村二百餘里
兩日馳至閔妃即以二十八日起行八月初一日還宮遠近士庶
喧闐塞途動以萬計而日本使臣花房義質亦欲調兵出城協迎
吳長慶慮朝日兵民擾雜或生事變婉言止之又緝獲前此攻擊
日本使館之首犯孫順吉崔奉圭孔致元三名查日朝議定和約

奏稿四十四

第一款朝鮮捕獲兇徒嚴究渠魁從重懲辦日本派員眼同究治
等語因令朝鮮官員邀同日使花房義質訊明正法花房即擬數
日內先行歸國其兵隊尚未撤也至閔犯王宮之首惡除已獲金
長孫鄭義吉二名外尚有柳春萬柳卜萬等仍購緝密捕剋日擒
治以伸天討等情除飭該提督遵
旨暫留妥為彈壓巡防外所有近日迎護王妃續獲亂黨情形理
合會同署直隸督臣張樹聲合詞附片具陳伏乞
聖鑒謹
奏

創辦電報銷捐 光緒八年八月十八日
奏為創辦南洋電報循照奏案官督商辦核明收支經費截數
報銷總單恭摺仰祈
聖鑒事竊臣於光緒六年八月十四日奉
上諭李鴻章奏南洋請設電報等語現在籌辦防務南北洋必
須消息靈通以期無誤事機該大臣請於陸路由天津循運河以
至江北越長江由鎮江達上海安置電綫係為因時制宜起見即
著妥速籌辦餘均照所議辦理等因欽此遵即遴派委員於六年
九月在天津設立電報學堂一面由丹國招雇洋人來華教習電
學打報工作等事購備各項機器物料采辦木植察看由津至滬
設綫地道沿途應立巡電汛房分投料理於天津設立電報總局
並於紫竹林大沽口濟甯清江鎮江蘇州上海七處各設分局自

七年三月開辦起至是年十月工竣止安設電綫經費共用湘平
銀十七萬八千七百有奇此項應照原奏招集商股認繳當飭
道員盛宣懷等督同眾商籌議稟稱初創電綫絲互三省地段
甚長非官為保護不可電報原為軍務洋務緩急備用自北至南
所經之地絕少商賈碼頭其絲茶荷萃之區尚無枝綫可通綫短
報稀取資有限非官為津貼不可遵即試招商股自八年三月初
一日起改歸官督商辦除由商於八年三月六月按期繳還官本
銀六萬兩外五年後分年續繳銀二萬兩按年繳五千兩免其計
息其餘不敷銀兩以軍機處總理衙門各省督撫出使各國大臣
如寄洋務軍務電報於信紙上蓋印驗明轉發是謂頭等官報應
收信資月冊存記陸續抵按年核明彙報俟此項抵繳完事別
無應還官款則前項官報亦不領資以備商人報效之忱其各局

常年經費即以所收尋常官商信資抵支無論不敷多少不得再
請津貼其由津至滬沿途各汛弁兵馬乾口糧修理汛房每年約
支湘平銀一萬一千兩自八年三月起仍請由淮軍協餉內開支
俟五年後電報局儲能立脚此項亦歸電局自行籌給至各局雇
用洋匠為教習學生造就人才起見此項第一年薪水川資由官
給發期滿後或撤或留由電局酌定應給薪水回國川資均歸商
本支發各局現用學生由電報學堂陸續調取後即由電局接發
薪水其七年十一月起至八年二月底止官辦所收報資應繳還
歸款又據道員朱格仁稟稱電報學堂現存學生三十二名以後
陸續派出不再招添新生裁減教習則經費漸可節省經臣先後
批飭照辦並據淮軍報銷局司道將截至光緒八年三月初一日
歸官督商辦以前收支各款查明備管無項新收淮軍餉內提撥

湘折庫平銀十九萬二千九百九十四兩有奇開除安置電綫工
料並各局汛及電報學堂中外委辦教習司事匠役人等薪糧辛
工公費津貼馬乾口糧正雜各款除商認先還官本暨八年二月
底以前報資繳歸扣抵外計共支銷庫平銀十四萬八千九百五
十五兩有奇實存庫平銀四萬四千三百八十八兩有奇接支光緒八
年三月起各局洋人教習辛工等用歸於以後舊管項下滾接開
報等情詳請核奏前來臣查中國創辦電報南北洋消息往來瞬
息互答實於軍務洋務大有裨助即如此次朝鮮內訌等往返
籌商調派水陸兵勇赴機迅速剋期戡定得力於電報者為多現
在改歸官督商辦自應截數奏報以清款目查該局開支各款由
臣隨時督飭力求樽節均係實用實銷並無絲毫浮冒惟購買電
機器工料雇用洋人教習事皆與外洋交涉絕無例案可循

自應據實開單

奏報仰懇

天恩准其作正開銷免再造冊送部以省文牘而節浮費除月結

清單恭呈

御覽外所有查明創辦電報支銷經費緣由理合恭摺具

奏伏乞

皇太后

皇上聖鑒敕部知照謹

奏

奏稿四十四

三

惟提粵海協例摺 光緒八年八月十六日

奏為粵海關應解北洋海防經費積欠過鉅請

旨嚴催以警玩泄而免貽誤恭摺仰祈

聖鑒事竊照北洋海防經費前經戶部會同總理各國事務衙門

奏定由粵海等關徵收四成洋稅招商局稅項下除額撥軍餉外

儘數分解南北洋專作海防經費必須按結解清不准挪移短欠

又奉光緒六年六月二十七日

上諭北洋防務極關緊要需餉尤殷各省關應解經費著嚴飭趕

緊撥解大批濟急釐金必解足八成關稅必照章提前儘再延欠

即著李鴻章嚴參照延誤京餉例議處等因欽此嗣因粵海關應

解經費積欠至四結之多延不報解經臣於上年閏七月開專摺

奏蒙

奏稿四十四

特旨飭催迅解在案

聖訓煌煌再三申戒該監督宜如何趕緊撥解俾濟要需以仰體

朝廷慎固畿疆至意乃自奏催後又越一年僅據將八十二結以

前經費零星批解其八十三結尾數銀二萬七千餘兩現甫報解

在途計自光緒七年六月初六日八十四結起扣至八年八月十

九日八十八結期滿為時又已五結所有應解北洋海防經費皆

係現任監督崇光任內徵存之款絲毫未報解臣處疊准兩廣

督臣來咨會奏粵海潮州二關八十四結徵收華洋各稅核計應

解北洋海防經費一半銀六萬三千一百一十兩奇又八十五結徵

收華洋各稅核計應解北洋海防一半銀五萬二千二百五十二

兩有奇其八十六七八等三結徵收銀數雖尚未在咨明而綜計

五結應解之款總在二十餘萬兩經臣督督臣張樹聲先後函

願頻催幾於停筆該監督一味延宕置若罔聞尙復成何事體且此項洋稅本係徵存有善專款無庸該監督另為代籌亦豈容該監督挪作別用乃既不能遵

旨提前又不肯按結清解鉅款積存任催罔應向來無有似此抗玩者臣欽承

恩命督辦北洋海防籌餉備兵責無旁貸近年添練水師購置鐵艦又於北海旅順口建築礮臺移營駐守費用極為繁鉅加以朝鮮內亂初平提督吳長慶丁汝昌等水陸各營遵

旨暫行留駐該國更多意外之需全賴各省關應解經費源源接濟或可勉竭庸思稍資展布若皆如該監督之不顧大局相率觀望設有貽誤將誰歸相應據實瀝陳請

旨嚴飭該監督迅將積欠八十四五六七八等五結北洋海防經費勒限一月掃數解清以後仍飭按結報解不得再有積欠儻仍

任意延延或限滿解不足數惟行遵旨將該監督嚴參照貽誤京餉例議處以為玩視要需者戒並請

飭下廣東督撫一體嚴催勿任支展為慎重海防起見理合恭摺由驛馳

奏伏乞

皇太后

皇上聖鑒訓示謹

議覆張佩綸請清服摺 光緒八年八月二十二日

奏為自強要圖宜先練水師再圖東征遵

旨妥籌擬陳仰祈

聖鑒事竊臣承准軍機大臣密寄八月十六日奉

上諭翰林院侍讀張佩綸奏請密定東征之策以靖藩服一摺據稱日本貧窶傾危琉球之地久踞不歸朝鮮禍起蕭牆殃及賓館

彼狃於琉球故智劫盟索費貪林無厭今日之事宜因二國為名令南北洋大臣簡練水師廣造戰船臺灣山東兩處宜治兵蓄艦

與南北洋倚角沿海各督撫迅練水陸各軍以備進規日本等語所奏頗為切要著李鴻章先行通盤籌畫迅速覆奏等因欽此仰

見 聖主研求至計不厭精詳曷任欽佩臣昨於覆奏鄧承修請派知

兵大臣駐紮煙臺摺內曾聲明跨海遠征之舉以整練水師添備戰艦為要戰艦足用統馭得人則日本自服球案亦易結等語今

張佩綸請密定東征之策亦謂不必遽伐日本南北洋當簡練水師廣造戰船以厚其勢臺灣山東治兵蓄艦以備倚角與臣愚計

大致不謀而合惟中國力籌整頓既欲待時而動則朝鮮與日本所立之約究因毀使館殺日人而起目前可勿駁正緣朝日昔年

立約中國並未與議彼雖未明認朝鮮為我屬國而天下萬國固皆知我屬矣似不如專論球案以為歸曲之地轉覺理直而勢順

也至日本國債之繁幣藏之匱薩長二黨之爭權水陸軍勢之不盛原係實情但彼自變法以來壹意媚事西人無非欲竊其緒餘

以為自雄之術今年遣參議伊藤博文赴歐洲攷究民政復遣有棲川親王赴俄又分遣使聘意大里駐奧斯馬加冠蓋聯翩相望

於道其注意在樹交植黨西人亦樂其傾心親附每遇中東交涉
事件往往注意存袒護該國洋債既多設有危急西人為自保財利
起見或且隱助而護持之然天下事但論理勢今論理則我直彼
曲論勢則我大彼小中國若果精修武備力圖自強彼西洋各國
方有所憚而不敢發而況在日本所慮者彼若豫知我有東征之
計君臣上下戮力齊心聯絡西人講求軍政廣借洋債多購船礮
與我爭一旦之命究非上策夫未有謀人之具而先露謀人之形
者兵家所忌此臣前

奏稿四十四

无

高宗武功赫濯震懾八荒然忠勤如傅恒岳鍾琪而不能必滅金
川智勇如阿桂阿里衮而不能驅服緬甸彼當天下全盛之時
聖明主持於上萃各省之物力挾千萬之鉅餉為一人無不用陳
一事無不行猶且遷延歲月相機了局者時與地有所限也日本
步趨西法雖僅得形似而所有船礮略足與我相敵若必跨海數
千里與角勝負制其死命未敢謂確有把握第東征之事不必
有東征之志不可無中國添練水師實不容一日稍緩
諭旨殷殷以通盤籌畫為事規模較鉅必合樞臣部臣
職事同心合謀經營數年方有成效從前期辦粵捻各匪有封疆
之責者以一省之力勦一省之賊
朝廷責成既專一切兵權餉權與用人之權舉以畀之故能事半
功倍今則時勢漸平文法漸密議論漸繁用人必循資格需餉必

請籌撥事須樞臣部臣隱為維持况風氣初開必聚天下之賢
才則不可無鼓舞之具局勢過濶必聯各省之心志則不可無
一之規儻蒙

聖明毅然裁決則中外諸臣乃有所受成似非微臣一人所敢定
議也張佩綸謂中國措置洋務患在謀不定而任不專洵係確論
治軍造船之說既已詢謀僉同惟是購器專視乎財力練兵莫急
乎餉源昔年戶部指撥南北洋海防經費每歲其四百萬兩設令
各省關指解無缺則七八年來水師早已練成鐵艦尙可多購無
如指撥之時非盡有著之款各省釐金入不敷解均形竭蹶閩粵
等省復將釐金截留雖經臣疊次
奏請嚴催統計各省關所解南北洋防費約僅及原撥四分之一
歲款不敷豈能購備大宗船械今欲將此事切實籌辦可否請

奏稿四十四

无

旨敕下戶部總理衙門將南北洋每年所收防費核明實數前開
省截留釐防經費由南洋劃抵外再撥的實之歲款務足原撥四
百萬兩之數如此則五年之後南北洋水師兩枝當可有成至
灣為日本要衝山東為遼海門戶兩省疆吏誠不可無熟悉兵事
者妥為區畫與相掎角此又在
朝廷之發縱指示矣臣前
奏備服鄰邦緩急機宜一疏業已詳陳梗概所有自強要圖宜先
練水師再圖東征緣由遵
旨迅速妥籌恭摺山驛密陳是否有當伏乞
皇太后
皇上聖鑒訓示謹
奏

朝日定約據咨轉奏
光緒八年八月二十二日

奏為據咨轉

奏事竊照朝鮮近與日本續訂約款八條暨迎還王妃閔氏各情
經臣先後奏蒙

聖鑒在案茲朝鮮國王遣派司譯院副司直金在信齋到咨文內
稱該國派奉朝賀李裕元等於本年七月十七日前赴仁川府濟
物浦同日日本公使花房義實辦理約款業將焚燒日館戕害人命
之亂魁孫順吉等梟首以完懲辦該公使現已歸國本邦亦派修
信使錦陵尉朴泳孝等齋國書前往日本鈔錄約款咨送又准咨
稱王妃閔氏遭難之時潛避親族閔應植鄉舍八月初一日遭領
議政洪諄穆備儀迎還失長慶派隊護衛
皇靈攸暨克戢禍亂俾當職室家轉危獲安北望感激專差齋咨

奏稿四十四

馳報煩乞轉奏各等情前來除分咨軍機處禮部查照外理合據
咨轉奏並將齊到咨文約款分繕清單恭呈

御覽伏乞

皇太后

皇上聖鑒謹

奏

謹將朝鮮國王咨文二件照鈔恭呈

御覽

朝鮮國王為咨報事本邦向經六月軍變日本重派辦理公使花
房義實到境事由已蒙

天朝諒察而嗣因該公使所懇特派全權大臣奉朝賀李裕元全
權副官行護軍金宏集於本年七月十七日前赴仁川府濟物浦
同該公使辦理約款凡八款內三款當續丙子原約仍將伊時焚
燒公館戕害人命之亂魁孫順吉等三人並行梟首以完懲辦該
公使已於本月初八日乘船歸國本邦亦派全權大臣兼修信使
錦陵尉朴泳孝全權副官兼修信副使副護軍金晚植從事官副
正字徐光範齋國書前往日本一切交際便宜如填補節項批准
事件皆由朴泳孝等詳酌妥竣茲道司譯院副司直金在信齋咨

奏稿四十四

申報除將條約各稿鈔錄庸備轉
奏外合行備文咨會為此具報煩乞責衙門照驗施行須至咨者
朝鮮國王為咨報事本年六月初十日日本邦軍卒之變前已具咨

轉

奏而蓋伊日事狀變出不意亂軍一時驟突直犯宮掖之內猝無
望陞之分裏外莫救上下相失方其震蕩擾攘之際王妃閔氏不
知所終求索之方靡所不至歷日經時形跡莫究以致攷證變禮
不得已權擬衣服之葬派使告訃將不日登塗幸茲

天朝

命師東援撫良誅逆反側皆安危疑稍定始聞王妃當其遭難之
時深量處變之宜只率數三宮女潛避於親族胡贊閔應植之鄉
舍以俟兵亂之息實為敝邦不幸之幸即於本年八月初一日遣

領議政洪諱穆備儀迎還

欽差吳提督慮其疏虞仰體

天朝視同家人之至意特派弁勇一百人衛護一路紀律嚴明務

從省弊穩還宮闈此莫非

皇靈攸暨克戡禍亂俾當職室家轉危獲安北望感激墮越於下

擬待前頭使行奉

表稱

謝而第念當職叨守藩服遭此變亂無非不職之致反躬自求采

增惶恐願惟偏蒙

大皇帝隆恩凡係情實理合無隱庸敢不避葶瀆將前後事狀茲

憑吳軍門回船專差司譯院副司直金在信齋咨馳報煩乞中堂

大人曲察微懇轉奏

奏稿四十四

天陸俾伸做邦無事不達之忱區區所祝之至為此合行移咨請

照驗轉

奏施行須至咨者光緒八年八月十日

謹將朝鮮與日本續訂約款照鈔恭呈

御覽

計開

續約

日本國與朝鮮國嗣後為益表親好便貿易茲訂定續約一款如

左

第一 元山釜山仁川各港開行里程今後擴為四方各五十里朝鮮期

二年後自條約批准之日更為各百里事

自今期一年後以楊花鎮為開市場事

第二

任聽日本國公使領事及其隨員眷從游歷朝鮮內地各處事

指定游歷地方由禮曹給照地方官勘照護送

右兩國全權大臣各據諭旨立約蓋印更請批准二箇月內日本

大日本國明治十五年八月三十日

大朝鮮國開國四百九十一年七月十七日

日本國辦理公使花房義實

朝鮮國全權大臣李裕元

朝鮮國全權副官金宏集

辦理約條

日本國七月二十二日之變朝鮮兇徒侵襲日本公使館職事人

員致多難朝鮮國所聘日本陸軍教師亦被慘害日本國為重

和好妥當議辦即約朝鮮國實行下開六款及別訂續約三款以

表懲前善後之意於是兩國全權大臣記名蓋印以昭信憑

第一

自今期二十日朝鮮國捕獲兇徒嚴究渠魁從重懲辦事

日本國派員取同究治若期內未能捕獲應由日本國辦理

第二

日本官胥遭害者由朝鮮國優禮瘞葬以厚其終事

第三

朝鮮國撥支五萬圓給與日本官胥遭害者遺族並負傷者以加

禮卹事

第四

因兇徒暴舉日本國所受損害及護衛公使水陸兵費內五十萬

圓由朝鮮國填補事

奏稿四十四

需

每年支十萬圓待五箇年清完

第五

日本公使館置兵員若干備警事

設置修繕兵營朝鮮國任之

若朝鮮國兵民守律一年之後日本公使視做不要警備不妨撤

兵

第六

朝鮮國特派大官修國書以謝日本國事

大日本國明治十五年八月三十日

大朝鮮國開國四百九十一年七月十七日

日本國辦理公使佐房義實

朝鮮國全權大臣李裕元

朝鮮國全權副官金宏集

奏稿四十四

差

安議朝鮮通商章程 光緒八年八月二十九日

奏為遵

旨安議朝鮮水陸通商章程以維藩服而擴利權恭摺仰祈

聖鑒事竊臣前接署北洋大臣張樹聲面稱承准軍機大臣字寄

四月二十九日奉

上諭禮部奏接准朝鮮國王咨文請飭會議一摺據稱該國請於已開口岸互相關交易等語朝鮮久列藩封典禮所關一切均有定制惟商民貨物不准在各處私相交易現在各國既已通商自應量予變通准其一體互相貿易應如何詳定章程之處著張樹聲商李鴻章妥議具奏此後該國貿易事宜應由總理各國事務衙門駁辦其朝貢陳奏等事仍照向例由禮部辦理等因欽此仰見

奏稿四十四

奏

聖謨廣運因時制宜任欽佩查朝鮮國王前遣問議官魚允中

李祖淵等於四月初一日齋文到津所請與咨禮部大略相同維

時臣將起程回籍未及轉

奏旋經禮部奏蒙

俞旨該問議官魚允中等由京赴津聽候覈辦適值朝鮮有事前署北洋大臣張樹聲以派軍赴援檄令隨營照料事竣復與朝鮮全權大臣趙甯夏副官金宏集等偕來商辦善後事宜竊惟富強之要以整頓商務為一大端朝鮮僻在東隅貧弱已久臣等前為代籌與美英德各國陸續開埠通商無非欲使日臻富盛隱以備俄而抗日其風氣即所以萃我藩維惟中國地大物博與朝鮮尤為密邇華貨之可銷於朝鮮者固屬不少即該國參布皮紙亦為華日用所需若仍拘守舊章不開海禁則兩國物產有

無不甚相通徒使東西洋商船獲倍收轉運之利殊屬非計至內地漁船往往在朝鮮元山鎮等處違禁逞兇臣於光緒六年七月在直督任內曾奉

寄諭飭沿海州縣編查嚴禁本年正月又有漁船數百隻前往騷擾情事推原其故蓋由山東漁戶因海濱之魚為輪船驚至對岸

每年私至朝鮮黃海道大小青島捕魚者以千計既為小民衣食所資雖設為厲禁而勢難盡行似不如稍寬其禁由地方官查察收稅轉可束之於法令之中從前兩國邊民如越界漁獵伐木挖礦之案層見疊出雖從嚴懲辦而未能禁絕此舊法之宜稍變通者也又如朝鮮之咸鏡道會甯慶源等處由吉林甯古塔庫爾喀人等每年委員前往市易人馬糶糧供億煩費彼國官吏辦理不善民不堪命逃入俄境殆將萬人去冬魚允中力陳其弊請罷斯

奏稿四十四

奏

例以便彼國招還流民且豫防俄人陸路通商之漸臣嘗以此事函詢督辦甯古塔等處防務吳大澂據稱互市所換貨物以耕牛為大宗而朝鮮牛種不如吉林本地所產此外亦非必不可少之貨如停互市似於吉林地方毫無所損或近邊百里內准民間自相貿易在外藩可省浮費而商貨仍得通行等語自係經久無弊之法又奉天鳳凰城等處每年春秋往朝鮮義州市易流弊亦多茲既擬開海禁則此兩路互市自應月訂妥章此又舊法之宜稍變通者也臣比已督飭津海關道周馥候選道馬建忠與趙甯夏魚允中等再四酌議擬定中國朝鮮商民水陸貿易章程八條旋據魚允中開送節略有欲修改句語經臣詳加斟酌略為改易章程之首聲明此次所訂係中國優待屬邦之意不在各與國一體均霑之列藉此正名定分明與兩國互訂之約章不同俾他國

不得援以為例第一條由北洋大臣札派商務委員前往駐紮朝鮮亦派大員駐津照料商務自與尋常

敕使貢使有別第二條朝鮮商民在中國各口財產罪犯等案悉由地方官審斷仍遵會典舊制與各國約章辦法稍異第三條朝鮮平安黃海道與山東奉天等省濱海地方聽兩國漁船往來捕

魚不得私以貨物貿易違者船貨入官如有犯法等事由地方官擊交就近商務委員懲辦魚稅俟兩年後酌定予以便利束以科

條翼化其前此兇頑之習第四條准兩國商民入內地采辦土貨仍照納沿途釐稅較與日本相待為優第五條定於鴨綠江對岸

柵門與義州二處又圖們江對岸琿春與會甯二處聽邊民往來交易設卡徵稅從前館宇餼廩芻糧等費悉予罷除所以體恤藩

邦休養民力而商貨更可流通稅項亦稍裨益第六條申明嚴禁之物紅蔘一項照例准售應酌定稅則第七條派招商局輪船每

月定期往返一次由朝鮮政府貼船費若干既省驛道往來之煩費並可昭迅捷而聯聲息第八條豫計增損之處隨時商辦以

上各端或變通舊章而稍祛積弊或參酌時勢而務順輿情現已籌商妥洽趙甯夏魚允中等均翕服無異詞至於典禮攸關之事

自未便輕議更張謹將章程擬稿鈔呈

御覽請

敕下總理各國事務衙門迅速核覆俟奉

旨准後即可頒行欽遵辦理與他國互訂條約須由兩國批准

者體制有殊除將津海關道周馥與魚允中李祖淵問答節略魚

允中駁議節略周馥馬建忠覆魚允中節略鈔送總理衙門備查

外所有擬議朝鮮通商章程以維藩服而擴利權緣由理合恭摺

奏

由驛具陳伏乞

皇太后

皇上聖鑒訓示謹

奏

奏

奏

奏

奏

奏

謹將擬定中國朝鮮商民水陸貿易章程照繕清單恭呈

御覽

朝鮮久列藩封典禮所關一切均有定制無庸更議惟現在各國既由水路通商自宜亟開海禁令兩國商民一體互相貿易其需利益其邊界互市之例亦因時量為變通惟此次所訂水陸貿易章程係中國優待屬邦之意不在各與國一體均霑之列茲定各條如左

一嗣後由北洋大臣札派商務委員前往駐紮朝鮮已開口岸專為照料本國商民該員與朝鮮官員往來均屬平行優待如禮如遇有重大事件未便與朝鮮官員擅自定議則詳請北洋大臣咨照朝鮮國王轉札其政府籌辦朝鮮國王亦遣派大員駐紮天津並分派他員至中國已開口岸充當商務委員該員與道府州縣

等地方官往來亦以平行相待如遇有疑難事件聽其由駐津大員詳請北洋大臣定奪兩國商務委員應用經費均歸自備不得私索供億若此等官員執意任性辦事不合則由北洋大臣與朝鮮國王彼此知會立即撤回

一中國商民在朝鮮口岸如自行控告應歸中國商務委員審斷此外財產罪犯等案如朝鮮人民為原告中國人民為被告則應由中國商務委員追鞫審斷如中國人民為原告朝鮮人民為被告則應由朝鮮官員將被告罪犯交出會同中國商務委員按律審斷至朝鮮商民在中國已開口岸所有一切財產罪犯等案無論被告原告為何國人民悉由中國地方官按律審斷並知照朝鮮委員備案如所斷案件朝鮮人民未服許由該國商務委員稟請大憲復訊以昭平允凡朝鮮人民在其本國至中國商務委員

處或在中國至各地方官處控告中國人民各色衙役人等不得私索絲毫規費違者查出將該管官從嚴懲辦若兩國人民或在本國或在彼此通商口岸有犯本國律禁私逃在彼此地界者各地方官一經彼此商務委員知照即設法拿交就近商務委員押歸本國懲辦惟於途中止可拘禁不得凌虐

一兩國商船聽其駛入彼此通商口岸交易所有卸載貨物與一切海關納稅則例悉照兩國已定章程辦理在彼此海濱遭風擱淺可隨處收泊購買食物修理船隻一切經費均歸船主自備地方官第妥為照料如船隻破壞地方官當設法救護將船內客商水手人等送交就近口岸彼此商務委員轉送回國可省前此互相護送之費若兩國商船於遭風擱淺需修外潛往未開口岸貿易者查拏船貨入官惟朝鮮平安黃海道與山東奉天等省濱

海地方聽兩國漁船往來捕魚並就岸購買食物甜水不得私以貨物貿易違者船貨入官其於所在地方有犯法等事即由該地方官鞫交就近商務委員按第二條懲辦至彼此漁船應徵魚稅俟遵行兩年後再行會議酌定

一兩國商民前往彼此已開口岸貿易如安分守法准其租地賃房建屋所有土產與非干例禁之貨均許交易除進出貨物應納貨稅船鈔悉照彼此海關通行章程完納外其有欲將土貨由出口運往彼口者於已納出口稅外仍於進口時驗單完納出口稅之半朝鮮商民除在北京例非交易與中國商民准入朝鮮楊花津漢城開設行棧外不准將各色貨物運入內地坐肆皆賣如兩國商民欲入內地采辦土貨應稟請彼此商務委員與地方官會

衙給予執照填明采辦處所車馬船隻聽該商自雇仍照納沿途
 應完釐稅如有彼此內地游歷者應稟請商務委員與地方官
 會銜給予執照然後前往其於沿途地方有犯法等事統由地方
 官押交就近通商口岸第二條懲辦途中止可拘禁不得陵虐
 一向來兩國邊界如義州會甯慶源等處例有互市統由官員主
 持每多窒礙茲定於鴨綠江對岸柵門與義州二處又岡們江對
 岸琿春與會甯二處聽邊民隨時往來交易兩國第於彼此開市
 之處設立關卡稽察匪類徵收稅課其所徵稅則無論出入口貨
 除紅蔘外概行值百抽五從前館宇餽廩芻糧迎送等費悉予罷
 除至邊民錢財罪犯等案仍由彼此地方官按照定律辦理其一
 切詳細章程應俟北洋大臣與朝鮮國王派員至該處踏勘會商
 稟請奏定

奏稿四十四

聖

一兩國商民無論在何處口岸與邊界地方均不准將洋藥土藥
 與製成軍器販運售賣違者查出分別嚴加處治至紅蔘一項例
 准朝鮮商民帶入中國地界應納稅則按價值百抽十五其有中
 國商民將紅蔘私運出朝鮮地界未經政府特允者查出將貨入
 官

一兩國驛道向由柵門陸路往來所有供億極為煩費現在海禁
 已開自應就便聽由海道來往惟朝鮮現無兵商輪船可由朝鮮
 國王商請北洋大臣暫派商局輪船每月定期往返一次由朝鮮
 政府協貼船費若干此外中國兵船往朝鮮海濱游弋並駛泊各
 處港口以資捍衛地方官所有供應一切除至購辦糧物經費
 均由兵船自備該兵船自管駕官以下與朝鮮地方官俱屬平行
 優禮相待水手上岸由兵船官員嚴加約束不准稍有騷擾滋事

一此次所定貿易章程姑從簡約兩國官民均須就已載者一體
 恪遵以後有須增損之處應隨時由北洋大臣與朝鮮國王商
 妥善請
 旨定奪施行

奏稿四十四

聖

遣撤鄂軍片 光緒八年八月二十九日

再駐山海關之忠義軍四營前奉

諭旨撤調回鄂並將添設馬隊就地遣散適值朝鮮有事調軍赴
援輪船無可分載經前署北洋大臣張樹聲奏准先將馬隊遣散
其步隊四營暫緩撤回等因臣近察朝鮮事局約定商局亦有船
可調應趁未封河以前趕緊辦理該軍統領提督劉維楨先力疾
抵津自備遣費銀一萬一千餘兩并豫籌遣營事宜均向妥洽臣
見其傷病復發准回調養茲檄令代統忠義軍副將楊維幹查照
劉維楨所擬辦法傳知各營將火藥大礮營壘各項交練軍統領
提督葉志超驗收酌籌兼顧各營軍裝由楊維幹收齊附船運鄂
繳局各勇應找口糧及劉維楨所備遣費按名分給湖北善後局
所備兩月川資先行分發匯票俟到漢口後各勇持票領銀並飭
招商局起備大輪船三隻剋日駛赴山海關老龍頭由葉志超會
同楊維幹督率照料勇夫分起上船不准一名逗遛滋事搜查遊
勇之籍隸南省者隨船帶往漢口交地方官遣送回籍其輪船價
值事竣由招商局赴湖北照章請領所有酌撤鄂軍忠義營緣由
除分咨查照外理合附片陳明伏乞

聖鑒謹

奏稿四十四

五

周壽昌赴任片 光緒八年八月二十九日

再貴州安義鎮總兵周壽昌前經臣奏明暫留江防辦理營務欽
奉光緒六年七月十七日

上諭前據岑毓英奏周壽昌久未到任茲據奏管帶防營一時之
人接替周壽昌著准其暫緩赴任等因欽此頃據福建陸路提督
唐定奎文稱該總兵周壽昌與銘武軍將士和輯一心近來江陰
南北兩岸添築礮臺製習電綫水雷督操大礮各事宜加意整頓
均臻妥善現值江防無警營務接替有人該總兵並無經手未完
事件專闕實缺未便久懸懇准銷差請
旨飭赴本任等情前來合無仰懇
天恩俯准貴州安義鎮總兵周壽昌就近赴任以重職守理合附
片據情具陳伏乞

奏稿四十四

五

聖鑒訓示謹

援護朝鮮請獎摺 光緒八年八月二十九日
奏為查明援護朝鮮尤為出力水陸文武員弁遵旨酌擬獎敘繕單恭摺仰祈

聖鑒事竊臣等欽奉光緒八年七月二十三日

上諭吳長慶等統領官軍馳至朝鮮國都將李是應獲致解送到津此次援護朝鮮張樹聲督飭吳長慶等迅赴事機獲致亂首辦理深合機宜殊堪嘉尚吳長慶現派隊伍圍攻枉尋利泰兩村著飭令穩慎進攻將亂黨渠首迅速捕除一面妥籌防範鎮定人心以安反側所有出力文武員弁准其擇尤保奏等因欽此仰見聖主激勵戎行有勞必錄至意當經恭錄轉行欽遵知照並由臣等續將官軍捕治朝鮮亂黨情形奏蒙

聖鑒在案茲據提督吳長慶丁汝昌道員馬建忠先後查明尤為

奏稿四十四

聖

出力水陸員弁稟請核獎前來臣等伏查此次朝鮮內訌變起倉猝兼毀及日本使館日人兵艦先抵仁川港口其使臣花房義實帶兵徑入王都意存巨測即使不蹈琉球覆轍而城下之盟肆意要求何所不至且李是應竊攬國權專擅威福亂黨橫行情洵洵國王政令不復能行該國外侮內憂一時俱集宗社安危之機聞不容髮幸賴聖謨廣運指示周詳丁汝昌馬建忠督帶北洋兵船馳抵仁川不動聲色與日人相持使之有所顧忌吳長慶旋率所部六營飛速東渡於南陽海口登陸迅抵王都布置甫定即將李是應生致天津一面派撥隊伍分攻枉尋利泰院陣斬悍賊多名擒獲亂黨日數十人訊明分別懲辦旬日之間局勢大定日人見中國赴機迅速因應咸宜其謀頓沮朝日和約遂已商訂不致大肆誅求

天威震懾忠願藩封實足以彰朝廷扶危定傾之義在事各員弁或先事綢繆籌濟餉械或星馳航海涉歷風濤或身行閒躬冒鋒刃均屬異常出力由該提督等開單請保臣等逐加覆核委無冒濫相應酌擬獎敘繕具清單

恭呈

御覽伏乞

天恩俯准照擬給獎以昭激勵其餘出力人員容俟事後遵

旨查明另行奏懇

恩施所有酌保援護朝鮮尤為出力水陸文武員弁緣由理合恭摺具陳伏乞

皇太后

皇上聖鑒訓示謹

奏

奏稿四十四

聖

奏保丁汝昌馬建忠片 光緒八年八月二十九日

再查朝鮮密邇

陪都實為東三省屏蔽自與日本立約通商動受迫脅而國勢貧弱殊甚幾難自立近年由臣鴻臚奏准該國選派員匠生徒來津學習製造工藝漸求自強並與美英德等國先後訂約以圖牽制日本凡此汲汲代謀力為維持者所以仰體

朝廷宇小之仁亦即為固我藩籬之計此次亂軍滋事變出非常中國兵船駛抵仁川日人已先我而至既慮其先發制人要挾無厭而李是應及其黨羽知中國與師問罪難保不鋌而走險別啟狡謀是辦理稍有不當即不免稽延時日虛糜帑項朝事亦未易結束所關殊非淺鮮幸丁汝昌馬建忠設法鈴制日人以緩其侵軼之謀迨吳長慶陸軍到後馬建忠即借所派將弁星夜入城復

奏稿四十四

吳

與吳長慶丁汝昌密商定計先將李是應生致解津旋即捕剿亂黨剋期戡定是此次援護朝鮮扶危定亂吳長慶丁汝昌之功為多而馬建忠權衡緩急操縱排解悉合機宜其勞尤不可泯查賞穿黃馬褂廣東水師提督瑚敦巴圖魯雲騎尉世職吳長慶謀勇兼裕赴機神速籌邊鎮定綽有儒將之風惟係一品實缺大員應如何

加恩獎勵之處非臣等所敢擅擬記名提督新授天津鎮總兵西林巴圖魯丁汝昌久歷戎行才明識定前往英國督帶快船回華創練水師講求西法能耐勞苦此次揚威域外足張國體擬請賞穿黃馬褂二品銜候選道馬建忠足智多謀熟悉公法能持大體歷辦朝鮮與美英德議約事宜及此次朝鮮善後各務均為遠人所敬服實堪勝專對之選擬請

賞戴花翎並懇

特恩以海關道存記擢用臣等為鼓勵人才起見理合附片陳請

伏乞

聖鑒訓示謹

奏

奏稿四十四

吳

李文忠公奏稿卷四十四

李文忠公奏稿

卷之四十五目錄

- 謝平定朝鮮獎敘摺 光緒八年九月初五日
- 奏留周盛傳片 光緒八年九月初五日
- 歸化稅項撥案撥補摺 光緒八年九月二十九日
- 撥協朝鮮礮彈片 光緒八年九月二十九日
- 議覆張佩綸條陳六事摺 光緒八年十月初五日
- 代朝鮮聘西士片 光緒八年十月初五日
- 奏明答覆朝王三事摺 光緒八年十月十二日
- 查覆馬建忠參案摺 光緒八年十月十二日
- 朝鮮會勘邊界摺 光緒八年十二月初八日
- 奏明朝王咨謝二事片 光緒八年十二月初八日
- 商局接辦電綫摺 光緒八年十二月初八日
- 海防支應請銷摺 光緒八年十二月十七日
- 吳毓蘭政蹟片 光緒八年十二月十七日

李文忠公奏稿卷四十五

全集一之四十五

桐城吳汝綸編錄

謝平定朝鮮獎敘摺

光緒八年九月初五日

奏為恭謝

天恩仰祈

聖鑒事竊臣接准兵部火票遞到光緒八年九月初一日內閣奉上諭此次朝鮮亂軍生變張樹聲先後奏派提督吳長慶等率師東渡並特召李鴻章前赴天津會同查辦旬日之間該國亂黨悉平局勢大定辦理甚為妥速李鴻章創練水師深資得力著交部從優議敘等因欽此當即恭設香案望

闕叩頭謝

恩伏念臣持服去官里廬趁伏屬三韓之告警奉

奏稿四十五

再命以過征道行旌駛抵於北溟而捷報已傳於東海此皆在事

諸臣稟承

廟算憑仗

天威故能扶危定傾有征無戰而微臣來從遠道幸告成功初未戮力於行閒復鮮運籌於幄內迺蒙

溫綸渥被甄敘優加因後效而

錄前勞不忘有開必先之意貪天功以為己力轉益因人成事之

慚再四思維理應籲請

收回成命但恐外閒不察不以為矯情而鎮物即以為怙

寵而遺榮是以未敢固辭上瀆

聖聽惟有勤求訓練慎固邊防學在四鄰守在四鄰勉贊梯航之盛治輔以羣策聯以羣力廣接泝泝之良方以仰答

高厚生成於萬一所有微臣感激下忱謹繕摺恭謝
天恩伏乞

皇太后

皇上聖鑒謹

奏

奏稿四十五

奏留周盛傳片 光緒八年九月初五日

再據新授湖南提督周盛傳者呈籲請
陛見一摺奉

旨著來見欽此該提督以海口防軍需人統率商請派員接替以
便交卸起程等語臣查周盛傳所部淮勇馬步十五營分紮津郡
小站馬廠等處人數眾多地段遼闊操防彈壓關係重要非威望
夙著情形熟悉之員不足以資督率周盛傳新拜
殊恩亟思趨聆

聖訓但現值微臣回津整飭海防之際軍中統將若不得人實恐
貽誤臣左右思維無安人可以替代上月子牙河趙扶村西隄
漫決經該提督親赴工次分調弁勇晝夜搶堵目下決口雖已合
龍而隄身被水淘刷者尚有一百四十餘丈之多亟應及時培補

奏稿四十五

以免贖陷事關要工亦宜責令就近兼顧始終其事可否仰懇

天恩飭令該提督暫緩入都一俟防務稍鬆隄工就緒再行晉京

陛見之處出自

聖裁是否有當理合附片具陳伏乞

聖鑒訓示謹

奏

歸化稅項撥案撥補摺 光緒八年九月二十九日

奏為山西歸化關稅項短絀擬請撥案撥補恭摺仰祈
 聖鑒事竊查山西撫臣張之洞咨稱近因歸化關常年額稅徵收
 短絀飭據歸綏道稟稱因洋商執持津海關三聯單赴歸采買土
 貨稅項均歸津關代徵以致每年短徵至五千餘兩之多前經咨
 請查照英約第二十八款所載擬令各洋商此後赴歸買貨仍在
 首經之歸化關輸交內地半稅以期敷衍額解嗣非查擬以事關
 交涉應由總理衙門核定飭遵現經咨在總理衙門覆稱查洋商
 請領報單赴內地買土貨應完內地半稅原約係在首經之子口
 輸交後以產貨地方未必皆有開卡勢難一律辦理因又增立善
 後條約第七款聲明由第一子口驗貨給照至最後子口先赴出
 口海關報完內地稅項此章行之已久若令於歸化一處專歸首
 經之子口完納未免辦理兩歧惟歸化關稅項因此短絀查光緒
 五年十月間四川總督丁寶楨會同湖廣總督李瀚章奏請將夔
 關短徵額稅按照宜昌江漢兩關每年所收出入川省子口半稅
 銀數准其劃抵經本衙門會同戶部核在案行令會商北洋大
 臣奏明辦理咨請酌核會奏到臣復經飭據津海關道周馥詳稱
 新關徵收子口稅銀向係隨同戶關一年期滿時分晰造報並於
 新關洋稅奏銷案內按三箇月一結聲明子口稅若干錄入各項
 六成洋稅內撥發天津海防支應局練兵月餉從前天津戶關短
 收稅銀經戶部議准由子口稅撥補同治元二三年張家口崇文
 門坐糧廳等關短徵盈餘銀兩亦經戶部議奏將天津海關所收
 子稅酌中撥補但實銀並未解部仍循案支放兵餉又同治四年
 戶部議奏張家口短收稅銀案內稱張家口短收盈餘稅為數甚

奏稿四十五

奏稿四十五

五

鉅津關子稅所收不敷撥補嗣後各關如有短收除本關所徵洋
 商子稅准其照案撥補由部隨時酌核辦理外其餘概不在紛紛
 撥補以免紛歧各等情前來臣查歸化關近因洋商領單采買土
 貨以致稅項短絀自係實情既經總理衙門援引四川夔關核在
 撥補成案自應奏明變通辦理以顧考成擬請自光緒八年四月
 十八日天津戶關開辦期為始每屆一年期滿由津海關道將所收
 洋商采買歸化土貨子口半稅查開清單詳請咨明山西核入歸
 化關奏銷案內辦理惟各處關期不同津關一年期內所收之數
 與歸關一年期內所免之數必有參差礙難照數劃抵應如何酌
 中撥補之處仍應查照同治四年戶部奏在案由部酌核辦理
 至此次議撥歸化關子口稅銀亦應查照津海關應辦撥補成案
 彙入各項六成洋稅內循舊撥發天津海防兵餉無庸解部以
 符向章而濟要需所有擬請撥案撥補歸化關短徵稅項緣由理
 合會同山西巡撫臣張之洞合詞具

奏
 皇太后
 皇上聖鑒敕部議覆施行謹

奏
 皇太后
 皇上聖鑒敕部議覆施行謹

撥協朝鮮礮彈片 光緒八年九月二十九日

再朝鮮六月初九日之變軍伍渙散器械遺失經中國水陸官軍
駛往援護剿捕亂黨局勢大定該國王力圖振作遴選將士講求
洋操陣法業由吳長慶派營中熟習西洋鎗礮之員幫同教演
前遣陪臣趙甯夏等來津謁商自強之策臣告以禦侮乃可保邦
練兵必先簡器往時朝鮮軍械樸陋僅用土鎗斷難制勝現欲覓
購洋鎗炸礮資瘠既苦無資倉猝亦難濟用臣仰體
朝廷字小之仁不能不為設法籌畫開其風氣即所以固我藩籬
因飭撥機器局舊製十二磅開花銅礮十尊配以開花子三千顆
木信三千六百枝門火六千枝礮藥四千五百磅炸藥一千五百
磅又英來福兵鎗一千桿配以細洋藥一萬磅大銅帽一百萬顆
皮帶子袋各千副運送朝鮮俾發練軍之用現據軍械所委員劉
含芳等報稱已分批撥交赴朝鮮各輪船陸續運往由吳長慶轉
交朝鮮國王驗收以助急需除咨照該國王並分咨總理衙門禮
兵各部知照外理合附片具陳伏乞
聖鑒謹
奏

奏稿四十五

六

議覆張佩綸條陳六事摺 光緒八年十月初五日
奏為欽奉
寄諭悉心妥議恭摺陳仰祈
聖鑒事竊臣承在軍機大臣字寄九月十九日奉
上諭張佩綸奏星象主兵請講武以靖藩服一摺據稱朝鮮亂作
於內敵偪於外吳長慶一軍暫留鎮撫始權宜之策非經久之圖
條陳六事請飭籌辦等語朝鮮密邇陪都實為東北屏蔽該國情
形積弱現在變亂甫平鄰邦窺伺自應力為護持以昭字小之義
兼為固圉之謀第其開籌辦機宜措置必須審慎張佩綸所陳理
商政預兵權救日約購師船奉天增兵永興籌備各條著李鴻章
悉心酌度妥議具奏等因欽此仰見
聖慮周詳集思廣益至意欽悚莫名伏查朝鮮積弱不振強宗廟
亂經我

奏稿四十五

七

國家視同內服命將出師擒獲首惡李是應安置保定羣情震懾
於是天下萬國皆知朝鮮為我屬邦大義益明又有吳長慶一軍
暫留鎮撫數月以來水陸將領及朝鮮陪臣自該國來津者詳
加諮訪僉稱朝鮮野晏然人心大定日本留護使館之隊為數無幾
亦與民相安該國王力圖振作
旨籌商善後各務漸有端緒張佩綸所陳六事有已經辦定者有
欲籌而未及辦者謹悉心酌度分條覆陳如左
一理商政

原奏當

簡派大員為朝鮮通商大臣理其外交之政而國治之得失國勢
之安傾亦得隨時奏聞豫謀措置等語查光緒六年十一月駐日

使臣何如璋致書總理衙門內有主持朝鮮外交議一篇以中國能於朝鮮設駐紮辦事大臣凡內地政治外國條約皆由其主持為上策又稱時方多事鞭長莫及此策未能遽行其次則請遣員前往朝鮮代為主持結約當經總理衙門商於臣謂此事若密為維持保護尙覺進退綽如儼然然代謀在朝鮮未必盡聽吾言而各國或將惟我是問他日勢成騎虎深恐彈丸未易脫手原係審時度勢之論該衙門曾於七年正月請

旨派臣勸諭朝鮮與西國通商摺內聲明在案本年春間臣與美國使臣商辦朝鮮約稿奏派道員馬建忠提督丁汝昌前往襄助令朝鮮月具照會聲明該國為中華屬國願寓主持調護之義嗣英德踵往議約朝鮮國王即屬馬建忠轉稟臣處選派熟悉商務公法之員幫同辦理交涉事件該國內亂平後復遣陪臣趙甯夏

奏稿四十五

等來議善後亦諄諄以此相屬臣慮其君臣不諳外交或致措注失宜允俟國王到酌辦頃趙甯夏航海復來接有朝鮮國王咨文一件謹照鈔恭呈

御覽其云代聘賢明練達之士蓋欲臣薦員往助仍隱由該國王調度權可自彼操也若如張佩綸所陳

簡派大員為朝鮮通商大臣理其外交並預其內政職似監國向來

敕使有一定體制通商大臣當與該國王平行辦事分際既難妥洽以後各國與朝鮮交涉事件必惟中國是問竊恐

朝廷與總署不勝其煩矣惟是泰西通例凡屬國政治不得自主故與人結約多由其統轄之國主政即半主之國可自立約亦只能議辦通商而修好無與焉今朝鮮與日本立約已越七年當時

約款竟認朝鮮為自主之國在朝鮮味於公例豈足深責而咨報禮部轉奏並未一加駁斥本年美英德三國訂約始申明中國屬邦字樣日本方噴有煩言各國尙不無疑議將來換約時恐有饒舌儻

欽派大臣駐紮該國理其外交之政必將日本及美英各約畫一辦理殊非易事若不畫一亦非政體此目前之難也朝鮮為東三省屏蔽朝鮮危亡則中國之勢更急乘此無事派大臣往駐以主持通商為名藉與該國政府會商整理一切保朝鮮即以固吾圍亦與泰西屬國之例相符第其國內政治中朝向不過問一旦陰掣其權而風土異宜人才在弱措施張弛未必盡如我意若其陽奉陰違或被他人挑唆生隙

奏稿四十五

九

朝廷又將何以處之此日後之難也臣反覆籌維未敢遽決此策應請

敕下軍機大臣會同總理衙門通盤籌畫定議覆奏至張佩綸請薦曾充專使熟悉洋情者以充其選何如璋上年曾發此議若派專使宜無如該員之熟悉情形矣

一預兵權

原奏亂黨殺大臣並殺日人嗣後當由中國選派教習代購洋鎗為之簡練槍角等語查趙甯夏等八月初面呈該國王請示善後六條內有整軍制一條即求中國為之設法經臣鈔送總理衙門在案嗣趙甯夏等商懇延請教師借給洋鎗炸藥又經臣轉飭吳長慶撥派精熟洋操員弁就近教練並籌撥銅炸藥十尊英來福兵鎗一千桿配齊藥彈分批解送吳長慶轉交該國王驗收應用業於九月二十九日附片奏明在案與張佩綸所擬辦法正同

一救日約

原奏日約莫貪於索費尤莫狡於駐兵聞告貸非洋安知非借中
帑以款東兵應無庸籌借日兵屯紮王城尤多隱患應由吳長慶
密謀節制等語查前據趙甯夏等面稱國無一月之儲欲借債以
救急五月間馬建忠往朝鮮為英德議約即稟聞該國財用窘乏
日本有借銀五十萬之說該君臣恐受挾制未允嗣花房義質又
有代籌開礦扣還償款之議亦力持不可轉瞬設關雇員及一切
創舉經費實無所措該國急而求我自係萬不得已臣仰體
皇上字小之仁未便推諉致受人籠絡轉生貳心因勸諭招商
局員唐廷樞於華商湊股籌借銀五十萬兩議明取息八釐分年
由該國關稅礦利攤還當經據稟分咨總理衙門禮部在案各國
借債本係常事即中國亦屢向洋商認利借銀臣既為朝鮮籌議

奏稿四十五

善後勸令華商借銀並非出自官帑似亦情理所宜況隱杜該國
轉求日本之漸唐廷樞與趙甯夏等已會訂合同章程斷無失信
中止之理今張佩綸疑為借中帑以款東兵殊屬誤會臣前詢趙
甯夏等日本償款該國另有指項茲復與筆談詰問據稱該國向
有贈給釜山日本人之費近因通商停給算得一年日本館所贈
給者可抵分年償款日後商局借項用於何處仍隨時報查所言
尚切實可信謹將十月初二日筆談節略照鈔呈
覽至日約索費五十萬元原訂五年分繳適朝鮮派使赴日本臣
即電商出使大臣黎庶昌勸令朝使向日本外務省商減兵費旋
據黎庶昌九月十六日電報日本不允減款只改為十年分繳是每
年僅繳五萬元朝鮮雖貧尙不至為難此即所以救日約之索
費也日兵進紮王城原約一年為期吳長慶既平內亂本可克期

撤回日兵未撤遵

旨飭吳長慶督軍暫駐實密謀節制之法現日兵駐王城僅二百
餘人決不至有他慮擬俟明年春開再令吳長慶撤回三營仍留
三營俾資翼衛俟日兵一年期滿撤盡慶軍乃酌量抽撤此即所
以救日約之駐兵也

一購師船

原奏陸軍護王都不如水軍護海口應
飭部臣迅撥巨款先造快船兩三艘由北洋選派將領駐守仁川
較為活著等語洵至當不易之論臣於本年八月覆奏添練水師
摺內聲明海防經費各省籌解僅及四分之一請
飭戶部總理衙門再撥的款務足原撥四百萬之數尙未知部臣
如何籌議今擬巡護朝鮮即以固我門戶必須先造快船二隻查

奏稿四十五

總稅務司赫德送呈英廠新式大快船圖說每隻約價銀六十五
萬兩李鳳苞在德國訪查新式價值不相上下昨函詢船政大臣
黎兆棠據稱該廠仿造快船每隻連噸位約需銀四十萬兩雖不
及英德各式之精利迅速而工料價值較減擬請
敕下黎兆棠趕籌定造快船二艘剋期竣工專備北洋派防朝鮮
之用並懇
飭部於海防經費外迅撥有著之款八十萬兩限一年內分批解
交如解不足數在臣檄飭江海關道由現存出使經費項下挪撥
隨時咨明戶部總理衙門知照
一防奉天
原奏朝鮮日益多事邊防亦宜豫籌請飭
盛京將軍抽練旗丁歸宋慶統之與所部常滿萬人以備緩急等

語自唐迄明有事朝鮮皆由遼瀋進兵從無海道濟師之事緣中國自古舟師笨滯越國爭戰鮮獲利者今日東西洋輪船盛興一日千里而朝鮮形勢三面濱海更於水師為宜輪船由煙臺至朝鮮漢江口一日夜可到由津沽亦不過三日若由遼瀋陸路至朝鮮王城須二十餘日往往緩不及事故欲防護朝鮮必以添練兵船為要此時勢之宜變通者然遼防為根本至計朝鮮後路抽練旗丁自屬要圖應請

一爭永興 原奏朝鮮之永興灣嚴寒不冰俄人欲得其地駐船應會同吳大

澂安籌力爭要害等語查朝鮮東北之永興灣形勢險固可作船塢西人嚮嚮稱之上年中俄議約俄人調集兵艦駐海參威英法各國皆疑俄欲攻奪永興而駐津俄國領事今升署公使之章貝每向臣密言俄廷絕無此意本年英美德與朝鮮議約俄使先向總理衙門探詢朝鮮與俄定界通商經朝鮮辨阻迄今尚未再議似其本志非即欲進據永興者永興近接元山通商口岸將來各國貿易互迫俄人亦難獨佔奪至該處距吳大澂駐兵之甯古塔三姓坤春等處千餘里而遙中隔俄境水陸易山川阻阻吳大澂兵力斷難兼營似只可從緩籌議俟朝鮮整頓軍制力能自顧非洋鐵艦快船購練齊備再隨時酌撥分往梭巡以壯聲援

以上六事皆近日籌畫所及但辦理自有次第理合據實由驛

具陳是否有當伏乞 皇太后 皇上聖鑒訓示謹 奏

奏稿四十五

三

代朝鮮聘西士片 光緒八年十月初五日

再朝鮮陪臣趙甯夏等八月初面呈該國王請示善後六條內有
擴商務一條云舉國上下全昧商務關係之何如現今築埠頭建
稅關月期已屆而事變後措辦無方當雇請其人而司其權然後
可不失自主等語頃趙甯夏復齎該國王咨文來津內稱各國換
約在前一切交涉商辦事件茫然不知下手煩請酌量小邦應行
事宜代聘賢明練達之士東來隨事指導臣已於正摺內陳明顛
末並鈔咨呈

覽在案查該國與日本定約通商七年向未設關徵稅將來美德
英各國踵來換約交涉機宜必須得人專助查有前駐津德國領
事穆麟德和平忠實曾在中國海關幾事五年諳練稽徵事宜熟
悉漢文漢語因與該國使臣巴爾德不合辭官就幕屢求津海關

奏稿四十五

道周馥等願為朝鮮效用趙甯夏等來津日久頗相投契茲擬為
朝鮮代聘前往襄助關務由趙甯夏與之妥立合同自當恪遵該
國節制不至掣肘惟須有華員伴往聯絡商辦查有候選中書馬
建常係道員馬建忠之胞兄向曾游學歐洲諳習公法洋情明練
心地耿直前經出使日本大臣黎庶昌調充理事適暫假來津臣
因馬建忠為朝鮮君臣所信服亦薦令同趙甯夏前往隨事襄籌
妥辦可資得力除由臣咨覆朝鮮國王並分咨總理衙門出使日
本大臣知照外理合附片具陳伏乞

聖鑒謹
奏

謹將朝鮮國王來咨照鈔恭呈

御覽
朝鮮國王為咨會事照得小邦締修外交救定內難實賴我
中朝綏靖至恩暨貴大臣經畫遠謨前後襄辦靡不周極欽頌銜
結舉國同情竊小邦向不諳外務而各國換約在前一切交涉商
辦事件茫然不知下手煩請貴大臣酌量小邦應行事宜代聘賢
明練達之士迨茲東來隨事指導俾得藉手曷迷克徵終始之惠
千萬幸甚為此合行移咨請煩照驗施行須至咨者
光緒八年九月初七日發

奏稿四十五

五

奏明答覆朝王三事摺 光緒八年十月十二日

奏為接准朝鮮國王咨文三道酌量答覆恭摺仰祈

聖鑒事竊十月初八日朝鮮派來陪臣副護軍李載德金奭準等

齎呈該國王來咨派往保定省問李是應並懇轉奏乞

恩釋還等情臣飭李載德等馳赴保定並咨署督臣張樹聲飭屬

妥為照料准其省問至所懇轉奏

天陛亟降許還之澤顯與疊奉

諭旨不符臣而屬李載德等嗣後該國王務慎遵前

旨毋庸再行瀆請並於咨覆文內聲明未敢冒昧代

奏以絕覬覦臣又密詢戶起陪臣趙甯夏金允植等僉謂該國王

私情不能不代李是應乞

恩而其國中臣民則頗懼李是應釋還轉生內患也又同日領選

使吏曹參判金允植齎呈該國王咨文二件一因前派生徒在天

津機器製造各局學習先後遺病東還所餘無幾請准撤回另購

小器設局國中自行製造臣查該學徒遠役思歸若強令久留不

能專心更少進益應聽其便將來代購小機器酌派工匠往該國

教導業飭金允植隨時與局員妥商稟辦一係報明吳長慶派員

教習該國兵隊已兩起挑選一千人臣分別酌量咨覆並勸令該

國王及時開器練軍以圖自強仰副

朝廷綏靖滯川至意謹鈔錄朝鮮國王咨文並臣咨覆文各三道

恭呈 御覽除分咨總理衙門禮部知照外理合繕摺具陳伏乞

皇太后

皇上聖鑒謹

奏

奏稿四十五

七

謹照鈔朝鮮國王來咨並臣咨覆文各三道恭呈

御覽

朝鮮國王來咨

為咨請事頃馳專使瀝情陳暴冀蒙本生父

賜還之育瞻望

皇慈日夕泣祝即於使回伏奉

旨諭日月道照霜雪嚴峻越於下益自幾灼顧念本生父七耄

衰邁素抱癱疾天時漸寒風土殊宜萬里孤寄有誰救恤焦迫鬱

喘屏息寢食擬申具情實嗚呼哀幸而恍迫

嚴威不敢徑情茲遣陪臣副護軍李載德前往保定府省問起居

先此咨懇伏乞中堂大人曲諒至情轉奏

天陛特推孝治之政

奏稿四十五

大

亟降許還之澤俾此骨肉聚保永戴

恩造不勝血懇之至為此台行移咨請照驗轉

奏施行須至咨者光緒八年九月初八日到

覆朝鮮國王咨文

為咨覆事陪臣副護軍李載德等齎到貴國王咨稱使回伏奉

旨諭益自震灼顧念本生父七耄衰邁素抱癱疾天時漸寒風土

殊宜萬里孤寄有誰救恤擬申具情實嗚呼哀幸而恍迫

嚴威不敢徑情茲遣李載德前往保定府省問起居先此咨懇轉

奏

天陛亟降許還之澤俾骨肉聚保等因准此查光緒八年八月十

二十六等日疊奉

上諭特沛恩施姑從寬減李是應著免其治罪安道直隸保定府

永遠不准回國仍著直隸總督優給廩餼在其歲時派員省問以

慰該國王思慕之情嗣後不得再行瀆請等因欽此仰見

大皇帝酌法準情仁至義盡薄海臣民莫不同聲欽頌本署大臣

會同署直隸總督部堂張遵即派員將李是應送往保定府城舊

清河道署中妥為安置按日優給糜餼煤米薪菜等項兩月已來

據報李是應在彼起居順適供給無缺雖年已六十有三精神強

健無甚疾病尚屬調護得宜亦可稍慰貴國王之孝思而曲示體

恤矣昨在禮部咨李應沒齋到咨文轉奏一摺十月初三日奉

上諭著傳知該國王仍遵前奉諭旨恪守藩封務以宗社為重嗣

後毋得再行陳請等因欽此業由禮部轉行貴國王欽遵在案茲

准前因當飭令李載德金爽準等馳往保定府省問此原係遵

旨辦理之事至所懇轉奏

奏稿四十五

九

天陛亟降許還之澤顯與疊奉毋得再行瀆請之

諭旨不符本署大臣實未敢冒昧代奏貴國王當念保守宗社振

興國事為重不得復顧一己之私情致礙大局也為此台行咨覆

貴國王查照須至咨者

朝鮮國王來咨

為咨會事照得本年七月初二日領選使吏曹參判金允植奉署

理北洋大臣張札飭隨軍東還緣彼時小邦有亂軍之變該陪臣

倉猝回國生徒學問等事均屬未清現蒙

天朝洪恩亂逆斯平該陪臣理應再赴天津照料學徒習業竊查

學徒等自春以來不服水土選病東還者前後相踵現今所餘無

幾繼自聞變以後各念室家用志不專難望成效似宜從近撤還

另購小器設局於國中使之溫理舊業為製造之基茲復遣領選

使金允植稟商一切事宜撤還學徒煩請貴大臣將此事由轉

奏

天陸特賜

允準不勝幸甚為此合行移咨請照驗轉

奏施行須至咨者光緒八年九月初八日到

覆朝鮮國王咨文

為咨覆事准貴國王咨稱領選使吏曹參判金允植回國後學徒等不服水土遺病東還者相踵現所餘無幾聞變以後各念室家用志不專難望成效似宜撤還另購小器設局國中溫理舊業為製造之基煩請轉奏

天陸特賜

允準等因准此查光緒七年十一月間金允植率領員匠生徒等

奏稿四十五

三

來津學習製器業經本大臣奏明飭赴機器製造兩局查照議定章程認真教導該學徒自春徂秋多因不服水土遺病東歸現已所餘無幾擬准金允植全數帶回以示體恤惟貴國戎備之疏由於器械不利工技無學必須另購小機器設局國中選派妥員嚴勤督率講求製造庶軍中所用洋鎗炸礮等利器可隨時修整添備以期進益本署大臣已飭天津機器製造局滑道王道等與金允植妥商隨宜代為購辦庶盡友誼除恭摺據情代

奏並分咨

欽命總理各國事務衙門外為此合行咨覆貴國王查照辦理須

至咨者

朝鮮國王來咨

為咨會事照得敝邦向來僻居無事戎備積弛現與各國相通港

口多事講究陰雨不容少緩茲值大兵來駐師受有資已飭所司選集民丁咨請吳軍門派員教習准本年九月二十三日吳軍門回咨據稱派慶字軍營務處袁世凱挑選一營五百人名為新建親軍督同王總兵得功認真訓練並續派朱提督先民督同何總兵增珠添選一營五百人以便訓練等因現方課日督習從此敝邦軍制庶有日新之效實賴貴大臣仰體

皇慈勤念藩服之至意實深感佩茲將選兵訓練事由先行咨送請貴大臣查照須至咨者光緒八年九月初八日到

覆朝鮮國王咨文

為咨覆事准貴國王咨稱大兵來駐師受有資已飭所司選集民丁咨請吳軍門派員教習先後挑選一千人認真訓練現方課日督習敝邦軍制庶有日新之效等因准此具見貴國王洞悉時艱

講求戎備以為自強之計欣佩莫名吳軍門久經大敵謀勇兼裕所部將弁多熟諳鎗礮操法戰守得力之員茲既選派督操必能盡心代謀本署大臣仰體

奏稿四十五

三

聖朝慮念藩服至意甚盼貴國軍政日有起色及時整頓保邦禦侮之道胥基諸此為此合行咨覆貴國王查照須至咨者

查覆馬建忠參案摺

光緒八年十月十二日

奏為遵

旨確切查明據實覆陳仰祈

聖鑒事竊臣等承在軍機大臣字寄九月十九日奉

上諭有人奏日本與朝鮮定約如兵費五十萬元及兵駐王城兩

條所關甚大聞道員馬建忠實主其事且言賠償兵費朝鮮無資

可由中國商局代借又恐李鴻章等察出乃屬朝鮮使臣彌縫其

失筆談中謂此約非建忠主謀正其欲蓋彌彰吳長慶亦歸罪該

道謂其擅預日約任性妄為等語此次朝鮮與日本定約究竟馬

建忠曾否預聞其事李鴻章張樹聲確切訪查據實覆奏毋稍

徇隱原片著鈔給閱看等因欽此伏讀原片稱中國方計檢李是

應並誅亂黨何以兵在其刻於該國定約大事轉不預聞該國君

臣當是應見檢倉皇失措之際又何以能從容遣使秘密定盟絕

不關白我軍皆非情理所有等語查朝鮮內亂初起中國派兵援

護臣樹聲於六月二十九日接出使日本大臣黎庶昌電報該外

部來文言朝鮮立約待以自主須據約照辦使館國各自護如派

兵護持恐滋葛藤即經兩達總理衙門旋在七月初一日覆函云

日既不願中國代護使館我軍即專為朝鮮定亂又彼既不願中

國為之保護則逐使一節先可置之不問惟中國為屬邦定亂自

非彼應與問等語當經鈔致吳長慶馬建忠等遵照妥辦是日本

與朝鮮如何議約彼既認朝鮮為自主中國本難過問即使與聞

其事日本必不遵允所在情理之中無足怪者又原片稱馬建忠

聽兩國私款和事先絕無聞見事後復不爭持形同聲等語

查七月十四日日約未議之先朝鮮國王派戶門尚書金炳始副

官金宏集兩次赴馬建忠處訪問日本所索七條該道筆談業將

約款分別可許不可許明晰相告內如兵費與卹銀統算不可過

十萬元又京內屯置大隊萬不可許若該使為保身之計隨帶弁

兵在館亦不宜列入款內經臣等據其節略鈔送總理衙門在案

是事先非絕無聞見但金宏集等為勢所逼未能照馬建忠所言

固無如何至彼既以全權畫押定議而歸事後更無從爭持矣又

原片稱朝鮮之約馬建忠不但預其謀並且主其事其始謂當由

中國償費謝罪繼謂賠償兵費乃中外交涉正辦朝鮮無資可由

商局代借等語查七月初三日我軍未到之先馬建忠在仁川與

日本領事竹添進一議及此事曾歷舉中國演案及西國故事雖

有兵事亦多不認兵費此件筆談經臣樹聲錄送總理衙門在案

迨金炳始等十四日詢商馬建忠初以兵費不可償旋因金宏集

固請則謂與卹銀統算不過十萬元足矣尙屬相時立論至十六

日金宏集在仁川自與花房義質定議後致書馬建忠有賠款太

濫不免為辱命之歸漸憤欲死等語又經臣鴻章鈔送總理衙門

在案此可為馬建忠並未預其謀主其事之鐵據茲檢出七月十

六日亥刻金宏集手書原稿咨送軍機處備核至朝鮮借招商局

之款另作別用臣鴻章已於十月初五日覆陳朝鮮六事摺內詳

確陳明矣又原片稱該道屬朝鮮使臣彌縫其失筆談中謂此約

並非建忠主謀正其欲蓋彌彰等語查七月二十六日臣等傳見

朝鮮大官趙甯夏金宏集詰責賠款之濫金宏集俯首謝罪並稱

馬道在京相距近百里難以從中排解原係實情何須轉騰朝鮮

代為彌縫也又原片稱吳長慶到津亦歸罪該道擅預日約任性

妄為等語查吳長慶八月開來津商籌軍事上等疊次而詢當日

情形實無歸咎馬建忠預日約之說茲奉

寄諭因情節重大特再專諭往朝鮮而臆密詢吳長慶令其據實
登覆頃據吳長慶咨呈該軍於七月十三日進紮王城與馬建忠
商檢李是應十五夜圍剿在尋里利泰院十六日邀同馬建忠訊
辦所獲亂黨其時日兵退至仁川相隔八十餘里何得有干預情
事花房所索五十萬元係朝鮮全權大臣等受其恫喝已允在先
未便因我軍定亂代翻前議致生事端十九日馬建忠起程回津
諭及賠款太多曾貽書花房勸其自行裁減是其未預斯約顯然
易見茲復邀金宏集來營再三細訊據稱當日實因東使恫喝倉
猝徑許馬建忠事後始得聞知毫無干預各等語是吳長慶並無
歸罪馬建忠之處確有明證矣又原片稱前明關白封貢之役因
沈惟敬詭詐百端致起日人悖慢馬建忠為天主教民與沈惟敬

奏稿四十五

五

同一市井無藉恐蹈覆轍等語查明萬歷開沈惟敬給日以致敗
軍價事今馬建忠因未奉有預議日約明文只能從旁勸朝鮮誠
日人以減賠款力所不及心固可原絕非沈惟敬詭詐僨事可比
不該道幼習儒書屢試不售嗣游學泰西兼習法文本非教民亦
非市井本年美英德各國與朝鮮議約實賴其前往贊助聲明中
國屬邦字樣俾大義復昭於天壤此次檢致李是應並籌辦善後
事宜機敏異常才能應變即西人亦敬重之夫洋務人才難得論
人者不免苛求用人者當知護惜臣等何敢空言誣罔致令任事
者裹足寒心哉所有確切訪查各緣由謹合詞繕摺據實覆陳伏

皇太后
皇上聖鑒謹

奏

奏稿四十五

五

朝鮮會勘邊界摺

光緒八年十二月初八日

奏為朝鮮國王咨請派員會勘邊界事宜恭摺具陳請旨飭遵事竊臣前欽遵

諭旨督同津海關道周馥等與朝鮮陪臣魚允中等會議朝鮮水陸通商章程內第五條聲明鳴綠江對岸柵門與義州二處又圖們江對岸琿春與會甯二處聽邊民隨時往來交易仍於開市處設立關卡稽查匪類徵收稅課從前館宇餽廩芻糧迎送等費悉予罷除至邊民錢財罪犯等案由地方官按照定律辦理一切詳細章程應俟北洋大臣與朝鮮國王派員至該處踏勘會商稟請奏定等因經臣奏交總理各國事務衙門會同禮部議覆具奏奉旨依議欽此轉行知照在案旋據魚允中面稟擬告於本邦明春往鳴綠圖們二江一帶察看情形會同該地方官勘商酌行再到

津稟定等語即經臣分咨

盛京吉林將軍奉天府尹暨大僕寺卿吳大澂等各先行就近派員會同朝鮮官體察情形勘商妥議再訂詳細章程原因邊民互市雖經奏准變通而歷來法制禁令有須互相參酌之處非其本省派員勘商恐難擬合宜昨奉十一月十四日

寄諭崇綺松林奏朝鮮貿易宜嚴定限制嗣後有關奉省事宜與該國王如何會商應咨照將軍府尹公同斟酌再行定議飭即妥議會奏等因欽此正與臣處所籌辦法大略相同其摺片內條陳各節業經臣欽遵分別妥議在駁咨請總理衙門禮部會核覆奏矣現據朝鮮國王咨稱擬派副護軍魚允中於明年二月初旬前往義州四月下旬轉往會甯慶源等處踏勘商定望煩飭派官員屆期會勘以便酌行等語謹照鈔該國王來咨一件恭呈

御覽竊維奉吉地方交涉情形及

列朝法制禁令隔省人員地生疏恐其未能洞悉此次與朝鮮定章變通互市實為體恤屬藩禁革積弊起見而嚴杜侵越豫防後患之處亦當熟慮深籌自應由該將軍府尹大臣等揀派廉正明練大員屆期會同朝鮮陪臣魚允中踏勘妥商各就地方情形擬議詳細章程稟由該將軍府尹大臣公同斟酌咨商臣處詳慎覆核定議再行具奏請旨遵辦合無仰懇

飭下盛京吉林將軍奉天府尹督辦甯古塔等處事宜太僕寺卿吳大澂查照妥辦除由臣分咨知照並咨覆朝鮮國王外理合繕摺出驛具陳伏乞

皇太后

皇上聖鑒訓示謹

奏

照鈔朝鮮國王來咨一件恭呈

御覽

朝鮮國王為咨會事照得敝邦義州會甯慶源等處與上國邊界人民互市向來統由官員主持諸多窒礙幸賴貴大臣曲軫流來之弊妥籌經久之圖因時制宜酌予變通定於兩國邊界柵門瑯春與義州會甯慶源等處聽民隨時往來交易將從前慣例概行豁除列入水陸貿易章程第五款內聲明請旨定議遵照辦理在案此莫非貴大臣仰體皇仁永綏藩服至意謹與一國臣庶攬手感頌不任銜結其詳細章程須派員至該處會商酌行茲擬派副護軍魚允中於明年二月初旬前往義州四月下旬轉往會甯慶源等處踏勘商定望煩貴大臣飭派官員屆期會勘以便酌行除定期派員外相應備文

咨明請貴大臣查照酌覆須至咨者
光緒八年十月十七日發十二月初六日到

奏稿四十五

天

奏明朝王咨謝二事片

光緒八年十二月初八日

再臣同日接准朝鮮國王咨文二件一申謝所訂商民水陸貿易章程八條悉屬公允擬俟前頭使行身行奉表叩

謝恭伸感激之私一驗收臣處撥給來福鎗開花礮及藥彈銅帽門火各項現交該國新團勇丁領用由吳長慶指授練習次第整頓期有成效等因謹照鈔該國王來咨恭呈御覽除分咨總理衙門禮部外附片具陳伏乞

奏

聖鑒謹

奏稿四十五

天

照鈔朝鮮國王咨文二件恭呈

御覽

朝鮮國王為咨覆事照得本邦於本年春間咨請於已開口岸互相交易一摺時值貴大臣奉諱回籍未及取辦旋由禮部據分咨

奏蒙 俞允應詳定章程之處著貴衙門妥議至秋閒貴大臣勉膺

諭旨復起視務督海關道臺與問議官魚允中等酌商擬定兩國

商民水陸貿易章程八條覆

奏經總理各國事務衙門會議奉

旨依議仍於九月二十六日魚允中回承准貴大臣咨行並鈔錄

總理各國事務衙門覆

奏摺及兩國商民水陸貿易章程欽遵查照等因准此竊本邦久

列藩封一切典禮均有定制向賴貴大臣代籌已與各國立約通

商而獨 上國與本邦商民尚拘例禁不能共濬利益殊非中外一視之義

所有前此瀆請迺蒙 皇上廣推洪慈亦惟貴大臣亟恢遐圖因時變通務存體恤所訂

章程八條悉屬公允喜出望外並於章程之首聲明中國優待屬

邦不在各與國均霑之列等語俾小邦感奮自強用答我

大朝懷柔之至意此誠數百年來未有之

特典當職謹與一國臣庶北望攢頌擬俟前頭使行奉

表叩

謝恭伸感激之私除先通稱

謝外合行咨覆請貴大臣查照辦理須至咨者

光緒八年十月初七日發

光緒八年十月初七日發

光緒八年十月初七日發

光緒八年十月初七日發

到六日

朝鮮國王為咨覆事照得貴大臣為念做邦軍變以來器械散失練選時急飭撥天津軍械所十二磅銅開花礮十尊英來福兵鎗一千桿配齊炸彈木信門火銅帽洋藥各項運由提督吳軍門派員交付茲遵計開驗收仰惟貴大臣克體

皇朝覆轡之仁而軫屬邦急難之誼攢手感頌曷任銜結現今新

團勇丁率猶吳軍門指授練習次第整頓俾此無兵而有兵無械

而有械用為保邦制治之本思自奮發俟有成效嗣後情形隨當

無隱莫紆遠籌以惠終始為此合行咨覆請照驗施行須至咨者

光緒八年十月初七日發

奏稿四十五

三

商局接辦電綫摺

光緒八年十二月初八日

奏為津滬電報辦有成效擬請招商接辦由滬至浙閩粵各省沿海陸綫以杜外人狡謀而收中國自有之權利恭摺仰祈

聖鑒事竊臣於光緒六年八月奏請由天津陸路循運河至鎮江上海設立陸綫電報籌款熟辦俟辦成後擇公正商董招股集資接辦並設電報學堂教習生徒自行經理是年八月十四日奉

上諭現在籌辦防務南北洋必須消息靈通以期無誤事機該大臣請於陸路山天津至江北鎮江達上海安置電綫係為因時制宜起見即著妥速籌辦並著江蘇山東各督撫飭令地方官一體

照料保護勿任損壞餘均照所議辦理等因欽此仰見朝廷主持要政裨益軍謀之至意欽服莫名當經督飭前津海關道鄭藻如候補道盛宣懷劉含芳等妥議章程與丹國大北電報

奏稿四十五

三

公司商立合同代為購料雇人查勘設綫道路以資熟手指導自七年五月初興工至十月底工竣南北中外消息瞬息可通仍照奏案招商集股自八年起歸商接辦由官督查臣仍籌貼每年沿途弁兵巡費一萬一千兩以示體恤五年後如電資有餘再行截止夏開朝鮮內變急調南北水陸各營實賴電報靈捷其赴機之速為從來所未有即總理衙門與臣等密商出洋各使臣及南省要務莫不旋至立應成效已灼然其見矣十月間英法美德各使請在上海設立萬國電報公司擬添由滬至香港各口海綫英國署使臣格維訥並援同治九年總理衙門已允成案請由英商添設自上海至甯波温州福州廈門汕頭各口海綫其勢幾難禁遏臣與總理衙門往返商惟有利集華商先行接辦由滬至粵沿海各口陸綫以杜外人覬覦之漸而保中國自主之權使

彼族無利可圖或者徘徊中止且沿海各省與京外籌商軍國要

事調兵催餉均得一氣靈通於洋務海防實有裨助而商民之轉

輸貿易者亦藉電報速達利益更廣因飭津滬電報局委員盛宣懷等傳集眾商妥晰會議頃據盛宣懷會同商董候選道鄭官應

候選主事經元善國子監學正銜謝家福副將王榮和等聯銜馳稟擬請自蘇州浙江福建通商各海口以達廣東與現在粵省所辦陸綫相接計將六千里照津滬陸綫成本工費核算約需銀四十餘萬兩沿途分設局棧常年用費亦倍於津滬現有大北公司

海綫直達香港或將來英商再添水綫勢必互相跌價傾擠籌辦實屬不易惟欲收我中國自有之權利必當竭力籌維勸集鉅資次第開辦以盡報效之忱公議章程十條呈請察核並請援案奏明請

奏稿四十五

三

旨敕下蘇浙閩粵各督撫轉行經過地方官一體照料保護等情前來臣查核所議章程尚屬周妥謹照鈔恭呈御覽當此外人窺伺之際必須激厲華商羣策羣力共圖抵制雖浙閩粵各省道里較遠民情不一而同治十三年沈葆楨奏請在閩境興辦電綫速通軍報業奉旨准因循未就署兩廣督臣曾國荃等現因英商議設水綫至省飭粵商興造陸綫以拒敵謀業有成局可知風氣漸開南中官民皆知電報為有益軍國商旅之事況自津達滬二千數百里陸綫成後沿途毫無擾累各省必有風聞擬請敕下江蘇浙江福建廣東各督撫臣轉飭經過各地方官妥為勸諭隨事照料保護勿使稍有阻撓損壞以期事在必成庶免華商裹足外人貽笑而各國添設海綫之謀當漸消阻實於交涉大局

有裨除鈔錄章程分咨總理衙門南洋大臣暨各督撫查照外所有擬案招集華商接辦沿海陸綫緣由是否有當伏乞
皇太后
皇上聖鑒訓示謹
奏

奏稿四十五

五

謹將華商公議接辦蘇浙閩粵陸路電綫章程十條照錄清
單恭呈

御覽

一 道里宜先約計也查自江蘇省蘇州府經浙江之湖州嘉興杭州紹興甯波台州温州等府福建之福甯福州興化泉州漳州等府廣東之潮州惠州二府以達廣東省城廣州府約共五千六百五十里內自温州以達廣州似可按沿海州縣驛站設綫杭嘉湖三府係絲商碼頭必得繞由經過以順商情甯波至温州沿海山路荒僻應繞道嚴州衢州或繞金華處州俟奉奏在即當請派專員督率洋總管分路查看繪圖計里屆時再請咨行查照

奏稿四十五

五

一 經費宜先酌定也查津滬電綫三千計動支經費十八萬兩現計自蘇至粵道里加倍約須費四十萬兩應設分局分棧恐尙不止加倍經費必須寬籌查電局收支款目皆係洋款現擬併連津滬電綫通集華商股本英洋八十萬元即以一萬元為一股由局刊發股票給執惟招股必宜先儘舊商如舊商無力再聽新商人股

一 巡費宜請津貼也津滬巡綫經費每年一萬餘兩係奉批在五年之內由軍餉開支現在浙閩粵三省巡費每年約須湘平銀二萬兩應請奏准由官津貼發局轉給以重巡護而紓商力
一 學生宜請添習也津滬電局管報學生皆由天津學堂隨時撥往擬請現有學生趕緊教習外再招請習英文學生四五十名一體教習約於來年年底即可撥局派用至測量學生前於出洋學生二十名內挑出八名交洋總管教習有效應請再選八名發局教習以備各分局總管報房之選

一查路宜選能員也津滬設綫係分南北兩路派員會同各省文武地方官按電綫所經之地計里分段先將巡兵逐段派定並曉諭民人一體知曉庶設綫到境不致阻礙耽延此次仍應稟請選派能員分赴各省會同地方官查照辦理

一監工宜派大員也查津滬設綫南北兩路均有大員一人監工此次仍應稟請選派大員督率洋匠人等分投辦理並請咨浙閩粵三省各派委員會同照料以免貽誤

一開工宜資熟手也前次南路工程所調銘軍二百名勤捷過於民夫此次開工擬請仍調從前銘軍熟手二百名赴工由局酌發賞項以收事半功倍之效

一巡守宜立勸懲也查津滬電綫沿途設立巡電房責成綠營汛兵看守各汛弁兵由局各給馬乾口糧月分大段梭巡均有專責

此次設綫自應援案咨請督飭巡護遇有貽誤損壞由局隨時稟請核辦

一官報宜仍登記也軍機處總理衙門各督撫將軍出使各國大臣來往洋務軍務電報仍照章列作頭等信費另冊存記按年彙報以抵官貼巡費俟扣畢別無應還官項則前項官報毋庸給資以盡報效之忱其代轉洋商公司電報仍給信資轉發不在扣除之例

一材料宜請免稅也電桿應用木料甚多須各就近處采辦應請援案免納稅釐至於電綫電器進口各口擬在隨時咨請關道給發免單

海防支應請銷捐 光緒八年十二月十七日

奏為查明天津海防支應局光緒七年分收支餉需循照向章按款造冊請銷恭摺仰祈

聖鑒事竊據天津海防支應局司道詳稱津郡海防改設練軍並原設海口礮臺通永鎮大沽協官兵雲字營馬隊應需餉乾等項向在津海關六成洋稅洋藥釐捐東海關協餉長蘆鹽斤復價餉河釐捐各項下隨時籌撥按照定章並直隸練軍營制樽節支放所有光緒六年分收支款目業經奏咨准銷在案查光緒七年分收支款內有天津軍械所管理收發海防水陸各營西洋新式軍械在於津郡西沽原建庫屋收存歲積月累儲積充盈添蓋庫屋原募護勇不敷看守添募護勇二棚小心照料以昭慎重應支口糧查照向章什長二名各月支口糧銀三兩護勇二十名各月支口糧銀二兩均自光緒七年四月初一日奉准添募之日起支又奉戶部議覆通永鎮總兵唐仁廉歲支俸廉等項在照大沽海防章程自光緒七年春季起除例支減成俸廉等銀仍飭司按數發給外其加給三成俸銀四成養廉等銀應飭支應局按季發給於報銷冊內送部核銷等因嗣准藩司覆稱武職各官俸廉司中照章給發六成實銀並非俸薪七成養廉六成今通永鎮俸廉既奉部覆准發十成全銀仍由司核給六成應由支應局統加四成銀兩以符定額即由局查照我發四成俸薪養廉其例馬仍按三成找給自光緒七年春季起支發又大沽廳募海勇改練成營應支餉項另案支發所有原支口分於光緒七年五月底住支其餘支發一切款項悉照奏定章程及歷年海防准銷成案按月核給造具細數清冊詳請奏咨前來臣逐加覆核計自光緒七年正月初

第 107 冊 續修四庫全書 第 34 版反內

一日起連開至年底止共收款銀三十九萬八百八十三兩四錢
七釐六毫一絲六忽一微其支款應歸戶部核銷銀三十四萬四
千二百八十二兩九分八釐一毫九絲九忽四微應歸工部核銷
銀四萬八千二百七十二兩七錢一分六釐九毫七絲八忽二微
其應銷銀三十九萬二千五百五十四兩八錢一分五釐一毫七
絲七忽六微除本案內扣收過平餘銀四百八十二兩七錢二分
七釐一毫六絲九忽七微儘數動支外計不敷銀一千一百八十
八兩六錢八分三毫九絲一忽八微均係隨時籌墊並承辦各員
請領未發之款俟在部再行分別找給歸墊除清冊咨部查照
外所有光緒七年分天津海防收支餉銀造冊請銷緣由謹會同
署直隸督臣張樹聲恭摺具
奏伏乞

奏稿四十五

奏

皇太后
皇上聖鑒敕部核銷謹
奏

吳毓蘭政蹟片 光緒八年十二月十七日

再據天津府紳士三品銜前戶部郎中高學淇翰林院庶吉士王
恩淮分發山東候補知縣辛榮等聯名稟稱原任布政使銜天津
河開兵備道吳毓蘭在任兩年有餘於地方教養諸政靡不盡心
考究百廢具興而於河工水利尤所注意每奉委勘估興修輕騎
減從往返周歷雖隆冬盛暑冰霜烈日之中延訪紳耆悉心諮度
未嘗稍言勞瘁本年三月間因前在軍營積勞傷疾復發值子牙
南運兩河工程同時並舉力疾赴工查勘回津後病勢已深尙於
臥榻辦公心力交瘁遂致不起遠近聞之莫不痛惜職等追思其
善政如修復津郡濠溝俾城廂得資捍衛培築運河隄岸俾河流
永慶安瀾興靜海縣水利則斥鹵變為膏腴復子牙河隄工則津
沱仍歸故道隄修千里商旅得以暢行田闢軍糧漕運羣謀樂利
籌冬春賑撫流民來集獲免帝飢號寒興書院文教多士奮興皆
願執經問字清釐積案窮民免株累之虞嚴辦盜徒閭里息萑苻
之警凡此數端皆彰彰在人耳目輿情愛戴實深查前任天津
道丁壽昌在直隸臬司任內病故曾蒙奏准建立專祠今吳故道
勤政愛民事同一律環懇援案奏請准在天津府城捐建專祠並
開具簡明政蹟事實請
奏前來臣查吳毓蘭樸誠廉慈辦事實心其在天津道任內勤懇
愛民孜孜求治凡所措施皆有益地方之事宜乎民情愛戴沒齒
不忘茲由該紳士等聯名稟請建祠查吳毓蘭曾隨前大學士曾
國藩在揚州勦滅賴文洸捻股相應據情籲懇
天恩准將原任天津道吳毓蘭附祀曾國藩天津專祠由地方官
春秋致祭以彰治行除將該故道政蹟事實分咨查照外附片具

奏稿四十五

奏

陳伏乞
聖鑒訓示謹
奏

李文忠公奏稿卷四十五

奏稿四十五

四十五

李文忠公奏稿

卷之四十六目錄

查覆李鳳苞被參各款摺 光緒九年正月二十日

議結常勝軍舊欠洋債摺 光緒九年正月二十日

瀆懇賞假葬母摺 光緒九年正月二十六日

續造鋼甲快船摺 光緒九年二月初八日

遣撤運軍輪船經費摺 光緒九年二月初八日

旅順籌防費難預估摺 光緒九年二月初八日

海防兵餉分別增裁摺 光緒九年二月初八日

登瀛洲輪船留巡朝鮮摺 光緒九年二月初八日

機器局經費奏報摺 光緒九年二月十六日

准假歸葬謝摺 光緒九年二月十六日

邊防撥餉製造摺 光緒九年二月十六日

法越筆數摺 光緒九年二月十六日

軍機大臣 字寄 光緒九年三月二十日奉到

軍機大臣 密寄 光緒九年三月三十日奉到

軍機大臣 密寄 光緒九年四月十一日奉到

暫駐上海摺 光緒九年四月二十四日

刊刻木質關防摺 光緒九年四月二十四日

請飭潘鼎新幫辦摺 光緒九年四月二十四日

軍機大臣 密寄 光緒九年四月二十七日奉到

覆奏劉銘傳可寄邊防摺 光緒九年五月十二日

定期赴津摺 光緒九年六月初一日

潘鼎新赴湘撫任摺 光緒九年六月初一日

抵津仍回署任摺 光緒九年六月初九日

奏留薛福成片 光緒九年六月初九日

懇辭兼署直督摺 光緒九年六月十四日

展接津通電綫摺 光緒九年六月十四日

山海關截留餘稅片 光緒九年六月十四日

再辭直督摺 光緒九年六月二十一日

營口礮臺營制摺 光緒九年六月二十一日

辦理朝鮮商務章程摺 光緒九年六月二十一日

陳樹棠總辦朝鮮商務片 光緒九年六月二十一日

奏稿四十六目錄

李文忠公奏稿卷四十六

全集一之四十六

查覆李鳳苞被參各款摺

光緒九年正月二十日

奏為遵

旨訪查陳寶瑣陳仰祈

聖鑒事竊臣承准軍機大臣字寄光緒八年十二月十六日奉

上諭有人奏出使德國之李鳳苞係負販小夫略通西語鑽營保

薦出使以來不遵定制私帶武弁並有挾妓出游恣情挑達情事

等語使臣職任關係緊要所參李鳳苞各節是否屬實著李鴻章

訪查明確據實具奏原片著鈔給閱看等因欽此伏查李鳳苞係

江蘇崇明縣人由附生調往上海機器局測繪西洋各國輿圖講

求洋務有年嗣丁日昌督辦船政委赴閩廠總監工旋派學生出

洋習藝又經臣會同福建督撫船政大臣奏委該員管帶前往英

法督率料理光緒元年總理衙門奏保出使人員即有李鳳苞在

內三年郭嵩焘在英法使臣任內奏稱李鳳苞勤慎耐勞堪勝出

使德國等語是李鳳苞以諸生襄辦局務留心經世之學既非出

身微賤負販小夫可比其才堪出使經內外大臣詢事考言秉公

保薦亦非由鑽營而來至原奏所稱裝學外夷不遵定制及挾妓

出游恣情挑達各節臣密詢前在德國學藝之都司王得勝等現

充臣處水師營務處前在德國使館繙譯之知州羅豐祿會稱李

鳳苞謹守禮法德外部兵部海部皆引重之並無夷裝挾妓挑

達等情事又原奏私帶武弁一節臣等前奏派李鳳苞監督出洋

生徒內多水師武弁接任出使後復奏請購辦鐵艦軍火隨時派

弁往從學習所辦皆係要公更非違例私帶竊以華洋相隔雖遠

中西消息易通如果李鳳苞在德有背本辱

命情事各國新聞紙必早傳播中國員弁自外洋回者當其見聞

臣留心訪查均無影響該大臣駐德四年以來書問時通於泰西

各邦船礮機器軍政新法探討入微心精力果一時罕有其匹即

於各國交涉事宜亦能不激不隨洞中肯綮實無貽誤之處原參

各節自由傳聞之說應請無庸置議至原片內稱向例

冊封藩屬必簡文學侍從之臣嗣後遣使當慎選科目中人等語

夫科目人才輩出不盡嫻習於折衝

冊封典禮至隆並無辯論之公事若出使東西洋各國關係綦重

情形迥異所有主客強弱之形勢剛柔操縱之機宜必須歷練稍

深權衡得當庶足維

國體而固邦交似不必專於文學科目中求之致有偏而不舉之

患管窺一得未知有當

高深不所有訪查明確緣由謹繕摺由驛據實覆

奏伏乞

皇太后

皇上聖鑒謹

奏

議結常勝軍舊欠洋債摺 光緒九年正月二十日

奏為查明常勝軍舊欠美商洋行帳目先行籌款議結恭摺仰祈

聖鑒事竊臣於上年十一月間接准總理各國事務衙門函稱美

國洋行及高橋輪船各帳為常勝軍積年未了之事前經兩江督

臣沈葆楨會商斷還而該公使西華未肯照結現任公使楊約翰

復請與臣處商辦令其參贊何天爵赴津面議或就原索之數減

成扣算或就該國存款酌數抵銷屬由臣相機酌辦並鈔案錄寄

到臣旋由何天爵持該使楊約翰函於十二月初五日抵津會晤

開送前案節略前來臣督同津海關道周馥等詳查案冊悉心考

核並與何天爵往復辯論一月有餘幾於唇焦舌敝該參贊堅索

全還不稍減讓查此案延擱已將二十年原辦道員吳煦楊坊久

經物故中證亦多散亡光緒三年沈葆楨允還銀四萬餘兩係憑

己意為定斷以致仍難速了此次若不與設法清結遷延日久積

息愈多勢必更增轉輾且係臣在江蘇巡撫任內之事自應設法

商辦妥協以免葛藤檢查卷內有同治二年九月吳煦與西華第

二次公舉金能亨亨百里二人結算各帳蓋印合同聲明各節尚

為切實因與何天爵再四籌商議將當日中人斷明應還之常勝

軍洋行欠帳先為清算計共應給還本利銀三萬七千六百六十

五兩六錢二分八釐飭由淮軍月餉項下照數通融撥給彙案造

銷至高橋輪船租價賣價各欠帳原中有租價不應還之說而西

華等復集眾證刊印成本歷年曉濟不已沈葆楨亦斷為應還之

款自未便置之不議惟查有廣東賠款餘存一項美國戶存上議

院遞年生息聞已有六十餘萬元該國員紳頗有謂此款應撥還

中國者光緒五年四月曾有天津籌賑局紳董公稟美國前總統

格蘭武批允轉商議院核辦楊約翰何天爵亦言如洋行高橋各
案清結其賠款餘存當即議還臣籌維至再允俟此款歸還日
再行議結高橋船帳以期互相抵制嗣准何天爵照撥允將洋行
欠項一案先行照銷所收本利銀兩取有華洋文印收存卷高橋
船案並允暫緩商辦業於正月十六日起程回京除將此案議辦
詳細情形緘咨總理各國事務衙門查照外所有議結常勝軍洋
行欠帳在於淮軍餉內通融撥還緣由理合恭摺具陳伏乞
皇太后
皇上聖鑒敕部知照謹
奏

奏稿四十六

四

瀕懇賞假葬母摺 光緒九年正月二十六日

奏為 臣母葬期已近瀕懇

天恩

賞假回籍以公大事恭摺仰祈

聖鑒事竊臣於上年十二月十七日瀕陳下情請假營葬一摺欽

奉

上諭披覽所奏情詞懇切良用惻然本應俯如所請寬予假期惟

北洋事務關係緊要李鴻章措置得宜朝廷方資倚畀所有請假

營葬之處俟來年正月開再降諭旨等因欽此仰蒙

訓勉周詳

嘉矜備至既

屢念畿防之要復曲憐臣下之私自愧驚庸渥邀

恩眷跪聆之下感泣難名入春以來靜候

俞旨本不敢以哀痛迫切之情屢瀆

天聽惟時序如流河冰已解屈指啟筵之期不過一月有餘而自

津及皖計程遙遠雖輪船便捷亦須十餘日始抵臣鄉且一切附

棺之需非先事摒擋逐加檢點即禮儀粗具而造次襄事終覺不

備於心記曰孝子將祭慮事不可以不豫一祀事尚從容籌備況

於先人體魄所藏而忍有苟簡疏略之思乎此臣月餘來瞻念松

楸神爽飛越听夕引領以冀

恩詔之至而軍書填委公私交迫於中輒忽忽如有所失也方今

仰賴

聖主威福防務綏平中外交涉事宜未甚喫緊用敢再申前請仰

懇

奏稿四十六

五

天恩

賞假數月俾得趕緊回籍稍遂負土之私感荷

於全實無既極署督臣張樹聲現將假滿並請

飭令迅即來津仍舊兼署通商業務以便微臣剋期就道所有臣

母葬期已近瀆求

賞假緣由理合繕摺陳伏乞

皇太后

皇上聖鑒訓示施行謹

奏

奏稿四十六

六

續造鋼甲快船摺 光緒九年二月初八日

奏為訂造鋼面鐵甲船兩號計期竣工現擬續造穹面鋼甲快船

一隻以備出海輔佐鐵艦之用恭摺具陳仰祈

聖鑒事竊臣於光緒七年四月奏請籌款計造鋼面鐵甲船二號

經戶部議准撥款濟用聲明續造鐵艦二隻俟二三年後各省財

力稍寬再酌度情形奏辦等因奉

旨依議欽此欽遵行知在案臣與出使德國大臣李鳳苞往返電

函商令訪查新式在德國伏耳鏗廠妥訂合同剋期次第開造並

由臣擬第一號鐵艦名曰定遠第二號鐵艦名曰鎮遠檄飭江海

關道分批匯撥價銀前據李鳳苞兩稱定遠於本年正月工竣驗

收約三月開駛來華鎮遠則須本年十月工竣必賴該大臣就

近隨時督催一手經理其原擬續造鐵艦二隻一時既無此巨款

奏稿四十六

七

而中國洋面遼闊計定遠鎮遠兩船到後仍屬不敷分布適總稅

務司赫德覓呈英廠新式加大碰快船圖說每隻索價六十餘萬

兩據稱可禦鐵甲且復鈔奇李鳳苞在洋悉心考較旋准兩稱備

詢各國海部僉謂隨鐵艦出洋之船必須能受風浪能禦敵礮赫

德所擬加大碰快船一遇風浪則礮難取準偶受小礮即船已洞

穿徒欲擊敵而不能防敵擊終不足恃今查英法德所造皆用二

三寸厚鐵甲名曰穹面鋼甲快船可在大洋禦敵交鋒為最新之

式定購一隻連克鹿卜後膛大礮三尊約價三百一十一萬七千馬

克合中國銀約共六十二萬餘兩配用魚雷箭及連珠小礮不在

其內其價與赫德所呈加大碰快船相等而得力更多應否訂購

等語臣思鐵船來華必有精利快船輔佐巡洋或作先鋒或為後

應以厚集其聲勢茲李鳳苞探詢新式穹面鋼甲快船喫水十五

尺八寸實馬力二千八百匹歷水力二千三百噸每點鐘駛行十五海里約合中國五十里其機艙等鋼而約厚三寸半礮臺周圍則有厚十寸之鋼面甲足可與鐵艦相輔而行實為海上戰巡利器當即電屬該大臣照式訂購一隻妥議合同及詳細程式昨據電覆已與伏耳鏗廠定議限四月工竣計光緒十年春夏間可與第二號鎮遠鐵艦先後開駛來華所需船礮價銀分期陸續匯付擬於北洋海防經費存項及招商局按年撥還官本內酌量勻湊如有不足容臣再行請

旨飭撥接濟庶水師之規模漸擴藉可禦外侮而壯聲威至臣前奏請船政定造快船二隻專為巡護朝鮮口岸之用業經戶部議覆指撥各省關銀八十萬兩並查明出使經費項下現存若干酌提挪用臣已札行江海關道查議具覆應俟覆到再行核辦惟前

據船政大臣黎兆棠函稱南洋屬造快船五號處擬造快船二號必先籌款開拓廠地添設機鑪廣集工料否則緩不濟急約計拓廠添機既需歲月即此七船分起訂製亦非八九年不能蒞功況黎兆棠現已假歸尤慮無人督籌難以剋期集事查船政所造快船式樣不及穹面鋼甲之精堅將來或就部撥各款在洋廠續製抑仍在船政訂造之處並由臣隨時察酌情形續行奏辦合併聲明所有籌購穹面鋼甲快船以備輔佐鐵艦各緣由謹繕摺由

驛具陳伏乞
皇太后
皇上聖鑒訓示謹
奏

光緒九年二月初八日

遣撤運軍輪船經費片
再據天津海防支應局詳稱奉准兵部咨遣撤運軍用過輪船經費飭令趕緊造報等因遵查光緒七年五月十四日奉
上諭鮑超所部步隊二十一營馬隊六營駐紮樂亭現在防務稍鬆裁撤步隊十一營馬隊二營派員分起管帶回籍仍由輪船行走所需經費籌款應付又奉閏七月十四日
上諭鮑超所部留防馬步十四營全行裁撤仍由輪船裝運赴鄂各等因欽此經臣欽遵

諭旨行飭招商局先後派撥海定海晏懷遠利運永清鎮東日新興盛等船將奉撤運軍步隊二十一營馬隊六營官弁勇丁一萬七千三百三十八員分批裝送每名水腳按五兩核計共合銀八萬六千六百九十兩由天津支應局於海防經費項下照數

給領詳報在案查輪船載兵水腳向無例案可循同治四年天津洋鎗隊由海道飛援山東煙臺專雇美商輪船裝運計每官兵一名合水腳銀七兩一錢五分經前通商大臣崇厚奏奉准銷有案此次招商局輪船裝運撤運軍官弁勇丁自無甯縣之洋河口登船渡海入江赴漢口卸載路程何啻五六倍之多每名僅合銀五兩雖值商局生意減淡輪船回空就便亦實由該局紳商情殷報效是以格外減省不特他省情形不同未便比較即北洋亦難援為常例嗣後如再用輪船裝兵浮海仍應察酌時勢情形與該局妥議定價核實請領等情請奏前來臣覆核無異除飭將所發水腳銀兩彙案造銷外理合附片具陳伏乞

聖鑒謹
奏

旅順籌防費難預估片 光緒九年二月初八日

再據天津海防支應局詳稱現奉戶部議奏軍需報銷章程內請
 飭南北洋大臣總計常年經費若干如有添購經費不能限以
 定數亦當立有範圍事前奏明報部立案事後方准核銷等因查
 海防與尋常防務不同海防各事情形又各不相同北洋現辦防
 務以旅順工程最為繁鉅旅順島在奉天金州海口距山東登州
 煙臺對岸二百餘里洋面至此一束東接太平洋西扼渤海咽喉
 為奉直兩省第一重門戶即為北洋最要關鍵北洋創練水師兵
 船漸增指日鐵艦來華更應擇定要隘以為停泊歸宿之處庶出
 可截敵船退可扼險自守旅順口有黃金雞冠等山為之屏蔽
 內有東西兩澳四山圍拱沙水橫互形勢天然惟外口淺狹內澳
 淤平必須挖濬淺灘展寬口門方能多泊兵船必須建大船塢方
 能修理鐵艦快船必須添造庫廠儲備一切方能接濟水陸糧餉
 軍火尤必須分築礮臺控制洋面護衛鴨澳使舟師與陸師相為
 依輔其餘應辦各工指不勝屈據洋員之精於兵事者僉稱西國
 遇有此等天險可為水師窟穴必以全力注之所謂費恆至數百萬
 即數千萬金亦所不惜北洋歲收經費有限除去購船養船置器
 習藝等費所餘無幾祇可就現有財力逐段竭蹶經營前派洋員
 漢納根協同局員創建該口黃金山頂礮臺一座仿照德國新式
 堅大玲瓏實為各路礮臺未有之式現甫就竣計用銀十二萬餘
 兩又築壩開井修路建屋等工截至光緒八年年底止用銀四萬
 餘兩尚未完竣其餘各工正在次第籌畫與辦誠以旅順工程關
 係最重經始甚難開山濬海工大費鉅購料運器於西洋派員雇
 夫於直省與內地工程做法迥異既不敢函莽剋期求速亦不便

預先約略虛估祇就北洋現收經費陸續勻撥並未請另撥鉅款
 其有工作可借勇力者藉以節省總期較洋人用費力求樽節然
 斷不能限以定數詳請奏咨立案前來查光緒七年十月內臣於
 驗收快砲船巡洋之便曾將旅順口籌防緣由奏明至建築黃金
 山礮臺亦由支應局於光緒六年北洋經費報銷案內開報各在
 案旅順籌防實為北洋必不可緩之工經臣飭派候補道袁保齡
 駐工督率擬將挑挖澳身疏濬海口建築船塢蓋造庫房添建礮
 臺各工逐漸舉辦此即其大概範圍也該處工程仿照西法多與
 洋人交涉絕無例案可循洵難預為估定致有窒礙應由臣督飭
 承辦各員隨時隨事核實勘辦不准絲毫浮冒除俟水師規模粗
 具飭將動用各款彙案詳細據實冊報外理合附片陳明伏乞
 聖鑒敕部知照謹

奏

奏稿四十六

十一

海防兵餉分別增裁摺 光緒九年二月初八日

奏為天津海防大沽北塘新城兵餉酌量分別增裁照章陳明立案仰祈

聖鑒事竊准戶部奏咨外省軍需善後報銷章程內開凡從前未經奏明兵勇數目營制員弁薪水口糧等項仍照前章統限三箇月奏明報部以後增裁勇數餉數隨時奏咨立案不准於奏銷後補報亦不得隨冊聲明等因查天津海防支應局自同治二年起至光緒七年止歷年用款均經造冊奏銷屆准銷之成案即將來報銷之根據惟光緒八年正月因大沽海口等處礮臺為北洋緊要門戶關係至重原派守臺兵丁不敷分布其月餉數目較之直隸練軍章程亦有短少未免偏枯非酌量加兵加餉不足以臻嚴密而期飽騰經臣飭將大沽協抽練洋鎗隊兵丁七百名遣歸

奏稿四十六

三

原營合之該處原有兵丁一千一百名計共一千八百名並添募伙夫一百八十名每月酌加餉銀共二千二十四兩有奇又北塘海口礮臺原有官兵二百五員名加撥兵丁二十名添併駐紮每月酌加餉銀一百五十七兩有奇又新城礮臺原有官兵三百三十三名加撥天津鎮標官兵一百七十七名計共五百名每月酌加餉銀六百八十四兩有奇核與練軍餉章不甚懸殊而海口防務可期周密其大沽北塘新城三處官兵原領月餉底餉業經歷年報部准銷有案此次月加餉銀二千八百六十六兩有奇該局入不敷出自應酌量裁減挹彼注茲查有駐紮津郡後路之雲字馬隊右營防務較鬆飭即妥為裁撤每月節省餉銀一千七百二十二兩有奇又遣回大沽洋鎗隊兵七百名月省員弁薪水銀七百三十四兩又省兵丁原領衣帽月攤銀一百四十五兩統共

每月節省銀二千六百餘兩以減抵增所短無幾尙可設法勻支茲據海防支應局司道查明此項加發停發各餉係隨時增裁之款遵照部章詳請奏咨立案前來臣覆查無異除飭將支發細數起止日期彙案造報並咨戶兵二部外理合繕摺具陳伏乞

皇太后
皇上聖鑒敕部知照謹

奏稿四十六

三

登瀛洲輪船留巡朝鮮片 光緒九年二月初八日

再准兩江督臣左宗棠咨稱奏飭澄慶登瀛洲兩兵船駛回南洋以期兼顧奉

旨著該督咨照李鴻章將兵船兩號調回南洋備用欽此自應欽遵辦理惟查上年朝鮮內亂遵

旨酌派水陸各軍迅赴事機經臣樹聲奏派廣東水師提督吳長慶督帶六營東渡並咨調南洋登瀛洲澄慶威靖兵輪三號聽候

差遣嗣因該國內亂已平防務稍鬆威靖澄慶兩船業於上年冬閒先後飭令駛回南洋吳長慶一軍遠駐朝鮮王城彈壓教練其

後路轉運糧械接遞文報必須專派兵船往來策應方期便捷且日本兵船尚駐朝鮮海口中國既有陸軍在彼駐紮關係尤重不

可無兵輪相為依輔北洋現有各船內除鎮東等蚊船專備守口

奏稿四十六

西

不能遠涉重洋又鎮海泰安涓雲三船分駐天津煙臺營口該處

皆係通商要口各僅有兵船一號巡防保護均關重要未便遠離

又超勇揚威快船兩號威遠兵船一號北洋創練水師甫有端緒

所購德國第一號鐵甲船不日來華亟須預為籌備經臣飭令招

募水勇選派出洋回華學生前赴各船交水師統領丁汝昌督率

訓練以備鐵艦到後分配操巡並延英國水師副將琅威理幫同

丁汝昌將應辦事宜隨時查察會商稟辦並令帶領威遠超勇揚

威操江等船逐日在旅順煙臺一帶洋面嚴勤操練以期熟習風

濤沙綫漸成助旅只可為朝鮮陸軍遙助聲勢未便專駐一處致

有偏廢此外實無他船可派查上年冬閒臣咨商福建船政局飭

撤小回防仍留三營俟日兵一年期滿撤盡再議內渡所有前調南洋兵輪三號已飭兩號駛回僅暫留登瀛洲一號校巡朝鮮海口應俟海鏡到防吳長慶所部撤留定局後運務稍簡即飭登瀛洲駛回南洋備用除咨覆左宗棠查照外謹會同署直隸督臣張樹聲附片具陳伏乞

奏

聖鑒訓示謹

奏稿四十六

五

機器局經費奏報摺 光緒九年二月十六日

奏為天津機器局光緒六七年分動用經費各款循案開單奏報恭摺仰祈

聖鑒事竊查天津機器局經費奏明動撥津海東海兩關四成洋稅作正開銷截至光緒五年分止業經督飭局員將支銷款目查照歷屆成案開列簡明清單具奏並經總理各國事務衙門奏准津滬兩局每年成造鎗廠及各項經費除照章開單報部外仍令詳細知照該衙門一次以資考證等因咨行遵照在案臣查津局仿造西洋軍火供給海防水陸諸軍兼備各省咨領近年四成洋稅收數短絀支用不敷益以部撥邊防之餉俾資成造該局程課本嚴於勒名考成諸法日臻精密講求新式軍火參用中西物料變通斟酌總以節經費利工作為主俾帑項不致虛糜茲據承辦

局務津海關道周馥候補道許其光潘駿德等詳稱光緒六七年開辦機器暨朝鮮國均飭派弁兵來局學習分建習藝廠朝鮮館兩處局內添造淋硝新廠及本樣銅皮等庫三座電學房一所員匠住房五十餘間仿造西洋康邦濕機所省煤斤甚鉅添備神機營用器及各廠新器百數十具又成仙航小機船一號此外各營各船需用礮架等件隨時照造無誤其常年製成軍火計光緒六年分製成各項洋火藥六十四萬五千三百五十五磅銅帽二千五百二十七萬顆林明敦後門鎗子一百八十八萬七千顆格林礮子一百六萬五千顆毛瑟後門鎗子二十七萬三千四百顆前膛開花礮彈大小三萬五千四百三十筒後膛來福鎗鉛及銅箍大礮彈七千八百七十筒鐵羣子八百六十筒各式銅紙拉火十六萬二千三百十枝大小沈碰水雷及雷座電箱等三百五十二件光

緒七年分製成各項洋火藥一百三萬九千八百三十磅銅帽三千七十五萬顆林明敦後門鎗子四十二萬二千顆毛瑟後門鎗子三百五十一萬六千四百顆前膛開花礮彈二萬一千六百八十筒後膛來福鎗大礮彈五千七百九十二筒鐵羣子七千筒大小沈碰水雷及雷騰電箱等二百九十九件又兩年以來製煉

鎗水礮捲銅皮約成七十五萬餘磅雜成器目約五萬三千餘件動用經費上屆報銷案內原存銀二千一百一兩三錢三分二釐九毫三絲四忽存料約值銀十六萬一千餘兩光緒六七年分共領海關四成洋稅銀四十五萬三千九百九十九兩三錢二分四釐五毫又收北洋海防經費部撥邊防專餉各省劃還軍火價銀二十一萬七千六百六十八兩三錢二分四毫共支用銀六十四萬三千七百五十七兩六錢五釐二毫七絲七忽仍存銀三萬十

一兩三錢七分二釐五毫五絲七忽存料約值銀二十萬二千餘兩以上兩年用項委因成造日艱兼支應電機水雷局行營製造局挖河小輪等船動撥較繁又六年分因俄事緊急山海關煙臺營口等處大軍雲集征調頻仍東三省察哈爾庫倫等處支撥軍火孔殷節經增購礮器添造廠座加製火藥各項以備不虞雖視前兩屆用款增多實係節慎支用涓滴歸公並無絲毫濫惟製造向宗西法料件半出外洋均無例價可循遵照戶部奏定新章八年十二月以前向開單者仍准開單懇請援案具奏等情臣查光緒六七年分係升任津海關道鄭藻如原任天津道吳毓蘭與道員許其光潘駿德等會商妥辦核其兩年軍火成件數目繁鉅或已撥水陸諸軍或分儲局所各庫均能兼顧邊海兩防有裨大局至考核機器局用款戶部奏稱雖不能限以定數亦當立有範

閣正與臣督飭局員日省月試之法相同據詳各節臣覆加查核並無浮冒該道等督率有方洵屬功歸實濟相應按照向章繕具簡明清單恭呈

御覽合無仰懇

天恩敕部查照成案准銷除分咨戶兵工各部暨各總理各國事務衙門備查並飭將八年以後用款趕緊接續據實開報外所有天津機器局光緒六七年分動用經費據實開單緣由理合恭摺具陳伏乞

皇太后

皇上聖鑒訓示謹

奏

奏稿四十六

六

准假歸葬謝摺 光緒九年二月十六日

奏為恭謝

天恩並陳交卸起程日期仰祈

聖鑒事竊臣於正月二十六日奏請

賞假回籍營葬一摺欽奉

上諭覽奏情詞迫切出於至誠不得不俯如所請李鴻章著賞假

兩箇月回籍營葬辦理北洋通商事務大臣著張樹聲暫行署理

等因欽此跪誦之下感激涕零臣自去秋奉

命北來回禮從公耿耿此心如摠重營抵津數月於一切中外交

涉機宜水陸操防事件不過隨時指注未能大有設施此者一再

陳情干瀆

聖聽徒以先人體魄未有所歸而燕雀啁噓之音遂不自知其煩

數人情疾痛則呼父怨慕則號

天特

君父之慈愛但求可以徑送其情而不復有所忌諱也幸蒙

聖主俯鑒愚誠給假回籍俾得躬親引紼妥奠佳城不獨微臣慎

終之私情可以自致即鮮民變禮之隱痛亦藉以稍紓感荷

矜全生世世茲著張樹聲已於二月十一日行抵天津臣

即飭派員弁於十七日齎送

欽差大臣關防通商文卷移交張樹聲接受任事並將洋務海防

重要事宜再三熟商詳細告知以便妥為接辦臣一面料理行裝

擬於二十一日起程仍趁輪船航海溯江駛回皖籍所有微臣叩

謝

天恩並陳交卸起程日期理合恭摺具奏伏乞

皇太后
皇上聖鑒謹
奏

邊防撥餉製造片

光緒九年二月十六日

再臣於光緒六年九月議擬軍需用軍火案內請
敕部在西北邊防內月給津局銀一萬兩俾資造辦奉
旨著照所請戶部知道欽此欽遵在案七年冬開選軍裁撤省經
戶部覆准該局尚須供支庫倫察哈爾熱河等處軍火用項浩繁
仍照原案給領以濟要需復准戶部咨稱此項收支用款係該局
專案請領之款勿得歸併海防機器局案內牽涉開報等因節經
飭行遵照茲據該局詳稱職局常年經費本指津東兩關四成洋
稅比年製造加多稅收欠旺人不敷支時形掣肘又值邊營及西
北各軍同時徵調指撥軍火浩繁用款更鉅始蒙奏撥邊餉撥濟
嗣經軍撤後非洋添練水師添製各項新式軍火需費愈多實賴
邊防月款藉資挹注在戶部飭令專案造餉原為各歸各款慎重

奏稿四十六

平

帑項起見但局中領到部餉均歸津海關庫收存按月給領往往
洋稅與部款相開撥發其支用各款無非製造要需未便一事而
劃分兩概蓋同此廠工同此物料不過用款多則出活多並非以
稅餉來源有別另作收支礙難以軍需造撥大宗強分簿籍現屆
光緒六七年分領過部餉十五萬兩新收項下彙列入單開除項
下一律造銷皆係實在情形非敢有意歸併牽涉致滋轉轉也嘗
之食者多而添米合炊汲者多而導泉諸舉既食既汲之後再欲
分晰泉米勢有不能惟是增領部餉之後添購機器加造軍火滿
夜趨工無致貽誤水陸各軍領用藥料雷彈等項多於前年數倍
局存軍火物料成數具在實銷毫無捏飾若將部款片
案開報必致遷就挪移核實之道擬仍彙單據實造報願請
附奏前來臣查該局月請部撥銀一萬兩原以四成洋稅不敷藉

資接濟乃能多備軍實弗誤要需且北洋辦理海防亦邊防中之一事添練水師事體重大用物繁多僅請動支邊防月餉一萬兩竭蹶應本無畛域可分若必專案片報勢難逐事逐物強為區別據詳各節確係實情理合附片具陳仰懇
天恩飭部仍照案按月撥給以裨軍儲曷勝感禱謹
奏

奏稿四十六

五

法越條約片 光緒九年二月十六日

再上年十月間准總理各國事務衙門函稱法國使臣寶海商辦越南交涉之事將過津與臣晤談旋據該使臣到津會商擬具越南分界通商三條屬為轉寄總理衙門核酌經該衙門覆以應辦事宜總以異日兩國各派大員會議為定並應由越南國王遣派大員隨同交商嗣寶海抵上海復接該國外部回電內稱來議似可准行擬於今春請派員會議臣以此事若果會議必須有越南官員在旁以備商詢因思招商輪船局道員唐廷庚在越運糧與該國君臣素頗熟識即電屬署兩廣督臣曾國荃轉飭唐廷庚商同越南派明幹大官一二人於春間航海來華備問當經函達總理衙門在案二月初九日准曾國荃函稱已派唐廷庚及鹽大使馬復貴護送越南陪臣范慎通阮述附輪船來津據唐廷庚等面稟該陪臣沿途積受風寒染患時證未能進見並轉呈越南國王咨文密函前來臣飭津海關道周馥為之妥備館舍廩餼撥醫調治今該陪臣等病甫就愈臣即同署督臣張樹聲傳詢一切目下疊接上海電報法國外部易人頓前議並有將該使寶海撤任回國之信是會議越事無期而越員既經來津亦可藉以查詢該國情實臣已密商張樹聲隨時相機因應並將越南國王咨函鈔送總理衙門查核外理合附片具陳伏乞
聖鑒謹
奏

奏稿四十六

五

軍機大臣 字寄 光緒九年三月二十日奉到

前大學士署辦理北洋通商事務大臣一等肅毅伯李 光緒九年三月十五日奉

上諭前因李鴻章奏請回籍葬親當經賞假兩月現在北洋事務緊要李鴻章營葬事畢著不必拘定假滿即回署任該大臣忠體國定能仰副朝廷倚任之意不至稍涉稽遲也將此由五百里諭令知之欽此遵旨寄信前來

奏稿四十六

請

軍機大臣 密寄 光緒九年三月三十日奉到

前大學士署辦理北洋通商事務大臣一等肅毅伯李 光緒九年三月二十五日奉

上諭前有旨諭令李鴻章即回北洋大臣署任現聞法人在越勢更披猖越南孱弱之邦盤食不已難以圖存該國列在藩封不能不為保護且滇粵各省壤地相接備藩籬一撤後患何可勝言疊經諭令曾國荃等妥籌備禦惟此事操縱緩急必須相機因應亟須有威望素著通達事變之大臣前往籌辦乃可振軍威而顧大局三省防軍進止亦得有所稟承著派李鴻章迅速前往廣東督辦越南事宜所有廣東廣西雲南防軍均歸節制應調何路兵勇前往著該大臣妥籌具奏金革毋避古有明訓李鴻章公忠體國定能仰副朝廷倚任之重星馳前往相度機宜妥為籌辦著將起程日期及籌辦情形迅即奏聞以紓廑系將此由六百里密諭知之欽此遵旨寄信前來

奏稿四十六

請

軍機大臣 密寄 光緒九年四月十一日奉到

前大學士署辦理北洋通商事務大臣一等肅毅伯李 光緒九年四月初七日奉

上諭李鴻章奏豫籌越南邊防事宜各摺片前因越南情形緊迫諭令李鴻章前往廣東籌辦茲據陳奏各情所籌亦甚周密事機且夕變遷惟在隨時權衡辦理該大臣現由金陵前赴上海即著暫在上海駐紮統籌全局將兵事餉事豫為布置審度機宜再定進止著將籌辦情形隨時奏聞其緊要事件並著由電信寄知總理各國事務衙門轉奏以期迅速原摺片留中將此由六百里密諭知之欽此遵旨寄信前來

奏稿四十六

天

暫駐上海摺 光緒九年四月二十四日

奏為微臣行抵上海遵

旨暫行駐紮恭摺具報仰祈

聖鑒事竊臣欽奉四月初七日

寄諭事機且夕變遷惟在隨時權衡辦理該大臣現由金陵前赴

上海即著暫在上海駐紮統籌全局將兵事餉事豫為布置審度

機宜再定進止著將籌辦情形隨時奏聞其緊要事件並著由電

信寄知總理各國事務衙門轉奏以期迅速等因欽此遵已由籍

起程過江甯停駐三日與左宗棠籌商兵事餉事尚未就緒臣即

乘輪船東下於四月二十二日抵上海暫行駐紮容臣審察機宜

統籌全局穩慎辦理再隨時詳晰奏

聞其有緊要事件即由電信寄達總理衙門轉奏以期迅速所有

行抵上海駐紮緣由理合繕摺交輪船寄津發驛轉遞伏乞

皇太后

皇上聖鑒謹

奏

奏稿四十六

毛

刊刻木質關防片 光緒九年四月二十四日

再臣抵滬後籌商兵餉與中外及各省交涉事件煩多所有奏報並咨行文願未便仍借地方官印信已刊刻木質關防以便鈐用其文曰前大學士署北洋通商大臣行營關防即日開用理合附片陳明伏乞

聖鑒謹奏

奏稿四十六

天

請飭潘鼎新營辦片 光緒九年四月二十四日

再臣此次由原籍假期內倉猝應

召出山承辦重大事務凡積年所經營布置水陸船械兵勇及從事得力之文武員弁皆在直隸天津等處一旦舍而圖南隻身旁皇茫無措手除隨時電商署直隸督臣張樹聲擇要分別調取仍不得不兼顧畿防大局力小任重深愧竭蹶無能適有前雲南撫臣潘鼎新在籍養病途次函約商即令隨同來滬贊畫機宜該前撫隨臣歷勦粵捻各匪馳驅前敵勦勞卓著智深勇沈忠誠耿耿實為文員中不可多得之才於洋務控馭方略亦能操縱得宜合無仰懇

聖恩飭令該前撫幫同籌辦一切俾收集思廣益之助其餘應行酌調員弁容再續陳伏祈

聖鑒訓示謹奏

奏稿四十六

九

軍機大臣 密寄 光緒九年四月二十七日奉到

前大學士署辦理北洋通商事務大臣一等肅毅伯李鴻章奏 光緒九年四月十八日奉

上諭前據李鴻章奏豫籌越南邊防事宜擬赴上海暫駐當諭令統籌全局將兵餉事豫為布置並將籌辦情形隨時奏聞法越交涉一事現無定局必須在我者兵力足恃辦理較為有益刻下滇粵防營兵力甚單自應添撥勁旅以資備禦提督劉銘傳係李鴻章舊部宿將聲望夙著如令其調募數營統帶前赴粵西作為後路援軍於事能否有濟著李鴻章悉心酌度據實覆陳並即遵前旨統籌全局迅速具奏將此由五百里密諭知之欽此遵旨寄信前來

奏稿四十六

手

再奉四月十八日 密奏劉銘傳可寄邊防片 光緒九年五月十二日

密諭提督劉銘傳係李鴻章舊部宿將聲望夙著如令其調募數營統帶前赴粵西作為後路援軍於事能否有濟著李鴻章悉心酌度據實覆陳等因欽此竊查劉銘傳智勇幹度越諸將從前勦辦粵捻各逆戰功最著平日究心史事時務見幾敏決才識過人若令獨當一面寄以邊防重任於操縱控馭機宜必能措置裕如其威望亦可使遠人懾服現紮津郡之劉盛休分防江陰吳淞之唐定奎吳宏洛各營皆係該提督募練而成久經大敵素稱勁旅兵將一心尤易踴躍用命臣奉

旨後即函招該提督來滬面商能否酌調舊部統帶赴粵該提督感激

奏稿四十六

手

恩知亟思及時圖報惟以舊患目疾現值肝陽上衝目蒙愈甚若冒暑遠役誠恐辦事掣肘病更加劇而於事仍無所裨助昨已回籍就醫嗣後如蒙

聖恩賜策之處應請

飭下安徽撫臣就近轉行遵照理合附片據實覆陳伏乞

聖鑒謹

奏

定期赴津州 光緒九年六月初一日

奏為遵

旨定期起程赴津恭摺仰祈

聖鑒事竊臣承准軍機大臣密寄五月十六日奉

上諭李鴻章著仍遵前旨即回北洋大臣署任籌備一切脫利古

現在上海作何動靜李鴻章如定期北來須知照該使如有面議

之事俟其到津再行商辦以示羈縻勿絕之意等因欽此五月十

七日奉

上諭現在北洋防務緊要著該大臣仍遵十六日諭旨迅即赴津

籌備一切事宜勿稍延緩等因欽此法使脫利古於五月二十六

七日來晤辯論各節已電達總理衙門察核其面遞擬辦越事節

略內稱法兵在北圻所為之事中國約明毫無阻撓並不顯然或

暗中干預越南之事且不稍侵甲戌條約後已有之情節事定後

中國允開雲南通商口岸法國約明不犯中國邊境並願備照會

切實聲明法國毫無侵佔越南土地之意等語若照該使所擬辦

法是將越南屬國名分概行抹煞臣與駁辯再四該使始允將並

不顯然或暗中干預越事一語刪去甲戌法越約內認越為自主

之國並無統屬最為悖謬中國未便顯認此約該使又允將條約

二字刪去謂須電請該國示遵臣亦答以必須請

國家示遵看來此事一時似難議有就緒臣自應欽遵

諭旨迅赴天津籌備一切擬於六月初二日附搭輪船北上昨詢

脫利古是否赴津該使謂奉外部電信令其在滬與臣會商未便

他往該使性情狡戾若臣在此專候商辦轉啟其居奇要挾之心

自不可稍涉遷就如其隨後來津就商亦勿稍拒絕以仰副

朝廷羈縻勿絕之意所有定期起程赴津緣由謹繕摺由驛馳陳

伏乞

皇太后

皇上聖鑒訓示謹

奏

奏稿四十六

潘鼎新赴湘撫任片 光緒九年六月初一日

再臣欽奉五月初二日

寄諭著傳知潘鼎新隨同北來聽候諭旨等因欽此潘鼎新正在料理東裝豫備隨臣北上旋奉署理湖南巡撫之

命該署撫臣感激

恩知亟思入覲

闕廷跪聆

聖訓惟

明旨飭令即赴署任未便稍事稽留若守候部文行知到滬尚需

時日既無經手未完事件自應催令趕緊赴湘以副

聖主驅策之至意除由該署撫臣自行奏報起程外理合附片陳

明伏乞

聖鑒謹

奏

奏稿四十六

謹

抵津仍回署任摺 光緒九年六月初九日

奏為微臣行抵天津遵

旨仍回署任恭摺叩謝

天恩仰祈

聖鑒事竊臣欽奉疊次

寄諭飭回北洋大臣署任籌備一切當將由滬起程日期由驛

奏報在案即於六月初二日乘坐招商局海晏輪船航海上順

赴煙臺旅順口威海衛等處察看防務及礮臺工程初六日駛抵

天津初八日准暫署北洋通商大臣張樹聲將

欽差大臣關防文卷等項派員齎送前來臣當即恭設香案望

闕叩頭謝

恩祇領任事臣此次巡閱旅順該處礮臺工程現甫告竣其水師

船澳礮工亦稍有端緒惟威海衛操演魚雷船塢房屋正在擇地

開辦臣面飭道員袁保齡劉含芳仿照洋法妥速辦理務期工堅

料實以裨海防要需至提督朱慶丁汝昌所部水陸各軍暨天津

新城大沽北塘蘆臺山海關淮練各營亦飭嚴勤訓練以備緩急

除將北洋應辦事宜督飭文武各員遵

旨密為籌備並將回任日期循例恭疏

題報外所有微臣抵津任事緣由理合繕摺

奏謝

天恩伏乞

皇太后

皇上聖鑒再臣前刊用行營木質關防即日銷燬合併聲明謹

奏

奏稿四十六

謹

奏留薛福成片 光緒九年六月初九日

再儘先補用道薛福成前因其胞兄薛福辰奉

旨調補通永道缺循例呈請迴避經吏部議改河南署督臣張樹

聲飭令將經手事件交代清楚再行給咨前往現正清理完竣臣

查薛福成器識沈毅才猷練達學術湛深前署宣化府任內於均

徭恤獄諸事均能實力整理尤究心中外大局歷在前督臣曾國

藩及臣處隨辦軍務洋務多年近來如煙臺議約朝鮮定變贊畫

機宜均有裨助現值越南多事籌布海防辦理交涉需才方亟擬

請旨准將河南候補道薛福成暫留北洋差遣以資得力理合附片

陳明伏乞

聖鑒訓示謹

奏

奏稿四十六

奏

懇辭兼署直督摺 光緒九年六月十四日

奏為懇陳下情懇收回

成命恭摺仰祈

聖鑒事竊臣恭閱邸鈔光緒九年六月初十日內閣奉

上諭李鴻章著署理直隸總督兼署辦理北洋通商事務大臣等

因欽此仰見

皇太后

皇上慮念時艱權宜措置倚畀愈重責任彌專感涕之餘倍增惶

悚伏念臣自去春驟嬰大故已歷次瀕陳愚悃懇請終制荷蒙

聖慈曲加慰留私衷耿耿負疚各秋今夏臣在籍居喪營葬

皆因藩邦多事奉

詔敦促不得不援金革毋避之說亟起從戎復以北洋海防事端

繁鉅臣係創辦之人遵

旨仍回署任誠以專辦通商近平差事尙與實職不同整理防務

漸有端倪亦為全局所繫敢臣受

恩深重值此事變方殷不敢不勉抑私情稍分

宵旰憂勤於萬一今奉

明諭督理督篆既有地方之權實非軍旅可比臣聞

命戰栗罔知所措竊查古之名臣前明如李賢張居正我

朝如李光地其高勳碩德一時景慕皆以奪情起復致留闕或

為言路所劾或為史冊所譏咸豐年間曾國藩胡林翼皆值寇

方熾經從軍維時曾國藩不任封圻尙且抗疏堅求終制胡林

翼雖嘗巡撫然奏明出省勦賊以軍事為己任吏事則山督臣官

文代為經理如臣篤下固不敢仰望昔賢而於親喪自盡之忱夙

夜展轉未由自解甯寗夕遂隔松楸追念劬勞抱憾何極今若以負罪之身復權重任下滋微臣貪位忘親之咎上累

聖朝孝治天下之隆既於名教有妨即使勉强從事而漸成百端神思昏奮恐措施失宜貽誤更多亦於大局無益現在北洋創設水師整練陸軍辦理交涉與夫購船選械築臺建陽皆臣分內應辦之事臣當就精力財力所及竭蹶經營至直隸地方政務年餘以來警督臣張樹聲凡有要事商榷苟有所見必為指陳臣雖總理商政猶可借諮訪於同僚臣若兼轄地方更難專心力於防務轉瞬明年六月即為微臣釋服之期屆指光陰為時甚暫儻蒙朝廷隨宜處置不過一轉移閒而吏治海防兩有裨益相應懇求聖主鑒臣愚忱紓臣隱疾收回成命以立千古忠孝之閑俾臣稍免越禮之謗其為感幸曷可名言所有瀝陳下情緣由恭摺具

奏伏乞

皇太后

皇上聖鑒訓示施行臣無任激切屏營待

命之至謹

奏

展接津通電綫摺 光緒九年六月十四日

奏為天津至通州陸路接設電綫以捷音信而裨時局恭摺仰祈聖鑒事竊臣昨在上海接准總理各國事務衙門函商展電綫近京師一節應斟酌妥善辦理並錄示出使大臣曾紀澤電信謂可壯聲威以保和局靈呼應以利戰事等因臣查前年創設津滬陸路電綫去冬擬請推廣浙閩粵等省陸綫均奉

俞旨遵行在案此事始則稍籌官款繼則專歸商辦兩年以來妥慎經營官民無不稱便而沿海各省緊要官報軍報尤收便捷之益即如朝鮮定變越南告警皆能瞬息傳遞應機籌措此外則英俄德法美日本各國出使大臣所有購船製械偵探敵情商辦交涉各事莫不朝發夕至雖遠隔萬里之外而近若戶庭指揮一室之中而捷於影響蓋電綫之在外洋與輪船鐵路相輔並行其功用亦復相等其成本則減於輪船鐵路不啻倍蓰尤覺費省而效

鉅故西洋各國凡電綫之經緯相錯枝幹相承幾於無地不有即如法人有事越南近又添設海綫由西貢至海防河內等處直通香港約費五十萬元誠以傳遞軍報非此不能靈捷也況

神京為中外所歸嚮發號施令需用倍切臣於創辦電綫之初頗慮士大夫見聞未熟或滋口舌是以暫從天津設起漸開風氣其於軍國要務裨益實多今總理衙門與出使大臣曾紀澤皆以近京展電為善策既已前謀僉同臣與總辦津滬浙閩粵電報局候補道盛宣懷酌商擬請設至通州因電商署督臣張樹聲派安員並飭補用道朱格仁選派匠徒前往測量道里核計桿數以便興工茲據盛宣懷朱格仁稟稱委員直隸州葉金綬等帶同洋匠學生工頭循津通一路裁彎取直量至通州北關為止所有墳塋

樹林民房均經讓出沿途興情毫無驚擾約計綫路一百八十餘里應須木桿一千七百餘根俟物料器具由滬運到即日開工設局遞信擬設往來雙綫以資周轉繪圖貼說前來臣查此次接辦通州電綫工程刻期蒞事將來外洋及各省與總理衙門電報到通局後即封交通州專馬馳遞勿得片刻稽遲並令通永道薛福辰督飭妥辦仍隨時察商逐漸接展至京以速音信而使調度至津滬浙閩粵設綫所需巡電弁兵准由官款撥給津貼銀兩自應循案辦理除咨明總理衙門戶部外所有由津至通接設陸路電綫緣由謹會同署理直隸總督臣張樹聲恭摺具

奏伏乞

皇太后

皇上聖鑒訓示謹

奏稿四十六

早

奏

山海關截留餘稅片

光緒九年六月十四日

再山海關自光緒七年十一月二十八日起扣至八年十一月二十七日止一年關期報滿據該關道續昌具詳正額盈餘銀兩均經徵足另行詳請奏報其加增盈餘銀八萬兩亦無虧短稽徵實屬得力除駐防八旗官兵俸餉等項不敷支放照案動撥銀二萬五千三百五十四兩二錢一分二釐九毫八絲五忽七微又漕船免徵商稅作正開除銀二萬九千九十三兩八錢一分七釐尚存銀二萬五千五百五十一兩九錢七分一絲四忽三微查前因營口為奉省沿海緊要門戶口岸甚屬空虛防務毫無憑藉必須擇要修築礮臺方資扼守上屆該關用存加增盈餘銀二萬六千餘兩湊作該口修築礮臺之需奉

旨覽欽此欽遵在案惟核計礮臺經費不敷尚多該關除去稅項

奏稿四十六

早

別無可籌之款現正籌布海防待用孔亟據該關道續昌請將本屆用存加增盈餘銀二萬五千五百餘兩照案留濟急需等情前來臣覆加查核係屬實在情形仰懇

天恩俯准照數留存關庫專備修築該口礮臺之用以裨要防俟工竣據實奏銷理合會同

盛京將軍臣崇綺附片陳請伏乞

聖鑒訓示謹

奏

再辭直督摺 光緒九年六月二十一日
奏為再陳下情懇懇

天恩仍准收回
成命恭摺仰祈

聖鑒事竊臣恭閱邸鈔六月十七日奉

上諭李鴻章奏懇陳下情懇懇收回成命一摺情詞懇切出於至誠本應俯如所請惟畿輔重地一切吏治民生防軍水利均關係要李鴻章在任有年辦理周妥是以特降諭旨令其署理直隸總督兼署辦理北洋通商事務大臣以一事權際此時多艱朝廷倚任需人該署督惟當仰體宵旰焦勞之意移孝作忠勉圖報稱即著仍遵前旨毋得固辭欽此仰見

皇太后
皇上策勵篤庸優加倚任權宜處置訓勉周詳臣雖至愚極陋敢不仰體

聖懷力圖報稱惟區區隱衷有不得不再泣陳於

聖主之前者臣自壯歲馳驅戎馬不遑將母同治九年調任直隸

總督睽隔庭闈十有三載去春蒙

恩賞假省親未及交卸忽接噩耗音容永訣抱憾終天既而臣奔

喪營葬兩次回籍方擬續求展假皆以藩邦多事疊奉

詔旨敦促就道復因北洋海防關係全局不得不遵

旨仍回署任遭逢時變事機不諧逆禮忘親負罪滋甚然猶有為

之說者以通商近乎差事海防無異軍營尚可素服視事且撥金

革毋避之義以自解今若復履總督署任則儼居高位顯背禮經

不有其親即不可以為子輾轉思維益增悚懼昔曾國藩丁憂疏

請開兵部侍郎署缺謂自度不祥之身視顏充位決非宏濟時艱挽回大局氣象微臣今日亦同此意伏讀去年三月二十四日

諭旨殷殷以曲盡微忱俾得忠孝兩全為勛

天語煌煌仁至義盡私衷感激涕泗交頤竊冀

聖主推孝治之意始終矜全俾臣稍盡一日之心即稍寬一日之

疚則

恩深轉載圖報豈有窮期微臣從前承乏畿疆緣商務防務

關係較重駐津日多駐省日少臣之精神既難徧及於一切察吏

恤民治河諸政祇能分任司道臣不過綜其大綱去秋署任北洋

以來署督臣張樹聲凡有要事就商必為據實指陳即閩省司道

皆舊時僚佐雖非臣所應轄之事固無不一氣貫通就目下情形

而論臣雖專任通商於防務並無掣肘於地方亦易呼應尚不患

事權之不一況臣年逾六旬精力就衰又值銜憂茹痛神明昏瞶

現籌洋務海防已覺力小任重若再兼督篆深恐竭蹶貽誤咎愆

叢集反覆自忖心實難安敢再披瀝愚誠仰求

聖明鑒察量予變通或留張樹聲仍督直隸暫緩赴粵或另

簡賢員迅速接任臣查曾國荃近來籌備邊防頗思竭力布置即

其舊勳宿望坐鎮嚴疆似可收無形之益備若張樹聲必須赴粵

則疆臣中和平穩練整頓吏治素為

朝廷所深知者尚非無人此等舉措較大原非外臣所敢妄參末

議惟以中懷迫切名教攸關不能不自昧瀆陳相應懇懇

天恩仍准收回微臣署理直隸總督之

命俾稍紓隱微之憾則後此報

國之日方長感戴

皇仁曷共有極所有再陳下情緣由恭摺具

奏伏乞

皇太后

皇上聖鑒訓示施行臣無任瀝血祈求悚惕待

命之至謹

奏

奏稿四十六

四

營口礮臺營制摺 光緒九年六月二十一日

奏為營口礮臺漸次竣工酌擬新設練兵營制章程繕單恭摺具

奏仰祈

聖鑒事竊查營口地方為各國通商口岸奉省緊要門戶必須擇
要修築礮臺以資扼守前據山海關道續昌於東岸第二道標杆
處所試修土壩增墊疊道挖濠築圍創立營基擬建礮臺房兵
房藥庫所需經費即將該關徵存加增盈餘銀兩截留備用經臣
於光緒七年六月二十日奏明並將該關徵存前項銀數按年分
別奏報在案本年二月間復據該關道續昌稟稱礮臺應辦事宜
粗具規模亟應籌兵駐守該處原設洋鎗隊五百名係由開義熊
蓋四城甲兵內調練大半不耐勞苦難期得力且均係額設之兵
抽調在營各城轉覺空虛其原定餉項章程較之各處練軍亦多

奏稿四十六

四

糜費擬將原設洋鎗隊官兵遣撤回旗另由營口附近熊蓋兩城
務農閑散旗丁內挑選二百名並由現在助工各營餘丁內挑選
二百名內挑練步隊三百名分為六哨專習鎗礮駐守礮臺挑練
馬隊一百名分為兩哨隨時調遣巡緝彈壓計共改練馬步隊四
百名合為一營設管帶官一員總司其事幫帶官一員分帶馬隊
一切營制餉需酌照直隸練軍章程操演礮位仿照大沽礮臺章
程營哨各官選用熟習戎行精嫻紀律之綠營將弁管帶教練期
成勁旅將來演放礮位再由大沽營挑派教習前往教練俟成軍
後遇有隊兵缺出悉由各該城開散旗丁挑補以符舊章所需改
練官兵月餉費鉛丸火藥及礮臺歲修工程等項通盤核計每
年約需銀三萬兩有餘即將來購齊礮位增添軍火經費以原設
洋鎗隊餉計之似可敷用等情經臣批令詳細妥議章程稟辦

去後茲據續昌稟稱該處原設洋鎗隊官兵五百名已於五月初一日一律遣撤回旗各酌給一箇月餉銀作為川資仍由該道捐備車船分起歸伍所練新兵亦經先行分別挑選來營隨同工作剋日成軍酌擬練兵章程二十四條並應需餉項分繕清單呈請核奏前來臣查營口華洋雜處地方緊要現當整頓海防之際亟應妥籌布置該道所擬章程均尚妥協所定餉雜各款亦均核實節省惟新修礮臺大小五座礮洞八處周圍營牆二百數十丈現因限於餉項僅練馬步隊四百名駐守巡緝兵力稍單尤在教練得法紀律嚴明務使一兵得一兵之用俟臺工告竣購齊礮位騰出餉項再行酌量添練隊伍以厚兵力而壯聲威其未盡事宜容臣督飭該道隨時酌度妥辦除將營制章程繕具清單恭呈御覽外所有營口礮臺改設練兵酌定營制章程緣由理合會同

盛京將軍 崇綸 繕摺具

奏伏乞

皇太后

皇上聖鑒訓示敕部知照謹

奏

謹將營口改練馬步隊章程二十四條繕具清單恭呈御覽

計開

一 改練馬隊一百名步隊三百名共四百名合為一營設營官一員總理馬步全營事務帶領步隊駐守礮臺月支薪水銀五十兩設幫辦官一員幫帶馬隊駐紮舊練軍營盤仍歸營官統屬遇事稟明營官辦理其營哨各官揀調熟習戎行精嫻紀律之將弁管帶教練以求實效其兵丁擬由營口附近之熊蓋兩城閑散務農旗丁內先挑選二百名再由現在駐紮營口各營餘丁內選調二百名充補練軍之缺合同操演俾資觀摩所挑兵丁總以精壯樸實能耐勞苦為主俟成軍後教練一二年該旗丁果能奮勉學習毫無習氣遇有漢兵缺出即由該兩城閑散旗丁陸續挑補如此辦理能否相宜仍隨時體察情形稟辦現在一二年內旗漢兵丁各以二百名為率遇有缺出暫行分別挑補所有營制餉需一切參酌直隸練軍及大沽礮臺章程辦理所需餉項仍請由六成洋稅項下動支

一步隊三百名應分為六哨俾敷分布以前後中左右五哨分守礮臺礮洞等處每哨哨官一員哨長一名每哨分為四隊每隊什長一名正兵十名共什長四名正兵四十名又護兵六名每哨共弁兵五十二員名又親軍一哨分守營門藥庫等處以及各項差使歸營官自帶設哨長一名亦分為四隊每隊什長一名親兵十名共什長四名親兵四十名又護兵六名計親兵一哨共弁兵五十一員名所有紅旗藍旗金鼓號令皆在親兵數內以上六哨共哨官五員每月支薪水銀十兩哨長六名每月支薪水銀六

兩什長二十四名每名月支口糧銀四兩二錢親兵四十名每名月支口糧銀三兩九錢護兵三十六名每名月支口糧銀三兩九錢正兵二百名每名月支口糧銀三兩六錢以上共步隊弁兵三百一十一員名

一馬隊一百名平時巡緝盜賊彈壓地方有事則與礮臺互相聯絡分爲左右兩哨每哨哨官一員哨長一名每哨分爲五隊每隊什長一名正兵九名以上兩哨共計哨官二員每員月支薪水銀十二兩哨長二名每名月支薪水銀九兩字識一名月支薪水銀六兩什長十名每名月支口糧銀四兩五錢正兵九十名每名月支口糧銀四兩以上共馬隊弁兵一百零五員名

一營官兼帶馬隊應照章給馬四匹馬夫四名幫辦官馬二匹馬夫二名哨官二員各給馬二匹馬夫各二名哨長二名字識一名各給馬一匹馬夫各一名馬兵一百名各給馬一匹以上共馬一百三十四匹每四月支乾銀三兩馬夫十三名每名月支口糧銀三兩

一步隊營官並親軍哨長及親兵護兵共用伙夫二名五哨哨官哨長及護兵等共用伙夫五名其餘親兵正兵每隊各用伙夫一名以上步隊官兵共用伙夫三十一名每名月支口糧銀三兩馬隊幫辦官及字識共用伙夫一名每哨哨官哨長共用伙夫一名兩哨計用伙夫二名每隊用伙夫一名十隊計用伙夫十名以上馬隊官兵共用伙夫十三名每名月支口糧銀三兩再查直隸練軍章程內開步隊無論行營坐營營官准用長夫十二名哨官准用長夫三名專任搬運子藥析薪擔水及一切雜差方可免分兵力不致誤操今營口新練步隊駐紮礮臺所有操演放礮練習各

項技藝以及每日擦洗鎗礮隨時修理臺壘在在均需兵力較之尋常練軍差務實屬繁多且所練兵數無多分布各處實有日不暇給之勢所有搬運子藥析薪擔水一切雜差該官兵等實難兼顧仍須給以長夫支應雜差俾可免分兵力茲擬按照直隸練軍章程略爲變通辦理營官用長夫六名哨官各用長夫二名哨長各用長夫一名以上步隊官弁共用長夫二十二名每名月支口糧銀三兩設有征調所有加餉帳棚以及應添長夫等項均仿照直隸練軍章程辦理

一查直隸練軍馬隊章程幫辦官僅隨營官辦事並無專任之責今擬派幫辦官幫帶馬隊責任較重查原定章程月支薪水十兩較之馬隊哨官薪水每月少支二兩輕重似屬不倫擬請每月加給薪水銀六兩以示體恤

一查直隸練軍章程步隊一營月支公費銀一百兩馬隊一營亦如之今營口練軍馬步合爲一營自應照章月支公費銀一百兩由營官具領所有該營文案委員心紅紙張醫生獸醫均由公費項下支用旗幟號衣於成軍日先爲發款置辦一次以後即由所支公費項下隨時添補更換總須一律整齊

一從前營口所練洋鎗隊兵丁係由各城馬甲調練除本城應領底餉並隨缺地畝外每名月加口分銀三兩每年仍各給衣帽銀五兩每年共需衣帽銀二千四百餘兩原因海口冬日嚴寒且有洋人聚處該兵丁等若稍有飭陋不但難以禦冬更恐不足壯觀致爲彼族嘲笑是以每年發給衣帽銀一款以期整齊茲擬改練新軍係用開散旗丁並招募漢勇並無底餉等項每月僅照章發給口分營口物價昂貴僅敷食用衣服實難貴其齊楚不得不設

法津貼惟查從前所定衣帽銀兩數目過優現擬節辦理每兵每年擬各給衣帽銀二兩共需銀八百兩仍分春秋兩季由營官具領分別辦給

一馬隊官弁兵丁應用馬匹鞍轡查直隸練軍章程均由自備俾知為己有之物各加愛惜便可兼養得宜一律臚壯富成軍之時先為籌款購買分給以後每月由餉乾內陸續扣還歸款查營口現存舊練軍差馬四十四匹破車馬三十四匹即先行發給應用其不敷之馬籌款分給購買所有鞍轡馬價等項一併照章按月陸續坐扣歸款

一直隸練軍章程步隊一營每月柴草銀一百四十兩馬隊一營每月柴草銀八十兩今馬步隊合為一營自應參酌直隸練軍章程變通辦理且營口濱臨大海地係斥鹵水味鹹澀日用柴薪水

奏稿四十六

五

草均自遠道而來價值甚昂茲擬步隊六哨每哨月給柴薪水草銀十七兩共一百零二兩馬隊兩哨月給柴薪水草銀十九兩共三十八兩馬步隊一營每月共發給柴薪水草銀一百四十四兩按月由營官具領分別發給

一查從前營口練軍所住營房教場及軍火庫等處每年有歲修之款因夏則地氣潮溼冬則海風凜冽兼之土性酥城房屋牆垣最易臟裂且工料昂貴是以所費甚多近年力求樽節擇要修補每年亦在八九百兩上下歷年進報有案現擬馬隊駐紮此營人數較少嗣後均係兵丁自行工作應酌定數目以示限制擬請每年酌給銀二百四十兩分春秋兩季由營官具領隨時修理其廠臺營盤俟工竣再行稟辦
一礮臺距海口約二十餘里遇有緊急事件非有巡船往查則聲

息難通應設頭號洋船二隻以備赴海口偵探並巡查河面所用兵役人等即由親兵內兼習駛船毋庸另設水手以節糜費每船每年擬支給公費銀八十兩所有油艙船隻修補器具及歲修一切均在其內共計巡船二隻每年共需公費銀一百六十兩由營官按春秋兩季具領至應用船隻等項於成營時先行籌款購辦以後擬仿照大沽章程每六年大修一次每三年小修一次其駛船教習就近由滄雲兵船水手內暫行調用二名每月酌量津貼俟教練熟習仍飭回船供差

一大小礮位應需津貼雜費查大沽礮臺章程三千斤以上為大礮每尊月支銀八兩一千斤以上為中礮每尊月支銀四兩一千斤以下為次礮每尊月支銀二兩查營口大小礮臺並礮洞以及前面牆頂應安設大小礮位三十餘尊其餘營牆亦須酌設中次

奏稿四十六

五

礮二十餘尊營口現存有八千斤銅礮二尊六千斤銅礮二尊一千五百斤洋鐵礮一尊又蒙飭撥萬斤重阿姆斯脫朗前膛鋼礮二尊現由外洋購到克鹿卜後膛鋼礮四尊每尊約重三千餘斤並原設練軍所用五百餘斤洋鐵礮四尊噴礮四尊堪以作為邊礮之用以上各礮擬請俟安設妥協開操時仿照大沽章程按月支給津貼其餘未購齊大小礮位俟購到後隨時稟明辦理其礮盤礮架及隨礮器具什物等件遇有缺損仿照大沽章程隨時籌款修補更換稟報

一從前營口練軍所需洋火藥等項係由天津請領如有不敷就近購辦年終造冊報銷現在所築礮臺安設前後膛洋礮兵丁所用洋鎗亦須前後膛兼備方能適用所需洋火藥子彈等項擬仍由天津請領設有不敷如就地采買應隨時報明非洋大臣查核

以昭核實而備稽考

一馬步兵丁應用前後膛洋鎗刀矛等件應請由購械經費項下
動用購辦其舊練軍所用前後膛洋鎗歷年已久機簧多不靈便
擬擇其堪用者發給步隊備操

一所練馬步各隊以鎗礮為正技兼練弓箭刀矛各項雜技務使
人人技藝嫻熟方可應手適用其礮臺大小礮位按半月演放一
次冬令封河後按期打靶其步隊除操演礮位外每月按三六九
日合操演鎗打靶平日由該營哨各官督率兵丁在營內比試鎗
礮操法演習各項技藝其挖濠築牆修做營房均須兼作藉以習
勞其馬隊由該幫帶哨弁等每日率領兵丁赴教場試馬演鎗兼
習刀矛早晚在營內比試各項技藝務使一律嫻熟仍按三六九
日由營官合操打靶至馬步隊所用鎗礮器械以及礮盤礮架等

奏稿四十六

器具由該營哨各官逐日督飭兵丁勤加擦洗妥為收拾如有損
壞隨時修理每月由道看操一次並查點兵丁名數及驗試各項
鎗礮器械馬匹查有疏懈即將該營哨各官等分別記過懲處以
免懈弛而期經久

一礮臺所設前後膛礮位擬請由天津大沽派教習二員先行
來營教練俟學習精熟再行撤回其教練之差即由本營哨官哨
長內兼充至所調教習應支薪水應查照大沽章程支給

一擬挑選熊蓋兩城旗丁二百名教練隊伍該旗丁等均係閑散
應請毋庸拘定某城若干名以便選擇俾免遷就至該兩城附近
營口八旗閑散甚多大半以務農備趁為生嗣後如有願來投效
充當餘丁者應聽其便須由營官詳加選擇分別去留果能勤奮
當差遇有兵缺即可挑補俟補兵缺後再將其旗佐知照該城查

明立案俾歸簡易

一所練旗兵如有勞績保獎無論旗綠各營官階應請准其一體
保升以廣進取而資造就惟不得保補本城錢糧俾免侵佔兵缺
致誤本城差操

一此項馬步練軍原為海防而設平時應按照行軍紀律方可經
久得力且營口地方華洋雜處人煙湊集最易滋生事端必須立
法從嚴庶知有所顧忌所有馬步隊弁兵等由營官按日點名無
故不准私自外出如奉派出差備有在外逗留滋事者一經查出
或被告發輕則棍責發落重則插箭游街如有違犯軍令或聚眾
滋事以及在外搶劫姦淫種種不法各重情即由營官稟道查明
無論旗漢兵丁一面按照軍法從事一面稟報上憲查核如此峻
立其法方可以資駕馭而便教練

奏稿四十六

一營官擬須給管帶奉天營口海防馬步練軍字樣木質關防一
顆其幫辦官既幫帶馬隊另紫營盤亦給鈐記以昭信守擬頒給
幫帶營口海防練軍馬隊幫辦官字樣鈐記一顆

一練軍營官管帶馬步各隊巡防海口駐守礮臺彈壓地面緝捕
盜賊責任甚重凡礮臺布置防守一切以及操演鎗礮訓練兵丁
在在均關緊要必須熟習戎行講求有素之員方克勝任嗣後遇
有營官缺出擬請由直奉練軍內稟請揀員調補該營官如能訓
練有法任事實心應請按照海防營官俸滿送部引

見成案參酌辦理擬每屆三年山道出具切實考語稟請
奏獎一次以昭激勸辦事因循玩愒不能得力由道隨時稟明
分別撤參更換不得稍有瞻徇至哨弁等缺出或由道指名稟調
或本營如有堪勝之人即由道揀選拔補所補之人如無頂戴者

應給予七品頂戴以資表率該哨弁等如果技藝優長操演勤奮亦請每屆三年由道擇尤稟請予以功牌頂翎或予以升階以示鼓勵備有操演懈弛技藝平常山道隨時分別懲辦至隊兵如有缺出由營官隨時稟道挑補其兵丁勤惰由營官隨時稽查稟道分別獎懲

一查營口原定練軍章程以道員作為海防練兵翼長督練洋鎗隊官兵擬請嗣後改為海防營務翼長新練之軍即作為道標練軍所有營哨各官等均歸道統轄以資節制而便呼應遇事稟請北洋大臣暨奉天將軍核辦

一營口為奉省海疆要地又係通商口岸巡防最關緊要現既修築礮臺營壘設兵駐守亟須隨事實力講求方能經久無弊現雖定有章程第徒託空言仍恐日久廢弛擬於臺工告竣布置妥協

奏稿四十六

五

後應請北洋大臣與奉天將軍輪年派委鎮道大員來營查閱一次會道出結分別報查如有訓練不精軍實不齊以及種種廢弛各情弊即由委員據實稟明將統轄管帶等官分別參處以昭慎重而免疏懈

辦理朝鮮商務章程摺 光緒九年六月二十一日

奏為照章派員前赴朝鮮辦理商務酌擬章程繕單恭摺仰祈聖鑒事竊查光緒八年九月間經總理各國事務衙門會議奏定中國朝鮮商民水陸貿易章程內開嗣後山北洋大臣札派商務委員前往駐紮朝鮮口岸專為照料本國商民該員與朝鮮官員往來均屬平行優待如禮應用經費均歸自備等語現在美國換約後已派使往駐漢城日本亦在仁川購地建屋中國招商局擬即派船前往開拓碼頭所有商民貿易章程既經定議亟應派員前往察看地勢擇要駐紮以便照料華商聯絡聲氣並將應行查勘購置建造等事與朝鮮商酌妥辦免為外人所佔致落後著惟朝鮮通商口岸三處其在東南兩省為釜山元山商務早為日人壟斷上年議開仁川一口在朝鮮西境緊接渤海距煙臺水程不過一日距該國王京陸路不及百里華船前往販運必先聚泊仁川若派總辦商務委員往駐該國王京即可兼理仁川商務似為當務之急經臣飭據津海關道周馥候選道馬建忠等妥議章程稟請核奏前來臣查朝鮮為中國藩服委員前往駐紮與出使外洋各國體制稍別而情事略同自應參酌出使成案量為變通經費一切從省核計該道等所擬章程尚屬妥協其可置為緩圖及應隨時增損者應由委員察酌稟辦除將章程照繕清單恭呈御覽外理合專摺具陳伏乞

奏稿四十六

五

皇太后 皇上聖鑒敕下總理各國事務衙門嚴密施行謹 奏

謹將酌擬派員辦理朝鮮商務章程繕具清單恭呈御覽

計開

一由北洋大臣札派總辦朝鮮各口商務委員一員駐紮漢城兼管仁川口商務分辦元山口商務委員一員分辦釜山口商務委員一員各駐本口管理商務均由北洋大臣刊給木質關防總辦委員准帶隨員二員書識二名聽差六名並用英文繙譯一員朝鮮通事一名分辦委員准各帶書識一名聽差三名並各用英文繙譯一員朝鮮通事一名惟現在元山釜山華商前往尚少應俟該兩口商務漸興再酌派委員分往駐紮

一總辦委員到朝鮮後應照議定章程與朝鮮官和衷辦理如有疑難事件隨時稟請北洋大臣核示每至年終將華商到朝鮮若

一千名完過進出口稅銀若干據實詳報請咨總理各國事務衙門查考

一朝鮮民房卑狹無可租購漢城元山釜山三處擬各建委員公館一所以崇體制其約需銀一萬兩以外由總辦委員核實估計稟辦其元山釜山兩處公館先行購地地基隨後建造仁川一口係總辦委員兼管隨時往來賃借暫住目前無須另建公館至購地地基置備傢具等項應照章籌節核估稟辦

一總辦委員與分辦委員公文往來總辦用劄行分辦用申呈凡分辦委員詳報案件均由總辦核轉遇有緊要事件亦可由分辦稟稟北洋大臣衙門以期迅速

一總辦分辦委員與朝鮮官員公文往來自其政府統理衙門以下均用平行照會與各國公使領事照會均用華文或附以洋文

一遇朝鮮公會各國公使向以頭二三等職分及到任先後為坐次朝鮮為中國屬邦中國總辦委員為賓中之主應坐於朝鮮官主位之上

一各口商民有控告案件由委員遵照奏定刑易章程第二條秉公分別辦理中國商民如有過犯輕則科罰重則監押免其柳杖其為匪不法之徒酌量拘禁掌笞以示儆戒若情節重大即解回中國交該地方官按律懲辦仍報北洋大臣查核

一查向章駐美國總領事月給俸薪銀四百兩日本正理事每月三百二十兩至三百兩二百二十兩不等日本公使署內供事每名每月薪水銀四十兩東學繙譯官每月薪水銀三十兩美國金山總領事隨員每月薪水銀一百二十五兩聽差每名每月辛飯銀三十兩今朝鮮商務委員等支領俸薪從省核計總

奏稿四十六

辦委員擬比照總領事月給銀四百兩分辦委員擬比照日本理事官月給銀三百兩二百兩不等總辦處繙譯擬月給銀一百二十兩一百兩不等分辦處繙譯擬月給銀一百兩八十兩不等隨員擬月給銀一百兩八十兩不等朝鮮通事擬由委員照會朝鮮政府調用每名每月給銀一二十兩不等書識聽差擬由委員酌照日本使署供事美國領事聽差例核減支給

一總辦分辦委員照出使外洋之例三年一任由北洋大臣考核擇勞績較著者奏請獎敘

一往來輪船價費公館租賃及公會公宴一切公件難以預計擬照出使外洋各國章程隨時核實動用報銷其各員月需飯食及內地車船價值跟役工價等項亦照出使外洋章程由各委員自在薪水內動用

一自總辦委員以下所需一切經費擬請在各關出使經費項下
動支由北洋大臣隨時核飭江海關道徑行給領仍由該總辦委
員按年造具收支細冊詳請咨報總理各國事務衙門駁銷
一陸路如奉天之中江吉林之珲春等處設立關卡稽察匪類徵
收稅課等事均由北洋大臣會商奉天吉林將軍就近派地方
官員辦理此次擬派總辦委員等係專管水路貿易有事可以彼
此知照各分責成不相統轄

奏稿四十六

奏

陳樹棠總辦朝鮮商務片 光緒九年六月二十一日
再朝鮮口岸初開中國商民前往經營貿易自必日臻繁盛時有
彼此交涉事件必須熟悉情形明達大體之員前往經理始足以
聯絡藩邦彈壓商庶茲查有二品銜候選道陳樹棠經前出使美
國大臣陳蘭彬奏派金山總領事在任三年辦理裕如商民悅服
上年臣曾派往朝鮮游歷於該國地勢民情亦頗諳悉該員樸誠
端謹明練老成以之派充總辦朝鮮商務委員洵堪勝任除由臣
檄飭遵照並咨會朝鮮國王外理合附片具陳伏乞
聖鑒謹
奏

奏稿四十六

奏

李文忠公奏稿卷四十六

李文忠公奏稿

卷之四十七目錄

接署督篆謝摺 光緒九年七月初一日

截酒備賑摺 光緒九年七月初五日

在理教請免查辦摺 光緒九年七月十三日

東明黃河添設中汛片 光緒九年七月十三日

王永勝留營效力片 光緒九年七月十三日

嶧縣開礦片 光緒九年七月十三日

豐潤營田整頓額水片 光緒九年七月二十五日

請添撥銀米賑災摺 光緒九年八月初一日

酌裁防勇摺 光緒九年八月十七日

丁德昌請卹片 光緒九年八月十七日

輪船薪糧不憑馬力片 光緒九年八月十七日

馬頰河暫緩開引摺 光緒九年九月初四日

營務委員應給薪費片 光緒九年九月初四日

軍營佔地仍給租價片 光緒九年九月初四日

流馬輪船薪糧請銷片 光緒九年九月初四日

變通京城平糶摺 光緒九年九月初八日

順屬賑撫請撥練餉片 光緒九年九月初八日

承德承平辦撫摺 光緒九年九月初八日

變通選補章程摺 光緒九年九月十七日

津貼教練朝軍經費片 光緒九年九月二十二日

李文忠公奏稿卷四十七

桐城吳汝綸編錄

接署督篆謝摺 光緒九年七月初一日

奏為遵

旨接署督篆在任守制恭謝

天恩仰祈

聖鑒事竊臣恭閱邸鈔六月二十四日奉

上諭李鴻章奏仍懇收回成命一摺覽奏均悉從前大臣如孫嘉

淦朱軾嵇曾筠蔣炳于敏中曾國藩胡林翼等皆遵

旨任守制誠以事關緊要不得不權宜辦理上年李鴻章奏請

開缺終制時曾將此意剴切宣諭該署督惟當以國事為重力任

艱難其不得已之苦衷白為天下後世所共諒即著遵旨任事毋

得再行固辭欽此臣一念愚誠不能自解懇特

恩眷屢瀆

宸嚴非特不加譴訶迺復曲垂

慈訓示之以在任守制勉之以力濟時艱竊下如臣何以堪此願

念

明詔不可以屢抗要缺不可以久懸

皇太后

皇上宵旰焦勞微臣受

恩至深曷敢不仰體

聖慮再有煩瀆督臣張樹聲擬及早赴粵籌防亦催臣接受督

篆茲於七月初一日准張樹聲將直隸總督長蘆鹽政關防文卷

等項派員齎送前來臣當即恭設香案望

闕叩頭祇領任事伏查我

朝大臣如朱軾何鈞孫嘉澍將炳于敏中曾國藩胡林翼等惟

曾國藩係在營守制其餘皆有經辦要務奉

特旨慰勉不得已而在任守制

謹查照成案擬於二十七月內

素服辦事一切

朝賀祭祀吉禮概不敢與或直督任內遇有議敘加級無論何項

褒榮概不敢受既不敢固執常禮亦聊以少道罪愆惟行勉竭

衰庸力圖補救於聯絡外交整頓海防之外督率司道鎮將察吏

災民練兵裕餉嚴修邊備勤理河工冀稍效涓埃之報以仰答

眷顧之隆所有勉遵彝次

諭旨接署督篆緣山理合繕摺恭謝

天恩伏乞

皇太后

皇上聖鑒謹

奏

截漕備賑摺 光緒九年七月初五日

奏為直屬伏雨過多上游山水暴發災象已見懇

恩賞撥江北漕米以備賑濟恭摺仰祈

聖鑒事竊直屬地方今年麥收尙稱中稔早晚禾苗次第滋長計

六月十四日以後連旬大雨勢若傾盆其間雖或偶晴不過半日

又雨直至二十七日始行開霽計歷十三日之久加以上游西北

邊外山水暴發其西南鄰省之水亦奔騰匯注各河同時異漲出

漕漫隄險工林立疊經前督臣張樹聲與嚴飭防河各員無

分雨夜竭力搶救並酌調練軍馳往協助永定滹沱南運諸大河

尙無潰決惟清河北運河皆因人力難施開有漫口疊飭趕緊設

法堵築此次雨水之大據鄉民愈稱近數十年所僅見飭查津省

附近一帶及東北各路雨後滲水平地積深二三尺文報行旅皆

為阻滯此外較遠各屬尙未據報到總由地方官奉職無狀以致

霖雨為災臣等莫名疚悚若此後晴多雨少各河迅速消漲平地

瀝水得以歸河高田不致淹浸莫可無礙大局惟直屬地瘠民貧

連遭災歉元氣未復蓋藏絕少今又雨水過多順直窪區驟難涸

復收成失望民困益深秋後必須分別賑撫方免窮黎失所其有

被淹較重或倒塌房屋損傷人口之處尤宜急籌賑恤已分飭印

委查勘稟報以憑核辦一面消導積水疏通驛路應需急撫之款

容設法拊濟濟用惟直庫入不敷出賑捐又早停止其艱難情狀

久在

聖明洞鑒之中臣與司道再四商榷秋後賑撫所需不少實屬無

款可籌而民命關繫至重不得不預作發棠之請查本屆蘇浙海

運漕米山東粟米均經運進兌收完竣惟江北河運漕米除奉撥

山東賑需五萬石尙存正米五萬八千四百七十餘石餘米七千五百九十餘石現已運抵天津伏維我

皇太后

皇上勅念民瘼厚澤深仁有加無已凡遇各省水旱災傷無不優予賑恤現在山東災案已蒙

特恩截留京餉銀十六萬兩又撥給江北漕米五萬石

詔書宣布遐邇欽感同深順直近隸

皇畿此次災象已見閭閻望

澤孔殷合無顯懇

天恩將本屆江北河運正米五萬八千四百七十餘石餘米七千五百九十餘石共合六萬六千七十餘石一併

賞給以作秋後賑撫之用即在天津就近截留飭江安糧道張富

奏稿四十七

四

年撥交署天津道劉樹堂驗收屆時由該道督同賑局司道詳察災區輕重妥為分撥飭令印委確查戶口核實散放或以工代撫務使實惠及民不准絲毫弊混其隨漕輕齋筒兒錢等項銀款並飭江安糧道照案核數解直俾可津貼運費此項漕米為數無多今請照案截留於京倉尙無所損而畿境賑撫藉可舉辦災民得資口食保全實多如蒙

俯允所請仰祈

特旨宣示則

恩出自上益足同民志而廣

皇仁是否有當理合會同兼管順天府府尹臣畢道遠順天府府

尹周家相恭摺山驛密

奏伏乞

皇太后
皇上聖鑒訓示施行謹
奏

奏稿四十七

五

在理教請免查辦

奏為查明天津在理教之人並非邪教匪徒請免拏辦恭摺密陳仰祈

聖鑒事竊臣承准軍機大臣密寄光緒九年六月十五日奉

上諭御史李璉奏風聞京城及直隸等處有在理教以戒人吸煙

飲酒為名互相傳引人眾甚多關係自蓮教之別名教首即在天

津請飭密拏等語匪徒創立教名誘惑愚民大干例禁自應嚴行

查辦以遏亂萌該教首蹤跡詭秘是否潛匿天津著李鴻章派

委員嚴密查訪妥慎辦理毋致激成事端將此密諭知之欽此遵

即而飭署天津道劉樹堂等不動聲色嚴切查訪旋據查獲天津

地面向有在理教以戒人吸煙飲酒為事蓋洋煙為毒人之物是

以致病戕生而津郡民俗悍強動輒釀命故以此為戒

民間從其教者約十之六七皆有身家恆業大率手藝力役之人

較多農商次之讀書之人亦開有與焉因不吸煙飲酒有益身命

是以信之者眾其教首並無大小頭目之別各就所居附近處所

自製戒煙秘方隨願施治勒令改過遷善亦無妖言邪術蹤跡詭

秘誘惑愚民情事實與白蓮等教聚眾為非者迥然不同臣駐津

年久素有所聞因其本不為匪遂亦相安不擾如有背教從匪流

入鍋夥混是者仍飭地方官嚴拏懲辦不稍寬貸此外直隸各屬

傳其教者尚少恭查乾隆四十八年

高宗純皇帝諭旨各省地方遇有實係邪教有違礙字句者自應

嚴行查辦務絕根株若止喫齋求福誦經卷與邪教一律辦理

則又失之太過即概予省釋等因欽此又向來例案如係勸人為

善並非學習邪教者不在禁限此次因李璉風聞在理教係白蓮

教別名恐匪徒惑眾萌亂是以

密飭查訪仍令妥慎辦理毋激事端仰見

朝廷綏靖地方慎重措施至意臣自當察其是否邪教有無為匪

分別妥辦今查明在理教係安分良民勸人為善聞其秘製戒吸

洋煙藥膏極有效驗非邪教匪徒可比既無違礙字句亦無悖謬

情狀不致惑眾萌亂至戒煙酒以保身命與喫齋求福者意義相

同而戒食洋煙尤於風俗有裨近來鴉片盛行人多貪食遂致委

靡不振方逐漸設法示禁今民間自能製方互戒正可因勢利導

且各處華民入天主教耶穌教者日多往往以教士為護符刁抗

官長在理教頗與彼教相反設或拏辦難免懼罹法網入彼淵叢

而人數眾多必致紛紛擾擾轉於地方大局有礙臣擬請免其拏

辦其在京城者如情形相同亦請免拏仍由各地地方官隨時留心

查察倘其中有為匪不法之人或被訪聞或經告發立即拏獲究

懲庶匪徒不致潛蹤良民亦無擾累所有在理教擬免查辦緣由

是否有當理合恭摺密陳伏乞

皇太后

皇上聖鑒訓示謹

奏

東明黃河添設中汛片 光緒九年七月十三日

再直隸東明河南隄前經臣於光緒七年奏准酌設廳汛各員以資修守將大名漳河同知移駐東明高村適中之地作為廳員專管東明全境南隄漳河縣丞移駐上游李連莊開州州判移駐下游黃莊均作為汛員分管首尾兩汛仍歸廳員督率衙署月籌建蓋該同知等均改為管河要缺遴選熟悉河務廉幹耐勞之員酌補等因在案其時高村中汛未設汛員其汛務即令廳員兼管茲查東明黃河溜勢日益南趨險工林立霜清以後凌汛以前猶須晝夜防搶工程之繁用力之久為往屆所未有與光緒七年以前情形又異該廳員既有管轄全境隄工之責往往督率首尾兩汛防搶喫緊之際而高村中汛亦疊出險工不能兼顧必須因時制宜仿照永定等河廳汛之例添設高村中汛汛員責成修守其

奏稿四十七

計上中下三汛統歸該廳員督率庶各汛工程皆有專責之員而該同知往來督察遇險率同防搶不致顧此失彼據護理大順廣道國鈞查有東明縣杜勝集分防巡檢本任並無要務距高村亦近應即移駐高村籌蓋衙署作為中汛汛員專責中汛修守並改為管河要缺其本任事件甚少仍可就近兼顧應需廉俸役食等項概循其舊無庸添撥如此一轉移間可期河防有裨亦與漳河縣丞開州州判移駐隄工事同一律詳請具奏前來臣覆核無異除飭將未盡事宜照案籌議妥辦外理合附片具陳伏乞聖鑒敕部知照謹

王永勝留營效力片 光緒九年七月十三日

再奉天金州之旅順口與山東登州煙臺相對為奉直兩省門戶北洋水師停泊口岸前飭洋員漢納根創建該口黃金山礮臺仿照德國新式工甫就竣曾於本年二月開附片陳明在案六月初四日臣由滬航海回津緣防務緊要統赴旅順察勘工程形勢道員袁保齡正在督夫挑濬船澳挖深口門惟礮臺內向無專守陸營津沽隊伍本單難遽分撥該處孤懸海外天然形勝山口左右仍須添築臺壘互為犄角非有百戰著名之驍將布置防守恐不足以制敵查有已革記名提督江西南贛鎮總兵王永勝自同治元年同程學啟督帶准勇開字營隨臣赴滬屢克蘇常嘉湖各城與洋將華爾戈登共事日久熟悉西軍技藝陣法是時東南軍事程學啟最稱能戰而王永勝實學啟部下名將也自程學啟傷亡

奏稿四十七

後王永勝接統開軍戰勝攻取所向無敵臣親見其衝鋒鏑鏑體鱗傷而志不稍挫嗣擢平撤勇赴任上年緣事參革臣此次出江邀令該員赴越南查探軍情察看年力正強精悍堅忍之氣不減昔時廢棄實為可惜因檄令照准軍規制選募舊部精壯兩營帶赴旅順口嚴勤訓練安密布置與丁汝昌水師宋慶毅軍相為依護聯絡庶期緩急可恃臣為海防要口選將需才起見合無仰懇天恩准將王永勝留營效力以資臂助是否有當附片具陳伏乞聖鑒訓示謹

嶧縣開礦片 光緒九年七月十三日

再光緒五年冬開據山東嶧縣紳民法王昆等赴天津呈請開辦該處煤礦經臣疊次咨商前山東撫臣周恆祺任道鎔派員招商試辦經候補知縣戴華藻陸續招集商股往勘得煤苗最旺之舊井二十餘處因土人無法取水閉歇多年旋由製造局道員王德均訂購吸水機器運往該處租地建屋初次試開三井繼復接開九井煤層二丈以外質色並佳遠近爭先購用運至金陵天津製造局燒試較日本上等煤尤佳與英國松白煤相仿茲據金陵製造局道員龔照煖天津製造局道員王德均候補知縣戴華藻稟稱細勘東莊四圍數十里係普煤一槽形如仰盂四旁煤層較淺而煤槽極中之井深六十丈層愈厚而質愈佳其地與瀕臨運河之臺莊相去僅八十餘里如由臺莊以達金陵上海一水可通此

奏稿四十七

十

後擴充辦理不難敵洋煤而塞漏卮現擬添購吸水大機器二架雇用華匠經理推廣采運以濟南北洋兵商輪船機器製造各局要需免致遠購外洋並可備徐州利國礦局鍊鐵之用冀以收回利權該局地基不臨江海不慮洋人窺伺萬一海疆有事洋煤不來嶧煤可源源接濟且該處地瘠民貧自礦務日有起色賴以生活者數千家惟金陵天津相距較遠如不減輕稅則成本過重礙難運銷援案擬懇減輕稅則呈請

之暢欲廣銷路宜輕成本欲輕成本宜減稅則查通商稅則土煤出口之稅重於洋煤數倍本欠平允茲擬援照臺灣開平湖北等處開煤

奏准成案每噸完出口正稅銀一錢各省兵商輪船機器製造局用煤准其一律免稅完稅之後經過常關應准呈驗稅單放行運煤船隻完納船鈔免徵船料如此則與各處礦局既免兩歧亦可收暢運之效除隨時咨會山東撫臣督飭地方官紳妥為查察照料免滋流弊外所有援案招商開煤減稅以擴利源緣由理合附片陳明伏乞 聖鑒訓示謹 奏

奏稿四十七

十一

豐潤營田整頓額水片 光緒九年七月二十五日

再豐潤縣向有官營稻田四十八頃三十二畝四釐內斥鹵不毛者三十一畝九分四釐計可種者四十八頃一分係分南北兩圍歸該縣召佃認種官佃六分收每年於官收四成內將稻穀碾成糙米每畝額解薊倉五升共合二百四十七石零彙入截收南漕項下以備

東陵員弁俸薪餘米照數變價作為碾米工資解米脚價等項之用如災歉之年收不敷解俟下年豐收撥補惟非固不宜種稻嘉慶道光以前已成旱田改種雜糧而該縣仍以水田詳報殊屬名實不符且自嘉慶二十五年以後照額收足者甚少歷報水旱災歉有僅收數成者甚有不及一成者究竟所報有無虛捏歷年過久無從追查其短收之米亦無從撥補必須認真整頓剔除積弊

奏稿四十七

此後不准再短 臣於光緒三年飭司確查妥議因從前案卷散失又所議未協屢次駁查茲據藩司崧駿查明詳稱除斥鹵不毛之地三十餘畝外計南圍水田八頃五十一畝一分現仍種稻應令該縣於分收四成內照原額每年每畝解糙稻米五升其解糙稻米四十二石五斗五升五合北圍旱田三十九頃四十九畝久已改種雜糧查霸州營田前因不宜種稻已奏明改解粟米並因粟米之值不如稻米每畝加增七合今豐潤應即照辦每畝以五升七合為額令該縣於分收四成內每年共解粟米二百二十五石九升三合共應解糙稻米粟米二百六十七石六斗四升八合較原額加增二十六石零每年限於十月內運解薊倉存儲聽候撥用如逾限不解由該管遊化州臬司委員催提凡遇新舊交接應令照數移交現米轉解不准列入交代或別歸自理所需碾米工

資解米脚價等項仍由餘米變價項下動支嗣後若係水旱全災不能分收派員查勘確實方准免解若災歉在五分之一以下尚可分收應責令該縣照現定之額解足此案係光緒三年飭查應即自光緒三年起照現定之額報解等情具詳前來 臣查

聖鑒敕部知照謹

奏

奏稿四十七

三

請添撥銀米賑災摺 光緒九年八月初一日

奏為順直災區頗廣秋後賑需所短甚巨懇

恩准添撥銀米以救民命恭摺仰祈

聖鑒事竊臣等欽奉光緒九年七月初八日

上諭順天直隸所屬窪區向苦積潦近來雨水過多加以山水暴

發低田更難涸復小民失於耕種困苦實深朝廷軫念窮黎亟應

預籌撫恤此次江北糧米尚有六萬六千七十餘石現已運抵天

津著李鴻章就近截留暫飭各屬查明被災輕重分別核實散放

等因欽此又欽奉七月十五日

上諭京畿一帶地方被災甚重小民勞析離居情形困苦朝廷實

深慮念著李鴻章舉道遠周家相迅速籌款派委委員前赴災區

詳細查明妥為賑撫務使實惠及民毋任一夫失所等因欽此仰

奏稿四十七

十四

見我

皇太后

皇上憫念災區

深仁厚澤

詔書下逮遠近咸戴同深遵查本年六月十四日後連旬大雨加

以上游山水暴發勢極兇猛順天保定天津河間永平深州各屬

近河州縣多被水災坍塌民房甚多並有損傷人口之處臣等已

先後奏陳幸六月二十七日以後晴霽兼旬高地積水漸消聞已

補種蕎麥而窪區仍未涸復晚禾盡被損傷詎七月二十三四五

六七等日連次大雨平地水深數尺各河隄更多衝漫新漲又增

災狀益甚臣鴻章前已督飭藩司等遴委委員分往各屬會同牧

令詳細確查先由藩庫籌撥災重之武清縣急撫銀一千五百兩

涿州急撫銀一千兩擲其尤苦極貧者散放安平饒陽武強盧龍

遷安等縣各有積穀折價銀兩即飭先行動用撫恤如有不敷另

請添撥安州雄縣新城高陽容城獻縣任邱等縣一體查明迅速

核實辦理仍飭設法趕築漫口疏消積水冀涸出之區無誤種麥

臣道遠臣家相亦經奏明就上次賑餘銀款撥給通州武清三河

薊州寶坻大城各一二千兩不等遴派員紳分往認真查辦以資

急撫聲明其餘州縣俟陸續酌撥在案現在各屬詳細情形災歉

分數尚未據一律勘明稟報而就已報州縣村莊大致核計順屬

以寶坻武清永清霸州為重通州薊州三河香河大城保定

等處次之直屬以安州雄縣靜海天津為重新城容城蠡縣高陽

安平饒陽武強獻縣任邱東光青縣盧龍遷安等處次之其餘成

災及歉收者尚復不少雖急撫已擇要查辦目下不致失所但災

奏稿四十七

十五

區頗廣秋黍無收轉瞬秋末冬初蓋藏罄盡億萬窮黎飢寒交迫

亟須妥籌賑撫並擇地酌設粥廠庶可多救民命免致委填溝壑

其衝決民隄亦應及時撥款分別修堵保衛農田各該州縣現已

紛紛請撥如寶坻請米至三萬石雖為數過多應行核減然即以

順直二十餘州縣多寡算每州縣按五六千石計之已需十數

萬石應需銀款稱是現僅有江北漕米六萬餘石所短甚巨直隸

本係缺額省分向來入不敷出近復災歉頻仍疊經綢緩賑捐又

早停止其艱難情形久在

聖明洞鑒之中臣鴻章現准臣道遠臣家相來函商撥賑款亦以

所短甚巨囑再會奏添撥查同治十年災案奏撥漕米十萬石分

給順屬三萬石並由前尹臣添請京倉米三萬石部庫銀四萬兩

同治十一年災案奉撥漕米十萬五千餘石分給順屬六萬石並

由前尹臣添請京倉米二萬石部庫銀六萬兩此次擬於截撥江北漕米項下分給順屬三萬石惟不敷之數尚多順天最稱瘠苦別無款項可籌惟有撥案籲懇

天恩賞准添撥順屬京倉米四萬石部庫銀五萬兩即由臣道運臣家捐就近派員承領與現分之三萬石酌量勻搭分撥順屬災區督飭各員確查戶口核實散放應需運腳等費由部款內酌撥其應堵民隄決口修築隄埝並准以工代撫至直屬應賑災區及應修民隄等項均較順屬為多祇餘江北漕米三萬餘石僅敷數處搭用不得不再作發棠之請查本屆奉天牛莊運通粟米二千五百餘石錦甯廣義四州縣運通粟米一萬二千二百餘石共台一萬四千七百八十餘石現在已抵天津籲懇

奏稿四十七

共

部庫未充不敢再請容臣鴻章商飭藩司無論何款先行移緩就急竭力設法籌湊濟用隨時奏明仍督飭司道賑局將銀米勻搭分撥直屬災區一體確查戶口妥為核實散放並酌辦要工以工代撫如此分別籌措庶災黎咸有更生之慶益足固民志而廣皇仁至救災急切勢難概執成例臣等當嚴加督察務令涓滴歸民不准官吏絲毫弊混違則從嚴參辦仍將用過各項即在辦事地方分晰榜示俾眾咸知事竣核實開具簡明清單奏報循照應屆章程免造細冊等為民命至重亟需拯救起見是否有當謹合詞恭摺由驛具陳伏乞

皇太后
皇上聖鑒訓示施行再此摺係臣鴻章主稿合併聲明謹奏

酌裁防勇摺 光緒九年八月十七日
奏為直隸防勇無多業經酌量裁撤並將宣化大名勇營改歸兵額藉節餉需恭摺

奏祈

聖鑒事竊臣欽奉光緒八年十二月初四日

奇諭兵部奏請飭裁各省防勇確核兵額以節餉需一摺著各就該省情形悉心酌度奏明辦理等因欽此當與前督臣張樹聲會商悉心酌度並咨行提鎮司局一體妥籌籌議旋據陸續查覆由藩司核驗等核議具詳前來查北洋海防原有水陸各營事關重大現尚不敷分布無庸置議外正隸從前勇營疊經奏明撤遣所存者本止直字等數營前因海防喫緊兵力單薄飭調直字兩營移紮大沽海口義勝一營移紮北塘埋頭沽責令修築臺壘

奏稿四十七

七

協同扼守今年酌裁臬司親軍隊百人津防雲字馬隊二百人騰出月餉撥濟他項要用已先分別奏咨現僅存樂字等營勇一千數百人與練軍分駐要隘彈壓地面緝捕盜竄已無可議裁至通省綠營制兵如秦甯馬蘭兩鎮皆有守護

陵寢專責向不抽練此外各標久已抽練成軍今因大名宣化兩鎮各有勇隊一營已飭改歸兵額作為練軍即於該兩鎮制兵內裁去老弱五百人核扣底餉照章添放練餉亦經咨部查照在案直隸為畿輔重地幅員遼闊盜匪出沒靡常東南切近海濱西北控制邊外專賴練軍防勇往來巡緝乃可建威消萌其綠營皆有分汛除抽練外所餘無多當內外各城各省之通衢差繁事劇又須守護各州縣倉庫監獄未可過於裁汰轉致汛地全空臣惟有督飭將

領隨時加意整頓概不准老弱充數總期有一兵得一兵之用除
將已裁勇隊改歸練軍起任餉數日期飭令司局核明分晰造報
外所有酌度辦理緣由理合恭摺覆

奏伏乞

皇太后

皇上聖鑒敕部查照謹

奏

奏稿四十七

六

丁德昌請卹片 光緒九年八月十七日

再據滄州知州趙秉恆詳據紳士副將銜候選參將劉鳳舞補用
知府前雲南武定直隸州知州張之彬員外郎銜戶部河南司主
事吳兆元等聯名稟稱統領樂字馬步等營記名提督猛勇巴圖
魯丁德昌帶隊駐滄巡防十有餘載同治十年擊獲巨盜回小輩
等十三年擊獲著名梟匪鄧九等光緒四年擊獲山東齊河縣行
劫黃差盜首李三連連古等均解由地方官訊明正法商民安堵
宵小潛蹤同治十年滄境被水設廠放粥光緒二年旱災會同州
官親查撫卹戶口不溢不遺又因鬻女者多倡設寄嬰局收養女
嬰保全無算歷年施發棺木棉衣光緒五年施給河西貧苦村民
籽種光緒六年挑挖唐官屯滅河親督營勇駐工躬操畚鍤歷年
修理滄境鹽廠前及流佛寺河工隄防鞏固保衛田廬光緒二年
倡修宋臣包拯祠並於祠中設立義學成就童蒙議定條規刊碑
立案城內文昌閣廢圯多年會商地方官捐資修葺湖白同治九
年接統樂軍以來紀律嚴明勇丁守法無一在外滋事之人其馬
隊左營駐紮泊頭步隊中營駐紮馮家口營規均極整肅所有出
防弁勇每至撤防時商民無不公稟請留民情愛戴遠近交孚茲
於光緒九年六月十五日在營病故紳民等追溯前勞同聲感泣
謹臚舉事實懇
奏卹建祠等情前來臣查丁德昌歷隨勦辦髮捻各逆疊著戰功
樸勇勤能深明紀律前以滄州濱海之區民風強悍飭帶所部樂
字營駐防為津沽後路接應兼分巡河間東光南皮鹽山慶雲一
帶約束兵勇保衛商民威惠兼施羣情翕服茲以傷病舉歿歿於
防次山該州紳民合同陳請相應據情籲懇

天恩准將記名提督勇巴圖魯丁德昌
救部照提督軍營立功後積勞病故例議卹並准於滄州建立專
祠由地方官春秋致祭以彰盡績而順輿情伏乞
聖鑒訓示謹附片具
奏

奏稿四十七

三

輪船薪糧不憑馬力片 光緒九年八月十七日

再前准兵部咨行軍需報銷章程內開開廠二百五十四一百五
十四八十四馬力各輪船已據前船政大臣沈葆楨奏定支銷薪
糧章程惟僅定三項馬力支數其二千四百匹或數百匹數十匹
數匹馬力輪船均未議定支數每匹計斤重若干亦未聲敘應令
各該大臣核議定章奏明辦理馬力必照實開報不得有虛馬力
名目等因查西洋馬力之說亦如中國權度之意物必權度而
後知輕重長短惟機器不能用權度必以重料程三者為準重者
機力能勝之斤兩輕者機力運行之時刻程者機力推移之道里
以此三者較試合計乃可得其力之強弱名之曰馬力每匹約合
中國一百五十斤惟各國各廠製造船式機器情形不同有機大
而船小者有船大而機小者即一廠中同式之機器其馬力亦不
盡一律考詢西國水師兵官及出洋學生僉稱西例實無以馬力
多少定兵弁薪糧之數應以船隻之大小噸載之輕重及機器噸
位桅帆器械之繁簡通盤核計分別勞逸以定員弁兵勇名數餉
數方昭平允非洋前購超勇揚威兩快船其馬力皆二千四百匹
經臣核定每船僅月支銀二千六百餘兩至二千八百餘兩較開
廠二百五十四匹馬力之船月支銀三千二百餘兩者尚減數百兩
即開廠威遠一船其馬力八百四十四匹而僅照一百五十四馬力
支給薪糧若必以馬力之多寡定薪糧之增減殊非定評更不可
將未來之船懸擬支款章程致多窒礙嗣後增製兵輪船仍應察
看船隻之大小噸載之輕重及機器噸位桅帆器械之繁簡隨時
酌定人數薪糧以期核實節省至欲得實在馬力數目必須將船
滿載燒足頂好煙煤於平風靜浪中往來行駛用西洋試機儀器

奏稿四十七

三

逐細驗算前以各船操巡緊要而馬力又無關薪糧出入未即較
試上年局員送薪糧清冊因未深悉情形開有以未經試足馬
力之數開報者今飭水師統領天津鎮總兵丁汝昌督同洋員陸
續如法驗算計前購英廠超勇揚威兩快船實各在馬力各二千四
百匹鎮非鎮南鎮東鎮西四廠船實各在馬力各三百五十五匹鎮中
鎮邊兩廠船實各在馬力各四百匹核與總稅務司赫德前開清單
相符聞廠測來威遠船現作練船該廠原報馬力七百五十四匹今
較試實有八百四十四匹應即照此註冊備查其各船人數餉數早
經核定並於上年四月本年二月先後造冊分咨戶兵部有案應
請仍照前定之式無庸更議將來如有應行變通之處隨時核辦
此外康濟鎮海等船或值差操或須修理俟遇便較試再行咨部
註冊所有非洋各船試單馬力數目及薪糧不宜按馬力核定緣

由理合附片具陳伏乞
聖鑒敕部知照謹
奏

奏稿四十七

三

馬頰河暫緩開引摺 光緒九年九月初四日

奏為馬頰一河現經遵

旨會商暫緩開引恭摺仰祈

聖鑒事竊臣等欽奉光緒九年八月初一日

寄諭游百川陳士杰奏遵旨酌議分減黃流及各工次第興辦一

摺馬頰一河距黃流向遠且經過直隸地方於民生利害關係甚

重著李鴻章游百川陳士杰會同悉心酌度妥議具奏等因欽此

仰見

朝廷慎重工熟籌兼顧欽服莫名遵查此案前准臣百川臣士

杰公兩東省大清河淺狹難容黃水全溜擬開馬頰河以資分洩

惟下游須經直屬地面已派員逐細查勘商屬相度機宜臣鴻章

當以直東之交本上古九河所經慶雲迤北地勢南高北下土脈

鬆淨天津為眾水匯歸又係西漢以前黃河故瀆且距京較近一

片平陽若分黃流入馬頰而趨直境萬一就下勢順人力難施大

溜北注而引河不能容納恐波及近畿一帶為患更甚似應斟酌

變通從長計議正在擬撥開欽奉前因又經悉心酌度咨商去後

茲准臣百川臣士杰覆稱東省擬開馬頰河因目視黃流泛濫災

黎困苦情形出於萬不得已今既恐近畿一帶波及之虞定議

不必開引自應由直主稿會奏等因咨會前來所有馬頰河現經

會商暫緩開引緣由理合會同倉場侍郎臣游百川山東巡撫臣

陳士杰恭摺覆陳伏乞

皇太后

皇上聖鑒謹

奏

奏稿四十七

三

營務委員應給薪費片 光緒九年九月初四日

再直隸經理練軍餉械營務各委員應給辦公薪費前按差事之繁簡酌定數目之多寡經前督臣張樹聲咨部查照旋准戶部覆稱此項薪公如果應給何以歷年已久從未議及駁令不准開支等因當經轉行嚴減茲據藩司松駿等以委員萬難枵腹辦事仍請開支前來臣維候補人員派委差事向章應酌給薪費俾可專意趨公免滋流弊本係一定不易之理各省皆然直隸經理練軍餉械營務各員薪費初由外開開款設法騰挪融銷但係缺額省分歷久無從挹注各屬攤捐又須分別裁減揆之實事求是之義自應於正項內照章開支以昭核實他省且有實缺人員因廉俸無幾動支公款按月加津貼者悉蒙諭旨允准誠以時事所值未便惜小費以誤要工臣於度支不敢

奏稿四十七

雷

不慎尋常無益之費悉皆從嚴駁斥不准絲毫浮糜惟是馬步練軍及留防練勇各營分駐畿輔要地並調防海口或遠戍塞外應需餉乾及軍械帳棚火藥子彈等項悉關緊要凡收支運解製造一切事極繁重動緊軍情利鈍必須分項專員經理乃可無誤事幾該員等自派委以來均能權衡緩急隨宜應付出入各項處處發實統計省城練餉局營務處軍裝局火藥局庫各處大小委員約共三十人每月僅合薪費銀一千二百兩左右尚屬撙節本係照章應給之款向准據實開報若靳而不實無以勵廉隅而裨軍事相應仰懇天恩俯准自光緒九年正月起附入練餉支銷以昭平允嗣後即以每月一千二百兩為率不得再請增添以示限制除將承辦各員銜名月支銀數飭局開具清摺咨部備案外所有直隸經理練

軍餉械營務委員仍請酌給薪費緣由理合附片具陳伏乞聖鑒訓示謹奏

奏稿四十七

雷

軍營佔地仍給租價片 光緒九年九月初四日

再記名總兵劉祺所統直字營步隊係照楚軍營制設有馬步親軍小隊計哨官一員馬勇八十名馬八十一匹步勇二十名嗣於同治七年九月八年正月善後案內奏明仍留步隊兩營馬勇八十名其哨官一員馬一匹步勇二十名均行裁撤惟近因海防緊要已將該營步隊調紮大沽海口馬勇仍派赴內地巡緝未與步隊併駐一處若無專員管帶則勇丁無人約束殊未周妥應復設哨官一員月支不扣建薪水銀十二兩馬一匹月支扣建乾銀三兩八錢業經前署督臣張樹聲核准於光緒八年十月起支分咨戶兵部立案旋准兵部覆稱應奏明辦理等因又通永練軍馬隊中營駐紮遵化州石門鎮其營盤操場佔用旗民李英等地一頃十六畝九釐每年議給租價制錢一百三十五千三百六十一文

奏稿四十七

保定練軍步隊中後兩營駐紮省城東關外其營盤操場佔用民人馬馱等地一頃三十五畝五分每年議給租價制錢六十七千七百五十五文自光緒九年九月起由局支發亦經張樹聲咨部立案旋准戶部覆稱各處練軍從無此項地畝租價應毋庸議等因臣查直字營馬勇既為一隊分派巡緝自應復設哨官一員騎馬一匹照章起支薪乾以資約束而免滋事至營盤操場佔用民地應給租價天津練軍曾按年造報經部准銷有案且向來官兵或沿途住宿或日久屯駐均應給予房價載在戶部軍需則例況常年佔用地畝尤為小民衣食之源若不給租必致農田失業營中既無款可籌應請將通永保定練軍佔用地畝仍由練餉局照發租價以免擾累理合附片具陳伏乞

聖鑒敕部查照謹

奏

奏稿四十七

老

流馬輪船薪糧請銷片 光緒九年九月初四日

再准兵部議覆准軍第十案收支款目報銷摺內以流馬小輪船一號請銷薪糧銀洋雖據將支放章程送部應令補行奏明後各部核銷等因臣查此項小輪船本係提督周盛傳自行購置旋因籌辦海防內河運解一切亟需小輪船差遣飭據該提督送津應用該船機器馬力八匹經臣發交水師營收管酌配管駕官一員月給薪水銀二十兩舵工一名月給洋十元鐵櫃一名月給洋二十元燒火一名月給洋十元水手三名月各給洋八元每年春融開凍後差務繁多原設舵工人等不敷駕駛自二月起添募舵工鐵櫃燒火各一名月共給洋四十元十月底封河即行裁撤自光緒六年十月起在於准餉項下開支比較閩廠定章支數有減無淨業將六年底止支放薪糧造報經部核覆准銷在案所有光緒七年正月以後支放薪糧各款應分案接續造報據報銷局司道具詳前來理合附片陳明伏乞
聖鑒敕部查照謹
奏

奏稿四十七

變通京城平糶摺 光緒九年九月初八日

奏為會同通籌京城平糶順屬賑撫事宜擬請變通辦理恭摺仰祈
聖鑒事竊准戶部咨開巡視中城給事中安祥等奏京畿糧價日昂平糶為急請飭籌款購米運京一摺部議恐各屬貧民來京就食宜早為之計以固根本請先由直隸撥銀十萬兩並由各省將軍督撫除被災較重之湖北山東浙江等省外各於洋藥釐金項下酌提銀一二萬兩或采買米石或撥解實銀迅速運津統由臣鴻章購辦米糧並分顧順天應如何解京設局定價平糶由臣等議章奏辦等因奉
旨依議欽此查照前來臣等遵即咨兩往返籌議並經臣鴻章派員赴京妥商一切查得光緒三年直境旱荒京城糧少價貴奉
旨飭辦平糶經臣鴻章設法借貸商本並湊撥北洋海防經費銀十一萬兩戶部添撥部庫銀四萬兩由南省奉省陸續購運大米三萬九千石粟米雜糧四萬八千餘石至京平糶自四年正月起到八月止計虧折成本及用過經費銀十一萬四千餘兩由部款及海防經費內開除雖官為經辦實賴商助巨款得以轉輸周轉近來南北市面蕭條商力未逮無可借貸而北洋經費各省關積欠甚巨刻值法越多事疊奉
密諭籌備海防需極細更屬無可湊撥至北省民食本以雜糧為宜惟京城情形稍有不同流寓者慣食大米麥麵貧者多食雜麵若運往高粱小麥等項必須發交糧鋪碾磨成麵方能出售而糧鋪居奇盤剝流弊滋多上屆購辦雜糧堆儲日久無甚銷路遂減價轉發糧店承售出糶是以虧折價腳不少而於窮民生計仍

奏稿四十七

未必有所裨益至外省州縣平糶可先查戶給牌計口准糶京城地大人稠分隸各處難於一律查給其中糧販奸商同糶漁利實所不免非直隸督臣所能遙制也伏查平糶係救荒之助給賑為救荒之本此次順屬災狀既重貧民過多賑撫至急除疊次蒙恩賞撥銀米之外核計所需不敷尚巨是以戶部議令分願順天實為救荒全局起見臣等再三商酌若以指撥直隸之款先行湊辦順屬賑撫則近畿一帶赴京就食之民自少與部臣早為之計以固根本之意適符其順天賑案內奉撥京倉米四萬石現因災區積水未退由京領赴各屬運費浩繁款無所出且節節阻滯一時亦未易轉運擬請將此項米四萬石暫存京倉俟察看情形陸續領出以供京城平糶或用粟米或撥種和隨時由府尹臣酌度咨商倉場辦理仍於平糶之外酌撥近京州縣濟賑及留備來年

奏稿四十七

辛

存撫之需各省關協撥銀米並以籌備順直賑撫為大宗量力兼營平糶如此對酌變通庶順屬災黎可期迅速拯救而京城平糶亦得隨宜酌辦如蒙
俞允即由臣鴻章將戶行籌撥銀十萬兩解交臣道遠臣家楣兌收及時濟賑其平糶事宜即由臣道遠臣家楣就近籌辦於事較便容再妥為察酌何時應行開辦即遴派委員擇定地方議就章程切實經理至各省關協濟銀米各款仍當會同催解撥用臣等會商意見相同謹合詞恭摺由驛覆

奏伏乞

皇太后

皇上聖鑒訓示施行再此摺係由臣鴻章主稿合併聲明謹

奏

順屬賑撫請撥練餉片 光緒九年九月初八日

再現籌京城平糶應需款項部議由直隸撥機器局經費銀四萬兩洋藥稅銀六萬兩即商飭該局及關道設法安籌茲據覆稱天津機器局經費向指新關四成洋稅招商局稅餉因各省防營需用子藥日多添購外洋機器加工製造稅項不敷甚鉅自光緒六年九月起由戶部按月撥給銀一萬兩勉應急需仍時形短絀至津海關洋藥稅向係按結彙入洋稅招商局稅併算除統提四成歸機器局經費並於招商局稅內提二成解部外其餘本已無多專供海防津沽練軍兵餉要用近年洋藥進口日少稅收日短入不敷出每歲須截留運庫額解餉數萬兩以資接濟現值海防喫緊軍火既須儲備兵食同關重要而庫空如洗應發之款節節延欠實屬無從分撥詳查確係實情此外司道各庫皆甚支

奏稿四十七

辛

絀本屆直屬災區既廣賑撫需款尤鉅尚須另行設法竭力籌措部臣謂直隸係缺額之區豐年且有不敷況當災履實已洞悉艱窘情形無煩縷述惟此項應需銀十萬兩現與府尹臣商籌擬請撥作順屬賑撫之用業經戶指會陳必須竭力籌湊查天津支應局有練餉制錢一項先於同治九年大名賑案撥用十萬串嗣於同治十年天津賑案撥用十萬串光緒三年直晉賑案撥用三十萬串應奉

恩准有案順屬近在

皇畿此次大水為災億萬窮黎嗷嗷待哺賑撫至重至急別無款項可籌惟有額懇

天恩俯准照案於前項練餉成本項下提撥制錢十六萬五千串按照時價合銀十萬兩專濟順屬賑撫要需以廣

皇仁而全民命如蒙

俞允臣即飭提解交府并臣及時應用庶免貽誤所有請撥練餉制錢以濟順屬賑需緣由臣鴻章謹附片具陳是否有當伏乞

聖鑒訓示施行謹

奏

奏稿四十七

聖

承德永平辦撫捐光緒九年九月初八日

奏為擬陳承德永平兩府水災分別籌辦撫恤詳細情形恭摺仰

祈

聖鑒事竊臣欽奉光緒九年九月初三日

寄諭有人奏京東水患甚大請飭急籌賑撫一摺承德永平兩府

被水成災前據恩福謙德先後具奏當諭令李鴻章妥籌撫恤即

著該署督將辦理情形詳細具奏原摺著鈔給閱看等因欽此遵

查承德府被水情形前經熱河都統恩福奏報奉

旨著恩福會商臣籌款撫恤並因武列河石壩等項衝決傾圮

救臣派員勘估當經咨函會商旋接恩福函稱無力貧民已由熱

河官捐加意撫恤仍飭各州縣查勘田禾能否收穫果否成災誠

恐冬春青黃不接之時民乏生計俟體察情形應否量加接濟再

行商辦等語其石壩等項工程臣於奉

旨後即遵派候補知府陳慶滋馳往會同熱河道府勘估就近稟

商恩福妥籌一切應俟陳慶滋等稟覆另行會商奏辦至永平府

屬六月二十三至二十七連次大雨上游口外山水奔騰而下

灤青等河陡漲一二丈近河村庄頓成澤國郡城及灤州遷安縣

城離河不遠水皆灌入數尺極窪之處益以瀝水有深及丈者遷

安首當其衝灤州盧龍情形亦重皆有倒塌房屋損傷人口漂沒

什物者昌黎樂亭水勢漸行漸緩情形較輕撫甯臨榆距河較遠

皆未被災臣已於七八月間將永平災狀與順天保定天津河間

深州各屬被水情形先後彙陳摺內疊經聲明此次水勢之大為

數十年所未有坍塌房屋甚多並有損傷人口等事災區既廣災

狀益甚亟須妥籌賑撫兩次籲懇

恩旨准撥銀米在案並非未曾奏聞也臣已督飭河道局設法籌
 添銀兩一面飭派委員分往各屬會同牧令認真查勘災重者先
 行撥款撫恤較輕者歸入冬賑查放所有承屬被水之處當時即
 飛飭該府督率州縣設法拯救以原存積穀折價頗多先飭就近
 動用積穀折價於城外設立粥廠使附近災民就食並帶空曠廟
 宇令其棲止較遠者查戶散放錢米餅餅水退後貧民漸次復業
 粥廠停止灤州則由該州郭奇中倡捐銀一千兩並與教佐紳富
 集資按戶撫恤盧龍樂亭皆動積穀折價查戶撫恤昌黎則由該
 縣捐撫臣莅直十餘年稔知永平府屬地勢較高距海甚近河道
 尾閘通暢向來並無水患連歲豐稔民閒亦較富厚此次上游山
 水過大驟長一二丈河不能容橫衝四溢又加本地雨水頃刻汪

洋一片以當時情形而論實為非常之災幸來勢雖猛去路甚速
 六月二十九日水即歸槽平地之水旋亦消去被淹僅止數日七
 月下旬河水復漲開有出槽亦即退落迥不若順天津河開保
 定一帶窪區積澇數月難涸災歉頻仍民生逾久逾困也其坍塌
 房屋有力者已自行修理無力者由官紳商富酌量捐借工資地
 內早禾尚有收穫晚禾多被淹壞間可補種蕎麥亦無誤構麥之
 期樂亭等處且有沙城掛淤成沃壤者又有熟地猝被沙壓者均
 飭確勘妥議如果沙壓之後不堪耕種照例請豁錢糧現據盧龍
 縣勘報成災六分者二村五分者二十村灤州勘報成災五分者
 二百一十村亦不若天河各屬成災村莊之多且重也其遷安被
 水二百餘村勘定災歉分數尚未報到昌黎樂亭聲稱民情綏帖
 無須再行調劑臣又派員馳往會同該府督飭各牧令查議賑撫

奏稿四十七

請

奏稿四十七

重

事宜片行撥款核實辦理務期民沾實惠應行蠲緩錢糧等項俟
 秋災案內彙奏至喜峰口駐防旗兵前已咨准該副都統謙德查
 覆計被災男女三百四十一名口淹斃者十五名口應需撫卹銀
 六百九十八兩業飭藩司迅速照數撥解其與永平駐防倒塌官
 房亦飭永平府督同盧龍遷安兩縣查勘估計核辦矣伏念今屆
 伏秋水患甚大八月初間續有狂風大雨各河陡漲決多口西南
 漳衛滏陽等河亦被衝漫或瀝水匯歸以致正定大順廣冀趙定
 各府州屬及東路之遵化州屬亦開有災歉但較窪區稍輕耳總
 由地方官奉職無狀召此災履帑項竭蹶補救維艱微臣悚懼之
 餘彌增內疚此乃地方切要之事豈經督飭司道等籌工籌賑勉
 力經營曷敢因海防喫重稍涉玩視除仍設法妥籌分別辦理隨
 時奏報外合先恭摺詳細覆陳伏乞

皇太后

皇上聖鑒訓示謹

奏

變通選補章程摺 光緒九年九月十七日

奏為知縣員缺歸選過多外補各員淹滯人才可惜擬請變通辦理恭摺仰祈

聖鑒事竊准吏部咨開前給事中戈靖奏請知縣員缺酌量撥歸內選部議丁憂遺缺前已歸選應將參革終養降補三項遺缺暨修墓葬親等項比照終養之缺一併改歸內選等因當經轉行核辦茲據藩臬兩司以外補人員擁擠得缺無期詳請變通前來臣查道光以前吏部定例部選知縣缺內丁憂參革二項遺缺准以軍功候補人員扣留外補其改教終養二項遺缺亦准以軍功候補並各項候補人員扣留外補又咸豐同治年間續定章程終養改教撤回降補迴避等五項所遺選缺均准扣留以進士即用與各項候補人員分班酌補修墓葬親等項所遺之缺照終養之例

奏稿四十七

奏

辦理誠以外省候補人員太眾非此無以疏通而該員等既在本省差委有年於吏事民情較為諳習遇缺酌量揀補可於地方有裨至丁參改教終養各缺扣留歸外實係道光以前如此蓋已歷久遵循矣嗣將丁憂一項遺缺改歸內選則外補之缺已少近雖停指並停止分發而正途及各項保舉候補者仍較前增多蓋進士即用大挑舉人員生授職及議敘等項本係照常簽分其停指及停止分發時他項又紛紛起辦到省且已指已保省分之員並未停止分發更陸續而來即使參革等項遺缺仍照例章統歸外補人浮於缺已不啻數倍若再一律改歸內選是到省各項候補人員查無得缺之期各員中儘有歷練已深才具開展堪膺民社者棄置殊為可惜況進士即用人員係奉

缺均應按班輪補今終養降補暨修墓葬親等項不准扣留是即用於此數項永無輪補之日亦非鼓勵正途之道雖此外尚有升調病故休致等項遺缺但委用班勞績試用班捐納試用班截取進士班截取舉人班大挑班議敘班教習班教職班拔貢班優貢班孝廉方正班及各項儘先應補者不堪枚舉其改教撤回迴避三項出缺極少實不若丁憂參革終養降補暨修墓葬親等項出缺稍多尙可將進士即用與各項候補人員分別專補輪補藉資周轉也直隸為

奏稿四十七

奏

候選人員壅滯固宜量為調劑惟各缺歸選過多吏治愈難整飭而外省候補尤眾人才更覺向隅似應再行變通期歸盡善擬請嗣後各省知縣選缺內丁憂參革終養降補改教撤回迴避等七項暨修墓葬親等項遇有缺出合併計算統改為一選一留第一缺歸選第二缺留歸外補第三缺以後照此類推其留歸外補者仍照續定章程丁革兩項專歸軍功候補人員酌補終養降補改教撤回迴避暨修墓葬親等項歸進士即用與各項候補人員分班酌補第一缺酌補即用人員第二缺酌補各項候補人員第三缺以後照此類推將來各項候補人員漸次用竣再行察酌另議如此分別辦理庶即用與各項候補人員不致過於偏枯而一選一留較道府直隸州二留一選同通知州四留一選者已多並較道光以前丁參改教終養等項扣留外補原例更於選途有益在

部中集各省之缺必可較前疏通亦不失部臣內外持平無或偏倚之意臣為內選外補人員皆宜疏通以屬人才而裨吏治起見理合恭摺具陳是否有當伏乞

皇太后

皇上聖鑒敕部議覆施行謹

奏

奏稿四十七

天

津貼教練朝軍經費片

光緒九年九月二十二日

再上年秋間臣與吳長慶面商朝鮮內亂初定民不知兵宜籌善後之策今與該國王商定募練朝人照准軍操法由吳長慶督率試辦曾於十月間覆陳朝鮮善後事宜摺內聲明選派教習代為簡練在案茲據吳長慶咨呈自去年九月朝鮮國王招齊左右親軍兩營續於江華省原設額兵內另抽五百人立為鎮撫營請為改練所需添募教習華員及弁兵七十餘人其月給薪費銀四百二十兩探演陣法及鎗礮各準頗為整齊聞該國開州南漢之兵亦請日本入代為教練中國自未便惜此小費而不予擬請將自八年九月起至九年九月止津貼教練朝軍經費銀五千四百餘兩作正開銷等情除飭准軍支應所照數籌發外並密屬吳長慶以後應與朝鮮議明如必照常教練應由該國王月行酌派接管以備吳長慶所部將來調撤內渡不至鬆懈操防庶資持久理合附片具陳伏乞聖鑒敕部知照謹

奏稿四十七

天

奏

李文忠公奏稿卷四十七

李文忠公奏稿

卷之四十八目錄

賑捐添收貢監片 光緒九年十月初一日
 五城捕務經費請改撥片 光緒九年十月初一日
 淮軍報效欠餉請廣額摺 光緒九年十月初一日
 程建勳請賞文職片 光緒九年十月十三日
 勘估熱河工程摺 光緒九年十月二十六日
 各營加夫仍請給半摺 光緒九年十月二十九日
 淮軍報銷摺 光緒九年十月二十九日
 軍需交涉洋務片 光緒九年十月二十九日
 安籌邊計摺 光緒九年十一月二十八日
 安籌前敵軍事片 光緒九年十一月二十八日
 鹽引展限復額摺 光緒九年十二月初四日
 近省隄河工程摺 光緒九年十二月初四日
 查覆獻縣掘隄片 光緒九年十二月初四日
 兵差報銷片 光緒九年十二月初四日
 山西鐵斤請歸海運摺 光緒九年十二月初四日
 安籌北洋防務摺 光緒九年十二月初七日
 酌議礮臺地雷陣練事宜片 光緒九年十二月初七日
 覆陳礮馬片 光緒九年十二月十五日
 海防經費報銷摺 光緒九年十二月十九日

李文忠公奏稿卷四十八

全集一之四十八

桐城吳汝綸編錄

賑捐添收貢監片

光緒九年十月初一日

再順直各屬今年大水為災秋禾多被淹沒房屋坍塌不少並有
 損傷人口之處小民困苦情形業經臣與府尹臣節次陳奏現已
 節交冬令高處水漸涸退窪區仍一片汪洋轉向冰凝春麥亦難
 補種窮黎飢寒交迫為日甚長核計奉撥銀米所短甚巨各庫萬
 分支細勢難多籌他省亦多偏災地注有限不得不設法勸捐稍
 資接濟惟從前晉賑捐輸係照例銀減成折收向可踴躍近已停
 捐實官只有虛銜封典兩項且須收足十成例銀以致捐生裹足
 來源枯竭部臣雖議推廣報捐升銜頂戴但銀數動至千餘金及
 八九千金非大有力者不辦恐於賑需無所裨助查山東賑捐於
 銜封之外已經部議准照常例十成實銀收捐貢監生兩項此兩
 項銀數較少而由俊秀報捐者較多若竭力招徠或可湊集成數
 繼賑災廣且重待賑戶口及以工代撫之處極多實較東省情形
 尤甚懇請援照山東辦法即按現行常例十成實銀一體准捐貢
 監生將履歷清冊隨時編次分咨部監迅速發照俟賑務告竣奏
 明停止如此辦理庶多收一分捐輸即以全活若干民命災區稍
 資補救亦與現行例章並無窒礙據籌賑局司道具詳前來相應
 仰懇
 天恩俯准照辦以裨賑需所有順直賑捐請照案添收貢監生兩
 項緣由理合附片陳請伏乞
 聖鑒訓示敕部立案謹
 奏

五城捕務經費請改撥片 光緒九年十月初一日

再准戶部咨開議擬御史張人駿奏請整頓五城捕務添撥經費並撥五城片商擬於直隸洋藥稅項下每年添撥銀六千兩自應照數撥給等因當經轉飭津海關道籌辦茲據該關道周馥詳稱津關經徵洋藥稅向係按結彙入洋稅招商局稅併算以四成撥充機器局經費其餘六成除去稅務司薪水等項應支發天津海防練兵月餉從前洋藥進口較多稅收較旺近年逐漸遞減大非昔比而機器局因各省防軍領用子藥日多需費甚巨除四成稅外每月須添領部庫銀一萬兩勉應急需仍形短絀至練兵月餉本係計口授食尤應按月給領方免飢潰之虞近以六成稅項不足歲須備留運庫解省餉數萬兩稍資接濟此該關稅項不敷本處要用之實情前因京城籌辦平糶曾奉戶部議提洋藥稅等

款已詳細陳請改撥今五城經費歲以為常但能設法勻籌敢不

通融湊解無如稅收入不敷出向例應發之項疊有短欠實屬無從分撥惟有懇請奏明由部改撥等情前來臣查該關洋藥稅係專供機器局經費及海防練兵月餉皆關重要近因收數遞減用項較繁向須部庫及省餉接濟據稱入不敷出無從撥解五城緝捕經費確係實情直隸著名貧瘠又值災歉頻仍各庫羅掘已空異常支絀此項常年經費委難設法相應仰懇

天恩俯准敕部另行籌撥以示體恤而免貽誤伏乞

聖鑒訓示謹附片具

奏

准軍報效欠餉請廣額摺 光緒九年十月初一日

奏為准軍已裁未裁各營欠餉分別截數報效查照部章懇恩加廣江安兩省中額恭摺仰祈

聖鑒事竊准戶部咨送軍需善後報銷章程內載各省舊欠軍餉如兵勇早已遣散營伍早已裁撤應趕緊清釐從前實欠銀數專案奏報准其一律歸併報效請廣文武中額等因臣查准軍自同治元年東下轉戰南北各省勒平髮捻各匪因軍餉支絀頻年積欠有在兵勇名下者有由統領營官設法籌墊者鋒鏑餘生指此為養贖之計本應陸續補發惟現在餉源枯竭勢難一律籌補不得不變通辦理擬將從前裁撤各營欠餉查照部議令其報效其未裁者截至同治九年三月底止勒掄軍需報銷尾案以前舊欠臣亦勒令報效以清積欠而裨庫儲實計已裁未裁各營欠發餉銀七十萬三千六百九兩二錢有奇已飭據報銷局司道查明數目咨部在案茲查部臣奏定捐餉加額章程一省捐銀十萬兩加廣一次文武鄉試中額各一名所有准軍報效前項欠餉七十萬三千餘兩應照章仰懇

天恩飭部以四十萬兩加廣一次安徽省文武鄉試中額各四名以三十萬兩加廣一次江蘇省文武鄉試中額各三名核計銀數有盈無絀除將欠餉銀數造冊咨送戶部查核外理合恭摺具陳伏乞

皇太后

皇上聖鑒訓示謹

奏

奏稿四十八

奏稿四十八

程建勳請賞文職片 光緒九年十月十三日

再遇缺題奏提督江西南贛鎮總兵程學敏於同治三年二月攻克嘉興府城因傷出缺經臣在蘇撫任內具奏是年三月二十九日奉

上諭程學敏帶隊攻克皖城上年復隨李鴻章督兵山瀝赴蘇所向無敵兩年之間先後克復蘇州省城嘉興府城及江浙名城十數處實為東南戰功最著朝廷見其謀勇兼優勳勞卓著疊擢提鎮賞給世職殊恩異數屢錫嘉嘉乃於攻克嘉興時躬冒矢石首先登城致鎗子貫腦絕而復甦履歷降旨詢問病狀方冀調治就痊重資任使竟因傷重出缺覽李鴻章所奏其臨絕時猶以不能為國驅除殘寇為憾將才難得悼惜殊深程學敏著追贈太子太保銜照提督陣亡例從優賜卹加恩予諡入祀昭忠祠所有戰績及死事情形宣付史館立傳伊子程建勳著俟及歲時帶領引見候旨施恩用示眷念勳勞優加襲卹之至意等因欽此旋准部議給騎都尉兼一雲騎尉世職襲次完時給予恩騎尉世襲罔替又於克復金陵案內欽奉

特旨加恩追賞三等輕車都尉世職光緒六年經前兩江督臣劉坤一奏准照例併為三等男爵以伊子程建勳承襲在案茲程建勳由原籍驗看請咨赴京道過天津來謁據稱幼失怙恃家道貧寒無力學習弓馬因附義塾讀書曾以廕生應壬午科江南文闈鄉試因程學敏係舊部臣係原奏之人稟請照案奏咨等情前來臣查同治初年江皖備地皆賊臣提孤軍赴瀕瀕賴程學敏謀勇兼全以少勝眾兩年間連克江浙名城十數處並克蘇州省城皆程學敏之力居多不過因人成事

諭旨謂為東南戰功最著固久在聖明洞鑒之中今其子程建勳年已及歲矢志讀書力圖上進臣追懷宿將惻念遺孤仰維國家褒卹勳裔之典至優極渥敢不欽遵前旨奏懇

恩施程建勳未請弓馬可否

賞給文職俾資學習造就之處出自逾格

鴻慈除咨送吏部照案帶領引

見恭候

特旨錄用外理合附片瀆陳伏乞

聖鑒謹

奏稿四十八

五

勘估熱河工程摺光緒九年十月二十六日
奏為勘估熱河工程大略情形擬由直擇要承挑武列河正身加築攔水壩其石壩

官牆泊岸堆撥等處工鉅費繁無款可措請
敕部核議月行籌辦恭摺仰祈

聖鑒事竊臣前准戶部咨本年八月初二日奉

上諭恩福等奏熱河山水漲發武列河石壩衝決圍庭牆垣泊岸及各處堆撥多有傾圮請飭直隸總督派員一併勘估等語著李鴻章即行遴派妥員前往熱河詳細勘估奏明辦理欽此並准工部咨行分別應修應緩等因當經遴派候補知府陳慶滋馳往會同熱河道府詳細查勘分別緩急籌節估計並咨商原任熱河都統恩福就近督飭指示去後茲據該員陳慶滋會同熱河道高華

奏稿四十八

六

承德府知府高林遂處勘估稟覆據稱查得武列河源出察罕陀羅海行二百餘里至熱河匯溫泉及旱河之水入灤河達永平府屬歸海河東則羣山圍繞西岸距河里許有石壩一道北起獅子溝南盡沙隄皆長十二里裏外面皆用大石砌成中築三台土間原建時費帑百餘萬以為

圍庭郡街保障壩西

宮牆外又有石泊岸以護牆脚該河本自南山背轉灣處棄東向南而行並有西岸石壩捍禦從前

列聖歲巡此地時加修治河流順軌道光以後多年失修壩既損壞河亦淤淺同治九年水災雖係旱河為患實由武列河淤高去路不暢近自南山背轉灣處改道西行緊借石壩衝坍已多今年六月山水大發迅猛異常石壩又開段衝塌水勢直射

宮牆由東北角獅子溝至東南角草市街始出壩歸河以致宮牆馬道及石泊岸並兵役居住之堆撥郡街商民之房屋均有衝刷倒塌其餘三面牆身堆撥亦有雨水淋漓從前失修坍塌之處當經恩福率同文武設法搶護酌挑引河分築柳圍壩暫資抵禦現雖來源無多而

流孟亭門外迤南牆基下仍有小溜沙隄一帶尚有大溜搜刷壩根自應將武列河正身及時挑挖使水仍靠東行走並修築石壩宮牆石泊岸堆撥等項計武列河正身北自南山背改邊處起南至五火神廟西浮橋止除中開二段水向東行外應挑一千五百三十餘丈擬挑面寬十丈底寬四丈視淤積多寡挑深三尺至一丈二尺約合銀一萬五千餘兩石壩擬緩修三百七十餘丈其衝去無存或坍塌兩面一面及刷成坑溝應修者一千十餘丈約合

奏稿四十八

七

銀十七萬八千餘兩周圍
宮牆塌缺應修者湊長二千八十餘丈約合銀五萬二千餘兩石泊岸並迎水橋壩衝壞應修者湊長六十餘丈約合銀一萬九千餘兩堆撥除早經落架者一處又緩修者一處應修者三十八處約合銀三千餘兩此皆從省約估臨時能否敷用尚須察酌開單會稟前來臣以此工約估銀數過巨時事多艱萬無此力量仍飭陳慶滋來津反覆籌議擇要商辦旋據稟稱武列河改道西行原來正河身淤淺以致橫流為害似較石壩等工尤急若挑清通暢使復故道並將河內挖出石子沙泥於西岸十丈外堆攔成隄以約漫水再於西岸改道河頭相度形勢加築一攔水石壩盛漲之際挑水使歸正河壩之長短寬窄臨時相度機宜妥細酌定如此擇要籌辦水小之年不致遠有泛濫實為最要之工約計挑河

惟隄加築攔水石壩共銀三萬數千兩招集附近災民以工代賑一舉兩得至原有石壩等工約估銀二十五萬餘兩請片行奏辦等情臣查直隸係缺額省分豐年尚不足用況當災歉頃仍今又被水大小災區甚廣窮黎極多錢糧已大半蠲緩而賑撫所需尤亟前以民命至重督同藩司竭力挪湊銀二十萬兩以資各屬冬賑又於練餉項下勻提銀五萬兩以為永定河堵口要用其年例緊要放款如各

陵員役俸餉旗綠各營兵餉各河采辦防料經費各屬廉俸工料皆文牘煩催多未應付現在司局各庫羅掘殆盡來春青黃不接各屬賑撫及各河堤緊要工需約須銀三十萬兩尚無的款可指且值法人構畔海防戒嚴各省協撥必更減少餉需奇細實屬萬分艱窘無力再顧熱河巨工原任都統恩福深知直力艱難其原

奏稿四十八

函只請由直派員履勘分別緩急奏請勘修

諭旨令臣派員勘估奏明辦理並未責令籌款仰見

聖明俯察體恤入微莫名欽感惟武列河改道橫流地方被害曷敢膜視仍應擇要籌辦該員陳慶滋擬將原來正河身淤淺之處挑清通暢並將河內挑出石子沙泥於西岸十丈外堆攔以約漫水再察酌於西岸改道河頭加築攔水石壩庶水歸故道洶屬最要之工約計工費已需銀三萬數千兩河內沙石開雜數尺下即有伏泉挑挖不易無論如何為難擬就此項由直勉力湊辦臣即飭陳慶滋前往確細覆估責成該員會商熱河道府預購物料核實籌辦熱河大災之後飢民嗷嗷待哺即招集附近災民計口授食以工代賑非尋常工程可比應請照案免其造冊估報一面飭藩司陸續設法挪款濟用片行奏報至石壩為

圍庭東面保障
宮牆及石泊岸堆撥皆所以衛護

欽派大臣撥給

內帑興辦現據約估銀二十五萬餘兩工大費巨並稱臨時尚恐不敷應如何片行籌款酌辦之處擬請

旨敕部迅速核議刻值部庫拮据東南各省亦有偏災並須籌辦防務恐飭撥未必應手似須籌定的款再由部奏請

欽派大臣前往確細覆估分別修辦以昭慎重是否有當理合恭摺據實覆陳伏乞

皇上聖鑒訓示施行謹

奏稿四十八

九

各營加夫仍請給半摺 光緒九年十月二十九日

奏為調派各路巡防及海防河防練軍各營加夫前請按照原定營制酌給一半已屬節省仍請照辦以恤兵艱恭摺仰祈

聖鑒事竊本年六月前署督臣張樹聲與臣會奏練軍加夫請照營制酌給一半奉

旨允准兵部以與成案不符於九月間奏駁當經轉行練餉局司道核辦去後茲據該司道詳稱查閱兵部奏稱練軍開辦十五年

如有應行增減何以從未議及難保非該局員藉報銷新章有咨部立案之語遂創為變通之說雖以核實節省為詞而詳加核算

反屬浮冒歷屆銷案並無夏防名目即冬防原冊亦僅自十月至次年正月止今則謂至三月止騰展兩月亦與向章不符等語該

司道查直隸練軍營制係故大學士直隸督臣曾國藩遵

旨詳慎籌定加夫即在其內經戶兵工三部逐條核覆謂確有見地於同治九年八月奏准遵行計自議定營制至本年九月甫

及十三年同治九年新挑各軍練習拔營挖濠請銷移營加夫銀兩於是年四月十六八月初七等日經曾國藩奏准銷有案係

照營制全數支發是為加夫之始冬防亦始於是年初則除淮軍及直字等營外調派冬防練軍六七營十一二營繼因地方緊要

且直字等營移屯海口原有汛地空虛調派練軍十六七八九營不等初擬冬防自十月初出防至正月底撤回然同治九年保定

左營已於九月初派赴景州一帶巡緝光緒元二年並六年因各軍有河工之役於正月底撤防後即拔赴河工而撲捷營馬隊甫

於二年正月抄撤內邱等處之防二月初又調赴深冀一路巡緝保定後營亦調赴天津派辦工程至五月均未回營光緒三四五

年均於二月底撤防銷冊俱在可以覆按實無騰展兩月之事至夏防之派練軍光緒二年於閏五月二十日派出至九月二十日

回營三年於五月二十一日派出至九月初一日回營五年於六月初一日派出至九月初一日回營亦均有銷冊可考並非無此

名目且冬防雖報二月底撤回如無調派工作有酌留緩撤者並有復派出巡者夏防雖報九月間回營有因接辦冬防未撤者蓋

直境幅員遼闊積年兵燹災歉之區民窮多盜非藉馬步練軍四出巡哨嚴緝兜捕不足以靖地方即如本年三月哨隊甫經撤回

盜匪即乘間竊發保定西南一帶搶劫頻聞當派隊分投緝捕獲犯多名復將夏防分路調派各境亦即靜謐經張樹聲奏明有案

若海防尤當今急務黃防係數省民命該弁兵或列戍海疆加築臺壘或分守河隄力任修搶均關大局此必須隨時察看調派之

實情本無所謂向章也祇以加夫暫未全給無關餉項造銷不復將出防營數日期於銷案備申其說至以前之每年僅給一月加

夫本係試行的辦並非定章但聞有由營哨官出資添雇者有由兵丁攤費添雇者體察情形既實以曉夜梭巡或胼胝工作兵力

已形勞瘁又任攤賠夫價不獨苦累殊甚實慮流弊滋多是以以前請按其離營月日照原定營制酌給一半若回坐營仍即停給既

按營制減半自己摺節而無浮冒此係準情酌理因時制宜亦無須藉報銷新章為詞且戶兵工三部會議練軍營制摺內聲明此

後如有應行變通之處仍由督臣隨時斟酌損益奏明辦理所謂隨時斟酌者自無一定年限所謂變通損益者即如以前試行酌

給一月現擬照原定營制酌給一半是變通之說初非創造亦非有違定章也又兵部奏稱原奏既謂加夫斷不可少又謂必有加

夫斷不可少又謂必有加

夫以資貼補其河防津貼餉項稱為折給銀兩等費與加夫毫無干涉是借加夫為名而避加夫之實等語該司道檢查案牘曾國藩於整頓練軍時曾將昔年練兵行路須用官車茶營須用民夫地方不堪其擾而既拔營行動即須添募長夫一再陳奏定此加夫營制以除積弊是以本年六月原奏以既杜擾民並節兵力為斷不可少之需又戶兵部會議營制內開以夫價雇備車輜亦聽酌辦可見或夫或車本非一定要皆為行營較坐營耗費而設是以原奏以必有加夫稍資貼補正與斷不可少之說相符若派辦河工則應量予津貼犒賞蓋軍士既任力作不閉工價而銀兩力破墮擔繩索土車水戽等件皆為工次必需非弁兵分所應備力所能辦若逐件置給為費不資又恐以官物不加護惜是以折給銀兩令其自辦其添雇夫等項亦在其內如有餘資作為犒賞

奏稿四十八

即如光緒二年東明新隄大工之役派淮軍十四營練軍六營晝夜趕辦喘汗勞苦肩負重負計加土至四十六萬餘方之多節省工費十萬餘兩乃撥給銀一萬六千餘兩以為二十營津貼犒賞除置買器具添雇夫等項外每兵僅得賞銀數錢如過工程艱難銀兩所給銀兩不敷應用須自行彌補公中不復過問此實例省辦法與行營加夫以供搬運糧料資裝等項勞役者判然兩事毫不干涉並無借名避實虛糜帑項浮口侵漁情事該司道遵照三部會議章程隨時變通理應詳陳原委非敢有意瀆請也所有出防庫倫及口外朝陽岡場多倫等處練軍加夫本係全給今奉部行循舊照支外其內地各路巡防及海防河防各營加夫已於六月開奏奉諭旨准照營制減半支給即恭錄通行各營欽遵分別補發詳

報在案茲復行令只給一月既不足昭大信亦無以示體恤夫營制例也營之議案必引本例以繩之例無明文始援成案今既有原定營制可循似未便就權宜減支之數為斷恤兵與節餉兩端均關緊要不致不通盤籌顧如保定練軍之兩東明黃防大沽海防古北口正定練軍之調蘆臺山海關海防照章本應加月餉而體察兵力去營籍離遠向可自給現在暫未照加若應有之加夫既請准照營制減半仍再新而不與恐無以帖服軍心該司道恭查我

朝恤兵之政

列聖垂訓周詳伏讀康熙五十五年

上諭國家綏靖邊陲除賊寇必須士馬飽騰方克立奏膚功恤兵之道宜急講也朕臨御五十餘年無時不以愛養士卒為念內

奏稿四十八

而八旗禁旅外而各省旗綠兵丁視同一體或代還私債或遣官犒賞或嚴禁扣減所以體恤之者惟恐不至等因又乾隆三十七年有以餘丁長夫事宜酌議奏請者諭曰每兵百名定給長夫二十名固為慎重錢糧起見但官兵現在隨營出力已議給長夫三十名今又忽復裁減非所以體恤士眾等因又乾隆五十六年部議中途撤回屯土弁兵支給俸賞行裝銀兩准銷七分刪減三分按名追繳川督覆奏請將應追三成銀兩免其扣還諭曰鄂輝不拘泥部駁懇請免追所奏甚是等因仰見列聖塵念兵艱權衡至當煌煌訓諭敢不欽遵此項加夫實為營制經久之規軍行斷不可少之項應請將內地各路巡防及海防河防各營仍自本年正月起暫

行酌給一半已給者免其追扣再練軍營制步隊並無馬夫又馬步各練軍現無調赴奉天者兵部所奏步隊有馬伙夫七十名及出防奉天等處似皆筆誤應請更正等情具詳前來臣查直隸練軍原定營制加夫一項無論本省外省或餉或防以及往來巡哨凡非坐營皆應按離營月日全給夫價或雇夫或備車聽其自便原為利軍行杜騷擾起見早經戶兵等部議准並欽奉諭旨允行從前不論離營月日多寡每年只給一月夫價原係權宜試辦並非定章惟近年冬夏巡防加嚴海防河防尤關緊要兵力勞瘁屢由營哨官及兵丁攤賠夫價甚形苦累恐啟扣之端是以於本年六月奏請按其離營月日酌給一半原係循照隨時變通損益之部議辦理已奉旨著照所請該部知道欽遵在案今兵部議駁只給一月固為節

餉起見臣治軍年久深知籌餉艱難曷敢稍任糜費各軍將領往往以巡防勞苦月請體恤無不從嚴駁飭即海防河防練軍照章加餉亦未准行惟此加夫一項為練軍斷不可少之需實不宜過於剋減轉致惜小誤大所請酌給一半雖較前發一月加增而較同治九年各部議准原定營制確已節省一半更與分外添出者不同皆係實用實銷決無絲毫侵冒相應仰懇天恩仍准欽遵前奉六月

旨辦理庶期整軍安民經久無弊理合恭摺詳晰具奏伏乞 皇太后 皇上聖鑒訓示謹

奏

淮軍報銷摺

光緒九年十月二十九日

奏為淮軍收支款目自光緒八年正月起到十二月底止遵章列為第十一案造冊報銷恭摺仰祈

聖鑒事竊照淮軍收支款項業經截至光緒七年十二月底止列為第十一案報銷於光緒八年十二月十七日具

奏奉 旨該部知道單併發欽此并經循例造冊送部接准部覆按冊核銷在案查部定報銷新章各省向係造冊者無論八年八月前後仍舊造冊送部核辦等語現在接辦光緒八年一年淮軍收支款項第十一案報銷自應仍舊造冊送部以歸劃一伏查淮軍分駐徐州宿遷江陰靖江吳淞各處銘武馬步十八營一哨業經奏明撥歸江蘇支應除將揚州淮軍糧臺放過八年正月新糧

正雜各款同提督唐定奎分撥銘字水師六船截至八年底止餉項均歸江蘇防營案內入收彙銷外其餘分防直隸保定天津北塘正定滄州等處護衛親軍仁盛銘楚馬步水師共計三十九營又廣東水師提督吳長慶所部慶字親兵六營原駐山東嗣奉調援護朝鮮並各臺局護運餉械哨棚統歸淮軍案內彙冊請銷今自光緒八年正月起到截至是年十二月底止列為第十一案所有營哨官弁員名勇夫開收總數征防處所先經造冊分咨軍機處戶兵部備查並照部章將支給正雜款項及截清欠餉各數目分別彙開清冊附錄例案章程聲明以後有無增裁每三箇月開報一次亦已截至光緒八年十二月底止季報清冊先後分咨查核以上淮軍馬步水師各營並隨營辦事支應等差文武官弁親兵勇夫薪費口糧正雜各款並柴薪斤重價值駝騾喂養車輛雇價

均循前案楚軍營制與

奏定章程及歷屆准銷成案分別截清起止日期接續造報湘平折實庫平仍扣雜款一分平餘又馬隊倒補馬匹係照駐紮省分營驛例價核給水陸轉運餉項雇車船夫工價腳核計斤重程途里數按照軍需則例歷屆准銷各案支發仿據准軍報銷局司道逐款清釐查核舊管項下上屆截至光緒七年十二月底止實存銀一百二十六萬八千四百四錢六釐一毫六絲九忽一微新收項下綜計浙江四川湖北山東等省協餉並江蘇藩關釐局額撥軍餉兩淮鹽釐及本案扣存平餘同甯古塔防軍撥還軍火價值等項共銀二百六十八萬二千六百八錢八釐五絲八忽九微以上管收二項共銀三百八十七萬八千六百六十七兩二錢一分四釐二毫二絲八忽內登除專案奏明撥還常勝軍舊欠

奏稿四十八

洋行帳目合銀三萬四千七百五兩五錢一分二釐八毫八絲二忽又准軍分駐江南馬步營哨奏明撥歸江蘇支應由揚州糧臺放過餉項應歸江蘇善後防營報銷局入收彙銷銀二十一萬九千四百九十六兩八錢一分九釐二毫一絲二忽又撥放金陵機器局製造工價應歸該局收銷銀二萬兩又附列專冊請銷補放淮軍各營光緒七年十二月底以前欠餉銀六萬九千一百四十八兩八錢九分五釐一毫七忽五微又附請專案奏銷洋鎗礮隊教習通事人等辛工礮費輪船薪糧並購買外洋軍火價值運津礮械輪船水腳與天津行營機器製造局工料用款及操練後膛洋礮拉礮車馬喂養夫工倒補馬價等項計四冊共銀一十六萬五千八百四十四兩一錢九分八釐七毫八絲三忽實計收銀三百三十六萬一千六百六十五兩七錢八分八釐二毫四絲三忽

五微開除正雜各款遵照部議酌定軍需報銷章程各歸各部核銷計應歸戶部核銷銀一百五十九萬六千四百三十七兩九錢六分八釐七毫三絲一忽應歸兵部核銷銀三萬一千八百三兩一錢七分六毫五絲三忽應歸工部核銷銀四萬一千八百六兩九錢九分九釐九毫三忽統共請銷銀一百六十六萬九千三百二十八兩一錢三分九釐二毫八絲七忽實存銀一百六十九萬二千三百三十七兩六錢四分八釐九毫五絲六忽五微已接支光緒九年正月准軍馬步水師營哨正雜餉項並購製西洋軍火器械價值工料等用及儲備緩急不時之需歸於後案舊管項下滾接造報等情具詳請

奏稿四十八

奏前來臣查淮軍分駐直隸山東江蘇等省辦理江海防務上年朝鮮內亂就近由山東登州調撥慶字等營航海前往援護勦平亂黨今仍留駐該國保護屬藩深責其力刻值海防喫緊督飭各軍加意操練以備調遣所有造報光緒八年正雜款項逐款查核均係循照歷辦成案摺節支發實用實銷並無絲毫浮冒除將收支各款分造細冊咨送各部並飭將以後用款接續造報外理合專摺具陳並繕簡明清單恭呈

御覽伏乞

皇太后

皇上聖鑒謹

奏

軍需交涉洋務片 光緒九年十月二十九日

再查淮軍各營洋鎗礮隊教習通事工匠人等辛工等項截至光緒七年十二月底止業經附片

奏銷在案此次造報光緒八年正月起截至是年十二月底止第十一案內淮軍各營洋鎗礮隊教習通事人等辛工礮費輪船薪糧等銀三萬七千九百九十四兩七錢有奇又購買外洋軍火價值並運津礮械輪船水脚等銀八千一百一十四兩有奇又天津行營機器製造局委員薪糧工匠工食購買料物價值等銀五萬九千七百六十六兩有奇皆與洋人交涉無例可循至淮軍海防各營操練後膛洋礮拉礮車馬喂養夫工倒補馬價等銀五萬九千九百六十五兩有奇係照

奏明章程分別核給茲據該司道等按款復加查核俱經奉文飭發並無浮冒另造細冊詳請附

奏前來臣查前項各營洋鎗礮隊教習通事工匠人等辛工購買物料外洋軍火價值運腳各款皆與洋人交涉無例可循仍應查照歷屆成案據實請銷除將細冊咨送總理衙門戶兵工部查核外伏乞

聖鑒謹附片具

安籌邊計摺 光緒九年十一月二十八日

奏為遵旨安籌邊計仰祈

聖鑒事本月二十六日張佩綸到津傳

旨商辦法越事宜臣惟中外交涉每舉一事動關全局是以謀畫之始斷不可輕於言戰而敗挫之後又不宜輕於言和劉永福以新集之軍隔河而守山西本是危道殺傷相當棄城走險疆場勝負彼此何常此亦未足介意即敵或徑犯北甯三面受兵勢頗難守然我兵終無遽罷之理也竊謂關外進止機宜應請

旨悉以委之岑毓英進退戰守惟利是視不為遙制就不甚愛惜之越地以練我兵以撓敵志越亂未已黑旗尙存法亦尙存願息久之彼氣衰餉耗自願轉圜斯得理處之法豈可望風震懾倉卒

撤防使法窺我內怯要挾多端增環海各國狎侮之漸哉夫南宋以後士大夫不甚知兵無事則矜憤言戰一敗則惴惴言和浮議喧騰終至覆滅若漢唐以前則英君智將和無定形戰無定勢卒之虛僑務名者恆敗而堅忍多略者恆勝足知制敵之奇終在鎮

定伏願朝廷決計堅持增軍繕備內外上下力肩危局以濟艱難不以一隅之失撤重防不以一將之疏撓定見不以一前一卻定疆吏之功罪不以一勝一敗卜廟算之是非與敵久持以待機會斯則籌邊制勝之要道矣至津防為

京師門戶尤系

聖心臣練軍備器十餘年於茲徒以經費太絀不能盡行其志然臨敵因應尙不至以孤注貽

君父憂伏祈

聖躬頌神加餐毋以法船到津挾和為慮世事

君治軍惟矢一誠輸寫愚忱語多越局無任悚惶之至謹繕摺出

驛密陳伏祈

皇太后

皇上聖鑒謹

奏

奏稿四十八

三

安籌前敵軍事片 光緒九年十一月二十八日

再前敵各軍事權散漫兵家所忌岑毓英現已行邊應請

旨將黃桂蘭趙沃劉永福各軍均歸該督節制非常如能扼守因

糧於越稍省飛輓之勞否則糧餉軍火均當節節轉運以便久持

唐炯承

命回省徐延旭亦即

飭令在關內外擇要屯紮經理轉運事宜俾各軍資糧無缺撫臣

久駐邊境後路須有知兵大員贊助匡扶新授浙江臬司李秉衡

廉公有威可否請

旨與國英對調俾借張夢元整飭吏治簡練軍資以免撫臣回顧

邊軍與臣處音問曠絕張佩綸到津言及桂軍器械缺乏尤為焦

慮現擬由臣軍勻撥兩磅後膛過山礮十尊子彈三千顆林明敦

後膛鎗一千枝子彈一百六十萬顆士乃得後膛鎗三千枝子彈

九十萬顆吳大澂軍勻撥云嗜士得後膛鎗五百枝子藥二十萬

顆由津滬陸續運至粵東遞至關外供用並請

旨飭下南洋大臣協濟後膛鎗礮子藥若干迅解邊軍嗣後所有

前敵滇桂各營軍械即請責成張樹聲實力經理轉運分撥臣仍

當詳切函告岑毓英等講求練軍簡器之法師其所長以期虔備

嚴密張佩綸擬初一日起程回京其未盡事宜已商由該副都御

史到京面奏所有臣安籌布置酌撥軍火情形謹附片縷陳伏乞

聖鑒謹

奏

奏稿四十八

三

鹽引展限復額摺 光緒九年十二月初四日

奏為蘆綱各岸滯銷原停引目實難復額請照案推展五年以保現課恭摺仰祈

聖鑒事竊照長蘆所屬直豫兩省引岸前於道光二十四年停引十萬道嗣後疊經

奏准推展五年扣至光緒九年展限屆滿經臣查照部咨飭司察議復額事宜茲據長蘆鹽運使額勒精額詳稱蘆課關繫前需現

值時艱帑細但能加增一引即多一分入款斷不敢稍涉因循惟引目為數本多除提繳減停外尚有六十六萬餘道且併引加斤

鹽包節次增重道光二十八年清查案內每引又加鹽一百五十斤現計每引將及六百斤實浮於原額引九十餘萬道每引三百

餘斤之數民間口食有限餘鹽無處融銷因而引目叢積況直豫

徧地窮民恃以為生百姓貧賤買食又疊經兵燹水旱戶口凋殘銷鹽益帶至從前正雜課款每引不過一兩一二錢自嘉慶

年間以後頻將減引之課及舊商虧空均歸現引分攤又有軍需復價等款計每引須交銀二兩數錢實較前增倍此時欲減交款

則要餉無出欲減斤重則商累難支惟有就現行之引應徵之款設法整頓實力維持以冀逐漸舒展查光緒五年僅出庫引四十

九萬三千餘道六年僅出庫引四十八萬九千餘道七年僅出庫引四十九萬九千餘道八年僅出庫引五十一萬二千餘道今年

河運較暢該司竭力查禁夾帶偷漏督飭州縣認真緝私嚴辦梟匪並由臣派撥練軍分駐協捕領運頗有起色詎伏秋霖雨為患

各岸水災甚重菜鹽多不能銷而民氣大傷非數年所能遽復現計出庫引僅止五十萬九千餘道是近五年均不能領至六十六

萬餘道庫存積引已至九十餘萬道舊引既難疏通新引無從增

益且各商每年須包賠未出庫積引之課帑實已力盡筋疲若遂

議復額再令包賠十萬引之課帑則商累愈甚勢必參懸相繼無

裨實事有礙大局據綱商楊俊元等懇情稟懇推展該司詳加體

察確係實情應請援案將原停引十萬道再行推展五年俟限滿

察看核辦等情具詳請奏前來臣查蘆綱現行引六十六萬餘道

每年僅出庫四十餘萬至五十萬餘道仍積滯十餘萬道而核計

鹽包斤數及交納課帑銀數則較原額九十六萬餘引有增無減

又值災歉頻仍銷數短絀商力已極疲累新引實難增益該司謂

速議復額無裨實事有礙大局確係實情相應仰懇

天恩俯准將原停引十萬道自光緒十年起照案推展五年以恤

商艱而保現課仍當督飭該司認真設法整頓冀積引逐漸疏通

理合恭摺具陳伏乞

皇太后

皇上聖鑒訓示謹

奏稿四十八

五

近省隄河工程摺光緒九年十二月初四日

奏為光緒九年附近省城隄河歲搶修工段丈尺動支銀數循案開單奏報仰祈

聖鑒事竊照附近省城河道隄工或工段綿長或地居險要皆關

民生利害須認真修防前經奏定每年於清河道庫河淤地租項

下撥銀三千兩以為各工采購料物搶修之用免其造冊報銷經

工部覆准仍令工竣時開單奏報嗣因河淤地租不敷支用又經

奏准在於清河道庫銀兩項下按年動撥一不光緒九年

年開凍後即飭照數撥給銀兩購備椿料實成清河道又克寬駐

工督辦本屆伏秋雨山水過大清河及潞龍趙王廟等河

異常盛漲大溜湧出柵漫隄西淀水日擡高浪花飛越隄頂雄

縣趙村大壩迎溜頂衝屢次墊陷各處皆險工疊出經該道督率

印委分投設法搶堵至霜清後始竣茲據史克寬會同藩臬兩司

將工段丈尺動用銀數遵照定章詳報前來除民夫土方等項仍

歸民辦外所有搶修椿料用款應核無浮理合開具簡明清單

恭摺具

奏伏乞

皇太后

皇上聖鑒敕部知照謹

奏

謹將光緒九年附近省城隄河各工歲搶修工段丈尺動用銀數開具簡明清單恭呈

御覽

計開

一任邱等處千里長隄並趙王河等隄險工開段共合工長二千

九百丈搶修椿料共用銀二千三十兩

一邢州安平博野蠡縣高陽等處潞龍河隄險工開段共合工長

七百七十五丈搶修椿料共用銀四百二十二兩一錢二分

一雄縣等處清河各隄險工開段共合工長五百二十一丈搶修

椿料共用銀三百十八兩二錢七分四釐

一雄縣趙村大壩邊埽墊陷共合工長二十八丈搶修椿料共用

銀二百九十八兩七錢五分八釐

以上各工共用銀三千六十九兩一錢五分二釐除領銀三千

兩全數支用外計不敷銀六十九兩一錢五分二釐已照

數籌補理合陳明

查覆獻縣掘堤片 光緒九年十二月初四日

再欽奉光緒九年九月初三日

奇諭有人奏獻縣地方隄上伏尸甚多聞係清河道恐民人挖隄洩水派來護隄船所致是否屬實著李鴻章確切查明據實具奏等因欽此遵查直屬河隄向於伏秋大汛齊集民夫酌派官兵協守今夏獻縣之滹沱新河防護緊要該縣稟經前署督臣張樹聲照章飭撥船隻非清河河道派往嗣於八月間據河開府知府胡清瑞署獻縣知縣王贊元先後稟報南岸村民盜決北隄並敢放鎗拒敵以致格鬪傷斃該府親往安撫擬結當又札派清河道史克寬馳往確切詳查旋據稟報前來臣查滹沱之水本歸子牙河達津自同治七年山藥城改道北徙經深州饒陽下入古羊河萬不能容於是橫流四溢獻縣河開府前任邱雄縣保定霸州大城文安九州縣均被漫淹下游又無出路專以文安大窪為壑受害實太深廣疊經設法勘度於光緒七年在獻縣開挖新河滹水始由該縣復歸子牙河故道古羊遂亦斷流是已去其害之甚而保其利之多者其新河南岸各村久居窪下仍有漫淹之患並非始自今日蓋地勢使然無萬全之策也至北岸官隄所以捍衛下游九州縣地面防守不得不嚴今秋南岸之民於七月間扒決北隄即經該縣會同汛委趕緊堵築並赴南岸彈壓安撫旋因災象已成稟請撥賑乃八月初七日大章等村乘該縣等赴滄陽河搶險糾集數百人鳴鑼吹角執持鎗礮蜂擁而北一面扒隄一面拒敵兇猛異常北岸守隄之民不能抵禦因礮船適在他段巡防遂奔告促令馳救其時已扒開隄口七道業有一道過水礮船弁兵始則正言勸阻繼以空礮恐嚇詎扒隄之眾施放鎗礮抗

拒船幫被其擊斃兵丁亦有受傷而隄之存亡與下游九州縣出廬民命危在呼吸情勢迫不得已開礮抵格其扒隄拒敵者始各紛紛解散聞有落水傷斃者據該縣王贊元驗報將大龍等尸身九軀分別給領殮埋查明未撈獲者係順等二軀又當時擊獲附從扒隄之杜門等二十四人奪獲軍器火鎗刀械多件查盜決官隄罪名綦重即今年山東章邱縣人盜決齊東縣民隄曾奉旨嚴拏懲辦又定例罪人持仗拒捕格殺勿論又乾隆四十六年有王泰幅因所居河西積水糾約數十人潛往河東盜挖官隄希圖宣洩經河東之尹尚岳目擊隄勢將潰情急放鎗打傷王泰幅等身死欽奉

高宗純皇帝諭旨王泰幅等情罪重大非尋常罪人可比尹尚岳為保護地方起見著免罪釋放等因欽遵在案誠以隄防關係至

重盜決之風斷不可長況敢聚眾數百明目張膽執持鎗礮扒隄拒敵殊屬慙不畏法尤非盜決可比守隄兵民若坐視縱容責任何在且必至潰決橫流貽害下游九州縣之廣更屬無此辦法當據該縣驗報落水及傷斃者僅十一人並無伏尸甚多之事亦非地方印委辦理不善本屆水勢過大實為數十年所未有各處鄉民每因扒隄互鬪傷斃事前嚴禁既難諭事後追究更恐拖累當情形危急之際守隄者固不得不出死力以相爭冀保完善然扒隄者情亦可憫是以此案前據稟報臣即飭將所獲附從各犯二十四人從寬保釋未獲者悉予免拏俾安生業並飭優卹死者之家仍將被水各村奏給糧賦撥給銀米安集流亡倍加賑撫又以南岸水患頻仍未忍膜視已派道員金福曾會同史克寬詳細察勘妥議疏濬補救之方俟開春擇要籌辦冀輕積困所有此案

始末情形理合據實覆陳伏乞
聖鑒謹
奏

奏稿四十八

天

兵差報銷片 光緒九年十二月初四日

再准兵部咨開直隸山海關等處海防案內請銷臨榆等州縣暫
添夫馬工料事前並未奏咨事後礙難准銷且奉天等省同辦海
防未據請銷添設夫馬應將原冊發還等因當經行司妥議詳辦
茲據藩司崧駿臬司松椿詳稱光緒六年因俄約未定畿境海防
戒嚴除津沽北州等處原有防軍外欽奉

諭旨敕曾國荃督辦山海關防務飛調湘皖鄂各軍駐紮山海關
一帶鮑超統率靈軍各營駐紮樂亭灤州一帶李長樂統率淮練
軍各營駐紮甯河蘆臺一帶宋慶督率毅軍各營駐紮奉天牛莊
一帶其時各路將帥雲集計添客軍數十營軍書旁午羽檄紛馳
皆以天津為總匯而臨榆等處正當其衝文報兵差尤形繁劇該
州縣或額馬不敷或向非驛站不得不因時制宜擇要暫添夫馬

奏稿四十八

天

以資馳遞應差免致貽誤軍情經臣督飭藩臬司從省酌定僅在
臨榆樂亭灤州三處添馬三四匹其昌黎盧龍豐潤玉田武清
寶坻甯河天津等八處只添一二十四匹或數匹此外州縣雖亦文
報增多而情形尙可支持概不准濫行添設嗣曾國荃鮑超各軍
先後撤遣即飭將暫設夫馬陸續裁去其原買馬匹既未照例發
價並將墊用工料逐處核減不准按原支時價請銷是以年餘之
久計十一處共備銷銀七千七百餘兩實已節省不少至此項夫
馬係因防務喫緊而設若待奏咨奉到部覆必至誤事檢查天津
等處同治十一年添設夫馬係光緒元二每年始行奏咨經
部核准有案此次事同一律且在光緒八年部定報銷新章以前
又係核減請銷毫無浮圖捏飾至奉天各軍無多亦非各省至京
要道實與直隸情形不同所有臨榆等處款十成實銀七千七

百四十一兩四錢六分八釐該州縣既無力認賠司庫亦無開款
籌給仍請奏咨准銷於地糧項下撥發等情具詳前來臣查該司
等所詳確係實情直隸地瘠民貧差繁事劇州縣苦累非他省可
比此係軍需緊要用款亦非常有之事必須量予報銷乃免派累
閱閱轉滋流弊相應仰懇
天恩俯准照辦以示體恤而昭公允除將原冊咨部外理合附片
具陳伏乞
聖鑒訓示謹

奏

奏稿四十八

三

山西鐵斤請歸海運摺 光緒九年十二月初四日
奏為山西鐵斤抵津後內地陸運艱滯請歸海運以輕成本而惠
商民恭摺仰祈

聖鑒事竊山西平定盂縣一帶素為產鐵之區其銷路以奉天等
省為最從前海禁未開應於運抵天津後由內地陸運前往自各
國通商火輪夾板行駛迅捷他省百貨及銅鐵之屬皆改海運費
輕銷暢惟晉省之鐵相因未改仍由津陸運不歸海道徑達牛莊
以致成本過重商賈裹足采鐵之民生計亦因而日絀晉中素鮮
物產土貨出境者鐵為大宗別無利源可闢且鐵質笨重自晉至
津已屬不易更使舍海就陸道遠費繁而洋鐵轉得盛行中國大
利為外洋侵奪似非計之得者臣之洞因咨商臣鴻章謂應變通
舊章改歸海運當飭津海關道查明稅則妥擬辦法旋據該道周

奏稿四十八

三

覆稟稱自開海禁以來新開章程及各國條約均不禁止鐵貨下
海是以遇有鐵貨由津運往上海等處分別按則估價徵稅惟為
數無多似晉鐵仍由內地陸運中國近年製造日廣購用外洋鋼
鐵每歲需銀不下百餘萬兩晉省所產鐵斤若改歸海運則成本
較輕銷售自旺可收固有之利擬請嗣後山西之鐵由天津出海
如用民船裝運照章完納內地稅釐如裝輪船夾板除已完內地
稅釐外再在新關交一出口正稅仿照銅錢米穀出口章程取具
保單隨時放行等情稟請核奏前來臣等查鹽鐵之利本足以致
富強必使南北通行乃可逐漸開拓晉省產鐵素旺徒以陸運費
巨難於暢銷地方生意蕭索推原從前禁止出海之意並定以罪
名係恐接濟外洋製造軍器起見今則洋鐵盛行價廉運便中國
到處購用即鎗礮之堅利者亦取資洋廠實與昔時情形不同與

其以中國之銀易外洋之貨而銀日少孰若以中國自有之物產斟酌變通可漸收外洋侵奪之利且洋鐵既准由海道進口若中國之鐵不准出海亦不足以昭平允該關道所擬辦法尙爲妥協

臣等往返咨商意見相同相應仰懇天恩俯准將各省鐵斤鐵貨准由天津海船運往奉天上海等處銷售以輕成本而惠商民仍由臣之洞就產鐵地方督飭講求鑄鍊設法招商行運俟銷路暢旺再將課運未盡事宜隨時察酌核辦謹合詞恭摺陳請伏乞

皇太后

皇上聖鑒訓示再此摺係臣鴻章主稿合併聲明謹

奏

奏稿四十八

五

安撫北洋防務摺 光緒九年十二月初七日

奏爲遵

旨安籌北洋防務添募勇營恭摺陳仰祈

聖鑒事竊臣欽奉十月二十一日

寄諭北洋沿海各口地段甚長應如何扼要布置宋慶一軍素稱得力究以駐紮何處爲宜著詳籌調度等因欽此又奉十月二十六日

寄諭據御史丁振鐸奏請飭宋慶增募勇營扼守關外及旅順礮臺並令曹克忠招募津郡民勇自爲一軍等語所陳尙爲切要者酌議具奏等因欽此又奉十一月十八日

寄諭總理各國事務衙門奏海防緊要宜速近慮而豫遠謀山東要隘以煙臺爲最著李鴻章遴選得力將領如曹克忠郭寶昌等酌帶數營扼紮煙臺與沽塘旅順相犄角陳士杰當就本省現有

各營嚴密布置等因欽此仰見

聖謨廣運思慮豫防局勝欽服竊維法人攻據越之山西銳氣正盛所欲甚奢難保不分兵來華要挾恫喝北洋切近

畿輔尤宜嚴密籌防臣慮兵力本單只能專顧大沽北塘蘆臺山海關各要隘已於八月開陳

奏在案沿海各口地段甚長勢不能處處設備致耗餉項現與吳大澂籌議京東一路空虛春融即將所部馬步礮隊各營移紮灤

州樂亭昌黎等處足資犄角至宋慶一軍從前隨剿捻逆賊定西

陞共二十餘營素稱得力嗣後逐漸裁減光緒五年調赴奉天僅有少隊八營馬隊一營上年因旅順口興築礮臺創設北洋水師口岸不可無勁旅屯紮依護又調該提督親統步隊六營駐扼旅

順僅分兩營駐營口均形單薄而旅順營口兩處皆係奉天沿海扼要未可偏廢宋慶謀勇兼裕堪資倚任惟相距較遠至少必須添募四營庶臨事相機策應稍有把握查該軍月餉向由河南籌解豫省於七年五月因庫儲支絀奏准由戶部邊防經費月撥銀一萬兩茲擬飭該提督仍照毅軍餉章趕緊添募旬日選練成軍約計四營餉銀並津貼及軍火運費等項每月約需銀一萬二千兩至山東之煙臺口為南北通津洋船北來須在彼停泊接濟煤糧其要地久為洋商所佔礙礙未能修築倉猝難遽興工僅有東勇振字三營駐紮煙臺後路之岡奇撫臣陳士杰奏稱再於內地抽撥兩營前往同紮似可稍助聲援其威海一口東西兩峽對峙水深岸闊最宜操練舟師現飭丁汝昌統帶蚊快各船與所延英將琅威理常往操巡道員劉含芳帶領魚雷學生與所延德將哈孫常住操習甫經建設廠碼頭囤儲煤械尙未及修築礮壘將來亦須添駐陸軍逐漸經營水陸相依方可立足曹克忠久著戰功饒有智略擬如總理衙門原奏令其選募六營照准軍營制精勤訓練俟開河後察度機宜調赴煙臺威海一帶擇要扼紮與旅順水陸互為聲援雖不能控制海洋當可設險出奇杜其登岸該六營餉項軍裝等費每月約需銀二萬兩直隸災祲之餘度支奇窘北洋經費及淮軍額餉因各省辦防解數大減現在水陸各軍方虞口食莫繼更何能分給新營此臣所以遲回審慎不敢輕言添募也惟欽奉

諭旨一再飭催事不可緩以上兩軍月共需銀三萬二千兩仰懇天恩敕下戶部於東北邊防經費項下照數撥給如本款不敷即於庫儲四成洋稅內通融勻撥自本年十二月分起由臣按三箇

月出具文領派員赴部領回分別照章支放宋慶所部仍各由河南彙案造銷曹克忠所部即彙入淮軍造銷以歸劃一所有妥籌布置添募勇營緣由謹繕摺由驛擬陳伏乞

皇太后

皇上聖鑒訓示施行謹

奏

奏稿四十八

奏

酌議礮臺地雷團練事宜片 光緒九年十二月初七日

再欽奉十月二十六日

密諭有議及防務者謂礮石礮臺易被轟破必須護以厚土使礮子陷人不炸至開花彈從空而下藥庫兵房往往被燬尤當設法豫防並講求清野之法彼族船堅礮利海上難與角勝宜於陸路嚴密扼守將沿海要處分設陷阱地雷並設伏兵彼如登岸前後截擊自可得手又津郡辦理團練易於成軍但須嚴加約束勿任恃眾橫行妄挑外衅以上各條著該大臣一併詳加審度酌議具奏等因欽此又蒙

飭鈔閱工部主事余思詒奏請舉辦鄉團一摺仰見

訓示周詳機宜悉協欽感莫名竊查大沽北塘山海關各海口所築礮臺均係石夾和沙土築成旅順口黃金山頂礮臺仿照德國

奏稿四十八

五

新式內砌條石外築厚土皆欲使礮子陷人難炸即有炸開亦不致全行坍塌至開花彈從空下者惟田雞礮有之船離牆近可用此礮遠則巨礮橫射不盡從空下墜也檢閱美國海防新論所稱敵軍環攻礮臺時藥庫兵房多被炸燬臣豫飭各營藥庫須靠礮臺隱曲處以三合土厚築之兵房緊靠營牆安設皆為防避礮路起見屆時或牆臺偶被轟塌尚可用土壘壘築設法補救又沿海要處分設陷阱地雷一節臣擬密飭沿海各營凡營外周圍數十丈及要道橋口多栽梅花椿陷坑密置地雷暗設電綫以備轟發但地雷裝藥過多久埋土中易透潮溼應豫備器具臨事添設方昭慎密又堅壁清野辦理團練一節為自來用兵不易之法而利弊往往互見蓋團練先須斂費值此民窮財匱既慮派捐擾累無事或恃眾橫行有警則相率潰散匪之役各省辦團未收實

效可為前鑒至講求清野之法若遇敵兵臨境自應通飭沿海居民挾其資糧豫行遷避嚴禁漁船奸匪暗行接濟若早飭辦似涉張皇轉滋謠惑所有審度酌議各情附片據實密陳伏乞 聖鑒謹 奏

奏稿四十八

五

擬陳礮馬片 光緒九年十二月十五日

再准軍第十案報銷內盛軍領操一寸徑大格林後膛礮十尊每
 礮用礮目引馬一匹副車二輛每輛拉馬五匹經戶部議覆德國
 克鹿卜後膛礮營制無引馬名目其副車係每礮一輛直隸先酌
 給每二礮副車一輛今每礮副車二輛亦與德國營制不符應分
 別刪減等因查一寸徑大格林後膛礮係美國所製並非與德
 國克鹿卜礮一例此礮施放靈捷致遠命中最為行戰利器每四
 秒鐘可放十出積六十秒為一分積十五分為一刻積八刻為一
 時其可放一萬八千出兩軍交綏一時之久事所恆有則須帶子
 一萬八千粒每子重十兩七錢應合一萬二千餘斤每車一輛不
 過負重二千斤暫用副車二輛所載子彈僅三分之一原因平時
 操練減而又減樽節經費若有戰事尚須添車添馬庶可多拉子
 彈以免利器不能盡其所長近來各國礮械製造日精而式樣不
 同營制亦異即如德國新制每礮連正副各車用馬至四十六匹
 取其運載靈便旋轉如風今大格林礮係美國新製頃刻間可放
 子彈數千出必須因物制宜添副車拉運礙難以德國營制比
 擬且此礮引馬正副車拉馬共止十七匹較德國新制每礮四十
 六匹計少二十九匹實已節省至每礮引馬一匹本係礮目騎坐
 德國克鹿卜四磅礮亦有礮目騎馬一匹不過名目稍異非添設
 也現值海防緊要必應操練純熟臨陣不驚之馬未能多得不宜
 再行刪減致誤事機所有准軍第十案報銷內奉部刪減此項引
 馬拉馬乾銀三千一百四十九兩零及馬夫工食倒馬價應請仍
 准照銷此後循案給發以利軍用理合附片具陳伏乞
 聖鑒訓示敕部查照謹

奏

奏稿四十八

美

海防經費報銷摺 光緒九年十二月十九日

奏為北洋海防經費自光緒元年至六年收支各款分造三部清冊並開簡明清單報銷仰祈

聖鑒事竊北洋海防用款前經總理衙門會同戶部奏明由督辦大臣咨報總理衙門戶部查核已於光緒七年三月飭海防支應局將自元年起至六年底止收支各款遵造全冊咨送總理衙門戶部核銷在案今年八月准戶部咨開應照上年奏定報銷新章月造戶兵工三部分辦各冊等因奉

旨依議欽此當飭據海防支應局司道將光緒元年起至六年底止收支各款分造三部清冊並將戶部兵部發查各節另冊逐一登覆計六年之中共收銀四百八十二萬六千六百八十八兩有奇除撥給演案郵款及各處賑卹井工程等項銀八十八萬八

奏稿四十八

早

千八十四兩有奇外購買船礮鎗械及養船經費中外員弁薪糧製造修築各項應銷銀二百九十六萬四千二百三十二兩有奇應存銀一百五萬四千三百兩有奇已接支七八年用項等情具詳前來伏查北洋籌辦海防造端宏大事屬創始一切支款誠如戶部原奏均無專例專案可循且逐事逐件與洋人交涉實非他項軍需章程所可比擬自應實用實銷以期經久無弊臣因餉需支絀凡購一物製一器用一人必再三詳詢審察為各國防海所必需不可少者方始定議其價值等項尤必諮訪比核務求節省而得實用員弁薪糧則視差事之繁簡為等差不使濫等糜費絕無虛張局而藉端濫支之處所有請銷各款均與核定原案相符斷不敢絲毫浮冒除各冊分送三部外理合開具簡明清單敬呈御覽伏乞

皇太后
皇上聖鑒
奏

奏稿四十八

早

謹將北洋海防自光緒元年七月起至六年十二月底止收支款目繕列清單恭呈

御覽

計開

新收項下

- 一收江西省釐金銀六十八萬兩
- 一收浙江省釐金銀七十五萬兩
- 一收江蘇省釐金銀九萬兩
- 一收湖北省釐金銀八十萬兩
- 一收山海關洋稅銀十六萬三千八百八十七兩一錢二分二釐七毫七絲七忽五微
- 一收浙海關洋稅銀三十九萬七千一百九十八兩四錢
- 一收閩海關洋稅銀二十萬三千六百八十兩一錢六分四釐四毫二絲
- 一收粵海關洋稅銀九十五萬七千六百九十九兩八分六釐二毫
- 一收江海關洋稅銀六十五萬九千四百七十九兩九錢二分九釐六毫八絲三忽五微
- 一收保定練餉局銀十萬兩
- 一收宋慶解還皮紙鉛丸價銀七百五兩九錢五分一釐九毫六絲三忽二微
- 一收官田劃還吉林防軍撥用鉛丸原價銀五千二百兩
- 一收預提江蘇釐金抵支鎮西礮船經費銀一千二百九十三兩
- 一收總稅務司赫德充公經購龍驤等礮船阿摩士莊廠酬勞銀萬五千九百三十三兩六錢五分七釐

- 一收匯撥購買鎮北等礮船價款暫存麗如洋行生息銀二千二百四十五兩八錢二分一釐一毫
- 以上共收銀四百八十二萬六千六百八十八兩一錢三分二釐一毫四絲四忽二微

登除項下

- 一撥給滇案郵款銀二十萬三千三百七十三兩
- 一借撥河南買米銀四萬兩
- 一撥給山西河南兩省賑款銀二十萬兩
- 一撥給京師平糶不敷價銀七萬四千七百一十一兩四錢九分六釐八毫四絲一忽
- 一撥給直隸賑撫各屬運米腳價銀一萬兩
- 一撥給河開等處井工銀四萬兩

撥解

- 一撥給天津機器局銀二十萬兩
- 以上共登除銀八十萬八千八十四兩四錢九分六釐八毫四絲一忽
- 開除購買礮械項下
 - 一訂購製造士乃得後門鎗彈機器並各種材料銀六萬三千二百四十四兩七錢三分七釐九毫
 - 一訂購十五二十一生的密達後膛開花子銀六萬一千一百九十二兩三錢三分三釐三毫一絲七微
 - 一購買二十四磅後膛鋼礮轉輪架前後熟鐵輪路硬質開花彈等項銀十六萬一千一百三十二兩九錢九毫二絲三忽

一訂購較量鎗礮規尺銀二百八十八兩六錢七分八釐六毫五絲七忽
 一訂購云嗜士得十三響後門馬鎗子彈小銅帽裝藥器具等項銀一萬四千二百七十七兩八錢七分一釐五毫七絲六忽七微
 一購買各營演礮應用遷安皮紙銀一千六百六十一兩一錢六分五毫六絲六忽
 一訂購四磅後膛礮應用子母彈自來火慢藥引門火螺絲彈鏈自來火引白鉛白鐵皮等項銀二萬六千七百七十五兩八錢四分四釐六毫一絲
 一製造四磅礮子工料銀二百七十五兩三錢三分二釐四絲五忽
 一訂購十五十二生的密達後膛長鋼礮銀十五萬六千八百一兩五錢七分四毫二絲五忽
 一訂購六十磅及四十磅子前膛鋼礮並開花子實心尖彈子母彈銀四萬三千六十二兩八分四釐九毫六絲
 一訂購二十四磅後膛鋼礮銀五千十八兩二錢四分八釐一毫
 一購買製造鉛丸鉛箭應用愛而皮青鉛銀四千二百一兩八錢二釐
 一定購較量後膛礮內膛微尺刮磨後膛礮彈鋼螺絲等件銀五百四十八兩七錢七分五釐一毫
 一訂購水雷船銀七千二百五十一兩五錢二分四釐九毫
 一訂購製造士乃得鎗子各種材料銀一萬八千二百六十四兩八錢五分五釐四毫二絲四忽
 一訂購馬梯呢鎗子銀一千九百六兩二分一釐九毫

一訂購電綫試信子表鋼絲繩直斜測鏡電號鐘電箱印度膠新州膠洋刀鉗沈水電引電信子五百磅沈雷一千磅沈雷試電箱裏裏表護綫鐵盒接綫鐵箱電報機器接綫器具電門等項銀五萬五千二百七十六兩二錢四分二釐七毫五絲
 一購買製造鎗彈應用愛而皮青鉛銀一萬四千二百八十六兩九錢八分三釐五毫
 一訂購毛瑟後門馬鎗鎗彈裝藥器具鎗口銅蓋皮帶先支銀二萬三千八百九兩九錢五分八釐
 一訂購六響子鎗隨帶銅殼銅帽銅珠等項銀三千五百三十四兩一錢三分八釐三毫六絲二忽
 一訂購新毛瑟後門兵鎗隨帶銅殼鉛箭先支銀十九萬九百三十八兩四錢九分八釐七毫
 一訂購十二生的密達後膛鋼礮並車架器具開花子子母彈子拉火等項先支銀一萬六千四百七十三兩四錢二分一釐五毫三絲
 一運送兵鎗到津水腳保險銀一百六十五兩五錢八分三釐九毫四絲一忽七微
 一續購製造鉛丸鉛箭應用愛而皮青鉛並製造工價銀二萬五千五百二十三兩三錢八分三釐
 一訂購開挖海口淤沙新式機器先支銀三千八百七十四兩九分二釐
 一訂購十二生脫後膛礮並電燈先支銀三萬四千五百二十七兩五錢六分三釐九毫
 一訂購二十四生的密達後膛鋼礮懷寧脫魚雷造毛瑟鎗彈全

副機器水面射雷艇船等項先支銀十三萬兩
 一運解前項現銀由津至滬水脚保險銀六百四十二兩一錢三分
 一訂購電纜生橡皮先支銀二千四百四十八兩七錢六分六釐
 五毫九絲一忽七微
 一訂購十五十二及八生的密達後腔鋼礮並礮彈銀九千三百
 十二兩五錢三分七釐八毫四絲
 一續買電纜沈水雷引電信子鋼絲繩直斜測鏡試電臺放礮雷
 號鐘試信子表抵臺噶甚表洋刀鉗接電纜各種器具印度膠膠
 管文堅耐士粉鋼軸放雷鎗匙礮雷膽護纜鐵盒信子鋤電報機
 器等項銀二萬五千六百三十五兩六錢一毫八絲五忽
 一購買後腔鋼礮應用格利蘇令油銀二百四十八兩二錢五分
 七釐五毫五絲
 一歷次傳遞各國電報費銀一千二百七十三兩四釐
 開除購買礮船項下
 一購買龍驤虎威飛蓬策電四船及礮藥彈我價銀十二萬五千
 二百二十四兩六錢三分三釐八毫五忽
 一訂購鎮北鎮南鎮東鎮西四蚊船銀六十萬八千六百八十八
 釐九毫
 一添購鎮北等四船藥彈銀六萬八千一百二十二兩七錢八分四
 釐六毫
 一歷次解運船彈價銀赴滬水脚等項銀七百七十七兩六錢六
 分一釐八毫二絲八忽
 一歷次運送礮彈火藥及添購鐵輪等件來津水脚等項銀三千

七百九兩七錢二分九釐八毫八絲八忽
 一犒賞押船自英來津英國弁兵酒食禮物價值銀四百七十六
 兩一錢二分五釐九毫
 一訂購超勇揚威快礮船先支銀六十五萬五千二百四十四兩
 九錢四分九釐四毫
 一解前項價銀赴滬水脚等項銀一千一百七十一兩一錢九分
 五釐八毫
 開除養船經費項下
 一龍驤礮船在閩在津薪糧公費銀三萬三百六十九兩三分七
 釐六毫
 一虎威礮船在閩在津薪糧公費銀三萬一百七十九兩二釐三
 毫
 一飛蓬礮船在閩在津薪糧公費銀二萬八千一百五十五兩一
 錢三分三釐三毫
 一策電礮船在閩在津薪糧公費銀二萬七千九百六十九兩九
 三分一釐七毫
 一招募訓練船務在船試用楊進貴等八名薪水銀七百八十七
 兩八錢三分一釐七毫
 一龍驤虎威飛蓬策電等船洋教習高思德等十一員在閩在津
 薪水火食醫藥雜川酒食禮物等項銀二萬三千四十一兩四錢
 三分七釐五毫二絲
 一修理龍驤礮船輪機及添製各件銀一千八百五十二兩五錢
 九分四釐六毫
 一修理虎威礮船輪機及添製各件銀一千七百六十二兩一錢

四分八釐九毫
 一修理飛艇船輪機及添製各件銀二千七十兩二錢一分四釐一毫
 一修理策屯礮船輪機及添製各件銀二千六百九十一兩八錢九釐八毫
 一龍驤等船進天裕船塢底共付鴨租銀七百二十三兩八錢一分一釐
 一龍驤虎威兩礮船添蓋洋員飯房等工銀一千三百十九兩一錢八分四釐七毫
 一龍驤等船添設醫士並員弁夫勇藥資銀一千五百六十五兩六錢
 一派送龍驤等船弁勇服成等支銀一千三百六十四兩三錢三分一釐九毫二絲五忽六微
 一龍驤等船在津添置旗幟號衣及零修機器銀一千一百四兩九錢五分七釐一毫四絲六忽四微
 一龍驤等船在閩在津領用煤斤銀一萬三千一百七十五兩五錢二分七釐六毫
 一鎮北礮船薪糧公費銀一萬一千一百四十六兩八錢一分二釐七毫三絲九微
 一鎮南礮船薪糧公費銀九千八百三十七兩七錢三分二釐九絲七忽八微
 一鎮東礮船薪糧公費銀九千八百三十七兩七錢三分二釐九絲七忽八微
 一鎮西礮船薪糧公費銀一萬一千九十九兩四錢三分二釐四

李文忠公奏稿 卷四八

九絲四忽
 一鎮北等四船洋教習吉必勳等薪水川資銀七千二百九十八兩四錢八分九釐二毫九絲六忽
 一獎賞洋教習葛雷森金寶星支銀二十二兩八錢三分
 一鎮北等船共設醫士薪糧並員弁夫勇藥資銀七百五十五兩二錢
 一鎮北等四船領用煤斤銀六千一百四十三兩六錢六分五釐四毫七絲一忽
 一鎮南礮船在滬修理並添製器件銀四千七百五十三兩四錢九分二釐五毫四絲二忽三微
 一鎮北等船製造旗幟號衣等項銀三千六百七十三兩六分三絲
 開除薪水糧乾項下
 一丁壽昌等十員薪水銀九千四十五兩九錢九分一釐五毫八絲八忽二微
 一洋員漢納根等四員薪水銀一萬九千七百三十五兩四錢五分七釐三毫九絲六忽一微
 一選派弁兵赴德國學習武備酌給旅費安家銀二萬五千八百十五兩四錢三分四釐三毫九絲八微
 一撥給赴美國肄業幼童經費銀四千六百五十五兩九錢四分七釐九毫五絲三忽五微
 一丁汝昌等出洋驗收回砲快船中外員弁兵勇薪水銀一萬四千七百六十六兩二錢八分六釐五毫
 一水電輪艇弁勇夫役薪糧銀八百兩一錢三分三釐三毫三絲

五九五

二忽

一調津登榮水師艇船九號薪糧公費及回東歸伍弁兵盤費並製造號衣銀七千六百八兩五錢三分三釐三毫七絲六忽七微
 一礮船公所司事夫役薪公銀一百四十三兩一錢五分九釐九毫九絲七忽一微

一隨辦海防前雲南巡撫潘鼎新公費及馬步隊薪餉並購馬鞍鞋等項銀一萬五千六十二兩九錢九分九釐九毫九絲一忽三微

一前船政大臣吳贊誠薪夫銀一千一百七十九兩九錢九分九釐九毫九絲四忽二微

一直隸提督李長樂小隊員弁薪糧礮費銀四千六十一兩一錢八分二釐二毫九絲四忽四微

一總兵葉志超礮車馬乾礮費銀八百十五兩二錢八分七釐六毫

開除修築製造項下

一津沽電報經費銀二千兩

一北塘電綫經費銀六百五十五兩五錢一釐三毫

一修築大沽船塢經費銀三萬三千三百七十八兩二錢八分四釐

一旅順口礮臺工程先支銀二萬兩

一製造船隻工料銀四千八百二十四兩八錢六分

一製造大沽北塘水雷廠應用車牀螺絲板工料銀四百四十七兩六錢七分四釐四毫

一建蓋水師學堂工料銀八千十三兩三錢三分三釐三毫三絲

七忽二微

一修理公所房屋等項銀一百六兩五錢七分四釐一毫

一局用銀三百六十八兩一錢九分七釐

以上共開除銀二百九十六萬四千二百三十二兩七錢六分三釐五毫七絲二忽一微

實在項下

一應存銀一百五萬四千三百兩八錢七分二釐七毫三絲一忽

一微已接支光緒七八年用項月行開報

奏稿四十八

辛

李文忠公奏稿卷四十八

李文忠公奏稿

卷之四十九目錄

修理熱河宮牆摺	光緒十年正月十七日
借款購備鎗礮摺	光緒十年正月十七日
機器局奏銷摺	光緒十年正月二十一日
帳房折價片	光緒十年正月二十一日
黃河修防分別造報片	光緒十年正月二十一日
滇銅運京腳價片	光緒十年正月二十一日
長蘆欠款仍難啟徵片	光緒十年正月二十一日
海防開支輪船薪糧摺	光緒十年正月二十一日
請撥南漕濟賑摺	光緒十年正月二十九日
覆奏黃河口門用機船片	光緒十年正月二十九日
議覆吳大澂赴粵摺	光緒十年二月初四日
變通朝鮮貿易章程摺	光緒十年二月十六日
查覆滄沱南岸情形片	光緒十年二月十六日
學生王慶端請卹片	光緒十年二月十六日
非運河工程摺	光緒十年三月初二日
酌保邊材籌濟軍火摺	光緒十年三月十七日
覆奏周盛傳參款片	光緒十年四月初四日
議分慶軍駐朝片	光緒十年四月初四日
議馬頰河不宜開摺	光緒十年四月十六日
議濟直惠河摺	光緒十年四月十六日
請飭東撫築德州隄工片	光緒十年四月十六日
奏留盛宣懷片	光緒十年四月十六日

本年二月以前賑捐收數摺 光緒十年四月十六日
 法越交涉議定法約摺 光緒十年四月十七日
 奏保馬建忠片 光緒十年四月十七日
 添設山海關電綫摺 光緒十年四月二十四日
 請緩鹽課奏銷摺 光緒十年四月二十四日

奏稿四十九目錄

李文忠公奏稿卷四十九

全集一之四十九

桐城吳汝綸編錄

修理熱河宮牆摺

光緒十年正月十七日

奏為

旨籌款修辦熱河

避馬山莊宮牆及泊岸堆撥等要工恭摺仰祈

聖鑒事竊臣欽奉光緒九年十二月二十三日

諭旨熱河避馬山莊宮牆及泊岸堆撥三項工程勢難延

緩請於明春修理著李鴻章籌款辦理等因欽此伏查熱河工程

前經臣遵派候補知府陳慶滋馳往會同熱河道府詳細查勘稟

覆又令陳慶滋來津反覆籌議擇要商辦擬挑濬武列河正身將

河內挑出石子沙泥於西岸十丈外堆攔以約漫水再察酌於西

岸改道河頭加築欄水壩使水歸故道約需工費銀三萬數千兩

飭司設法挪款濟用即令陳慶滋核實籌辦至西岸原有石壩十

二里計應修者一千十餘丈約合銀十七萬八千餘兩

宮牆塌缺應修者湊長二千八十餘丈約合銀五萬二千餘兩石

泊岸並迎水橋壩衝壞應修者湊長六十餘丈約合銀一萬九千

餘兩堆撥應修者三十八處約合銀三千餘兩統計石壩

宮牆泊岸堆撥四項共約估銀二十五萬餘兩工大費巨直庫艱

窘無力兼顧臣於上年十月間奏請

敕部核議月行籌辦嗣經戶部奏稱庫未裕各省亦難措無餘

若添撥此項巨款無論各省籌解未必應手即使戶部悉心搜括

各料撫竭力報解設或意外之需有重於此項工費者不敢不預

為之計請緩俟今歲春融由部酌度時局再行籌湊酌款奏辦等

因奉 旨依議欽此欽遵在案茲據熱河都統繼格目擊情形以石壩可

暫緩修惟 宮牆泊岸等工均屬緊要不能延緩又奏奉

諭旨著臣籌款辦理伏查

闕庭重地尊藏 列聖手澤御物

宮牆與泊岸堆撥皆所以衛護

闕庭現既坍塌缺口內外相通不足以資保護誠如繼格所奏修

理未可再緩惟值時艱帑絀巨費難籌直隸向係缺額豐年尚不

足用況洪水大浸之餘災區過廣窮黎極多錢糧大半蠲緩又須

另籌冬春賑撫銀數十萬各庫已搜羅殆盡實屬萬分竭蹶今

宮牆泊岸堆撥三項工程按照陳慶滋等原估共需銀七萬六千

兩為數不少昨藩司松駿來津面商春撫臣復與再三籌議據稱

司庫應放各 陵俸餉各營兵餉暨一切急不可待要款必須及時應付即前議

挑濬武列河正身並築欄水壩銀三萬數千兩尚無的款可指勢

不能再籌七萬六千兩之多但工關緊要既欽奉

諭旨飭辦臣等義無顧慮敢不於萬難之中設法挪湊不得已商

飭該司於八項旗租及旗產錢糧項下移緩就急竭力勻撥銀三

萬八千兩計尚短銀三萬八千兩委實無可再籌查此工向撥

內帑興辦本年長蘆鹽課奉撥京餉銀二十五萬兩現在尚未起

徵擬飭運司額勒精額先行借墊銀三萬八千兩劃抵本年京餉

得以湊濟要工如此一轉移間款項既可有著工程及早興修

宮膳藉資保護亦免部臣戶撥款致有停工待款之虞仰懇
天恩俯准照辦俾無遲誤臣即飭陳慶滋前往將此三項及前議
挑武列河築攔水壩工程一併分別確細覆估實成該員會同熱
河道府迅速核實籌辦熱河被災甚重此次興工即集附近災民
計口授食以工代賑所需工料各價必應按照時值酌宜酌給難
執例章相繩直隸歷次工賑皆奏准免造銷冊核實辦理此項要
工事同一律應請俟事竣專案開單奏報仍免造冊題銷以省繁
費臣當嚴飭承辦之員就款樽節力求堅實不准絲毫虛糜仍分
別取具保固切結送部查核至石壩工程太巨既可暫緩議修將
來應由部臣酌度時局月籌的款奏辦以符原議所有設法籌款
辦理

宮牆泊岸堆撥等工緣由是否有當理合恭摺覆陳伏乞
皇太后
皇上聖鑒訓示遵行謹
奏

借款購備鎗礮摺 光緒十年正月十七日

奏為籌購西洋火器暫由出使經費項下借款墊價恭摺仰祈
聖鑒事竊惟中法相持迄無定局越南山西之戰滇軍與劉永福
所部憑城固守殺傷相當卒致退舍非廢戰之不力實器械之未
精西人製造後膛鎗礮日新月異其速率之猛準頭之遠幾於無
堅不摧天地肅殺之氣與人世機巧之心相尋無已而彼得以其
時出奇角勝我仍因陋就簡於制械提兵之常談而不思變計
得失利鈍之懸殊不待煩言而決矣臣忝領北洋無日不以選械
請戎為事每與西將及出使諸臣周諮博訪一名一物必參攷眾
說而切究之積有歲月竊端倪蓋簡器於數萬里重洋之外非
熟悉其名目之新舊機括之堅窳則所得皆他人唾餘徒糜費而
無濟於實用近年購置新式後膛鎗礮皆令駐德大臣李鳳苞及
德商斯米德訂造頗能精堅適用天津淮練各營均一律更換仿
照西法操練步伍取準精益求精而滇粵閩浙防軍既少命中致
遠之器即如何操法如何用法似亦未甚講求去冬因桂軍器械
缺乏會由臣營勻撥後膛鎗礮運往粵東以資關外應用惟沿途
沿海處處設防斷非北洋一隅之力所能長此接濟總理衙門與
臣函商以為多增無益之軍不如多置有用之器屬與洋商剋期
訂購以備滇粵閩浙等省要需所需價值即於出使經費項下暫
行挪付將來何處需用鎗礮即由何處按價撥還誠為通變權宜
之至計臣即督飭軍械委員與斯米德酌訂合同分投德美奧各
廠定購克鹿卜後膛過山鋼礮一百二尊哈乞開司六響後膛快
鎗五千桿毛瑟後膛步鎗五千桿應配子彈佩帶架具零件俱全
分別限期運解來津約共價銀四十餘萬兩隨飭江海關道於出

使經費項下分起借付查過山礮於南方行戰最宜哈乞開司毛瑟等鎗為德美各國著名精器俟購運將到臣即咨商滇粵閩浙各督撫臣先定分撥之數並令按照原價籌款領器以清借項仍俟還款有著再行訂購則要款既不至虛懸而利器亦陸續增備洵屬一舉兩得惟後膛鎗機件靈巧操法尤極精詳各省得此有用之器果能嚴督將士細心練習於以折衝制勝庶幾稍有把握耳除將價目細數分咨總理衙門戶兵二部查照外所有借用出使經費購備西洋火器緣由理合繕摺具陳伏乞

皇太后
皇上聖鑒謹
奏

奏稿四十九 五

Blank columns for the main text of the document.

機器局奏銷摺 光緒十年正月二十一日
奏為天津機器局光緒八年分期用經費各款循案開單奏報恭摺仰祈

聖鑒事竊查天津機器局經費奏明動撥津海東海兩關四成洋稅作正開銷光緒六年九月經臣奏明由戶部月撥邊防餉銀一萬兩接濟截至光緒七年分止業經督飭局員將支銷款目查照歷屆成案開列簡明清單具奏並飭將每年成造軍火器具數目造冊咨送總理各國事務衙門備查在案查上年戶部奏定章程光緒八年十二月以前各省未經報銷各案向開單者仍開單等因茲據承辦局務津海關道周馥候補道許其光潘駿德等詳稱光緒八年因舊建浦口藥庫儲藥已滿復在韓家墅地方勘建新藥庫一所規制與浦口無異舊建鍾水廠鉛房尙小復建新廠

奏稿四十九 六

一所以鉛房六間蒸氣用料少而出水多最為合算機器庫硝庫鐵庫既庫樓住房約添四十餘間廠棚三十間局東面移拓圍牆共築新牆四百四十丈濬河培隄以資環護此建置廠庫大略也仿造神機營應用車牀等二十座各營局礮車架地車等三十八副局內自造開彈槽絡電綫等器十餘座此增製機器大略也製成軍火計仿西洋各式火藥六十八萬九百二十五磅銅帽二千八百十萬顆毛瑟後膛鎗子三百六十六萬五千顆修成洋鎗三千四百四桿前膛開花疑鐵礮彈一千七百四十二箇後膛銅箍銅托礮彈七千三百二十六箇鐵羣子一百五十箇各式銅引八千三百五十八箇熬煉錫水碾捲銅皮共四十二萬餘磅雜器分晰約成三萬五千餘件近年海防各船多係新式巨礮子彈大至五百餘磅往往一彈兼數十彈之工銅引亦然其演放水雷所需

電器電綫如法仿製均有成數一切動用經費上屆報銷案內原存銀三萬十一兩三錢七分二釐五毫五絲七忽存料約值銀二十萬二千兩本屆八年分其領海關四成洋稅及部撥邊防餉銀二十六萬六千兩又收各省劃還軍火等價銀三萬一千七百六十八兩二錢二分二釐共支用銀二十六萬六千九百六十九兩五分一釐一毫七絲四忽仍存銀六萬八百一十五兩四錢四分三釐三毫八絲三忽存料約值銀二十萬五千兩歸光緒九年分接支惟製造向宗西法器料半出外洋並無例價可循支撥各船局各款並屬要需與局中用項均係竭力撙節實用實銷毫無浮冒開單額請援案具奏前來查該局八年成造之件大致與前年相仿工程興作較繁而用項頗為節省據詳各節臣覆加查覈委無虛飾相應按照向章繕具簡明清單恭呈

奏稿四十九

七

御覽合無仰懇

天恩敕部查照成案准銷除分咨戶兵工各部暨各總理各國事務衙門備查外所有天津機器局光緒八年分動用經費據實開單緣由理合恭摺具陳伏乞

皇太后

皇上聖鑒訓示謹

奏

帳房折價片 光緒十年正月二十一日

再准工部咨准勇馬步營哨帳房水師帳篷向係製造本色給發光緒七八兩年改發折價經部於核銷准勇第十案軍需摺內聲明嗣後仍應製辦帳房此次八年分案內折價應咨該督自行酌核辦理等因臣查准軍馬步營哨帳房水師帳篷於光緒七八兩年改發折價係因駐防各有定所搭蓋營棚棲止以避風雨暫從各營所請因時制宜折價給領以便自行搭蓋修理仍與帳房例價無涉迨九年春各營開有征調仍一律製造本色給發所有八年分折價早經放訖於第十一案造冊報銷

奏稿四十九

八

聖鑒敕部查照謹

奏

黃河修防分別造報片 光緒十年正月二十一日

再准工部咨開光緒元年起歷屆東明黃河南隄修防用款應按
 限造報等因當經轉行核辦茲據大順廣道恭鈞詳稱東明黃河
 南隄係於光緒元年勸民創築次年調派淮練各軍加高培厚所
 需津貼民夫及搶險椿料犒賞等項除山東撥款由該省奏免造
 報外其餘山直籌給奏明就款開除一體免其造報至二年以後
 直省修防用款係按照直隸附省隄河成案於汛後開單奏報無
 庸估銷截至八年止均經奏奉
 諭旨允准今查歷年辦工各員或已升調或因事故離直勢難紛
 紛調取且當時未悉河防規例皆係實用實銷現令補行造冊如
 仍據實開載則與歷次奏報清單毫無區別重複造報徒繁案牘
 如改照例價則必牽合通融不足以昭核實應請自光緒九年
 起仿照豫省黃河例案成規造具冊結估銷其八年前已經准銷
 用款仍無庸造報以免紛更等情具詳前來臣查東明黃河工程
 事屬創辦從前僅令練軍過汛到工汛過歸伍並非專責防隄無
 從預期估報事後造銷旋因溜勢日益南趨險工疊出於七年始
 設隄汛一切皆係試辦實難牽合成例所有八年前用款經臣
 隨時考察毫無虛糜均經開單奏報欽奉
 俞旨免造銷冊在案自應無庸再行造報俾省繁費其自光緒九
 年起應令該道照仿豫省黃河例案成規造銷以清界限除八
 年以前准銷各案奏報緣由及奉
 旨日期分晰詳敘咨部外理合附片具陳伏乞
 聖鑒訓示敕部知照謹
 奏

運銅運京腳價片 光緒十年正月二十一日

再准戶部咨開漢省試辦京銅到直後由津運通應需水腳等銀
 應按起分晰造冊送部核辦等因當經轉飭遵照茲據濟河松駿
 津海關道周馥天津道裕長詳稱漢省從前辦運京銅由津起刺
 均係該省運員自行經理天津縣僅代雇船隻所需刺費亦由漢
 省報銷今改由海運部議由直將自津至通運費核實酌定給發
 當因直省並無轉運漢銅支銷案據擬照采買洋銅運京成案每
 起一百萬斤支給水腳銀一千二百四十兩旋准部覆令將由津
 至通刺費按照以前辦運漢銅之例給發其由紫竹林至天津縣
 應需腳費查明程途若干照采買洋銅腳費銀數計算該司道等
 查采買洋銅成案自紫竹林運至通州每百斤准銷水腳銀九
 百文計每里應支津錢二文七釐一毫合銀七毫七絲今漢銅每
 起一百萬斤自紫竹林運至天津縣十二里應支水腳銀九十二
 兩四錢又例載銅鉛起刺由天津縣至通州每百斤給銀六分九
 釐以一百萬斤計之每起應支銀六百九十九兩又每起雇繡工價
 銀二百四十兩又由紫竹林卸船上棧每百斤例給背銅夫價銀
 三釐每起應支銀三十兩又入棧雇夫收銅過秤儲堆捆包每百
 斤給夫價銀一分每起應支銀一百兩又由紫竹林離棧下船每
 百斤給背銅夫價銀三釐每起應支銀三十兩綜計每起漢銅一
 百萬斤由紫竹林運至通州例支刺費夫價等銀一千一百八十
 二兩四錢惟雇備夫船一切皆須民價抵通後又應等候交卸月
 給船戶津貼例價較少已不敷用若再按減放章程祇發六成實
 銀所短過鉅轉運必致為難請將每起例支刺費夫價等銀一千
 一百八十餘兩按照十成實銀給發等情具詳請

海防開支輪船薪糧摺 光緒十年正月二十一日

奏為北洋海防經費項下開支現有各輪船薪糧公費數目開單仰祈

聖鑒事竊准兵部咨輪船支款章程有未經奏明者應令奏明核銷等因當經轉行遵照茲據海防支應局司道詳稱光緒元年至六年北洋海防經費報銷案內開支輪船薪糧公費係龍驤虎威飛靈策電鎮北鎮南鎮東鎮西蚊礮船八號及水雷小艇一號其龍虎靈電四船業於光緒六年二月撥赴南洋調遣該四船薪糧公費自是年三月起由南洋支發光緒七年以後先後購到超勇揚威快礮船兩號鎮中鎮邊蚊礮船兩號並由閩廠咨調來津修改練船之威遠康濟兵輪船兩號調赴朝鮮旅順等處差遣轉運之海鏡商輪船一號及在滬製造之快馬小輪船一號在津製造

奏稿四十九

三

之利順小輪船一號守雷下雷所用之暗輪包銅小輪船兩號均歸北洋海防經費項下開支內鎮中鎮邊兩船先由北洋墊給俟山東撥解歸還此陸續購調各船之數目也事屬創辦應需薪糧公費均為向例所無必須再三參考酌定是以先未詳奏惟光緒六年以前各船支數業於七年三月開分晰造報總理衙門戶部有案近又遵照新章戶造分銷清冊詳請各部至調赴南洋龍虎靈電四船既於六年三月以後歸南洋支發其支款有無變通應由南洋核辦外合將北洋現有各輪船支款章程詳細開單呈請奏咨等情具詳前來查北洋創設水師購置蚊礮快礮水雷船艇均為向所未有一切支款並無例章可循即威遠兵輪閩廠雖有支款數目而既調津改作練船又與兵輪有異必須因事制宜亦不能盡照閩廠支發凡各船到津後皆由臣察看船隻之大小

噸載之輕重機器礮位桅帆器械之繁簡酌擬人數餉數又以造端不易復與統領水師及教習洋員再三參酌分別損益務使利器可得實用經費不致浮糜現定各船支款章程雖規模未臻完備然皆稱事授精力求核實樽節嗣後如有變通增減之處再隨時酌核妥辦並咨部立案除將詳細清冊咨送兵部外謹開各船支款簡明清單敬呈

御覽伏乞

皇太后

皇上聖鑒敕部知照謹

奏

奏稿四十九

十四

謹將北洋海防經費項下開支現有各輪船薪糧公費數目
繕具簡明清單恭呈

御覽

超勇快砲船每月支薪糧公費銀二千八百二十二兩
揚威快砲船每月支薪糧公費銀二千六百七十二兩
鎮北蚊礮船每月支薪糧公費銀九百七十八兩
鎮南蚊礮船每月支薪糧公費銀九百六十八兩
鎮東蚊礮船每月支薪糧公費銀九百七十八兩
鎮西蚊礮船每月支薪糧公費銀九百六十八兩
鎮中蚊礮船每月支薪糧公費銀九百六十八兩
鎮邊蚊礮船每月支薪糧公費銀九百六十八兩
威遠練船每月支薪糧公費銀一千九百九兩
康濟練船每月支薪糧公費銀二千五十九兩
海鏡商輪船每月支薪糧公費銀一千二百四十六兩
快馬小輪船每月支薪糧公費銀三百八十二兩
利順小輪船每月支薪糧公費銀二百七十一兩九錢
水雷小艇每月支薪糧公費銀八十六兩
守甯下雷小輪船二隻每月共支薪糧公費銀四百十八兩

請撥南漕濟賑摺 光緒十年正月二十九日

奏為順直窪區積水未消民情困苦懇

恩賞撥南漕以濟春賑恭摺仰祈

聖鑒事竊順直各屬上年伏秋大水計被災歉者一百零九州縣

仰蒙

恩旨蠲緩糧租疊次

賞撥銀米並由臣等設法籌款辦理冬賑均經奏報在案茲查高

地雖已涸復種麥窪區積水仍未盡消小民既乏蓋藏又無麥收

可指嗷嗷待哺困苦益深此後為日方長必須妥為撫綏俾免委

填溝壑據順屬災區之通州等十餘州縣直屬災重之天津等二

十餘州縣紛紛請撥銀米賑撫並擇要開濬河道修補隄工疏消

積水使少壯者備趁餬口以工代撫現已派員分投查辦但災區

既廣戶口極繁工程亦多業經督同司道在藩運關各庫竭力搜

羅並將各省捐款湊用而核計所短尚巨直隸向係缺額豐年且

有不敷況值大稔之餘疊次湊撥賑款現實無可再撥順天更形

艱窘民命關係至重不得不作發棠之請於年前豫籌春賑摺

內已聲明屆時奏乞

恩施茲查蘇浙本屆新漕開兌較早指日運津順直近隸

皇畿夙蒙

加惠飢民謀生乏術望

澤尤殷合無籲懇

天恩賞撥江蘇浙江漕米各五萬石共十萬石即就招商局輪船

運津之米就近截撥實成天津道裕長會同籌賑局驗收順直酌

量分用由臣等督飭各屬詳察災區輕重及時勻撥遴委委員會

同辦理等因欽此

同地方官確查戶口核實散放並分別以工代撫務使貧民
不准絲毫弊混其隨漕輕辦等項及剝價銀兩經銷耗食米石並
俯案飭由各該糧道核數提解直津貼運費本屆蘇浙起運漕
糧較上屆之數增多今請截撥十萬石於京倉似無所損而順直
災黎藉資接濟所全實多如蒙

俯允所請仰祈

明諭宣示益足固民志而廣

皇仁理合會同兼管順天府府尹臣畢道遠順天府府尹臣周家

桐恭摺由驛陳請是否有當伏乞

皇太后

皇上聖鑒訓示施行謹

奏

奏稿四十九

七

覆奏黃河口門用機船片 光緒十年正月二十九日

再欽奉光緒九年十二月二十二日

寄諭御史趙爾巽奏酌擬山東河工辦法各摺片所請飭撥機船
開挖口門是否可行著李鴻章左宗棠陳士杰酌議具奏等因欽
此伏查北洋前山德國訂購挖海大機器船一隻取名導海廠價
運費約需銀十四萬兩長二十一丈寬四丈其運動輪機有四百
匹馬力可挖深至三丈六尺專為疏濬旅順口而設現據李鳳苞
電報甫由西洋開駛尚未到華旅順係北洋水師口岸重地必須
將口門及東西兩澳開挖深廣使兵船便於駐泊庶海上巡防之
水師方有歸宿約計工程非一二年所能告成勢難撥赴山東試
挖黃河致誤海防要工且此船係在清水挖用於黃流渾濁不宜
轉致損傷機器大抵治河之法築隄束水攻沙與用機船濬通海
口可以並行不悖聞泰西月有挖濁河之機器船東省是否合用
應否向西洋訂購應由撫臣訪查酌辦至泰安兵船因提督吳長
慶駐軍朝鮮並威海旅順各口工作正繁前已派令該船往來接
遞文報轉運軍需如吳淞口機船能到東試挖或須接濟煤米
再察看海防緩急暫時酌派往助但由海外運煤非南購於煙臺
即北購於開平勞費頗多仍不若以東省內地煤米用民船順流
而下剝運接濟較為省便除咨山東撫臣查照外理合附片覆陳
伏乞

聖鑒謹

奏

奏稿四十九

七

光緒十年二月初四日

奏為遵

旨酌度情形安籌糧陳仰祈

聖鑒事竊臣承准軍機大臣密寄正月二十九日奉

上諭吳大澂奏滇桂邊防緊要請准率所部前往廣西會同籌辦

一摺該京卿所部各營原擬駐紮樂一帶如調赴廣西該處沿

海各地方應派何軍填紮直隸防營是否足資分布著李鴻章酌

度情形妥籌具奏等因欽此遵查直隸沿海地方寬闊切近

京畿籌防必須嚴密臣所部准軍留防直境者一萬五千餘人專

力注重天津及大沽北塘蘆臺一帶間以本省練軍設有警急尚

可自為援應至由通州至山海關六百餘里為京東大道距津稍

遠永平一屬處處濱海空虛無兵僅山海關之甯海城有總兵葉

志超所統正定練軍馬步四營頻年修築礮臺工甫就緒人數太

單孤懸可慮查六年防俄之役鮑超以萬餘人分紮灤樂曾國荃

以萬人督防榆關聲勢聯絡蓋近畿重地必須有重兵相為掎角

以備不虞去冬臣正籌議間適吳大澂奉

命來津即與商定該軍四千餘人俟春融移紮灤州樂亭昌黎等

處專防東路若有戰事臣再由津派隊馳往援擊當可無誤事機

臣與吳大澂各有

奏報在案茲該京卿以後照會較練習已精奏請率師赴粵出關

向同籌辦誠如

聖諭奮勇可嘉惟直隸為

畿輔根本之地兵力本不甚厚即添吳大澂一軍亦未敢謂周密

無閒萬無一失但彼所部皆係淮勇與臣軍氣誼易投必能同心

戮力捍禦門戶儻

聖意權衡輕重必欲調赴廣西則全局所關自難以京東一隅之

防致阻其一往無前之氣查有前甘肅提督曹克忠新募津勝六

營月內計可成軍前擬令赴煙臺該處現經山東撫臣陳士杰親

往布置完備似可酌量移調應飭其拔赴昌黎樂亭一路擇要扼

紮認真訓練以備緩急該軍僅三千人力量頗單容再相度敵情

隨時察酌機宜另籌添調俾資援助斯於萬不得已之中勉求兼

顧兩全之策是否有當仍候

聖明裁斷施行再奉

諭旨垂詢該軍准勇吉林旗丁於蠻煙瘴雨之鄉是否相宜不可

不慮等因據吳大澂函稱該部吉林旗丁民勇不過五十餘人如

果赴粵可准其告假資遣回東淮部將士皆願從征不敢畏避煙

瘴等因想必體察下情分別辦理所有遵

旨酌度籌辦緣由謹繕摺由驛密陳伏乞

皇太后

皇上聖鑒訓示謹

奏

變通朝鮮貿易章程摺 光緒十年二月十六日

奏為中國朝鮮商民貿易章程第四條現應變通酌改庶與英德各約不致軒輊恭摺仰祈

聖鑒事竊查光緒八年奏定中國朝鮮商民貿易章程第四條內載朝鮮商民除在北京例准交易中國商民准入朝鮮楊花津漢城開設行棧外不准將各色貨物運入內地坐肆售賣等語原因朝鮮風氣未開若華洋各商運貨入彼內地恐生疑阻乃上年十月開朝鮮與英德續訂條約載明英德商民准將各貨運進內地出售及購辦一切土貨是彼已無疑阻之心若中國商民轉不得運往朝鮮內地既與體制未符亦於商情未協且中國優待屬邦若朝鮮商民前來中國內地賣貨亦應視同華民均霑利益經臣督飭津海關道周馥悉心酌核擬請嗣後中國商民准其持照將

奏稿四十九

中國貨洋貨運入朝鮮內地傳賣不得有遜於英德諸商其朝鮮商民亦准持照將朝鮮貨洋貨運入中國內地傳賣照華商通關納稅遇卡抽釐近年華商運洋貨入內地有不願逢關納稅遇卡抽釐而願先完一子口半稅者業已准行儻朝鮮商民願領洋貨入內地稅釐免內地釐稅者亦聽其便以示優待一體之意其請領執照各按已定章程辦理未領執照不准擅入內地仍禁止兩國商民不准在內地開設行棧坐肆售賣以示限制至兩國商民欲入內地采買土貨仍按原定通商章程照納沿途應完釐稅毋庸議改如此辦理與待華商無分輕重於體恤屬邦之道更加周至而於體制名分亦相符合查原議中國朝鮮商民貿易章程內開此次所定貿易章程姑從簡約以後有須增損之處應隨時由非洋大臣與朝鮮國王咨商妥善請

旨定奪施行等語臣即據詳咨商朝鮮國王去後茲准該國王覆稱中國商民將貨運進朝鮮內地出售允合事宜朝鮮商民前來中國內地賣貨中國視同華民一律同霑利益實出天朝體恤屬邦無分內外之盛意極庸感激請轉奏定奪等因前來除咨會總理衙門並咨行各省關一體查照外謹錄該國王覆文恭摺具陳伏乞

皇太后

皇上聖鑒訓示謹

奏稿四十九

主

謹將酌改中國朝鮮商民貿易章程第四條朝鮮國王覆文
照錄恭呈

御覽

朝鮮國王為咨覆事承准貴署大臣咨開上年朝鮮與英國德國
原議條約只准運貨進出口不准運入內地故前議中國朝鮮
水陸貿易章程於第四條內載明朝鮮商民除在北京例准交易
與中國商民准入朝鮮楊花津漢城開設行棧外不准將各色貨
物運入內地坐肆售賣等語原因朝鮮風氣未開若准華商運貨
入彼內地英德諸國將必援引續請徒使朝鮮多生疑阻現在朝
鮮新與英德續議條約既載明英德商民准其將貨運進內地出
售而中國商民轉不得運往朝鮮內地既與體制未符亦於商情
未協此條自應變通酌量更改且中國優待屬邦朝鮮商民前來

奏稿四十九

中國內地賣貨者中國亦應視同華民一律同霑利益擬請嗣後
中國商民准其持照將中國貨洋貨運入朝鮮內地售賣不得有
遜於英德諸商其朝鮮商民亦准持照將朝鮮貨洋貨運入中國
內地售賣照華商逢關納稅遇卡抽釐近年華商運洋貨入內地
有不願逢關納稅遇卡抽釐而願先完一子口半稅者業已准行
儻朝鮮商民願領洋貨入內地稅單免內地釐稅者亦聽其便
以示優待一體之意其請領執照各按已定章程辦理未領執照
不准擅入內地仍禁止兩國商民不准在通商之內地開設行
棧坐肆售賣以示限制至兩國商民欲入內地采買土貨仍按上
年原定通商章程照納沿途應完釐稅毋庸議改如此辦理與待
華商無分輕重於體恤屬邦之道更加周至而於體制名分亦相
符合合將酌議更改緣由各商核辦理見覆施行等因准此

經發付督辦交涉通商事務閔泳穆等覆議茲據閔泳穆等啟稱
竊伏奉傳下北洋大臣咨商一本謹行查閱所有嗣後中國商民
准其持照將中國貨洋貨運入朝鮮內地售賣朝鮮商民亦准持
照將朝鮮貨洋貨運入中國內地售賣照華商逢關納稅遇卡抽
釐近年華商運洋貨入內地有不願逢關納稅遇卡抽釐而願先
完一子口半稅者業已准行儻朝鮮商民願領洋貨入內地稅單
冀免內地釐稅者亦聽其便一節查前年

奏稿四十九

奏定中國朝鮮水陸貿易章程第四條內載不准將各色貨物運
入內地坐肆售賣等語業經遵行而現在英德新約既載明英德
商民准其將貨運進內地出售則中國商民自應准其將貨運進
朝鮮內地出售以符體制而協商情如此變通酌改允合事宜至
朝鮮商民前來中國內地賣貨者中國視同華民一律同霑利益
之處賣出
天朝體恤屬邦無分內外之盛意益加周摯極庸感激合將章程
酌改案件一體恪遵辦理具由覆啟等情據此核閱無異相應咨
覆貴署大臣請煩轉
奏定奪施行須至咨覆者
光緒二十年正月二十六日
發二月初九日接到

查覆淳沱南岸情形片 光緒十年二月十六日

再 欽奉光緒九年十二月初三日

寄諭都察院奏直隸民人耿學卜等呈控攔河築壩傷斃多命一摺即著嚴行查辦據實具奏等因欽此遵查此案係獻縣淳沱河南岸大章等村民於上年八月初糾集數百人鳴鑼吹角執持鎗礮駕駛多船擁至北岸扒掘官隄一面施放鎗礮拒敵北岸守隄之民力不能禦促令礮船駛往馳救始則好言勸阻繼以空礮恐嚇皆置不顧其時隄之存亡與下游九州縣田廬民命危在呼吸不得已開礮抵格始行解散聞有落水傷斃者當經臣查明辦結將案情始末實在情形詳細具奏奉旨知道了欽此欽遵在案旋奉

寄諭後又派道員金福曾前往詳切覆查實係南岸村民糾眾扒

奏稿四十九

五

隄施放鎗礮拒敵被格會奪獲火鎗刀械多件供證確鑿該府縣稟報卷據皆同與訪查情節悉相符合耿學卜等原呈所稱逃難過河被北岸安稟致傷各節均係事後捏控飾詞逞刁毫無影響至原任河間府知府陳崇砥於河間八里橋一帶所開引河本欲引泲水由古羊河入子牙但形勢不順非惟無益反受子牙倒漾之患經臣派員勘度於光緒七年在獻縣朱家口另開新河泲水復了牙故道下游九州縣受益甚廣其北岸河頭因古羊斷流是以築壩使水趨歸新河乃河工一定辦法該縣南岸四十餘村本居窪下適傍泲沱上流久被漲漫固由地勢使然而被災情形甚屬可憫未忍膜視業飭金福曾與清河道史克寬詳細察勘妥籌疏治擬於北岸建滾水壩盛漲時減水三分北走古羊冀於下游大局無礙並補築南隄缺口及溢陽河堤移建雙村崗座凡此

皆於無可設法之中思為南岸竭力補救庶得稍輕水患已飭籌款照辦現在窪地積水次第涸消尙可補種春麥仍妥為撫綏分別平糶散賑藉工代撫以舒積困於萬一合再據實覆陳伏乞聖鑒謹奏

奏稿四十九

六

學生王慶端請卹片 光緒十年二月十六日

再准出使德國大臣李鳳苞奏呈稱出洋學生王慶端於光緒九年十一月二十九日在法國巴黎寓次病故飭派隨員參將陳季同前往看視同寓學生魏進等聲稱王慶端在橋路學堂肄業夏開放假三箇月游歷法國各境詳覽船塢工程海濱低溼天時寒暖不常病源即由此起回至巴黎趕繕游歷日記復與官學諸生競力功課繪算圖說嘗至夜分不睡前七八日左臂疼痛欲折飲食漸減經洋監督日意格為租醫館調治病勢日重臂腫益劇遂至不起查醫案云該生徧體發燒神情恍惚時作怔忡煩躁之態係屬用心過度難以施診除棺殮交法公司船運送回閩外查王慶端係閩廠前堂學生經前船政大臣沈葆楨考取入堂勤勉聰穎於數學機器法文繪算精迥光緒七年續派出洋入塘塢

奏稿四十九

橋路官學潛心肄習竟可與洋生同試取列高等該官學師儒贊美同聲今因攻苦病歿親老子幼尤堪憫惻查請照案奏卹前來臣查光緒二年奏定選派船政生徒出洋肄業章程內開各生因攻苦積勞致有不測之事酌量附奏優卹等因今王慶端選派出洋數年學業已有成效乃以幼苦致疾殞命外洋殊為可惜相應據請奏懇
天恩俯准敕部從優議卹以慰癡魂而勸來學謹會同船政大臣詹事府少詹事臣何如璋附片陳請伏乞
聖鑒訓示謹
奏

北運河工程摺 光緒十年三月初二日

奏為通州張家灣運東之北運河新衝河道現擬撥款挑挖通暢並將舊河頭堵塞以利漕運恭摺仰祈
聖鑒事竊通州張家灣運東之北運河上年伏秋大汛自蘇莊至姚辛莊衝開新河一段溜勢頗暢舊河已形淤墊臣等以事關漕運應否徑由新河行走抑仍疏濬舊河疊飭漕運道判通州知州查勘並令通永道薛福辰督飭各員勘估籌議茲據該道薛福辰詳稱舊河自上口至下口長六千四百餘丈形勢迂曲大半淤墊業已斷流若欲挽復工大費鉅應毋庸議新河自上口至下口長七百二十四丈兩頭均與舊河相接形勢順直舟行便利全河大溜均循新河而下惟河身係自行衝開河底不能一律深通寬自二十餘丈至十丈不等深自丈餘至二三尺不等察看河而毋庸

奏稿四十九

展寬河底深至四尺以上者亦毋庸開深其僅止二三尺者計有三百丈行船尚須剝淺亟應設法挑挖但溜勢甚急施工不易若築壩阻溜使水暫行舊河以資工作核計需費不少現擬製造新式鐵口刮泥大板用牛騾之力在兩岸拖拉並招募熟悉水工大欽士夫同力合作令其一律通暢約需工費庫平實銀二千二百兩係屬竭力撙節至舊河頭不堵恐盛漲分流河形又有遷徙應堅築攔水壩兩道及挑平新河頭土阜一座並聲明新河所佔民地應以舊河身淤出地畝相抵等情詳請核示前來臣等查所擬辦法均合機宜應即照辦除舊河築壩工費由直賑項下籌撥外其挑挖新河工費銀二千二百兩事關漕運擬請由倉場衙門庫存輕齎銀內照數籌撥此項水工係以牛騾之力駕板拖拉非尋常估計土方可比請免照例造冊報銷以昭核實現在蘇浙漕糧

陸續到津亟須轉運赴通工程緊要須於三月十五日前後辦竣
方免誤運俟奉

旨後即行發款飭由通永道薛福辰督同委員核實趕辦臣等與

臣錫珍臣游百川往返咨商意見相同理合會同倉場侍郎臣錫

珍臣游百川兼管順天府府尹臣畢道遠順天府府尹臣周家相

恭摺由驛具陳伏乞

皇太后

皇上聖鑒訓示謹

奏稿四十九

奏

酌保邊材籌濟軍火摺 光緒十年三月十七日

奏為

酌保邊材並籌濟軍火恭摺密陳仰祈

聖鑒事竊臣欽奉三月十二日

寄諭前有旨令潘鼎新署理廣西巡撫刻日馳往接統徐延旭所

部各營邊事正殷需才孔亟潘鼎新到粵後必須有人相助為理

著李鴻章於各將領中擇其堪勝邊疆提鎮之任者據實保奏一

二員應候簡用粵軍所用軍火等項極關緊要並著設法接濟毋

任缺之等因欽此仰見

朝廷遴選將材蒐討軍實至意欽服莫名查潘鼎新前統淮軍歷

勦粵捻各匪戰功夙著茲蒙

恩移營桂撫接統徐延旭所部自能相機妥慎籌辦惟其舊部鼎

營遺撤已久由湘赴粵恐乏宿將隨往邊軍潰敗之餘整頓不易

諭旨詢及須有人相助為理洵屬切要之圖現值海防喫緊各處

統軍得力之員礙難更動臣等日所知者量加選擇查有遇

缺題奏提督現署直隸通永鎮總兵唐仁廉湖南東安縣人前隸

鮑超部下著名驍勇嗣隨臣勦辦東西各捻上年丁憂經臣奏留

署鎮督防北塘海口馭軍有方英鸞善戰又記名提督現任貴州

安義鎮總兵周壽昌安徽桐城縣人隨勦多年屢經大敵訓練精

明戰守可靠前已統商潘鼎新酌量調該二員年力正強熟諳

戎機似均堪勝邊疆提鎮之任且與潘鼎新曾共征役氣誼投洽

操用洋械亦知講求謹據實臚陳伏候

聖明采擇至粵軍所用軍火本少精利之品前敵疊經挫退遺失

必多亟須酌籌接濟臣上年以閩在滬曾撥給潘鼎新毛瑟後膛

奏稿四十九

奏

鎗一千桿該撫計當隨帶入粵又去冬奏撥滇桂各軍甯局仿造
兩磅過山礮十尊林明敦後膛鎗一千桿士乃得後膛鎗二千桿
配齊子彈各項於今春二月開凍後分批航海粵准總理衙
門函屬酌濟潘鼎新所需軍火因電商兩廣督臣張樹聲全數截
留梧州轉運局候提用並咨明潘鼎新知照可備目前急需俟
臣續購大批後膛鎗礮六七月間到滬容再遵
旨設法撥濟勿任缺乏理合繕摺由驛覆陳伏乞
皇太后
皇上聖鑒謹
奏

奏稿四十九

三

擬奏周盛傳參款片

光緒十年四月初四日

再臣欽奉三月二十五日

寄諭有人奏風聞現在天津統帶淮軍之湖南提督周盛傳盤剝
兵丁異常刻苦該提督行為跋扈李鴻章受其挾制等語天津屏
蔽京師關係甚重周盛傳統帶防軍是否得力所參各節有無其
事著李鴻章悉心察看據實具奏原片著鈔給閱看等因欽此伏
查湖南提督周盛傳於咸豐年間在廬州西鄉團練鄉勇屢擊敗
粵捻大股以能戰名同治元年臣飭募盛字營赴上海協剿蘇常
髮逆嗣復調勦東豫鄂皖直五省捻匪以次蕩平隨由陝西移直
布置海防歷年築新城造礮臺濬河屯田工作之暇操練各種後
膛鎗礮精益求精盛軍利器足與西洋相埒實為各省防軍之冠
臣等

奏稿四十九

三

奏明有案通政使司通政使吳大澂去冬近駐新城知之最悉本
年正月開奏稱就中國統兵大員而論熟知外洋軍火得失惟周
盛傳為最所統盛軍為臣部最得力之師非虛語也原片稱盤剝
兵丁異常刻苦營中食用之物皆設有鋪店擡價壓銷在口糧下
坐扣致各兵貧乏不堪等語查淮軍定章各營食米向由統領派
員赴南省購運俾臨敵行軍不至乏食仍連價腳核計扣銀不准
絲毫多扣此外一切用物皆由弁勇自購該提督並無設有鋪店
擡價壓銷之事至勇丁貧乏因各省協餉不能解足每年常欠給
二三關此由臣籌餉無方非周盛傳月有剋減然軍士相從年久
向無怨懟也原片又稱該提督行為跋扈臣懼激則生變事事受
其挾制等語尤屬不經之談周盛傳自束髮從戎隨臣周旋忠難
將三十年親若弟昆絕無違悖教令情事該提督日孜孜以練兵

簡器效操為事謹守禮法彼固無所謂跋扈臣亦何容其挾制該
提督感受

天恩奇以專闕每思慷慨一戰得當以報更何至有事內訌自蹈
大戾原片又稱整頓准軍非劉銘傳不能得力臣已欽遵二十六

諭旨飛檄劉銘傳勉期應

召赴京銷假劉銘傳才氣開展周盛傳器局謹嚴各有所長均為
准部所推服似亦無甚軒輊也理合據實詳細覆陳伏乞

聖鑒謹
奏

奏稿四十九

臣

議分慶軍駐朝片 光緒十年四月初四日

再欽奉光緒十年三月二十六日

奇諭通政使參議延茂奏請飭調吳長慶一軍移紮金州等語吳

長慶統率所部駐紮朝鮮應否將該軍調回擲守著李鴻章

體察情形奏明辦理等因欽此竊臣於八年十月九年九月疊經

奏明吳長慶現駐朝鮮六營擬隨時酌度機宜分別撤留在案今

春吳長慶自朝鮮來津商詢一切據稱該國與英美德各邦立約

後商務可興民心漸定若暫留三營保護彈壓當無他虞正與臣

籌議抽撤之法欽奉前因法國兵船向北開駛與臣處所接聞滬

電報相同北洋地廣兵單防務喫緊亟須添調策應自應先其所

急令吳長慶統率所部親兵前營中營正營撤回內渡由臣相機

察度何處緊要即飭前往扼守仍留親兵左營後營慶副營暫駐

朝鮮王城以資兼顧查有記名提督吳兆有樸實勤練紀律嚴明

隨同吳長慶在朝鮮帶兵兩年威惠兼著軍民翕服堪以委令統

帶駐朝三營俾專責成分發同知袁世凱廉明果毅曉暢機宜久

辦慶軍營務兼帶朝鮮練軍該國君臣均深敬佩堪以委令總理

營務處會辦朝鮮防務可期得力惟軍士遠戍海外艱苦異常殊

非經久之策容臣隨時察訪如朝鮮練軍稍齊可自鎮撫即將暫

留三營撤回歸隊以後再派兵船輪替前往巡駐海口藉以護商

防患庶為活著遠謀所有體察情形分別辦理緣由附片覆陳是

否有當伏乞

聖鑒訓示謹

奏

議馬頰河不宜開摺光緒十年四月十六日

奏為開馬頰河分減黃流地勢未宜民情不順工費無出後患難防據實陳仰祈

聖鑒事竊臣前准工部咨開會同戶部議覆侍郎游百川奏請開馬頰河分減黃流一摺又議覆御史吳响奏不宜開河分減一摺應令直隸山東派員勘驗通盤籌議折衷一是等因奉

旨依議欽此欽遵知照前來當經遴派熟悉河工之候補知府吳士湘隨帶素精儀器員弁馳抵海豐縣沙土河海口溯流而上將馬頰全河里數寬深丈尺工程難易及直東地勢高下民情順逆逐細測量體察計歷山東海豐直隸慶雲山東樂陵德平德州平原恩縣高唐禹城齊河長清十一州縣至長清縣屬黃河北岸五龍潭原擬建壩處所迨勘畢後又以津海關道周馥前會委勘東

境黃河上下游諸情形飭與吳士湘悉心妥議茲據該道府繪圖貼說分晰稟覆並先准山東撫臣陳士杰派員往勘緘請會奏等因查據吳士湘稟稱五龍潭至平原縣之鍋塔口馬頰河頭計長三萬四千三百四十二丈合一百九十里其開紆迴曲折須穿過徒駭等河九道惟潔清兩河尚有河槽寬而不深若徒駭巴公范公趙王趙牛正岔等河寬祇二三丈深祇六七尺其無河處所須生開陸地六千二百二十丈又自鍋塔口入馬頰河至海豐縣沙土河海口即馬頰尾閘計長七萬四千三百七十五丈合四百三十三里其在德州平原境內者口寬七八十丈深丈許在德平樂陵慶雲海豐境內者口寬不過十丈八丈深僅數丈全河併計狹淺處約有十分之七總計自五龍潭迄沙土河海口共長十萬八千七百十五丈合六百三里照游百川原奏挑寬四十丈深一丈其

兩岸堆土及留河灘至少須有六十丈合其佔地寬一百丈計長清縣境佔地一萬六千四百餘畝墳墓二千八百餘塚又四十七村合三千四百二十餘戶齊河縣境佔地六千七百餘畝墳墓一千二百餘塚又二十五村合一千餘戶禹城縣境佔地九千五百餘畝墳墓三千八百四十餘塚又五十九村合四千一百餘戶平原縣境佔地七千九百餘畝墳墓四千九百餘塚又七十村合五千一百餘戶德州境墳墓五千一百七十餘塚又九十四村合七千七百餘戶德平縣境佔地一萬四千餘畝墳墓四千六百八十八餘塚又九十八村合五千九百二十餘戶樂陵縣境佔地七千五百餘畝墳墓四千四十餘塚又八十四村合四千五百五十餘戶慶雲縣境佔地七千五百餘畝墳墓二千三百餘塚又五十村合三千四百五十戶海豐縣境佔地與荒廢斥鹵相間礙難細核約計一萬畝墳墓二千八百餘塚又四十九村合四千四百三十餘戶統計佔地七萬九千餘畝除原舊河形外實佔現在民田六萬餘畝又五百七十六村共三萬九千六百餘戶又墳墓三萬一千七百餘塚此五龍潭至馬頰河尾閘若擬開引須佔用民業之實在數目也又查五龍潭本係百年不易之險自銅瓦廂決口黃流會入大清河東趨迎溜兜灣其險更甚常有漫溢上年凌汛續決三百餘丈測量該處黃河口寬一百二十丈南岸雜菁老灘頂入河心偪溜北衝北岸水深二丈南岸水深六尺北岸地又較低南岸地七尺二寸土人云上年秋汛水漲高於平地二尺如游百川原奏建滾水壩北岸低二三尺是汛漲過水當在一丈上下又測量平原縣鍋塔口地較五龍潭低一丈五尺五寸海豐沙土河海口地較鍋塔口又低十二丈八尺六寸可見愈北愈低

而天津三岔河口地平較慶雲之馬頰河北岸又低九丈五尺四寸又查馬頰河北距南運河遠者百餘里近者如恩縣德州兩處相去僅四五十里此五龍潭黃河大溜緊逼北岸連北地勢節節低下而馬頰又有切近南運河處所之實在情形也臣督飭周馥吳士湘通盤籌議不可開引黃流入馬頰者約有七端黃河自古少開壩分水之案漢之瓠子酸棗宋之六塔二股明之沙灣皆因分水貽害後皆引以為鑒我

朝河臣靳輔建毛城鋪太谷山龍虎山天然減水開壩皆就山骨堅土之處建立壩基下有湖蕩可歸且挑倒鉤引河以防奪溜乃不久仍多廢棄以後無敢踵而行之者今五龍潭為極險之衝一片純沙壩基難立若欲收河北行貽害甚廣禦之不暇奈何引之此不可者一減河所經橫穿徒駭巴公趙王等河九道紆折一百

奏稿四十九

九十里勢必將此九河東去之路盡行堵塞挽使北趨竊恐天生地脈非可以人力亂之汎漲湧至依舊衝決此不可者二黃入濟漕以來兩岸居民久困沈災識者謂因城鎮太多未能早築遙隄之故今分黃入馬頰斜行六百三里即新增兩岸隄工一千二百餘里官守民守均苦無力是使六百三里向不被水之區皆無完土此不可者三黃流下游淤淺實因上游分溢過多正河水少之故若以徒駭馬頰一再分減而視攔水之遙隄為緩圖則下游必更停淤下壅上潰恐長清以上益多漫溢此不可者四六百三里之中除舊河壑種不計外新佔民田六萬餘畝小民已苦失業且有五百七十六村三萬九千餘戶又墳墓三萬一千七百餘塚從何遷徙此不可者五自來渾河不能兩行東漢以後議論紛紜辦法不一大抵合則偶治分則必壞往籍班班可考禹河雖暫分行

但今昔時異勢殊未可泥古現勘濟北地勢節節低下上性鬆浮天津又低於慶雲馬頰北岸九丈數尺而上游德州恩縣之馬頰距南運河祇四五十里黃河善徒往往橫侵驟決設使開引之後就下勢順改道非趨加以直境永定漳沱潮白漳衛拒馬三易五大河之水將見畿南全成澤國事所必至理有固然

京畿根本重地極宜慎重此不可者六五龍潭以下至入馬頰除原舊河形不挑外照原奏丈尺核計土方應挑八百八十五萬餘方又開馬頰各段並培補兩岸殘隄應挑土一千一百三十九萬餘方按山東原估每方銀一錢五分共需銀三百餘萬兩而建滾水壩之費尚不知凡幾遷徙村戶墳墓並給地價一切更無從預估其原估築隄項下焉能節出如許經費開辦此河當茲時事艱難重耗鉅款興此無益有害之工殊屬非計此不可者七自開引

奏稿四十九

之說起直東沿河州縣紳民或在臣處或於委員經過時紛紛遞呈願求免辦情詞迫切地勢既不相宜民情又復不順工費無出後患難防實以不開為便至游百川原奏開杜家溝分水入徒駭一節已經山東撫臣奏明秋後察看又御史吳响條奏亟築樓隄並築遙隄創築閘隄任民修守覈免錢漕兼籌帑項勘定海口取直河身考覈舊河懸練賢才各節似多可行惟節目甚繁非一時所能措辦亦非直隸所能造度如何次第舉行期於河防大局有神應由山東撫臣隨時察酌妥籌分別奏辦除將吳士湘繪送圖說分咨軍機處工部查核外所有馬頰河不宜開挖分減黃流緣由理合會同山東撫臣陳士杰恭摺據實覆陳伏乞

皇太后
皇上聖鑒訓示謹

議濟宜惠河捐 光緒十年四月十六日
奏為查勘山東恩縣德州南運減河直隸宣惠河淤塞情形現擬
籌款將宣惠河挑濬恭摺陳仰祈
聖鑒事竊臣欽奉光緒九年十二月十五日

奏稿四十九

五

寄諭御史劉恩溥奏畿南州縣連年被水請飭將山東恩縣境內
之四女寺及德州境內之哨馬營兩處減河壩口修濬並於兩減
河下流挑挖疏通更令宣惠河上接德州哨馬營減河其下游直
隸東光南皮滄州等處一律疏濬庶運河水有分消不至潰決至
開濟宣惠河祇須於近河隄旁官地向南挑挖勿任阻撓等語山
東德州一帶毗連直境該處河隄各工於畿輔民生利害殊有關
係著體察情形詳細酌度妥議具奏等因欽此當飭候補知府吳
士湘於勘竣馬頰河後即赴山東恩縣德州及直隸吳橋一帶逐
細勘查並令天津道裕長督飭各地方官體察情形與吳士湘通
籌妥議一面咨會山東撫臣一體派員勘議茲據該道府繪圖貼
說分晰稟覆前來臣查吳士湘稟稱德州哨馬營南運減河係明
尚書宋禮所開我
朝雍正乾隆年間兩經大修現在壩口已坍塌淤塞僅存石片數
十塊縱橫水中不能細加測量壩上淤土堆如山岸高於水面二
丈壩下減河在德州境內者十八里久成平陸下入直隸吳橋縣
境即接鈎盤河現尚深二三尺至玉泉莊與四女寺減河合流匯
人鬲津河計在吳橋縣境者三十六里總合五十四里從壩口至
玉泉莊淤墊太甚幾至不復辨識民間侵種已久此時疏通無異
新闢又恩縣四女寺南運減河壩在哨馬營上游三十餘里係明
都御史白昂所開我

朝康熙雍正乾隆年間屢經修濬厥後漸廢該海堤金牆雁翅
多被淤塞但較哨馬營減水壩稍有規模海堤長約十丈壩口寬
約二十餘丈壩上石橋十孔已淤其七土人云南運盛漲時尙可
過水尺餘壩下減河亦至吳橋縣玉泉莊匯入南運故濬計長九
十三里下經甯津南皮樂陵慶雲鹽山入海豐縣境至古大沽口
歸海又長三百一里共合三百九十四里俱有河形可就寬三四
丈至七八丈深一二三四尺查南運舊減河有四在東境者四女
寺哨馬營兩處在直境者滄州捷地青縣興濟兩處前因直境
舊減河早經淤塞力難開挖遂於靜海新官屯新開減河一道下
就淮軍所開營田之河達海藉省工費惟分洩尤重上游上游漲
減則下游全工受益四女寺為各減河之首南運非黃河易淤者
可比分減不慮過多下有河身可歸另途出海地勢民情亦無不

奏稿四十九

順誠能將四女寺減河修濬實為治南運釜底抽薪之計哨馬營
減河淤墊既甚侵種又久若欲併開為費太重實難並舉咨商
山東撫臣陳士杰派員勘估擇要籌辦惟減河下游直境應挑工
段甚長需費甚巨屆時擬照劉恩溥原奏另請部款再行核酌具
奏至直境宣惠河溯查乾隆五年開挖其河頭在吳橋縣境李尙
學莊同治十一年挑濬自李尙學莊進上王指揮莊起專以消洩
附近窪水向無來源若改接哨馬營減河不惟王指揮莊河頭與
運河向隔三四十里隄旁官地未能相就且中隔沙河一道礙難
穿斷宣惠又高於沙河八尺九寸亦難由此引入此等無源之河
濬則汪洋每苦宣洩不及旱則乾涸並無灌溉可資備上接哨馬
營減河添借來源民情不願自應各循其舊查宣惠河自吳橋王
指揮莊經東光至南皮劉蛤蟆莊長一百十餘里其下則分兩支

奏稿四十九

北支山王莽河過蔡家窪達滄州石碑河至大浪泊與捷地減河
會入牧豬港歸海口出海計長一百五十六里南支山劉蛤蟆莊
范家隄穿金沙嶺過鹽山燕子窪入山東海豐縣境會南運至古
大沽口出海計長二百三十四里現勘北支自劉蛤蟆莊以下開
有河形不過十分之一自蔡家窪以下即石碑河口寬三四五丈
至七八九丈深二三尺至四五尺其自大浪泊至牧豬港約四十
餘里皆窪泊積水寬深尙難勘丈至南支河口寬四五丈至六七
丈深二三四尺至一丈兩隄高四五尺七八尺岸上廢土山積僅
有河槽一條絕少窪蕩兩支比較北支隄河雖不及南支寬深而
地勢低平多穿窪泊南支隄河雖較完整而地勢稍仰且穿金沙
嶺高亢之地七十餘里同治十一年以滄民不願此河北行前州
牧項桂輪詢其所請專濬南支惟金沙嶺地勢既高淤沙厚積水
難暢下一有衝決北支蔡家窪一帶同被淹溺上年德州運河決
口漫水淹至東光境內宣惠河為隄所阻東光滄州南皮之民掘
隄互鬪致傷多命實堪憫惻臣前已飭地方印委勘籌辦法查乾
隆五年前督臣孫嘉淦開宣惠河本走北支嗣因下游石碑水多
不能並納經前督臣方觀承分挑南支今應規復北支以順就下
之勢但慮金沙嶺南支益形淤塞勢將全溜擊入北支則石碑不
能容納滄境從此氾濫永無甯歲既無以服滄民之心亦失前賢
分疏之意是南支亦不宜廢也擬於上年宣惠北岸坊子莊決口
之處就水衝溝槽數里循北支舊河故跡疏濬寬約五丈兩邊築
隄即在北隄建一滾水灰壩寬以七丈為度高以南岸河口為憑
水漲時任由壩上滾出不過減水三四分並將石碑河下游一律
相勢挑濬加築隄使水有所歸不致出槽為患而南支金沙嶺

原有河槽亦即酌量疏濬水小之年仍由南支行走水大則分減
入北支在滄民無虞上游壅潰在東光南皮之民不以下游曲防
為懼並藉減壩調劑其平庶爭端亦可消釋從前南支金沙嶺一
帶議歸滄民歲修此次工程甚大擬分段酌派東光南皮滄州三
處民夫承挑連鹽山境內之工核給高粱一萬餘石銀數千兩俾
資津貼仍由官督率催趨期早竣工非支淤塞已久需費更巨而
地勢既低尤宜寬築隄防庶免漫溢約計挑河築隄建滾水灰壩
及佔用民地發給地價需銀六萬兩以上南北兩支共需高粱一
萬餘石銀六萬數千兩其下游積水寬深未能即估並上游暫可
從緩者均不在內直屬各庫空虛本屆工賑需款繁巨咨督同
司道竭力設法勻湊事竣照章彙入賑案開單奏報即責成吳士
湘與天津道督同各該州縣認真興辦其有應分別緩急變通之
處隨時相機核酌其南支下游山東海豐境內工段另行核明咨
會山東撫臣轉飭遵照所有查勘山東恩縣德州南運減河直隸
宣惠河淤塞情形現擬籌款將宣惠河挑濬緣由理合恭摺覆
奏伏乞
皇太后
皇上聖鑒訓示謹
奏

奏稿四十九

呈

請飭東撫築德州隄工片 光緒十年四月十六日

再德州境內運河兩岸工程向係民修民守近年修守廢弛隄身
卑薄據吳士湘稟稱該員順道察勘最險者老君堂吳橋口老虎
倉小楊莊等處十段次險者龍王廟燕窩豐樂屯馬槽等處二十
段而老君堂上年大汛隄勢數十丈幾至決口似此危險至今尙
未修築其民情觀望推諉可知直省之吳橋東光南皮滄州等處
上年水災較重且釀械關多命之災實因德州小楊莊決口所致
誠如劉恩溥所奏河決挂淤即為腴田益在德州害在直省欲弭
畿南吳橋一帶水患必先籌辦德州險工較修濟南運減河與宣
惠河尤為緊要直省地處下游經營防範縱極萬全而上游一決
必災及直境十數州縣官吏諉為隔省小民視若仇讎文牘往還
即或勉強興工而此十數州縣之民已逃亡相繼此乃關係大局
萬不容已之工亟應欽遵
諭旨實力修防惟災祲之餘勢難專恃民力轉瞬汛期將至擬請
敕下山東撫臣設法籌款趕緊委員勘估擇要興辦加高培厚必
於伏汛以前完工否則兩隄殘破如此即尋常汛漲亦恐漫溢至
防汛事宜並須嚴定官督民守章程庶免臨時諉誤理合附片具
陳伏乞
聖鑒訓示施行謹
奏

奏稿四十九

呈

奏留盛宣懷片 光緒十年四月十六日

再布政使銜直隸候補道盛宣懷歷辦營務洋務賑務等差均能殫精竭慮不辭勞怨光緒五年津河沈災檄署天津道綜理賑務集捐銀數十萬兼資工撫並裁革天津縣書差供應各項積弊建廣仁堂留養孤寡設戒烟局除民間積癮數千人政聲頗著其創辦輪船招商購船二十餘號積年少入洋商之手者約計二三千萬光緒二年收回美商已佔各口之碼頭又拆廢英商已成之鐵路經前督臣沈葆楨奏明有案上年委辦各省電綫萬里響應軍報攸賴尤能獨為其難英商丹商覬覦華電權利臣與總理衙門飭該道執萬國公例與之力爭卒能去其侵造吳淞九龍之陸綫嚴定條款劃海為界經營臣左宗棠張樹聲奏明有案此皆曾國藩所謂與各國通商宜以商戰者是也該道現經張樹聲等奏調

赴粵何璟等又奏調赴閩奉

奏稿四十九

呈

批旨前據張樹聲奏請將盛宣懷調往廣東辦理沙面案件一時不能赴閩欽此查照前來本應遵飭赴粵惟因其督辦各省電報事務繁重廣東非居中之地恐難遙制各局況沙面一案將可結束翼易圖熟悉洋務必能勝任自應令盛宣懷毋庸前赴粵閩仍留直以資臂助臣查盛宣懷精明總練智慮周詳於交涉重大事件洞悉微結是以經辦數事剛柔得中不為撓屈歷著成效今之熟習洋務者往往於吏治民生易於隔閡究之洋務與吏治不應分為兩途盛宣懷施措咸宜經權悉協臣青年曾將該道保薦堪勝關道兼備使才如蒙天恩先試以通商繁劇之地歷練數年當能宏濟艱難緩急可恃臣為時事需才孔亟起見不敢舉於上

開謹附片密陳伏乞

聖鑒謹

奏稿四十九

呈

本年二月以前賑捐收數摺 光緒十年四月十六日

奏為查明本年二月以前收過賑捐應獎銀數恭摺仰祈
聖鑒事竊照順直各屬上年伏秋大水為災賑需短絀當經設法
籌勸接濟並准部議按常例一成報捐銜封貢監暨推廣報捐銜
封在案茲查自光緒九年秋勸辦起至十二月止共收過各省官
商捐賑銀二十二萬七千四百零二石每石時價銀一兩五錢
兩合銀四百兩高粱一千五百五十一石每石時價銀一兩五錢
合銀二千三百二十六兩零棉衣五萬六千六百六件照章合銀五萬
六百六兩又自本年正月起至二月底止收捐銀三萬四千六百
四十三兩零以上統共收捐銀三十一萬四千九百九十七兩七錢
四毫隨時分撥災區核實散放並以工代撫據籌賑局司道具詳
請

奏稿四十九

甲七

奏前來臣覆核無異除飭取捐賑官紳履歷照章分批咨部核獎
其有專案奏請獎敘者照數扣除並俟續收捐項積有成數另行
奏報外所有本年二月以前收過賑捐應獎銀數理合恭摺具陳
伏乞

皇太后

皇上聖鑒敕部知照謹

奏

法越交涉議定法約摺 光緒十年四月十七日

奏為遵
旨籌辦法越交涉與法人講解議定簡明條約畫押竣事恭摺仰
祈

聖鑒事竊臣欽奉光緒十年四月初十日

上諭目前最要者約有數端越南世修職貢為我藩屬斷不能因
與法人立約致更成憲必與之切實辨明通商一節若在越南地
面互市尚無不可如欲深入雲南內地處處通行將來流弊必多
亟應預為杜絕劉永福黑旗一軍屢挫法兵為彼所深恨蓄志驅
除自在意中豈可遂其所欲此次法人侵佔越南自彼開我無
失和之意若再索償兵費不特情理所必無亦與各國公法顯背
以上各節均與大局極有關係李鴻章膺此重任宜如何竭力圖
維預籌辨論等因欽此仰蒙

奏稿四十九

甲

聖明指授機宜

訓誡精切感悚莫名又欽奉四月十四日

諭旨鈔示廷臣議覆各摺令臣迅速覆奏等因法國水師總兵福
祿諾到津於十二日來見所有辨論各節及與商訂簡明條款臣
因繕摺覆陳不及先詳細函致總理各國事務衙門請其恭代進
呈

御覽十五夜接准該衙門電稱奉

旨詳加披閱均尚無傷國體事可允行該大臣即照所擬辦理嗣
後詳細條目務當悉心籌畫毋滋流弊欽此先是福祿諾與臣議
訂條款即電請該國外部示遵十五日午刻該總兵接其外部大
臣費理是日辰時覆電云奉國旨子女全權無須提督利士比來

津汝即與李大臣押定等語彼以條款已就無可改易疊催畫押定議適臣亦欽奉電

旨准照所擬辦理復將原議五條逐加討論酌改前後款式並按照洋文約款內字句有略宜增損之處與福祿諾詳確覈定繕寫成帙遂於十七日申時齊集行館校對中法文義無訛公同畫押蓋印各執一本為據謹將約本封送軍機處備查仍照錄清摺恭呈

鑒核竊維法越之事自光緒七年以後會紀澤與法外部沙美拉古費理等總理衙門暨臣與法使寶海脫利古等往復辨論案務盈帙均無成議愈變愈壞迨山西北甯失陷法欲大張越南臣民望風降順事勢已無可為和局幾不能保茲幸

聖朝德威遠被由法人自請講解其始願望未嘗不奢要求未嘗不力經臣反復辨折迎機勸導彼亦漸就範圍如

諭旨所云職責一節今約內第四款法國約明現與越南議改條約決不插入傷礙中國威望體面字樣並將以前與越南所立各約開涉東京者盡行銷廢蓋因臣指明法越甲戌約內不論何國皆無統屬去年新約有

大清國不得預及南國之政等語顯與中國屬藩體制有礙必須刪改據福祿諾而稱已電告外部令現住越南改約之巴德諾照議刪除彼雖不明認為我屬邦但無此等違悖語意越王豈敢藉詞背畔耶又

諭旨所云通商一節今約內第三款許以毗連北圻邊界法越與內地貨物應運銷並約明日後戶遣使臣議定詳細商約稅則其云北圻邊界必不准深入雲南內地明矣查向來紅江上游中

外商人運銷貨物出入滇境往來不絕本未苛禁將來互市自可在北圻邊界擇要設關收稅安立章程似覺無甚流弊又

諭旨所云兵費宜拒一節該國上下處心積慮本欲講索兵費六百萬鎊即各國新報私議皆為是言臣預屬稅務司德琳琳道員馬建忠等多方開導復當面嚴詞厲色力與駁斥今約內載明情願不向中國索償尚屬恭順得體足以風示各國中國許以北圻

邊界運銷貨物為有益法國商務俾該外部得有詞以謝議紳亦為中法和好互讓之據至劉永福黑旗一軍從前乘法兵單寡之時屢經法將法人恨之切齒必欲報復上年會紀澤與該外部商論由中國設法解散約束而法廷添兵攻取意不稍回去冬克

山西黑旗精銳傷亡甚多已受大創今春劉永福募四千人援北甯亦不戰而潰其禦大敵何怯也華人專求虛聲愈欲倚以制法

法人固深知其無能為役此次福祿諾絕未提及我自不便深論將來該國片派使臣若議及此當由岑毓英潘鼎新酌定安置之法惟日下和議已成法人必無翻覆法兵必漸減撤滇桂邊防各

軍亦宜及早切實整練凡不得力之勇營應逐漸裁遣汰無用而留有用聞劉永福所部冗雜騷擾與越民為仇實為邊境後患擬請

旨密飭雲南廣西督撫嚴明約束酌加減汰豫籌安置安策俾無生事滋擾則保全者多矣據福祿諾云此約專欲消釋中法將開之衅端為救急止兵起見其餘詳細節目應俟該國片派大臣前來會商該外部初次電覆此約應由議院批准本日續電又云

押定條款無須議院覆核福祿諾均經呈閱是兩國既皆定議以後商界事宜儘可從容籌度此皆由

皇太后

皇上宵旰焦勞懷柔大度於以感召遠人效忠孚信前後在事諸王大臣等和衷匡弼贊襄大計得以定艱危於俄頃使數年來法越轉趨不定之議得一結束之方從此保境息民練兵簡器徐圖自強天下幸甚微臣躬親是役懷懷焉若朽索之馭六馬疊經局外責望

聖諭提撕惟以不克稱塞

明詔是懼今雖安速成議非初料所能及其有思慮所不到力量所不及之處尙祈

曲鑒愚誠勿為浮議所惑庶法越之事由此而定中外邦交從此益固矣所有遵

旨講解議定倘明條約畫押竣事各緣由謹繕摺由驛六百里馳

奏稿四十九

至

奏仰慰

聖懷伏乞

皇太后

皇上聖鑒訓示施行謹

奏

奏保馬建忠片

光緒十年四月十七日

再臣前因二品銜候選道馬建忠從前游學法國與其官紳習處熟知情偽今在上海偵訪敵情福祿諾過滬時就商一切該道暗水師提督利士比密屬以福祿諾赴津講解必須開誠致敬若帶兵船隨往大沽略露要挾之狀臣必不願商辦利士比等恪遵指示福祿諾僅坐一師艦北來過煙臺後復換搭商輪赴津此即慶壽恆所奏先令兵船退出口岸之意深合大體該道同時回津幫同臣往復辯論頗得剛柔操縱之宜遂能剋期成議實該道之力居多查八年春夏疊經派往朝鮮主持美英德各國議約之事條理精詳嗣朝鮮內亂復委令帶隊前往彈壓理處應手奏效奉旨記名以海關道用旋經吏部以章程不符議駁此次定約竭誠襄助不激不隨動中機要維持大局其勞績尤不可泯該道講貫

奏稿四十九

至

中西各學心地謹飭才能肆應西人多引重之若蒙

恩存記擢授關道及出使之任必於交涉要務有裨臣為時艱孔

急洋務需才起見據實附片密陳伏乞

聖鑒謹

奏

添設山海關電綫摺 光緒十年四月二十四日

奏為籌款添設津沽北塘至山海關電綫以速軍報而重防務恭摺仰祈

聖鑒事竊臣前奏設立津滬及浙閩粵陸路電綫又自津至通州陸綫左宗棠張樹聲亦請展辦長江至漢口廣州至龍州電綫分別官款商股辦理均奉

旨允准遵行在案誠以電報呼應捷速雖隔萬里若在戶庭有裨軍國要政為目前當務之急成效已昭然可見茲查津沽北塘至

盧臺樂亭昌黎山海關經營口直達旅順俱係北洋沿海扼要之區已分駐水陸各軍安籌防守惟距津道途遙遠軍情瞬息變易非有電報無以速傳遞而赴事機但陸路二千餘里設綫經費約需銀十餘萬兩僅營口一處略有商報其餘皆係軍報商股既不

能招徠北洋亦難籌巨款只可擇要經營復查北塘至山海關一帶為畿東門戶值此海防喫緊布置尤關重要必須先其所急迅速辦成庶慮營樂亭昌黎榆關各路防軍消息靈通頃刻之間可以互相問答調度機宜不致遲誤實為海防經久之規天津大沽

北塘前已由官設綫今應自北塘至山海關依沿海徑路接添當即派員勘定計程四百餘里暫設單綫一條過河之處購用水綫估需銀三萬餘兩剋期成事已飭津海關道周馥電報局道員盛

宣懷朱格仁采購物料督飭員匠興工趨辦並將沿途應設局棧巡房妥為布置此路並無商報應仿照西洋關係國家政務綫由

官造之例及廣西梧州至龍州成案即由官辦現在設綫用款自天津至山海關常年局用巡電修理各費均於北洋海防經費項下核實動撥另行分晰彙案報銷並飭地方文武隨時認真照料

保護勿任損壞所有籌款添設山海關一路電綫以速軍報緣由恭摺具陳伏乞

皇太后 皇上聖鑒敕部查照謹

奏稿四十九

謹

請緩鹽課奏銷摺 光緒十年四月二十四日

奏為援案請緩長蘆本屆正課奏銷以恤商艱恭摺仰祈

聖鑒事竊據長蘆鹽運使額勒精額詳稱蘆商正課例限五月奏

銷自同治十年後商情艱窘節經

奏准緩至十月啟徵茲以例限將屆催令各商完納據通綱晉有

字等一百二十商稟稱商等但能依限完繳曷敢屢次瀆求惟蘆

商疲累情形課運實不能同時並顧一年課帑所出全賴菜秋而

尤以春運為根本有春運則指鹽售銀秋運乃可接築有秋運則

菜鹽銷旺銀回而課易完乃去年各岸大水菜秋多荒銷鹽甚少

應完課款又較歷屆增交二萬餘兩專賴奏銷展緩時日稍資周

轉現當春運喫緊已築運者尚未抵岸銀不能來未築運者且須

籌措鹽價繩帶運腳領告等項其上年未交帑利及帶徵歷年欠

課亦均到限商力萬分拮据今屆正課奏銷委難依限籲懇援案

展緩以顧春運該運司詳加體察確係實情若於此時催完必致

力不能支徒事參追無裨實際請緩至十月啟徵等情具詳請

奏前來臣查長蘆正課前因商情艱窘奏請展緩均已奉

旨允准現值餉需支絀但可依限催納斷不容稍事稽延惟體察

情形實緣商累已深上年又被大水力益疲敝刻下告運喫緊勢

難兼顧課款相應援照歷屆成案籲懇

天恩俯准將光緒十年正課奏銷緩至十月辦理以恤商艱即以

保全課運屆時當督飭運司認真催徵將奉撥京奉各餉仍於年

內解清不敢稍任遲誤理合恭摺具陳伏乞

皇太后

皇上聖鑒訓示謹

奏

奏稿四十九

奏

李文忠公奏稿卷四十九

李文忠公奏稿

卷之五十一

展收鹽斤加價摺 光緒十年五月十二日

學生陳伯璋請卹片 光緒十年五月十二日

劉銘傳抵津摺 光緒十年五月二十日

吳長慶請假片 光緒十年五月二十日

出洋巡閱摺 光緒十年五月二十七日

辦理鳳河工程摺 光緒十年閏五月初七日

出洋巡閱情形片 光緒十年閏五月初七日

代奏朝王謝摺 光緒十年閏五月初七日

京城平糶摺 光緒十年閏五月初十日

力籌戰備摺 光緒十年閏五月十三日

覆陳後路布置片 光緒十年閏五月十三日

覆奏各口礮臺工程片 光緒十年閏五月十三日

覆陳使命約文情形片 光緒十年閏五月十三日

練軍剿匪獲勝摺 光緒十年閏五月二十五日

淮軍修造師船片 光緒十年閏五月二十五日

吳長慶請卹摺 光緒十年六月初二日

吳保初剝肉療親片 光緒十年六月初二日

遊賞各營丹藥摺 光緒十年六月十五日

陵樹撥銀展限摺 光緒十年六月十五日

易州旗丁試辦鹽菜片 光緒十年六月十五日

整頓蘆鹽摺 光緒十年六月十五日

請撥江漢關洋稅摺 光緒十年六月十八日

查覆口外勘賊情形摺 光緒十年六月二十二日
覆陳商局輪船暫售美國摺 光緒十年六月三十日

奏稿五十一目錄

一

桐城吳汝綸編錄

展收鹽斤加價摺 光緒十年五月十二日

奏為展收直岸鹽斤加價以恤商艱而裨賑款恭摺具

奏仰祈

聖鑒事竊長蘆行銷直岸引灘前因運本過重商累太深

奏准自同治十三年六月起每斤加賣價制錢二文五年為限稍

資津貼嗣經國子監司業汪鳴鑾擬推展商賣鹽加價以助直

賑飭據運司議自光緒五年六月起將加價展限五年每年交銀

二萬兩共合十萬兩彌補直賑不敷之款亦經

奏准在案計扣至本年五月止五年限滿飭據運司額勒精額詳

稱直岸商人楊俊元等以引岸疊遭災歉商困益深賑款未能交

足請再將加價展限五年該司查自光緒五年六月起每年僅能

交賑款銀一萬二三千兩迄今僅交銀六萬八千餘兩按原議

十萬兩之數尚短銀三萬一千餘兩實因疊遭災歉本重運艱銷

路益滯連歲大歉之餘灘鹽多被淹沒積薪亦復失收車船腳價

無不昂貴各商極形疲累是以未能交足此項實鹽加價原因近

年運本過重稍資調劑初非提銀歸公他省亦有因商累加價貼

補之案約計民戶每人日食鹽三錢每月僅多費制錢一文零尚

不至於病民而課款得資周轉該司悉心體察現值商情異常艱

窘加價驟難議停且賑務既未截止每屆冬令貧民來津求食者

絡繹不絕留養遺歸均需巨款請自光緒十年六月起直岸鹽

加價展限五年仍令每年交銀二萬兩除撥歸上屆未補銀三

萬一千餘兩其餘俱交籌賑局存備以後冬撫災需既於商困稍

紓窮黎亦沾實惠洵屬兩有裨益等情具詳請

奏前來臣覆查無異相應懇

天恩俯准照辦以恤商艱而裨賑款理合恭摺具陳伏乞

皇太后

皇上聖鑒訓示謹

奏

奏稿五十

學生陳伯璋請卹片 光緒十年五月十二日

再准出使德國大臣李鳳苞咨稱出洋學生五品軍功候選從九品陳伯璋係閩廠繪事院畫童素肯力學出洋後派在魚雷廠無閒寒暑倍加攻苦惟時以不能精進為憾遂致積成憂憤於光緒九年正月初九日在法國寓次身故並由船政大臣核明咨請照章奏卹前來臣查光緒二年奏定選派船政生徒出洋肄業章程內開各生因攻苦積勞致有不測之事酌量奏卹等因今陳伯璋選派出洋數年學業漸有成效遠因攻苦憂憤殞志以致殊堪憫惻相應據情奏懇天恩俯准敕部議卹以慰精魂謹會同船政大臣詹事府少詹事臣何如璋附片陳請伏乞聖鑒訓示謹

奏稿五十一

三

奏

劉銘傳抵津摺 光緒十年五月二十日

奏為提督劉銘傳遵旨北上現已抵津恭摺仰祈聖鑒事竊臣接准軍機大臣字寄光緒十年三月二十六日奉上諭前直隸提督劉銘傳統兵有年威望素著前患目疾諒已就痊現值時事艱難需材孔亟著李鴻章傳知該提督即行來京陛見以資任使等因欽此當即恭錄諭旨飛咨該提督欽遵期赴京銷假旋接劉銘傳函稱入夏以來目疾紅腫漸輕而醫家如舊畏見風日惟值時局艱難仰承明詔自當力疾就道定於五月初二日由籍起程航海上茲於二十日行抵天津適張佩綸前往福建道出此間與臣熟商閩海防務該提督深悉戰守機宜彼此互相討論小住數日即晉京展覲泥首闕廷以伸積年瞻就之忱所有劉銘傳奉召抵津剋日來京緣由謹繕摺由驛馳報伏乞皇太后皇上聖鑒謹

奏稿五十一

四

奏

皇太后 皇上聖鑒謹

吳長慶請假片 光緒十年五月二十二日

再廣東水師提督吳長慶一軍前奉
寄諭令臣酌量調回臣已奏明暫留三營駐防朝鮮即飭吳長慶
撤回三營擇要扼守在案旋商令吳長慶馳赴奉天沿海金州地
方查勘形勢尙覺空虛微調該軍親兵慶字前營中營正營於五
月十一日由朝鮮乘坐商輪駛抵金州劉家屯一帶布置扼紮該
提督近年在朝鮮營次積受風寒遂得喘嗽之證春間來津與臣
籌商軍事即訝其病體異常適值海防喫緊該提督往來洋面涉
歷風濤舊恙增重抵金州以後咯血喘逆夜不能寐元氣大虧幾
有虛脫之象咨請轉奏
賞假一月俾得在營安心調理等因臣查吳長慶久戍朝鮮積勞
致疾茲患病加重深堪憫念除遣醫前往診視諄囑靜心調理外
應請

旨准假一月在營調理伏乞
聖鑒訓示謹附片具
奏

出洋巡閱摺 光緒十年五月二十七日

奏為微臣出洋巡閱以重海防恭摺仰祈
聖鑒事竊維渤海大勢
京師以天津為門戶天津以旅順煙臺為鎖鑰歷年經營海防
先治大沽北塘礮臺以固隩區復築新城以為後拒而海防經費
各省關應屆解書以為常以致購器築臺規模遠拓上年
旅順口礮臺募用洋匠仿造新式工作既成觀者均目為堅實電
纜魚雷駁駛及山東之威海矣吳大澂新承
簡命會辦北洋適張之洞張佩綸先後過津均欲整頓粵海防
以非洋略有其緒可尋就臣討論雖久更兵事而衰朽之餘智
慮短絀亦冀與二三英俊反復考究以輔臣之不逮擬即於本月
二十八日乘坐輪船駛赴旅順煙臺等處巡閱水陸各軍會同張
之洞等前往研究洋防審察形勢互收攻錯之益以紓
朝廷瞻顧遼海之意屆計程途往返不過八日起程後所有地方
日行公事仍飭藩司代印代行通商尋常事件即交津海關道就
近代行如有
寄諭及緊要事件即由津交輪船轉遞一二日可達並無遲誤所
有微臣出洋巡閱日期理合恭摺
奏伏乞
皇太后
皇上聖鑒謹
奏

奏
皇太后
皇上聖鑒謹
奏

辦理鳳河工程 光緒十年閏五月初七日

奏為順直鳳河工程剋期挑築完竣恭摺仰祈
聖鑒事竊查鳳河發源

南苑山五空開流出苑瀆經大興東通州武清遼津歸海工長
二百餘里關係沿河民田利害而下游東隄尤為津武一帶保障
亦因年久淤墊遂致泛濫為災去冬等派委員察勘籌議挑
築並因文頌之奏經府尹將大概情形奏蒙
聖鑒詳明以工代賑在案今春復派候補知府樺柱孫周歷
上下游詳細估惟各處應辦要工甚多庫款極絀只可擇節經
營除下游河身通暢無庸挑挖上游舊制無隄之處或有隄只須
培築缺口量為加修外應自五空開起至大興采育止開段挑挖

河身並裁灣取直共三千四百九丈口寬十二丈五尺至四丈不
等底寬十一丈一尺至二丈八尺不等深六尺五寸至二尺不等
並築欄水壩十四丈又自采育起至武清縣上村止應挑河身九
千二百九十九丈口寬五丈五尺底寬四丈三尺至三丈九尺不等
深四尺五寸至三尺不等即以挑出廢土培隄又築采育非門外
隄工長六十丈頂寬二丈底寬六丈高八尺又自武清柳行村起
至天津韓家莊止應築東隄八千二百六丈頂寬二丈不等底
寬六丈五尺至四丈五尺不等高七尺九寸不等又應培築隄上
村缺口二道工長二十七丈後續上村缺口一道工長六十丈並
加後俄四十七丈桐林村缺口一道工長五十三丈村東減溝缺
口一道工長三十丈陳莊缺口一道工長三十六丈並加後俄三
十丈徐莊缺口二道工長一百一十三丈牛鎮減溝缺口一道工長

十二丈以上缺口築頂寬二丈不等底寬七丈至四丈不等
高一丈二尺至六尺不等險要處酌加格料並鑲埽段統計挑築
督同印委各員招集附近災民分投興作以工代撫於四月二十
九日剋期告竣即飭試用知府柯欣榮前往驗收一律過估如式
其用工費銀二萬四千一百八十二兩七錢二分三釐由府尹臣
於順屬賑無項下撥給銀一萬兩並飭局於直屬賑無項下撥給
銀一萬四千一百八十二兩七錢二分三釐俟彙歸賑案另行奏
報除飭各該地方官查照向章隨時督率民夫妥籌修守毋任廢
弛外理合會同兼管順天府府尹臣畢道遠順天府府尹臣周家
相恭摺具
奏伏乞

奏稿五十

八

皇太后
皇上聖鑒謹

Blank vertical lines for official seals and signatures.

出洋巡閱情形片

光緒十年閏五月初七日

再臣出洋巡閱日期業經奏報在案臣先已檄調天津鎮總兵丁汝昌所統超勇揚威兩快船威遠康濟兩練船齊集大沽口外鎮東鎮西鎮北鎮南鎮中鎮等礮船齊集煙臺五月二十九日會同張之洞吳大澂張佩綸督率各船放洋操演雁行魚貫各陣式帆纜燈旗各號令及礮施放之法尚能整齊靈變閏五月初一日駛抵金州之旅順口察勘新築礮臺營壘全仿洋式堅緻曲折頗據形勝道員袁保齡督挖船澳船池修建軍械庫屋工程已及大半操演水雷旱雷均漸熟習該處扼東奉渤海之要衝與登州及大沽口遙遙相對現有提督宋慶等陸軍與丁汝昌水師互相犄角布置已稍就緒設遇海上有事莫可慮險固守牽制敵船使不速深入初二日過煙臺會操各船聲勢略壯法國水師提督利士比統鐵甲兩艘快船兩隻駐煙請臣等閱操其船堅礮巨實較北洋船式為雄大而操法尚不甚相遠也初三日抵威海衛閱看所延德國副將哈孫教演魚雷員弁兵匠齊力操作射放有準駕駛雷艇快捷如風洵為制敵利器道員劉合芳會同哈孫督操布置諸務甚有條理惟該處瀕海南北兩口地闊水深若築臺設守需費極巨一時不易措辦耳初四日張之洞張佩綸同舟赴滬臣與吳大澂揚船北旋於初五日抵津料理積贖吳大澂即移駐新城所有巡閱情形理合會同通政使司通政使臣吳大澂附片具陳伏乞

聖鑒謹奏

代奏朝王謝摺

光緒十年閏五月初七日

奏為據咨代
奏仰祈
聖鑒事竊吳長慶一軍撤回三營移紮金州仍留三營暫駐朝鮮王城以資鎮撫節經陳奏在案茲朝鮮國王遣派陪臣李用俊齎到咨文內稱該國前年變亂仰仗
皇威綏靖始能轉危為安保存今日一國特以無恐現因中原防務緊要吳提督六營撤半西歸不勝悵依尚有二營仍留善後感幸之極咨請轉奏代達謝忱等因前來臣查朝鮮前此變出非常外侮內憂一時交集仰蒙
聖謨廣運
命將出師用能扶危定傾保有宗社該國王懣感前艱痛定思痛

其感戴
朝廷字小之
德固宜沒齒不忘吳長慶治軍素有紀律自駐師海外軍士艱苦愈甚約束愈嚴於民間無秋毫之犯該國王親軍各營皆請代為訓練客主尤為輯睦一旦分軍內渡自有依依不舍之意朝鮮海禁初開其守舊德倭之徒交相煽惑臣上下驚疑未定今留營善後賴有袁世凱吳兆有等彈壓照料得臻安謐所陳均係實情除俟奉到

批旨再行恭錄咨覆外所有該國王感激鳴謝緣由理合據情代奏伏乞
皇上聖鑒謹

奏

奏

御覽

詳將朝鮮國王原咨照鈔恭呈

朝鮮國王為咨向事啟邦自經前年變亂國步艱難民心渙散其能轉危為安保有今日莫非我

皇帝陛下眷顧綏靖之

恩暨貴大臣體恤援護之惠亦惟廣東提督吳軍門宣慶

皇威恤難扶危三載之間民國賴安折奸萌於未然杜外侮於方

來威愛互濟功莫與京至若營務處袁世凱分統朱先民黃仕林

吳兆有總兵方正祥張光前威克奮威效力協幹防事一國上下

恃以無恐現因中原防務緊要徵吳軍門移兵一半駐防金州竊

以軍門西歸今已閱序方期節節之遺旋以資保後驟聞營勦之

撤半實深危懼然而尙有三營仍留善後會辦防務袁中書世凱

公廉明遠軍民孚悅吳統領張總兵與之悉心其濟庶可漸次安

溢感幸之極不知攸云移回三營已於本年四月二十九日起程

內渡西望旌旛不勝悵依几係大小事情理合據實具咨伏乞轉

奏

天陛下達小邦感激鳴謝之忱不勝幸甚專差機器局幫辦李川

俊齋咨前去為此合行移咨請照驗轉奏施行須至咨者右咨

欽差非洋通商大臣衙門

奏稿五十

廿

京城平糶摺 光緒十年閏五月初十日

奏為遵籌銀款采購米糧運京平糶恭摺仰祈
聖鑒事竊臣接准部咨欽奉光緒十年五月十五日

上諭現在雨澤稀少糧價日貴軫念民生亟宜豫籌接濟茲據通
政使司參議延茂奏請飭提款采購米糧運京平糶一摺著李鴻

章會同順天府妥議具奏另片奏請飭用機器碾磨雜糧等語著
該署督等酌量辦理欽此並准府尹臣咨會前來當即督飭司道

悉心籌議伏查現在雨澤愆期糧價漸長小民糶食維艱自應展
辦平糶惟延茂原奏提借銀二十萬兩為數過鉅直隸係缺額省

分上年又大水為災濟運各庫業因辦理賑濟無論正雜各款羅
掘一空勸集各省捐輸亦因今春工撫動撥殆盡支應局經收北

洋防費絲毫皆歸正用並無閒款近來各省辦防報解日少海防
喫緊用款日繁竭蹶萬分更無存銀可以挹注惟

京師為根本重地平糶乃荒政要圖雖現奉
恩旨賞撥京倉米五萬石辦糶備賑仍應設法籌款添購以裕民

食查支應局原存練餉制錢一款歷經奏撥順天直隸山西賑需
均欽奉

諭旨允准有案京糶尤關緊要應即援照辦理上年派員赴浙追
提浙典承領練餉成本制錢二十萬五千串除應歸還上年借墊

順屬賑需不敷銀二萬三千一百五十餘兩計尙可合銀十萬兩
有奇前准戶部咨令解部現在尙未道齊擬請

旨即由此款內提撥銀十萬兩先飭司道竭力挪墊遴派廉幹員
董以五萬兩分赴鎮江上海購買大米交招商局輪船分批運津

刻下商販由營口海船運至天津應委雜糧不少價值尙屬相宜

再以五萬兩就近購買上米高粱麥豆等項向來運糧輪船海船
係在天津交卸若順天委員在通州接收則米糧到通又須盤量

交代應令順天委員先至天津會同津員驗兌押運行一轉折即
少一仙耗到通後即由順天委員接運至京發局平糶其天津委

員薪水盤費及米糧由津運通水脚等項由直隸籌款給發順天
委員薪水盤費及米糧自運至京脚價等項由順天籌給均准作

正開銷若此後甘霖渥霈糧價平減無須再難隨時察看截止購
運糶局所收此項價值有無虧折應由順天府核明報銷餘銀就

近解赴戶部交納仍與戶部飭令解部原案相符其米糧進出海
口及經過地方應概免釐稅即行出示曉諭以示體恤而廣招徠

至延茂擬以天津磨麵機器運京碾磨雜糧一節查天津磨麵機
器係商人集資購買僅止一具磨麵出售前因修換鍋爐停磨數

月今仍照常啟用並非官本所置亦未同於廢器每日可磨麥二
十三四石所出之麵較尋常磨麵質細色白惟應用煤油暨管理

機器燒火工匠費用頗巨工本重於民磨麵價亦貴於市麵用以
平糶未能合算且安置機器及大烟肉均係用磚就地實砌一經

拆動損壞必多運京亦多不便自應仍用民磨碾麵發糶為宜所
有籌議緣由理合會同兼管順天府府尹臣畢道遠順天府府尹

臣周家相合詞恭摺由驛覆

奏伏乞
皇太后

皇上聖鑒訓示遵行謹
奏

力籌戰備摺 光緒十年閏五月十三日

奏為遵

旨力籌戰備詳陳防務情形仰祈

聖鑒事竊准軍機大臣密寄閏五月初九日奉

上諭天津至山海關一帶沿海地段縣長備豫當已嚴密礮臺其

若干處著查明詳確情形並將防軍分紮地方某處兵勇若干何

人統領山海關防兵是否足敷扼守一併迅速詳晰具奏法人將

以兵艦北來意圖要挾北洋防務關繫極重李鴻章身膺重任務

當力籌戰備與吳大澂會商辦理總期毫無罅隙用紓朝廷廑念

之殷等因欽此仰見

聖明思慮豫防綢繆肅戶

指示詳切感悚莫名伏查天津至山海關一帶沿海地段縣長港

汊紛歧斷無處處設防之理惟當於敵舟可以深入登岸處所扼

要守險以杜竄越守口之營兵數不必甚多但以堅守礮臺為主

並分布水雷早雷制其衝突其後路接應之師須有大隊以備游

擊庶臨事聲援稍壯而前敵軍心益固臣歷年布置防務率本此

意以為設施直境敵舟可以深入者曰大沽口北塘口為最要大

沽口南岸大礮臺四座周圍小礮臺四十座記名提督大沽協副

將羅榮光統協標練兵一千八百人守之親軍礮隊一營為接應

北岸大礮臺二座平礮臺六座記名總兵劉祺統直字兩營守之

副將史濟源帶保定練軍一營為接應另有水雷營專管布設水

雷電綫等事並令提督丁汝昌調派鎮中鎮東鎮西鎮北四礮船

收入海口與礮臺相依護又令前敵營務處記名提督吳殿元駐

沽聯絡將領妥籌戰守月前商飭提督周盛傳督所部桃築長將

重濼十八甲由該營直達大沽以便有警星速馳援北塘口南岸

礮臺二座平礮七座北岸礮臺一座平礮三座署廣西提督唐仁

廉統仁字義勝各一營通水練軍三營分駐扼守另募專管水雷

哨隊並調鎮南鎮邊兩礮船收入海口與礮臺相依護直隸提督

李長榮統武毅馬步四營提標練軍馬步二營駐蘆臺為後應由

北塘東北至灤州樂亭昌黎一帶曰清河口曰老米溝曰甜水溝

曰蒲河口皆有淤沙數十里攔港湖長不過數尺潮涸僅通民舟

輪船斷不得近吳大澂分撥所部親軍礮隊一營步隊一營駐樂

亭之黑坨前將劉超佩統鞏字三營駐樂亭甘草坨一帶往來巡

哨以防敵乘小舟登岸昌黎之東曰洋河口水勢較深輪舟可泊

十餘里外吳大澂派候補直隸州戴宗燾統毅字馬步四營分駐

扼守又東則山海關最為險要臣先已派正定鎮總兵葉志超統

正定練軍馬步四營在甯海城老龍頭築礮臺惟該處老水貼

岸兵輪可泊近處慮難受巨礮擊兵力尤單前派前甘肅提督

曹克忠馳往察勘必須添隊合紮該提督願告奮勇統帶津勝六

營前往分屯關內外威遠城崔家臺大灣馬家店青石溝等處與

葉志超互相犄角應援該提督老於戎事訓練調度均甚周詳統

急倘有可恃至大沽後路所築新城則有大名鎮總兵徐道奎統

大名練軍二營礮隊兩哨與葛沽營守備張曙德練兵一營駐守

北塘後路之軍糧城則有記名總兵除邦道馬隊二營扼守天津

則有記名總兵黃金志統護衛一營練軍四營三哨都司王得勝

帶親兵礮隊一營由臣居中控制而其專備各路援剿者則有湖

南提督周盛傳統盛軍鎗隊十一營馬隊五營分駐小站馬廠一

帶記名提督劉盛休統銘軍鎗隊十營馬隊一營駐紮興濟鎮總

覆陳後路布置片 光緒十年閏五月十三日

再奉閏五月初十日

密諭山海關一帶後路空虛著於所部防軍內抽調二三營合之
左宗棠所調兩營均交唐仁廉統帶前往扼守北塘防務應派何
員接辦是否以移紮並著妥籌具奏等因欽此伏查山海關左
右現有曹克忠六營葉志超四營合力布守計可堵扼要衝其後
路昌黎樂亭一帶又有吳大澂所部馬步十營聯絡分紮聲勢頗
壯似覺未甚空虛設將來敵船攻撲沿海城礮意圖深入擬
派劉盛休銘軍馬步馳往援應攔阻以顧京東門戶目下所部各
營均紮要地實無可抽調之軍且兵分則力單合則勢厚零星雜
湊轉恐難於用命北塘防務關係緊要唐仁廉經營年久仍應責
成布置以收實效至左宗棠所調兩營尙未北來儻法國兵船猝
至恐未便由海道裝運應請俟該營到後仍遵前
旨暫行駐紮通州為後路稍助聲援亦得控制之宜是否有當伏
祈
聖鑒謹附片具
奏

奏稿五十一

大

視海口何處警急即調馳援專為游擊之師此沿海各處分紮
地方及兵勇營數布置防務之詳細情形也各軍所用鎗礮多係
後膛新式平日督飭將弁認真操練打靶布陣原備有事時戰守
之川此次法人以兵艦倉猝非來意同要挾度不過遊奕海上虛
張聲勢其大船喫水深者不能進大清非塘各口若欲登岸深入
內地決非兩三萬步隊不能得手該國遠在數萬里外調兵須上
下集議必數月乃能來華現在越南境內法兵及土兵聞只一萬
數千人勢不能全數移調即使聯踪而至水陸並進等兵力雖
非甚厚但冀餉需無缺當可設法應戰為
京畿捍衛要衝也惟隨時察酌機宜嚴申紀律明定賞罰俾將士
咸知奮勉其伸同仇敵愾之忱以稍紓
宸廡於萬一所有力籌戰備各情形謹會同會辦北洋事宜通政
使司通政使吳大澂繕摺山驛五百里覆陳伏乞
皇太后
皇上聖鑒訓示謹
奏

奏稿五十一

大

覆奏各口礮臺工程片 光緒十年閏五月十三日

再奉閏五月初九日

上諭旅順口礮臺是否堅實天津至山海關一帶礮臺其若干處即著查明詳確情形將直隸口岸及旅順煙臺各礮臺繪圖貼說呈進等因欽此除旅順口礮臺已於出洋巡閱情形片內附陳大略直隸各口礮臺若干處於月摺奏陳外查大沽北塘山海關各礮臺皆逐年用三合土堆造而成工料尙屬堅厚大沽北塘仍就咸豐年間防營舊基充擴而增益之兩岸沙灘一望無際掘地三尺即見水無高阜可倚亦不能添挖地溝其地勢然也所幸海口淤狹大船巨礮不能駛入軍士定能憑險扼守旅順口黃金山老虎尾礮臺最得地勢係延德弁漢納根仿照德國新式創建尤為曲折精堅各礮臺隨時增修舊存草圖未盡詳當自應另行詳繪

查正任津海關道周馥隨營多年熟諳工程究心鎔略前因病給假調理現甫就痊擬飭委前赴各海口會同該將領詳細查勘礮臺繪圖貼說呈以便恭進並令該道周馥各口岸聯絡各營將會督地方文武編查民船嚴禁接濟勾結等弊以裨防務合先附片覆陳伏乞 聖鑒 奏

覆陳使命約文情形片 光緒十年閏五月十三日

再奉五月初十日

密諭前因福祿諾臨行巡邊之言李鴻章並未奏聞亦未告知總理衙門業經降旨申飭現在法使即以此為口實並以簡明條約法文與漢文不符藉詞嘗試無理取鬧皆由李鴻章辦理含混所致著責成竭力籌備為自贖之地等因欽此伏讀之下悚悚萬分查福祿諾臨行時忽以限期退兵之語相要挾臣當即正言駁斥仍飛函密告雲貴督臣岑毓英廣西撫臣潘鼎新相度機宜酌量進止隨時奏明請旨辦理緣臣係議約之人與關外相距過遠軍情地勢究以調察何處為宜非敢適度其時適因所議條約雖蒙 聖明曲諒而都人士噴有煩言若聞福西又請限期退兵必更譁譟徒惑眾聽臣又明知事難照行而約款未可遽背欲令岑毓英潘鼎新查照調回邊界約文自行斟酌妥辦實具委曲求全之苦衷固未敢據以上

聞致干 聖怒亦未立即告知總理衙門疏忽之咎誠所難辭迨潘鼎新以電報請示臣即飛告總督屬其請旨定奪昨又將當日面駁情節詳細函達總署法使即藉為口實而臣並無允即調回之詞可以互證其詞實無絲毫含混至謂條約法文與漢文不符似係旁觀挑釁之論臣本不識洋文稅務司

德璫琳道員馬建忠素精法文皆欲成就此事臣原令該員與法領事法蘭亭等再三校對據稱並無舛誤自來各國訂約必聲明以洋文為正非獨此次法約為然而嗣後彼此辨論又往往以漢

文不符兩相齟齬此總理衙門與上等所歷辦而深知者誠如
聖訓無理取鬧不過臨時多一辨駁究其大旨亦無甚出入也惟
是此次越境觀音橋接戰獲勝之後法人藉詞要索所慾甚奢殊
難甘心就範臣斷不敢狃於和議辦防疏懈而環顧大局恐竟無
收束之法殷憂彌切負疚更深謹附片據實懇陳伏乞
聖鑒謹
奏

奏稿五十

主

練軍剿匪獲勝摺
光緒十年閏五月二十五日
奏為遵派古北口練軍出口剿匪及宣化練軍連次獲勝情形恭
摺仰祈

聖鑒事竊臣欽奉閏五月初九日

寄諭繼格奏匪首楊步瀟等在熱河建昌縣滋擾現竄至圍場邊

境盤踞著李鴻章李長樂刻即調撥古北口練軍迅速前往會同

剿辦等因欽此臣即飛咨李長樂趕緊調撥於十一日奏報剿辦

多倫附近匪徒宋敬思等摺內陳明在案旋據李長樂覆稱先接

熱河都統繼格咨會已派提標中軍參將許春浦選帶古北口練

軍步隊五百名又由蘆臺抽調馬隊一哨剋日馳往會剿並探得

多倫附近匪徒即有前在建昌之匪首楊步瀟等在內似楊步瀟

等已與宋敬思等合股又據宣化鎮總兵王可陞稟稱派赴多倫

剿匪之練軍馬隊營官郭萬隆等探聞匪徒已聚至一千五六百

人內有王姓為首撲犯經棚即於閏五月初五日出隊迎剿該匪

佔住經棚附近三義泉畢流溝一帶侍眾鴟張抵死相拒遂併力

衝殺自辰至申共斃匪五百餘名奪獲旗幟鎗刀馬匹多件我兵

亦受傷十餘人初十日追至白岔坤兒川河龍背又與接仗斃匪

數十名餘眾分路逃竄現仍追剿等情前來臣已欽遵

諭旨即飭王可陞於二十一日出邊親往督辦並令派去各軍查

明匪首楊步瀟與宋敬思等是否合股務即分路追剿將首要悉

數擒治匪黨剋日殄除其有被脅飭民仍設法解散妥為撫戢暨

分飭各屬合力捕辦以靖地方外所有遵派古北口練軍出口及

宣化練軍在邊外剿匪連次獲勝緣由理合會同提臣李長樂恭

摺覆陳伏乞

皇太后
皇上聖鑒
奏

奏稿五十一

臣

淮軍修造師船片 光緒十年閏五月二十五日

再淮軍水師營哨各船每屆釘造大修以及隨時修整向由江南船廠勘驗興工由廠自行報銷前因春字水師十船已屆釘換之期經前兩江督臣左宗棠以非江蘇留防水師應改由淮軍糧臺核辦當行據江南船廠委員錄送造銷成案並聲明造辦船隻工料暫由前兩江督臣沈葆楨奏准以光緒二年報銷作為定章等情前來查核新釘船隻連運布及完關稅計長龍每號工料其銀六百四十七兩二錢六分二釐船板每號工料銀二百二十七兩四錢八分又修整船板每號工料銀一百數十兩八圓領江各船修費每號四百餘兩現在淮軍水師駐防直隸天津並分駐山東濟甯江蘇清江瓜洲揚州一帶往來操巡護運共長龍四號船板八十三號其修造各工若專設船廠又多糜費經臣飭令各該營哨自行核實妥辦工竣報明派員驗收所有釘造新船應用工料只准按照船廠成案銀數支發造報不得逾於向來釘造銀數至大修一項亦應予以定數除本色帳蓬油艙經費按年造報在銷有案仍循舊照發外每屆大修長龍每號酌給銀一百兩船板每號酌給銀八十兩較江南船廠修費成案有減無增其釘造修整各年限凡分駐山東江蘇等處操巡護運各船以屆期九年釘造新船一次三年大修一次惟駐天津朝鮮各海口師船因地與南甯不同一交冬令烈風堅凍且海水味鹹船身板片最易損傷船縫朽壞應改為六年一造兩年一大修俾期堅固而利防剿現改歸淮軍案內初次造報應照新章

奏咨立案據報銷局司道具詳前來臣覆核無異除將光緒九年分淮軍餉內動給釘造各船工料用款及發過修費銀兩先行列

入季冊報部隨後彙案請銷外理合附片陳明伏乞
聖鑒敕部查照謹
奏

奏稿五十

五

吳長慶請卹摺 光緒十年六月初二日

奏為統兵大員積勞在營病故謹陳事蹟請

旨優卹恭摺仰祈

聖鑒事竊廣東水師提督吳長慶前於奉天金州防次患病經臣

疊次奏蒙

賞假在營調理茲接該提督咨稱日來病勢增劇自分此身萬無

生理伏念長慶束髮從戎受

恩至渥圖報未能一死誠不足惜第當此時局多艱遠填溝壑雖

在重泉齋志無已所有恭謝

天恩遺摺片各一件咨請代為奏遞並據廣軍營官黃仕林等稟

報吳長慶於閏五月二十一日辰刻出缺等情臣查吳長慶籍隸

安徽廬江縣其父吳廷香由優貢就選教職在籍辦團以義聲倡

率鄉里粵匪陷廬江廷香死之吳長慶痛父殉難誓與逆不共

戴天糾合鄉團屢助官軍攻勦同治元年臣督師赴滬稔知吳長

慶忠勇邁倫令募帶慶字三營相從東下協同各軍克復柘林南

匯金山奉賢等城旋移師入浙進攻嘉善嘉興乍浦平望湖州長

興等處皆克之其尤嘖嘖人口者嘉興之役吳長慶帶隊徑薄城

下賊以鎗礮連環轟擊如雨集肘臂皆穿猶復裹創血戰奮不

顧身用能立拔堅城以疏通山蘇達浙之路迨臣督師勦捻吳長

慶復統步隊八營馬隊三營隨同北渡轉戰於山東江蘇直隸河

南境內無敵不摧東西捻股蕩平累保記名提督並蒙

賞給瑚敦巴圖魯勇號

賞穿黃馬褂嗣以江淮一帶戎備空虛復調該軍南駐徐州旋移

紮江甯於下關浦口烏龍山江陰等處創築礮臺挑濬河道水利

江防百廢具舉歷任兩江督臣馬新貽李宗瀚沈葆楨劉坤一皆倚之如長城光緒六年海防戒嚴吳長慶奉勅辦山東軍務之命復自江南親率六營移駐登州數年之間盤承恩命由直隸正定鎮總兵海軍浙江提督調補廣東水師提督八年六月朝鮮內亂燬及日本使館日人以兵船駛入仁川維時該國內外交訌羣情洶湧宗社安危之機閉不容髮吳長慶拔隊渡遼疾馳赴援數日圍獲致亂百人心始定旋奉俞旨褒嘉

賞三等輕車都尉該提督感激恩施留駐鎮撫約束嚴明朝鮮銀錢荒蕪百物昂貴將弁士卒艱苦萬狀毫無怨言蓋不私貨財故緩急能以相諒不避艱險故患難樂於相從其所以致此於部曲者良非偶然而該提督勞身焦思亦遂浸成鋼疾矣平日訓練餘閒惟以經史自娛澹泊寡營雅歌不輟擬之儒將庶幾無愧今春奏令撤帶三營內渡籌辦金州海防朝鮮君民咸頌遺愛不置方今時事多艱將材難得如吳長慶者可為干城腹心之選報

國丹忱齋恨入地悼痛曷任當此鼓鼙思將之時定有帷蓋推恩之舉合無仰懇

天恩敕部照提督軍營病故例從優議卹並將戰功事蹟宣付史館立傳以彰忠盡至於建祠

子諡諸曠典出自逾格

仁慈非臣下所敢擅請而該提督勳績卓越實非尋常將領可比今以死勤事未便渥沒不以

上聞除將遺摺各件據咨轉奏外所有吳長慶在營積勞病故

請優卹緣由理應恭摺具陳伏乞

皇太后

皇上聖鑒訓示再吳長慶長子附生吳保德次子文童吳保初均年已及歲合併聲明謹

奏

奏稿五十

天

吳保初刺肉療親片 光緒十年六月初二日

再據慶軍營官記名提督黃仕林等呈稱吳長慶次子文童吳保初年甫十六聞父病星夜自廬江本籍馳至金州省視听夕侍奉寢食俱廢閏月初見長慶病篤隣藥罔效夜分人靜潛禱於神割心腔肉兩片和藥以進旁人窺其神色慘沮衣有血痕再四堅詢始以實告迨長慶病歿保初號泣失聲悲感行路該提督等目擊情形同聲矜歎不忍聽其湮沒呈請奏懇
旌表前來 查該文童吳保初天性純篤開關跋涉刺肉療親出自童年尤堪嘉憫相應

奏懇

恩施 准其旌表以彰孝行伏乞

聖鑒

救部施行謹附片具

奏

遵賞各營丹藥摺 光緒十年六月十五日

奏為欽遵 諭旨分賞各營丹藥恭摺仰謝

天恩仰祈

聖鑒事竊臣承在軍機大臣字寄光緒十年閏五月二十八日奉 上諭欽奉

慈禱端佑康頤昭豫莊誠皇太后懿旨現交災暑各省防軍荷戈從役塵念殊殷前經分賞江南等省各營御製平安丹膏丹賞給直隸各營二十匣及奉天海口防營十五匣交李鴻章傳旨分賞其奉天各營即由李鴻章轉發欽此該署督務當仰體 慈恩加意拊循俾各知感奮以壯戎行等因欽此仰見 聖慈軫念戎行無微不至欽感莫名當即恭設香案率同各營將

士望

關叩頭謝

恩並恭錄

諭旨傳知直隸各統領管哨官謹將

御賜平安丹二十匣分給祇領其轉發奉天海口防營十五匣並交輪船由海道敬謹齎送一律領訖臣維古聖王命將出師類多敘其勞苦作為詩歌以相慰勉其視將校部曲常有人骨肉之恩疾痛寒暑無一不繫於念慮故士皆感激思奮慷慨赴敵以效命疆場克奏膚功也方今法虜披猖海疆告警直隸及奉天防營分紮北洋各口海濱地勢卑溼加以溽暑蒸熱該將士等听夕操防馳驅於驕陽烈日之中巡徼於苦雨炎風之際疫癘繁興呻吟閭作仰蒙

皇太后

皇上痾瘵在抱

頒賞金丹欽遵分給調治沈疴立起功效異常該將士等犬馬餘

生仰賴

九重再造之

恩得以保全性命莫不枕戈待旦感奮前驅捨身圖報臣惟有恪

遵

聖訓加意拊循務期眾志成城同仇敵愾以仰答

高厚生成於萬一所有欽遵

懿旨分賞丹藥感激下忱謹繕摺叩謝

天恩伏乞

皇太后

皇上聖鑒謹

奏稿五十

三

陵樹撥銀展限摺

光緒十年六月十五日

奏為遵查

西陵二限樹株尙須澆灌擬每歲由直撥銀二千兩再行展限三

年恭摺仰祈

聖鑒事竊准戶部咨開議覆守護大臣載卓等奏

慕陵

慕東陵二限樹株澆灌經費仍難停減請撥款應用一摺應由臣

派員前往查勘此項樹九千五百餘株是否全數葱茂其澆灌經

費每年實需若干能否於前定三千兩之數再從節省抑或竟於

澆灌初限經費內通融勻濟無須另籌款項覆奏辦理等因奉

旨依議欽此當派候補道高驂麟前往詳確查勘茲據該道稟稱

往見守護大臣並晤樹工處司員先行詳詢據稱

奏稿五十

三

慕陵

慕東陵風水樹株原議本分四限添種因各山多係砂石當時栽

種初二限樹株係刨去石塊填黃土地中潤氣不能上達若遇

天時乾旱澆灌失時即成黃萎且各山距水既遠山徑崎嶇費工

多而得水少與他處土脈情形不同承辦頗形竭蹶是以前將三

四兩限樹株奏請緩辦該道當與司員恭詣各山詳細履勘並察

核案卷所言尙係實情所有二限樹九千五百餘株現時全數葱

茂惟正資澆灌長養經費勢難裁停據該司員聲稱初限添種樹

八千一百餘株與二限相差不過一年亦須勤加澆灌若違將初

限經費勻濟二限應用兩處必皆不敷恐將來均行黃萎蔭護攸

關未敢率擬該道復與切實籌商設法撙節擬俟冬令澆灌時將

初二兩限歸併酌量減水每年可省銀一千兩而於樹株無礙請

以每年二千兩再展限三年等情臣查二限樹株係同治十年添種光緒三年以前澆灌銀兩由部給發嗣經部臣奏明自光緒四年起每年由直隸藩庫撥銀三千兩以三年為限迨限滿後復經守護大臣奏請展限三年扣至光緒九年展限屆滿今又奏請再展三年每年仍須銀三千兩此項澆灌經費本應廣恩庫給發與直庫無涉直隸向係缺額又值災歉頻仍用款繁巨誠如部議實有自顧不遑之勢且已籌撥六年之久亦屬後繼為難惟事關陵寢風水既稱地多砂石尚須澆灌經費未可裁停亦何敢稍分畛域應請如該道及樹工處司員所議減去銀一千兩每年撥銀二千兩再行展限三年飭由藩司陸續設法通融撥濟俟此次展限滿後照案停止另由守護大臣自行籌款辦理所有勘議緣由理合恭摺覆

奏稿五十

謹

奏伏乞

皇太后

皇上聖鑒訓示謹

奏

易州旗丁試辦蠶桑片 光緒十年六月十五日

再據候補道高驂麟稟稱此次奉差前往易州晤該州知州鄒振岳詢知署中種桑養蠶並下其法於民間漸興美利嗣與西陵各司官討論公事該司員等備言旗丁貧苦額支錢糧僅敷當差不足贍養家口閒散人丁毫無生計即

陵部司員向例不派外差別無陞遷之路生齒日繁亦多坐困該道恭查

西陵各山除內外圍界內不准種植雜樹此外口門以內空曠宜樹之地不少本無禁種之例因與語及蠶事據稱旗丁婦女從前曾有育蠶之家以浴種繅絲俱未得法旋作旋輟今聞州署蠶桑著有成效人情頗為踴躍曾擬自集資本購買桑秧試辦惟係官地恐致互相爭競或服勞而無所獲或攘利而無所懲是以中止

該道以該司官等既有自行集資試辦之意若因勢利導妥定章程但須明示勸懲並不動用公款從此逐漸推廣利源口興於旗丁生計不無小補正與

列祖

列宗貴農重本圖耕圖織之訓相符現值該州蠶絲有效轉相師法事益易成等情具稟請奏前來臣查該道與該司員等所擬自集資本試辦蠶桑為旗丁推廣生計不為無見擬請

敕下守護大臣察酌於內外圍界外可種之地督飭量力舉行謹附片具

奏

整頓鹽課

光緒十年六月十五日

奏仰祈

聖鑒事竊在戶部咨開奏請整頓各省鹽務一摺又鹽務公費飭

照銷鹽成數給發一片光緒九年十月二十七日奉

旨依議欽此鈔單咨行到直遵即督飭長蘆運司額勒精額詳稽

案贖熟察情形通盤妥細籌議茲據該司詳稱戶部原奏裁淨費

以清本源一節查陋規淨費為累商虧課之漸並經會國藩及臣

隨時批行禁革上年又將該司應得之款除廉俸辦公兩項外一

切雜費全行裁除其商交各項解費及領告項下支發各款完費

亦即酌量減裁將裁去銀兩統歸節存每年提解京員津貼銀三

千兩餘銀分給各商撥抵正課並通飭所屬鹽官及行銷蘆鹽各

州縣營查明如有商人交款除向章必不可少者照舊外其餘一

律裁革嚴禁胥吏人等藉端勒索違則分別參辦又原奏包重者

改歸舊制俾免估礙銷路即設法減輕成本以保正課而復原額

一節查長蘆額引從前九十六萬六千四百四十六道每引築鹽僅止

三百餘斤商交課款不過一兩一二錢今雖減引引六十六萬二

千四百九十七道而每引重至五百數十斤合計淨於九十六萬

餘道每引三百斤之數課款至二兩數錢亦倍於一兩一二錢之

數鹽包既重實足估礙銷路但欲減斤必須減課方為持平辦法

查商交款凡可停緩者業經會國藩及臣節次奏蒙

恩准所有現交之款均開解支要需值此時事艱難內外交窘欲

再減商交課款則餉項必致愈絀欲專減引鹽斤重則商累益覺

難支輾轉籌思均多窒礙況值旱澇靡常運銷遲滯物產艱貴銀

價昂昂皆不免虧折耗時勢使然非人力所能強制惟有就現

行引鹽應徵課款隨時設法嚴催期於公家有益而於商本無損

又原奏捆運各商在懸岸行銷無定地亦無定額其未捆運之處

引岸任其終懸課額永難規復應期招商改為認運一節查長

蘆懸岸道光二十八年清查時計有四十四處數十年來未能一

律招商認辦光緒九年前運司如山任內尚有直省之開州元城

永清衡水邢臺隆平唐山鉅鹿南和任縣柏鄉深澤平鄉曲周雞

澤肥鄉廣平成安東明長垣豫省之扶溝延津祥符鄆陵杞縣洧

川太康鄆城等二十八處均有官商認辦詳定銷鹽成數並未任

其終懸惟因私充銷滯未能按年悉照定數領運該司認真別

如開州元城扶溝三處稍可整理已令商人德興裕怡德全德照

額認辦取結咨部其永清等二十五處屢經勒催多方開導據該

官商懸陳艱苦情形均未能勉遵辦理又經出示招認迄今年餘

無過問者推求其故實因疊遭兵燹災荒人民流徙或額引本多

口食有限或稍鹽偏地官引受充以致銷數大減驟難整頓既無

他商接認若勒令現捆官商包額勢必紛紛告退轉致虛懸無著

課款有虧該司已將捆運成數酌量加增飭令按年領運惟恐嗣

後藉端諉卸領運不能及數且鹽包抵岸多發民販並不設店分

銷亦慮引岸廢弛益難收拾不若改捆為認以專責成查永清等

二十五處其懸引九萬七千四百二十七道內商人義源捆運永

清縣引一千二百道紹德恆捆運衡水縣引六百道義泰公捆運

邢臺縣引五千道隆平縣引六百道唐山縣引二百道鉅鹿縣引

二百道南和縣引九百道任縣引一千二百道柏鄉縣引七百

道昌捆運深澤縣引六百道信昌捆運平鄉縣引二百二十道曲

周縣引一千道雜澤縣引二百八十道懷德縣引肥鄉縣引一千
 二百道廣平縣引一千一百道楊成源縣引成安縣引一千六百
 道德興裕縣引東明縣引一千道長垣縣引二千二百道和豐縣
 運延津縣引四百五十道福泰縣引運祥符縣引六千道鄆陵縣引
 二千道振德縣引鄆城縣引一萬道候補運同嚴信厚縣引杞縣
 引六百道洧川縣引六百道太康縣引八百道均係近一二二年開
 設法勸令竭力加增始及此數統計抽運引四萬二千五百道尚
 懸引五萬七千一百七十七道雖抽數自一二成至六七成不等
 未能一律然合計已在原額四成以上擬照現定抽運成數飭各
 商改爲認運取具保結咨部立案不准少抽仍督令實力經理設
 店分銷以期逐漸加增規復原額又原奏停外引十萬道光緒九
 年限滿停京引二萬道光緒十年限滿及此妥議良法屆時毋再

請展一節查長蘆額引爲數本多雖疊奉提繳減停但鹽包節次
 增重計現行六十餘萬引之鹽實浮於原額九十餘萬引斤重之
 數民間食用有常餘鹽無處銷納況直豫地多鹵滷百姓慣食硝
 鹽又兵燹災荒之餘戶口凋殘銷數益滯庫存歷年積引多至九
 十餘萬道未能疏通實無良法增益新引且規復停引原爲免虧
 課銀惟從前課額每引僅完銀四錢收分至五錢零道光元年二
 十一年兩次減引十八萬三千五百四十九道並未減課仍按原
 額九十六萬六千四百六十六道攤徵每引完銀至六錢數分至道光
 二十三年減引十萬道同治九年減京引二萬道始行減課是現
 引雖止六十六萬二千四百九十七道其實仍完八十四萬六千
 四十六引之課則徵收已不爲少矣所有原停外引十萬道上年
 已奏准部覆展限三年無庸置議其停京引二萬道勢須一併推

李文忠公奏稿 卷五〇

展屆時再行詳奏又原奏鹽務公費例照銷鹽成數給發一節查
 長蘆鹽務局而本不如他省之寬博所有督銷各州縣營向無給
 發公費應無庸議再查光緒八年鹽引奏銷案內將無鹽督銷各
 州縣營照章聲請免其考核部議仍令照未完分數補行題參惟
 長蘆引岸本少暢銷之區嘉慶以前每引僅築鹽三百餘斤課款
 無多運費較省地方完善口食增繁每年應銷引鹽尙不能領運
 如額道光以後鹽包節次增重課款倍增運費繁巨地方又艱被
 災荒人民流徙銷數日滯直豫產硝之地多屬不毛小民完糧辦
 差舍熬曬別無生路與山東梟匪大幫與販者不同此等窮民就
 地取鹽餬口情甚可憫若概行禁絕必致激成事端盜賊蠶起是
 以歷年以來該地方官僅能酌將硝池平毀未敢操切從事係爲
 保全商民兼顧地方糧額起見且照章免參者實因商人無鹽運


往並非州縣督銷不力若補行題參各官必致藉口似非事理之
 平應請仍行免參該司現核定各岸月銷引鹽成數通飭州縣營
 按月造冊呈核如實在銷不足數即融與暢岸代銷不准再任積
 帶並督飭嚴整捕務妥爲緝禁稍私以冀漸有起色仍照道光二
 十八年奏定章程如係商人無鹽運往州縣無憑督銷應罪坐商
 人將州縣免其考核儻引地存鹽其舊查係州縣督銷不力即將
 該州縣隨案參處以期核實而昭公允至舊欠商課仍察看設法
 催徵等情具詳前來臣查所詳均係實情復通盤籌計嘉慶以前
 長蘆額引九十六萬六千餘道每引三百餘斤約合三萬萬斤
 今雖額引六十六萬二千餘道而每引五百數十斤約合三萬萬
 數千萬斤是應銷鹽數實較多於前矣從前每引課銀四錢數分
 至五錢零其應徵課銀四十九萬餘兩今則每引課銀六錢數分

六四五

其應徵課銀及銅斤坵和河工等項四十五萬餘兩又應徵軍需
 復價銀約二十萬兩榮工加價銀五萬兩雖有加價之名而商人
 實難照加否則官不敵私統計應徵銀約七十萬兩其攤賠
 各衙門利王范滿垣租息欽天監息款等項銀三十餘萬兩尚
 不在內是應徵銀數實加增於前矣銷數徵數既較舊制為盈自
 應督飭運司仍就現在應行引鹽應徵課款隨時隨地設法整頓
 實力維持但期戶口增繁水旱不作冀可逐漸展舒免虧現額所
 有遊議辦理緣由理合據實覆陳伏乞
 皇太后
 皇上聖鑒敕部查照謹
 奏

奏稿五十

完



請撥江漢關洋稅摺 光緒十年六月十八日

奏為准軍月餉萬分支細軍士懸釜待炊請將江漢關應解額款
 於四六成洋稅項下通融勻撥以顧近畿要防恭摺仰祈
 聖鑒事竊查准軍月餉專指江鄂各省關撥解別無來源其每月
 應解銀數皆係欽奉
 諭旨飭撥不非延欠朕視本年四月戶部代催江海關應解准餉
 案內聲明准軍老半駐紮直隸各海口共衛
 畿輔根本重地當此操防喫緊軍餉要需豈容一日缺乏應嚴飭
 關道將現在應解月餉務須按月解清不准絲毫延欠並將歷年
 欠解銀兩竭力籌解等因咨行遵照在案茲查湖北江漢關每月
 應解准軍專餉四成洋稅銀二萬兩六成洋稅銀三萬兩其合五
 萬兩四成項下之款已解至本年五月止六成項下之款則自上
 年七月起至本年六月止欠至十三箇月之久合銀至三十九萬
 兩之多疊經臣咨行切催仍未報解據該關道惲彥琦稟稱因六
 成洋稅指撥繁多入不敷出異常竭蹶等情臣維軍餉為計口授
 食要需誠如部議豈容一日缺乏況值法人構毀海防戒嚴
 畿輔根本重地尤關天下全局正督各軍實力操防嚴備戰守斷
 難枵腹荷戈惟江漢關所稟六成洋稅入不敷出自係實在情形
 若必責令於六成項下解足徒事追呼仍無實濟查該關四成洋
 稅及五成二釐招商局稅為數尚多同係該關之款應可通融勻
 撥值茲防務喫緊之際必須餉項及時籌給方足維繫軍心實以
 馳驅效命近因沿海各省辦防應解准軍月餉報解益少來源枯
 竭後路轉運局僅存銀十餘萬兩不敷一月支放之用情形岌岌
 實為向來所無臣責任要防莫名焦慮伏念他省請撥軍餉疊蒙

奏稿五十

半

一五丁〇丹 賣參日事全書 第 2 反反句

諭旨允准並撥部帑接濟誠以餉需為軍士命脈勢不可緩
朝廷慎重征防體恤士卒欽感同深近畿防務既較他省尤重
又處貧瘠之地並無別款可籌事機緊迫深恐貽誤惟有籲懇
天恩俯念淮餉萬分支細軍士懸釜待炊准將江漢關額撥六成
洋稅項下月餉銀三萬兩嗣後如遇六成無款即改撥四成洋稅
及五成二釐招商局稅務須按月如數解足
救下湖北督撫臣轉飭該關遵照辦理不得再有延欠並將欠
解上年七月至本年六月餉銀於四六成項下竭力通融勻撥迅
速分批解濟以贍飢軍而維大局臣為近畿要防待餉急切起見
理合恭摺由驛遞陳伏乞
皇太后
皇上聖鑒訓示施行謹

奏
皇上聖鑒訓示施行謹

奏稿五十一

聖

查覆口外剿賊情形摺 光緒十年六月二十三日

奏為遵查口外賊數無多圍場尚無異務之眾擬就已派各軍搜
剿無須添撥兵隊前往恭摺陳仰祈
聖鑒事竊臣欽奉光緒十年六月初九日

寄諭開圍場賊匪日多恐致滋蔓著李鴻章迅即飭屬偵探
確切情形如該處兵力不敷即由防所抽撥數營前往將此
股匪徒趕緊撲滅不得稍涉遲延一面即行奏聞等因欽此遵查
蒙古克什克騰旗魚泡子地面游民聚眾滋事前據宣化鎮總兵
王可陞及多倫廳協稟報即派宣化練軍馬隊七哨古北口練軍
步隊一營馬隊一哨馳往與多倫原有練軍馬隊一營分投剿辦
並飭王可陞另帶隊伍出邊督辦已在經棚附近畢流溝一帶斃
匪五百餘名續在三義泉青龍背坤兌川一帶斃匪一百六七十

奏稿五十二

聖

名熱河等處官軍亦有擒斬並獲匪首暨由各地方官民剿獲匪
黨多名其被脅之眾疊飭設法解散妥為安撫餘匪似已無多惟
各處未審賊情往往張大其詞探報未實宣化鎮王可陞老於兵
事熟諳機宜現既親赴前敵當於奉

諭後飛飭審察各路確切情形酌度彼此形勢是否異務日眾現
有各軍能否效用應否添撥數營妥細籌覆茲據王可陞稟稱此
股匪徒起事原自圍場馬賊聞風竄出勾結裹脅遂致數日之內
為數逾千迨疊次擊斃解散除王端仁一股竄往蒙古游牧地面
外其逃至圍場者僅有零匪該鎮接古北練軍營官參將許春浦
函稱帶隊至圍場東北一帶搜查均無賊蹤現赴西圍搜查多倫
廳亦有兵役前往協查尚無裹脅滋蔓之事至竄入藍旗游牧之
王端仁一股除帶傷奔竄沿途擊斃外所餘無多前飭營官郭萬

隆譚魁隨帶倣跟蹤追勦該匪已由阿巴噶香臺地什巴爾
 臺換馬至高齊武王旗該旗與阿巴噶馬珠穆沁克什克
 騰巴林四旗犬牙相錯其三公各不相屬亦不隸熱河察哈爾管
 轄均不知集兵堵禦任賊游奕搶奪我軍人旗遠追苦於地名譯
 音無定履境蒙人引路則畏惡潛逃逾數日馬力疲乏行糧告
 罄又不便就食蒙古現探賊人烏珠穆沁界內已飭譚魁率軍
 截其東非之路並令郭萬隆及吳長維大勝各帶隊伍分路兜勦
 該鎮前因被裏飢民其情可憫若申痛勦之令轉恐安心為盜固
 結不解遂逐處出示曉諭解散現在反側漸消多倫白岔一帶雨
 澤霽足秋稔可期擬俟王端仁一股剿滅酌留官兵彈壓巡緝不
 必月添軍隊至匪目周沅得馬洛八張朋等犯訊據獲匪俱稱均
 在王端仁股內接仗時曾有受傷逃散後存亡未卜其宋敬忠宋

奏稿五十一

呈

所部迅將王端仁一股設法剿滅此外如有敢匪潛遁亦即會商
 各軍分投捕治勦辦兼施務將匪首王端仁周沅得等盡數擊散
 勿任餘燼復燃其圍場以內現經參將許春浦盤熱河練軍分路
 搜查應令實力妥辦惟圍場周圍千餘里地方空闊素為盜匪出
 沒之區難保無伏莽客軍僅能濟一時之急必須責成圍場同
 知營汛會同圍場總管設法布置防範隨時認真搜查巡緝庶足
 以杜亂萌至口外各屬客民多係直東無業之徒陸續前往或開
 墾荒地或小貿營生易於裏脅尤宜分別良莠妥為安插不可使
 其失所或陵僞殘害轉致激而生事此次魚泡子之眾係因蒙古
 不令捕魚並殺斃多人遂藉復仇為名頓生變亂可為前鑒昨新
 任熱河都統謙禧過津臣與商論及此謙禧擬俟到任後察核辦
 理其多倫各屬客民由臣督飭地方文武妥辦至王可陞解散魯
 從逐處張貼告示保全頗眾謹將其告示錄呈
 御覽仍令該鎮俟勦辦王端仁一股後再行察核情形將隊伍分
 別撤留所有口外無須添撥兵隊緣由理合恭摺由驛覆陳伏乞
 皇太后
 皇上聖鑒訓示謹
 奏

奏稿五十一

呈

學士二犯歷次獲匪均未供有其人諒係熱河員弁原探未確楊
 步濤聞已逃往奉省陳瀟瀟亦無其名容再確訪飭察等情並據
 參將許春浦稟稱該將帶隊進圍查得東北一帶往年盤踞賊匪
 之不司士野豬窩灣溝亮兵臺紅石嶺等處均無賊蹤現往西
 圍搜查並據熱河道富華稟稱圍內匪徒業已逃竄其赤峯縣北
 路蘇塘等處並無餘匪至前次賊入豐甯縣大灘之賊曾獲溫翠
 淋等訊係王端仁股內旋即西竄約計一百數十名經宣化等處
 官兵擒獲七八十名餘匪棄馬擲械逃竄現仍追擊等情前來臣
 查核王可陞等來稟大致相同現在賊數無多圍場亦尚無襲脅
 之眾前派去宣化古北口並多倫馬步練軍已有一千數百名又
 有熱河察哈爾官兵可敷兜截刻值海防喫緊本難抽撥前往自
 毋庸再行添派俾免兵多號令不一互相誤誤仍飭王可陞督率

商陳商局輪船暫售美國

光緒十年六月三十日
奏為法人開辦商局輪船恐被劫奪經商董等密籌照西國通例暫售與美國旗昌洋商以保成本議明俟事定收回恭摺陳仰

祈
聖鑒事竊臣接准總理衙門密電六月二十五日奉

旨從前設立招商局置買輪船係奏明辦理現聞售於美國李鴻

章何以未經具奏殊屬非是海上轉運全恃輪船此舉自因恐為

法奪起見究竟是否出售抑暫行租給著據實奏聞並隨時酌奪

情形設法收回欽此伏讀之下悚惕莫名臣查招商輪船局本仿

西國公司之意雖賴官為扶助一切張弛緩急事宜皆由商董經

管至與外人交涉權變之處官法所不能繩者尚可按西例以相

維持自本年閏五月開法西統率兵艦來華恫喝肆擾海疆不靖

局勢日非華商輪船二十餘艘駛行洋面日有戒心法人偏布謠

言遇船劫奪船貨成本太重懼遭不測之險南北商旅咸以搭載

局船為戒彼蓋視招商局輪船與船政煤礦同深覬覦者也若轉

運官物兵械等件既無鐵艦護持必為敵船阻截即使假借他國

之旗斷難冒險行駛若將船隻避泊口內局董唐廷樞又稱久停

則船身機器必致傷損一切養船經費商力亦不能空賠於是滬

上紳商私相籌議外洋商務皆惡律師主持遂密邀招商局素履

之英國公正律師其文細查各國律例成案凡本國商船改換他

國旗幟須在兩國未開衅以前照海之戰俄商皆懸德美之旗有

二艘換旗於戰事三日前途為法人所奪復有二艘易旗於戰前

暗立借回之據亦為英國所奪布法之戰兩國商船多售與他國

易旗駛行事後仍復原業若暫行租賃則非實在轉售他國必不

能保護此萬國通行之公例也先是唐廷樞在滬議交英商怡和

洋行換旗代辦但文則謂英律煩苛難辦美律簡易從美與中

國交情較厚應換美旗為妥適有美商旗昌行主願將招商局產

悉照原值價銀五百二十五萬兩統歸該行認售該行以銀票如

數抵給他日事定將銀票給還收回船棧權操自我仍可改換華

旗道員馬建忠素習洋文熟諳公法前委赴滬會查招商局務該

員就近與文及旗昌反覆商論文力保中法事定可以原價

收回旗昌亦誓言決不失信故於價值亦不計較馬建忠偵知法

事叵測遂毅然決然獨肩其責因與眾商定議訂立合同將各船

棧暫交旗昌代為經營換用美國旗幟照常駛行兩面所押契據

銀行期票與收票按照西國律例均交律師担文收執日後藉以

為憑是戰前商船換旗出售為各國常有之事中國雖屬創見而

眾商為時勢所迫亦屬萬不得已至將來收回關鍵馬建忠惟担

文是問眾商惟馬建忠是問節節制斷不容稍有反覆也當法

使議約未成之際軍書旁午臣雖知商船暫換美旗而未悉其詳

是以未遽入

告且此等事件華商與洋商交涉彼此全憑信義律師既援西例

擔保而官長卻未便主議外侮橫加商情惶迫數千人身家關係

而官無法以保護之更無力以賠償之商人自設法保全成本官

尤未便抑勒好在各省公款八十餘萬商本四百數十萬皆有苦

落事竣可以操縱自如但法約早定船棧照議歸還中國商務

復與更無喫虧之處惟聞法人四處偵探總疑商局輪船並非實

售與美尚思援西例以乘間搜奪俾為軍用美國官商亦惴惴焉

相與隱諱竭力保護此中機括尚求

聖明默鑒而由原之所有商局輪船暫售美商議明事定後收回各緣由謹由驛據實詳切密陳伏乞

皇太后

皇上聖鑒謹

奏

奏稿五十

七

李文忠公奏稿卷五十

李文忠公奏稿

卷之五十一目錄

遵旨添營請撥月餉摺 光緒十年七月初五日

請仿周盛波募勇來津片 光緒十年七月初五日

遵停永定交土章程摺 光緒十年七月初六日

永定河歲款請免扣平片 光緒十年七月初六日

勇營挑河應從緩辦片 光緒十年七月初六日

拆除清河私埕摺 光緒十年七月初六日

擬請收捐購器摺 光緒十年七月十四日

借款購器片 光緒十年七月十四日

會查防務摺 光緒十年七月十八日

口外靜謐練軍回防摺 光緒十年七月二十日

遵呈海防圖說摺 光緒十年七月二十三日

奏留馬建忠片 光緒十年七月二十三日

旅順電綫移撥經費摺 光緒十年八月初一日

淮軍支款請循舊辦理摺 光緒十年八月十一日

查覆王可陞參款摺 光緒十年九月初四日

撥濟遼軍洋鎗片 光緒十年九月初四日

京引展期復額摺 光緒十年九月初四日

旅順電綫酌提奉餉片 光緒十年九月初四日

近省隄河工程摺 光緒十年九月初四日

籌辦團練摺 光緒十年九月二十一日

請撥積欠旗租摺 光緒十年九月二十一日

新募盛軍到津摺 光緒十年九月二十四日

接濟登防要餉片 光緒十年九月二十四日

尖底舢板勢難制勝摺 光緒十年九月二十四日

派船援閩擬用洋將摺 光緒十年九月二十六日

輪船聯絡德國水師片 光緒十年九月二十六日

黃瑞蘭不堪任用片 光緒十年九月二十六日

奏稿五十一目

李文忠公奏稿卷五十一 全集一之五十一

奏為遵 旨添營請撥月餉摺 光緒十年七月初五日

奏為遵

旨添營請撥月餉摺

旨添營請撥月餉摺

聖鑒事竊臣承准軍機大臣字寄六月二十九日奉

上諭吳大澂奏請飭南北洋添募勇營一摺著李鴻章曾國荃查

照吳大澂所奏悉心酌度據實具奏如須添募並著張明倫需奏

請飭撥等因欽此臣查北洋海口延袤千餘里口岸紛歧僅就准

練各軍現有之兵力及吳大澂所部各營分布要口大段尙不甚

空虛而防務實未敢謂周密況敵船一經北向必挾有陸隊同來

各口同時並警彼此不能相顧若無大枝勁旅往來援擊誠恐一

隙之疏擊動全局

京畿門戶尤宜籌備完固何敢稍涉疏虞臣深知餉項艱難平日

不敢遽請添募但以購備利器為急蓋以軍械非倉猝可圖勇營

可隨時增募也現在法人攻擊閩廠兵費已開該國正集議籌餉

添兵剋期大舉先擬南省據地為質必將非犯畿輔以遂其要挾

之謀我當厚集其勢以待之亟應及時添練以壯聲援吳大澂原

奏謂新招之隊與久練之師按成配搭可期得力洵屬切中機宜

已督飭軍械製造各員查核現存哈乞開斯毛瑟等後門快鎗及

已購未到之後膛鎗礮尙可添募十數營約計月需餉銀五萬兩

目下淮餉防餉均少餘存近因沿海各省辦防解數驟短支絀萬

分現軍方苦饑之更無可供添營之用惟有懇懇

聖慈俯念北洋海防尤關緊要山隸著名貧瘠無餉可籌非他省情形可比

特恩敕下戶部自本年七月分起每月山部庫就近撥銀五萬兩俾得派員支領及早募練成軍實於畿防根本重地大有裨助至吳大澂所部各營兵力亦單尙有餘存鎗械應如何酌予分撥之處俟奉

旨允准後再與吳大澂妥商就款籌辦隨時咨部查核所有遵旨籌議添募勇營並請撥月餉緣山隸藉捐山驛馳陳伏乞

皇太后
皇上聖鑒訓示謹

奏

奏稿五十一

請飭周盛波募勇來津片 光緒十年七月初五日

再津防淮軍鎗礮精利訓練嚴整首推湖南提督周盛傳為最該軍馬步十六營從前隨剿粵捻實賴周盛傳胞兄遇缺題奏提督前涼州鎮總兵周盛波會同統帶故臨敵指揮如意屢奏奇功周盛波勇於戰陣深得士心周盛傳嚴以馭眾兼師洋法各有所長亦互相為用也周盛波因母老乞歸退閒已久前劉銘傳過津為言時事多艱將材難得欲調周盛波赴臺襄助該提督未之許也惟念周盛波從臣患難最久現當畿防喫緊其弟盛傳統師在津須添生力軍與之掎角援應氣勢更當百倍擬令周盛波由淮北選募精壯十營剋日北來配給西洋後膛鎗礮與周盛傳所部合隊操練設遇法虜深入臣當督率該提督等縱橫盪擊以期挫退凶鋒稍副

奏稿五十一

聖主倚任之重正摺內請撥部餉如蒙

俞允則添募經費有著應請

敕下兩江督臣安徽撫臣轉飭周盛波迅速募勇統領來津以資

指臂之助該員之母年踰九旬自不可無人侍奉然值此外侮緊

急遑恤其私擬俟法事定後併營節餉再懇

恩在周盛波周盛傳兄弟分一人假旋終養仍留一人在營治軍

庶為公私兼盡是否有當附片具陳伏乞

聖鑒訓示謹

奏

遵停永定交土章程

奏為遵停永定河村民交土章程並查明辦理不善之員弁分別

參辦恭摺仰祈

聖鑒事竊臣欽奉光緒十年四月二十二日

上諭前據太常寺卿徐樹銘奏永定沿河被水村民請暫停河工

酌用民力章程一摺當諭令李鴻章妥為籌辦茲復據該京卿奏

稱村民交土流弊已極永定河一帶被水災民異常困苦豈容稍

有勒派所有河工令民交土章程著即行停止汛官余昌壽孫國

培等既據稱有折價擾民情事即著李鴻章畢道遠周家楫查明

從嚴參辦等因欽此遵查前奉三月初四日

寄諭當飭永定河道游智開嚴禁勒派力除弊端並將交土章程

停止一節體察議稟正據稟復核辦開續奉前因並准徐樹銘鈔

錄各村控詞折價清單山順天府尹臣陸續轉咨又派候補道許

鈐身前往周歷通工認真詳細確查凡係私自勒折浮索員弁即

會同游智開指名稟請參辦其村民交土雖係向章漸多流弊應

即遵

旨停止飭先出示曉諭旋據該道等查明擬議稟復前來臣查永

定河額設防險民夫一千六百五十名係沿河宛平良鄉涿州固

安霸州永清東安武清等州縣近隄十里村莊派撥協同積土防

險原所以各保身家敢在河工則例仍分別撥給養夫田畝優免

雜差以資挹注此項民夫向於夏至上隄秋分下隄計時須九十

日之久前河道李朝儀任內詳准改於春融農隙時上隄每名日

挑上一方向章九十日者減為四十五口合土四十五方挑竣即

令歸農仍酌留二成於大汛協同搶險其應挑之士預估呈報核

飭州縣派撥分段落不准員弁兵役指派包折向為實事求是

起見蓋從前交土多係縣役河兵串通得錢包折並無實土到隄

是以李朝儀就向章變通整頓又核減日期藉示體恤所謂逐日

更替者如甲乙兩人甲輪單日挑土乙輪雙日挑土彼此更番輪

替均其勞逸非謂每人止挑一日不再輪值約計每年全河不過

役民夫三千人上下並無數萬十數萬之多自改章以後頗能實

上到隄有裨河務惟向係兵役包折役入私囊每土百方折給數

十方即可了事今須到工實做不能如前之徒有具文人情好逸

惡勞未能皆願各村士農工商不一未必人習番舖仍不得不按

戶攤錢或歸木村強壯民夫挑積或呈明折價或由鄉董及河工

弁兵雇夫代辦在工員弁各顧考成不能不按時催督而日久弊

生經手弁兵人等即藉端刁難漁利並有戶口先密後稀地畝先

肥後瘠仍照原冊派夫者辦理既未得宜近又災歉頻仍力有不

逮於是紛紛呈控臣前已飭據該河道將各村應出夫土分別減

免並詳查戶口地畝酌盈劑虛務昭平允在案茲欽奉

諭旨將交土章程停止足以杜弊恤民自當永遠遵照此後挑土

不能不辦所需方價已片陳請即於扣平項下撥給免誤要工

至各村所呈折交方價錢數據許鈐身查訪大致相同惟內有京

錢東錢固票當十錢之別京錢每千合制錢五百文東錢每千合

制錢一百六十五文固票每千合制錢二百文當十錢每千合制

錢一百文如狼堡盧城二村皆係當十錢名雖六七百千實止制

錢六七百千合之土方例價尚多不足此外有適符例價及淨收

者該道等提集各汛被控外委百總口兵嚴加審訊大都村董弁

口彼此商辦尚無勒折實跡其淨收之數謂係代辦人飯食等用

並未供認人已惟定章交土不在弁目私自折其應挑段落亦
 不在弁目指派今稱或指派遠土或代雇夫頭經手方價實屬顯
 違功令且既經手必有刁難侵蝕情事應將指控之外委史芳即
 史方之武殿平即吳殿平王廷彥張永祥王兆瑞張天泰唐永山
 張殿芳八名百總汪鳳林即汪五前劉希用馮玉山馬珍李士元
 崔有恆劉振彩七名目兵寶起李萃董玉王海李順何玉山王奎
 七名並月案被控之外委王文魁百總王致和張光勇目兵楊廷
 祥卞有才王照熊張福祥七名及未被指控查有劣跡之外委劉
 振和均即重責斥革除糧至汛官余昌壽等前已撤任雖無勒派
 案擾經手方價其各村不能人人親自挑土亦勢有必然惟任聽
 弁目干預致被控告足見辦理不善孫國培於夫土淤地均有控
 案聲名平常不洽輿情應即遵

旨嚴參請將同知銜補用知縣天津縣孫國培即行革職以
 示懲儆其餘各汛員情節稍輕並請將藍翎升用同知南岸頭工
 下汛宛平縣縣丞余昌壽藍翎升用同知南岸三工涿州州判周
 蓉第均革去同知升階並藍翎又五品銜升用同知南岸四工固
 安縣縣丞張映辰革去五品銜並同知升階又北岸四工下汛固
 安縣縣丞李丕裕請摘去頂戴與余昌壽周蓉第張映辰均開缺
 留工月補又四品銜升用知州候補通判謝政賢請革去四品銜
 並知州升階其失察弁目折價未被指控之汛官升用知縣南二
 工良鄉縣縣丞陳慶生理問銜北岸頭工下汛宛平縣縣丞方志
 勤升用知縣北岸二工上汛良鄉縣縣丞鄭官賢升用同知北岸
 五工永清縣縣丞吳宗驥請革去同知知縣升階理問銜北岸
 留任以觀後效北岸頭工上汛武清縣縣丞張善莊所轄之盧城

奏稿五十一

六

奏稿五十一

七

等村雖折價不敷挑土但任弁目擅折請摘去頂戴又五品銜南
 岸六工霸州州判錢承應失察已革銷兵預支夫價除撤任外請
 革去五品銜此外員弁目兵或並無不合或已有事故應免置議
 至原撥養夫地畝倘即查勘除有水冲沙壓不堪耕種者除糧外
 其餘或撥回另佃或循舊承種悉聽民便嗣後續有冲壓及淤復
 之地隨時勘明分別除糧升科凡承種養夫地畝村民遇大汛搶
 險之時由各本村公正紳董督率幫搶各衛身家每種夫地三十
 畝出夫一名免其完納地租險平即行下隄工員無庸干預紳董
 亦不得藉端派斂違則重懲未經出夫者仍照章完租如有不種
 夫地而自願出夫幫搶者免其雜差其災歉苦累村莊仍照地方
 章程減免差徭即飭各該州縣一體明白曉諭毋得稍任差役擾
 索未盡事宜隨時稟詳核辦此外各河向歸民辦者仍照章辦理

不在滋弊所有遵停永定河村民交土章程並查明辦理不善之
 員弁分別參辦緣由理合會同兼管順天府府尹臣畢道遠順天
 府府尹臣周家相合詞恭摺覆陳伏乞
 皇太后
 皇上聖鑒訓示謹
 奏

永定河歲款請免扣平片 光緒十年七月初六日

再欽奉四月二十二日

上諭永定河令民交土章程著即行停止徐樹銘所稱購土經費仍取之河工自有之款著李鴻章妥籌辦理等因欽此伏查永定河切近

京畿修防關係重要該河大溜渾濁隄土又皆純沙往往旋挑旋淤旋築旋塌甚費工力且全河長至二百餘里兩岸全隄長至四百餘里統計工程繁巨大汛搶險走埽潰隄尤必料物人夫應手額領歲款實有不敷河兵力作之處甚多而口糧無幾是以向須民夫挑土協助其原有地租歲課每年徵銀不過一千餘兩皆有待用專款加撥之釐金二三千兩係備搶險麻袋土車及津貼河兵米麪要用均難撥作此項購土經費准額領歲款內向由藩司

奏稿五十一

八

例扣六分平一項每年合銀五千六百餘兩本係河工自有之款若照原奏免扣仍歸河工應用洵堪移緩就急查沿河原設各汛民夫一千六百五十名計每歲應挑土七萬四千餘方茲自今年起概行停止民夫統歸官辦按每方民價銀七分計之約需銀五千餘兩數正相符據該河道游智開會同許鈞身議稟前來相應仰懇

天恩特准將該河歲款內六分平銀五千六百餘兩自本年為始即行免扣專作雇夫挑土經費庶要工不致貽誤河務不致廢弛其沿河各村夫土即從此際免永無後累既足以廣

皇仁而國計民生亦得兼顧如蒙

俞允此項平銀土價仍成該河道嚴督應派核實辦理若遇越遠上方價增長應令就款通融勻用不得請添所有永定河歲

款請免扣平專作購土經費緣由理合附片據實覆陳伏乞 聖鑒訓示施行謹 奏

奏稿五十一

九

再欽奉光緒十年五月二十一日

再欽奉光緒十年五月二十一日

寄諭徐樹銘奏請飭營勇挑挖永定河中洪一摺著查明應行挑

此遵查永定河挾沙壅泥水極渾濁每屆汛後淤墊雖歲歲挑挖

而人力有限勢難盡除在雍正乾隆年間已逐漸高仰嘉慶道光

以後河底墊高不止一二丈昔人特之於牆上築夾牆行水故有

改河之議蓋因全河道段過長積淤過厚勢難將中洪一律疏通

其兩岸亦無出沙堆積之處也惟改河築隄勢難計案礙尤多

不得不仍就原河量力補救同治十一年臣曾身行籌款挑挖中

洪一次上自盧溝橋下至鳳河計挑二百餘里嗣後則按年督飭

該河道就歲籌挑但沙泥太多水過仍復淤墊光緒七八年與

左宗棠會派湘淮各營自南八上汛三號起挑新河一道以暢下

游去路數年來或北或南改道已非一次淤沙又多停積原挑南

至下口僅擬酌量挑寬十餘丈至二十丈深二三尺至一丈約需

挑土五百數十萬方之多即就南五工以下估計亦需挑土二百

數十萬方每人每日挑土一方計上下游須有六萬人三箇月功

夫方可成役工程過巨人力財力皆有不逮且亦只能保數年安

瀾直境淮練各軍操防之暇素習畚鍤頻年挑築工程不少靜海

天津之南運誠河其尤著者惟人數無多只可逐漸經營難遽

興大役今春已派辦近津河堤營道各工適值海防喫緊疊奉

密諭嚴備戰守臣正督飭曉夜操巡磨厲以須實未能再顧河工

前已飭游營開姑就歲款嚴督河兵酌雇民夫擇要疏濬所有酌

前已飭游營開姑就歲款嚴督河兵酌雇民夫擇要疏濬所有酌

前已飭游營開姑就歲款嚴督河兵酌雇民夫擇要疏濬所有酌

派營勇挑河一節應從緩察看情形妥酌核辦以免顧此失彼理
合附片具陳伏乞
聖鑒謹
奏

奏稿五十一

拆除清河私堤摺 光緒十年七月初六日

奏為查勘拆除清河私堤等處私堤疏通水道恭摺仰祈

聖鑒事竊臣欽奉光緒十年四月初二日

上諭都察院奏順天牛員劉青雲等呈訴清河北岸各築私堤阻

退水道以致無從宣洩等語文安等處向來水災極重所呈關係

民生利害應如何疏濬之處著直隸總督會同順天府查勘明確

奏明辦理等因欽此當經咨會順天府尹臣查照旋准咨覆由直

主稿核辦將劉青雲等在府尹衙門所遞呈詞錄送前來臣查

安州等處之西定向稱巨浸烟山趙北口穿柴伏淀即白草窪經

清河歸東淀達津入海清河既為西淀宣洩之路又受白溝諸水

源大流多並藉北而中亭河分洩自來清河無非隄中亭無南隄

使盛漲互相吐納各免壅滯立法甚善其清河中亭之閘窪地甚

廣俟汛漲消落種麥次年汛前收成亦不失一水一麥之利此乾

隆以前幾經斟酌籌定之舊制也乃附近居民貪種淤地與水相

爭於柴伏淀清河北岸一帶逐漸築私堤亦因有濛混稟准者

夫柴伏淀清河口築堤則西淀水路阻塞安州首當其災並波及

近淀之高陽任邱雄縣上游之容城清苑各境清河北岸中亭河

南岸築堤則上游雄縣新城固安涿州白溝諸水亦被阻塞且西

淀清河水路既皆逼緊勢必闌破千里隄清河南隄由任邱雄縣

滲入下游保定霸州大城文安而以文大窪為壑誠如

聖諭受災極重是以文大窪保被書矜民劉青雲等屢次呈懇拆

除臣前據清河道史克寬稟請已飭嚴禁再築並令察酌平毀欽

奉前因復派分發補川道金福曾署天津道劉樹堂與史克寬妥

細勘辦旋據稟稱各處所築私堤除無甚阻水者不計外其阻水

者實礙上下游大局若不分別拆通轉瞬大汛又將橫流為害上

年大水各堤已多衝缺趁此辦理事半功倍遂督飭委員拆去清

河口橫堤三道張青口橫堤一道魚津高上下橫堤兩道滄浪淀

賈莊子趙家房王疙疸月亮地橫堤七道又挖通柴伏淀即白草

窪上下堤口及旁面堤口十三道魚津窩直堤口門十丈石溝河

斜堤口門十丈並將張青口減河五百四十餘丈柴伏淀下口引

溝一百十餘丈一併挑通使柴伏淀漲水亦得暢洩等情臣查私

堤阻水由防害鄰本干明禁況西淀清河關係十數州縣水道全

局該淀窪向係任水蕩漾之區乃私堤縱橫水無去路無怪年年

泛溢各州縣迭受沈災在小民貪種者所得無多而

國家蠲賑之費與災區所失之貨不知凡幾其利害輕重較然斷

難姑息一隅致多窒礙亟應遵

旨設法疏通今經該道等勘明將阻水私堤分別拆除本屆汛漲

洩水已較暢速俾得遞輸歸海具有明驗嗣後該淀窪地面應仍

復舊制一水一麥之利不再築私堤每年三五月由天津清河

兩道派員勘查認真禁築其水道從前報墾有糧者即飭查

明聲請豁免以示體恤除將劉青雲等所呈履清清河各節另行

核辦外所有清河北岸及柴伏淀一帶礙水道私堤分別拆通

以復舊制緣由理合會同兼管順天府府尹臣畢道遠順天府府

尹臣周家楣合詞擬陳伏乞

皇太后

皇上聖鑒謹

奏

擬請收捐購器摺 光緒十年七月十四日

奏為海防急需精利軍器北洋無款可籌擬請暫行酌量收捐以資購辦恭摺仰祈

聖鑒事竊自法人肇衅以來疊經欽遵諭旨嚴備戰守北洋為

設輔門戶防務尤關重要惟行軍以籌餉為先而與洋人爭衡尤以購備西洋精利軍器為第一要著臣奉

諭旨籌濟各路軍火又奉本月初十日電諭聞孤拔率船出閩口志在北洋當益申做備密籌訂購鎗礮多

多益善以速為要等因欽此現既宣戰當斷法之接濟局外仍暗行資助而我若明購軍火又恐被阻截聞敵已添調水陸各軍來

華我欲與之久持設軍火先行告匱雖有險要勁旅可恃而軍無利器實不足以禦強敵亟宜通盤籌畫設法密速添購多多益善

北洋防務專藉各省關釐稅往年實解尚不及額撥之半近因海防喫緊釐稅減色各省皆有防務撥款更難指望現在局庫極形

支絀每月應發各兵輪薪糧及製造軍需子藥等項經費不敷斷難抽撥鉅款兼辦大批軍火不得不另籌挹注以濟急需伏查咸

豐初年軍興以後餉源不足疊開捐例以資協濟成效可觀嗣於光緒五年奉

旨停捐上年順直東鄂被水復蒙朝廷垂念民依在子捐納銜封貢監是一二省之偏災尙荷

特頒曠典現在法人肆擾海疆志圖北犯尤緊天下全局當此餉源枯窘設措無方莫名焦棟臣督同支應局司道悉心籌酌擬懇

天恩准於北洋暫開軍器捐輸請酌收翎枝並二三品升銜四五

品虛銜一二品

封典及指省分發其捐銀千兩以上願建坊者並援賑案照例建坊旌表然此中惟指分一項或有情殷報效者餘恐未能踴躍

並收捐監生及勞績保舉過班兩項一係賑捐奏准有案一與初捐實職官階不同以上各項均於部章政體無甚窒礙但值茲物

力艱難翎枝一項若必照例定實銀上兌仍難招徠茲酌中定擬應請按照豫豫賑案捐數其餘各項均照例定銀數辦理部飯照

費悉照部章隨案收解凡有捐生赴局上兌由局先給印收按月詳請咨部給照若可廣為勸辦或真集成鉅款為寬備軍火利器

之資實於海疆戰守有裨除詳細條款仿局另行妥議外臣為軍需緊急速籌接濟起見理合恭摺由驛具陳是否有當伏乞

皇太后 皇上聖鑒敕部迅速議覆遵行謹 奏

奏 皇太后 皇上聖鑒敕部迅速議覆遵行謹 奏

奏 皇太后 皇上聖鑒敕部迅速議覆遵行謹 奏

奏 皇太后 皇上聖鑒敕部迅速議覆遵行謹 奏

奏 皇太后 皇上聖鑒敕部迅速議覆遵行謹 奏

奏 皇太后 皇上聖鑒敕部迅速議覆遵行謹 奏

奏 皇太后 皇上聖鑒敕部迅速議覆遵行謹 奏

借款購器片 光緒十年七月十四日

再臣因海疆需用利器擬暫行酌量收捐以資購辦片摺詳陳在案惟現在戰守機宜喫緊若待捐集鉅款而後購辦實屬緩不濟急且外洋軍火一經定購即須陸續付價直省庫儲極細萬難勻籌查上年冬間臣代閱粵各省購辦西洋火器會奏明在於江海關庫存出使經費項下撥銀四十餘萬兩分起借付有案現在出使經費該關尚有積存此次籌購大批軍火事關緊急所需價銀擬請照案仍由出使經費項下先行借撥分期付價一俟捐有成數陸續歸還俾資周轉而免遲誤俟奉到批旨臣即先與素識洋商酌量密訂購辦是否有當理合附片陳請伏乞 聖鑒訓示施行謹

奏稿五十一

去

會查防務摺 光緒十年七月十八日

奏為遵 旨會商覆陳仰祈 聖鑒事竊照六月二十七日欽奉 慈禧端佑康頤昭豫莊誠皇太后懿旨醇親王而奏左宗棠所部 易玉林喻先知兩軍迄無來京確信畿東防務緊要擬由神機營 遴派馬步練軍三千人並由巡捕五營練軍內選派二千人一切 軍火豫備妥協擬請以都統善慶為總統前鋒統領托倫布為幫 辦總統分防畿東以備不虞左宗棠所部既未來京擬由直隸防 軍內酌抽協同京兵分段固守善慶與淮軍相處最久如與合隊 必能相助為理擬令其先行赴津與李鴻章商一切即由該前 大學士與該都統聯銜奏准再由神機營奏明將派出各隊分赴 赴防等語均著照所議辦理欽此 臣善慶跪聆 聖訓後遵即馳抵天津謹將 皇太后諄諄告誡語意傳知 臣李鴻章感敬 天恩敢不率同各營將士努力奮勉共圖捍衛 畿州以仰答 高厚生成於萬一臣等連日反攪商山隸瀕海地方太廣淮練 各軍分段固守無可鬆勁即無可抽撥京東一帶以山海關最為 扼要廣東水師提督曹克忠正定鎮總兵集志超馬步十營深溝 高壘駐守關隘大則昌黎樂亭沿海各處有吳大澂馬步礮隊十 一營聯絡分守該道政使昨又添募步隊三營兵力稍厚惟自山 海關西至撫甯永平係入關大道尙形空虛設海口防軍被敵圍 困必須勁旅就近援應攔截昨午十四日電

奏稿五十一

去

旨飭鴻章督軍佈置期於戰守足恃因飭現駐青縣之記名提督劉盛休統領領軍鎗隊十營馬隊一營勉日分起拔赴永平撫甯擇要布紮原有營時相機援剿勢愈壯凡此皆畿東防務前敵布置之情形也神機營暨巡捕營皆羽林禁旅操練既久矧衛漸殷似宜籌給修築營濠兵棚之費分案近

京通州一帶為後路聲援以備不虞鴻章與吳大澂所部在前敵兵力本單未便調回後路轉致顧此失彼惟查有現紮北塘後面之軍糧城記名總兵徐邦道馬隊二營前勦捻時曾隨同善慶左右角逐向稱驍勇臣鴻章擬就戶部在撥月餉令其添募步隊二營名曰拱衛營配給後膛鎗礮認真訓練仍紮軍糧城咽喉要地軍糧城橫至通州連東百數十里聲氣尚易聯接將來有

事時善慶督隊前敵徐邦道即歸其節制調遣當能相助為理即准軍各將領相處最久氣誼素孚亦無處不可合隊防勦再按會國聖電報八月開定道恪靖七營北來又善慶前調各省馬步隊必仍有應

召入衛

畿輔者屆時再由臣會商協同京兵分段固守以期厚集而免疏虞所有臣等籌各緣由謹繕摺合詞馳陳伏乞

皇太后

皇上聖鑒訓示再臣善慶俟料理就緒即赴通州東路察勘營處所再行回京覆

命合併聲明謹

奏

口外靜謐練軍回防摺 光緒十年七月二十日

奏為口外匪徒劫捕殆盡蒙民靜謐如常已將練軍撤回仍暫留馬隊巡緝彈壓恭摺仰祈

聖鑒事竊前因多倫附近蒙古克什克騰旗魚泡子地面游民聚眾滋事經臣調派宣化古北口練軍馬步隊馳往剿辦宣化鎮總兵王可陞出邊督辦業將擊斃追捕情形先後奏報並於六月二十三日摺內聲明賊數無多仍令王可陞將王端仁一股設法勦滅其圍場以內即飭古北口參將許春浦暨熱河練軍分路搜查在案續據王可陞稟稱王端仁一股該鎮派隊裹糧雇覓蒙人引路跟蹤遠追由什巴爾蘇竹里克山申薩克米神廟壘爾頭廟節節前進直至鄂爾騰河遇賊擊斃十餘名其餘五十餘名由色納格河哈喇烏蘇營子格廟嘛拉蓋達壩分兩起逃竄該匪沿路搶糧換馬其行迅疾我軍連旬窮追僅以熱水和被麪充飢且馬力疲乏婉商各王旗隨地備換馬匹並請飭派蒙兵就地協擊嗣又追捕多日該匪竄入阿魯科爾沁旗被蒙兵截擊傷斃過半我軍亦在各處搜獲賊目賈山虎許姓等多名訊供正法其逸去者不過數名據克什克騰旗梅倫官分投四探距經棚三四百里均無賊蹤魚泡子周圍二百餘里亦無窠穴統計前後擊斃賊匪約八百名解散脅從不少其中賊首馬洛八黃洛四曾經土城子汛千總洪富經棚守備尖振清與馬隊弁兵擊獲立時正法又前在畢流溝接仗生擒悍賊黃姓張姓三名肆口憤罵就死即有張朋在內據獲賊許姓供稱周沅得被我軍追至永隆泉斬斃惟王端仁勝受鎗傷而逸不知下落又據熱河道富華稟稱圍場赤峰等處賊匪前已擊散僅有零匪改名易姓逃匿鄉間應由地方官搜

捕又據參將許春浦稟稱該將隊進圍宣化熱河練軍多倫
 練勇跋涉溝嶺分路搜查皆無賊蹤又據多倫廳同知陳金式稟
 稱王端仁等被宣軍追剿並經阿魯科爾沁旗蒙兵擊斃僅逸去
 四五名廳屬及各旗草地並無賊匪等情先後稟報前來臣查此
 股匪徒經各處官軍疊次剿捕殆盡據報所餘無幾棄械逃散其
 賊首匪目亦先後擒斬多名固已大受懲創現惟王端仁於受傷
 後逃逸不知下落既有熱河多倫等處官兵常川分投緝捕無庸
 再留宣化古北大隊且刻值海防緊急內地空虛亦不便使練軍
 久頓塞外昨已飭許春浦率隊回駐古北口月調該口練軍前營
 步隊馳赴蘆臺海防歸提臣李長樂調遣並飭王可陞督隊回宣
 仍於宣化練軍內暫留馬隊三哨分紮多倫附近二道泉閃電河
 二號汛一帶多倫練軍內撥馬隊三哨分紮劉家營子西溝薩合
 河長汗溝一帶均會同地方官認真巡緝彈壓多倫協副將譚興
 魁暫駐經棚與熱河官兵聯絡聲勢確探勤搜務期設法弋獲王
 端仁以靖餘孽傷亡官兵社首人等另行查明請卹多倫轄境被
 擾之處已飭該廳親往查察妥為撫綏所獲餘匪訊明甘心從逆
 與官軍接仗者照例懲辦其良民被擒乘間逃回者分別取保遞
 籍管束開場查緝事宜前已奏明責成開場官員認真辦理經棚
 一帶客民良莠不齊亦即查照臣六月二十三日原奏並欽奉七
 月十七日
 諭旨嚴飭該管文武認真清查戶口遴選社長查拏匪類安撫良
 民庶幾反側皆消而地方益臻靜謐矣所有口外匪徒剿捕殆盡
 撤回練軍仍暫留馬隊巡緝彈壓緣山理合恭摺山驛具陳伏乞
 皇太后

李文忠公奏稿 卷五一

皇上聖鑒訓示謹奏

奏稿五十一

五

遊軍海防圖說

奏為遵

旨恭呈北洋沿海設防各要隘礮臺營壘圖說仰祈

聖鑒事竊准軍機大臣密寄閏五月初九日奉

上諭旅順口礮臺是否堅實天津至山海關一帶礮臺其若干處

即著查明詳確情形將直隸口岸及旅順煙臺各礮臺繪圖貼說

呈進等因欽此又接總理衙門七月初四日來電本日奉

旨天津海防布置前已據李鴻章詳奏尚未將圖說進呈其餘沿

海各口星羅棋布口岸甚多各防營四處分紮各專責成著各該

督撫將各口地形繪圖貼說即將某營現紮某口兵勇若干何人

管帶有無礮臺分別詳細注寫等因欽此仰見

聖謨廣運經武整軍考核嚴明無任悚感查直隸各口礮臺若干

及沿海防務情形經臣於本年閏五月十三日詳奏並聲明各臺

應隨時增修舊存草圖未盡詳盡委正任津海關道周馥前赴

各海口會同該將領詳細查勘繪圖貼說彙呈以便恭進在案茲

據該道周馥勸畫齊全彙呈前來臣查北洋沿海地段縣長要隘

極多現在擇要屯兵處所南起煙臺北迄山海關營口旅順口等

處延袤幾三千里斷難處處周密而中開以旅順口為首衝大沽

北塘及山海關內外為要衝尤關緊

畿疆要害臣歷年次第經營規模粗具雖未能創設大枝水師縱

橫海上以扼渤海門戶而督飭陸軍築壘壘精習後膛鎗礮以

為憑岸固守之計竭我兵力餉力以萃聚於此三四處設敵國大

隊水陸來犯不敢謂有把握當可力與拮持請將布置形勢為

皇太后

皇上詳晰陳之旅順口地處海外為駐泊水師口岸瀕臨大洋岡

嶺阻復形勢極險礮臺高踞山頂築造精堅上有巨礮可擊來船

其近山要路數處多設行營礮壘並於口內密布水雷沿岸多設

地雷派四川提督宋慶統統統等十一營駐守已革江西南贛鎮

總兵王永勝帶護軍營八哨協守壘壘天津鎮總兵丁汝昌帶蚊

船兩號快船兩號並道員劉含芳帶魚雷艇弁兵與宋慶等表裏

依護如敵船游弋外海可相機伺便狙擊冀以牽制其北攻津沽

且藉衛本省門戶大沽北塘口外各有攔港沙一道潮落不通輪

舟湖長亦不能進鐵艦兩岸礮臺屹立下伏水雷甚多大沽口內

兼設攔河木筏大沽守將為副將羅榮光後路以湖南提督周盛

傳盛字等營為接應北塘守將為署廣西提督唐仁廉後路以直

隸提督李長樂武毅等營為接應山海關內外數十里老水貼岸

敵船可近岸一二里外停泊最為險要現築三合土大礮臺一座

土礮臺二座其餘營牆瀕海一而均照礮臺式堆築力求堅厚守

將為廣東水師提督曹克忠正定鎮總兵葉志超其後路撫甯永

平一帶以記名提督劉盛休銘字馬步十一營為接應山海關迤

西昌黎樂亭一帶小港甚多誠恐敵船擾我不備經會辦北洋事

宜通政使吳大澂派所部鞏字綏字等馬步十一營並新募三營

駐守臨時亦可相機南北援應此旅順大沽北塘及山海關等處

布置情形也至於奉天之營口礮臺工程為前關道續昌督修力

求堅緻今始粗完口外有攔港沙一道內為遼河水淺不通輪舟

經奉天將軍及臣先後派委記名提督左寶貴等帶勇七營防守

該處海濱平衍無形勢可據無城池可守只一通商碼頭且食水

須取之四十里以外惟陸路距濟陽僅三百六十里應由該將軍

派隊接應後路以固邊圉山東之煙臺濱臨大海有山無險有市無城雖築有通伸同礮臺一座形勢太孤現亦未安巨礮無陳士杰派兗州鎮總兵全祖凱帶八營駐守煙臺後路夾河地方伺敵上岸可以出隊兜擊登州府城臨立海崖之上撫臣陳士杰委前濟東道李宗岱帶八營與登州鎮蔡國祥分守府城內外以上二口距直稍遠而距京更遠該省兵餉兩絀布置不過如此亦限於力量之無如何茲遵

旨繪具北洋總圖一紙凡各處海口礮臺若干統兵何人兵數幾何一一詳載又具大沽北塘山海關營口旅順口煙臺登州七處分圖共七紙其山水曲折臺壘駐紮處所並按地位摹繪又旅順口黃金山礮臺係延德弁漢納根仿德國新式築做臺形匾而小兵房子藥房均藏臺牆之內敵礮難以攻入非紙畫所能畢肖因

奏稿五十一

製木樣一具又山海關甯海城礮臺緊臨深水易受敵礮故築做力求堅厚臺牆外包沙土內減子藥頗為勞費工作半藉兵力三年始成亦製木樣一具一併恭呈御覽謹摺詳細覆陳伏乞

皇太后

皇上聖鑒訓示謹

奏

奏留馬建忠片 光緒十年七月二十三日

再欽奉七月初六日寄諭道員馬建忠熟悉洋務現在總理各國事務衙門需人著李鴻章密飭即日來京豫備引見等因欽此當經密飭遵照惟查該道馬建忠前因法人啟衅飭往上海確探軍情隨時密報俾不相機因應並以宣戰之後由滬解赴閩粵及北路鎗礮要件各船不肯裝載又飭會同委員密雇商輪設法轉運以資接濟該道熟悉洋情公法辦理尙能妥慎現值戰守機宜喫緊偵探轉運均關重要一時難更生手致有貽誤擬請暫緩北上俟軍務稍鬆再行給咨來京理合附片具陳伏乞

聖鑒謹

奏稿五十一

奏

旅順電綫移撥經費摺 光緒十年八月初一日

奏為遵

旨趕辦山海關營口至旅順口沿海陸路電綫以通軍報請將迫
提浙典練錢項下不難餘款移緩就急撥作經費免誤要工恭摺
仰祈

聖鑒事竊山海關營口至旅順口皆北洋沿海緊要之區分駐各
軍築臺扼守文武將領往來文報動輒逾月經旬若海道梗阻則
消息難通非起設電綫無以速調度而赴事機前以此路皆係軍
報商股不能招徠北洋又無巨款驟難安設曾於籌辦津沽北塘
至山海關電綫摺內陳明近因法人兵艦聲稱不日北來沿海防
務喫緊疊在總理衙門來電營口旅順口等處應設早綫以通消
息並欽奉

奏稿五十一

奏

諭旨速辦等因臣已飭署津海關道盛宣懷等趕緊派員率同洋
匠查勘設綫路徑一面速購電綫器具木料運解應用昨復以山
海關至營口為一段營口至旅順口為一段派員馳往分投興工
以期剋日成事查自山海關至旅順口約計陸程一千五百餘里
且較內地弓步里數為長據約估需銀十萬兩左右臣緘商奉天
將軍臣慶裕府尹臣裕長覆稱奉省無款可籌直隸餉需極絀艱
窘異常更難設措惟查有追提浙江典商原領練餉制錢成本二
十萬五千串除歸還上年借墊順屬賑需不敷銀二萬三千一百
餘兩計尚可合銀十萬兩有奇前經
奏准提銀十萬兩購糧運京平糶已動用銀二萬六百九十餘兩
現在平糶停止計尚餘銀七萬九千三百餘兩刻值戰事已成山
海關營口至旅順電綫尤關緊要必須遵

旨趕辦仰懇

天恩俯准將前項銀七萬九千三百餘兩儘數撥作安設電綫之
用以應急需而免貽誤其不敷之項臣再督飭支應局司道竭力
設法籌湊並令各員核實撙節辦理事竣分晰開報所有電綫工
程緊急請將平糶餘款撥濟緣由理合恭摺由驛具

奏伏乞

皇太后

皇上聖鑒訓示施行謹

奏

奏稿五十一

奏

准軍支款請循舊辦理摺 光緒十年八月十一日

奏為准軍各營支款與楚軍刊章開有未符均係勢所必需歷經奉部准銷應請循舊辦理恭摺仰祈

聖鑒事竊准戶部咨開准軍第十一案報銷冊造專統官提督周盛傳吳長慶劉盛休每月薪費加夫按照所帶人數計算皆與定章不符惟劉盛休業據奏明專統並無白帶坐營所支薪費各項係參酌定章加給周盛傳吳長慶亦係專統事同一體俱在開支又盛字等軍分統各官並差弁月支薪費夫價等銀亦係續添隨冊請支之款查與歷次准銷銀數相符應准支給仍令將各營開支款項凡有定章外加增者認真裁併報部並將駝騾確查現存若干按數支給餵養等因臣查准軍案內統領月支薪費加夫銀兩原比照刊章所統人數核給凡營數較多之軍月於管帶內揀

奏稿五十一

天

員分統以資鈐束亦按分統人數酌給薪費嗣因先後裁營人數較減開與定章未符惟籌辦海防事關重要既與內地防軍練勇有別疊飭改練西洋鎗礮修築礮臺營兼辦地方水利河工屯墾各事需用浩繁核計原有員弁及原給薪費僅可敷用是以未能減裁仍再三審度限以定數應奉部議核明准銷有案誠以軍中要需必不可少若於向所應有者驟為裁減所省無幾而刻覈太甚或以不肖之心慮之更恐別滋弊端且非激勸忠義之道況現值法人開盤海防喫緊正督嚴備戰守尤宜固結軍心使其踴躍用命前支各款雖與楚軍刊章稍有未符之處實皆隨事權宜擬定勢所必需並無分外糜費礙難裁併應請循照歷年舊章辦理以免紛更而示體恤至各營駝騾隻數前已委員確查除倒斃外即照實存之數為額核給餵養各營續有買補不在添給餵養

較之從前原發銀數倍加節省而於行軍轉運裨益良多據報銷局司道具詳前來應專摺據實陳明繕單敬呈

御覽伏乞

皇太后

皇上聖鑒敕部查照謹

奏

奏稿五十一

元

謹將准軍案內開有未符刊章酌定支給歷奉部在銷各款繕具清單呈

御覽

計開

總統分統會統帶各官薪費加夫項下

盛字等軍專統官一員月支薪費銀二百兩加夫三十名

銘字等軍專統官一員月支薪費銀二百兩加夫三十名

慶字等軍專統官一員月支薪費銀二百兩加夫二十名

親兵馬隊三營一哨管帶兼統帶官一員月加薪費銀五十兩

盛字步隊左軍一營管帶兼分統官一員月加薪費銀一百兩

盛字步隊右軍一營管帶兼分統官一員月加薪費銀一百兩

盛字馬隊五營一哨四棚管帶兼分統官一員月加薪費銀一百兩

百兩

銘字步隊左軍四營管帶兼會統官一員其月加薪費銀一百兩

加夫十名

銘字步隊右軍四營管帶兼分統官一員月加薪費銀一百兩

加夫十名

銘字楚軍馬隊五營一哨管帶兼會統官一員其月加薪費銀一百兩

百兩

慶字親兵步隊六營管帶兼分統官一員每員月加薪費銀一百兩

百兩

護衛親軍營內開花礮隊帶官一員月支薪費銀五十四兩

查前項總統分統會統各員薪費均必不可少之需其加夫每名日支銀一錢歷經由部非銷有案

文武官弁隨營辦事支應轉運餉械差遣各員薪糧項下
一 郎中員外主事翰林院六七品官月支薪糧銀四十兩至六十兩

道府月支薪糧銀三十兩至五十兩

同通州縣月支薪糧銀二十兩至四十兩

佐雜各官月支薪糧銀十二兩至二十四兩

提鎮月支薪糧銀十二兩至四十二兩加夫三名至六名

副參游月支薪糧銀十二兩至三十六兩加夫三名至六名

都守千把月支薪糧銀十兩至三十六兩加夫二三名

查前項文武官員各營差弁向由統兵大臣察酌事務繁簡分別委用其薪糧多寡及加夫亦按差使煩簡酌定若論官階比照例支銀數通計有減無浮節省較多歷經在銷有案

馬隊營哨長夫項下

護衛親軍馬隊二哨長夫二十名

親兵馬隊三營每營五十名又一哨七名

盛字馬隊五營每營五十名又一哨二十名

銘字馬隊三營每營五十名又一哨十名

楚軍馬隊二營每營五十名

查前項馬隊營哨長夫係自勘捻起援照步隊酌給以為隨營搬運之用每名日支銀一錢歷經在銷有案

步隊營哨駝騾項下

親軍礮隊營駝騾二十頭

盛字步隊營哨駝騾六隻駝騾二百九十四頭

銘字步隊營哨駝騾六十三隻駝騾二十九頭

一慶字親兵步隊各營駝騾二百八十頭

查西征案內迭購駝騾駝並奏調蒙古捐駝分發各營運載應用原定每營月給餵養銀一百兩凡一營六哨者月給銀一百五十兩嗣因原撥駝騾陸續倒斃即經委員查明以實存確數為額按照每隻頭均日支餵養銀一錢並不另給夫工較之原發銀數倍加節省各營每以糧餉軍械全賴駝騾馬匹馱運因有倒斃陸續由營購補致多於原驗存數均批飭仍照前次查驗之數為額以示限制不在請增餵養歷經准銷有案

以上各項皆為軍營要需勢難裁併應請循舊辦理

奏稿五十一

臣

查覆王可陞奏款捐光緒十年九月初四日

奏為查明總兵並無剋扣馬乾各款恭摺仰祈

聖鑒事竊臣欽奉光緒十年六月十二日

寄諭有人奏參宣化鎮總兵王可陞各款前據李鴻章奏五月二

十二等日王可陞稟報克什克騰旗魚泡子地面匪徒滋事派宣

化練軍馬隊前往剿辦續經奏報該練軍於閏五月初五等日出

隊迎剿斃匪多名茲據所參此次股匪起事閏五月十六日經該

廳達報該總兵遣若罔聞十九日始派隊出緝核其日期係屬錯

誤至所參該總兵剋扣馬乾以致馬匹疲瘦閏五月十八日猶演

戲賀壽各節是否屬實著李鴻章確查具奏等因欽此當飭口北

道吉順就近密查據實具覆旋據該道稟報前來臣查口外克什

克騰旗魚泡子係蒙古游牧地面非宣化鎮管轄此次匪徒起事

因蒙古不令捕魚殺斃多人頓生變亂該總兵王可陞聞報後不

分畛域立派練軍馬隊馳往剿辦即於閏五月初五初十等日在

畢流溝三義泉等處斃匪五六百人我兵亦受傷十餘人並無隊

官被賊轟傷該總兵正值染患時瘟病體少愈即力疾出邊督辦

原參閏五月十六日該總兵據報遣若罔聞十九日始派隊出緝

實屬錯誤業蒙

聖明洞鑒應毋庸議至所參每屆五六月各兵應領馬乾全數扣

下令該兵等在外牧養所部之勇有散入賊隊者遇事馬匹疲瘦

均不得力一節查該鎮綠營餉乾向山口北道發交各營散放不

歸鎮署經理其練軍餉乾係該總兵派弁赴省領回轉發營哨官

散放前因宣郡城垣破過甚派練軍馬隊與修將馬匹雇人在

外牧養除於乾銀內核給受雇人工費其餘悉數撥交各兵自用

並無絲毫剋扣該練軍隊伍整齊馬匹並無疲瘦向稱得力為官民所共知更無在營之兵散入賊隊情事又原參演戲賈壽一節係因雨澤應時秋收可卜羣議演戲酬神以申祈報既非該總兵之意尤與賀壽行樂者不同復查王可陞前隸將軍多隆阿麾下卓著戰功在宣化十餘年紀律嚴明軍民和洽餉乾一切歷來涓滴歸兵毫無剋扣並將駐防庫倫練軍所需米粟乘減價時核實購運設法節省銀兩按名分給以恤兵艱其於捕務亦甚認真屢獲首要盜犯此次魚泡子之眾若非該總兵迅速越境督剿斃其悍黨數百人賊勢未必就殄若非該練軍耐勞忍苦遠道窮追餘賊未必即平宣化城工浩大頻年督軍修葺口不言勞而於采辦物料尤能格外核實計節省經費四五萬兩此該總兵實心任事之大略也臣仍飭其隨時益勵勤奮以固邊防所有查明被參各

款均無其事理合恭摺陳伏乞

皇太后

皇上聖鑒謹

奏

撥濟軍洋鎗片

光緒十年九月初四日

再臣欽奉八月二十八日

寄諭鮑超前次繳存天津洋鎗著李鴻章速即解交應用如存件業已撥付他營即著另行籌撥等因欽此遵查鮑超所部軍前次繳存前膛洋鎗多係銹舊損壞之件經臣飭局揀選可修者分別修整陸續撥發察哈爾山西等處及晉慶各軍海防各營揀用其餘皆不堪修理不適於用未便解交現值防務喫緊各省紛紛請撥實有兼顧不遑之勢惟鮑超募營遊役待用孔殷不得不竭力籌濟茲飭局設法勻湊新修前膛洋鎗二千桿派委副將陶士傑妥慎督解刻日雇搭商輪運赴上海換搭長江輪船轉運漢口宜昌再換民船解赴夔州交收自津至滬船價飭天津支應局核發自滬至漢口自漢口至宜昌船價飭江海關道核發自

宜昌至夔州船價飭宜昌川鹽釐局核發並飛咨江蘇湖北各督撫

轉飭遵辦妥為照料以利進行暨各鮑超查照外所有酌量撥濟軍洋鎗緣由理合附片覆陳伏乞

聖鑒謹

奏

京引展期復額摺 光緒十年九月初四日

奏為京商銷滯累深原停引自仍難復額請再展限五年藉保課本恭摺仰祈

聖鑒事竊查長蘆京綱額引七萬二百餘道前因引多銷滯各商包課力實難支經前督臣何國藩奏請停引二萬道餘令勉力辦理俟行市暢旺相機議加旋准部議以五年為限嗣於同治十三年光緒五年兩次限滿均經臣奏准推展五年扣至光緒十年底又屆限滿此五年中疊飭運司督商設法疏銷並嚴定月銷成數認真考核無如京綱額引過多自道光二十八年查辦案內每引又加鹽一百五十斤鹽包增重銷數益滯雖停引二萬道而現行之引尚有五萬二百餘道計光緒六年僅領銷引三萬二千八百六十七道七年僅領銷引三萬三千五百五十九道八年僅領銷引三萬五千三百三十九道九年僅領銷引三萬六千六百六十一道本年秋關將竣僅領銷引二萬八千九百五道均不及減騰五萬二百餘道之數實緣銷路有限勢難多領其滯引課幣仍須各商包賠且京外銀錢市價長落不齊其中又有折耗頻年地方災歉鹽價運腳亦較從前倍昂商累甚深若將停引二萬道責令復額則必多賠二萬引課幣力更難支恐紛紛參追轉於離綱有礙據京商恩裕泰等遞情稟由運司額勒精額詳請
奏展前來臣查目今時艱幣絀但可多增一引即多一分課款曷容稍涉推延惟引數必以銷數為衡現引既尚未銷完實有不能再加之勢商情窘迫即使勉強抑勒徒多參懸仍無實濟相應仰懇
天恩准將京商原停引二萬道自光緒十一年起照案推展五年

以恤商艱而保課運俟限滿察看銷數如能暢旺再行議加仍飭運司實力督銷漸圖復額所有原停京引請展年限緣由理合繕摺具

奏伏乞

皇太后

皇上聖鑒訓示謹

奏

奏稿五十

七

旅順電綫酌提奉餉片

光緒十年九月初四日

再前因起辦山海關至營口旅順口沿海陸路電綫約需銀十萬兩左右奏請將平糶餘款銀七萬九千餘兩撥作工用已奉諭旨允准其不敷之款經臣等商奉天將軍府尹臣擬於長蘆積欠奉餉內酌撥津貼准慶裕長糧稱安設此路電綫直奉軍情迅速可通本省諸應籌助工費請提欠餉地注等因查近來蘆岸遭災歉銷滯商疲每屆徵起課銀不敷京奉本年要餉本難再還欠餉惟現值戰事已成此項電工關係直奉軍報業經遵旨趕辦需款孔亟不得不勉為其難設法籌湊仍據運司額勒精額於運庫各款內竭力借墊銀二萬兩作為奉省津貼電工要需即抵解同治五年長蘆節欠奉餉仍責令各員核實節節辦理事竣分晰開報不准絲毫浮糜所有山海關至營口旅順口電綫工

奏稿五十一

奏

需緊急現由長蘆欠解奉餉內酌提濟濟緣由除分咨外理合附片具陳伏乞

聖鑒敕部查照謹

奏

近省隄河工程摺

光緒十年九月初四日

奏為光緒十年附近省城隄河歲修工段丈尺動支銀數循案開單奏報仰祈 聖鑒事竊照附近省城隄河工或工段縣長或地居險要皆關民生利害須認真修防前經奏定每年於清河道庫河淤地租項下撥銀三千兩以為各工采購料物搶修之用免其遺冊報銷經工部覆准仍令工竣時開單奏報嗣因河淤地租不敷動支又經奏准在於清河道庫船稅夫生息項下撥年動撥在案光緒十年開凍後即飭照數撥給銀兩購備椿料費成前任清河道史克寬駐工督辦本屆伏秋汛內雨水過多高漲及濤龍趙王等河異常盛漲大溜湧拍岸激隄西旋水勢高漲狂風巨浪撞擊千里長隄雄縣趙村大壩迎溜頂衝隨相隨毀均甚危險該道督率

奏稿五十一

奏

印委分投設法搶修數月之力一律保護平穩據史克寬會同藩臬兩司將工段丈尺動用銀數遵照定章詳報前來除民夫土方等項仍歸民辦外所有搶修椿料用款撥核無浮理合開具簡明清單恭摺具

奏伏乞

皇太后

皇上聖鑒敕部知照謹

奏

謹將光緒十年附近省城隄河各工歲搶修工段丈尺動用銀數開具簡明清單恭呈御覽

計開

一 雄縣等處清河各隄險工開段共長四百五十丈搶修材料共銀四百二十七兩五錢
一 任邱等處千里隄並趙王河等隄險工開段共長九百五十二丈搶修材料共銀九百七十五兩一錢五分
一 祁州安平博野蠡縣高陽等處滹龍河隄險工開段共長一千三百五十二丈搶修材料共銀一千三百三十六兩五錢
一 雄縣趙村大壩邊壩滄陷共合工長二十八丈搶修材料共銀二百六十六兩

以上各工共用銀三千零五兩一錢五分除領銀三千兩全數支用外計不敷銀五兩一錢五分已照數籌補理合陳明

籌辦團練摺

光緒十年九月二十一日

奏為籌辦天津及畿東一帶團練恭摺陳仰祈

聖鑒事竊臣欽奉閏五月二十一日

寄諭御史趙爾巽奏海防緊要宜兼籌團練一摺天津民情可用辦理團練可輔兵力之不足著李鴻章慎選該處公正紳士由

地方官統率舉辦又奉七月十四日

寄諭太常寺卿徐樹銘奏畿東辦理團練著李鴻章舉道遠周家

相悉心會商妥議具奏又奉八月十七日

寄諭徐樹銘奏稱團練難緩請派京員前往督辦一摺舉行團練

所以補助官軍嚴緝奸宄必須經理得宜期於有利無弊著李鴻

章舉道遠周家相督飭地方官紳將畿東一帶團練妥為辦理各

等因欽此臣查民間雖可助兵力之不足惟自咸豐年間軍興以

來各省辦團鮮收實效或滋流弊誠如閏五月二十一日

聖諭如聚眾鬪抗官滋事或藉端逞忿任意燒毀洋樓教堂別

生枝節且值民窮財匱之時尤慮派捐擾累臣曾於去臘奏覆海

防事宜片內略陳在案今春有天津舉監等呈請團練飭據天津

府知府汪守正查復所呈各節並無把握亦非公正紳士其時兵

衅未開暫緩置議嗣因海防戒嚴飭天津司道等妥細籌辦旋據

遼集公正紳士商議擬就津郡水火會挑選精壯八千四百人鄉

甲局挑選精壯二千人其通商碼頭勇健之夫亦在其內公舉在

籍翰林院庶吉士高凌霨等經理即由道司天津道津海關道督

同府縣與該紳等妥辦並以津紳記名提督鄧啟元河營守備郝

慶瀾派充管帶按期輪班操練由官添給軍械與舊存團防軍械

搭配應用查照舊章酌收城廂舖戶房捐酌資經費月由該司道

等籌築商富捐資陸續抽練團一千人日給口糧常川操習俾
 成一隊略助聲勢至畿東一帶上與府尹臣咨商會商飭該管
 道府州縣察酌舉辦順屬清河縣之蘆臺鎮先由府尹臣飭船捐
 局委員募勇二百名日給口分連鋪戶壯丁可合一千七百人實
 抵之林亭鎮並令商民集團此外順屬州縣亦擇要舉行其永平
 遵化各屬據覆邀商紳士辦理大致先由城關辦起按戶挑選精
 壯歸團每處數百人千餘人不等四鄉村鎮則各就情形或以數
 村十數村為一團平時仍各安本業或先辦保甲以十家為一牌
 戶出一人輪流支更有警鳴鑼為號齊集各丁援應並聯絡鄰莊
 守望相助所需經費暫由官紳酌量捐湊概不派斂擾民並據永
 平府知府福謙詳稱該府稽查海口所過臨榆撫甯昌黎等村鎮
 及郡城關廟各團一律整齊等情前來臣復查民團向章不能請
 發官帑況值庫儲奇絀閭閻災後困苦異常若專派團練大
 臣需費較巨無從籌措亦未必有實濟自應遵
 旨由臣等督飭各該地方官紳妥為辦理以專責成現在天津及
 畿東一帶已次第舉辦津郡商富較多集事稍易他屬應各照擬
 分別選丁歸團並行保甲聯莊之法勉以忠義務使平時嚴緝奸
 宄緩靖地面有警互相援應各保身家仍嚴明約束不得滋生流
 弊尤不准藉端逞忿別生枝節其沿海民船漁船並令逐處編查
 嚴杜接濟勾結其餘未盡事宜隨時督飭籌辦至徐樹銘原奏擬
 就順天捕盜營兵增募得力將士協同防守以為民團之倡接府
 尹臣來函捕盜營兵共七百餘名擬先調二百名至京駐紮操練
 仍更番調練以期一律嫻習月需加餉於順屬錢糧奏明添撥如
 須籌款增募之處應由府尹臣自行察酌辦理所有籌辦天津及

畿東一帶團練緣由理合會同兼管順天府府尹臣畢道遠順天
 府府尹臣周家相合詞恭摺陳伏乞
 皇太后
 皇上聖鑒謹
 奏

奏稿五十一

四

請豁積欠旗租摺光緒十年九月二十一日

奏為撥案請豁積欠旗租恭摺仰祈

聖鑒事竊准部咨欽奉光緒十年八月初五日

上諭本年恭逢

皇太后五旬萬壽仰維

福佑普被寰區率土臣民同深歡忭允宜推廣

仁恩覃敷閭澤所有各省節年正耗民欠錢糧及因災緩徵帶徵

銀穀並借給籽種口糧牛具及酒項釐課學租雜稅等項著將光

緒五年以前實欠在民者詳晰查明該省所屬某州某縣銀穀若

干速行開單具奏候朕降旨全行豁免等因欽此當經轉飭藩司

迅速詳晰查辦先行刊刻謄黃分頒各屬徧行曉諭毋任官吏胥

役影射侵漁在案茲據藩司崧駿詳稱直隸除民糧地外向有民

佃各項旗地完納官租與民糧事異實同光緒元年查辦豁免同

治十年以前積欠民糧等項曾於是年六月初九日欽奉

諭旨李鴻章奏請豁免積欠旗租一摺各省直省民欠錢糧業經於

本年正月開恩詔內分別豁免惟直省民佃旗地完納官租與民

糧事同一律近年災歉頻仍佃種旗地之民亦甚困苦著加恩將

直隸各州縣同治十年以前實欠各項旗租並各案補徵銀

兩一體豁免以紓民力等因欽遵在案今恭逢

皇太后五旬萬壽普天同慶光緒五年以前民欠錢糧等項已蒙

明詔豁免其佃種旗地之戶亦無不仰望

恩施且近復連遭災歉佃民同一困苦請援案奏豁等情前來相

應仰懇

天恩俯准將直隸各州縣光緒五年以前民欠各項旗地官租並

各案補徵銀兩除因災豁免外其實在民欠者一體全行豁免益

足以廣

皇仁如蒙

俞允即行司一併詳晰查明某州某縣銀數若干速行開單請奏

仍先刊刻謄黃徧行曉諭其徵存在官者勒限提解司庫不准稍

滋弊混理合會同兼管順天府府尹臣畢道遠順天府府尹臣周

家相恭摺具陳伏乞

皇太后

皇上聖鑒訓示施行再光緒五年以前旗租奏銷均已咨部合併

陳明謹

奏

奏稿五十一

呈

新募盛軍到津摺 光緒十年九月二十四日

奏為周盛波因母老暫緩起程新募各營早抵津防已飭據周盛波委員代統訓練以備調遣恭摺仰祈

聖鑒事竊 臣 欽奉九月初六日

寄諭前諭曾國荃傳知程文炳無庸赴閩即率營改駐崇明現據該督電稱崇明無須屯紮重兵程文炳一軍如已入閩境即著迅赴臺灣援剿周盛波新募各營改赴天津北塘一帶助防即電知曾國荃遵照辦理等因欽此當即欽遵電告曾國荃以程文炳所部已入江西距閩不遠自應仍令赴閩周盛波新募各營已經到直應仍留津助防請其轉飭遵辦去後旋接湖南提督周盛傳文稱代募新軍十營派委各管帶分投招選於八月杪先後抵營經臣派員點驗均甚精壯配給後膛鎗礮認真操練惟據週缺題奏

奏稿五十一

獎

提督前涼州鎮總兵周盛波函稱該提督之母年逾九旬左右侍奉無人悲痛強留不令遠行力保記名提督衛汝貴暫行代統等情臣查衛汝貴本係分統盛軍多年紀律嚴明識力強毅歷勦髮捻各逆營以偏師獨捍大敵堅不可犯近來講求泰西利器操法苦心焦思深得奧竅實准將出色之員應准將新募各營暫交衛汝貴督率訓練期成勁旅仍俟飭健周盛波到津再行接統如周盛波未到以前無論天津北塘各路一有警信即令周盛傳衛汝貴帶隊馳援氣誼素孚兵力較厚必可縱橫合擊掃蕩敵氛以仰副

聖主保固畿疆根本至意至程文炳一軍應遵

旨留閩由楊昌濬調遣相機援剿臺灣實屬兩有裨助所有新募盛軍到津暫行遴員代統緣由謹繕摺由驛具陳伏乞

皇太后 皇上聖鑒謹 奏

奏稿五十一

呈

接濟臺灣防餉片 光緒十年九月二十四日

再臣欽奉電

旨設法援應臺灣並接到銘傳電稱餉缺尤甚臺地值法船圍困之際商賈絕跡進款毫無軍士露宿苦守斷難枵腹從事將帥無銀支發亦不足以馭眾較遲解兵械尤急直隸雖奇籍異常而臺防盼餉迫切但有可以匯運之處必應竭力勻籌臣督同在津司道多方維艱據長蘆運司額勒精額面稱該司庫歷年商課內尙可湊撥銀十萬兩即於九月十二日密商英國怡和洋商機音迅速派船運往臺北淡水等處劉銘傳行營交收或交臺灣道驗收轉解又飭盛宣懷電商廈門紳士候選道葉文瀾就近與臺灣商富匯兌據葉文瀾電復可派夥潛度攜帶匯票向臺北各商收繳劉銘傳營中濟用臣又飭運司於歷年帑利項下借墊銀五萬兩

奏

仍俟收起課銀照撥歸款續於九月十九日由匯豐銀行匯交葉文瀾照數驗收轉匯濟急除節次電請總理衙門代奏並分咨福建督撫及劉銘傳查照外所有暫由長蘆運庫湊提商課帑利等項接濟臺灣防餉緣由理合附片陳明伏乞聖鑒收部查照謹

尖底船板勢難制勝摺 光緒十年九月二十四日

奏為尖底船板勢難攻敵制勝恭摺仰祈

聖鑒事竊准軍機大臣字寄本年八月十四日欽奉

慈禧端佑康頤昭豫莊誠皇太后懿旨神機營奏道員恩佑擬製造尖底船板輪船分布海面扼守海口如遇敵船遠近皆可攻擊著查照所奏悉心籌議酌量試辦等因欽此當經督飭水師及機器製造各員悉心籌議茲據統領水師總兵丁汝昌等稟復前來臣查恩佑原擬尖底船板係以人力搖柁用槳與輪船所帶之舢板式樣相同輪船舢板用十六槳行駛尙不甚快祇可空船渡人不能裝載軍火行戰今以十二槳為之即有尾輪亦不能快必為敵船追及其尖底原期輕捷破浪今實以二十餘人及鎗礮雷箭藤牌等件船載已重恐遇浪即傾敵激沈海上風波險惡巨舟

尚不易涉歷欲令舢板出沒洪濤揮如意與鐵甲輪船爭雄似非事理所有至諾等飛小礮管徑一寸二分每出之藥不足三兩遙擊無力近則必先受敵擊精利水雷非搖槳之小船所能拖裝洋火箭更非小舟所能取準恩佑以夷船雖大不能敵我之眾多夷礮雖巨不能擊我之散漫謂可圍攻制勝不知外洋兵艦鐵甲厚至尺許四面戰臺皆有鐵壁船係隔堵船係夾層斷非舢板小礮火箭所能攻破無論海面海口彼但往來衝駛輪動波翻舢板已把持不定且鐵艦皆有磁石木船觸之即裂若被橫直壓碰開放鐵砲子彈小舟薄脆雖多未有不沈燬者蓋如驅羣羊攻猛虎大小強弱之勢不敵也方今海戰大抵以鐵甲禦鐵甲則礮巨鐵厚調度靈捷者勝以鐵甲禦兵輪則有鐵甲者勝泰西諸國考究計算最精最確數十年窮力經營於鐵甲非好為炫奇因其有

實濟也小舟攢攻之說籌海者屢議而未敢行中國如有鐵甲船五六艘快船十餘艘魚雷艇二三十艘必可長驅而前與法艦決一勝負彼亦不敢正視若論以小勝大以多勝寡亦祇能用薄甲大礮快船及魚雷艇三五隻在海口圍攻一大艦追敵易及應變較速尙可用奇制勝若所擬舢板式樣在海面殊無把握似不必輕於一試徒糜經費理合恭摺據實覆陳伏乞

皇太后
皇上聖鑒謹

奏

奏稿五十一

辛

派船援閩擬用洋將摺 光緒十年九月二十六日

奏為遵

旨派船援閩擬令新募德國水師總兵統帶前往襄助恭摺密陳仰祈

聖鑒事竊照欽奉電

旨飭撥北洋兵船赴閩援剿臺灣經臣將派撥超勇揚威兩快船飭令豫備煤糧子藥即由旅順口起旋南下入江與南洋所派五船會齊密商相機前進電請總理衙門代

奏在案查北洋兵船除鎮東鎮西鎮南鎮北鎮中鎮邊蚊船六隻專備守口威遠康濟兩艘專作弁兵水手練船並無大礮均不便馳逐洋面接仗即超勇揚威快船兩號每船雖有二十五噸巨礮二尊而船身過小鐵殼薄僅三四分易為鐵艦大礮轟破穿沈

奏稿五十一

壬

從前在英廠訂購此船原擬與鐵甲船相輔而行可以巡探接應今德國定購鐵艦既為公法所阻急切不能駛回僅此兩船力量太單斷不足以禦大敵臣因旅順要口令該船駐泊其間與黃金山礮臺水陸相依立腳既穩出入夾擊可期得勁茲臺灣危急奉旨飭催派援明知法艦堅猛而多非中國現有兵船所能敵亦不得不勉強派撥與南洋各船略助聲勢統領水師天津鎮總兵丁汝昌前已奏明督帶蚊快各船扼守旅順與宋慶陸軍協力籌防現撥快船赴閩而蚊練等船必須實令該鎮督率布置旅順為津沽門戶防務極關重要勢難分身遠去其管帶超勇之儘先副將林泰曾管帶揚威之儘先游擊鄧世昌皆由船政學堂出身嗣又出洋學習熟諳泰西兵船規法操練頗為整齊第閱歷戰事尙少未可以當一面適有出使大臣李鳳苞遵

旨履募德國水師總兵式百齡改名萬里城到津謁晤英銳沈懿
 謀略甚優同治初年南北花旗之役曾為美國帶師船打仗據李
 鳳苞緘稱在德國水師中出色之員久經海上戰陣深堪倚任該
 員願告奮勇帶兩快船前往並謂法船先後來臺灣洋面者不下
 三十餘號中國師船單弱又經馬江大挫之後不宜輕試其鋒然
 亦不可不設法牽制北洋快船二號加以南洋快船三號並另派
 兩船如果管駕得人同心協力雖不能與法國大幫兵船鏖戰而
 在閩粵之交相機乘閒避實擊虛或可攻奪其單行小號兵船及
 運兵運煤糧之船察其所言洵屬知彼知己切中機宜臣詢之林
 泰曾等均樂與其事藉得觀摩之益因令該總兵馳赴旅順統帶
 兩船剋日開駛順過上海修理添煤約須就擱旬日再會同南洋
 派出各船相機密速前進惟接福州電報閩口馬祖澳近日法人

又添收船雖保不聞信截阻已屬式百齡與林泰曾等隨時確探
 情形察酌進止臣等均宜不為遙制庶免意外之虞除咨明兩江
 督臣福州將軍閩浙督臣知照外所有派船援閩擬令德國水師
 總兵統帶前往各緣由謹繕摺由驛密陳伏乞
 皇太后
 皇上聖鑒訓示謹
 奏

輪船聯絡德國水師片 光緒十年九月二十六日
 再外海輪船鐵艦駕駛測量行軍布陣法度為西人專門名家之
 學其將弁皆自少至老專力殫精互相傳習更事既多乃克有所
 成就緩急可恃中國創練未久勉效步趨將材非叫嗟能辦選當
 勁敵縱橫洋面實慮船礮人才一無可恃轉資敵用而損
 國威南洋派水師營務處吳安康統帶五船聞其各管駕未盡熟
 習海上風濤沙綫又未曾與北洋兵船會哨合操現令聯踪並進
 船隻甚單事機極險一切進止號令必須畫一整齊庶冀同舟共
 濟可否請
 旨敕下兩江福建各督臣轉飭該統帶等與德國水師總兵式百
 齡妥為聯絡商辦或有訓練未精見識未到之處可屬式百齡隨
 事幫同教練指示以增益所不能式百齡瀕行時與臣要約伊及
 所帶德弁儼臨敵陣亡求加倍卹銀以慰其家屬儼奪獲敵船求
 加倍賞銀以酬勞將士臣皆慨然允之藉以作其忠義之心而用
 其致死之力是否有當附片具陳伏乞
 聖鑒訓示謹
 奏

黃瑞蘭不堪任用片 光緒十年九月二十六日

再臣欽奉九月十九日

寄諭直隸候補道黃瑞蘭已諭令前赴天津著李鴻章將所撥輪船二隻即令黃瑞蘭會同帶往福建速援臺灣又奉九月二十一日

寄諭黃瑞蘭前在直隸是否得力有無劣蹟著李鴻章據實具奏各等因欽此遵查直隸試用道黃瑞蘭與臣同鄉同治元年調充上海前敵文案因招降太倉州逆匪事被賊囚禁旋經官軍克復該城救出嗣於光緒五年由工部主事指捐道員到省疊經委辦營務處及旅順口工程並未專辦水師營務於兵船規制用法懵無所知該員貌似質直而舉動任性辦事糊塗文武將吏皆不願與之共事迹其語言狂妄似有心疾者臣不敢任徇庇同鄉之咎是以撤去差使該員賦閑兩年時懷怨望復自行赴京鑽營保薦在言者或受其欺蒙而其人實不堪任用雖無實在劣迹可指若令會同統帶水師赴閩斷不可靠自應作為罷論理合據實覆陳伏乞 聖鑒謹 奏

李文忠公奏稿卷五十一

李文忠公奏稿

卷之五十二目錄

- 續發運軍鎗械片 光緒十年十月十五日
- 請照給津勝軍薪費片 光緒十年十月十五日
- 請飭催湖北撥還武毅軍餉摺 光緒十年十月二十六日
- 會奏吳大澂赴朝鮮摺 光緒十年十一月初三日
- 水師學堂請獎摺 光緒十年十一月初五日
- 奏保吳仲翔片 光緒十年十一月初五日
- 查覆蘇州新河情形摺 光緒十年十一月二十一日
- 查覆完固口工不可辦片 光緒十年十一月二十一日
- 查覆文大礙難開井製車片 光緒十年十一月二十一日
- 海防用款分別立案摺 光緒十年十一月二十一日
- 挪付鎗價片 光緒十年十一月二十一日
- 奏派德員緝譯片 光緒十年十一月二十一日
- 清釐藩庫摺 光緒十年十一月二十一日
- 各省電綫報銷摺 光緒十年十一月二十一日
- 覆陳海岸不能過敵摺 光緒十年十二月初一日
- 多倫木稅核實辦理摺 光緒十年十二月初一日
- 淮軍報銷摺 光緒十年十二月初一日
- 軍需交涉洋務片 光緒十年十二月初一日
- 提撥運庫存款辦防片 光緒十年十二月初一日
- 東明河工仍請東省協撥摺 光緒十年十二月初十日
- 礦務官本取償典恩摺 光緒十年十二月初十日
- 上海酌設臺捐局摺 光緒十年十二月十六日

155 107 丹 黃參日軍全書第 4 反文內

酌設海防捐輸局摺

光緒十年十二月二十日

奏稿五十二目錄

李文忠公奏稿卷五十二

全集一之五十二

續發運軍鎗械片

光緒十年十月十五日

桐城吳汝綸編錄

再欽奉九月二十九日

寄諭鮑超前存天津洋鎗等件據李鴻章奏稱除修整另撥他營外其餘不堪修理已另備前膛洋鎗二千桿派員解赴夔州著嚴催務期速到此外如尚有可撥鎗械及需用銅帽各件仍當設法接濟等因欽此遵查原撥洋鎗二千桿前據江漢關道電報已抵漢口刻日履搭輪船馳赴宜昌臣復嚴催解員副將陶士傑迅速前進此時計早到夔交收仍飭令津局竭力設法續撥前膛洋鎗一千桿洋鎗五百桿六響手鎗二百五十桿連前共撥三千七百五十桿合之四川原撥洋鎗二千四百桿已有六千餘桿又撥洋鎗所用大銅帽四百萬粒手鎗彈子卽丁字火十萬粒派記名總兵倪開珩於十月初八日履搭商輪運解赴滬換長江輪船轉運漢口宜昌再換履民船解赴夔州交收務期妥速以應急需其沿途水腳照案飭天津支應局江海關道宜昌鹽釐局核發並飛咨江蘇湖北督撫臣轉飭遵辦妥為照料暨咨鮑超查照外所有續撥運軍洋鎗銅帽各件理合附片覆陳伏乞

聖鑒謹

請照給津勝軍薪費片 光緒十年十月十五日

再廣東水師提督曹克忠經臣於去冬

奏准飭募津勝勇六營一哨駐紮山海關與正定鎮總兵葉志

超所部練軍四營聯絡操防以資控扼每月酌給統領薪水銀一

百兩公費銀三百兩差弁二十員每員月給薪水銀八兩業經咨

部在案戶部以與楚軍章程未符原奏亦未將從優支給公費聲

敘應將該統領每月支給銀一百兩其差弁二十員應刪除十員

等因查該軍原設差弁二十員誠以軍火糧餉均須由津轉運且

駐紮山海關內外地段較長彈壓巡查在在需人差遣茲既刪除

十員應自此次接奉部文截至十年八月十五日止祇用十員前

經發過薪水請免追繳以示體恤至曹克忠係專閩大員營務既

繁公用較巨如辦理文案書識隨營工匠人等薪工口食及往來

公贖心紅紙張費皆增培且親兵小隊一哨薪糧之外並未另給

公費其旗幟各項須由統領備辦並各營勇夫隨時操防工作犒

賞皆取資於統領薪費之內前定月給薪水銀一百兩公費銀三

百兩僅可敷用實難核減該軍扼守邊關濱海要地正值防務喫

緊凡必需之款不得不酌量核給藉以固結軍心並非分外糜費

仰懇

天恩俯准照原定薪費銀數給發俾資辦公而免賠累伏乞

聖鑒敕部查照謹附片具

奏

請飭催湖北撥還武毅軍餉摺 光緒十年十月二十六日

奏為湖北短解武毅軍餉疊經設法墊放現實無可籌墊請

旨飭令迅速撥還並將嗣後月餉提前搭解以贖飢軍而重

畿防恭摺仰祈

聖鑒事竊查武毅步隊三營馬隊一營光緒六年因俄約未定京

東海防喫緊由鄂調直歸直隸提督李長樂統轄駐紮蘆臺一帶

所需月餉欽奉

諭旨仍由湖北源源解濟等因欽此歷年以來均係先期籌備搭

交湖北轉運局運至天津行營銀錢所代為核放近來開有短欠

即由津所暫為挪墊然皆隨墊隨還從無積欠鉅款如今歲之甚

者該軍餉項本年僅據鄂局解到四關李長樂因軍士枵腹荷戈

飢譁可慮疊次來津商借臣以畿防關係重要不得不勉應其請

節經飭所移緩就急儘力籌湊先後墊放銀至五萬四千一百餘

兩之多一面咨催湖北迅即如數撥還以清墊款迄今尚無報解

消息而該軍急待支放前墊未完後關旋至指望毫無准餉異常

枯竭現存銀兩散給本營口食實慮不敷周轉不但無可通融且

亟盼此項歸還稍救眉急既有自顧不遑之勢又無坐視呼號之

理蘆臺為北塘後路現值法夷開畔海防戒嚴屢飭該軍加勁操

練嚴備戰守必須士飽馬騰方能固結軍心若懸釜待炊飢寒交

迫怨咨之餘相率潰潰將誰歸溯查河南毅軍九營與武毅四

營同時奉調北來均奉

旨由本省濟餉今河南於毅軍餉需照章籌解毫無缺乏武毅一

軍拱衛

神京所關尤重下寶第彭祖賢素顧大局其於根本重地斷不致

漢不關懷相應請

旨飭下湖北督撫嚴飭司道迅將前項墊款剋日如數撥還並懷

遊前次

諭旨源源解濟將該軍嗣後月餉提前搭解以贍飢軍而維大局

臣為畿防緊要起見謹繕摺由驛具陳伏乞

皇太后

皇上聖鑒訓示施行謹

奏

奏稿五十二

四

會奏吳大澂赴朝鮮摺 光緒十年十一月初三日

奏為遵

旨會商查辦朝鮮事宜恭報 臣大澂由津啟程日期仰祈

聖鑒事竊 臣等於光緒十年十一月二十五日接奉十月二十四日

上諭據李鴻章電陳朝鮮又有內亂似由日人播弄主持擬請派

員查辦等語著派李鴻章吳大澂會同規畫一切事宜吳大澂接

奉此旨即著酌帶數營馳赴朝鮮邊界察看情形或徑至該國都

城查辦或會商慶裕籌畫邊防由該京卿迅速定議前有旨令續

旨隨同慶裕辦理海防本日已諭知速即起程與吳大澂同赴朝

鮮會商一切等因欽此當由 臣鴻章電致 臣大澂迅即來津面商

調度再赴朝鮮 臣大澂由樂抵津日期曾經具摺報明在案 臣等

連日籌商揣度日本政府未必遽有開衅之意似未便多調陸隊

致啟其疑惟華軍往來朝鮮口岸不能不派營紮守以通消息免

致水陸梗阻先已電致旅順飭道員袁保齡飛調現駐金州之管

帶慶軍正營參將方正祥酌帶步隊一營乘輪船前往朝鮮馬山

浦登岸駐守並飭統領水師天津鎮總兵丁汝昌俟超勇揚威兩

快船調回旅順即由該鎮統率各船先行駛至馬山浦水陸相依

為緩急進兵之路以備不虞仍電飭丁汝昌於抵馬山浦後傳諭

駐朝各營堅壁勿動以待 臣大澂至朝查明設法排解現因大沽

北塘封凍甚堅奉天陸路距朝過遠聞山海關深水高坡之地尙

可設法上船一面電致上海旗昌洋棧雇用商輪剋期駛至山海

關以便航海遊發免誤事機 臣大澂定於十一月初四日由津起

程赴關約計續昌到津亦可同行至昌黎樂亭一帶 臣大澂所部

馬步礮隊十三營現可不調暫由 臣鴻章督飭該軍統領嚴密操

奏稿五十二

五

防不致懈弛臣大徵酌帶健勇四百餘人攜帶後門洋鎗隨身防
護亦足以資捍衛總之以查辦朝鮮亂黨為名立意不與日人開
衅即使情詞詭譎難以逆料但可與口舌相爭妥為調停或不
以兵威相脅俟臣大徵行抵朝鮮查明該國亂黨起事根由再行
詳細

奏報遇有要務當由旅順電報局密電臣鴻章隨時電

奏請

旨遵行所有臣等會商調度及臣大徵由津啟程日期恭摺合詞

由驛六百里馳

奏伏乞

皇太后

皇上聖鑒謹

奏

奏稿五十二

六

水師學堂請獎摺 光緒十年十一月初五日

奏為天津水師學堂辦有成效援案擬保俸資鼓勵繕單恭摺仰

祈

聖鑒事竊查北洋籌購快鐵甲等船以管駕員弁需材甚亟經

臣於光緒六年七月內奏請於天津建設水師學堂請

旨飭派前船政大臣光祿寺卿吳贊誠駐津督辦嗣吳贊誠因病

回南就醫復經臣奏派二品銜分發補用道吳仲翔駐局總辦各

在案迨七年七月學堂落成始添招學生入堂肄業其時北方風

氣未開學生入堂之初非惟於西語西學咸所未聞即中國文字

亦僅粗通經飭監督各員嚴加約束教習各員認真課導欲其於

泰西書志能知尋繹於是授以英國語言繙譯文法欲其於凡諸

算學洞見源流於是授以幾何代數平弧三角八綫欲其於輪機

礮火備諸理法於是授以級數重學欲其於大洋駕舟測日候星

積算稽刻以知方向道里於是授以天文推步地輿測量其於駕

駛諸學庶乎明體達用矣然猶慮其或失文弱也授之鎗俾齊步

伐樹之棍俾習升降矧其技藝即以練其筋力猶慮其或鄰浮薄

也教之經俾明大義課以文俾知論人倫其靈明即以培其根本

為之信賞必罰以策其倦怠為之月校季考以稽其知能蓋自開

堂以來一日之閒中學西學文武事量暑分時兼程併課數更

寒煥未嘗或輟疊經季考諸生課業月異而歲不同今年春秋兩

季經臣飭派委員羅豐祿遊同英俄兩國水師兵官到堂會考該

兵官等會謂歐洲水師學堂所留以俟上練船後指授之學此堂

均已先時預課羅豐祿亦謂堂中所授繁難諸學多為從前闕厥

駕駛學堂洋教習所未及課計自開堂以來甫及三年而駕駛頭

頭

奏稿五十二

七

班學生伍光鑑等三十名均已畢業堪上練船又課成肄業美國
回華學生王鳳階等九名或充學堂幫教或經分派各船成效歷
有可稽伏思水師為海防急務人材為水師根本而學生又為人
材之所自出臣於天津創設水師學堂將以開北方風氣之先立
中國兵船之本茲際成效初收允宜甄陶在事激勸來茲庶幾人
材可期輩出查廣東設立同文館招募學生課以西國語言文字
每屆三年奏請分別給獎有案天津水師學堂所課西國語言文
字特其一端此外諸學視同文館實相倍蓰在堂各員弁盡心教
導洵屬異常出力學生亦攻苦逾恆現已屆滿三年著有成效據
總辦道員吳仲翔詳請援案奏獎前來臣查泰西各國水師強盛
皆以學堂為根基中土創辦之初不得不多方誘掖冀收拔十得
五之效理合酌擬獎敘繕具清單恭呈

奏稿五十二

八

御覽仰懇

天恩俯准照擬給獎以資鼓勵伏乞

皇太后

皇上聖鑒訓示謹

奏

奏保吳仲翔片 光緒十年十一月初五日

再二品銜分發補用道吳仲翔於同治十三年經前船政大臣沈
葆楨奏派船政局提調光緒六年請咨赴部時值天津創辦水師
學堂經臣於七年四月奏派該道駐局總辦以資熟手計自開辦
後已越三年在堂肄業諸生學有成現由臣援案另摺奏請獎
勵查該道吳仲翔才大心細體用俱備前在船廠七年於西洋水
師規制實力講求能任勞怨光緒五年六月經前船政大臣吳贊
誠附片奏保以該道留心海防通曉洋務堪勝海疆繁缺道員之
任請

交軍機處存記奉

旨留中在案茲天津水師學堂創辦之始選募學生肄習中西學
業為培養水師人才根本該道約束課導條理精詳現已漸有成
效所定課程規模均臻妥善目今中國自強之計以整頓兵船為
第一要義該道品學兼優於船務經營最久探討最深堪以幹濟
時艱可否仰懇

奏稿五十二

九

天恩准將二品銜分發補用道吳仲翔仍

交軍機處存記酌予

簡用之處出自

逾格恩施伏乞

聖鑒訓示謹附片具

奏

查覆獻縣新河情形摺

光緒十年十一月二十一日

奏為遵

旨確查獻縣河工實在情形請將朱家口開壩減水工程無庸議

辦仍於上游四十八村設法補救恭摺仰祈

聖鑒事竊臣欽奉光緒十年九月二十九日

上諭都察院奏直隸生員楊廷昕等呈訴毀壩改河關係民生利

害請飭覆勘一摺前據太常寺卿徐樹銘奏獻縣新開橫河並堵

塞古洋河該處淹灌成災當諭令該京卿馳往履勘旋據勘明覆

奏擬將古洋河堵塞之處恢復深通由東北引入子牙河即經諭

令李鴻章等按照所擬撥款籌辦茲據生員楊廷昕等呈稱此次

改挑新河地勢不宜築隄必遭潰決為南岸三百餘村及下游九

州縣之患繪圖遞陳又據民人宋宅三等呈稱前濬朱家口至臧

家橋新河一道首尾絕無壅滯北岸隄壩足資保障南岸缺口洩

水田禾成熟懇仍留新河各等語所呈各節是否於地勢民情實

有窒礙抑係藉詞阻撓著李鴻章畢道遠周家相確查實在情形

具奏等因欽此並准都察院工部咨送楊廷昕等原呈圖說暨府

尹臣咨請確查主政會辦前來臣查獻縣河工自徐樹銘具奏後

疊據獻縣北岸及河間肅甯任邱雄縣霸州保定文安大城等九

州縣紳民赴臣及府尹臣並各該道府州縣衙門紛紛呈訴大致

謂原開獻縣新河有益現擬開壩放水有害業飭天津道等勘議

在案欽奉前因臣復遴派天津道李邦楨署清河道劉樹堂津海

關道周復候補道吳廷斌前往督同官紳逐細查勘測量體察地

勢民情據實具覆茲據李邦楨等稟稱查楊廷昕等原呈謂徐樹

銘擬於獻縣朱家口改建石壩分滲沱之水過八里橋官莊窪出

念祖橋入子牙河地勢不安且謂八里橋低於朱家口一丈有餘

官莊窪底與子牙河底相平地低則難於地中挑河必在地上築

隄一遇盛漲水勢建瓴直下必至崩潰南岸潰則河獻肅三百餘

村盡付波臣北岸潰則獻縣以下九州縣盡成澤國等語是八里

橋官莊窪兩處地勢高低為此案減水一大關鍵該道等帶領精

於儀器委員由朱家口下至八里橋東五十二里七分俱從古洋

河身測量實上高於下一丈二尺二寸八里橋平地至官莊窪四

十一里實上高於下一丈二尺官莊窪至念祖橋十五里計窪地

高於子牙河底一丈九尺三寸此一丈八里之閒總計上高於下

四丈三尺有奇勢若高屋建瓴是以一聞開壩放水民情驚懼遞

呈之楊廷昕等數十人均至該道等行次並片有紳民曹靖邦等

六百六人哀懇免其開壩又遞呈一百二十二紙其河閒府縣及

該州縣亦各往見或具稟投遞該道等詳加詢問僉謂漳沱本入

子牙河自同治七年由藁城北徙旁入古洋河該九州縣常遭昏

墊幸於光緒七年經前任清河道史克寬在朱家口築壩挽復子

牙故道民慶更生今若開壩放水挑一百八里之減河增二百餘

里之新隄毋論官守民守俱屬不易且減河之南有河獻肅三百

餘村夾裹在內縱使不決而東迫於子牙河隄西迫於減河隄南

北兩隄又復相交懸水亦無從宣洩即或附建閘座涵洞一遇盛

漲水面高於平地斷難開放若漫決則水勢更大民命莫保所謂

南岸潰則三百餘村盡付波臣也減河之北則為古洋河舊道地

木窪下水所必爭隄防偶一不支則北岸一帶復成巨浸前功盡

棄滲沱猛悍異常人力幾何安能必其三分北而七分南所謂北

岸潰則九州縣盡成澤國也又自八里橋至念祖橋開河之地旁

繞四十六村墳墓一千七百五十餘塚平原沃野小民恆產所資
誰願失業古洋河本元時潦水所決迄今五六百年兩岸莊園聯
接耕種已久小渠斷港盛以偶為野潦所入東匯於五官淀而止
絕無去路非經流之大河也若恢復深通濬水浩瀚直瀉古洋河
兩岸必仍遭漫溢文大窪內之水至今尚未盡消此人人所共見
者總求保全大局無所偏倚等語該道等見各紳民逐日環繞哀
懇實屬利害切身查近年何有請在獻縣挽濬水入于牙者略與
徐樹銘官莊窪之議相仿皆因佔用膏壤太多未敢與辦史克寬
所開之河由朱家口至臧家橋祇三十三里非徒取工短費省亦
因惜民地故也至建石壩減水三分之一之議曾經上游紳民請准擬
辦嗣因下游九州縣民情不順遂即停止是徐樹銘原奏開濬減
水一節皆當日擬議欲行因有所未便而復罷者參稽往贖博訪

奏稿五十二

克寬當時游新河南隄而復留缺口者正為四十八村洩水計也
其金福曾原議展寬新河南隄之工即在圍隄工內應遠距新河
北隄一二百丈以外並擬將原開新河尾略向北展另築北隄約
六里上起萬家寨下接距臧家橋二里之河灣庶尾閘益寬而且
順至引河係原開新河以上大窪由獻縣上通饒陽之道即濬水
來源史克寬辦已及半因無費停罷現饒民合詞懇請接挖以竟
前功亦即徐樹銘原奏統村西汜濫之水疏為一河之議如遇水
小可使引濬歸槽應仍照史克寬稟定原案挑至小隄村為止一
律挑寬十丈至四十八村呈繳鎗礮給領坍塌房價埋葬銀兩俱
經河開府督同印委辦結其補給新河展寬地價豁免錢糧各節
現仍飭查分別辦理刻下新河水面低於兩岸數尺堅冰一片四
十八村地畝俱已涸復種麥民情安謐繪圖貼說稟覆前來臣查

奏稿五十二

與論測量高下於地勢民情實有窒礙並非楊廷所等藉詞阻撓
該道等復至獻縣臧家橋以上原開新河兩岸週歷勘問新河係
由西而東上年濬水異常盛漲不能容納分繞四十八村坍塌房
屋不少並有損傷人口災餘情形尙覺淒涼在日據紳民馬蔭豐
等而懇開濬減水圍築護隄開挖引河三事當諭以開濬減水有
礙下游大局該紳民旋亦無詞至圍隄護隄四十八村長九十餘
里西南而緊傍濬水來路防守不易古洋北隄亦殊喫重似非萬
全之策饒陽之民並以阻遏水路為慮而獻民因徐樹銘先有築
隄之奏求之益力遂將道員金福曾展寬新河南隄放開下游水
路之議曉諭饒民連日督同官紳妥為商酌始據饒民王玉瑄等
具呈請聽獻民築隄惟隄身不可過高高則漫決之後水入難出
其患不可勝言祇宜能禦凌汛不失麥秋雖無大利亦無大害史

實情形除繪具圖說咨送軍機處備查外理合會同兼管順天府府尹臣畢道遠順天府府尹臣周家楫恭摺合詞據實覆陳伏

乞
皇太后
皇上聖鑒訓示謹
奏

奏稿五十二

十四

查擬完固口工不可辦片 光緒十年十一月二十一日

再徐樹銘原奏下游別濬支河以洩子牙河巨漲之法擬從獻縣完固口以下至靜海擇要修濬分洩子牙之水穿運入海嗣又奏言滄州捷地減河至狹難容不如穿運之後將青縣興濟減河疏濬深通等因臣並飭季邦楨劉樹堂周復吳廷斌等前往妥細勘議茲據覆稱該道等從完固口東下一路查勘至南運之興濟廢閘止計長一百五十六里內完固口至杜林鎮舊有河形閒多淤平者一百二十里由杜林鎮至興濟均係平地無河形者三十六里測量南運河之西岸地平高於杜林鎮之地平三尺五寸是下游高仰已無疑義又興濟減河長九十六里乾隆嘉慶以後未加修治河槽填淤已滿反高於平地二三尺連完固口以下併計其長二百五十二里無論道遠費煩無力興辦且完固口乃康熙年開濬水分流之道平原斷港小民墾種已久勢難急切遷讓而南運一河關係南北漕運儲或涇關衝決貽誤國計民生更非淺鮮自黃流穿運以來南運河底日高現在隄外地平已高於杜林鎮地三尺五寸每歲大汛水高隄外之地又五六尺不等全恃一綫單隄以為保障若濬完固口引溢穿運恐盛漲之時不能導溢濬以入而適以啟濬衝破壁而出也種種窒礙難行非僅虛糜工費等情前來臣查此工亦經徐樹銘續奏停止自毋庸議理合附片覆陳伏乞

聖鑒謹
奏

奏稿五十二

五

查復文大礙難開井製車片 光緒十年十一月二十一日

再本十月初六日

諭旨徐樹銘奏文安大城兩縣地勢低窪請飭試行開井及製車
車激水之法著臣等會同商辦等因欽此經府尹臣咨請查勘主
政會奏臣查原奏內稱文安大城兩縣地勢低窪應仿白居易於
杭州開通六井之例潛深以容水培高以居民又宜仿甘肅城外
製筒車激水自運入城之法使之越隄入河等語據季邦楨劉
樹堂周履吳廷斌覆稱文安縣知縣殷謙大城縣知縣陳壽椿並
該兩縣紳耆陳環瀛温如旄等會謂文安大窪形如釜底掘地三
尺泉即湧出開井墊地勢難舉辦若以筒車激水地勢異宜深恐
勞民費帑無益於事該道等查文安大窪地均介大清子牙兩大河
之間自同治七年濬水由藁城北趨古洋河以達文安窪頻年水

患漫成澤國道光緒七年濬泔挽歸于牙故道以後該窪漫水漸
消民獲耕種八九兩年大清子牙各河盛漲間有漫溢處所均經
隨時堵護前在文窪之下游壩臺地方建立石閘兩座洩入子牙
現又擬在西灘里村再建一間洩入東淀誠使各河隄加意防範
文窪水患自減即遇盛漲之年偶有漫溢藉此三閘亦可逐漸分
消該道等親歷該兩縣查勘地勢開井製車民情地勢既多不順
應請無庸試行等情具復前來臣覆核無異理合會同兼管順天
府府尹臣畢道遠順天府府尹臣周家楣合詞附片覆陳伏乞
聖鑒謹
奏

海防用款分別立案摺 光緒十年十一月二十一日

奏為光緒九年分北洋海防用款應行立案者先開簡明清單奏
報隨後造冊銷案摺仰祈

聖鑒事竊查光緒元年六月總理各國事務衙門會同戶部議撥
南北洋海防經費案內奏明由督辦大臣將用款數目咨報總理
衙門及戶部查核原以籌辦海防事屬創始一切用款並無例案
可循亦非他項軍需所可比例是以僅令將用款數目咨報前已
飭天津海防支應局司道將元年至六年用款數目彙造清冊分
咨核銷嗣於八年十一月戶部議奏軍需善後報銷章程以各省
購置輪船機器外洋鎗礮電綫等件既無定例可循部中無憑稽
核其添購各項經費若干雖不能限以定數亦當立有範圍事前
奏明報部立案事後方准核銷等因復飭局將七八兩年海防用
款數目彙冊咨報備查自八年以後自應分別奏咨立案臣維立
案之意必部中無案者始行奏咨以備核銷時有所稽考其曾經
報部有案及常年照章支用各款毋庸再行立案至造冊報銷須
將用款逐項詳細開列若立案祇須簡明總數蓋與銷冊本有繁
簡之不同也惟是北洋海防之設取法泰西諸國凡購一物製一
器必先訪求新式詳細審察為各國海防所不可少者方始議辦
其價值等項尤必諮商比核務求核實節省而後定議往往於重
洋數萬里外函商推動輒經年累月勢難隨時奏咨所用員弁
人等須一再遴選試驗以期人與事宜薪糧工料等項則視其才
質高下物用精粗然後酌核定額緒太多鉤稽非易惟每屆
一年將應行立案各款彙開簡明清單奏咨一次庶辦理可期簡
易而稽核亦免紛煩仍於部章立有範圍之意昭合所有光緒九

年正月起至十二月底止經支北洋海防經費用款除舊有各船
原支薪糧煤斤水手號衣等項及水師學堂行營製造局各項常
年經費華洋文武員弁人等薪餉糧乾暨一切照章支用款項入
年以前報部有案者均毋庸再行開報並旅順口應辦各項工程
業經專案奏咨其續撥用款銀十九萬三千餘兩應俟將來彙銷
亦毋庸再行立案此外采買製造等項並新添各船艇開支薪公
等項及原有各船添募員弁人等加增薪糧暨一切新支用款飭
據支應局司道按款摘開總數彙列簡明清單具詳聲明各款詳
細數目並各案緣由統俟造冊報銷時再行分晰開報其有零星
用款未便瑣屑立案者亦俟造冊報銷時再行併報等情前來
覆核無異除將清單分咨總理各國事務衙門並戶兵工部外理
合恭摺具陳伏乞

奏稿五十二

六

皇太后

皇上聖鑒敕部查照謹

奏

挪付鎗價片

光緒十年十一月二十一日

再十一月初三日准總理衙門電開本日奉

旨李鴻章電陳許景澄等電鎗彈均運海口美款不到索價急等
語鎗既起運價應即交著李鴻章就近於天津關連各庫或各營
存餉迅速湊挪銀二十一萬餘兩即日匯往給價一面派員即赴
戶部領回歸款欽此遵查出使德國大臣許景澄等定購毛瑟後
門鎗一萬一千枝並子彈據電稱應先付價銀五萬三千鎊以美
國劃借款未到請速另匯等因該鎗既經起運亟應設法匯付
以免失信查自海防喫緊以來用款浩繁天津司局各庫羅掘殆
盡惟前項鎗價關係外洋交涉奉
旨迅速挪墊敢不欽遵妥辦經飭海防支應局長蘆運司准軍銀
錢所各於現放軍餉內竭力籌湊即在西商匯豐銀行訂買英金

奏稿五十二

九

五萬三千鎊由津電匯柏林使館交收按該洋行電匯時價現係
封河期內每英金一鎊合庫平銀三兩九錢五分五釐六毫九絲
九忽其應合庫平銀二十萬九千六百五十二兩四分七釐議定
先行發電匯寄一面將前項鎊價由運庫挪墊銀十一萬兩銀錢
所挪墊銀四萬兩支應局挪墊銀五萬九千六百五十二兩四分
七釐於十一月初八日如數發交該洋商領訖初十日接准許景
澄等初九來電前項鎊價五萬三千鎊已收到此鎊於初十開船
以五千枝送粵東六千枝送滬交收等語除飭局詳請給咨派員
赴戶部請領歸款並電商兩廣督臣張之洞俟前項鎊彈到粵酌
量分撥滇桂前敵軍營應用其運滬鎊彈由臣隨時酌撥各路軍
營應用外所有挪墊匯付鎊價緣由理合附片覆陳伏乞
聖鑒敕部查照謹

奏

奏稿五十二

二十

奏派德員繙譯片 光緒十年十一月二十一日

再欽奉本年七月初一日電

旨著速即選雇德兵官五十人赴天津由李鴻章調遣酌用川資等項在出使經費項下支給到津後每人辛俸若干由李鴻章酌定等因欽此當經臣電商出使大臣李鳳苞在德國延訪曾經戰事閱退兵官或精大小礮及鎗法或精礮臺及水雷布置各法密為訂雇飭速來津嗣據李鳳苞電咨選雇總兵式百齡參將李寶等二十四名各有專長分起搭船陸續到津謁見臣飭營務處委員與之妥立合同酌定辛俸派往海防水陸各軍教練鎗礮技藝及西洋戰陣新法惟德弁遠道來華言語不通僅有繙譯博郎一員不敷選用適李鳳苞代購奧國新式地雷五百枚派繙譯官候選知縣廕昌學習施放來津教授各營深資得力臣面詢廕昌歷在德奧各邦留心武備討論兵法頗能通曉機鈴志趣不苟不徒以語言文字見長現值防務喫緊之際亟應留營效用幫同所雇德員盡心教習該繙譯官係由同文館學生出洋期滿應請敕下總理各國事務衙門轉飭廕昌留於北洋海防軍營差遣以資臂助理合附片陳請伏乞

聖鑒訓示謹奏

奏稿五十二

三

清釐藩庫摺 光緒十年十一月二十一日

奏為遵

旨清釐藩庫查明歷辦軍需暨常年支項借墊各款請援案就款

開除恭摺仰祈

聖鑒事竊前准部咨欽奉

上諭清釐各省藩庫款項當經前督臣張樹聲督飭藩司崧駿

查得直隸藩庫款目最繁自道光三十年清查至今閱時又久其

閒歷辦軍需善後及常年支項均因本款無存轉借墊摺帳甚

多應即派員設局清理照歷次成案仍以前司交代為依據以庫

帳原案為考核分別逐細查辦業將一切事宜專摺陳明並酌擬

章程咨部奉

旨戶部知道欽此並經臣隨時督飭認真辦理茲據該司崧駿詳

奏稿五十二

稱自前司陳啟邁於道光三十年清釐以後起截至前署司方大

湜於光緒七年十一月卸事止共計三十一任按年逐款稽

核所支各款或當時詳報奏咨或造入交冊報部具有案卷庫帳

可稽並無濫支隱匿等弊至借墊銀兩委因直隸係缺額省分道

光以前每年賴有部撥協餉銀三十萬兩以資挹注自軍興以後

非特協餉停撥且增出軍需鉅款復有協濟各路軍營糧餉力更

不支咸豐四年二月戶部奏令無論藩庫屬庫坐支存留各款均

應速行籌備軍用並欽奉

硃批敕將本省錢糧作為本省軍需等因不得就藩庫所有之

款竭力挪移先其所急然顧此失彼遂致常年支項無本款可放

因又輾轉借墊從此年復一年庫款日形支絀借墊愈積愈多數

至一千二百四十餘萬內有一項發款零星借動數款者有將他

款所借之項未及支發又移作此款借用者有專款收存俟集有

成數歸還原借續遇急需又經借用者茲查明歷前司借動報部

正雜各款墊放兵差經費各路軍營糧餉以及常年支款共銀九

百二十七萬六千六百四十九兩二錢七分七釐制錢二萬一千

七百二串一百三十四文大錢合制錢二千七百四串三百二十

文廢錢二串二百五十文均係應行支放之款造入交代報部其

軍需各案亦經報銷毫無弊混現在司庫僅能量入為出一切例

支之項尚難年清年款如遇災歉收少用多尤覺異常竭斷無

本款歸還借查歷次清釐庫款所有因公借動銀兩均

奏在就款開除有案應請援案一律就款開除銷借此外借墊各

款銀三百八十八萬八千七百四十二兩五錢九分二釐制錢二萬

六千九百八十九串二百七十三文大錢合制錢三百六十五串

二百十四文又制錢九千五百三串二百六十一文清錢四十五

串七百一文亦於交代案內報部有案內除已入上次清查各款

仍照原案分別辦理外其餘或係各營借支俸廉兵餉應分年按

季扣還因欠餉未能給發一時無從核扣者或係州縣因災借支

俸工工料因地糧尚未徵起未能解還並有錫缺缺未經題撥

不能歸補者有升調文武各官借支養廉扣存外省尚未解還者

至於歷次恭辦

皇差以及

如贖金棺采棺差務借墊經費應俟收有當雜稅本款歸還其借

墊差費應由通省各官捐廉彌補此外應行歸還之款實因司庫

萬分支絀一時不能籌還銷借應請各照原案應扣還者俟發款

時扣還應提解者上緊提解應捐補者按限捐補餘俟庫款稍裕
陸續籌還以免顧此失彼將來還清一款隨即報部查考若竟無
可歸還仍請就款開除或另行籌補均專案報部辦理務歸核實
惟直隸清庫向係入不敷出與他省情形不同嗣後遇有急用若
必專待收有本款發放必致貽誤事機且有奉
旨及部文無論何款先行借動者所動雖非本款而同一公項同
一正支於帑藏並無出入應請遇有不得已之款仍准酌量借
墊以濟要需但能收有本款即應歸還原借否則隨時聲明清款
開除免致積累成鉅轉多轉據該司開具清單並造清冊
詳奏前來臣覆加查核所詳均係實情應請照擬辦理除單冊咨
部外理合恭摺覆陳伏乞
皇太后

奏
皇上聖鑒敕部查核施行謹
奏稿五十二

奏稿五十二

各省電綫報銷摺 光緒十年十一月二十一日

奏為南北各省電綫官督商辦核明津貼各項用款循案截數報
銷繕單仰祈
聖鑒事竊照天津至上海創設陸路電綫旋歸官督商辦由淮餉
開支津貼巡電弁兵糧乾並電報學堂用款業經前督北洋通商
大臣張樹聲截至光緒八年十二月底止分晰彙開清單專摺
奏銷於九年五月二十日奉
旨著照所請該衙門知道單併發欽此嗣准戶部咨令將津貼巡
費由商人自發復經臣奏請仍照原議暫由淮餉開支並因接辦
蘇浙閩粵各省及天津至北通州電綫所需巡電等費仍由官款
撥給亦均先後奏奉
諭旨允准在案查電綫用項本係准軍報銷案外之事自應仿照
南洋成案統歸經辦之員自行報銷仍於淮軍案內將動撥銀兩
照數登除以免糾轉飭據辦理電報事務候補道盛宣懷等核明
計上屆截至八年十二月底止舊管存庫平銀一萬四千二百七
十四兩有奇新收庫平銀一萬七千四百四十三兩有奇開除天
津至上海電綫又天津至大沽口電綫九年分津貼巡電弁兵馬
乾口糧並修理巡房經費湘平銀一萬九百七十兩有奇又天津
至通州添設電綫津貼巡電弁兵馬乾口糧自九年八月十八日
起至十二月底止湘平銀三百九十八兩有奇又添設蘇浙閩粵
電綫前因工程尚未全竣沿途汜地里數未經查明先行酌撥九
年分巡電弁兵馬乾口糧湘平銀一萬兩以便分給保護又天津
電報學堂九年分經費湘平銀八千二百兩有奇又因推廣各
省電綫在上海添設電報學堂教習學生以便分撥值報自九年

奏稿五十二

六月起至十二月底止經費湘平銀一千八百九十兩又購辦機器書籍等項湘平銀一千四百兩統計由淮餉項下支過湘平折合庫平銀三萬一千七百八十八兩有奇詳請核奏前來臣查刻值防務喫緊實賴各省設立電報得以聲息靈通有裨軍國大計此次自光緒九年正月截截至十二月底止開支各款均照上屆成案實用實銷並無絲毫浮冒除飭將支給細數分晰造具清冊咨送總理衙門戶部查核外相應繕具簡明清單恭呈

御覽仰懇

天恩俯准照銷理合恭摺具陳伏乞

皇太后

皇上聖鑒敕部查照謹

奏

奏稿五十二

奏

謹將光緒九年分津貼南北各省巡護電綫馬乾口糧銀兩並電報學堂用款繕具清單恭呈

御覽

計開

舊管

一前次開報截至光緒八年十二月底止實存庫平銀一萬四千二百七十四兩五錢九分九釐六毫七絲六忽

新收

一撥准軍餉項庫平銀一萬七千四百四十三兩五錢七釐四絲九忽八微

開除

津貼巡護電綫馬乾口糧項下

一天津至上海電綫計程二千七百三十六里又天津至大沽口電綫計程一百二十里光緒九年分津貼巡電弁兵馬乾口糧並各汛巡房一年修費共支湘平銀一萬九百七十九兩六錢九分八毫折合庫平銀一萬五百八十六兩四錢四釐三毫二絲三忽

奏稿五十二

奏

一天津至通州電綫計程二百四十五里光緒九年八月十八日起至十二月底止計四箇月十三日除小建一日津貼巡電弁兵馬乾口糧並總巡馬乾共支湘平銀三百九十八兩一錢五分九釐五毫折合庫平銀一萬三十三兩九錢二分七釐九毫一絲六忽七微

九毫一絲六忽七微

電報學堂經費項下

一 天津電報學堂委員漢教習司事夫役人等光緒九年分共支薪糧等項湘平銀二千八百三十二兩折合庫平銀二千七百三十二兩七錢九分九釐三毫八絲二忽四微

一 天津電報學堂洋教習一名光緒九年分共支辛工湘平銀二千三百三兩六錢七分折合庫平銀一千九百六十二兩四錢三分三釐六毫五絲八忽二微

一 天津電報學堂學生光緒九年分共支衣履膏火獎賞等項湘平銀五百九十一兩折合庫平銀五百七十兩二錢九分八釐一毫七絲六忽二微

一 天津電報學堂房租伙食油燭茶炭盤川等項光緒九年分共支公費湘平銀二千三百二十兩折合庫平銀二千二百三十八兩七錢三分三釐九毫五絲七忽三微

一 天津電報學堂購買中外各種書籍洋紙筆墨機器等項光緒九年分共支湘平銀四百三十三兩九錢五分三釐七毫折合庫平銀四百八十八兩七錢五分二釐九毫六絲七忽三微

一 上海添設電報學堂每月津貼委員教習司事學生人等薪糧經費湘平銀二百七十兩自九年六月起十二月止計七箇月支湘平銀一千八百九十兩又購辦機器書籍器皿等項湘平銀一千四百兩共支湘平銀三千二百九十兩折合庫平銀三千一百七十四兩七錢五分六釐三毫四絲四忽七微

以上共請銷庫平銀三萬一千七百八十八兩一錢六釐七毫二絲五忽八微

實存無項

覆陳海岸不能過敵摺

光緒十年十二月初一日

奏為煙臺旅順海面相距太寬須有大枝水師方可阻遏敵船恭摺覆陳仰祈

聖鑒事竊臣承准軍機大臣字寄光緒十年九月二十七日奉上諭延煦祁世長奏遵查山東籌辦海防情形呈遞圖說據稱煙臺北對旅順海面至此一束若能兩岸同心扼此要隘則津沽得有鎖鑰其防守之法應如何測淺深審沙綫備船礮設水師召募精習海戰之人必有出奇制勝之策等語該處為海防要地必須經營布置以扼要衝以杜敵船北犯之路著李鴻章慶裕陳士杰將所奏各節會同悉心妥籌奏明辦理原奏著鈔給閱看等因欽此仰見

聖主綏靖北洋綢繆門戶欽佩莫名遵查渤海古稱少海言小海也海道自黑水洋北來入山東之成山衛島嶼相望至登州漸漸收束非復茫茫無畔岸故昔人以小海目之按圖而觀煙臺在南旅順在北相距似近實則中隔海面尚有二百四十餘里之遙輪船南過煙臺者旅順不得而見北過旅順者煙臺亦不得而知臣嘗兩至威海三至旅順煙臺身履其地目擊而心數之非憑空揣測也由煙臺西行百五十里為登州與旅順相對峙其間海島凡十有四曰廟島曰長山曰沙礮曰大黑山小黑山大竹山小竹山曰候雞曰高山曰砣磯曰大欽小欽曰南隍城曰北隍城各島相距十餘里二三十里不等其中皆有行船之路泊船之地而登州至長山島海面四十里旅順至北隍城海面六十里尤為最寬原奏謂島嶼羅峙者即此夫以二百餘里之洋面而十有四島星羅棋布若隱若見萬頃茫然任其所之敵船處處皆可闖入不惟堵

禦無從抑且盼望不及於此而籌防守之法但當以戰為防不能以守為防原奏所稱備船礮設水師誠為破的之論如欲杜夷船北犯之路必須船礮相當以鐵艦禦敵之鐵艦以快船禦敵之快船可以魚雷艇數十艘密布各島伺便狙擊方可制勝臣昔年創議訂購鐵甲近復經營旅順修清船澳原以該處為北洋首衝私冀鐵艦回華即可在彼停泊練習水軍逐漸擴充使渤海有重門疊戶之勢津沽隱然在堂與之中夷船萬一北犯必顧後瞻前不速長驅直入竊謂北門鎖鑰計無逾於此者耿耿此心積有歲年徒以經費支絀不能暢所欲言又重違公法定遠等鐵甲船急切未能來華時勢所迫財力所限心有餘而力不足至勞九重東顧之憂此臣所為所夕焦慮引疚無窮者也目下北洋水師除超勇揚威兩快船調赴朝鮮其康濟威遠兩船專作練船並無巨礮難任戰事六鎮蚊船只宜分扼海口未可馳逐外洋此外如煙臺之泰安營口之瀾雲船身脆薄難禦大敵亦不足以聯絡聲援湊成一隊至閩廣沿海漁戶雖多習水性亦未經海戰且必須船礮得力與敵相埒始可酌量募用斷非空拳泗水所能摧陷敵鋒方今庫儲奇絀供億浩繁沿海營月餉正慮不敷若添設水軍餉力更難為繼一時亦不得實用惟有就現有船隻量為布置分泊各口與陸營礮臺相犄角但冀同心戮力堅穩持使敵船久泊大洋無可添煤水之口岸庶不遽懸軍深入若謂兩岸借心遂可力扼要衝在

聖主必不為空言之責成在微臣亦不敢飾詞以聳聽所有遊

旨籌辦緣由謹會同

盛京將軍臣慶裕山東巡撫臣陳士杰恭摺合詞具奏伏乞
皇太后
皇上聖鑒謹
奏

奏稿五十一

三

多倫木稅核實辦理摺 光緒十年十二月一日

奏為查明多倫木稅現在無可徵收難責屬員久賠巨款請援案核實辦理恭摺仰祈

聖鑒事竊准工部咨開多倫木稅歷年延不報解奏請嚴催奉

旨依議欽此鈔奏知照到直查原奏內稱如果該廳稅額毫無徵收則前署廳王炳壇所繳四千餘兩何自而來可見商稅本自豐盈遇賢員則照額奉公遇俗吏則悉歸私囊等語當飭藩司松駿

派委宣化府知府鄭賢坊前往該廳認真嚴查並札詢現任深州直隸州知州王炳壇當時徵收情形以為印證旋據鄭賢坊稟稱

該府遵赴多倫廳查明木稅始自康熙四十年其時克什克騰旗山場木植繁盛商販眾多稅收甚旺乾隆三十一年裁汰監督歸

同知徵收分水旱兩項以紅黃松木堪下水者照大河口則例上稅由灤海等河轉運其短小者為旱木照張家口則例上稅聽其

運赴各口旋經明定稅額每年應解工部水木稅銀六千四百餘兩枋榔把桿稅銀二百四十餘兩又解戶部旱木稅銀五百七十

餘兩稅額雖定而山場附近大木已砍伐殆盡須入深山尋覓道遠費繁獲利有限商多裹足徵收不能如數迨至道光二十四年

僅收水木稅銀八十一兩零旱木稅銀二兩零計缺額七千餘兩咸豐初年木產遂絕商販不進稅無可徵是以歷任同知均未請

領商填號簿曾於同治三年經前督臣劉長佑委員查明咨報旋准工部核覆多倫木稅現既毫無徵收遠近蒙民人等均以為牛馬

莫代薪無船料柴炭等稅自係實在情形與有稅可徵故意遲延者不同合將咸豐四年以後循環號簿緩領等因此木稅無著之

實在情形也然咸豐以前各貨雜稅尚旺猶得以雜稅之有餘補木稅之不足乃軍興以後調兵調馬各旗普累市而蕭條雜稅亦

復缺額近年各省屢遭災歉蒙古草地亦荒旱頻仍物價益高銷路益滯該廳有本之商相繼歇業光緒六年查報字號已較咸豐

初年減十之五嗣後復歲有減少即如鋪民在各旗貿易應赴理藩院請領大票咸豐初年每年領票二百餘張同治初年尚有一

百數十張至光緒九年僅領四十三張足為生意淡薄遠不如昔之確證此雜稅支絀無從籌補木稅之實在情形也該府沿途細

訪實因木已伐盡並無木稅可徵又據王炳壇稟稱多倫一帶山場木植早已砍伐一空此項額稅無收久為廳員大累從前惟藉

雜稅盈餘通融彌補近則雜稅往往缺額光緒七年委署多倫會奉督臣諭飭整頓追到境巡查郊野並無林木商人亦無一至檢

查案卷歷前任名下積欠木稅盈千累萬自觀情形不勝心悸寢食難安之狀幾有不能一朝居者幸將雜稅嚴查偷漏力裁浮費

痛懲中飽始不虧短至木稅四千餘兩實難為無米之炊惟念素來清苦自持若不將此款賠補恐加以侵吞稅課之名且遺子孫

追呼之累遂將數十年所積修脯等項傾囊倒篋盡出以補官虧稟由藩司核驗核明轉詳該司與鄭賢坊恭查嘉慶七年欽奉

上諭顏檢奏密雲縣徵收木稅不敷定額請核實辦理一摺該縣管理古北口抽分事宜每年應解木稅銀一千一百二兩零今因

商販寥寥無人領票辦理輸課山場砍伐既久近年民在附近各山採取柴薪照例輸課每年不過三四兩至五六兩自係實

在情形除嘉慶二年至六年止應解稅銀仍在歷任知縣名下照數勒完外嗣後此項木稅自嘉慶七年為始著即儘收儘解不必

定以額數等因欽遵在案詳請撥案核奏前來臣查多倫水旱木稅前因廳員久不報解曾經疊次嚴查並遴員設法整頓倉稱山場木植早空商販多年不至並無可徵之稅從前係藉各貨雜稅挹注今以市面蕭條商民領票日少雜稅亦復短絀不能彌補木稅遂致歷任積欠燬現又派令知府鄭賢坊前往確查並札詢前署廳王炳壇所言皆同王炳壇前解木稅四千餘金據稱並非徵之商民係罄昔年之私蓄以補官虧克己奉公實為難得惟係暫時權象為數尚不甚多明知稅無可徵若永遠責令廳員賠繳巨款似乖政體且地方官必使其無意外之累乃可責以盡心民事否則追呼日迫竭蹶不安誠如王炳壇所稟有不能一朝居者尤慮不肖者滋弊擾民更於吏治有礙近年多倫廳一缺往往視為畏途皆無力捐賠木稅之故自應因時制宜變通舊例該藩

奏稿五十二

五

司等既查有密雲縣成案可循合無仰懇

天恩俯准將多倫廳水旱木稅自光緒十年起撥案儘收儘解核實辦理仍由督飭藩司口北道認真稽查不得以多報少稍滋弊混違則參辦其以前各任仍照部議按數催追以示區別除照錄王炳壇原稟咨部外理合恭摺據實覆陳伏乞

皇太后

皇上聖鑒訓示謹

奏

淮軍報銷摺 光緒十年十二月初一日
奏為淮軍收支款目自光緒九年正月起到至十二月底止遵章列為第十二案造冊報銷恭摺仰祈
聖鑒事竊照淮軍收支款項業經截至光緒八年十二月底止列為第十一案報銷於光緒九年十月二十九日具

奏奉
旨該部知道單併發欽此並經循例造冊送部接准部覆按冊核銷在案伏查九年分淮軍分駐直隸各海口要地共馬步水師三十九營又調防朝鮮慶字親兵六營與各臺局護運餉械水陸哨棚並駐紮旅順礮臺護軍營哨及募補前次抽裁盛軍二成勇丁統歸淮軍案內彙冊請銷今自九年起截至是年十二月底止列為第十二案所有營哨官弁員名勇夫開收總數征防處所

奏稿五十二

五

先經造冊分咨軍機處暨戶兵工部備查又將支給正雜款項增裁數目遵照新章每三箇月開報一次亦已截至九年底止季報清冊先後咨送各部查核以上淮軍馬步水師各營並隨營辦事支應等差文武官弁親兵勇夫薪費口糧倒補馬匹柴薪車價駝騾喂養血賞水陸轉運腳價夫工采製軍裝器械釘造修整船隻油艙經費正雜各款均循前案楚軍營制與
奏定章程及准銷例案分別截清起止概按洲平折實庫平接續造報飭據淮軍報銷局司道逐款清釐查核舊管項下上屆截至光緒八年十二月底止存銀一百六十九萬二千三百三十七兩六錢四分八釐九毫五絲六忽五微新收項下計浙江四川湖北山東等省協餉並提撥江蘇藩關釐局額餉兩淮鹽釐等項及本案扣存平餘同軍火還價奉刪繳回各款共銀二百一十九萬三

千五百九十兩三錢三分七釐二毫六絲四忽二微以上管收兩
 項共銀三百八十八萬五千九百二十七兩九錢八分六釐二毫
 二絲七微內登除撥歸辦理電報事務直隸候補道盛宣懷等收
 銷銀一萬七千四百四十三兩五錢七釐四絲九忽八微又撥歸
 江蘇善後防營報銷局收銷銀一萬三千六百九十一兩九錢八
 分一釐八絲六忽五微又撥放金陵機器局製造工價應歸該局
 收銷銀二萬兩又附列專冊請銷補放淮軍各營光緒八年底以
 前欠餉銀九萬三千一百一十九兩七錢五分二釐九毫六絲七
 忽又本案附請專案奏銷洋鎗隊教習通事人等辛工機費輪
 船薪糧並購買外洋軍火價值運解礮火輪船水腳與天津行營
 機器製造局工料用款及操練後膛洋礮拉礮車馬喂養夫工倒
 補馬價等項計四冊共銀二十八萬四千一百九十兩五錢三分
 七釐二毫二絲二忽實計收銀三百四十五萬七千四百八十二
 兩二錢七釐八毫九絲五忽四微開除正雜各款遵照部議酌定
 軍需報銷章程各歸各部核銷計應歸戶部核銷銀一百六十三
 萬五千九百一十四兩二錢九分八釐二毫七絲應歸兵部核銷
 銀三萬九百七十四兩八錢五釐二毫六絲七忽應歸工部核銷
 銀七萬六千六百一十五兩一錢六分八釐九毫九絲統共請銷
 銀一百七十四萬三千五百四兩二錢七分二釐五毫二絲七忽
 應存銀一百七十一萬三千九百七十七兩九錢三分五釐三毫
 六絲八忽四微已接支光緒十年正月准軍馬步水師營哨正
 雜餉項並購製西洋軍火器械價值工料等用歸於後案舊管項
 下滾接造報等情具詳請
 奏前來臣查淮軍分駐直隸各海口拱衛

畿疆向資其力又調慶字等營遠戍朝鮮保護邦並於奉省旅
 順口屯兵築壘遂漸籌布值此海防喫緊督飭各軍嚴備戰守餉
 需實關重要歷屆報銷案內或存銀兩皆係竭力設法節縮並將
 月餉酌量緩欠以備緩急之需近因法事決裂沿海及滇桂辦理
 征防各省關應解餉項減且有積欠絲毫不解之處遂致恩屆
 存款動放殆盡此後如來源日細恐難為繼惟有隨時詳切催提
 冀可周轉所有造報光緒九年正雜款項逐款查核均係循照歷
 辦成案節節支發實用實銷並無絲毫浮冒除將收支各款分造
 細冊咨送各部並飭將以後用款接續清理造報外理合專摺具
 陳仰祈 聖鑒 伏乞
 御覽 伏乞
 皇太后
 皇上聖鑒 謹
 奏

奏稿五十二

七

軍需交涉洋務片 光緒十一年十二月初一日

再查淮軍各營洋鎗礮隊教習通事人等辛工礮費輪船薪糧並購買外洋軍火價值運解礮火輪船水腳及天津行營機器製造局委員人等薪糧公費工匠工食料物購價等項均屬例所不及並與洋人交涉至淮軍海防各營操練後膛洋礮拉礮車馬喂養夫工係照

奏明章程同例補馬匹例價分別核實支給業將截至光緒八年十二月底止用款附片

奏銷在案此次迭報光緒九年正月月起截至是年十二月底止第十二案內前項各款遵照新章將增裁支用數目彙入季報清冊先後咨部茲據該司道等按款復加查核係照案接續支給並奉文飭發均無浮冒遵飭各歸各部核銷計應歸戶部核銷教習辛

奏稿五十二

美

工中外人等薪糧公費拉礮車馬喂養等銀七萬二千八百八十三兩五錢有奇應歸兵部核銷輪船薪糧夫工船價運腳保險費倒補馬價等銀二萬三千四百七兩三錢有奇應歸工部核銷油飾小修礮費匠工購製外洋軍火料物價值等銀一十八萬八千二百五十九兩六錢有奇三共計請銷銀二十八萬四千一百九十兩五錢有奇照案分晰月造支銷細冊詳請附
奏前來臣查前項各營洋鎗礮隊教習通事工匠人等辛工購買物料外洋軍火價值運腳各款多與洋人交涉無例可循仍應查照歷屆成案據實請銷除將細冊咨送總理衙門戶兵工部查核外伏乞
聖鑒謹附片具

提撥運庫存款辦防片 光緒十一年十二月初一日

再北洋海防經費專指各省關釐稅額年報解無多度支本極竭蹶近自海防戒嚴後短解愈甚局庫搜括一空先後訂購德國後門大礮數批明年陸續運到無款應付焦慮莫名茲查長蘆運司額勒精額自去春到任以來整頓綱維催徵課帑勸諭各商勉力輸將甚為得力除照常解支並添撥各項外計尚可提撥銀十萬

兩津沽為

京師門戶現當防務喫緊軍士枵腹荷戈利器及時儲備不得不暫就本省庫款騰挪應急免誤事機除飭照撥交支應局兌收備放外所有提撥長蘆運庫各款銀十萬兩以濟海防要餉緣由理合附片具陳伏乞
聖鑒訓示敕部查照謹

奏稿五十二

美

奏

東明河工仍請東省協撥摺 光緒十年十二月初十日

奏為東明黃河工需緊要關係直東兩省利害請

飭山東仍照原議歲撥銀二萬兩以免貽誤恭摺仰祈

聖鑒事竊准戶部咨開議擬山東巡撫陳士杰奏黃河防守事宜

及籌歲修款項一摺聲明山東每年應解直隸黃河修防銀二萬

兩據該撫請自來年起由直隸另行籌畫應由該撫自行咨商直

隸督臣妥籌辦理等因臣查直隸東明黃河地勢北高南下前因

大溜愈趨愈南緊逼隄根致高村李連莊黃莊頓成巨險曾於光

緒七年奏定酌設廳汛並派練軍常年駐工修防其應需各項料

物員弁津貼河兵口糧汛夫方價等項當時約略估計每年需銀

四萬兩經部議准自光緒八年每年由山東協撥一半銀二萬

兩務於頭年秋冬間如數解交大名道庫以便乘時購運料物毋

得延延其餘二萬兩由直隸籌款濟用蓋此隄在直境僅止東明

一隅若有漫決卽南注曹州等處其害實在東省初由山東建議

籌款興築必須隨時合力修防方資經久近年高村等上中下三

汛險工疊出屢有潰漫往往霜清以後工作尚難停手不得不多

備料物設法搶護每歲用款嚴飭竭力撙節已需銀七萬餘兩較

前奏四萬兩又添用銀三萬餘兩於河形變遷工料遞加事非

得已轉經前署督臣張樹聲與臣詳細奏報有案臣深知東省河

工正急款項支絀是以每年添用銀兩未照各半分濟之案另請

東省協撥卽本屆堵築漫口大工亦未照上屆之案奏請東省另

加撥款原為互相體恤之道茲陳士杰擬將原協銀二萬兩自來

年起由直隸另行籌畫併此區區者而祈之如果直隸有款可措

奚肯強人所難惟直省著名瘡苦又值災歉頻仍庫藏奇絀一切

年例餉款皆節節緩欠實較東省尤窘此項常年工費屢據司局

稟詳委難全數獨任無可籌而工程重要又未能停減不發原

議東省協撥二萬兩係為保衛直東沿河民命田廬合力通籌起

見在直隸勉任修防並非自願一隅在東協款恤鄰實則自保

本境儼從此協款截止則直力不逮必至因費絀而誤事亦非東

省之利也且原議本係經久章程未使遽爾停罷既經戶部奏令

咨商妥籌自應將實在情形分晰陳明仍懇

恩飭下山東撫臣遵照原議每年撥解銀二萬兩以裨要工而顧

大局其餘歲款約需銀五萬餘兩統由直隸竭力設法挪湊應急

如此則東省協濟不及十分之三較各半之議核減已多自向不

甚為難而地方保全不少謹繕摺據實具陳伏乞

皇太后

皇上聖鑒訓示施行謹

奏

破務官本取償典息摺 光緒十年十二月初十日

奏為前辦湖北煤鐵礦務動用官本及原發蘇典生息之款查照部議奏明辦理恭摺仰祈

聖鑒事竊臣前因道員盛宣懷等試辦湖北煤鐵礦務動用官本擬將餘款發商生息即以息項歸補原本曾將詳細情形咨報戶部旋准覆稱該道開采三年夫工役食所費不少今不敢作正開銷設法彌補係為慎重官項起見惟以息歸本應由該督詳查自行奏明辦理至蘇典另存生息一款據稱嗣後仍按七釐呈繳係照本部前行辦理惟前行係令自光緒十年三月起今請自十一年三月起是否筆誤其已經減去息錢六千三百串未便據咨准減亦與兩江總督原奏典商減利聲明各處官款生息無過一分之案未符仍飭補繳等因當經轉飭遵照茲據局員議覆前來

奏稿五十二

查蘇典原存直隸練餉制錢十二萬串光緒七年九月以前本係七釐生息嗣因前兩江督臣左宗棠奏減典商取民之息並寬民開取贖之期商力竭懇將存款十二萬串一併減息以該商等歷年繳利已及二十萬串於直隸河工賑務甚有裨助而蘇典自奏減取息後商人獲利更微酌准減息二釐自七年十月以後五釐生息以恤商艱前准戶部咨令自光緒十年三月起仍照七釐行息飭據各商以沿海告警市面蕭條商情萬分苦累且奉文已在光緒十年三月以後若自十年三月起按七釐生息力實未逮萬不得已請自十一年三月起再按七釐行息以前仍准減息等情前非原咨筆誤至左宗棠原奏謂各處官款生息無過一分係指江蘇本省各衙門零星公款而言可由地方官隨時催備此項練餉制錢係隔省公款且數至十二萬串之多與本省零星官

款不同是以酌准減為五釐現值海疆多事蘇省風鶴時驚各典生意不能如前復據懇請懇懇若責令即自十年三月起並補繳以前准減之息實多苦累委員祇有轉發守提之責亦無從賠補

國家惠商恤民賦稅皆從輕減自應體察官息商情兼籌並顧應請仍自光緒十一年三月起再按七釐生息其以前准減二釐之息並免補繳以示體恤至礦務動用官本係於光緒二年臣會同前兩江督臣沈葆楨前署湖廣督臣翁同龢奏撥直隸練餉制錢二十萬串試開湖北廣濟興國等處煤鐵派道員盛宣懷會同前漢黃德道李明坤辦理欽奉諭旨允准該道等稟明山總稅務司赫德在英國代雇礦師郭師敦及洋匠三名來華試辦自光緒二年至五年所需礦師洋匠等薪水川資製備各項器物及用西法發探阮家山窩子溝煤礦用

奏稿五十二

土法開挖廣濟興國煤窯四十餘座又勘辦大冶武昌鐵礦修造廣濟縣沿江隄工暨運煤道路除售煤及物料變價以收抵付外共動支制錢十萬六千四百餘串曾據逐月分晰開報有案其時道盤籌畫須有常年經費銀六萬兩始可經久開采以供各處製造以庫款支細常年經費難籌不得已飭令截止官款另行招商接辦其動用制錢十萬六千四百餘串飭由盛宣懷墊發制錢六千四百餘串淨缺制錢十萬串因以用贖制錢十萬串發交江蘇各典生息即將按年所得息項彌補原本緣此舉迥非商人承領官項開礦盈虧官不過問者可比祇因經費不繼不得已而截止改歸商辦其動缺官本亦未敢作正開銷是以為生息彌補之計誠如部咨係為慎重官項起見原議須至光緒十五年本利全清以完原撥制錢二十萬串之數前因款難緩待飭再提早一年

以光緒十四年全清俾昭迅速茲復詳查前後辦法均係實在情形道員盛宣懷等歷次詳稟並無損飾泰西各國開辦礦務多由其國家撥款接濟其虧折固屬恆情但能官商合力歷久不易卒底於成中國限於經費難與大利然動用官款必應設法彌補此案前已責令盛宣懷墊發制錢六千四百餘串現議提早一年歸還本利又須賠貼制錢一萬串已屬不遺餘力勢難再令認賠應請仍照原議由蘇興各商生息於光緒十四年全數完繳歸還原撥之款責令盛宣懷按期催收儻有虧短惟該道是問庶官款無絲毫欠缺各典商亦不致受追呼俯迫之累所有查照部議奏明辦理緣由理合恭摺覆陳伏乞

皇上聖鑒敕部查照謹

奏

奏稿五十二

四

上海酌設臺捐局摺 光緒十年十二月十六日

奏為臺灣軍情喫緊待餉甚殷請在上海酌設臺灣捐局遴員核實辦理冀廣招徠藉資接濟恭摺仰祈

聖鑒事竊據江海關道邵友濂江蘇候補道龔照瑗稟稱戶部議奏臺灣開捐實官用濟軍餉業蒙

特旨允行該道等奉委辦理臺灣後路事宜疊次雇備輪船裝運勇械並借濟赴臺用款均由出使經費項下動支惟此項經費原

存者已經江南提用新收者尚有應撥專款後難為繼蘇省庫藏已竭更屬自顧不遑必須妥籌應急期免貽誤現在既准開捐若

專在臺灣一隅辦理本地紳富多已遷避即有勉力輸將者為數恐亦有限外省士民雖不乏情殷報效但遠隔重洋難通輪船若

令旨風濤兵革之險攜帶重資前往上兌必致聞風裹足上海為中外通商總匯之區士民往來甚便昔年各省捐輸無不來滬勸

辦今雖市面不及從前若能設法招徠稍可挹注請於上海設臺灣捐局照章收捐庶後路轉運用款與前敵軍需兩相維繫等情

具稟前來伏查臺灣待援孔亟軍餉告匱疊奉諭旨設法籌助臣前已竭力撥湊銀十五萬兩陸續匯解赴臺昨

又撥銀五萬兩並派精銳弁勇七百餘人攜帶精械雇船運往先後奏明在案惟前敵軍情喫緊需用浩繁待餉多而且亟上海後

路轉運亦需巨款誠如邵友濂等所稟必須妥籌接濟該道等以臺灣一隅收捐有限上海為通商總匯較易招徠擬設臺灣捐局

係為前敵後路兩有裨益起見戶部原奏僅准臺灣開捐其時尚無各省統開捐例之議今續經奏准各省一體開捐以濟海防要

餉則已無分畛域且臺灣既奉

諭飭他省籌助若於上海設局收捐實屬名正言順在該地方官亦諒不容辭臣電商劉銘傳意見相同合無仰懇

天恩俯念臺灣孤懸海外時事迫切軍餉萬繁就地無可多籌迥非他省可比

特准上海酌設臺灣捐局容臣等遴派委員會同邵友濂等查照戶部續奏章程核實辦理不得稍滋流弊所收捐項除上海轉運事宜留用外餘即匯解臺灣應急各捐生履歷獎冊即由該局隨時送臣咨部核給執照如此一轉移間則前敵後路軍需稍資接濟而捐生無須攜資冒險並得就近核獎給照辦理較速人情亦便捐務或有起色臣為臺餉緊急設法籌濟謹會同福建撫臣劉銘傳恭摺山驛具陳伏乞

皇上聖鑒訓示施行謹

奏稿五十二

吳

酌設海防捐輸局摺 光緒十年十二月二十日

奏為直隸海防捐輸擬在天津酌設一局就近督飭核實辦理冀廣招徠藉收實效恭摺仰祈

聖鑒事竊准戶部咨開會議海防需餉甚緊請暫准部庫及各省

開捐實官常例一摺十二月初八日奉

懿旨依議欽此飛咨到直當經轉飭遵照茲據藩司崧駿會同天

津司道籌議具詳前來臣維直隸為

京師門戶海防至關重要必須餉項應手乃可設法布置各省關

應協經費頻年解數無多近因法事決裂各省皆有防務往往留

為自用報解益少本省司局各庫已搜羅殆盡現值嚴備戰守應

發各營新餉及訂購西洋鎗礮價腳款無所出末歲更不知如何

支持莫名焦慮茲欽奉

奏稿五十二

吳

懿旨開捐係為濟時艱萬不得已之舉自應仰體

朝廷實事求是至意妥籌辦查原奏應由各省督撫徧行宣示

以廣招徠實濟海防之用責成藩司遴委委員在該省核實辦理

不准委員向他省添設分局統令交藩庫上兌由藩司發給實收

按月造冊咨部核准換給執照惟直隸情形與他省不同保定雖

屬省會而僻居腹地附近並無富紳大賈新章僅減二成當此物

力艱難招徠非易且直屬著名瘡苦災歉頻仍僅指本地士民捐

輸斷難踴躍即使設法勸導而省城地處偏遠他處捐生交納不

便轉阻其報效之忱現駐天津非他省藩司與督撫同城者可

比即以每月造送捐冊而論津省公牘往返稽延亦易啟捐生之

觀望據該司道統籌籌畫必期捐局不致虛設因查天津為北洋

要口自各國通商以來已成重鎮南北士商往來雲集設局勸辦

較可收效擬保定省城仍由藩司收捐外並在天津由臣遵委安
員酌設捐局責令隨時會商藩司遵照部定章程核實辦理仍由
藩司印發正副實收以昭慎重如此則天津地處通衢招徠稍易
由臣督察妥辦每月獎案可迅速咨部核准給照以便捐生所收
捐項按月截數報部就近撥充海防軍餉此外軍營糧臺一概不
准收捐亦不准委員赴他省添設分局臣查核該司道所議係為
畿輔海防需餉緊急藉收實效起見僅止上兌之處稍予變通以
免捐生遠交藩庫徒多跋涉此中無關弊竇部臣本令廣為招徠
實濟海防為要義天津係屬直境設局勸辦正與部議委員在該
省辦理之意相符仰懇
天恩俯准照辦以濟急需其未盡事宜隨時督飭妥籌辦理務杜
流弊如查有委員稍染從前捐務積習即由臣從嚴參辦理合恭
摺陳請伏乞
皇太后
皇上聖鑒訓示遵行謹
奏

捐陳請伏乞

皇太后

皇上聖鑒訓示遵行謹

奏

李文忠公奏稿卷五十一

李文忠公奏稿

卷之五十三目錄

- 周盛波總統前敵摺 光緒十一年正月十八日
- 臺灣轉運請獎摺 光緒十一年正月十九日
- 災賑收支數目摺 光緒十一年正月十九日
- 海防練軍報銷摺 光緒十一年正月十九日
- 賑捐展期片 光緒十一年二月初五日
- 大員捐賑片 光緒十一年二月初五日
- 赴朝撥用出使經費片 光緒十一年二月初五日
- 武毅五營由粵給餉片 光緒十一年二月初五日
- 直隸部款無力籌解摺 光緒十一年三月初三日
- 添募護軍兩營片 光緒十一年三月初三日
- 津習西學請獎摺 光緒十一年三月初三日
- 電資撥抵墊款摺 光緒十一年三月初三日
- 日本議立專條摺 光緒十一年三月初五日
- 奏留吳仲翔片 光緒十一年三月十四日
- 海防捐款撥歸支應片 光緒十一年四月初十日
- 法國議和定約摺 光緒十一年四月二十七日
- 兩國交還擄掠員弁片 光緒十一年四月二十七日
- 擬設武備學堂摺 光緒十一年五月初五日
- 豁除東淀地糧片 光緒十一年五月初五日
- 請緩鹽課奏銷摺 光緒十一年五月初五日
- 周盛傳丁憂開缺摺 光緒十一年五月初十日
- 議展朝鮮電綫摺 光緒十一年五月初十日

駐朝慶軍移駐旅順摺 光緒十一年五月十九日
 旅順金州調度片 光緒十一年五月十九日
 張樹聲建專祠摺 光緒十一年五月二十五日
 和龍峪通商片 光緒十一年五月二十五日

奏稿五十三目錄

李文忠公奏稿卷五十三

全集一之五十三

周盛波總統前敵摺 光緒十一年正月十八日 桐城吳汝綸編錄

奏為遵

旨酌派周盛波會統盛軍各營並總統前敵軍事以資助理而固要防恭摺覆陳仰祈

聖鑒事竊臣承准軍機大臣字寄光緒十年十二月十五日奉

上諭御史方汝紹奏津防緊要聞周盛波現已到津請飭令訓練舊部並新募各營等語前據李鴻章奏周盛波因母老暫緩起程

新募各營派提督衛汝貴暫行統帶仍飭周盛波來津此時如已到防即著責令該提督接統各營擇要駐紮隨時認真訓練力圖

報效以副委任等因欽此遵查遇缺題奏提督周盛波自同治元

年募練盛軍隨赴江蘇攻勦嗣調東西捻逆轉戰數省無役

不從無戰不勝實為淮軍尤為出色之將前因海防平靜母老假

旋解兵已久去秋屢蒙

特旨徵召該提督感激

恩知不敢以私廢公臣復寓書再四敦促始於十二月開抵津臣

屬其備歷各營察看布置訓練機宜據稱各軍操練防守豫備戰

事均甚嚴整即新募各營亦經統帶衛汝貴講究軍實精益求精

堪成勁旅請勿遽行改派等語臣維盛軍馬步新舊各營將弁均

係周盛波傳部恩信素孚湖南提督周盛傳本係該提督胞弟久

隨該提督分帶是年自周盛傳接統十餘年來訓練嚴明紀律精

詳實已綏急可恃而周盛波臨陣之驍健調度之敏果馭眾之和

平尤為將士所信服現在直防淮練各統將勳望才略皆在周盛

波之下若令其總統前敵各營一旦遇有大敵必能躬親行陣相
度緩急聯絡諸將呼應一氣以助微臣所不逮查大沽北塘各口
守兵皆單各有汛地專倚盛軍為游擊援應之師擬飭周盛波會
統盛軍各營所有大沽北塘海口前敵各軍均令周盛波總統節
制臨事相機策應必更得力庶於畿防大局有裨所有遵
旨酌辦緣由繕摺由驛復陳伏乞
皇太后

皇上聖鑒訓示謹

奏

奏稿五十三

臺灣轉運請獎摺 光緒十一年正月十八日
奏為轉運臺灣餉械在事出力員弁繕詳司事西商酌擬獎敘繕
單恭摺仰祈

聖鑒事竊臣欽奉光緒十年十二月二十三日電

旨銘盛兩軍弁勇已至卑南登岸覽奏欣慰委員戴嗣源著賞三
品花翎英人戴葉生著賞二等第一寶星以示優獎等因欽此仰
見

朝廷激勵戎行有勞必錄至意伏查上年閏五月間劉銘傳遵
旨渡臺督辦防務單騎赴敵隨帶親兵僅百餘人所有後路軍火
餉械及緝調營勇事關緊急飭委道員龔照瑗會同蘇松太道邵
友濂在滬籌辦其時法兵船已聚閩洋該道等密雇商輪分批運
送海上風鶴時驚辦理已屬艱險迨基隆獲勝馬江失事以後法

奏稿五十三

艦屬集臺北封禁各口壹意固圉商輪禁行文報阻絕該道等當
救援路斷之時不敢徒作望洋之歎竭誠殫慮慎密妥籌計自六
月至十二月雇船探信傳遞摺報並多方重價購覓商輪民船先
後十次晝伏夜行運送淮軍弁勇三千餘名大小後膛鋼礮六十
餘尊後膛新式洋鎗九千餘桿大小鎗礮子彈三百萬餘顆水雷
四十具電纜八十餘里餉銀十餘萬兩以及拉火銅引火藥各項
一一解到並無絲毫遺失劉銘傳營次電信得以保全臺北者實
賴有此接濟所有押運員弁司事及中西各色人等多未支薪水
皆能共抒忠憤涉風濤而不御冒鋒鏑而猶前出生死親赴前
敵洵屬著有異常勞績除戴嗣源葉生二名已奉
特旨給獎外其餘在事出力人員自應查明酌擬獎敘繕具清單
恭呈

御覽顯懇

天恩俯念臺灣孤懸海外軍情萬緊運送營勇餉械履危峭險偷

渡重圍迥非內地軍營尋常轉運可比

俯准照擬給獎以勸將來伏乞

皇太后

皇上聖鑒訓示施行謹

奏

奏稿五十三

四

災賑收支數目摺

光緒十一年正月十九日

奏為查明光緒八年五月至十年六月籌辦災賑工撫收支銀錢

米衣照案開單彙報恭摺仰祈

聖鑒事竊前因直屬旱澇成災辦理賑撫業將收支各款截至光

緒八年四月止開單彙報請免造冊奉

旨著照所請該部知道單併發欽此轉行遵照在案八年秋各屬

水旱頻仍加以霜雹地震民情本極困苦而九年六月以後大雨

連旬兼之上游邊外及鄰省山水奔騰匯注河隄多被衝漫附近

田廬悉遭淹沒災廣且鉅為數十年所未有小民昏墊流離慘不

忍觀輿經臣奏

恩旨撥帑截漕一而商請各省勸捐接濟惟捐務久成弩末又值

各省偏災賴大吏公忠體

奏稿五十三

五

國畛域無分各督司道等設法勸辦仰紳民情切解推卸遠在南

洋諸嶼亦感

朝廷深仁厚澤量力輸將得以集成鉅款拯救災黎並將衝決河

隄分投堵築坍塌民房給價修整其應濟應修工程擇要舉辦以

弭後患向歸民辦之工亦酌給津貼藉資餬口先後

奏報在案所有收支銀錢米衣各數應自八年五月起截至十年

六月止核實開報飭據籌賑局司道詳稱上屆原存連此次新收

共銀一百三十一萬四千九百五十三兩有奇津錢十萬二千一

百二十六串有奇漕米二十萬八千七百九十九石有奇大米七

千七百四十四石有奇粟米三萬二千七百五十二石有奇高粱

九萬三千一百八十石有奇粟穀三萬八千五百三十五石棉衣

八萬六千六百五十一件除陸續開支並撥歸賑局外應存銀二

十四萬五千八百七十四兩有奇津錢四千九百八十四兩有奇粟米二十八石有奇高粱六百四十四石有奇已歸十年冬賑十一年春撫動用月行開報等情前來臣查此次辦理賑撫均係恪守歷屆定章凡係可省之費無不力加裁汰其應賑者先由各州縣查明村莊災歉分數由府廳覆核相符再派動幹員紳確查戶口核實散放不假胥吏之手災輕則口多糧少災重則口少糧多隔水泛舟行泥乘輻孤村荒落無敢或遺復於天津及保定省城並靜海獻縣青縣等處添設粥廠饑廠米廠並辦平糶留養窮民或散給銀米棉衣以免凍餒或量備醫藥以治疾病其遠來就食無力歸耕者則給籽種口糧川資遣回原籍俾安生業至各處河工均由臣遴派道府各員並調南省好善紳士會同河道通盤籌計招集災民就地備趁以工代撫所用之款皆涓滴歸公絕無浮冒臣疊與司道認真督察茲復詳加稽核委係實用實銷謹彙開清單恭呈御覽仰懇天恩俯照歷屆奏准成案免造細冊以昭核實而免繁費理合恭摺具陳伏乞皇太后皇上聖鑒訓示再九年水災案內順屬賑撫用款業經府尹臣照案開單奏報請免造冊欽奉諭旨允准在案已於直屬用款單內剔除合併陳明謹奏

海防練軍報銷摺 光緒十一年正月十九日
奏為查明天津原有海防練軍等項光緒八年分收支各款照章造冊請銷恭摺仰祈聖鑒事竊據天津海防支應局司道詳稱天津練軍及大沽北塘馬步各營並雲字營馬隊應需餉項向由津海關六成洋稅洋藥釐捐東海關協餉長蘆鹽斤復價甯河釐捐各項下隨時籌撥按照海防章程並直隸練軍營制摺節支放所有光緒七年分收支款日業經奏咨准銷在案查光緒八年因大沽北塘等處礮臺原派兵丁不敷分布共月餉數目較練軍章程亦少事涉偏枯會將大沽協抽練洋鎗隊兵七百名遣歸原營合之大沽原有兵一千一百名共計一千八百名並募伙夫一百八十名每月酌加餉銀二千二十四兩零又北塘海口礮臺加撥兵二十名每月酌加餉銀一百五十七兩零又新城礮臺加撥官兵一百七十七員名每月酌加餉銀六百八十四兩零並將雲字馬隊右營裁撤同遣回大沽洋鎗隊兵七百名每月共節省銀二千六百餘兩以減抵增所缺無幾業經奏咨奉部覆准此外水利局添派委員司事及支應局添募書吏加支公費亦經照章彙冊咨部立案其餘支發一切款項悉照奏定章程及歷年海防准銷成案核實支放視光緒七年分准銷銀數有減無增造具細數清冊詳請奏咨前來臣逐加覆核計自光緒八年正月初一日起至年底止共收款銀三十五萬七千七百四十六兩一錢八分九釐六毫二絲六忽九微共支款應歸戶部核銷銀三十二萬五千九百五十二兩四錢五分六釐八毫二絲九忽六微應歸工部核銷銀三萬三千一百六十五兩四錢五分九釐八毫三絲四忽共應銷銀三十五萬九千一

百十七兩九錢一分六釐六毫六絲三忽六微除本案扣收平餘銀三百三十一兩六錢五分四釐五毫九絲八忽二微儘數動支外計不敷銀一千四十兩七分二釐四毫三絲八忽五微俟准部覆再行找給歸墊除清冊咨部外所有光緒八年天津海防練軍等項收支餉銀造冊請銷緣由理合恭摺具

奏伏乞

皇太后

皇上聖鑒敕部核銷謹

奏

奏稿五十三

八

賑捐展期片

光緒十一年二月初五日

再戶部會議海防需餉暫准部庫及各省開捐實官一案聲明直隸等省賑捐應行停止其奉到此次

諭旨之先所收銀兩限兩箇月趕造捐冊送部逾限不准請獎等因臣查直隸賑捐收數已截至光緒十年十二月止奏報在案應請獎敘原期依限辦竣惟各省集捐程途遠近不一如雲貴川廣陝甘等省文到已將限滿且捐生多未悉例章所請獎敘銀數每有參差一經駁查往返動須數月雖經咨行飭催而未據開送請獎者尙有銀二十餘萬兩計自奉

奏稿五十三

九

旨之日起除去封印日期扣至三月初八日部限屆滿斷難剋期竣事且前因災廣款絀民命至重輾轉設法勸辦許以獎敘幸捐生好義急公輸將踴躍俾賑無就緒全活窮黎不少若因逾限不得邀獎無以答其慕義之誠非所以示大信查光緒五年五月停捐案內因限期太迫經直隸河南山西先後奏請展限三箇月均

蒙

諭旨允准並經戶部核覆照辦有案此次情事相同且直隸賑捐祇獎虛銜封典等項概照例定十成實銀並無折扣其所收捐數又已節次奏報絕無隱射牽混之弊與海防開捐實官毫無妨礙據籌賑局司道具詳前來相應仰懇

天恩准將直隸已收賑捐未獎銀數撥案於正限外再展限三箇月仍照原定章程請獎俾免向隅而昭激勸理合附片具陳伏乞聖鑒訓示謹

奏

大員捐賑片 光緒十一年二月初五日

再查光緒九年直屬災賑案內據四川按察使如山捐銀一千兩
兩淮鹽運使續昌捐銀一千兩山東登萊青道方汝翼捐銀五百
兩大順廣道張陰桓捐棉衣合銀二千兩刑部郎中李釗捐銀五
百兩浙江臨海縣知縣高英捐洋銀六百圓合銀四百餘兩吉林
候補知府李金鋪捐銀一千兩永平府知府福謙捐銀一千兩盧
龍縣知縣張諸之捐銀一千兩前署津海關道江蘇候補道孫士
遵捐銀一千兩均於光緒十年六月以前解到當經發局兌收分
撥散放 臣查該司道等公忠康濟救災恤鄰深堪嘉尚擬請
旨敕部分別議敘以資觀感理合附片具陳伏乞
聖鑒訓示謹

奏稿五十三

十

赴朝撥用出使經費片 光緒十一年二月初五日

再上年冬間 臣奉
旨會同吳大澂等籌商朝鮮查辦亂黨事宜正值大沽封凍輪船
停駛吳大澂等因事機緊迫不宜遲緩電飭上海旗昌洋行專雇
富有利運普濟等輪船限期駛赴山海關旅順口一帶裝載員弁
兵勇赴朝駐泊馬山浦往來遞送文報所需船價應令蘇松太道
於出使經費項下隨時墊發現值北洋海防緊要需餉浩繁無款
可撥所有此次墊付船價及吳大澂等陸路轉運軍火雇用朝鮮
牛馬犒賞兵夫並往返一切費用共墊銀二萬餘兩擬請即由出
使經費內核實開支除咨明總理各國事務衙門知照外謹附片
陳明伏乞
聖鑒謹

奏稿五十三

十一

武毅五營由粵給餉片 光緒十一年二月初五日

再記名提督吳宏洛所統淮軍武毅五營向駐吳淞口光緒九年秋間粵防喫緊經前兩廣督臣張樹聲奏調赴粵所需月餉仍照舊章暫於淮餉內通融籌撥臣與張樹聲約定如該軍留粵過久淮餉力難供支應由粵自行籌撥近因海州有事商貨滯銷各關局收數不旺兼之紛紛召募撥款日多以致各省額協淮餉解數銳減臣部銘盛兩軍補足前裁二成勇丁及添募護軍等營駐守旅順礮臺並購辦外洋軍火放款日增以入抵出不敷甚鉅歷年局庫餘存之款經掘一空畿防各營實有難以周轉之勢若兼顧粵防不獨力有未逮並恐饋運不繼貽誤事機業將艱窘情形咨商兩廣督臣張之洞去後茲據撥稱武毅五營駐粵已有年餘軍為粵用餉應粵自光緒十一年正月起出粵照章給餉等語

奏稿五十三

主

所有淮軍收支局應放該軍餉雜各款即截至光緒十年底止一律停支除分檄遵照外謹附片具陳伏乞

聖鑒敕部查照謹

奏

直隸部款無力籌解摺 光緒十一年三月初三日

奏為直隸係缺額省分向賴他處協濟又值防餉奇絀無力可籌解部之款恭摺仰祈 聖鑒事竊准戶部咨開每省每年能籌出若干款項應令切實覈陳再行酌定分批解部等因當經分飭司道籌議茲據藩司松駿運司李邦楨津海關道周馥等陸續詳覆前來臣維儲財備用為裕國之常經自應綢繆未雨惟直隸係缺額省分藩司入不敷出向賴部撥協濟遇有水旱災傷則須另行撥給軍興以後協款停止支絀益甚嗣雖放款減成並將直屬旗租解歸藩庫而素非直隸放款撥歸藩庫供支者亦豈有增益且咸豐同治年間歷辦軍需用費繁巨馴至借墊各款至一千數百萬兩之多前雖就款開除九百餘萬兩尚有三百數十萬兩並未歸結其旗綠各營兵餉

奏稿五十三

主

文武俸薪等款積欠未發者更復不少長蘆課項係備撥京餉東三省協餉本省軍餉及內外各衙門帑利等款津海關稅項亦係備撥京餉海防軍餉及機器局經費等款往往收不敷解積欠應支之款甚巨臣督飭司道等樽節度支可裁則裁可緩則緩從不藉端浮濫並照章嚴查各屬交代徵起者隨時提解虧缺者分別參追無如入款祇有此數又值災歉頻仍賦課蠲緩工賑所需皆在常例之外此各庫艱窘之實情也直隸當邊海要衝沽塘至山海關一帶皆京師切近門戶邇來外患日迫勢不得不籌備防務漸圖自強經久之計凡購置船械仿造西洋軍火簡練士卒動需巨款祇以經費竭蹶未能擴充其已辦者無不力求核實嚴杜侵欺何敢以有用之金錢稍任虛擲現在月需防餉專賴部庫及各省關撥濟近

因東南各省同辦防務報解無多已有朝不保夕之勢於此而欲令其籌出若干解部實屬力有未逮譬如居家未有日用飲食不足而能兼顧他用者地方著名瘠苦源無可開迥與他省情形不同早邀

聖明洞鑒且

緩輔要防尤關大局即使稍有餘存亦應留備不時之用今事事仰給於人入不敷出難為無米之炊更何能辦部之項以致顧此失彼貽誤地方理合恭摺據實覆陳伏乞

皇太后

皇上聖鑒敕部查照謹

奏

奏稿五十三

請

添募護軍兩營片

光緒十一年三月初三日

再旅順為北洋緊要海口該口黃金山礮臺高踞峯巔最得形勝近因海防戒嚴復於左右兩岸扼要之區添築礮臺以資聯絡已革江西南贛鎮總兵王永勝所帶護軍營八哨專守黃金山礮臺東岸人字牆及新修田雞礮臺其對岸威遠礮臺並黃金山東之毋豬礁地方空虛無人宋慶所部已分守饒頭山老虎尾各口勢難再行抽撥自應責成護軍營就近兼顧惟該營僅止八哨人數大單實屬不敷分布經王檄飭王永勝照准軍營制添募兩哨改立護軍正副二營正營由王永勝自帶其副營派都司張文宣管帶仍歸王永勝節制即將新募隊伍分紮各該處以重要防月需餉項仍於淮餉內動支除將該兩哨薪糧銀數花名清冊及招募成軍日期分別咨部外所有添募兩哨編立護軍正副二營緣由

奏稿五十三

請

理台附片具陳伏乞

聖鑒敕部查照立案謹

奏

津習西學請獎摺 光緒十一年三月初三日

奏為出洋肄業暨天津招募學生學業有成及中西教習出力人員照章請獎繕單恭摺仰祈

聖鑒事竊查同治十年七月內前大學士兩江督臣曾國藩會同臣奏請挑選聰穎幼童赴美國書院學習軍政船政步算製造諸學使西人擅長之技中國皆能諳悉以培人材而圖自強奏定章程自同治十一年起至光緒元年止四批選送學生一百二十名出洋肄業俟學成回華聽候派用分別奏賞頂戴官階等因經總理衙門核准覆奏奉

旨依議欽此該學生等先後赴美國肄業除因事故撤回及在洋病故二十六名外其餘九十四名均於光緒七年分作三批回華頭批學生二十一名均送電局學傳電報二三批學生內有出船

奏稿五十三

共

政局上海機器局留用二十三名其餘五十名經臣札飭津海關道周馥會同機器電報各局逐加考驗分撥天津水師機器魚雷水雷電報醫館等處學習當差迄今又逾四年學經月課季課並由臣屢次親臨考校試以所習各藝均能融會貫通各有心得據津海關道周馥查明各該學生當差年分學業淺深詳請照章給獎前來臣查選募學生出洋肄習西學培養人材實為中國自強根本惟事屬勦辦風氣初開該學生等童年應募遠涉重洋學成回華分派各處當差均能始終勤奮日進有功雖經面加校試考其所學其習水師者內如魚雷一種理法最為精奧洋師每有不傳之秘該學生等講習有年苦心研究於拆合演放修整諸事皆能得法此外水雷早雷施放靈捷駕駛測量講求精細其分赴各營教習者於外洋操法陣法口令均臻嫻熟所教弁勇頗有成效

其派值電報者傳遞緊要軍報所少從公密運無誤他如步算製造醫學諸大端均能深明窺要實諸西洋教習及泰西各國水師兵官咸謂該學生等造詣有得足供任使該學生等現有派充營哨各官及管駕教習官醫各項差使者亟應量其技能酌保官階給予頂戴以式戎行而資策勵其天津所募學生在水師電報醫館各學堂肄習多年學經考試其學業之優者足與出洋諸生相埒自應一律保獎俾昭公允至中西教習各員課導有方始終不懈其所教諸生既均學有成效亦應擇尤酌保以獎成勞為此酌擬獎敘繕具清單恭呈

御覽仰懇

天恩俯念中國選募學生肄習西學以圖自強實為目前當務之急值此風氣初開倘有成效准予照擬破格從優給獎以昭激勸

奏稿五十三

七

可為培養人材漸收實用之一助所有擬保出洋肄業暨天津招募學生及中西教習人員緣由理合恭摺具陳伏乞

皇太后

皇上聖鑒訓示謹

奏

謹將擬保美國回華及天津招募學習水師魚雷水雷電報
醫學各學生繕具清單恭呈

御覽

計開

候選縣丞唐榮浩擬請俟選缺後以知縣用

縣丞銜黃開甲朱寶奎郭銘新均擬請以縣丞不論雙單月選用

候選從九品張逢源擬請免選本班以縣主簿歸部選用

文童林聯輝金大廷何廷樑周傳謬李汝淦曹茂祥梁普時黃仲

夏趙湘吳仲賢唐紹儀周長齡牛尙周袁長坤周萬鵬周傳諫陶

廷廣馮炳忠陸德彰方伯樑唐元湛梁金榮朱錫綬林聯盛潘斯

熾吳煥榮程大業盛文揚柳漢秋陳占魁顧景星梁倫奎樊兆瑛

李士燾權開泰李鑫祥揚國嶼余柳堂李榮光張兆瑛鄭麟傑朱

忠梁榮芳曾清鑑等四十四名均擬請以從九品不論雙單月選

用林聯輝並請加六品銜

候選從九品陳才端擬請加六品銜

以上各生現在天津大沽旅順朝鮮各營局辦理繙譯機器

電報醫學魚雷水雷等事

補用參將劉恩榮擬請以副將儘先補用

都司銜補用守備山海路中軍千總崔長順擬請免補守備以都

司儘先補用並

賞加游擊銜

監翎把總劉金元軍功方鳳鳴蔡廷幹王長登等四員均擬請以

補千總不論雙單月選用並

賞加守備銜

直隸督標左營千總閻欽擬請以守備儘先補用

儘先千總王湧泉崔富春均擬請免補千總以守備儘先補用

千總用儘先把總汪恩孝陸孝旺均擬請免補把總以千總儘先

補用

軍功陸錫貴守瑜劉冠南陳兆鏘李聯芬何金成劉昭亮張玉

明張哲潔翁祖年張珍沈叔齡黎賢俞英溥吳敬榮鄺國光陳

金揆沈壽昌曹家祥黃祖道黃裳吉徐永泰洪翼孫慶成葉瑞彪

湯金城陳榮貴唐榮俊劉冠雄林文彬陳恩熹鄭文超等三十二

名均擬請以千總儘先拔補

外委鄭寶珍楊起勝王燕亭姜瑞榮潘明德軍功容耀垣鄧士聰

李士元盧祖華臣維城傅得勝張以德楊茂林黃增奎羅景隆莊

大有楊成林勝玖芳周元祥張國慶吳應科宋文翹鄺炳光趙榮

潘長春王敦厚譚錫鏞徐振鵬丁崇吉李登瀛左萬金梁普照鄺

景揚許啟邦等三十四名均擬請以把總儘先拔補

軍功楊萬德張成劉恩馮天生胡永慶楊開泰楊秀龍龐玉順侯

文順周奎章鄺榮光鄺賢儒吳仰曾等十三名均擬請以外委儘

先拔補

以上各生現在兵船魚雷水雷等營充當管帶幫帶及蚊船

練船兵輪雷艇各項差使

謹將擬保中西教習人員繕具清單恭呈

御覽

計開

候選道張席珍擬請以道員分發省分歸候補班補用

知府用分發補用同知龔照璵擬請免補本班以知府分發省分

補用

候選同知顧元爵分發補用直隸州知州羅豐祿均擬請以知府

分發省分補用

候選州判張廣生擬請免選本班以知縣分發省分補用

知州用直隸候補通判朱幹臣擬請免補通判以知州仍留原省

補用

候選知縣李竟成擬請以本班留於直隸歸候補班前補用

奏稿五十三

大挑教諭吳樹棠擬請以知縣分發省分補用

候補縣丞洪壽彭擬請免補縣丞以知縣仍留直隸補用

洋員滿宜士擬請

賞給三等第二寶星

洋員馬根濟璞爾生洗木士均擬請

賞給三等第三寶星

電資撥抵款摺

光緒十一年三月初三日

奏為商辦電報應收官報電資非洋撥款抵完擬將南洋動撥出使經費接續劃抵恭摺仰祈

聖鑒事竊電報原為籌辦洋務軍務而設自光緒六年奏明開辦津滬電綫計用經費湘平銀十七萬八千七百兩有奇係在北洋淮軍餉內動支嗣因常年用費浩繁人不敷出自八年三月初一日起改歸商辦由商人繳還官本銀八萬兩其餘銀九萬八千七百兩有奇以軍機處總理衙門各省督撫將軍出使各國大臣頭等官報應收信資陸續劃抵按年核明彙報俟此項抵繳完畢別無應還官款則前項官報亦不領資其各局常年經費即以所收尋常官商信資抵支奉

奏稿五十三

三

旨允准轉行欽遵在案查第一屆光緒八年三月起至十二月止頭等官報應收信資劃抵銀三千四百七十四兩零第二屆光緒九年正月一起至十二月止頭等官報應收信資劃抵銀二萬七千七百五十八兩零其餘銀六萬七千四百六十七兩零適值第三屆光緒十年正月一起軍務繁興官報絡繹至十二月止以頭等官報應收信資劃抵尚有不足溯自電報創設以來實在功效在官者多在商者少光緒八年飭集股本八萬兩九年因英國丹國爭造各口電綫侵佔中國權利又飭集股本洋銀五十萬元推廣浙閩粵各省電綫尙有金州礦股二十萬元在內該商等情股報效專顧交涉大局初不計及利息之虧耗惟閩粵一綫道遠費鉅局多報少工程兩年始竣不特一時造費踴躍支即常年開銷亦無把握猶冀整頓商報以信資抵支經費乃值法人起衅南非各局官報紛馳總理衙門各省督撫出使各國大臣頭等官報之

外如各路統兵將帥及各局所徵撥兵船偵探轉運委員均以洋
務軍務列作頭等官報以免遲誤自上年閏五月諒山事起官報
更數倍於前司事學生日夜值班刻無暇晷凡遇電傳
上諭奏咨各件關係緊急不敢片刻停留所有三四等商報全行
回覆即或抽暇代寄亦不能按定時刻甚至捺擱一二日而寄電
之人不惜報資無非求速既難限定時刻遂至裹足不前此因軍
報過多商報日減之情形也西洋向例電報辰時開機戌時停機
學生等每日分兩班替換軍興以來日夜不停各局司事學生莫
不加班輪值沿途桿綫向來責成各汛管修每局祇用工頭一名
現須添用工頭以備隨損隨修洋匠工竣本可裁撤現因官報緊
要學生工頭尚多生疏所有洋匠十名盡行留用歲糜洋銀三萬
元左右其他薪水工食紙張油燭皆比平時增至數倍此因軍報
過多開銷日繁之情形也原奏以信資備抵開銷而現在各省商
局用款每年約需銀二十餘萬所收尋常官商報資有限不敷尚
鉅上年局董謝家福等曾請將頭等官報照收報費現銀未經議
准惟光緒十年分頭等官報應扣信資以非洋准軍撥款劃抵已
屬不敷其光緒十一年以後頭等官報既不能照商報收取現銀
自應將續設各省電報借撥官款接續劃抵該局奉辦長江電綫
時經前任南洋大臣左宗棠飭在上海道庫兩次借撥出使經費
庫平銀七萬兩據電股眾商以頭等官報應給信資請俟北洋動
撥銀兩劃抵完竣即將南洋借撥出使經費銀七萬兩陸續劃抵
並照章另冊存記彙報咨部查核仍俟抵繳完畢別無應還官款
官報不月領資以裨要政而符原議等情由總辦電報事務道員
盛宣懷詳請核

奏前來臣查電報之設關係軍國大計刻值海防喫緊軍報日夕
紛馳所賴聲息靈通得以咄嗟立應無誤戎機惟商報無幾費用
不貲股商無力賠累今以頭等官報應收之電資非洋撥款抵竣
擬將南洋撥款接續劃抵核與奏奉
旨准原案相符自應准如所請辦理除飭將光緒十年分官報應
收信資劃抵細數剋日彙冊詳咨外謹合詞恭摺具
奏伏乞
皇太后
皇上聖鑒訓示謹
奏

奏
皇太后
皇上聖鑒訓示謹
奏

奏稿五十三

日本議立專條摺 光緒十一年三月初五日

奏為遵

旨與日本使臣商議事務現已訂立專條畫押互換恭摺陳仰

祈

聖鑒事竊臣欽奉光緒十一年正月二十五日

寄諭日本使臣計將到津李鴻章熟悉中外交涉情形必能妥籌

因應本日已有旨派李鴻章為全權大臣即著該督與日使在津

商議事務吳大澂係原派前往朝鮮查辦之員並著會同商議此

次朝鮮亂黨滋事提督吳兆有等所辦並無不合前據徐承祖電

稱日人欲我懲辦在朝武弁斷不能曲徇其請著李鴻章等設法

堅拒其餘商議各節該大臣等務當妥為籌畫斟酌機宜與之辨

論隨時請旨遵行等因欽此仰見

聖訓精詳

指授機要感佩莫名日使伊藤博文抵津恩入都旋由都來津

於二月十八日詣軍行館會議當邀同吳大澂續昌與之接晤該

使臣要求三事一撤回華軍二議處統將三償卹難民二十二

二二十五等日會晤復以此三事嘖嘖不休經臣疊次據理力爭

往復駁詰所有連日問答節略均鈔送總理衙門轉

奏在案臣維三事之中惟撤兵一層尚可酌量允許我軍隔海遠

役將上苦累異常本非久計朝鮮通商以後各國官商畢集王城

口舌滋多又與日軍備處帶兵官剛柔操縱難一一合宜最易

生事本擬俟朝亂略定奏請撤回而日兵駐紮漢城名為護衛使

館實則駐睡臥榻把持用心殊為巨測今乘其來請正可趁

此機會令彼撤兵以杜其併吞之計但日本久認朝鮮為自主之

國不欲中國干預其所注意不在暫時之撤防而在永遠之輟戍

若彼此永不派兵駐朝無事時固可相安萬一日人嗾朝叛華或

朝人內亂或俄鄰有侵奪土地之事中國即不復能過問此又不

可不熟思審慮者也伊藤於二十七日自擬五條給臣閱看第一

條聲明嗣後兩國均不得在朝鮮國內派兵設營乃該使臣著重

之筆餘尚無甚關係臣於其第二條內添註若他國與朝鮮或有

戰爭或朝鮮有叛亂情事不在前條之例伊使於叛亂一語堅持

不允遂各不懌而散旋奉三月初一日電

旨撤兵可允永不派兵不可允萬不得已或於第二條內無干句

下添敘兩國遇有朝鮮重大事變各可派兵互相照等語尚屬

可行至教練兵士一節亦須言定兩國均不派員為要等因欽此

聖謨深遠杜漸防微正與臣等愚慮昭合臣復恪遵

奏稿五十三

旨意與伊藤再四磋商始將前議五條改為三條第一條議定兩

國撤兵日期第二條中日均勿派員在朝教練第三條朝鮮若有

變亂重大事件兩國或一國要派兵應先互行文知照句斟字酌

點易數四乃始定議夫

朝廷眷念東藩慮日人潛師襲朝疾雷不及掩耳故不惜糜餉勞

師越疆遠戍今既有先互知照之約若將來日本用兵我得隨時

為備即西國侵奪朝鮮土地我亦可會商派兵互相援助此皆無

礙中國字小之體而有益於朝鮮大局者也至議處統將償卹難

民二節一非情理一無證據本可置之不理惟當時日兵被我軍

擊敗傷亡頗多國旗既辱軍威亦損聞日本陸長諸黨深以此事

為恥羣情洶洶齊動公憤欲圖報復伊藤謂此二節不定辦法既

無以復君命更無以息眾忿亦係實情然我軍保護屬藩名正言

順誠如

聖諭該提督等所辦並無不合斷不能由徇其請且

明詔煌煌亦萬無議處之理因念駐朝慶軍係臣部曲姑由臣行文戒飭以明出自己意與

國家不相干涉譬如子弟與人爭鬪其父兄出為調停固是常情至伊所呈各口供謂有華兵殺掠日民情事大徵等在朝鮮時毫無見聞臣亦未聞他人言及難保非彼族藉詞圖賴但既經該國取有口供正可就此追查如查明實有某營某兵上街滋事確有見證定照軍法嚴辦以示無私絕無賠償可議也以上兩節即由臣照會伊藤俾得轉場完案伊藤亦翁服無異詞旋奉初三日電

旨所定三條著即照辦餘依議欽此遂於初四日申刻彼此齊集

公所將訂立專條逐細校對公同簽押蓋印各執一本為據並月

給照會交伊藤收執該使臣即於初五日起程回國謹將約本封送軍機處進呈

御覽恭候

批准其照會底稿已鈔致總理衙門查照轉奏矣竊惟去冬十月朝鮮之變竹添陰助亂黨而朝王亦難免開門揖盜之譏日兵先發難端而華軍亦有乖投鼠忌器之義日本最貪小利同治十三年臺灣生番之役優給卹銀略示寬大此次乘中法交訖之會借朝鮮兵爭之事尋衅而來冀收漁人之利其願望未嘗不奢駐日使臣徐承祖函稱該國王調集廣嶺熊本兩鎮之兵預備戰事伊藤來華隨帶水陸將弁多人沿途偵探虛實朝鮮君臣聞日使北來舉國震恐臣等方慮事機決裂亟貽

君父之憂茲幸法夷效順日人亦就範圍臣等稟承

廟謨反復辯折倖免隕越以後彼此照約撤兵永息爭端俾朝鮮整軍經武徐為自固之謀並無傷中日兩國和好之誼庶於全局有裨所有遵

旨會議訂立專條畫押竣事各緣由謹會同都察院左副都御史

臣吳大澂兩淮鹽運使臣續昌恭摺由驛馳

奏伏乞

皇太后

皇上聖鑒訓示再臣續昌擬即日回京覆

命合併聲明謹

奏

奏稿五十三

毛

中日約款三條

一議定中國撤駐紫朝鮮之兵日本國撤在朝鮮護衛使館之兵
 弁自書押蓋印之日起以四箇月為期限內各行盡數撤回以免
 兩國有滋端之虞中國兵由馬山浦撤去日本國兵由仁川港撤
 去
 一兩國均允勸朝鮮國王教練兵士足以自護治安又由朝鮮國
 王選雇他外國武弁一人或數人委以教演之事嗣後中日兩國
 均勿派員在朝鮮教練
 一將來朝鮮國若有變亂重大事件中日兩國或一國要派兵應
 先互行文知照及其事定仍即撤回不再留防

奏稿五十三

天

奏留吳仲翔片

光緒十一年三月十四日

再承准軍機大臣字寄光緒十一年二月十三日奉

上諭左宗棠奏道員吳仲翔前在船政局當差章程多係該員議
 定請飭仍回福建辦事等語吳仲翔現在天津辦理水師學堂練
 船事宜如有委員可以接辦即著李鴻章飭令前赴船政局當差
 等因欽此遵查二品銜分發補用道吳仲翔光緒七年四月開經
 臣以天津創辦水師學堂奏派該道駐局總辦十年十一月開經
 臣以學堂辦有成效附片奏獎奉
 旨吳仲翔著交軍機處存記欽此欽遵在案茲查左宗棠原片內
 稱該道究心洋務在船局十有三年於廠中利弊及教練海戰各
 事均極曉暢而臣前奏亦以為該道品學兼優體用俱備能講求
 西洋水師規制於船務經營最久探討最深堪以幹濟時艱若飭

奏稿五十三

天

仍回船局當差自必堪期得力惟非洋水師方籌整飭該道才堪
 肆應具有血忱不避勞怨正資臂助且學堂為水師根本辰下成
 效初收粹乏委員可以接辦合無仰懇

大恩准其暫留該道吳仲翔在津當差俾資一手經理至該道器
 識才略實越尋常將來若邀

特簡畀以重任亦必有以仰副

生成理合附片覆陳伏祈

聖鑒訓示謹

奏

海防捐款撥歸支應片

光緒十一年四月初十日

再前因海防需餉孔亟經戶部會議奏准各省開捐聲明俟收有實在成數按月咨報撥歸該省糧臺軍營實收實銷等因當飭據藩司設局委員勸辦已將第一二三四次捐生名數銀數咨部核獎在案查直隸海防用款除添募新軍專由部庫撥餉外其原有水陸各軍月餉及購置船械價值船隔船澳水雷魚雷各營礮臺學堂電報各項經費需用繁巨刻不可緩本指各省關稅釐額款乃自總理衙門戶部奏撥以來廣東福建釐金從未解過浙

奏

聖鑒敕部查照謹

失信洋商轉多虧點金之術焦棟莫名直隸為畿輔要區海防實自強至計斷難因費細停罷前於第一二三四次捐案督飭認真勸辦共集得銀十一萬一千三百餘兩已咨明戶部照章撥歸天津海防支應局收用暫濟眉急此後續收捐項自應一律撥歸支應局略抵各省關釐解之數稍資周轉免誤事機仍按次咨部山局彙案報銷如此辦理實與本省捐項撥歸本省收銷之部議相符合附片具陳伏乞

法國議和定約摺

光緒十一年四月二十七日

奏為與法國使臣商辦詳細條約暨押竣事仰祈聖鑒事竊臣等欽奉三月初六日

上諭本日已有旨派李鴻章為全權大臣與法國使臣辦理詳細條約事務並派錫珍鄧承修前往天津會同商辦法使巴德納不日到津所有應議事宜關繫重大李鴻章務當與錫珍鄧承修會同詳細妥籌臨機因應與法使據理辯論毋得意存遷就總期無傷國體不貽後患仍隨時奏明請旨遵行等因欽此仰見

聖謨閣遠訓示周詳曷任欽悚臣錫珍承修

陸辭後於三月初十日抵津會晤法使鴻章密商詳細條約業由總理衙門王大臣飭總稅務司赫德與巴黎法外部電商辦理巴德

奏稿五十三

納至津彼此拜晤初未談及公事三月十六日接奉醇親王禮親王慶郡王公函以赫德而交法都所擬詳約十條皆本上年津約之意略有出入現酌改數處屬臣等再行酌度具覆臣等當據管見臚陳去後嗣疊准慶郡王等密函歷次刪改辯論之處甚多均隨時進呈

御覽遵

旨酌辦三月二十九日先將第一三四七八九共六條彼此均允照辦四月初三初六等日復將第五六條核訂先後鈔交臣等與巴德納督同中法翻譯官詳確考究講解文意開有不符復函請王大臣與赫德丁懋長等妥細校正寄由臣等與巴德納面定仍請總理衙門隨時奏進請

旨遵行四月十九日第二十兩條亦經法電遵改巴德納譯送
臣等又緘請慶郡王令赫德丁處良月譯進
呈二十三日奉電

旨此次議約往返電商各條均尚得體本日披覽改定第二十
兩條亦最妥協著李鴻章等再將各條詳加擬對如意義相符並
無參錯即著定期帶押等因欽此臣等復與巴德納而商覆加核
定隨即電奏在案該使屢催期盡押訂於四月二十七日齊集
公所將中法文四分會同校對無謬均各畫押鈐印竣事彼此各
存正副本二分竊維中法兩國為越事戰爭數年勝負互見今乘
諒山大捷之後
皇威震懾渤海同欽法都既有悔禍之誠中土亦可藉收戡兵之
益仰蒙

皇太后

奏稿五十三

三

皇上堅持定見杜要求之詭謀擴懷柔之大度請王大臣和衷匡
弼實力贊襄自本年正月迄今往復辨折繁費經營遂得定艱危
於俄頃躋舉世於不康實天下臣民之福臣等從事其間稟承
廟謨隨機因應倖無隕越斷不敢稍有草率致貽後悔此後惟冀
總理衙門暨滇粵各督撫臣恪遵條約分晰籌辦慎固封守聯絡
邦交庶可防患於未萌相安於無事耳謹將條約正本封送軍機
處進呈恭候
批准以便屆時互換其副本咨送總理衙門查核臣鴻章原奉全
權大臣
諭旨一道敬謹咨繳軍機處備查所有商辦法國詳細條約畫押
竣事緣由謹繕摺山驛馳奏伏乞

皇太后
皇上聖鑒訓示施行再臣錫珍臣鄧承修即日起程回京覆
命合併聲明謹
奏

奏稿五十三

三

中法約款十條

大清國

大皇帝

大法民主國

大總理璽天德前因兩國同時有事於越南漸致離隔今彼此願為了結並欲修明兩國交好通商之舊誼訂立新約期於兩國均有益即於光緒十年四月十七日在天津商訂簡明條約光緒十一年二月二十八日奉

旨允准者作為底本為此兩國特派全權大臣會商辦理

大清國

大皇帝欽差全權大臣文華殿大學士太子太傅北洋通商大臣直隸總督一等肅毅伯爵李

欽差總理各國事務大臣刑部尚書管理戶部三庫左翼世職官學事務鑲黃旗漢軍都統錫

欽差總理各國事務大臣鴻臚寺卿鄧

大法民主國

大總理璽天德欽差全權大臣賞給佩帶四等榮光寶星並瑞典國頭等北斗寶星駐劄中國京都總理本國事務巴德納

各將所奉全權文憑互相校閱均屬妥協立定條約如左

第一款

一越南諸省與中國邊界毗連者其境內法國約明自行洩亂安撫其擾害百姓之匪黨及無業流氓悉由法國妥為設法或應解散或當驅逐出境並禁其復聚為亂惟無論遇有何事法兵永不得過北圻與中國邊界法國並約明必不自侵此界且保他人必

不犯之其中國與北圻交界各省境內凡遇匪黨逃匿即由中國設法或應解散或當驅逐出境倘有匪黨在中國境內會合意圖往擾法國所保護之民者亦由中國設法解散法國既擔保邊界無事中國約明亦不派兵前赴北圻至於中國與越南如何互交逃犯之事中法兩國應月行議定專條凡中國僑居人民及散勇等在越南安分守業者無論農夫工匠商賈若無可責備之處其身家產業均得安穩與法國所保護之人無異

第二款

一中國既訂明於法國所辦洩亂安撫各事無所掣肘凡有法國與越南自立之條約章程或已定者或續立者現時並日後均聽辦理至中越往來言明必不致有礙中國威望體面亦不致有違此次之約

第三款

一自此訂約畫押之後起限六箇月期內應由中法兩國各派官員親赴中國與北圻交界處所會同勘定界限或於界限難於辨認之處即於其地設立標記以明界限之所在若因立標處所或因北圻現在之界稍有改正以期兩國公同有益如彼此意見不合應各請示於本國

第四款

一邊界勘定之後凡有法國人民及法國所保護人民與別國居住北圻人等欲行過界入中國者須俟法國官員請中國邊界官員發給護照方得執持前往倘由北圻入中國者係中國人民祇由中國邊界官員自發憑單可也至有中國人民欲從陸路由中國入北圻者應由中國官請法國官發給護照以便執持前往

第五款

一中國與北圻陸路交界允准法國商人及法國保護之商人並中國商人運貨進出其貿易應限定若干處及在何處俟日後體察兩國生意多寡及往來道路定奪須照中國內地現有章程酌核辦理總之通商處所在中國邊界者應指定兩處一在保勝以上一在諒山以非法國商人均可在此居住應得利益應遵章程均與通商各口無異中國應在此設關收稅法國亦得在此設立領事官其領事官應得權利與法國在通商各口之領事官無異中國亦得與法國商酌在北圻各大城鎮揀派領事官駐紮

第六款

一北圻與中國之雲南廣西廣東各省陸路通商章程應於此約畫押後三箇月內兩國派員會議另定條款附在本約之後所運貨物進出雲南廣西邊界應納各稅照現在通商稅則較減惟由陸路運過北圻及廣東邊界者不得照此減輕稅則納稅其減輕稅則亦與現在通商各口無涉其販運鎗械軍械軍火等應各照兩國界內所行之章程辦理至洋藥進口出口一事應於通商章程內定一專條其中越海路通商亦應議定專條此條未定之先仍照現章辦理

第七款

一中法現立此約其意係為鄰邦益敦和睦推廣互市現欲善體此意由法國在北圻一帶開闢道路鼓勵建設鐵路彼此商辦其招後若中國酌擬創造鐵路時中國自向法國業此之人商辦其招募人工法國無不盡力勸助惟彼此言明不得視此條係為法國一國獨受之利益

第八款

一此次所訂之條約內所載之通商各款以及將訂各項章程應俟換約後十年之期滿方可續修若期將滿六箇月以前議約之兩國彼此不預先將擬欲修約之意聲明則通商各條約章程仍應遵照行之以十年為期以後仿此

第九款

一此約一經彼此畫押法軍立即奉命退出基隆並除去在海面搜查等事畫押後一箇月內法兵必當從臺灣澎湖全行退盡

第十款

一中法兩國前立各條約章程除由現議更張外其餘仍應一體遵守至此大條約理由

大清國

大皇帝批准及

大法國

大總理天德批准後即在中國京都互換

光緒十一年四月

西歷一千八百八十五年六月

大清國 欽差全權大臣李

欽差總理各國事務大臣錫

欽差總理各國事務大臣鄧

大法民主國欽差全權大臣巴

日

日

兩國交還擄掠員弁片

光緒十一年四月二十七日

再臣鴻章前准左宗棠楊昌濬電稱本年二月二十六日法國兵船在臺灣瓊瑤洋面截奪平安輪船將所載楊岳斌乾勇七百餘人帶往澎湖聞已分送西貢安置請向法使追索等語臣而商巴德納該使謂此事尚在兩國未停戰以前西國戰例凡彼此損傷人貨均不賠補若俘獲兵民可互交還但須和約定後再議聞廣西軍營亦有檢獲法國官兵數人應懇發還互換又蘇州提訊賈給法船食物之人並被控之法館幕友張志瀛等均請釋放以敦睦誼等情臣查兩國和局既定在交戰時擄獲弁兵及因戰事查擊之人一體釋放皆係萬國公法所應行臣因於詳約書押之先備具照會屬將前次擊獲平安輪船之官兵全數釋回其攜往西貢者即交便船載回澎湖由閩浙督臣派員往澎湖領取該使照覆允辦並請將中國軍營擊獲法國弁兵一律釋回其意即指春開桂軍生擒者又稱所有無論何國何色之人與前衅有涉者乞恩寬免追究其意即指上海張志瀛等案也相應請旨飭下左宗棠楊昌濬等即派安幹大員赴澎湖會商法國兵官索還前次截獲之弁勇其由西貢載回弁勇船費若干如該兵官求補可由閩省籌給並請旨飭下護廣西撫臣李秉衡將前此生擒法國弁兵照數押交越境法國兵官查收仍懇恩飭兩江督臣江蘇撫臣將前此因案牽涉之張志瀛等一併寬免追究以廣皇仁而示大信以上各節可否均由電報轉達俾昭迅速謹照鈔臣與巴德納往復照會稿咨送軍機處備查伏乞

奏聖訓示施行謹附片具

奏稿五十三

三

照錄給法國使照會

為照會事照得本年二月二十六日

貴國兵船在臺灣琅琦洋面截奪平安輪船將該船所載中國弁兵七百餘人帶往澎湖聞已分半載送西貢安置等情查各國公法凡戰時所俘獲兵士俟和議定後仍即交還茲中法和約業經訂定應請

貴大臣篤念友誼轉致

貴水師提督即將前次擊獲平安輪船之官兵七百餘人全數釋回其有攜往西貢者亦即交便船載回澎湖本大臣當咨會

閩浙督部堂楊就近派員前往澎湖領取諒

貴國必能體彼此和好之忱迅速施行相應照會

貴大臣請煩查照見覆須至照會者

奏稿五十三

單

光緒十一年四月二十六日發

照錄法國使照覆

為照覆事接准

貴大臣光緒十一年四月二十六日照會內開法國兵船截奪平安輪船所載中國弁兵應請轉致釋回等因前來查我國家想中國內地若遇有擊獲法國兵弁等則

貴國必定一律釋回即已達致無不應允所請惟願於互交擊獲

弁兵之餘按照各國公法一而亦由

貴國將所有無論何國何色之人與前毀有涉者一體寬免追究

諒

貴國必願我兩國前者參差日後無留遺跡即能體此和好之

忱亦樂而施行希即見覆可也為此照覆須至照會者

光緒十一年四月二十六日發同日到

奏稿五十三

單

勅設武備學堂摺

光緒十一年五月初五日

奏為天津仿照西法勅設武備學堂擬由海防經費內核實開支並俟辦有成效援案請獎恭摺仰祈

聖鑒事竊

臣上年七月間遵旨選屆德國兵官來津當即派往水陸各軍認真教練業經附片

陳

奏在案該兵官等或熟精鎗礮陣式或諳習礮臺營壘作法皆由該國武備院讀書出身技藝優長堪充學堂教師之選據總統前敵各軍週缺題奏提督周盛波總統盛軍湖南提督周盛傳等稟請仿照西國武備書院之制設立學堂遴派德弁充當教師挑選營中精健聰穎略通文義之弁日到堂肄業經臣批准照辦並令直隸提督李長樂廣東水師提督曹克忠署廣西提督唐仁廉四

奏稿五十三

聖

川提督宋慶總統銘軍記名提督劉盛休正定鎮葉志超通永鎮吳育仁大名鎮徐道奎皖南鎮史宏祖等各挑選弁兵送堂肄業前來臣查泰西各國講究軍事精益求精其兵船將弁必由水師學堂陸營將弁必由武備書院造就而出故稱略皆所素裕性習使然聞其武備書院學舍林立規模闊朗讀書繪圖有所習藝練技有所專選世家子弟年少敏幹者童而習之長則調入營伍由隊日漸充將領非可一蹴幾也當其肄業之初生徒比屋而居分科傳授其於戰陣攻守之宜直視為身心性命之學朝夕研求不遺餘力而鎗礮之運用理法步伍之整齊靈變尤為獨擅勝場我非盡敵之長不能致敵之命故居今日而言武備當以其人之道還治其人若僅憑血氣之勇縱疏之材以與強敵從事終恐難操勝算該提督等各遣弁兵來學誠欲因時制宜不得不變通盡利

耳惟是武備書院之設應建廠屋甚多需費甚鉅目下經費支絀不能不力求摺節臣與津海關道周馥等籌商暫就天津水師公所安置生徒名曰武備學堂遴委德國兵官李寶桂發祿折甯那

珀博郎爾士等作為教師並選派通習中外文字之員分充翻譯

即於本年正月將各營送來弁兵飭該道等悉心考試擇其精悍

靈敏者挑取百餘名入堂肄業其中有文員願習武事者一併量

子錄取並令與該兵官等安立章程認真訓練數月以來各學生

逐日按時進堂左圖右書口講指畫於西洋行軍新法頗有領悟

一月之中每開三五日由教師督率學生赴營演試鎗礮陣式及

造築臺壘之法勞其筋骨驗其所學每屆兩月由臣派員局試一

次分別賞罰約計一年後於西洋後膛各種鎗礮土木營壘及行

軍布陣分合攻守各法必能通曉屆時擬將頭批學生發回各營

飭由各統領量材授事復挑二批弁兵百餘人送堂肄業分番迭

進期無間斷其優者或留堂作為幫教習或回營轉教員弁數年

以後教學相長觀摩盡善非洋各營必全曉西洋近日行軍制勝

之方矣獨是泰西武備之學皆從天算輿地格致而來欲造其極

詣必先通其語言文字乃能即事窮理洞見本原擬俟經費稍充

另行建立書院選募良家幼子弟入院肄業以宏造就學成後

再調營帶隊俾資歷練庶乎有本之學將材日出而不窮可備

國家干城禦侮之用現時學堂經費除洋弁已遵

旨酌定幸俸教習繙譯各員應酌量差事繁簡分別開支薪水外

其餘學生飯食紙筆器具獎賞等項及添造住屋購買西洋兵事

書籍圖畫測量儀器各種均擬在北洋海防經費內摺節開支按

年核實報至學堂為培植將材根基中土勸辦之初風氣未開

年核實報至學堂為培植將材根基中土勸辦之初風氣未開

年核實報至學堂為培植將材根基中土勸辦之初風氣未開

年核實報至學堂為培植將材根基中土勸辦之初風氣未開

不可不多方誘掖以收鼓舞作新之效擬將教習繙譯各員及屢
考優等堪充教習之學生擬照同文館成案二年奏保一次以示
鼓勵庶幾在事人等奮勉圖功成就更速所有天津勸設武備學
堂擬由海防項下開支經費並俟辦有成效擬請獎各緣由謹
繕摺具陳伏乞

皇太后

皇上聖鑒敕部查照謹

奏

奏稿五十三

聖

諭除東淀地糧片

光緒十一年五月初五日

再清理東淀界內凡有礙水道地畝應留以資宣洩永遠不許
佔種內有完納糧課者查明請豁經臣奏奉

諭旨遵行在案前查靜海縣境內有礙水道民糧地一百四頃五
十餘畝河淤租地二頃十餘畝已奏准豁除糧租茲續查靜海縣
境內有礙東淀水道民糧地十三頃六十五畝三分四釐一毫無
閏之年應徵銀三十三兩五錢五分一釐耗銀三兩三錢五分五
釐有閏之年應徵銀三十四兩一錢四分一釐耗銀三兩四錢一
分四釐應請自光緒九年豁除為始造入奏銷報部仍飭永遠不
准佔種以暢水道據該縣造具冊結呈經府道加結由藩司核明
具詳前來臣覆核無異理合附片具陳伏乞
聖鑒敕部查照謹

奏

奏稿五十三

聖

請緩鹽課奏銷摺 光緒十一年五月初五日

奏為援案請緩長蘆本屆正課奏銷以恤商艱仍無誤協撥京奉各餉恭摺仰祈

聖鑒事竊據長蘆鹽運使李邦楨詳稱蘆商正課例限五月奏銷自同治十年後商情艱窘節經

奏准緩至十月啟徵茲已例限將屆催令各商完納據通綱晉有等一百二十三商稟稱近年直豫災歉頻仍閭閻元氣未復引

岸滯銷商本虧折惟賴正課展緩藉資周轉得以專力願運然願運實所以保課故十數年來應交課銀未誤報解期限上兩年且

較歷屆增交銀二萬餘兩有裨餉需蓋奏銷時日稍舒始可勉竭商力也今奉催令照舊例提前完納苟能遵辦曷敢屢次瀆求惟

蘆商多年疲累課運實不能同時並籌況一年課帑所出全賴茶秋而尤以春運為根本現當春運喫緊已築運者尚未抵岸銀不

能回未築運者且須籌措鹽價繩芻運腳領告等項其上年未完帑利及帶徵歷年欠課亦均到限並須設法措交商力萬分拮据

今屆正課奏銷委難五月辦理懇援案展緩以顧春運該運司詳加體察確係實情若令照例完納必致力不能支徒事參迫

無裨實際請緩至十月啟徵仍可無誤京奉各餉等情具詳前來臣查長蘆正課前因商情艱窘疊次奏請展緩均已奉

旨允准但可依限催納豈容稍事稽延惟商累已深刻值告運喫緊實難兼顧課款相應援照歷屆成案續懇

天恩俯准將光緒十一年正課奏銷緩至十月辦理以恤商艱即

以保全課帑屆時當督飭運司認真催徵將奉撥京奉各餉仍於

年內解清斷不敢稍任遲誤理合恭摺具陳伏乞

皇太后
皇上聖鑒訓示謹
奏

奏稿五十三

署

周盛傳丁憂開缺摺 光緒十一年五月初十日

奏為湖南提督周盛傳聞訃丁憂懇

天恩給假百日回籍治喪仍留周盛波在營兼統以資鎮轄恭摺

仰祈

聖鑒事頃據總統盛字新軍及前敵各營遇缺題奏提督前涼州鎮總兵周盛波總統盛軍湖南提督周盛傳等呈稱接家信親母栗氏於四月二十五日在籍病故提督等係屬親子例應丁憂請遵員接統新舊各軍俾得奔喪回籍並請開缺等情前來臣查周盛傳自同治九年隨臣由陝西移軍來直督率所部布置海防歷年築新城造礮臺濬河屯田具有成效盛軍弁勇於西洋後膛礮用法尤極嫻熟足為各省防軍之冠皆該提督勤苦訓練而成周盛傳駐津以來僅於同治十一年歸省一次其後屢以母老乞假南旋臣以接替乏人未之許也周盛波勦平捻逆即解兵歸養去秋海防戒嚴經臣奏請

敕令募勇來津以資臂助並聲明法事定後再懇

恩准於兄弟二人中分一人歸養周盛波因母年已逾九旬左右

侍奉無人不願遠離臣再四敦促責以大義始勉強就道抵津後

臣檄飭統領盛字新軍並總統海口前敵各軍聯絡將領整頓操

防深資得力夏初該提督等以母氏衰病日甚請酌准一人南歸

臣以法約尚未簽押堅不放行擬俟軍務大定再申前說代懇

恩施而不意其遂成終天之憾矣周盛傳辭親十餘年而不能養

周盛波養母十餘年而不能終絕裾之痛皆臣迫之使然今稟請

離營情詞悲切聲淚俱下臣愧無言可以慰解惟盛軍新舊二十

餘營分紮小站馬廠等處拱衛

畿疆責任綦重若統將同時離營遇事無人主持渙散可慮該提督等兄弟二人必須留一於此俾資鈐束周盛波勇略兼優勳望夙著而寬和馭下尤能深得士心盛軍新舊各營將弁均係舊部恩信相孚必能指揮如意周盛傳在營十數載未歸遠道大故情尤可憫應懇

天恩

賞假百日准周盛傳回籍治喪以遂孝思所有盛軍新舊馬步各營即令周盛波在營穿孝暫行兼統以專責成俟周盛傳假滿回營再行酌辦至周盛傳係責任湖南提督可否俟百日日期滿改為署理俾資彈壓之處出自逾格

慈施所有統兵大員聞訃丁憂各緣由理合繕摺由驛具陳伏乞 皇太后

皇上聖鑒訓示謹 奏

奏稿五十三

哭

議展朝鮮電綫摺 光緒十一年五月初十日

奏為遵

旨籌議展設奉省至朝鮮陸路電綫酌擬辦法恭摺陳仰祈

聖鑒事竊臣承准軍機大臣字寄光緒十一年正月初六日奉

上諭吳大澂奏籌辦朝鮮善後事宜一摺稱由奉省籌款添設電

綫自旅順接至鳳凰城邊門外交界由邊界至朝鮮國都該國亦

頗樂從等語著李鴻章慶裕吳大澂通盤籌畫會商妥議奏明辦

理等因欽此旋准吳大澂等來咨轉據朝鮮國王咨稱擬自仁川

港起安設陸綫由漢城至義州達鳳凰城共一千三百里該國財

力一時難辦請由北洋籌借限年歸款等語臣查朝鮮為遼瀋屏

藩毗連俄日邊境內患外侮在在可虞必須及時接設電綫以通

信息而便調撥近年日本會託大北電報公司安置海綫由該國

西北海岸設起經對州以達於朝鮮釜山並問朝日訂約五條第

一條有陸綫承之字樣第二條有二十五年朝鮮政府不架設與

該海陸綫路對抗爭利之電綫並不准他國政府及會社布設海

底綫等語是朝鮮設電之權利已為日本所侵攘幸所設止釜山

一口且係水綫尚未展至陸路若不趕緊代為籌辦竊恐日本先

我為之將由釜山徑達漢城水陸綫索盡落他人手中高氣脈

不能靈通此次因朝王商請正當迎機善導為朝鮮保護陸綫之

權惟北洋經費枯竭而奉省亦無款可籌工料浩繁開辦不易當

飭總辦電局道員盛宣懷妥議具覆茲據該道議覆四條一曰籌

款中國前造津滬電綫水陸通計每里合銀六十五兩六錢有奇

今官綫已達瀋陽由瀋陽至鳳凰城四百八十里由鳳凰城至邊

門又一百十里如以津滬陸綫比較計需銀四萬兩自仁川至漢

城達義州以抵中國邊門據朝鮮咨稱合一千三百里計需銀八

萬五千兩月備添設馬山行軍電綫及常年修理各項銀一萬五

千兩其需銀十四萬兩如工料有可減省之處則撙節存儲以備

常年經費不得絲毫虛糜惟北洋與奉天實難籌款似舍滬關出

使經費外無可取實一曰定章朝鮮陸綫中國官為代辦易啟猜

忌或援照壬午年招商局代借辦法擬由中國電報總局代朝鮮

政府籌借公款銀十萬兩分限二十年按年由朝鮮歸還銀五千

兩仍由電報總局催收轉解北洋免其計息此綫既由中國電局

代為借款創造朝鮮還款未清之日應由中國電局代為管理以

期款項有著一曰分任華界電綫約六百里應在所籌款內撥銀

四萬兩責成北洋電報局選派熟手委員造辦併官局經理

其自仁川至邊門電綫約一千三百里應責成中國電報商局與

朝鮮政府立約派員辦理其測量打報學生均由電報學堂隨時

撥用一曰善後邊門以內電綫常年經費擬由東邊道就近籌畫

朝鮮之綫則造易而守難商報無多財力竭蹶雖於借款內極力

節省餘銀祇可留備修理而局費巡費每月需銀若干所收報費

抵用不敷應由朝鮮月籌津貼各局董事司事學生工匠人等目

前暫由中國電報局代為延雇以資熟手仍一面遴選朝人到局

學習以冀逐漸撤換俾垂久遠等情稟覆前來臣查所議各條尚

為切實周密查據江海關道邵友濂電稱出使經費存項尚周

轉擬請

救下總理衙門於出使經費項下暫行借撥銀十四萬兩以應急

需臣即檄飭督辦電局盛宣懷遴派熟悉電務妥幹之員馳赴朝

鮮先與妥議辦法訂立合同隨帶華洋工匠勘路繪圖一面購辦

物料趕緊開辦以期迅赴事機所有遵

旨籌議各緣由謹會同奉天將軍臣慶裕都察院左副都御史臣

吳大澂恭摺陳伏乞

皇太后

皇上聖鑒訓示謹

奏

奏稿五十三

聖

駐朝慶軍移駐旅順摺 光緒十一年五月十九日

奏為遵

旨撤回駐朝慶軍調紮旅順以資控扼而備援應恭摺仰祈

聖鑒事竊本年三月附中日訂約撤兵議自畫押蓋印之日起以

四箇月為期限內各行全數撤回旋准駐日使臣徐承祖電稱日

本外務卿井上謂駐朝中日兵丁屢次滋事恐釀巨案致乖友誼

兩國宜即派員往朝撤兵不必拘定期等語經臣轉電總理衙

門代奏欽奉四月初九日電

旨條約互易後兩國即撤駐朝防兵不必拘定期惟於撤兵之

先該大臣應照會日本同時並撤不得稍有先後等因欽此

聖訓精詳自應遵

旨妥辦徐承祖五月初一日來電接日本外務省文稱該國已於

奏稿五十三

二十六日派船往撤駐朝日兵仍暫留一百五十二名屆津約期

盡再撤臣恐其暫留之兵或有逗遛情事因電致徐承祖告以慶

軍不久即撤應速商外務將日兵同時全數撤回以踐原約十七

日接徐承祖回電日本先撤之兵現已回國日外務云暫留之兵

隨時可撤請將中國派船及撤兵日期電知以便同時盡撤各等

語臣查兩國撤兵限期扣至七月初四日屆滿為時已近今日本

在朝兵弁既經先撤回國其暫留之兵亦允與華軍同時並撤則

我軍自未便久留臣擬飭提督吳兆有督率各營官即將漢城內

慶軍左後副三營整備行隊拔赴馬山浦暫駐參將方正祥所帶

正營分駐水原之三哨亦次第拔赴馬山浦統於六月初七日在

該浦取齊候船內渡臣一面將撤兵日期電致徐承祖屬其知照

外務迅將日本暫留朝鮮之兵盡數撤回勿任其稍有先後致煩

聖慮惟朝鮮國勢危弱鄰環伺內憂外侮在在堪虞防軍不得不撤所以暫息爭端援軍不可不張所以遠作遠勢前准總理衙門函商朝鮮善後之策以旅順及鳳凰門外水陸兩路均宜有備慶軍撤回後應酌量移紮何處臣查由邊門至朝鮮王城千有餘里山徑崎嶇遇有警急勢難剋期赴援而由旅順乘輪抵馬山浦兩日可至自馬山水原以達漢城均慶軍熟由之路其險易要害皆所稔知且與北洋師船屯紮一處水陸相依聲援尤壯自以移駐旅順為宜因飭派海鏡官輪並酌調商輪兩艘陸續駛往限於六月初十日齊泊馬山浦將慶軍四營弁勇及軍裝馬匹子藥等件全數運回旅順即令分紮口內東西兩岸礮壘與該處舊有各營聯絡操防以資控馭而備援應所有撤回駐朝慶軍調紮旅順緣由謹繕摺由驛具陳伏乞

奏稿五十三

奏

皇太后

皇上聖鑒謹

奏

旅順金州調度片

光緒十一年五月十九日

再慶軍前中正三營向歸提督黃仕林統帶駐紮金州去冬因朝鮮有事抽調方正祥所帶正營前赴馬山浦駐紮今方正祥一營撤回旅順黃仕林所統前中兩營仍駐金州相距較遠難於兼顧應飭該提督將金州兩營拔赴旅順擇要併紮仍將正營照舊統轄以專責成惟金州僅有毅軍兩營稍嫌單薄因飭四川提督宋慶於旅順毅軍內酌撥一兩營調赴金州填紮與原有兩營聯絡操防以壯聲勢理合附片陳明伏乞

聖鑒謹

奏

奏稿五十三

奏

張樹聲建專祠摺 光緒十一年五月二十五日

奏為已故督臣勳勞卓著遺愛在民請建專祠以隆報享恭摺仰

聖鑒事據署布政使松椿詳稱據保定府知府朱靖旬詳據紳士

張清元等聯名呈稱前署直隸總督張樹聲以諸生從戎積功游

擢監司由江蘇徐海道升任直隸按察使清理庶獄勤政愛民羣

情翕服同治五年秋捻逆賴汝洸北犯張樹聲督隊出駐大名扼

守黃河擊退賊眾六年夏捻復北擾是時直省兵單馬賊旬結鹽

梟乘虛竊發內外交訌樹聲奉

旨駐紮直東交界之張秋鎮防勦兼施寢食俱廢冬閒賴逆就擒

方壹意專辦內賊西捻張總愚尋越太行而東涉冰渡河震驚

畿輔總督官文飛檄促樹聲回省比抵保陽賊已至清苑之大汲

店眾號二十萬首垣戒嚴樹聲以保陽為京師屏蔽密邇

西陵不可縱賊北竄夜縋出城商令勒王諸軍繞由滿城易州依

山而北迎頭邀截復出奇兵綴賊南旋從而尾擊之賊由河獻饒

武遁去

陵寢不驚燕郊安堵樹聲之力也七年春賊竄運東樹聲創協守

運河之議督飭民團沿河築長牆分段固守張總愚率眾猛撲景

州德州之交不得渡逆勢日蹙遂為官軍所殲直隸訟案之繁甲

於他省素多積壓自張樹聲勅立清訟冊式編定期功過章程

案無淹留獄無積斃至今踵行之民受其賜光緒八年樹聲在署

督任內奏撥巨款修築河隄沿河州縣雖大水皆獲有秋其積潦

之區如文大安雄各屬工賑兼施全活尤眾跡其生平宦轍由直

而晉而吳而粵所至有聲第就紳等所目擊而身受者臚舉大端

豐功美政深入人心三輔士民同聲頂祝允宜建祠報享以伸去
思乞轉詳入奏等情前來臣查張樹聲一介書生起家軍旅荷
累朝特達之知由道員洊領封圻去秋在廣東防次病歿仰蒙
優詔軫借

卹諡有加凡屬臣工同深欽感該督臣政蹟久在

聖明洞鑒之中無俟贅述而微臣愴念同袍追憶患難相從出入

行陣萬死一生之境終有不能已於言者張樹聲自為諸生即以

忠義倡率鄉團屢挫髮逆百折不回同治元年督師赴滬樹聲

號召同里敢戰之士如劉銘傳潘鼎新周盛波周盛傳等慷慨請

從臣令樹聲募樹字三營相隨東下其後增至六營泗涇之役樹

聲星夜赴敵督隊血戰擊退巨寇松滬肅清是為該督臣立功之

始福山一口由海外入常熟門戶也得福山而後常熟可守得常

熟而後蘇常可圖故在所必爭先是常昭降將殺賊獻城旋被圍

困福山亦得而復失四面皆賊援絕勢孤臣令張樹聲會同各軍

航海入援背水為營出賊不意尤為險著樹聲列隊於毛家山緊

逼賊壘肉薄相持與各軍輪番攻打遂克福山石城乘夜縱兵四

擊立解常昭之圍由是克復江陰規取無錫樹聲督率偏師且戰

且進節節滾紫勢如破竹無錫既復諸軍乘勝攻常州而宜興溧

陽丹陽各賊冒雨疾趨繞窺腹地分撲江陰常熟無錫各城翼撤

常州之圍臣飛檄張樹聲抽調勁旅三千橫紫江陰之焦墊青陽

以截歸路賊攻各城不克遂分屯楊庫周莊等處屢奪路而西輒

為樹軍截擊不得出漸飢窘乃夜馳三河口設浮橋六道為歸竄

計樹聲偕諸軍蹙之橫屍遍野溯水皆赤是役也俘賊二萬人淹

斃殺斃無算而樹聲一軍堵紫要隘斷賊歸路擒斬逾萬功為最

多江陰東南賊賊除既盡時常州城西賊營猶二十里樹聲與各軍次第帶蕩徑薄城下晝夜環攻臣親督將士分段猛撲樹軍由東城一鼓而上諸將亦奮勇先登遂克常州府城留樹聲六營守之江蘇肅清復移師赴浙進剿湖州之大鏡口攻克湖州府城計自臣治兵江南先後三年張樹聲身在行間大小數百戰疊克名城厥後臣督勦賴張兩股捻眾於直東之交張樹聲實左右之臨敵輒居人先論功常居人後蓋其天性謙遜而又澤以詩書文武兼資外和內介求之近世功名之士尤為難得該督臣年尚少臣一歲方期共濟時艱勉副

上聞以備

奏稿五十三

奏

采擇查近日吉林紳士呈請為富明阿建祠經吉林將軍希元奏

蒙 恩准今該紳等聯名呈請同係愛戴至誠合無仰懇

天恩俯准將前署直隸總督張樹聲在於直隸地方建立專祠以順輿情而隆報享至江蘇係該督臣勦賊立功首分應有祀典以勤勞臣可否

准其一體建祠出自逾格

恩施所有已故督臣請建專祠緣由理合恭摺具陳伏乞

皇太后

皇上聖鑒訓示施行謹

奏

和龍峪通商片 光緒十一年五月二十五日

再吉林與朝鮮互市貿易前經議定通商條款勘明朝鮮會甯府對岸和龍峪設立總局慶源府對岸西步江為珥春所屬毗連俄界設為分局又鍾城對岸光霽峪設為分卡揀派五品銜分發補用知縣秦煥為督理商務委員先後由吉林將軍會奏聲明該局卡每年應用經費由臣月行具奏在案茲准吉林將軍咨稱和龍峪等處通商非若奉省中江關與朝鮮義州相近者可歸地方官兼轄必須多派員役稽查且地接俄界時有函牘往來亦應酌用緝譯通事今擬和龍峪總局用督理委員一員隨員二員英文緝譯一員朝鮮俄羅斯通事各一名司事四名書識二名聽差六名西步江分局委員一員司事二名書識通事各一名聽差三名光霽峪分卡委員一員司事通事書識各一名聽差二名刊發總局

奏稿五十三

奏

木質關防分局卡木質鈴記各一顆以昭信守其委員緝譯通事司事聽差應給薪水工食暨新設局卡應各修建房屋並各造大號渡船一隻需款浩繁吉林無款可籌咨請查照前案由臣核奏等因前來臣查和龍峪等處甫經辦商務地方荒僻百物昂貴迥非內地可比且時有與朝鮮俄羅斯交涉事件一切因公支應難以預計查原訂朝鮮貿易章程載明商務委員應用經費均歸自備從前館宇餼廩芻糧迎送等費悉予罷除既已禁其供億自應從寬酌給薪費以資辦公除應行建造局卡房屋渡船雇用水手置備器具等項據該將軍咨稱擬由吉省公款內先行借墊銀一萬兩發交督理委員秦煥承領估辦俟事竣核實造報外所有委員緝譯等項薪水工食應由吉林將軍核定數目給領分咨查照其心紅紙張及一切因公用款應由督理委員撙節動支按年



ZW 21101000584836

續修四庫全書 史部 詔令奏議類

造冊詳請將軍咨報總理衙門核銷此項經費吉省既無戶款可
 籌應請援照朝鮮商務委員成案暫在出使經費內動用就近由
 山海關按結在洋稅應解出使項下匯撥銀三千兩解由吉林將
 軍就款核實樽節支發按年奏銷仍俟試辦三年後彙核所收進
 出口稅項能否足敷各局卡用度不致再動出使經費屆時察酌
 情形會商具奏此外如有應行變通增減之處隨時由吉林將軍
 酌核辦理該局卡地處極邊諸事創始各委員等於睦鄰恤藩惠
 商緝奸諸務果能辦有成效准其援照奏派朝鮮商務委員成案
 三年後擇尤請獎以昭激勸是否有當伏乞
 聖鑒訓示敕部知照謹會同吉林將軍臣希元合詞附片具
 奏

奏稿五十三

卒

李文忠公奏稿卷五十三